

॥ नमो तस्स भगवतो अरहतो सम्मासम्बुद्धस्स ॥

खुद्दकनिकाये

महानिदेसपाळि

१. अडुकवग्गो

१. कामसुत्तनिदेसो

१. कामं कामयमानस्स, तस्स चे तं समिज्झति ।
अद्धा पीतिमनो होति, लद्धा मच्चो यदिच्छति ॥

कामं कामयमानस्साति कामाति उद्दानतो द्वे कामा — वत्थुकामा च किलेसकामा च । कतमे वत्थुकामा? मनापिका रूपा मनापिका सद्दा मनापिका गन्धा मनापिका रसा मनापिका फोड्डब्बा; अत्थरणा पावुरणा [पापुरणा (सी० स्या०)] दासिदासा अजेळका कुक्कुटसूकरा हत्थिगवास्सवळवा खेतं वत्थु हिरज्जं सुवण्णं गामनिगमराजधानियो रट्ठज्ज जनपदो च कोसो च कोट्टागारज्ज, यं किज्जि रजनीयं वत्थु — वत्थुकामा ।

अपि च अतीता कामा अनागता कामा पच्चुप्पन्ना कामा; अज्झत्ता कामा बहिद्धा कामा अज्झत्तबहिद्धा कामा; हीना कामा मज्झिमा कामा पणीता कामा; आपायिका कामा मानुसिका कामा दिब्बा कामा पच्चुपट्ठिता कामा; निम्मिता कामा अनिम्मिता कामा परनिम्मिता कामा; परिग्गहिता कामा, अपरिग्गहिता कामा, ममायिता कामा, अममायिता कामा; सब्बेपि कामावचरा धम्मा, सब्बेपि रूपावचरा धम्मा, सब्बेपि अरूपावचरा धम्मा, तण्हावत्थुका तण्हारम्मणा कामनीयट्ठेन रजनीयट्ठेन मदनीयट्ठेन कामा — इमे वुच्चन्ति वत्थुकामा ।

कतमे किलेसकामा? छन्दो कामो रागो कामो छन्दरागो कामो; सङ्कप्पो कामो रागो कामो सङ्कप्परागो कामो; यो कामेसु कामच्छन्दो कामरागो कामनन्दी कामतण्हा कामस्नेहो कामपरिळाहो काममुच्छा कामज्झोसानं कामोघो कामयोगो कामुपादानं कामच्छन्दनीवरणं ।

“अदसं काम ते मूलं, सङ्कप्पा काम जायसि ।

न तं सङ्कप्पयिस्सामि, एवं काम न होहिस्सी”ति [न हेहिस्सीति (स्या०)] ॥ —

इमे वुच्चन्ति किलेसकामा । कामयमानस्साति कामयमानस्स इच्छमानस्स सादियमानस्स पत्थयमानस्स पिहयमानस्स अभिजप्पमानस्साति — कामं कामयमानस्स ।

तस्स चे तं समिज्झतीति । तस्स चेति तस्स खत्तियस्स वा ब्राह्मणस्स वा वेस्सस्स वा सुद्धस्स वा गहट्ठस्स वा पब्बजितस्स वा देवस्स वा मनुस्सस्स वा । तन्ति वत्थुकामा वुच्चन्ति — मनापिका रूपा मनापिका सद्दा मनापिका गन्धा मनापिका रसा मनापिका फोड्डब्बा । समिज्झतीति इज्झति समिज्झति लभति पटिलभति अधिगच्छति विन्दतीति — तस्स

चे तं समिञ्जति ।

अद्धा पीतिमनो होतीति । अद्धाति एकंसवचनं निस्संसयवचनं निक्कङ्खावचनं अद्वेज्झवचनं अद्वेळ्हकवचनं नियोगवचनं अपण्णकवचनं अवत्थापनवचनमेतं — अद्धाति । **पीतीति** या पञ्चकामगुणपटिसञ्जुत्ता पीति पामुज्जं आमोदना पमोदना हासो पहासो वित्ति तुट्ठि ओदग्यं अत्तमनता अभिफरणता चित्तस्स । **मनोति** यं चित्तं मनो मानसं हृदयं पण्डरं मनो मनायतनं मनिन्द्रियं विज्जाणं विज्जाणक्खन्धो तज्जा मनोविज्जाणधातु, अयं वुच्चति मनो । अयं मनो इमाय पीतिया सहगतो होति सहजातो संसङ्गो सम्पयुत्तो एकुप्पादो एकनिरोधो एकवत्थुको एकारम्मणो । **पीतिमनो होतीति** पीतिमनो होति तुट्ठमनो हट्ठमनो पहट्ठमनो अत्तमनो उदग्गमनो मुदितमनो पमोदितमनो होतीति — अद्धा पीतिमनो होति ।

लद्धा मच्चो यदिच्छतीति । लद्धाति लभित्वा पटिलभित्वा अधिगन्त्वा विन्दित्वा । **मच्चोति** सत्तो नरो मानवो पोसो पुग्गलो जीवो जागु [जातु (स्या०), जगु (क०)] जन्तु इन्दगु [हिन्दगू (सी० स्या०)] मनुजो । **यदिच्छतीति** यं इच्छति यं सादियति यं पत्थेति यं पिहेति यं अभिजप्पति, रूपं वा सद्दं वा गन्धं वा रसं वा फोड्डब्बं वाति, लद्धा मच्चो यदिच्छति ।

तेनाह भगवा —

“कामं कामयमानस्स, तस्स चे तं समिञ्जति ।

अद्धा पीतिमनो होति, लद्धा मच्चो यदिच्छती”ति ॥

२. तस्स चे कामयानस्स, छन्दजातस्स जन्तुनो ।

ते कामा परिहायन्ति, सल्लविद्धोव रुप्पति ॥

तस्स चे कामयानस्साति । तस्स चेति तस्स खत्तियस्स वा ब्राह्मणस्स वा वेस्सस्स वा सुद्धस्स वा गहट्ठस्स वा पब्बजितस्स वा देवस्स वा मनुस्सस्स वा । **कामयानस्साति** कामे इच्छमानस्स सादियमानस्स पत्थयमानस्स पिहयमानस्स अभिजप्पमानस्स । अथ वा कामतण्हाय यायति निय्यति वुहति संहरीयति । यथा हत्थियानेन वा अस्सयानेन वा गोयानेन वा अजयानेन वा मेण्डयानेन वा ओड्डयानेन वा खरयानेन वा यायति निय्यति वुहति संहरीयति; एवमेवं कामतण्हाय यायति निय्यति वुहति संहरीयतीति — तस्स चे कामयानस्स ।

छन्दजातस्स जन्तुनोति । छन्दोति यो कामेसु कामच्छन्दो कामरागो कामनन्दी कामतण्हा कामस्नेहो कामपरिळाहो काममुच्छा कामज्झोसानं कामोघो कामयोगो कामुपादानं कामच्छन्दनीवरणं, तस्स सो कामच्छन्दो जातो होति सज्जातो निब्बत्तो अभिनिब्बत्तो पातुभूतो । **जन्तुनोति** सत्तस्स नरस्स मानवस्स पोसस्स पुग्गलस्स जीवस्स जागुस्स जन्तुस्स इन्दगुस्स मनुजस्साति — छन्दजातस्स जन्तुनो ।

ते कामा परिहायन्तीति — ते वा कामा परिहायन्ति, सो वा कामेहि परिहायति । कथं ते कामा परिहायन्ति? तस्स तिट्ठन्तस्सेव ते भोगे राजानो वा हरन्ति, चोरा वा हरन्ति, अग्नि वा दहति, उदकं वा वहति, अप्पिया वा दायादा हरन्ति, निहितं वा नाधिगच्छति, दुप्पयुत्ता वा कम्मन्ता भिज्जन्ति, कुले वा कुलङ्गारो उप्पज्जति, यो ते भोगे विकिरति विधमति [विधमेति (स्या०)] विद्धंसेति अनिच्चतायेव अट्ठमी । एवं ते कामा हायन्ति परिहायन्ति परिधंसेन्ति परिपतन्ति अन्तरधायन्ति विप्पलुज्जन्ति । कथं सो कामेहि परिहायति? तिट्ठन्तेव ते भोगे सो चवति मरति विप्पलुज्जति । एवं सो

कामेहि हायति परिहायति परिधंसेति परिपतति अन्तरधायति विप्पलुज्जति ।

चोरा हरन्ति राजानो, अग्निं दहति नस्सति ।

अथ अन्तेन जहति [अथो अन्तेन हेति (स्या०), असहन्तेन दहति (क०)], सरीरं सपरिग्गहं ।

एतदज्जाय मेधावी, भुज्जेथ च ददेथ च ॥

दत्त्वा च भुत्वा च यथानुभावं, अनिन्दितो सग्गमुपेति ठानन्ति, ते कामा परिहायन्ति ।

सल्लविद्धोव रुप्पतीति । यथा अयोमयेन वा सल्लेन विद्धो, अट्टिमयेन वा सल्लेन दन्तमयेन वा सल्लेन विसाणमयेन वा सल्लेन कट्टमयेन वा सल्लेन विद्धो रुप्पति कुप्पति घट्टीयति पीळीयति, ब्याधितो दोमनस्सितो होति, एवमेव वत्थुकामानं विपरिणामज्जथाभावा उप्पज्जन्ति सोकपरिदेवदुक्खदोमनस्सुपायासा । सो कामसल्लेन च सोकसल्लेन च विद्धो, रुप्पति कुप्पति घट्टीयति पीळीयति ब्याधितो दोमनस्सितो होतीति — सल्लविद्धोव रुप्पति ।

तेनाह भगवा —

“तस्स चे कामयानस्स, छन्दजातस्स जन्तुनो ।

ते कामा परिहायन्ति, सल्लविद्धोव रुप्पती”ति ॥

३. यो कामे परिवज्जेति, सप्पस्सेव पदा सिरो ।

सोमं विसत्तिकं लोके, सतो समतिवत्तति ॥

यो कामे परिवज्जेतीति । योति यो यादिसो यथायुत्तो यथाविहितो यथापकारो यंठानप्पत्तो यंधम्मसमन्नागतो खत्तियो वा ब्राह्मणो वा वेस्सो वा सुहो वा गहट्ठो वा पब्बजितो वा देवो वा मनुस्सो वा । **कामे परिवज्जेतीति** । **कामाति** उद्धानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । **कामे परिवज्जेतीति** द्वीहि कारणेहि कामे परिवज्जेति — विक्खम्भनतो वा समुच्छेदतो वा । कथं विक्खम्भनतो कामे परिवज्जेति? “अट्टिकङ्कलूपमा कामा अप्पस्सादट्ठेना”ति पस्सन्तो विक्खम्भनतो कामे परिवज्जेति, “मंसपेसूपमा कामा बहुसाधारणट्ठेना”ति पस्सन्तो विक्खम्भनतो कामे परिवज्जेति, “तिणुकूपमा कामा अनुदहनट्ठेना”ति पस्सन्तो विक्खम्भनतो कामे परिवज्जेति, “अङ्गारकासूपमा कामा महापरिळाहट्ठेना”ति पस्सन्तो विक्खम्भनतो कामे परिवज्जेति, “सुपिनकूपमा कामा इत्तरपच्चुपट्ठानट्ठेना”ति पस्सन्तो विक्खम्भनतो कामे परिवज्जेति, “याचितकूपमा कामा तावकालिकट्ठेना”ति पस्सन्तो विक्खम्भनतो कामे परिवज्जेति, “रुक्खफलूपमा कामा सम्भज्जनपरिभज्जनट्ठेना”ति पस्सन्तो विक्खम्भनतो कामे परिवज्जेति, “असिसूनूपमा कामा अधिकुट्टनट्ठेना”ति [अधिकन्तनट्ठेनाति (स्या०)] पस्सन्तो विक्खम्भनतो कामे परिवज्जेति, “सत्तिसूलूपमा कामा विनिविज्जनट्ठेना”ति पस्सन्तो विक्खम्भनतो कामे परिवज्जेति, “सप्पसिरूपमा कामा सप्पटिभयट्ठेना”ति पस्सन्तो विक्खम्भनतो कामे परिवज्जेति, “अगिक्खन्धूपमा कामा महाभितापनट्ठेना”ति पस्सन्तो विक्खम्भनतो कामे परिवज्जेति ।

बुद्धानुस्सतिं भावेन्तोपि विक्खम्भनतो कामे परिवज्जेति, धम्मानुस्सतिं भावेन्तोपि...पे०... सङ्गानुस्सतिं भावेन्तोपि... सीलानुस्सतिं भावेन्तोपि... चागानुस्सतिं भावेन्तोपि... देवतानुस्सतिं भावेन्तोपि... आनापानस्सतिं [आनापानसतिं (सी०)]

भावेन्तोपि... मरणस्सति भावेन्तोपि... कायगतासति भावेन्तोपि... उपसमानुस्सति भावेन्तोपि विक्खम्भनतो कामे परिवज्जेति ।

पठमं ज्ञानं भावेन्तोपि विक्खम्भनतो कामे परिवज्जेति, दुतियं ज्ञानं भावेन्तोपि... पे०... ततियं ज्ञानं भावेन्तोपि... चतुत्थं ज्ञानं भावेन्तोपि... आकासानञ्जायतनसमापत्तिं भावेन्तोपि... विज्जाणञ्जायतनसमापत्तिं भावेन्तोपि... आकिञ्चञ्जायतनसमापत्तिं भावेन्तोपि ... नेवसञ्जानासञ्जायतनसमापत्तिं भावेन्तोपि विक्खम्भनतो कामे परिवज्जेति । एवं विक्खम्भनतो कामे परिवज्जेति ।

कथं समुच्छेदतो कामे परिवज्जेति? सोतापत्तिमगं भावेन्तोपि अपायगमनीये कामे समुच्छेदतो परिवज्जेति, सकदागामिमगं भावेन्तोपि ओळारिके कामे समुच्छेदतो परिवज्जेति, अनागामिमगं भावेन्तोपि अनुसहगते कामे समुच्छेदतो परिवज्जेति, अरहत्तमगं भावेन्तोपि सब्बेन सब्बं सब्बथा सब्बं असेसं निस्सेसं समुच्छेदतो कामे परिवज्जेति । एवं समुच्छेदतो कामे परिवज्जेतीति — यो कामे परिवज्जेति ।

सप्पस्सेव पदा सिरोति । सप्पो वुच्चति अहि । केनट्टेन सप्पो? संसप्पन्तो गच्छतीति सप्पो; भुजन्तो गच्छतीति भुजगो; उरेन गच्छतीति उरगो; पन्नसिरो गच्छतीति पन्नगो; सिरेन सुपतीति [सप्पतीति (क०)] सरीसपो [सिरिसपो (सी०)]; बिले सयतीति बिलासयो; गुहायं सयतीति गुहासयो; दाठा तस्स आवुधोति दाठावुधो; विसं तस्स घोरन्ति घोरविसो; जिह्वा तस्स दुविधाति द्विजिह्वो; द्वीहि जिह्वाहि रसं सायतीति द्विरसञ्जू । यथा पुरिसो जीवितुकामो अमरितुकामो सुखकामो दुक्खपटिक्कूलो पादेन सप्पसिरं वज्जेय्य विवज्जेय्य परिवज्जेय्य अभिनिवज्जेय्य; एवमेव सुखकामो दुक्खपटिक्कूलो कामे वज्जेय्य विवज्जेय्य परिवज्जेय्य अभिनिवज्जेय्याति — सप्पस्सेव पदा सिरो ।

सोमं विसत्तिकं लोके, सतो समतिवत्ततीति । सोति यो कामे परिवज्जेति । विसत्तिका वुच्चति तण्हा । यो रागो सारागो अनुनयो अनुरोधो नन्दी नन्दिरागो, चित्तस्स सारागो इच्छा मुच्छा अज्झोसानं गेधो पल्लिगेधो [पळिगेधो (सी०)] सङ्गो पङ्को, एजा माया जनिका सञ्जननी सिब्बिनी जालिनी सरिता विसत्तिका, सुत्तं विसता आयूहिनी [आयूहिनी (सी० स्या०)] दुतिया पणिधि भवनेत्ति, वनं वनथो सन्धवो स्नेहो अपेक्खा पटिबन्धु, आसा आसीसना आसीसितत्तं, रूपासा सद्दासा गन्धासा रसासा फोडुब्बासा, लाभासा जनासा पुत्तासा जीवितासा, जप्पा पजप्पा अभिजप्पा जप्पना जप्पितत्तं लोलुपुं लोलुप्पायना लोलुप्पायितत्तं पुच्छज्जिकता साधुकम्यता, अधम्मरागो विसमलोभो निकन्ति निकामना पत्थना पिहना सम्पत्थना, कामतण्हा भवतण्हा विभवतण्हा, रूपतण्हा अरूपतण्हा निरोधतण्हा, रूपतण्हा सद्दतण्हा गन्धतण्हा रसतण्हा फोडुब्बतण्हा धम्मतण्हा, ओघो योगो गन्थो उपादानं आवरणं नीवरणं छदनं बन्धनं, उपक्किलेसो अनुसयो परियुट्ठानं लता वेविच्छं, दुक्खमूलं दुक्खनिदानं दुक्खप्पभवो मारपासो मारबळिसं मारविसयो, तण्हानदी तण्हाजालं तण्हागदुलं तण्हासमुद्धो अभिज्झा लोभो अकुसलमूलं ।

विसत्तिकाति । केनट्टेन विसत्तिका? विसताति विसत्तिका; विसालाति विसत्तिका; विसटाति विसत्तिका; विसक्कतीति विसत्तिका; विसंहरतीति विसत्तिका; विसंवादिकाति विसत्तिका; विसमूलाति विसत्तिका; विसफलाति विसत्तिका; विसपरिभोगोति विसत्तिका; विसाला वा पन सा तण्हा रूपे सद्दे गन्धे रसे फोडुब्बे, कुले गणे आवासे लाभे यसे, पसंसाय सुखे चीवरे पिण्डपाते सेनासने गिलानपच्चयभेसज्जपरिक्खारे, कामधातुया रूपधातुया अरूपधातुया, कामभवे रूपभवे अरूपभवे, सञ्जाभवे असञ्जाभवे नेवसञ्जानासञ्जाभवे, एकवोकारभवे चतुवोकारभवे पञ्चवोकारभवे, अतीते अनागते पच्चुप्पन्ने, दिट्ठसुतमुतविज्जातब्बेसु धम्मेषु विसटा वित्थताति विसत्तिका ।

लोकेति अपायलोके मनुस्सलोके देवल्लोके, खन्धलोके धातुलोके आयतनलोके । सतोति चतूहि कारणेहि सतो — काये कायानुपस्सनासतिपट्टानं भावेन्तो सतो, वेदनासु...पे०... चित्ते... धम्मेषु धम्मानुपस्सनासतिपट्टानं भावेन्तो सतो ।

अपरेहिपि चतूहि कारणेहि सतो — असतिपरिवज्जनाय सतो, सतिकरणीयानं धम्मानं कतत्ता सतो, सतिपरिबन्धानं धम्मानं हतत्ता सतो, सतिनिमित्तानं धम्मानं असम्मुट्ठत्ता सतो ।

अपरेहिपि चतूहि कारणेहि सतो — सतिया समन्नागतत्ता सतो, सतिया वसितत्ता सतो, सतिया पागुज्जताय सतो, सतिया अपच्चोरोहणताय [अपच्चोरोपनताय (सी०)] सतो ।

अपरेहिपि चतूहि कारणेहि सतो — सत्तत्ता सतो, सन्तत्ता सतो, समितत्ता सतो, सन्तधम्मसमन्नागतत्ता सतो । बुद्धानुस्सतिया सतो, धम्मानुस्सतिया सतो, सङ्गानुस्सतिया सतो, सीलानुस्सतिया सतो, चागानुस्सतिया सतो, देवतानुस्सतिया सतो, आनापानस्सतिया सतो, मरणस्सतिया सतो, कायगतासतिया सतो, उपसमानुस्सतिया सतो । या सति अनुस्सति पटिस्सति सति सरणता धारणता अपिलापनता असम्मुस्सनता सति सतिन्द्रियं सतिबलं सम्मासति सतिसम्बोज्झङ्गो एकायनमग्गो, अयं वुच्चति सति । इमाय सतिया उपेतो होति समुपेतो उपगतो समुपगतो उपपन्नो समुपपन्नो समन्नागतो, सो वुच्चति सतो ।

सोमं विसत्तिकं लोके, सतो समतिवत्ततीति । लोके वा सा विसत्तिका, लोके वा तं विसत्तिकं सतो तरति उत्तरति पतरति समतिक्कमति वीतिवत्ततीति — सोमं विसत्तिकं लोके, सतो समतिवत्तति ।

तेनाह भगवा —

“यो कामे परिवज्जेति, सप्पस्सेव पदा सिरो ।
सोमं विसत्तिकं लोके, सतो समतिवत्तती”ति ॥

४. खेत्तं वत्थुं हिरज्जं वा, गवास्सं दासपोरिसं ।
थियो बन्धू पुथु कामे, यो नरो अनुगिज्झति ॥

खेत्तं वत्थुं हिरज्जं वाति । खेत्तन्ति सालिकखेत्तं वीहिकखेत्तं मुग्गकखेत्तं मासकखेत्तं यवकखेत्तं गोधुमकखेत्तं तिलकखेत्तं । वत्थुन्ति घरवत्थुं कोट्टकवत्थुं पुरेवत्थुं पच्छावत्थुं आरामवत्थुं विहारवत्थुं । हिरज्जन्ति हिरज्जं वुच्चति कहापणोति — खेत्तं वत्थुं हिरज्जं वा ।

गवास्सं दासपोरिसन्ति । गवन्ति गवा [गावो (क०)] वुच्चन्ति । अस्साति पसुकादयो वुच्चन्ति । दासाति चत्तारो दासा — अन्तोजातको दासो, धनक्कीतको दासो, सामं वा दासब्बं उपेति, अकामको वा दासविसयं उपेति ।

“आमाय दासापि भवन्ति हेके, धनेन कीतापि भवन्ति दासा ।
सामञ्च एके उपयन्ति दास्यं, भयापनुण्णापि भवन्ति दासा”ति ॥

पुरिसाति तयो पुरिसा — भतका, कम्मकरा, उपजीविनोति — गवास्सं दासपोरिसं ।

थियो बन्धू पुथु कामेति । थियोति इत्थिपरिग्गहो वुच्चति । बन्धूति चत्तारो बन्धू — जातिबन्धवापि बन्धू, गोत्तबन्धवापि बन्धू, मन्तबन्धवापि बन्धू, सिप्पबन्धवापि बन्धू । पुथु कामेति बहू कामे । एते पुथु कामा मनापिका रूपा... पे०... मनापिका फोढुब्बाति — थियो बन्धू पुथु कामे ।

यो नरो अनुगिज्झतीति । योति यो यादिसो यथायुत्तो यथाविहितो यथापकारो यंठानप्पत्तो यंधम्मसमन्नागतो खत्तियो वा ब्राह्मणो वा वेस्सो वा सुद्धो वा गहट्ठो वा पब्बजितो प्वा देवो वा मनुस्सो वा । नरोति सत्तो नरो मानवो पोसो पुग्गलो जीवो जागु जन्तु इन्दगु मनुजो । अनुगिज्झतीति किलेसकामेन वत्थुकामेसु गिज्झति अनुगिज्झति पल्लिगिज्झति पल्लिबज्झतीति — यो नरो अनुगिज्झति ।

तेनाह भगवा —

“खेत्तं वत्थुं हिरज्जं वा, गवास्सं दासपोरिसं ।
थियो बन्धू पुथु कामे, यो नरो अनुगिज्झती”ति ॥

५. अबला नं बलीयन्ति, महन्ते नं परिस्सया ।
ततो नं दुक्खमन्वेति, नावं भिन्नमिवोदकं ॥

अबला नं बलीयन्तीति । अबलाति अबला किलेसा दुब्बला अप्पबला अप्पथामका हीना निहीना () [(परिहीना) (सी० स्या०)] ओमका लामका छतुक्का परित्ता । ते किलेसा तं पुग्गलं सहन्ति परिसहन्ति अभिभवन्ति अज्झोत्थरन्ति परियादियन्ति महन्तीति, एवम्पि अबला नं बलीयन्ति । अथ वा, अबलं पुग्गलं दुब्बलं अप्पबलं अप्पथामकं हीनं निहीनं ओमकं लामकं छतुक्कं परित्तं, यस्स नत्थि सद्भाबलं वीरियबलं सतिबलं समाधिबलं पज्जाबलं हिरिबलं ओत्तप्पबलं । ते किलेसा तं पुग्गलं सहन्ति परिसहन्ति अभिभवन्ति अज्झोत्थरन्ति परियादियन्ति महन्तीति — एवम्पि अबला नं बलीयन्तीति ।

महन्ते नं परिस्सयाति । द्वे परिस्सया — पाकटपरिस्सया च पटिच्छन्नपरिस्सया च । कतमे पाकटपरिस्सया? सीहा ब्यग्घा दीपी अच्छा तरच्छा कोका महिंसा [महिंसा (सी० स्या०)] हत्थी अहिविच्छिका सतपदी, चोरा वा अस्सु मानवा वा कतकम्मा वा अकतकम्मा वा, चक्खुरोगो सोतरोगो घानरोगो जिह्वारोगो कायरोगो सीसरोगो कण्णरोगो मुखरोगो दन्तरोगो, कासो सासो पिनासो डाहो जरो, कुच्छिरोगो मुच्छा पक्खन्दिका सूला विसूचिका, कुट्ठं गण्डो किलासो सोसो अपमारो, दद्दु कण्डु कच्छु खससा [खससा (क०)] वितच्छिका लोहितपित्तं, मधुमेहो अंसा पिळका भगन्दला, पित्तसमुट्ठाना आबाधा सेम्हसमुट्ठाना आबाधा वातसमुट्ठाना आबाधा सन्निपातिका आबाधा उत्तुपरिणामजा आबाधा विसमपरिहारजा आबाधा, ओपक्कमिका आबाधा कम्मविपाकजा आबाधा, सीतं उण्हं जिघच्छा पिपासा उच्चारो पस्सावो डंसमकसवातातपसरीसपसम्फस्सा इति वा — इमे वुच्चन्ति पाकटपरिस्सया ।

कतमे पटिच्छन्नपरिस्सया? कायदुच्चरितं वचीदुच्चरितं मनोदुच्चरितं, कामच्छन्दनीवरणं व्यापादनीवरणं थिनमिद्धनीवरणं उद्धच्चक्कुक्कुच्चनीवरणं विचिकिच्छानीवरणं, रागो दोसो मोहो कोधो उपनाहो मक्खो पळासो इस्सा मच्छरियं, माया साठेय्यं थम्भो सारम्भो मानो अतिमानो मदो पमादो, सब्बे किलेसा सब्बे दुच्चरिता सब्बे दरथा सब्बे परिळाहा सब्बे सन्तापा सब्बाकुसलाभिसङ्गारा — इमे वुच्चन्ति पटिच्छन्नपरिस्सया ।

परिस्सयाति केनट्ठेन परिस्सया? परिहन्तीति परिस्सया, परिहानाय संवत्तन्तीति परिस्सया, तत्रासयाति परिस्सया । कथं परिहन्तीति परिस्सया? ते परिस्सया तं पुगगलं सहन्ति परिहन्ति अभिभवन्ति अज्झोत्थरन्ति परियादियन्ति मद्दन्ति । एवं परिहन्तीति परिस्सया । कथं परिहानाय संवत्तन्तीति परिस्सया? ते परिस्सया कुसलानं धम्मानं अन्तरायाय परिहानाय संवत्तन्ति । कतमेसं कुसलानं धम्मानं? सम्मापटिपदाय अनुलोमपटिपदाय अपच्चनीकपटिपदाय अविरुद्धपटिपदाय अन्वत्थपटिपदाय धम्मानुधम्मपटिपदाय, सीलेसु परिपूरिकारिताय इन्द्रियेसु गुत्तद्वारताय भोजने मत्तञ्जुताय, जागरियानुयोगस्स सतिसम्पजज्जस्स, चतुन्नं सतिपट्टानानं भावनानुयोगस्स चतुन्नं सम्मप्पधानानं भावनानुयोगस्स चतुन्नं इद्धिपादानं भावनानुयोगस्स, पच्चन्नं इन्द्रियानं भावनानुयोगस्स पच्चन्नं बलानं भावनानुयोगस्स, सत्तन्नं बोज्झङ्गानं भावनानुयोगस्स अरियस्स अट्ठङ्गिकस्स मग्गस्स भावनानुयोगस्स — इमेसं कुसलानं धम्मानं अन्तरायाय परिहानाय संवत्तन्ति । एवं परिहानाय संवत्तन्तीति — परिस्सया ।

कथं तत्रासयाति परिस्सया? तत्थेते पापका अकुसला धम्मा उप्पज्जन्ति अत्तभावसन्निस्सया । यथा बिले बिलासया पाणा सयन्ति, दके दकासया पाणा सयन्ति, वने वनासया पाणा सयन्ति, रुक्खे रुक्खासया पाणा सयन्ति, एवमेव तत्थेते पापका अकुसला धम्मा उप्पज्जन्ति अत्तभावसन्निस्सया । एवम्पि तत्रासयाति — परिस्सया ।

वुत्तज्हेतं भगवता —

“सान्तेवासिको, भिक्खवे, भिक्खु साचरियको दुक्खं न फासु विहरति । कथञ्च, भिक्खवे, भिक्खु सान्तेवासिको साचरियको दुक्खं न फासु विहरति? इध, भिक्खवे, भिक्खुनो चक्खुना रूपं दिस्वा उप्पज्जन्ति ये पापका अकुसला धम्मा सरसङ्कप्पा सञ्जोजनिया, त्यस्स अन्तो वसन्ति अन्वासवन्ति पापका अकुसला धम्माति — तस्मा सान्तेवासिकोति वुच्चति । ते नं समुदाचरन्ति । समुदाचरन्ति नं पापका अकुसला धम्माति — तस्मा साचरियकोति वुच्चति ।

“पुन चपरं, भिक्खवे, भिक्खुनो सोतेन सद्धं सुत्वा, घानेन गन्धं घायित्वा, जिह्वाय रसं सायित्वा, कायेन फोडुब्बं फुसित्वा, मनसा धम्मं विज्जाय उप्पज्जन्ति ये पापका अकुसला धम्मा सरसङ्कप्पा सञ्जोजनिया, त्यस्स अन्तो वसन्ति अन्वासवन्ति पापका अकुसला धम्माति — तस्मा सान्तेवासिकोति वुच्चति । ते नं समुदाचरन्ति । समुदाचरन्ति नं पापका अकुसला धम्माति — तस्मा साचरियकोति वुच्चति । एवं खो, भिक्खवे, भिक्खु सान्तेवासिको साचरियको दुक्खं न फासु विहरती’ति । एवम्पि तत्रासयाति — परिस्सया ।

वुत्तज्हेतं भगवता —

“तयोमे, भिक्खवे, अन्तरामला — अन्तराअमित्ता अन्तरासपत्ता अन्तरावधका अन्तरापच्चत्थिका । कतमे तयो? लोभो, भिक्खवे, अन्तरामलं [अन्तरामलो (स्या०)] अन्तराअमित्तो अन्तरासपत्तो अन्तरावधको अन्तरापच्चत्थिको । दोसो... पे०... मोहो, भिक्खवे, अन्तरामलं अन्तराअमित्तो अन्तरासपत्तो अन्तरावधको अन्तरापच्चत्थिको । इमे खो, भिक्खवे, तयो अन्तरामला — अन्तराअमित्ता अन्तरासपत्ता अन्तरावधका अन्तरापच्चत्थिका ।

“अनत्थजननो लोभो, लोभो चित्तप्पकोपनो ।

भयमन्तरतो जातं, तं जनो नावबुज्झति ॥

“लुब्धो अत्थं न जानाति, लुब्धो धम्मं न पस्सति ।
अन्धन्तमं [अन्धतमं (स्या० क०)] तदा होति, यं लोभो सहते नरं ॥

“अनत्थजननो दोसो, दोसो चित्तप्पकोपनो ।
भयमन्तरतो जातं, तं जनो नावबुज्झति ॥

“कुब्धो अत्थं न जानाति, कुब्धो धम्मं न पस्सति ।
अन्धन्तमं तदा होति, यं दोसो सहते नरं ॥

“अनत्थजननो मोहो, मोहो चित्तप्पकोपनो ।
भयमन्तरतो जातं, तं जनो नावबुज्झति ॥

“मूळ्हो अत्थं न जानाति, मूळ्हो धम्मं न पस्सति ।
अन्धन्तमं तदा होति, यं मोहो सहते नरं”न्ति ॥

एवम्पि तत्रासयाति — परिस्सया ।

वुत्तम्पि हेतं भगवता — “तयो खो, महाराज, पुरिसस्स धम्मा अज्झत्तं उप्पज्जमाना उप्पज्जन्ति, अहिताय दुक्खाय अफासुविहाराय । कतमे तयो? लोभो खो, महाराज, पुरिसस्स धम्मो अज्झत्तं उप्पज्जमानो उप्पज्जति, अहिताय दुक्खाय अफासुविहाराय । दोसो खो, महाराज...पे०... मोहो खो, महाराज, पुरिसस्स धम्मो अज्झत्तं उप्पज्जमानो उप्पज्जति, अहिताय दुक्खाय अफासुविहाराय । इमे खो, महाराज, तयो पुरिसस्स धम्मा अज्झत्तं उप्पज्जमाना उप्पज्जन्ति, अहिताय दुक्खाय अफासुविहाराय ।

“लोभो दोसो च मोहो च, पुरिसं पापचेतसं ।
हिंसन्ति अत्तसम्भूता, तचसारं व सम्फलं”न्ति ॥

एवम्पि तत्रासयाति — परिस्सया ।

वुत्तम्पि चेतं भगवता —

“रागो च दोसो च इतोनिदाना, अरति रति लोमहंसो इतोजा ।
इतो समुट्ठाया मनोवितक्का, कुमारका धङ्कमिवोस्सज्जन्ती”ति [धङ्कमिवोस्सज्जन्ति (स्या०)] ॥

एवम्पि तत्रासयाति — परिस्सया । **मदन्ते नं परिस्सयाति** । ते परिस्सया तं पुग्गलं सहन्ति परिसहन्ति अभिभवन्ति अज्झोत्थरन्ति परियादियन्ति मदन्तीति — मदन्ते नं परिस्सया ।

ततो नं दुक्खमन्वेतीति । ततोति ततो ततो परिस्सयतो तं पुग्गलं दुक्खं अन्वेति अनुगच्छति अन्वायिकं होति, जातिदुक्खं अन्वेति अनुगच्छति अन्वायिकं होति, जरादुक्खं अन्वेति अनुगच्छति अन्वायिकं होति, ब्याधिदुक्खं अन्वेति

अनुगच्छति अन्वायिकं होति, मरणदुखं अन्वेति अनुगच्छति अन्वायिकं होति,
 सोकपरिदेवदुखदोमनस्सुपायासदुखं अन्वेति अनुगच्छति अन्वायिकं होति, नेरयिकं दुखं, तिरच्छानयोनिकं दुखं,
 पेत्तिविसयिकं दुखं अन्वेति अनुगच्छति अन्वायिकं होति, मानुसिकं दुखं... गब्भोक्कन्तिमूलकं दुखं... गब्भे ठितिमूलकं
 दुखं... गब्भा वुट्ठानमूलकं दुखं... जातस्सूपनिबन्धकं दुखं... जातस्स पराधेय्यकं दुखं... अत्तूपक्कमं दुखं...
 परूपक्कमं दुखं अन्वेति अनुगच्छति अन्वायिकं होति, दुखदुखं अन्वेति अनुगच्छति अन्वायिकं होति, सङ्खारदुखं...
 विपरिणामदुखं ... चक्खुरोगो सोतरोगो घानरोगो जिह्वारोगो कायरोगो सीसरोगो कण्णरोगो मुखरोगो दन्तरोगो, कासो
 सासो पिनासो डाहो जरो, कुच्छिरोगो मुच्छा पक्खन्दिका सूला विसूचिका, कुट्टं गण्डो किलासो सोसो अपमारो, दद्दु कण्डु
 कच्छु रक्खसा वितच्छिका लोहितपित्तं, मधुमेहो अंसा पिळका भगन्दला पित्तसमुट्ठाना आबाधा सेम्हसमुट्ठाना आबाधा
 वातसमुट्ठाना आबाधा सन्निपातिका आबाधा उतुपरिणामजा आबाधा विसमपरिहारजा आबाधा, ओपक्कमिका आबाधा
 कम्मविपाकजा आबाधा, सीतं उण्हं जिघच्छा पिपासा उच्चारो पस्सावो डंसमकसवातातपसरीसपसम्फस्सदुखं...
 मातुमरणं दुखं... पितुमरणं दुखं... भातुमरणं दुखं... भगिनिमरणं दुखं... पुत्तमरणं दुखं... धीतुमरणं दुखं ...
 जातिव्यसनं दुखं... भोगव्यसनं दुखं... रोगव्यसनं दुखं... सीलव्यसनं दुखं... दिट्ठिव्यसनं दुखं अन्वेति अनुगच्छति
 अन्वायिकं होतीति — ततो नं दुखमन्वेति ।

नावं भिन्नमिवोदकन्ति । यथा भिन्नं नावं दकमेसिं [उदकदायितो (सी०), उदकं अन्वायिकं (स्या०)] ततो ततो
 उदकं अन्वेति अनुगच्छति अन्वायिकं होति, पुरतोपि उदकं अन्वेति अनुगच्छति अन्वायिकं होति, पच्छतोपि... हेट्ठतोपि...
 पस्सतोपि उदकं अन्वेति अनुगच्छति अन्वायिकं होति; एवमेव ततो ततो परिस्सयतो तं पुग्गलं दुखं अन्वेति अनुगच्छति
 अन्वायिकं होति, जातिदुखं अन्वेति अनुगच्छति अन्वायिकं होति... पे०... दिट्ठिव्यसनं दुखं अन्वेति अनुगच्छति
 अन्वायिकं होतीति — नावं भिन्नमिवोदकं ।

तेनाह भगवा —

“अबला नं बलीयन्ति, मद्दन्ते नं परिस्सया ।
 ततो नं दुखमन्वेति, नावं भिन्नमिवोदकं”न्ति ॥

६. तस्मा जन्तु सदा सतो, कामानि परिवज्जये ।
 ते पहाय तरे ओधं, नावं सित्वाव पारगू ॥

तस्मा जन्तु सदा सतोति । तस्माति तस्मा तंकारणा तंहेतु तप्पच्चया तंनिदाना एतं आदीनवं सम्पस्समानो कामेसूति
 — तस्मा । जन्तूति सतो नरो मानवो पोसो पुग्गलो जीवो जागु जन्तु इन्दगु मनुजो । सदाति सदा सब्बदा सब्बकालं
 निच्चकालं धुवकालं सततं समितं अब्बोकिण्णं पोड्ढानुपोड्ढं उदकूमिकजातं अवीचि सन्तति सहितं फस्सितं [फुसितं (सी०
 स्या०)], पुरेभत्तं पच्छाभत्तं पुरिमयामं मज्झिमयामं पच्छिमयामं, काळे जुण्हे वस्से हेमन्ते गिम्हे, पुरिमे वयोखन्धे मज्झिमे
 वयोखन्धे पच्छिमे वयोखन्धे । सतोति चतूहि कारणेहि सतो — काये कायानुपस्सनासतिपट्ठानं भावेन्तो सतो, वेदनासु...
 चित्ते... धम्मेषु धम्मनुपस्सनासतिपट्ठानं भावेन्तो सतो । अपरेहि चतूहि कारणेहि सतो... पे०... सो वुच्चति सतोति — तस्मा
 जन्तु सदा सतो ।

कामानि परिवज्जयेति । कामाति उद्धानतो द्वे कामा — वत्थुकामा च किलेसकामा च... पे०... इमे वुच्चन्ति

वत्थुकामा...पे०... इमे वुच्चन्ति किलेसकामा । **कामानि परिवज्जेयेति** द्वीहि कारणेहि कामे परिवज्जेय्य — विक्खम्भनतो वा समुच्छेदतो वा । कथं विक्खम्भनतो कामे परिवज्जेय्य? “अट्टिकङ्कलूपमा कामा अप्पस्सादट्ठेना”ति पस्सन्तो विक्खम्भनतो कामे परिवज्जेय्य, “मंसपेसूपमा कामा बहुसाधारणट्ठेना”ति पस्सन्तो विक्खम्भनतो कामे परिवज्जेय्य, “तिणुकूपमा कामा अनुदहनट्ठेना”ति पस्सन्तो विक्खम्भनतो कामे परिवज्जेय्य...पे०... नेवसज्जानासज्जायतनसमापत्तिं भावेन्तो विक्खम्भनतो कामे परिवज्जेय्य । एवं विक्खम्भनतो कामे परिवज्जेय्य...पे०... एवं समुच्छेदतो कामे परिवज्जेय्याति — कामानि परिवज्जेये ।

ते पहाय तरे ओघन्ति । तेति वत्थुकामे परिजानित्वा किलेसकामे पहाय पजहित्वा विनोदेत्वा ब्यन्तिं करित्वा अनभावं गमित्वा; कामच्छन्दनीवरणं पहाय पजहित्वा विनोदेत्वा ब्यन्तिं करित्वा अनभावं गमित्वा; व्यापादनीवरणं...पे०... थिनमिद्धनीवरणं... उद्धच्चकुक्कुच्चनीवरणं... विचिकिच्छानीवरणं पहाय पजहित्वा विनोदेत्वा ब्यन्तिं करित्वा अनभावं गमित्वा कामोघं भवोघं दिट्ठोघं अविज्जोघं तरेय्य उत्तरेय्य पतरेय्य समतिक्कमेय्य वीतिवत्तेय्याति — ते पहाय तरे ओघं ।

नावं सित्वाव पारगूति । यथा गरुकं नावं भारिकं उदकं सित्वा [सिञ्चित्वा (सी० स्या०)] ओसिञ्चित्वा छट्टेत्वा लहुकाय नावाय खिप्पं लहुं अप्पकसिरेनेव पारं गच्छेय्य; एवमेव वत्थुकामे परिजानित्वा किलेसकामे पहाय पजहित्वा विनोदेत्वा ब्यन्तिं करित्वा अनभावं गमित्वा; कामच्छन्दनीवरणं... व्यापादनीवरणं... थिनमिद्धनीवरणं... उद्धच्चकुक्कुच्चनीवरणं... विचिकिच्छानीवरणं पहाय पजहित्वा विनोदेत्वा ब्यन्तिं करित्वा अनभावं गमित्वा खिप्पं लहुं अप्पकसिरेनेव पारं गच्छेय्य । पारं वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । **पारं गच्छेय्याति** — पारं अधिगच्छेय्य, पारं फुसेय्य, पारं सच्छिकरेय्य । **पारगूति** योपि पारं गन्तुकामो सोपि पारगू; योपि पारं गच्छति सोपि पारगू; योपि पारं गतो, सोपि पारगू ।

वुत्तम्पि हेतं भगवता —

तिण्णो पारङ्गतो थले तिट्ठति ब्राह्मणोति । ब्राह्मणोति खो, भिक्खवे, अरहतो एतं अधिवचनं । सो अभिज्जापारगू परिज्जापारगू पहाणपारगू भावनापारगू सच्छिकिरियापारगू समापत्तिपारगू । अभिज्जापारगू सब्बधम्मनं, परिज्जापारगू सब्बदुक्खानं, पहाणपारगू सब्बकिलेसानं, भावनापारगू चतुन्नं अरियमग्गानं, सच्छिकिरियापारगू निरोधस्स, समापत्तिपारगू सब्बसमापत्तीनं । सो वसिप्पत्तो पारमिप्पत्तो अरियस्मिं सीलस्मिं, वसिप्पत्तो पारमिप्पत्तो अरियस्मिं समाधिस्मिं, वसिप्पत्तो पारमिप्पत्तो अरियाय पज्जाय, वसिप्पत्तो पारमिप्पत्तो अरियाय विमुत्तिया । सो पारं गतो पारप्पत्तो अन्तगतो अन्तप्पत्तो कोटिगतो कोटिप्पत्तो परियन्तगतो परियन्तप्पत्तो वोसानगतो वोसानप्पत्तो ताणगतो ताणप्पत्तो लेणगतो लेणप्पत्तो सरणगतो सरणप्पत्तो अभयगतो अभयप्पत्तो अच्युतगतो अच्युतप्पत्तो अमतगतो अमतप्पत्तो निब्बानगतो निब्बानप्पत्तो । सो वुट्ठवासो चिण्णचरणो गतद्धो गतदिसो गतकोटिको पालितब्रह्मचरियो उत्तमदिट्ठिप्पत्तो भावितमग्गो पहीनकिलेसो पटिविद्धाकुप्पो सच्छिकतनिरोधो, दुक्खं तस्स परिज्जातं, समुदयो पहीनो, मग्गो भावितो, निरोधो सच्छिकतो, अभिज्जेय्यं अभिज्जातं, परिज्जेय्यं परिज्जातं, पहातब्बं पहीनं, भावेतब्बं भावितं, सच्छिकातब्बं सच्छिकतं ।

सो उक्खित्तपलिघो संकिण्णपरिक्खो अब्बुल्लहेसिको निरग्गळो अरियो पन्नद्धजो पन्नभारो विसज्जुत्तो पज्जङ्गविप्पहीनो छळङ्गसमन्नागतो एकारक्खो चतुरापस्सेनो पनुण्णपच्चेकसच्चो समवयसट्ठेसनो अनाविलसङ्कप्पो पस्सद्भकायसङ्खारो सुविमुत्तचित्तो सुविमुत्तपज्जो केवली वुसितवा उत्तमपुरिसो परमपुरिसो परमपत्तिप्पत्तो । सो नेवाचिनति [नेव आचिनाति (सी० स्या०)] नापचिनति, अपचिनित्वा ठितो । नेव पजहति न उपादियति, पजहित्वा ठितो । नेव

संसिद्ध्यति [नेव सिनेति (सी०), नेव विसीनेति (स्या०)] न उस्सिनेति, विसिन्नित्वा ठितो । नेव विधूपेति न सन्धूपेति, विधूपेत्वा ठितो । असेक्खेन सीलक्खन्धेन समन्नागतत्ता ठितो । असेक्खेन समाधिक्खन्धेन... असेक्खेन पज्जाक्खन्धेन... असेक्खेन विमुत्तिक्खन्धेन... असेक्खेन विमुत्तिजाणदस्सनक्खन्धेन समन्नागतत्ता ठितो । सच्चं सम्पटिपादित्वा ठितो । एजं समतिक्कमित्वा ठितो । किलेसग्गिं परियादित्वा ठितो, अपरिगमनताय ठितो, कटं समादाय ठितो, मुत्तिपटिसेवनताय ठितो, मेत्ताय पारिसुद्धिया ठितो, करुणाय... मुदिताय... उपेक्खाय पारिसुद्धिया ठितो, अच्चन्तपारिसुद्धिया ठितो, अकम्मयताय [अतम्मयताय (सी०), अकम्मज्जताय (स्या०)] पारिसुद्धिया ठितो, विमुत्तत्ता ठितो, सन्तुस्सितत्ता ठितो, खन्धपरियन्ते ठितो, धातुपरियन्ते ठितो, आयतनपरियन्ते ठितो, गतिपरियन्ते ठितो, उपपत्तिपरियन्ते ठितो, पटिसन्धिपरियन्ते ठितो, (भवपरियन्ते ठितो, संसारपरियन्ते ठितो वट्टपरियन्ते ठितो, अन्तिमे भवे ठितो,) [() नत्थि सीहळपोत्थके] अन्तिमे समुस्सये ठितो, अन्तिमदेहधरो अरहा ।

“तस्सायं पच्छिमको भवो, चरिमोयं समुस्सयो ।
जातिमरणसंसारो, नत्थि तस्स पुनब्भवो”ति ॥

नावं सित्वाव पारगूति । तेनाह भगवा —

“तस्मा जन्तु सदा सतो, कामानि परिवज्जये ।
ते पहाय तरे ओघं, नावं सित्वाव पारगू”ति ॥

कामसुत्तनिद्देशो पठमो ।

२. गुहडुकसुत्तनिद्देशो

अथ गुहडुकसुत्तनिद्देशं वक्खति —

७. सत्तो गुहायं बहुनाभिछन्नो, तिट्ठं नरो मोहनस्मिं पगाळ्हो ।
दूरे विवेका हि तथाविधो सो, कामा हि लोके न हि सुप्पहाया ॥

सत्तो गुहायं बहुनाभिछन्नोति । सत्तोति हि खो वुत्तं, अपि च गुहा ताव वत्तब्बा । गुहा वुच्चति कायो । कायोति वा गुहाति वा देहोति वा सन्देहोति वा नावाति वा रथोति वा धजोति वा वम्मिकोति वा नगरन्ति वा निडुन्ति वा कुटीति वा गण्डोति वा कुम्भोति वा नागोति वा कायस्सेतं अधिवचनं । सत्तो गुहायन्ति गुहायं सत्तो विसत्तो आसत्तो लग्गो लग्गितो पलिबुद्धो । यथा भित्तिखिले वा नागदन्ते वा गण्डं सत्तं विसत्तं आसत्तं लग्गं लग्गितं पलिबुद्धं; एवमेव गुहायं सत्तो विसत्तो आसत्तो लग्गो लग्गितो पलिबुद्धो । वुत्तज्हेतं भगवता —

“रूपे खो, राध, यो छन्दो यो रागो या नन्दी या तण्हा ये उपयूपादाना चेतसो अधिद्वानाभिनिवेसानुसया, तत्र सत्तो तत्र विसत्तो; तस्मा सत्तोति वुच्चति । वेदनाय खो, राध...पे०... सज्जाय खो, राध... सङ्खारेसु खो, राध... विज्जाणे खो, राध, यो छन्दो यो रागो या नन्दी या तण्हा ये उपयूपादाना चेतसो अधिद्वानाभिनिवेसानुसया, तत्र सत्तो तत्र विसत्तो; तस्मा सत्तोति वुच्चति । सत्तोति लग्गनाधिवचनं”न्ति — सत्तो गुहायं । बहुनाभिछन्नोति बहुकेहि किलेसेहि छन्नो, रागेन छन्नो दोसेन

छन्नो मोहेन छन्नो कोधेन छन्नो उपनाहेन छन्नो मक्खेन छन्नो पळासेन छन्नो इस्साय छन्नो मच्छरियेन छन्नो मायाय छन्नो साठेय्येन छन्नो थम्भेन छन्नो सारम्भेन छन्नो मानेन छन्नो अतिमानेन छन्नो मदेन छन्नो पमादेन छन्नो ।
सब्बकिलेसेहि सब्बदुच्चरितेहि सब्बदरथेहि सब्बपरिळाहेहि सब्बसन्तापेहि सब्बाकुसलाभिसङ्गारेहि छन्नो विछन्नो उच्छन्नो आवुतो निवुतो ओवुतो [ओफुतो (स्या०)] पिहितो पटिच्छन्नो पटिकुज्जितोति — सत्तो गुहायं बहुनाभिछन्नो ।

तिट्ठं नरो मोहनस्मिं पगाळहोति तिट्ठन्तो नरो रत्तो रागवसेन तिट्ठति, दुट्ठो दोसवसेन तिट्ठति, मूळ्हो मोहवसेन तिट्ठति, विनिबद्धो मानवसेन तिट्ठति, परामट्ठो दिट्ठिवसेन तिट्ठति, विक्खेपगतो उद्धच्चवसेन तिट्ठति, अनिट्ठङ्गतो विचिकिच्छावसेन तिट्ठति, थामगतो अनुसयवसेन तिट्ठति । एवम्पि तिट्ठं नरो ।

वुत्तज्हेतं भगवता — “सन्ति, भिक्खवे, चक्खुविज्जेय्या रूपा इट्ठा कन्ता मनापा पियरूपा कामूपसंहिता रजनीया, तज्जे भिक्खु अभिनन्दति अभिवदति अज्झोसाय तिट्ठति । सन्ति, भिक्खवे, सोतविज्जेय्या सद्दा...पे०... घानविज्जेय्या गन्धा... जिह्वाविज्जेय्या रसा... कायविज्जेय्या फोडुब्बा... मनोविज्जेय्या धम्मा इट्ठा कन्ता मनापा पियरूपा कामूपसंहिता रजनीया, तज्जे भिक्खु अभिनन्दति अभिवदति अज्झोसाय तिट्ठती”ति । एवम्पि तिट्ठं नरो ।

वुत्तज्हेतं भगवता — “रूपूपयं वा, भिक्खवे, विज्जाणं तिट्ठमानं तिट्ठति, रूपारम्मणं रूपपतिट्ठं नन्दूपसेचनं वुद्धिं विरूळ्हं वेपुल्लं आपज्जति । वेदनूपयं वा, भिक्खवे...पे०... सज्जूपयं... सङ्खारूपयं वा, भिक्खवे, विज्जाणं तिट्ठमानं तिट्ठति, सङ्खारारम्मणं सङ्खारपतिट्ठं नन्दूपसेचनं वुद्धिं विरूळ्हं वेपुल्लं आपज्जती”ति । एवम्पि तिट्ठं नरो ।

वुत्तम्पि हेतं भगवता — “कबळीकारे चे, भिक्खवे, आहारे अत्थि रागो अत्थि नन्दी अत्थि तण्हा, पतिट्ठितं तत्थ विज्जाणं विरूळ्हं । यत्थ पतिट्ठितं विज्जाणं विरूळ्हं, अत्थि तत्थ नामरूपस्सावक्कन्ति । यत्थ अत्थि नामरूपस्सावक्कन्ति, अत्थि तत्थ सङ्खारानं वुद्धि । यत्थ अत्थि सङ्खारानं वुद्धि, अत्थि तत्थ आयतिं पुनब्भवाभिनिब्बत्ति । यत्थ अत्थि आयतिं पुनब्भवाभिनिब्बत्ति, अत्थि तत्थ आयतिं जातिजरामरणं । यत्थ अत्थि आयतिं जातिजरामरणं, ससोकं तं, भिक्खवे, सरजं सउपायासन्ति वदामी”ति । एवम्पि तिट्ठं नरो ।

“फस्से चे, भिक्खवे, आहारे...पे०... मनोसज्जेतनाय चे, भिक्खवे, आहारे... विज्जाणे चे, भिक्खवे, आहारे अत्थि रागो अत्थि नन्दी अत्थि तण्हा, पतिट्ठितं तत्थ विज्जाणं विरूळ्हं । यत्थ पतिट्ठितं विज्जाणं विरूळ्हं, अत्थि तत्थ नामरूपस्सावक्कन्ति । यत्थ अत्थि नामरूपस्सावक्कन्ति, अत्थि तत्थ सङ्खारानं वुद्धि । यत्थ अत्थि सङ्खारानं वुद्धि, अत्थि तत्थ आयतिं पुनब्भवाभिनिब्बत्ति । यत्थ अत्थि आयतिं पुनब्भवाभिनिब्बत्ति, अत्थि तत्थ आयतिं जातिजरामरणं । यत्थ अत्थि आयतिं जातिजरामरणं, ससोकं तं, भिक्खवे, सरजं सउपायासन्ति वदामी”ति । एवम्पि तिट्ठं नरो ।

मोहनस्मिं पगाळहोति । मोहना वुच्चन्ति पञ्च कामगुणा । चक्खुविज्जेय्या रूपा इट्ठा कन्ता मनापा पियरूपा कामूपसंहिता रजनीया; सोतविज्जेय्या सद्दा... घानविज्जेय्या गन्धा... जिह्वाविज्जेय्या रसा... कायविज्जेय्या फोडुब्बा इट्ठा कन्ता मनापा पियरूपा कामूपसंहिता रजनीया । किं कारणा मोहना वुच्चन्ति पञ्च कामगुणा? येभुय्येन देवमनुस्सा पञ्चसु कामगुणेषु मुहन्ति सम्मुहन्ति सम्पमुहन्ति, मूळ्हा सम्मूळ्हा सम्पमूळ्हा अविज्जाय अन्धीकता आवुता निवुता ओवुता पिहिता पटिच्छन्ना पटिकुज्जिता, तं कारणा मोहना वुच्चन्ति पञ्च कामगुणा । **मोहनस्मिं पगाळहोति** मोहनस्मिं पगाळहो ओगाळहो अज्झोगाळहो निमुग्गोति — तिट्ठं नरो मोहनस्मिं पगाळहो ।

दूरे विवेका हि तथाविधो सोति । विवेकाति तयो विवेका — कायविवेको, चित्तविवेको, उपधिविवेको । कतमो कायविवेको? इध भिक्खु विवित्तं सेनासनं भजति अरञ्जं रुक्खमूलं पब्बतं कन्दरं गिरिगुहं सुसानं वनपत्थं अब्भोकासं पलालपुञ्जं । कायेन विवित्तो विहरति । सो एको गच्छति, एको तिष्ठति, एको निसीदति, एको सेय्यं कप्पेति, एको गामं पिण्डाय पविसति, एको पटिक्कमति, एको रहो निसीदति, एको चङ्कमं अधिद्धाति, एको चरति विहरति इरियति वत्तति पालेति यपेति यापेति । अयं कायविवेको ।

कतमो चित्तविवेको? पठमं ज्ञानं समापन्नस्स नीवरणेहि चित्तं विवित्तं होति । दुतियं ज्ञानं समापन्नस्स वितक्कविचारेहि चित्तं विवित्तं होति । ततियं ज्ञानं समापन्नस्स पीतिया चित्तं विवित्तं होति । चतुत्थं ज्ञानं समापन्नस्स सुखदुक्खेहि चित्तं विवित्तं होति । आकासानञ्चायतनं समापन्नस्स रूपसञ्जाय पटिघसञ्जाय नानत्तसञ्जाय चित्तं विवित्तं होति । विज्जाणञ्चायतनं समापन्नस्स आकासानञ्चायतनसञ्जाय चित्तं विवित्तं होति । आकिञ्चञ्चायतनं समापन्नस्स विज्जाणञ्चायतनसञ्जाय चित्तं विवित्तं होति । नेवसञ्जानासञ्चायतनं समापन्नस्स आकिञ्चञ्चायतनसञ्जाय चित्तं विवित्तं होति । सोतापन्नस्स सक्कायदिट्ठिया विचिकिच्छाय सीलब्बतपरामासा दिट्ठानुसया विचिकिच्छानुसया, तदेकद्वेहि च किलेसेहि चित्तं विवित्तं होति । सकदागामिस्स ओळारिका कामरागसञ्जोजना पटिघसञ्जोजना ओळारिका कामरागानुसया पटिघानुसया, तदेकद्वेहि च किलेसेहि चित्तं विवित्तं होति । अनागामिस्स अनुसहगता कामरागसञ्जोजना पटिघसञ्जोजना अनुसहगता कामरागानुसया पटिघानुसया, तदेकद्वेहि च किलेसेहि चित्तं विवित्तं होति । अरहतो रूपारूपरागा माना उद्धच्चा अविज्जाय मानानुसया भवरागानुसया अविज्जानुसया, तदेकद्वेहि च किलेसेहि बहिद्धा च सब्बनिमित्तेहि चित्तं विवित्तं होति । अयं चित्तविवेको ।

कतमो उपधिविवेको? उपधि वुच्चन्ति किलेसा च खन्धा च अभिसङ्खारा च । उपधिविवेको वुच्चति अमतं निब्बानं । यो सब्बसङ्खारसमथो सब्बपधिपटिनिस्सग्गो तण्हक्खयो विरागो निरोधो निब्बानं । अयं उपधिविवेको । कायविवेको च विवेकट्टकायानं [वूपकट्टकायानं (स्या०)] नेक्खम्माभिरतानं, चित्तविवेको च परिसुद्धचित्तानं परमवोदानप्पत्तानं, उपधिविवेको च निरूपधीनं पुग्गलानं विसङ्खारगतानं ।

दूरे विवेका हीति । यो सो एवं गुहायं सत्तो, एवं बहुकेहि किलेसेहि छन्नो, एवं मोहनस्मिं पगाळ्हो, सो कायविवेकापि दूरे, चित्तविवेकापि दूरे, उपधिविवेकापि दूरे विदूरे सुविदूरे न सन्तिके न सामन्ता अनासन्ने विवेकद्वे [ववकद्वे (सी०), अनुपकद्वे (स्या०)] । **तथाविधोति** तादिसो तस्सण्ठितो तप्पकारो तप्पटिभागो यो सो मोहनस्मिं पगाळ्होति — दूरे विवेका हि तथाविधो सो ।

कामा हि लोके न हि सुप्पहायाति । कामाति उद्धानतो द्वे कामा — वत्थुकामा च किलेसकामा च । कतमे वत्थुकामा? मनापिका रूपा मनापिका सद्दा मनापिका गन्धा मनापिका रसा मनापिका फोडुब्बा, अत्थरणा पावुरणा दासिदासा अजेळका कुक्कुटसूकरा हत्थिगवास्सवळवा, खेत्तं वत्थु हिरञ्जं सुवण्णं, गामनिगमराजधानियो रट्ठञ्च जनपदो च कोसो च कोट्टागारञ्च, यं किञ्चि रजनीयं वत्थु — वत्थुकामा । अपि च अतीता कामा अनागता कामा पच्चुप्पन्ना कामा, अज्झत्ता कामा बहिद्धा कामा अज्झत्तबहिद्धा कामा, हीना कामा मज्झिमा कामा पणीता कामा, आपायिका कामा मानुसिका कामा दिब्बा कामा पच्चुपट्ठिता कामा, निम्मिता कामा अनिम्मिता कामा परनिम्मिता कामा, परिग्गहिता कामा अपरिग्गहिता कामा, ममायिता कामा अममायिता कामा, सब्बेपि कामावचरा धम्मा, सब्बेपि रूपावचरा धम्मा, सब्बेपि अरूपावचरा धम्मा, तण्हावत्थुका तण्हारम्मणा कामनीयद्वेन रजनीयद्वेन मदनीयद्वेन कामा । इमे वुच्चन्ति वत्थुकामा ।

कतमे किलेसकामा? छन्दो कामो रागो कामो छन्दरागो कामो, सङ्कप्पो कामो रागो कामो सङ्कप्परागो कामो, यो कामेसु कामच्छन्दो कामरागो कामनन्दी कामतण्हा कामस्नेहो कामपरिळाहो काममुच्छा कामज्झोसानं कामोघो कामयोगो कामुपादानं कामच्छन्दनीवरणं ।

“अदसं काम ते मूलं, सङ्कप्पा काम जायसि ।
न तं सङ्कप्पयिस्सामि, एवं काम न होहिंसी”ति ॥ —

इमे वुच्चन्ति किलेसकामा । **लोके**ति अपायलोके मनुस्सलोके देवलोके, खन्धलोके धातुलोके आयतनलोके । **कामा हि लोके न हि सुप्पहायाति** । कामा हि लोके दुप्पहाया दुच्चज्जा दुप्परिच्चज्जा दुन्निम्मदया दुन्निवेठया दुब्बिनिवेठया दुत्तरा दुप्पतरा दुस्समतिक्कमा दुब्बिनिवत्ताति — कामा हि लोके न हि सुप्पहाया ।

तेनाह भगवा —

“सत्तो गुहायं बहुनाभिछन्नो, तिडुं नरो मोहनस्मिं पगाळ्हो ।
दूरे विवेका हि तथाविधो सो, कामा हि लोके न हि सुप्पहाया”ति ॥

८. **इच्छानिदाना भवसातबद्धा, ते दुप्पमुज्जा न हि अज्जमोक्खा ।
पच्छा पुरे वापि अपेक्खमाना, इमे व कामे पुरिमे व जप्पं ॥**

इच्छानिदाना भवसातबद्धाति । इच्छा वुच्चति तण्हा । यो रागो सारागो अनुनयो अनुरोधो नन्दी नन्दिरागो, चित्तस्स सारागो इच्छा मुच्छा अज्झोसानं गेधो पलिगेधो सङ्गो पङ्को, एजा माया जनिका सज्जननी सिब्बिनी जालिनी सरिता विसत्तिका, सुत्तं विसटा आयूहिनी दुतिया पणिधि भवनेत्ति, वनं वनथो सन्धवो स्नेहो अपेक्खा पटिबन्धु, आसा आसीसना आसीसितत्तं, रूपासा सद्दासा गन्धासा रसासा फोडुब्बासा, लाभासा धनासा पुत्तासा जीवितासा, जप्पा पजप्पा अभिजप्पा जप्पना जप्पितत्तं लोलुप्यं लोलुप्पायना लोलुप्पायितत्तं पुच्छज्झिकता साधुकम्यता, अधम्मरागो विसमलोभो निकन्ति निकामना पत्थना पिहना सम्पत्थना, कामतण्हा भवतण्हा विभवतण्हा, रूपतण्हा अरूपतण्हा निरोधतण्हा, रूपतण्हा सद्दतण्हा गन्धतण्हा रसतण्हा फोडुब्बतण्हा धम्मतण्हा, ओघो योगो गन्थो उपादानं आवरणं नीवरणं छदनं बन्धनं, उपक्किलेसो अनुसयो परियुट्ठानं लता वेविच्छं, दुक्खमूलं दुक्खनिदानं दुक्खप्पभवो मारपासो मारबळिसं मारविसयो, तण्हानदी तण्हाजालं तण्हागहुलं तण्हासमुदो अभिज्झा लोभो अकुसलमूलं । **इच्छानिदाना**ति इच्छानिदानका इच्छाहेतुका इच्छापच्चया इच्छाकारणा इच्छापभवति — इच्छानिदाना ।

भवसातबद्धाति । एकं भवसातं — सुखा वेदना । द्वे भवसातानि — सुखा च वेदना इट्ठञ्च वत्थु । तीणि भवसातानि — योब्बज्जं, आरोग्यं, जीवितं । चत्तारि भवसातानि — लाभो, यसो, पसंसा, सुखं । पञ्च भवसातानि — मनापिका रूपा, मनापिका सद्दा, मनापिका गन्धा, मनापिका रसा, मनापिका फोडुब्बा । छ भवसातानि — चक्खुसम्पदा, सोतसम्पदा, घानसम्पदा, जिह्वासम्पदा, कायसम्पदा, मनोसम्पदा । भवसातबद्धा, सुखाय वेदनाय सातबद्धा, इट्ठस्मिं वत्थुस्मिं बद्धा, योब्बज्जे बद्धा, आरोग्ये बद्धा, जीविते बद्धा, लाभे बद्धा, यसे बद्धा, पसंसायं बद्धा, सुखे बद्धा, मनापिकेसु रूपेसु बद्धा, सद्देसु... गन्धेसु... रसेसु... मनापिकेसु फोडुब्बेसु बद्धा, चक्खुसम्पदाय बद्धा, सोतघानजिह्वाकायमनोसम्पदाय बद्धा, विबद्धा आबद्धा लग्गा लग्गिता पलिबद्धाति — इच्छानिदाना भवसातबद्धा ।

ते दुष्पमुञ्चा न हि अञ्जमोक्खाति ते वा भवसातवत्थू दुष्पमुञ्चा, सत्ता वा एत्तो दुम्मोचया । कथं ते भवसातवत्थू दुष्पमुञ्चा? सुखा वेदना दुष्पमुञ्चा, इदं वत्थु दुष्पमुञ्चं, योब्बञ्जं दुष्पमुञ्चं, आरोग्यं दुष्पमुञ्चं, जीवितं दुष्पमुञ्चं, लाभो दुष्पमुञ्चो, यसो दुष्पमुञ्चो, पसंसा दुष्पमुञ्चा, सुखं दुष्पमुञ्चं, मनापिका रूपा दुष्पमुञ्चा, मनापिका सद्दा... गन्धा... रसा... फोड्ड्वा दुष्पमुञ्चा, चक्खुसम्पदा दुष्पमुञ्चा, सोतधानजिह्वाकायमनोसम्पदा दुष्पमुञ्चा दुम्मोचया दुष्पमोचया दुन्निवेठया दुब्बिनिवेठया, दुत्तरा दुप्पतरा दुस्समतिक्कमा दुब्बिनिवत्ता । एवं ते भवसातवत्थू दुष्पमुञ्चा ।

कथं सत्ता एत्तो दुम्मोचया? सुखाय वेदनाय सत्ता दुम्मोचया, इदस्मा वत्थुस्मा दुम्मोचया, योब्बञ्जा दुम्मोचया, आरोग्या दुम्मोचया, जीविता दुम्मोचया, लाभा दुम्मोचया, यसा दुम्मोचया, पसंसाय दुम्मोचया, सुखा दुम्मोचया, मनापिकेहि रूपेहि दुम्मोचया, मनापिकेहि सद्देहि... गन्धेहि... रसेहि... फोड्ड्बेहि दुम्मोचया, चक्खुसम्पदाय दुम्मोचया, सोतधानजिह्वाकायमनोसम्पदाय दुम्मोचया दुरुद्धरा [दुद्धरा (क०)], दुस्समुद्धरा दुब्बुट्ठापया दुस्समुट्ठापया दुन्निवेठया दुब्बिनिवेठया दुत्तरा दुप्पतरा दुस्समतिक्कमा दुब्बिनिवत्ता । एवं सत्ता एत्तो दुम्मोचयाति — ते दुष्पमुञ्चा ।

न हि अञ्जमोक्खाति ते अत्तना पलिपपलिपन्ना न सक्कोन्ति परं पलिपपलिपन्नं उद्धरितुं । वुत्तज्जेतं भगवता — “सो वत, चुन्द, अत्तना पलिपपलिपन्नो परं पलिपपलिपन्नं उद्धरिस्सतीति नेतं ठानं विज्जति । सो वत, चुन्द, अत्तना अदन्तो अविनीतो अपरिनिब्बुतो परं दमेस्सति विनेस्सति परिनिब्बापेस्सतीति नेतं ठानं विज्जती”ति । एवम्पि न हि अञ्जमोक्खा ।

अथ वा नत्थज्जो कोचि मोचेता । ते यदि मुञ्चेय्युं, सकेन थामेन सकेन बलेन सकेन वीरियेन सकेन परक्कमेन सकेन पुरिसथामेन सकेन पुरिसबलेन सकेन पुरिसवीरियेन सकेन पुरिसपरक्कमेन अत्तना सम्मापटिपदं अनुलोमपटिपदं अपच्चनीकपटिपदं अन्वत्थपटिपदं धम्मानुधम्मपटिपदं पटिपज्जमाना मुञ्चेय्युन्ति । एवम्पि न हि अञ्जमोक्खा ।

वुत्तम्पि हेतं भगवता —

“नाहं सहिस्सामि पमोचनाय, कथंकथिं धोतक किञ्चि लोके ।
धम्मज्ज सेट्ठं अभिजानमानो, एवं तुवं ओघमिमं तरेसी”ति ॥

एवम्पि न हि अञ्जमोक्खा ।

वुत्तम्पि हेतं भगवता —

“अत्तनाव कतं पापं, अत्तना संकिलिस्सति ।
अत्तना अकतं पापं, अत्तनाव विसुज्झति ।
सुद्धी असुद्धि पच्चत्तं, नाज्जो अज्जं विसोधये”ति ॥

एवम्पि न हि अञ्जमोक्खा ।

वुत्तम्पि हेतं भगवता — “एवमेव खो, ब्राह्मण, तिड्ढतेव निब्बानं, तिड्ढति निब्बानगामिमग्गो, तिड्ढामहं समादपेता । अथ च पन मम सावका मया एवं ओवदियमाना एवं अनुसासियमाना अप्पेक्कच्चे अच्चन्तनिट्ठं निब्बानं आराधेन्ति, एकच्चे

नाराधेन्ति । एत्थ क्याहं, ब्राह्मण, करोमि? मग्गक्खायी, ब्राह्मण, तथागतो । मग्गं बुद्धो आचिक्खति । अत्तना पटिपज्जमाना मुञ्चेय्यु'न्ति । एवम्पि न हि अज्जमोक्खाति — ते दुप्पमुञ्चा न हि अज्जमोक्खा ।

पच्छा पुरे वापि अपेक्खमानाति । पच्छा वुच्चति अनागतं, पुरे वुच्चति अतीतं । अपि च अतीतं उपादाय अनागतञ्च पच्चुप्पन्नञ्च पच्छा, अनागतं उपादाय अतीतञ्च पच्चुप्पन्नञ्च पुरे । कथं पुरे अपेक्खं करोति? “एवंरूपो अहोसिं अतीतमद्धानं”न्ति तत्थ नन्दिं समन्नानेति । “एवंवेदनो अहोसिं... एवंसज्जो अहोसिं... एवंसङ्खारो अहोसिं... एवंविज्जाणो अहोसिं अतीतमद्धानं”न्ति तत्थ नन्दिं समन्नानेति । एवम्पि पुरे अपेक्खं करोति ।

अथ वा “इति मे चक्खु अहोसि अतीतमद्धानं, इति रूपा”ति — तत्थ छन्दरागपटिबद्धं होति विज्जाणं । छन्दरागपटिबद्धत्ता विज्जाणस्स तदभिनन्दति । तदभिनन्दन्तो एवम्पि पुरे अपेक्खं करोति । “इति मे सोतं अहोसि अतीतमद्धानं, इति सद्वा”ति... पे०... “इति मे घानं अहोसि अतीतमद्धानं, इति गन्धा”ति... “इति मे जिक्का अहोसि अतीतमद्धानं, इति रसा”ति... “इति मे कायो अहोसि अतीतमद्धानं, इति फोड्डब्बा”ति... “इति मे मनो अहोसि अतीतमद्धानं, इति धम्मा”ति — तत्थ छन्दरागपटिबद्धं होति विज्जाणं । छन्दरागपटिबद्धत्ता विज्जाणस्स तदभिनन्दति । तदभिनन्दन्तो एवम्पि पुरे अपेक्खं करोति ।

अथ वा यानिस्स तानि पुब्बे मातुगामेन सद्धिं हसितलपितकीळितानि तदस्सादेति तं निकामेति, तेन च वित्तिं आपज्जति । एवम्पि पुरे अपेक्खं करोति ।

कथं पच्छा अपेक्खं करोति? “एवंरूपो सियं अनागतमद्धानं”न्ति तत्थ नन्दिं समन्नानेति । “एवंवेदनो सियं... एवंसज्जो सियं... एवंसङ्खारो सियं... एवंविज्जाणो सियं अनागतमद्धानं”न्ति तत्थ नन्दिं समन्नानेति । एवम्पि पच्छा अपेक्खं करोति ।

अथ वा “इति मे चक्खु सिया अनागतमद्धानं, इति रूपा”ति — अप्पटिलद्धस्स पटिलाभाय चित्तं पणिदहति । चेतसो पणिधानपच्चया तदभिनन्दति । तदभिनन्दन्तो एवम्पि पच्छा अपेक्खं करोति । “इति मे सोतं सिया अनागतमद्धानं, इति सद्वा”ति... “इति मे घानं सिया अनागतमद्धानं, इति गन्धा”ति... “इति मे जिक्का सिया अनागतमद्धानं, इति रसा”ति... “इति मे कायो सिया अनागतमद्धानं, इति फोड्डब्बा”ति... “इति मे मनो सिया अनागतमद्धानं, इति धम्मा”ति — अप्पटिलद्धस्स पटिलाभाय चित्तं पणिदहति । चेतसो पणिधानपच्चया तदभिनन्दति । तदभिनन्दन्तो एवम्पि पच्छा अपेक्खं करोति ।

अथ वा “इमिनाहं सीलेन वा वतेन वा तपेन वा ब्रह्मचरियेन वा देवो वा भविस्सामि देवज्जतरो वा”ति — अप्पटिलद्धस्स पटिलाभाय चित्तं पणिदहति । चेतसो पणिधानपच्चया तदभिनन्दति । तदभिनन्दन्तो एवम्पि पच्छा अपेक्खं करोतीति — पच्छा पुरे वापि अपेक्खमाना ।

इमे व कामे पुरिमे व जप्पन्ति । इमे व कामेति पच्चुप्पन्ने पञ्च कामगुणे इच्छन्ता सादियन्ता पत्थयन्ता पिहयन्ता अभिजप्पन्ता । पुरिमे व जप्पन्ति अतीते पञ्च कामगुणे जप्पन्ता पजप्पन्ता अभिजप्पन्ताति — इमे व कामे पुरिमे व जप्पं ।

तेनाह भगवा —

“इच्छानिदाना भवसातबद्धा, ते दुष्पमुञ्चा न हि अञ्जमोक्खा ।
पच्छा पुरे वापि अपेक्खमाना, इमे व कामे पुरिमे व जप्प”न्ति ॥

९. कामेसु गिद्धा पसुता पमूळहा, अवदानिया ते विसमे निविट्ठा । दुक्खूपनीता परिदेवयन्ति, किंसू भविस्साम इतो चुतासे ॥

कामेसु गिद्धा पसुता पमूळहाति । कामाति उद्दानतो द्वे कामा — वत्थुकामा च किलेसकामा च... पे० ... इमे वुच्चन्ति वत्थुकामा... पे० ... इमे वुच्चन्ति किलेसकामा । गेधो वुच्चति तण्हा । यो रागो सारागो... पे० ... अभिज्झा लोभो अकुसलमूलं । किलेसकामेन वत्थुकामेसु रत्ता गिद्धा गधिता मुच्छिता अज्झोसन्ना [अज्झोपन्ना (सी० स्या०)] लगा लगाता पलिबुद्धाति — कामेसु गिद्धा ।

पसुताति येपि कामे एसन्ति गवेसन्ति परियेसन्ति, तच्चरिता तब्बहुला तग्गरुका, तन्निन्ना तप्पोणा तप्पभारा तदधिमुत्ता तदधिपतेय्या, तेपि कामपसुता । येपि तण्हावसेन रूपे एसन्ति गवेसन्ति परियेसन्ति... सद्दे... गन्धे... रसे... फोडुब्बे... पे० ... परियेसन्ति तच्चरिता तब्बहुला तग्गरुका, तन्निन्ना तप्पोणा तप्पभारा तदधिमुत्ता तदधिपतेय्या, तेपि कामपसुता । येपि तण्हावसेन रूपे पटिलभन्ति... सद्दे... गन्धे ... रसे... फोडुब्बे पटिलभन्ति तच्चरिता तब्बहुला तग्गरुका, तन्निन्ना तप्पोणा तप्पभारा तदधिमुत्ता तदधिपतेय्या, तेपि कामपसुता । येपि तण्हावसेन रूपे परिभुज्जन्ति ... सद्दे... गन्धे... रसे... फोडुब्बे परिभुज्जन्ति तच्चरिता तब्बहुला तग्गरुका, तन्निन्ना तप्पोणा तप्पभारा तदधिमुत्ता तदधिपतेय्या, तेपि कामपसुता । यथा कलहकारको कलहपसुतो, कम्मकारको कम्मपसुतो, गोचरे चरन्तो गोचरपसुतो, ज्ञायी ज्ञानपसुतो; एवमेव येपि कामे एसन्ति गवेसन्ति परियेसन्ति, तच्चरिता तब्बहुला तग्गरुका तन्निन्ना तप्पोणा तप्पभारा तदधिमुत्ता तदधिपतेय्या, तेपि कामपसुता । येपि तण्हावसेन रूपे एसन्ति गवेसन्ति परियेसन्ति... सद्दे... गन्धे... रसे... फोडुब्बे... पे० ... परियेसन्ति तच्चरिता तब्बहुला तग्गरुका तन्निन्ना तप्पोणा तप्पभारा तदधिमुत्ता तदधिपतेय्या, तेपि कामपसुता । येपि तण्हावसेन रूपे पटिलभन्ति... सद्दे... गन्धे... रसे... फोडुब्बे पटिलभन्ति तच्चरिता तब्बहुला तग्गरुका, तन्निन्ना तप्पोणा तप्पभारा तदधिमुत्ता तदधिपतेय्या, तेपि कामपसुता । येपि तण्हावसेन रूपे परिभुज्जन्ति... सद्दे... गन्धे... रसे... फोडुब्बे परिभुज्जन्ति तच्चरिता तब्बहुला तग्गरुका, तन्निन्ना तप्पोणा तप्पभारा तदधिमुत्ता तदधिपतेय्या, तेपि कामपसुता ।

पमूळहाति येभुय्येन देवमनुस्सा पञ्चसु कामगुणेषु मुहन्ति सम्मुहन्ति सम्पमुहन्ति मूळहा सम्मूळहा सम्पमूळहा अविज्जाय अन्धीकता आवुता निवुता ओवुता पिहिता पटिच्छन्ना पटिकुज्जिताति — कामेसु गिद्धा पसुता पमूळहा ।

अवदानिया ते विसमे निविट्ठाति । अवदानियाति अवगच्छन्तीतिपि अवदानिया, मच्छरिनोपि वुच्चन्ति अवदानिया, बुद्धानं सावकानं वचनं ब्यप्पथं देसनं अनुसिद्धिं नादियन्तीति — अवदानिया । कथं अवगच्छन्तीति अवदानिया? निरयं गच्छन्ति, तिरच्छानयोनिं गच्छन्ति, पेत्तिविसयं गच्छन्तीति, एवं आगच्छन्तीति — अवदानिया । कथं मच्छरिनो वुच्चन्ति अवदानिया? पञ्च मच्छरियाणि — आवासमच्छरियं, कुलमच्छरियं, लाभमच्छरियं, वण्णमच्छरियं, धम्ममच्छरियं । यं एवरूपं मच्छरियं मच्छरायना मच्छरायितत्तं वेविच्छं कदरियं कटुकञ्चुकता अग्गहितत्तं चित्तस्स, इदं वुच्चति मच्छरियं । अपि च, खन्धमच्छरियमपि मच्छरियं, धातुमच्छरियमपि मच्छरियं, आयतनमच्छरियमपि मच्छरियं गाहो । इदं वुच्चति मच्छरियं । इमिना मच्छरियेन अवदञ्जुताय समन्नागता जना पमत्ता । एवं मच्छरिनो वुच्चन्ति अवदानिया । कथं बुद्धानं सावकानं वचनं ब्यप्पथं देसनं अनुसिद्धिं नादियन्तीति — अवदानिया? बुद्धानं सावकानं वचनं ब्यप्पथं देसनं अनुसिद्धिं न आदियन्ति न सुस्सुसन्ति, न सोतं ओदहन्ति, न अज्जा चित्तं उपट्टपेन्ति, अनस्सवा अवचनकरा

पटिलोमवृत्तिनो, अज्जेनेव मुखं करोन्ति । एवं बुद्धानं सावकानं [बुद्धानं बुद्धसावकानं (सी० स्या०)] वचनं व्यप्यथं देसनं अनुसिद्धिं नादियन्तीति अवदानियाति — अवदानिया ।

ते विसमे निविट्ठाति विसमे कायकम्मे निविट्ठा, विसमे वचीकम्मे निविट्ठा, विसमे मनोकम्मे निविट्ठा, विसमे पाणातिपाते निविट्ठा, विसमे अदिन्नादाने निविट्ठा, विसमे कामेसुमिच्छाचारे निविट्ठा, विसमे मुसावादे निविट्ठा, विसमाय पिसुणाय वाचाय निविट्ठा, विसमाय फरुसाय वाचाय... विसमे सम्फप्पलापे... विसमाय अभिज्झाय निविट्ठा, विसमे ब्यापादे... विसमाय मिच्छादिट्ठिया निविट्ठा, विसमेसु सङ्गारेसु निविट्ठा, विसमेसु पञ्चसु कामगुणेषु निविट्ठा, विसमेसु पञ्चसु नीवरणेषु निविट्ठा विनिविट्ठा पतिट्ठिता अल्लीना उपगता अज्झोसिता अधिमुत्ता लग्गा लग्गिता पलिबुद्धाति — अवदानिया ते विसमे निविट्ठा ।

दुक्खूपनीता परिदेवयन्तीति । दुक्खूपनीताति दुक्खप्पत्ता दुक्खसम्पत्ता दुक्खूपगता, मारप्पत्ता मारसम्पत्ता मारूपगता, मरणप्पत्ता मरणसम्पत्ता मरणूपगता । परिदेवयन्तीति लपन्ति लालपन्ति [सल्लपन्ति (सी०)], सोचन्ति किलमन्ति परिदेवन्ति उरत्ताळिं कन्दन्ति सम्मोहं आपज्जन्तीति — दुक्खूपनीता परिदेवयन्ति ।

किंसू भविस्साम इतो चुतासेति इतो चुता किं भविस्साम? नेरयिका भविस्साम, तिरच्छानयोनिक्का भविस्साम, पेत्तिविसयिका भविस्साम, मनुस्सा भविस्साम, देवा भविस्साम, रूपी भविस्साम, अरूपी भविस्साम, सज्जी भविस्साम, असज्जी भविस्साम, नेवसज्जीनासज्जी भविस्साम, “भविस्साम नु खो मयं अनागतमद्धानं, ननु खो भविस्साम अनागतमद्धानं, किं नु खो भविस्साम अनागतमद्धानं, कथं नु खो भविस्साम अनागतमद्धानं, किं हुत्वा किं भविस्साम नु खो मयं अनागतमद्धानं”न्ति संसयपक्खन्दा विमतिपक्खन्दा द्वेळ्हकजाता लपन्ति लालपन्ति, सोचन्ति किलमन्ति परिदेवन्ति उरत्ताळिं कन्दन्ति सम्मोहं आपज्जन्तीति — किंसू भविस्साम इतो चुतासे ।

तेनाह भगवा —

“कामेसु गिद्धा पसुता पमूळ्हा, अवदानिया ते विसमे निविट्ठा ।
दुक्खूपनीता परिदेवयन्ति, किंसू भविस्साम इतो चुतासे”ति ॥

१०. तस्मा हि सिक्खेथ इधेव जन्तु, यं किञ्चि जज्जा विसमन्ति लोके ।
न तस्स हेतू विसमं चरेय्य, अप्पज्झिदं जीवितमाहु धीरा ॥

तस्मा हि सिक्खेथ इधेव जन्तूति । तस्माति तंकारणा तंहेतु तप्पच्चया तन्निदाना, एतमादीनवं सम्पस्समानो कामेसूति — तस्मा । सिक्खेथाति तिस्सो सिक्खा — अधिसीलसिक्खा, अधिचित्तसिक्खा, अधिपज्जासिक्खा ।

कतमा अधिसीलसिक्खा? इध भिक्खु सीलवा होति, पातिमोक्खसंवरसंवृतो विहरति आचारगोचरसम्पन्नो, अणुमत्तेसु वज्जेसु भयदस्सावी, समादाय सिक्खति सिक्खापदेसु । खुद्दको सीलक्खन्धो, महन्तो सीलक्खन्धो, सीलं पतिट्ठा आदि चरणं संयमो संवरो मोक्खं पामोक्खं कुसलानं धम्मानं समापत्तिया — अयं अधिसीलसिक्खा ।

कतमा अधिचित्तसिक्खा? इध भिक्खु विविच्चेव कामेहि विविच्च अकुसलेहि धम्मेहि सवितक्कं सविचारं विवेकजं पीतिसुखं पठमं ज्ञानं उपसम्पज्ज विहरति । वितक्कविचारानं वूपसमा अज्झत्तं सम्पसादनं चेतसो एकोदिभावं अवितक्कं

अविचारं समाधिजं पीतिसुखं दुतियं ज्ञानं उपसम्पज्ज विहरति । पीतिया च विरागा उपेक्खको च विहरति सतो च सम्पज्जानो सुखञ्च कायेन पटिसंवेदेति, यं तं अरिया आचिक्खन्ति — ‘उपेक्खको सतिमा सुखविहारी’ति ततियं ज्ञानं उपसम्पज्ज विहरति । सुखस्स च पहाना दुक्खस्स च पहाना पुब्बेव सोमनस्सदोमनस्सानं अत्थङ्गमा अदुक्खमसुखं उपेक्खासतिपारिसुद्धिं चतुत्थं ज्ञानं उपसम्पज्ज विहरति — अयं अधिचित्तसिक्खा ।

कतमा अधिपज्जासिक्खा? इध भिक्खु पज्जवा होति उदयत्थगामिनिया पज्जाय समन्नागतो, अरियाय निब्बेधिकाय सम्मादुक्खक्खयगामिनिया । सो “इदं दुक्ख”न्ति यथाभूतं पजानाति, “अयं दुक्खसमुदयो”ति यथाभूतं पजानाति, “अयं दुक्खनिरोधो”ति यथाभूतं पजानाति, “अयं दुक्खनिरोधगामिनी पटिपदा”ति यथाभूतं पजानाति । “इमे आसवा”ति यथाभूतं पजानाति, “अयं आसवसमुदयो”ति यथाभूतं पजानाति, “अयं आसवनिरोधो”ति यथाभूतं पजानाति, “अयं आसवनिरोधगामिनी पटिपदा”ति यथाभूतं पजानाति — अयं अधिपज्जासिक्खा ।

इमा तिस्सो सिक्खायो आवज्जन्तो सिक्खेय्य, जानन्तो सिक्खेय्य, पस्सन्तो सिक्खेय्य, पच्चवेक्खन्तो सिक्खेय्य, चित्तं अधिदुहन्तो सिक्खेय्य, सद्धाय अधिमुच्चन्तो सिक्खेय्य, वीरियं पगणहन्तो सिक्खेय्य, सतिं उपदुपेन्तो सिक्खेय्य, चित्तं समादहन्तो सिक्खेय्य, पज्जाय पजानन्तो सिक्खेय्य, अभिज्जेय्यं अभिजानन्तो सिक्खेय्य, परिज्जेय्यं परिजानन्तो सिक्खेय्य, पहातब्बं पजहन्तो सिक्खेय्य, भावेतब्बं भावेन्तो सिक्खेय्य, सच्छिकातब्बं सच्छिकरोन्तो सिक्खेय्य आचरेय्य समाचरेय्य समादाय वत्तेय्य ।

इधाति इमिस्सा दिट्ठिया इमिस्सा खन्तिया इमिस्सा रुचिया इमस्मिं आदाये इमस्मिं धम्मे इमस्मिं विनये इमस्मिं धम्मविनये इमस्मिं पावचने इमस्मिं ब्रह्मचरिये इमस्मिं सत्थुसासने इमस्मिं अत्तभावे इमस्मिं मनुस्सलोके — तेन वुच्चति इधाति । जन्तूति सत्तो नरो...पे०... मनुजोति — तस्मा हि सिक्खेथ इधेव जन्तु ।

यं किञ्चि जज्जा विसमन्ति लोकेति । यं किञ्चीति सब्बेन सब्बं सब्बथा सब्बं असेसं निस्सेसं परियादियनवचनमेतं [परिदायवचनमेतं (स्या०)] — यं किञ्चीति । विसमन्ति जज्जाति विसमं कायकम्मं विसमन्ति जानेय्य, विसमं वचीकम्मं विसमन्ति जानेय्य, विसमं मनोकम्मं विसमन्ति जानेय्य, विसमं पाणातिपातं विसमोति जानेय्य, विसमं अदिन्नादानं विसमन्ति जानेय्य, विसमं कामेसुमिच्छाचारं विसमोति जानेय्य, विसमं मुसावादं विसमोति जानेय्य, विसमं पिसुणं वाचं विसमाति जानेय्य, विसमं फरुसं वाचं विसमाति जानेय्य, विसमं सम्फप्पलापं विसमोति जानेय्य, विसमं अभिज्झं विसमाति जानेय्य, विसमं ब्यापादं विसमोति जानेय्य, विसमं मिच्छादिट्ठिं विसमाति जानेय्य, विसमे सङ्खारे विसमाति जानेय्य, विसमे पञ्च कामगुणे विसमाति जानेय्य, विसमे पञ्च नीवरणे विसमाति जानेय्य आजानेय्य विजानेय्य पटिविजानेय्य पटिविज्जेय्य । लोकेति अपायलोके...पे०... आयतनलोकेति — यं किञ्चि जज्जा विसमन्ति लोके ।

न तस्स हेतू विसमं चरेय्याति । विसमस्स कायकम्मस्स हेतु विसमं न चरेय्य, विसमस्स वचीकम्मस्स हेतु विसमं न चरेय्य, विसमस्स मनोकम्मस्स हेतु विसमं न चरेय्य, विसमस्स पाणातिपातस्स हेतु विसमं न चरेय्य, विसमस्स अदिन्नादानस्स हेतु विसमं न चरेय्य, विसमस्स कामेसुमिच्छाचारस्स हेतु विसमं न चरेय्य, विसमस्स मुसावादस्स हेतु विसमं न चरेय्य, विसमाय पिसुणाय वाचाय हेतु विसमं न चरेय्य, विसमाय फरुसाय वाचाय हेतु विसमं न चरेय्य, विसमस्स सम्फप्पलापस्स हेतु विसमं न चरेय्य, विसमाय अभिज्झाय हेतु विसमं न चरेय्य, विसमस्स ब्यापादस्स हेतु विसमं न चरेय्य, विसमाय मिच्छादिट्ठिया हेतु विसमं न चरेय्य, विसमानं सङ्खारानं हेतु विसमं न चरेय्य, विसमानं पञ्चन्नं कामगुणानं हेतु विसमं न चरेय्य, विसमानं पञ्चन्नं नीवरणानं हेतु विसमं न चरेय्य, विसमाय चेतनाय हेतु विसमं न चरेय्य,

विसमाय पत्थनाय हेतु विसमं न चरेय्य, विसमाय पणिधिया हेतु विसमं न चरेय्य न आचरेय्य न समाचरेय्य न समादाय वत्तेय्याति — न तस्स हेतु विसमं चरेय्य ।

अप्पज्झिदं जीवितमाहु धीराति । जीवितन्ति आयु ठिति यपना यापना इरियना वत्तना पालना जीवितं जीवितिन्द्रियं ।
अपि च, द्वीहि कारणेहि अप्पकं जीवितं — ठितिपरित्ताय वा अप्पकं जीवितं, सरसपरित्ताय वा अप्पकं जीवितं । कथं ठितिपरित्ताय अप्पकं जीवितं? अतीते चित्तक्खणे जीवित्थ, न जीवति न जीविस्सति; अनागते चित्तक्खणे जीविस्सति, न जीवति न जीवित्थ; पच्चुप्पन्ने चित्तक्खणे जीवति, न जीवित्थ न जीविस्सति ।

“जीवितं अत्तभावो च, सुखदुक्खा च केवला ।
एकचित्तसमायुत्ता, लहुसो वत्तते खणो ॥

“चुल्लासीतिसहस्सानि, कप्पा तिट्ठन्ति ये मरू ।
नत्वेव तेपि जीवन्ति, द्वीहि चित्तेहि संयुता ॥

“ये निरुद्धा मरन्तस्स, तिट्ठमानस्स वा इध ।
सब्बेपि सदिसा खन्धा, गता अप्पटिसन्धिका ॥

“अनन्तरा च ये भग्गा [भङ्गा (सी० स्या०)], ये च भग्गा अनागता ।
तदन्तरे निरुद्धानं, वेसमं नत्थि लक्खणे ॥

“अनिब्बत्तेन न जातो, पच्चुप्पन्नेन जीवति ।
चित्तभग्गा मतो लोको, पज्जति परमत्थिया ॥

“यथा निन्ना पवत्तन्ति, छन्देन परिणामिता ।
अच्छिन्नधारा वत्तन्ति, सळायतनपच्चया ॥

“अनिधानगता भग्गा, पुज्जो नत्थि अनागते ।
निब्बत्ता ये च [निब्बत्तायेव (सब्बत्थ)] तिट्ठन्ति, आरग्गे सासूपपमा ॥

“निब्बत्तानञ्च धम्मानं, भङ्गो नेसं पुरक्खतो ।
पलोकधम्मा तिट्ठन्ति, पुराणेहि अमिस्सिता ॥

“अदस्सनतो आयन्ति, भङ्गा गच्छन्ति दस्सनं ।
विज्जुप्पादोव आकासे, उप्पज्जन्ति वयन्ति चा’ति ॥

एवं ठितिपरित्ताय अप्पकं जीवितं ।

कथं सरसपरित्ताय अप्पकं जीवितं? अस्सासूपनिबन्धं जीवितं, पस्सासूपनिबन्धं जीवितं, अस्सासपस्सासूपनिबन्धं

जीवितं, महाभूतूपनिबन्धं जीवितं, कबलीकाराहारूपनिबन्धं जीवितं, उस्मूपनिबन्धं जीवितं, विज्जाणूपनिबन्धं जीवितं । मूलमि इमेसं दुब्बलं, पुब्बहेतूपि इमेसं दुब्बला । ये पच्चया तेपि दुब्बला, येपि पभाविका तेपि दुब्बला । सहभूमि इमेसं दुब्बला, सम्पयोगापि इमेसं दुब्बला, सहजापि इमेसं दुब्बला, यापि पयोजिका सापि दुब्बला, अज्जमज्जं इमे निच्चदुब्बला, अज्जमज्जं अनवड्डिता इमे । अज्जमज्जं परिपातयन्ति इमे, अज्जमज्जस्स हि नत्थि तायिता, न चापि ठपेन्ति अज्जमज्जं इमे । योपि निब्बत्तको सो न विज्जति ।

“न च केनचि कोचि हायति, गन्धब्बा च इमे हि सब्बसो ।
पुरिमेहि पभाविका इमे, येपि पभाविका ते पुरे मता ।
पुरिमापि च पच्छिमापि च, अज्जमज्जं न कदाचि मद्दसंसू’ति ॥

एवं सरसपरित्तताय अप्पकं जीवितं ।

अपि च चातुमहाराजिकानं देवानं जीवितं उपादाय मनुस्सानं अप्पकं जीवितं परित्तकं जीवितं थोकं [थोककं (क०)] जीवितं खणिकं जीवितं लहुकं जीवितं इत्तरं जीवितं अनद्धनीयं जीवितं नचिरट्टितिकं जीवितं । तावत्तिसानं देवानं...पे०... यामानं देवानं... तुसितानं देवानं... निम्मानरतीनं देवानं... परनिम्मितवसवत्तीनं देवानं... ब्रह्मकायिकानं देवानं जीवितं उपादाय मनुस्सानं अप्पकं जीवितं परित्तकं जीवितं थोकं जीवितं खणिकं जीवितं लहुकं जीवितं इत्तरं जीवितं अनद्धनीयं जीवितं नचिरट्टितिकं जीवितं ।

वुत्तज्जेतं भगवता —

“अप्पमिदं, भिक्खवे, मनुस्सानं आयु । गमनियो सम्परायो मन्ताय बोद्धब्बं, कत्तब्बं कुसलं, चरित्तब्बं ब्रह्मचरियं, नत्थि जातस्स अमरणं । यो, भिक्खवे, चिरं जीवति सो वस्ससतं अप्पं वा भिय्यो’ ।

“अप्पमायु मनुस्सानं, हीळेय्य नं सुपोरिसो ।
चरेय्यादित्तसीसोव नत्थि मच्चुस्सनागमो ॥

“अच्चयन्ति अहोरत्ता, जीवितं उपरुज्झति ।
आयु खिय्यति मच्चानं, कुन्नदीनं व ओदक’न्ति ॥

अप्पज्झिदं जीवितमाहु धीराति । धीराति धीरा, धितिमाति धीरा, धितिसम्पन्नाति धीरा, धीकतपापाति धीरा । धी वुच्चति पज्जा । या पज्जा पजानना विचयो पविचयो धम्मविचयो सल्लक्खणा उपलक्खणा पच्चुपलक्खणा पण्डित्तं कोसल्लं नेपुज्जं वेभब्बा चिन्ता उपपरिक्खा भूरि मेधा परिणायिका विपस्सना सम्पज्जं पतोदो पज्जा पज्जिन्द्रियं पज्जाबलं पज्जासत्थं पज्जापासादो पज्जाआलोको पज्जाओभासो पज्जापज्जोतो पज्जारतनं अमोहो धम्मविचयो सम्मादिट्ठि, ताय पज्जाय समन्नागतत्ता धीरा । अपि च खन्धधीरा धातुधीरा आयतनधीरा, पटिच्चसमुप्पादधीरा सतिपट्ठानधीरा सम्मप्पधानधीरा इद्धिपादधीरा, इन्द्रियधीरा बलधीरा बोज्झङ्गधीरा मग्गधीरा फलधीरा निब्बानधीरा । ते धीरा एवमाहंसु — “मनुस्सानं अप्पकं जीवितं, परित्तकं जीवितं, थोकं जीवितं, खणिकं जीवितं, लहुकं जीवितं, इत्तरं जीवितं, अनद्धनीयं जीवितं, नचिरट्टितिकं जीवितं’न्ति । एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति —

अप्पज्झिदं जीवितमाहु धीरा ।

तेनाह भगवा —

“तस्मा हि सिक्खेथ इधेव जन्तु, यं किञ्चि जज्जा विसमन्ति लोके ।

न तस्स हेतू विसमं चरेय्य, अप्पज्झिदं जीवितमाहु धीरा”ति ॥

**११. पस्सामि लोके परिफन्दमानं, पजं इमं तण्हगतं भवेसु ।
हीना नरा मच्चुमुखे लपन्ति, अवीततण्हासे भवाभवेसु ॥**

पस्सामि लोके परिफन्दमानन्ति । पस्सामीति मंसचक्खुनापि पस्सामि, दिब्बचक्खुनापि पस्सामि, पञ्चाचक्खुनापि पस्सामि, बुद्धचक्खुनापि पस्सामि, समन्तचक्खुनापि पस्सामि दक्खामि ओलोकेमि निज्झायामि उपपरिक्खामि । **लोकेति** अपायलोके मनुस्सलोके देवल्लोके खन्धलोके धातुलोके आयतनलोके ।

परिफन्दमानन्ति तण्हाफन्दनाय फन्दमानं, दिट्ठिफन्दनाय फन्दमानं, किलेसफन्दनाय फन्दमानं, पयोगफन्दनाय फन्दमानं, विपाकफन्दनाय फन्दमानं, दुच्चरितफन्दनाय फन्दमानं, रत्तं रागेन फन्दमानं, दुट्ठं दोसेन फन्दमानं, मूळ्हं मोहेन फन्दमानं, विनिबद्धं मानेन फन्दमानं, परामट्ठं दिट्ठिया फन्दमानं, विक्खेपगतं उद्धच्चेन फन्दमानं, अनिट्ठङ्गतं विचिकिच्छाय फन्दमानं, थामगतं अनुसयेहि फन्दमानं, लाभेन फन्दमानं, अलाभेन फन्दमानं, यसेन फन्दमानं, अयसेन फन्दमानं, पसंसाय फन्दमानं, निन्दाय फन्दमानं, सुखेन फन्दमानं, दुक्खेन फन्दमानं, जातिया फन्दमानं, जराय फन्दमानं, ब्याधिना फन्दमानं, मरणेन फन्दमानं, सोकपरिदेवदुक्खदोमनस्सुपायासेहि फन्दमानं, नेरयिकेन दुक्खेन फन्दमानं, तिरच्छानयोनिकेन दुक्खेन फन्दमानं, पेत्तिविसयिकेन दुक्खेन फन्दमानं, मानुसिकेन दुक्खेन फन्दमानं, गब्भोक्कन्तिमूलकेन दुक्खेन फन्दमानं, गब्भे ठितिमूलकेन दुक्खेन फन्दमानं, गब्भा वुट्ठानमूलकेन दुक्खेन फन्दमानं, जातस्सूपनिबन्धकेन दुक्खेन फन्दमानं, जातस्स पराधेय्यकेन दुक्खेन फन्दमानं, अत्तूपक्कमेन दुक्खेन फन्दमानं, परूपक्कमेन दुक्खेन फन्दमानं, दुक्खदुक्खेन फन्दमानं, सङ्खारदुक्खेन फन्दमानं, विपरिणामदुक्खेन फन्दमानं, चक्खुरोगेन दुक्खेन फन्दमानं, सोतरोगेन दुक्खेन फन्दमानं, घानरोगेन दुक्खेन... पे० ... जिह्वारोगेन... कायरोगेन... सीसरोगेन... कण्णरोगेन... मुखरोगेन... दन्तरोगेन... कासेन... सासेन... पिनासेन... दाहेन... जरेन... कुच्छिरोगेन... मुच्छाय... पक्खन्दिकाय... सूलाय ... विसुचिकाय... कुट्ठेन... गण्डेन... किलासेन... सोसेन... अपमारेन... दहुया... कण्डुया... कच्छुया... रखसाय... वितच्छिकाय... लोहितेन... पित्तेन... मधुमेहेन... अंसाय... पिठकाय... भगन्दलेन [भगन्दलाय (स्या०)] ... पित्तसमुट्ठानेन आबाधेन... सेम्हसमुट्ठानेन आबाधेन... वातसमुट्ठानेन आबाधेन... सन्निपातिकेन आबाधेन... उतुपरिणामजेन आबाधेन... विसमपरिहारजेन आबाधेन... ओपक्कमिकेन आबाधेन ... कम्मविपाकजेन आबाधेन... सीतेन... उण्हेन... जिघच्छाय... पिपासाय ... उच्चारेन... पस्सावेन... डंसमकसवातातपसरीसपसम्फस्सेन दुक्खेन... मातुमरणेन दुक्खेन... पितुमरणेन दुक्खेन... भातुमरणेन दुक्खेन... भगिनिमरणेन दुक्खेन... पुत्तमरणेन दुक्खेन... धीतुमरणेन दुक्खेन... जातिव्यसनेन... भोगव्यसनेन... रोगव्यसनेन... सीलव्यसनेन... दिट्ठिव्यसनेन दुक्खेन फन्दमानं सम्फन्दमानं विफन्दमानं वेधमानं पवेधमानं सम्पवेधमानं पस्सामि दक्खामि ओलोकेमि निज्झायामि उपपरिक्खामीति — पस्सामि लोके परिफन्दमानं ।

पजं इमं तण्हगतं भवेसूति । पजाति सत्ताधिवचनं । **तण्हाति** रूपतण्हा, सद्दतण्हा, गन्धतण्हा, रसतण्हा, फोडुब्बतण्हा, धम्मतण्हा । **तण्हगतन्ति** तण्हागतं तण्हानुगतं तण्हायानुसटं तण्हायासन्नं तण्हाय पातितं अभिभूतं

परियादिन्नचित्तं । भवेसूति कामभवे रूपभवे अरूपभवेति — पजं इमं तण्हगतं भवेसु ।

हीना नरा मच्चुमुखे लपन्तीति । हीना नराति हीना नरा हीनेन कायकम्मेन समन्नागताति हीना नरा, हीनेन वचीकम्मेन समन्नागताति हीना नरा, हीनेन मनोकम्मेन समन्नागताति हीना नरा, हीनेन पाणातिपातेन समन्नागताति हीना नरा, हीनेन अदिन्नादानेन... पे०... हीनेन कामेसुमिच्छाचारेन... हीनेन मुसावादेन... हीनाय पिसुणाय वाचाय... हीनाय फरुसाय वाचाय... हीनेन सम्फप्पलापेन... हीनाय अभिज्झाय... हीनेन ब्यापादेन... हीनाय मिच्छादिट्ठिया... हीनेहि सङ्खारेहि... हीनेहि पञ्चहि कामगुणेहि नीवरणेहि... हीनाय चेतनाय... हीनाय पत्थनाय... हीनाय पणिधिया समन्नागताति हीना नरा हीना निहीना ओहीना ओमका लामका छतुक्का परिताति — हीना नरा । **मच्चुमुखे लपन्तीति । मच्चुमुखेति** मारमुखे मरणमुखे, मच्चुप्पत्ता मच्चुसम्पत्ता मच्चूपागता, मारप्पत्ता मारसम्पत्ता मारूपागता, मरणप्पत्ता मरणसम्पत्ता मरणूपागता लपन्ति लालपन्ति सोचन्ति किलमन्ति परिदेवन्ति उरत्ताळिं कन्दन्ति सम्मोहं आपज्जन्तीति — हीना नरा मच्चुमुखे लपन्ति ।

अवीततण्हासे भवाभवेसूति । तण्हाति रूपतण्हा... पे०... धम्मतण्हा । **भवाभवेसूति** भवाभवे कम्मभवे पुनब्भवे कामभवे, कम्मभवे कामभवे पुनब्भवे रूपभवे, कम्मभवे रूपभवे पुनब्भवे अरूपभवे, कम्मभवे अरूपभवे पुनब्भवे पुनप्पुनब्भवे, पुनप्पुनगतिया पुनप्पुनउपपत्तिया पुनप्पुनपटिसन्धिया पुनप्पुनअत्तभावाभिनिब्बत्तिया, अवीततण्हा अविगततण्हा अचत्ततण्हा अवन्ततण्हा । अमुत्ततण्हा अप्पहीनतण्हा अप्पटिनिस्सट्ठतण्हाति — अवीततण्हासे भवाभवेसु ।

तेनाह भगवा —

“पस्सामि लोके परिफन्दमानं, पजं इमं तण्हगतं भवेसु ।

हीना नरा मच्चुमुखे लपन्ति, अवीततण्हासे भवाभवेसू”ति ॥

१२. ममायिते पस्सथ फन्दमाने, मच्छेव [मच्छेव (सी०)] अप्पोदके खीणसोते ।

एतम्पि दिस्वा अममो चरेय्य, भवेसु आसत्तिमकुब्बमानो ॥

ममायिते पस्सथ फन्दमानेति । ममत्ताति द्वे ममत्ता — तण्हाममत्तञ्च दिट्ठिमत्तञ्च । कतमं तण्हाममत्तं? यावता तण्हासङ्गातेन सीमकतं मरियादिकतं ओधिकतं परियन्तकतं परिग्गहितं ममायितं । इदं ममं, एतं ममं, एतकं ममं, एतावता ममं, मम रूपा सद्वा गन्धा रसा फोडुब्बा, अत्थरणा पावुरणा दासिदासा अजेळका कुक्कुटसूकरा हत्थिगवास्सवळवा खेत्तं वत्थु हिरज्जं सुवण्णं गामनिगमराजधानियो रट्ठञ्च जनपदो च कोसो च कोट्टागारञ्च, केवलम्पि महापथविं तण्हावसेन ममायति । यावता अट्ठसतं तण्हाविचरितं, इदं तण्हाममत्तं ।

कतमं दिट्ठिमत्तं? वीसतिवत्थुका सक्कायदिट्ठि, दसवत्थुका मिच्छादिट्ठि, दसवत्थुका अन्तग्गाहिका दिट्ठि; या एवरूपा दिट्ठि दिट्ठिगतं दिट्ठिगहनं दिट्ठिकन्तारो दिट्ठिविसूकायिकं दिट्ठिविप्फन्दिकं दिट्ठिसञ्जोजनं गाहो पटिग्गाहो अभिनिवेसो परामासो कुम्मग्गो मिच्छापथो मिच्छत्तं तित्थायतनं विपरियेसग्गाहो विपरीतग्गाहो विपल्लासग्गाहो मिच्छागाहो “अयाथावकस्मिं याथावक”न्ति गाहो । यावता द्वासट्ठिदिट्ठिगतानि, इदं दिट्ठिमत्तं । **ममायिते पस्सथ फन्दमानेति** ममायितं वत्थुं अच्छेदसंकिनोपि फन्दन्ति, अच्छिन्दन्तेपि फन्दन्ति, अच्छिन्नेपि फन्दन्ति, ममायितं वत्थुं विपरिणामसंकिनोपि फन्दन्ति, विपरिणामन्तेपि फन्दन्ति, विपरिणतेपि फन्दन्ति पफन्दन्ति सम्फन्दन्ति विप्फन्दन्ति वेधन्ति [वेधेन्ति (स्या०)] पवेधन्ति सम्पवेधन्ति । एवं फन्दमाने पफन्दमाने सम्फन्दमाने विप्फन्दमाने वेधमाने पवेधमाने

सम्पवेधमाने पस्सथ दक्खथ ओलोकेथ निज्झायथ उपपरिक्खथाति — ममायिते पस्सथ फन्दमाने ।

मच्छेव अप्पोदके खीणसोतेति । यथा मच्छा अप्पोदके परित्तोदके उदकपरियादाने काकेहि वा कुललेहि वा बलाकाहि वा परिपातियमाना उक्खिपियमाना खज्जमाना फन्दन्ति पफन्दन्ति सम्फन्दन्ति विफ्फन्दन्ति वेधन्ति पवेधन्ति सम्पवेधन्ति; एवमेव पजा ममायितं वत्थुं अच्छेदसंकिनोपि फन्दन्ति, अच्छिन्दन्तेपि फन्दन्ति, अच्छिन्नेपि फन्दन्ति, ममायितं वत्थुं विपरिणामसंकिनोपि फन्दन्ति, विपरिणामन्तेपि फन्दन्ति, विपरिणतेपि फन्दन्ति पफन्दन्ति सम्फन्दन्ति विफ्फन्दन्ति वेधन्ति पवेधन्ति सम्पवेधन्तीति — मच्छेव अप्पोदके खीणसोते ।

एतम्पि दिस्वा अममो चरेय्याति । एतं आदीनवं दिस्वा पस्सित्वा तुलयित्वा तीरयित्वा [\[तिरयित्वा \(क०\)\]](#) विभावयित्वा विभूतं कत्वा ममत्तेसूति — एतम्पि दिस्वा । **अममो चरेय्याति ममत्ताति** द्वे ममत्ता — तण्हाममत्तञ्च दिट्ठिमत्तञ्च... पे०... इदं तण्हाममत्तं... पे०... इदं दिट्ठिमत्तं । तण्हाममत्तं पहाय दिट्ठिमत्तं पटिनिस्सज्जित्वा चक्खुं अममायन्तो सोतं अममायन्तो घानं अममायन्तो जिह्वं अममायन्तो कायं अममायन्तो मनं अममायन्तो रूपे... सदे... गन्धे... रसे... फोडुब्बे... धम्मे... कुलं... गणं... आवासं... लाभं... यसं... पसंसं... सुखं... चीवरं... पिण्डपातं... सेनासनं... गिलानपच्चयभेसज्जपरिक्खारं... कामधातुं... रूपधातुं... अरूपधातुं... कामभवं... रूपभवं... अरूपभवं... सज्जाभवं... असज्जाभवं... नेवसज्जानासज्जाभवं... एकवोकारभवं... चतुवोकारभवं... पञ्चवोकारभवं... अतीतं... अनागतं... पच्चुप्पन्नं... दिट्ठसुतमुतविज्जातब्बे धम्मे अममायन्तो अगणहन्तो अपरामसन्तो अनभिनिविसन्तो चरेय्य विहरेय्य इरियेय्य वत्तेय्य पालेय्य यपेय्य यापेय्याति — एतम्पि दिस्वा अममो चरेय्य ।

भवेसु आसत्तिमकुब्बमानोति । भवेसूति कामभवे रूपभवे अरूपभवे । **आसत्ति** वुच्चति तण्हा । यो रागो सारागो... पे०... अभिज्झा लोभो अकुसलमूलं । **भवेसु आसत्तिमकुब्बमानोति ।** भवेसु आसत्तिं अकुब्बमानो, छन्दं पेमं रागं खन्तिं अकुब्बमानो अजनयमानो असज्जनयमानो अनिब्बत्तयमानो अनभिनिब्बत्तयमानोति — भवेसु आसत्तिमकुब्बमानो ।

तेनाह भगवा —

“ममायिते पस्सथ फन्दमाने, मच्छेव अप्पोदके खीणसोते ।

एतम्पि दिस्वा अममो चरेय्य, भवेसु आसत्तिमकुब्बमानो”ति ॥

१३. उभोसु अन्तेसु विनेय्य छन्दं, फस्सं परिज्जाय अनानुगिद्धो ।

यदत्तगरही तदकुब्बमानो, न लिम्पती [\[न लिप्पति \(सी०\)\]](#) दिट्ठसुतेसु धीरो ॥

उभोसु अन्तेसु विनेय्य छन्दन्ति । अन्ताति फस्सो एको अन्तो फस्ससमुदयो दुतियो अन्तो, अतीतो एको अन्तो अनागतो दुतियो अन्तो, सुखा वेदना एको अन्तो दुक्खा वेदना दुतियो अन्तो, नामं एको अन्तो रूपं दुतियो अन्तो, छ अज्झत्तिकानि आयतनानि एको अन्तो छ बाहिरानि आयतनानि दुतियो अन्तो, सक्कायो एको अन्तो सक्कायसमुदयो दुतियो अन्तो । **छन्दोति** यो कामेसु कामच्छन्दो कामरागो कामनन्दी कामतण्हा कामस्नेहो कामपरिळाहो काममुच्छा कामज्झोसानं कामोघो कामयोगो कामुपादानं कामच्छन्दनीवरणं । **उभोसु अन्तेसु विनेय्य छन्दन्ति** उभोसु अन्तेसु छन्दं विनेय्य पटिविनेय्य पजहेय्य विनोदेय्य व्यन्तिं करेय्य अनभावं गमेय्याति — उभोसु अन्तेसु विनेय्य छन्दं ।

फस्सं परिज्जाय अनानुगिद्धोति । फस्सोति चक्खुसम्फस्सो सोतसम्फस्सो घानसम्फस्सो जिह्वासम्फस्सो कायसम्फस्सो मनोसम्फस्सो, अधिवचनसम्फस्सो, पटिघसम्फस्सो, सुखवेदनीयो सम्फस्सो दुक्खवेदनीयो सम्फस्सो अदुक्खमसुखवेदनीयो सम्फस्सो, कुसलो फस्सो अकुसलो फस्सो अब्याकतो फस्सो, कामावचरो फस्सो रूपावचरो फस्सो अरूपावचरो फस्सो, सुज्जतो फस्सो अनिमित्तो फस्सो अप्पणिहितो फस्सो, लोकियो फस्सो लोकुत्तरो फस्सो, अतीतो फस्सो अनागतो फस्सो पच्चुप्पन्नो फस्सो, यो एवरूपो फस्सो फुसना सम्फुसना सम्फुसितत्तं — अयं वुच्चति फस्सो ।

फस्सं परिज्जायाति फस्सं तीहि परिज्जाहि परिजानित्वा — जातपरिज्जाय, तीरणपरिज्जाय [तिरणपरिज्जाय (स्या०)], पहाणपरिज्जाय । कतमा जातपरिज्जा? फस्सं जानाति — अयं चक्खुसम्फस्सो, अयं सोतसम्फस्सो, अयं घानसम्फस्सो, अयं जिह्वासम्फस्सो, अयं कायसम्फस्सो, अयं मनोसम्फस्सो, अयं अधिवचनसम्फस्सो, अयं पटिघसम्फस्सो, अयं सुखवेदनीयो फस्सो, अयं दुक्खवेदनीयो फस्सो, अयं अदुक्खमसुखवेदनीयो फस्सो, अयं कुसलो फस्सो, अयं अकुसलो फस्सो, अयं अब्याकतो फस्सो, अयं कामावचरो फस्सो, अयं रूपावचरो फस्सो, अयं अरूपावचरो फस्सो, अयं सुज्जतो फस्सो, अयं अनिमित्तो फस्सो, अयं अप्पणिहितो फस्सो, अयं लोकियो फस्सो, अयं लोकुत्तरो फस्सो, अयं अतीतो फस्सो, अयं अनागतो फस्सो, अयं पच्चुप्पन्नो फस्सोति जानाति पस्सति — अयं जातपरिज्जा ।

कतमा तीरणपरिज्जा? एवं जातं कत्वा फस्सं तीरेति । अनिच्चतो दुक्खतो रोगतो गण्डतो सल्लतो अघतो आबाधतो परतो पलोकतो ईतितो उपद्ववतो भयतो उपसग्गतो चलतो पभङ्गुतो अधुवतो अताणतो अलेणतो असरणतो रित्ततो तुच्छतो सुज्जतो अनत्ततो आदीनवतो विपरिणामधम्मतो असारकतो अधमूलतो वधकतो विभवतो सासवतो सङ्गततो मारामिसतो जातिजराब्याधिमरणधम्मतो सोकपरिदेवदुक्खदोमनस्सुपायासधम्मतो संकिलेसधम्मतो समुदयतो अत्थङ्गमतो अस्सादतो आदीनवतो निस्सरणतो तीरेति — अयं तीरणपरिज्जा ।

कतमा पहाणपरिज्जा? एवं तीरयित्वा फस्से छन्दरागं पजहति विनोदेति ब्यन्तिं करोति अनभावं गमेति । वुत्तज्हेतं भगवता — “यो, भिक्खवे, फस्सेसु छन्दरागो तं पजहथ । एवं सो फस्सो पहीनो भविस्सति उच्छिन्नमूलो तालावत्थुकतो अनभावं कतो आर्यति अनुप्पादधम्मो”ति — अयं पहाणपरिज्जा । **फस्सं परिज्जायाति ।** फस्सं इमाहि तीहि परिज्जाहि परिजानित्वा । **अनानुगिद्धोति ।** गेधाए वुच्चति तण्हा । यो रागो सारागो... पे०... अभिज्झा लोभो अकुसलमूलं । यस्सेसो गेधो पहीनो समुच्छिन्नो वूपसन्तो पटिपस्सद्धो अभव्वुप्पत्तिको जाणगिना दड्ढो, सो वुच्चति अगिद्धो । सो रूपे अगिद्धो सद्दे अगिद्धो गन्धे अगिद्धो रसे अगिद्धो फोड्डब्बे अगिद्धो कुले... गणे... आवासे... लाभे... यसे... पसंसाय... सुखे... चीवरे... पिण्डपाते... सेनासने... गिलानपच्चयभेसज्जपरिक्खारे अगिद्धो कामधातुया... रूपधातुया... अरूपधातुया... कामभवे... रूपभवे... अरूपभवे... सज्जाभवे... असज्जाभवे... नेवसज्जानासज्जाभवे... एकवोकारभवे... चतुवोकारभवे... पच्चवोकारभवे... अतीते... अनागते... पच्चुप्पन्ने... दिट्ठसुतमुतविज्जातब्बेसु धम्मेसु अगिद्धो अगधितो अमुच्छितो अनज्झापन्नो वीतगेधो विगतगेधो चत्तगेधो वन्तगेधो मुत्तगेधो पहीनगेधो पटिनिस्सट्ठगेधो वीतरागो विगतरागो चत्तरागो वन्तरागो मुत्तरागो पहीनरागो पटिनिस्सट्ठरागो निच्छातो निब्बुतो सीतिभूतो सुखपटिसंवेदी ब्रह्मभूतेन अत्तना विहरतीति — फस्सं परिज्जाय अनानुगिद्धो ।

यदत्तगरही तदकुब्बमानोति । यदन्ति यं । **अत्तगरहीति** द्वीहि कारणेहि अत्तानं गरहति — कतत्ता च अकतत्ता च । कथं कतत्ता च अकतत्ता च अत्तानं गरहति? कतं मे कायदुच्चरितं, अकतं मे कायसुचरितन्ति — अत्तानं गरहति । कतं मे

वचीदुच्चरितं, अकतं मे वचीसुचरितन्ति — अत्तानं गरहति । कतं मे मनोदुच्चरितं, अकतं मे मनोसुचरितन्ति — अत्तानं गरहति । कतो मे पाणातिपातो, अकता मे पाणातिपाता वेरमणीति — अत्तानं गरहति । कतं मे अदिन्नादानं, अकता मे अदिन्नादाना वेरमणीति — अत्तानं गरहति । कतो मे कामेसुमिच्छाचारो, अकता मे कामेसुमिच्छाचारा वेरमणीति — अत्तानं गरहति । कतो मे मुसावादो, अकता मे मुसावादा वेरमणीति — अत्तानं गरहति । कता मे पिसुणा वाचा, अकता मे पिसुणाय वाचाय वेरमणीति — अत्तानं गरहति । कता मे फरुसा वाचा, अकता मे फरुसाय वाचाय वेरमणीति — अत्तानं गरहति । कतो मे सम्फप्पलापो, अकता मे सम्फप्पलापा वेरमणीति — अत्तानं गरहति । कता मे अभिज्झा, अकता मे अनभिज्झाति — अत्तानं गरहति । कतो मे ब्यापादो, अकतो मे अब्यापादोति — अत्तानं गरहति । कता मे मिच्छादिट्ठि, अकता मे सम्मादिट्ठीति — अत्तानं गरहति । एवं कतत्ता च अकतत्ता च अत्तानं गरहति । अथ वा, सीलेसुम्हि न परिपूरकारीति — अत्तानं गरहति । इन्द्रियेसुम्हि अगुत्तद्वारोति — अत्तानं गरहति । भोजनेम्हि [भोजने (स्या०)] अमत्तञ्जूति — अत्तानं गरहति । जागरियं अननुयुत्तोति — अत्तानं गरहति । सतिसम्पज्जेन असमन्नागतोति — अत्तानं गरहति । अभाविता मे चत्तारो सतिपट्टानाति — अत्तानं गरहति । अभाविता मे चत्तारो सम्मप्पधानाति — अत्तानं गरहति । अभाविता मे चत्तारो इद्धिपादाति — अत्तानं गरहति । अभावितानि मे पञ्चिन्द्रियानीति — अत्तानं गरहति । अभावितानि मे पञ्च बलानीति — अत्तानं गरहति । अभाविता मे सत्त बोज्झङ्गाति — अत्तानं गरहति । अभावितो मे अरियो अट्ठङ्गिको मग्गोति — अत्तानं गरहति । दुक्खं मे अपरिज्जातन्ति — अत्तानं गरहति । समुदयो मे अप्पहीनोति — अत्तानं गरहति । मग्गो मे अभावितोति — अत्तानं गरहति । निरोधो मे असच्छिकतोति — अत्तानं गरहति । एवं कतत्ता च अकतत्ता च अत्तानं गरहति । एवं अत्तगरहितं कम्मं अकुब्बमानो अजनयमानो असज्जनयमानो अनिब्बत्तयमानो अनभिनिब्बत्तयमानोति — यदत्तगरही तदकुब्बमानो । न लिम्पती दिट्ठसुतेसु धीरोति । लेपोति द्वे लेपा — तण्हालेपो च दिट्ठिलेपो च...पे०... अयं तण्हालेपो...पे०... अयं दिट्ठिलेपो । धीरोति पण्डितो पज्जवा बुद्धिमा जाणी विभावी मेधावी । धीरो तण्हालेपं पहाय दिट्ठिलेपं पटिनिस्सज्जित्वा दिट्ठे न लिम्पति, सुते न लिम्पति, मुते न लिम्पति, विज्जाते न लिम्पति, न पलिम्पति [न संलिम्पति (स्या०)], न उपलिम्पति । अलित्तो अपलित्तो [असंलित्तो (स्या०)] अनुपलित्तो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — न लिम्पती दिट्ठसुतेसु धीरोति ।

तेनाह भगवा —

“उभोसु अन्तेसु विनेय्य छन्दं, फस्सं परिज्जाय अनानुगिद्धो ।
यदत्तगरही तदकुब्बमानो, न लिम्पती दिट्ठसुतेसु धीरो”ति ॥

१४. सज्जं परिज्जा वितरेय्य ओघं, परिग्गहेसु मुनि नोपलित्तो ।
अब्बूळहसल्लो चरमप्पमत्तो, नासीसती लोकमिमं परञ्च ॥

सज्जं परिज्जा वितरेय्य ओघन्ति । सज्जाति कामसज्जा ब्यापादसज्जा विहिंसासज्जा नेक्खम्मसज्जा अब्यापादसज्जा अविहिंसासज्जा रूपसज्जा सदसज्जा गन्धसज्जा रससज्जा फोडुब्बसज्जा धम्मसज्जा — या एवरूपा सज्जा सज्जानना सज्जानितत्तं — अयं वुच्चति सज्जा । सज्जं परिज्जाति सज्जं तीहि परिज्जाहि परिजानित्वा — जातपरिज्जाय, तीरणपरिज्जाय, पहानपरिज्जाय ।

कतमा जातपरिज्जा? सज्जं जानाति — अयं कामसज्जा, अयं ब्यापादसज्जा, अयं विहिंसासज्जा, अयं नेक्खम्मसज्जा, अयं अब्यापादसज्जा, अयं अविहिंसासज्जा, अयं रूपसज्जा, अयं सदसज्जा, अयं गन्धसज्जा, अयं

रससज्जा, अयं फोडुब्बसज्जा, अयं धम्मसज्जाति जानाति पस्सति — अयं जातपरिज्जा ।

कतमा तीरणपरिज्जा? एवं जातं कत्वा सज्जं तीरेति । अनिच्चतो दुक्खतो रोगतो गण्डतो सल्लतो अघतो आबाधतो परतो पलोकतो ईतितो उपद्ववतो भयतो उपसग्गतो चलतो पभङ्गुतो...पे०... समुदयतो अत्थङ्गमतो अस्सादतो आदीनवतो निस्सरणतो तीरेति — अयं तीरणपरिज्जा ।

कतमा पहानपरिज्जा? एवं तीरयित्वा सज्जाय छन्दरागं पजहति विनोदेति अनभावं गमेति । वुत्तम्मि हेतं भगवता — “यो, भिक्खवे, सज्जाय छन्दरागो, तं पजहथ । एवं सा सज्जा पहीना भविस्सति उच्छिन्नमूला तालावत्थुकता अनभावं कता आयति अनुप्पादधम्मा”ति — अयं पहानपरिज्जा । **सज्जं परिज्जाति** सज्जं इमाहि तीहि परिज्जाहि परिजानित्वा । **वितरेय्य ओघन्ति** कामोघं भवोघं दिट्ठोघं अविज्जोघं तरेय्य उत्तरेय्य पतरेय्य समतिक्कमेय्य वीतिवत्तेय्याति — सज्जं परिज्जा वितरेय्य ओघं ।

परिग्गहेसु मुनि नोपलित्तोति । परिग्गहाति द्वे परिग्गहा — तण्हापरिग्गहो च दिट्ठिपरिग्गहो च...पे०... अयं तण्हापरिग्गहो...पे०... अयं दिट्ठिपरिग्गहो । **मुनीति** । मोनं वुच्चति जाणं । या पज्जा पजानना...पे०... अमोहो धम्मविचयो सम्मादिट्ठि, तेन जाणेन समन्नागतो मुनि मोनप्पत्तोति । तीणि मोनेय्यानि — कायमोनेय्यं, वचीमोनेय्यं, मनोमोनेय्यं ।

कतमं कायमोनेय्यं? तिविधकायदुच्चरितानं पहानं कायमोनेय्यं, तिविधं कायसुचरितं कायमोनेय्यं, कायारम्मणे जाणं कायमोनेय्यं, कायपरिज्जा कायमोनेय्यं, परिज्जासहगतो मग्गो कायमोनेय्यं, काये छन्दरागस्स पहानं कायमोनेय्यं, कायसङ्खारनिरोधो चतुत्थज्झानसमापत्ति कायमोनेय्यं — इदं कायमोनेय्यं ।

कतमं वचीमोनेय्यं? चतुब्बिधवचीदुच्चरितानं पहानं वचीमोनेय्यं, चतुब्बिधं वचीसुचरितं वचीमोनेय्यं, वाचारम्मणे जाणं वचीमोनेय्यं, वाचापरिज्जा वचीमोनेय्यं, परिज्जासहगतो मग्गो वचीमोनेय्यं, वाचाय छन्दरागस्स पहानं वचीमोनेय्यं, वचीसङ्खारनिरोधो दुतियज्झानसमापत्ति वचीमोनेय्यं — इदं वचीमोनेय्यं ।

कतमं मनोमोनेय्यं? तिविधमनोदुच्चरितानं पहानं मनोमोनेय्यं, तिविधं मनोसुचरितं मनोमोनेय्यं, चित्तारम्मणे जाणं मनोमोनेय्यं, चित्तपरिज्जा मनोमोनेय्यं, परिज्जासहगतो मग्गो मनोमोनेय्यं, चित्ते छन्दरागस्स पहानं मनोमोनेय्यं, चित्तसङ्खारनिरोधो सज्जावेदयितनिरोधं मनोमोनेय्यं — इदं मनोमोनेय्यं ।

“कायमुनिं वाचामुनिं, मनोमुनिमनासवं ।
मुनिं मोनेय्यसम्पन्नं, आहु सव्वप्पहायिनं ॥

“कायमुनिं वाचामुनिं, मनोमुनिमनासवं ।
मुनिं मोनेय्यसम्पन्नं, आहु निन्हातपापकन्ति [निन्हातपापकन्ति (स्या०)] ॥

इमेहि तीहि मोनेय्येहि धम्मेहि समन्नागता छ मुनिनो [छ मुनयो (स्या०)] — अगारमुनिनो, अनगारमुनिनो, सेखमुनिनो, असेखमुनिनो, पच्चेकमुनिनो, मुनिमुनिनोति । कतमे अगारमुनिनो? ये ते अगारिका दिट्ठपदा विज्जातसासना — इमे अगारमुनिनो । कतमे अनगारमुनिनो? ये ते पब्बजिता दिट्ठपदा विज्जातसासना — इमे अनगारमुनिनो । सत्त सेखा सेखमुनिनो । अरहन्तो असेखमुनिनो । पच्चेकबुद्धा पच्चेकमुनिनो । मुनिमुनिनो वुच्चन्ति तथागता अरहन्तो सम्मासम्बुद्धा ।

“न मोनेन मुनि होति, मूळहरूपो अविदसु ।
यो च तुलं व पग्गह, वरमादाय पण्डितो ॥

“पापानि परिवज्जेति, स मुनि तेन सो मुनि ।
यो मुनाति उभो लोके, मुनि तेन पवुच्चति ॥

“असतज्ज सतज्ज जत्वा धम्मं, अज्झत्तं बहिद्धा च सब्बलोके ।
देवमनुस्सेहि पूजितो यो, सङ्गजालमतिच्च सो मुनी”ति ॥

लेपाति द्वे लेपा — तण्हालेपो च दिट्ठिलेपो च...पे०... अयं तण्हालेपो...पे०... अयं दिट्ठिलेपो । मुनि तण्हालेपं पहाय दिट्ठिलेपं पटिनिस्सज्जित्वा परिग्गहेसु न लिम्पति न पलिम्पति न उपलिम्पति । अलित्तो अपलित्तो अनुपलित्तो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — परिग्गहेसु मुनि नोपलित्तो ।

अब्बूळहसल्लो चरमप्पमत्तोति । सल्लन्ति सत्त सल्लानि — रागसल्लं, दोससल्लं, मोहसल्लं, मानसल्लं, दिट्ठिसल्लं, सोकसल्लं, कथंकथासल्लं [दुच्चरितसल्लं (सी०)] । यस्सेते सल्ला पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दड्ढा, सो वुच्चति अब्बूळहसल्लो अब्बहितसल्लो उद्धतसल्लो समुद्धतसल्लो उप्पाटितसल्लो समुप्पाटितसल्लो चत्तसल्लो वन्तसल्लो मुत्तसल्लो पहीनसल्लो पटिनिस्सट्सल्लो निच्छातो निब्बुतो सीतिभूतो सुखपटिसंवेदी ब्रह्मभूतेन अत्तना विहरतीति — अब्बूळहसल्लो ।

चरन्ति चरन्तो विहरन्तो इरियन्तो वत्तन्तो पालेन्तो यपेन्तो यापेन्तो । अप्पमत्तोति सक्कच्चकारी सातच्चकारी अट्ठितकारी अनोलीनवुत्तिको अनिक्खित्तच्छन्दो अनिक्खित्तधुरो कुसलेसु धम्मेषु । “कथाहं अपरिपूरं वा सीलक्खन्धं परिपूरेय्यं, परिपूरं वा सीलक्खन्धं तत्थ तत्थ पज्जाय अनुग्गणहेय्य”न्ति यो तत्थ छन्दो च वायामो च उस्साहो च उस्सोळ्ही च अप्पटिवानि च सति च सम्पजज्जच्च आतप्पं पधानं अधिद्धानं अनुयोगो अप्पमादो कुसलेसु धम्मेषु । “कथाहं अपरिपूरं वा समाधिक्खन्धं परिपूरेय्यं, परिपूरं वा समाधिक्खन्धं तत्थ तत्थ पज्जाय अनुग्गणहेय्य”न्ति...पे०... कुसलेसु धम्मेषु । “कथाहं अपरिपूरं वा पज्जाक्खन्धं परिपूरेय्यं... विमुत्तिक्खन्धं... विमुत्तिजाणदस्सनक्खन्धं परिपूरेय्यं, परिपूरं वा विमुत्तिजाणदस्सनक्खन्धं तत्थ तत्थ पज्जाय अनुग्गणहेय्य”न्ति यो तत्थ छन्दो च वायामो च उस्साहो च उस्सोळ्ही च अप्पटिवानि च सति च सम्पजज्जच्च आतप्पं पधानं अधिद्धानं अनुयोगो अप्पमादो कुसलेसु धम्मेषु । “कथाहं अपरिज्जातं वा दुक्खं परिजानेय्यं, अप्पहीने वा किलेसे पजहेय्यं, अभावितं वा मग्गं भावेय्यं, असच्छिकतं वा निरोधं सच्छिकरेय्य”न्ति यो तत्थ छन्दो च वायामो च उस्साहो च उस्सोळ्ही च अप्पटिवानि च सति च सम्पजज्जच्च आतप्पं पधानं अधिद्धानं अनुयोगो अप्पमादो कुसलेसु धम्मेषूति — अब्बूळहसल्लो चरमप्पमत्तो ।

नासीसती लोकमिमं परज्जाति इमं लोकं नासीसति सकत्तभावं, परलोकं नासीसति परत्तभावं; इमं लोकं नासीसति सकरूपवेदनासज्जासङ्खारविज्जाणं, परं लोकं नासीसति पररूपवेदनासज्जासङ्खारविज्जाणं; इमं लोकं नासीसति छ अज्झत्तिकानि आयतनानि, परं लोकं नासीसति छ बाहिरानि आयतनानि; इमं लोकं नासीसति मनुस्सलोकं, परं लोकं नासीसति देवलोकं । इमं लोकं नासीसति कामधातुं, परं लोकं नासीसति रूपधातुं अरूपधातुं; इमं लोकं नासीसति कामधातुं रूपधातुं, परं लोकं नासीसति अरूपधातुं । पुन गतिं वा उपपत्तिं वा पटिसन्धिं वा भवं वा संसारं वा वट्ठं वा नासीसति न इच्छति न सादियति न पत्थेति न पिहेति नातिजप्पतीति — नासीसती लोकमिमं परज्जाति ।

तेनाह भगवा —

“सज्जं परिज्जा वितरेय्य ओघं, परिग्गहेसु मुनि नोपलित्तो ।
अब्बूळहसल्लो चरमप्पमत्तो, नासीसती लोकमिमं परज्जा”ति ॥

गुहट्टकसुत्तनिद्देशो दुतियो ।

३. दुट्टकसुत्तनिद्देशो

अथ दुट्टकसुत्तनिद्देशं वक्खति —

१५. वदन्ति वे दुट्टमनापि एके, अथोपि [अज्जेपि ते (सी०), अज्जेपि (स्या०)] वे सच्चमना वदन्ति ।
वादज्ज जातं मुनि नो उपेति, तस्मा मुनी नत्थि खिलो कुहिज्जि ॥

वदन्ति वे दुट्टमनापि एकेति ते तित्थिया दुट्टमना विरुद्धमना पटिविरुद्धमना आहतमना पच्चाहतमना आघातितमना पच्चाघातितमना वदन्ति उपवदन्ति भगवन्तज्ज भिक्खुसङ्घज्ज अभूतेनाति — वदन्ति वे दुट्टमनापि एके ।

अथोपि वे सच्चमना वदन्तीति ये तेसं तित्थियानं सद्वहन्ता ओकप्पेन्ता अधिमुच्चन्ता सच्चमना सच्चसज्जिनो भूतमना भूतसज्जिनो तथमना तथसज्जिनो याथावमना याथावसज्जिनो अविपरीतमना अविपरीतसज्जिनो वदन्ति उपवदन्ति भगवन्तज्ज भिक्खुसङ्घज्ज अभूतेनाति — अथोपि वे सच्चमना वदन्ति ।

वादज्ज जातं मुनि नो उपेतीति । सो वादो जातो होति सज्जातो निब्बत्तो अभिनिब्बत्तो पातुभूतो परतोघोसो अक्कोसो उपवादो भगवतो च भिक्खुसङ्घस्स च अभूतेनाति — वादज्ज जातं । मुनि नो उपेतीति । मुनीति । मोनं वुच्चति जाणं । या पज्जा पजानना अमोहो धम्मविचयो सम्मादिट्ठि, तेन जाणेन समन्नागतो मुनि मोनप्पत्तो... पे०... सङ्गजालमतिच्च सो मुनि । यो वादं उपेति सो द्वीहि कारणेहि वादं उपेति — कारको कारकताय वादं उपेति, अथ वा वुच्चमानो उपवदियमानो कुप्पति ब्यापज्जति पतिट्ठियति कोपज्ज दोसज्ज अप्पच्चयज्ज पातुकरोति । अकारकोम्हीति यो वादं उपेति सो इमेहि द्वीहि कारणेहि वादं उपेति । मुनि द्वीहि कारणेहि वादं न उपेति — अकारको मुनि अकारकताय वादं न उपेति, अथ वा वुच्चमानो उपवदियमानो न कुप्पति न ब्यापज्जति न पतिट्ठियति न कोपज्ज दोसज्ज अप्पच्चयज्ज पातुकरोति । अकारकोम्हीति मुनि इमेहि द्वीहि कारणेहि वादं न उपेति न उपगच्छति न गण्हाति न परामसति न अभिनिविसतीति — वादज्ज जातं मुनि नो उपेति ।

तस्मा मुनी नत्थि खिलो कुहिज्जीति । तस्माति तस्मा तंकारणा तंहेतु तप्पच्चया तंनिदानं मुनिनो आहतचित्तता खिलजाततापि नत्थि । पज्जपि चेतोखिला नत्थि, तयोपि खिला नत्थि । रागखिलो दोसखिलो मोहखिलो नत्थि न सन्ति न संविज्जति नुपलब्धति, पहीनो समुच्छिन्नो वूपसन्तो पटिपस्सद्धो अभब्बुप्पत्तिको जाणग्गिना दट्ठो । कुहिज्जीति कुहिज्जि किमिहि कत्थिचि अज्झत्तं वा बहिद्धा वा अज्झत्तबहिद्धा वाति — तस्मा मुनी नत्थि खिलो कुहिज्जीति ।

तेनाह भगवा —

“वदन्ति वे दुद्धमनापि एके, अथोपि वे सच्चमना वदन्ति ।
वादञ्च जातं मुनि नो उपेति, तस्मा मुनी नत्थि खिलो कुहिञ्ची”ति ॥

**१६. सकञ्चि दिट्ठिं कथमच्चयेय्य, छन्दानुनीतो रुचिया निविट्ठो ।
सयं समत्तानि पकुब्बमानो, यथा हि जानेय्य तथा वदेय्य ॥**

सकञ्चि दिट्ठिं कथमच्चयेय्याति । यं ते तित्थिया सुन्दरिपरिब्बाजिकं हन्त्वा समणानं सक्यपुत्तियानं अवण्णं पकासयित्वा “एवं एतं लाभं यससक्कारं सम्मानं पच्चाहरिस्सामा”ति ते एवंदिट्ठिका एवंखन्तिका एवंरुचिका एवंलद्धिका एवंअज्झासया एवंअधिप्पाया, ते नासक्खिंसु सकं दिट्ठिं सकं खन्तिं सकं रुचिं सकं लद्धिं सकं अज्झासयं सकं अधिप्पायं अतिक्कमितुं; अथ खो स्वेव अयसो ते पच्चागतोति, एवम्पि — सकञ्चि दिट्ठिं कथमच्चयेय्य । अथ वा “सस्सतो लोको, इदमेव सच्चं मोघमञ्ज”न्ति यो सो एवंवादो, सो सकं दिट्ठिं सकं खन्तिं सकं रुचिं सकं लद्धिं सकं अज्झासयं सकं अधिप्पायं कथं अच्चयेय्य अतिक्कमेय्य समतिक्कमेय्य वीतिवत्तेय्य? तं किस्स हेतु? तस्स सा दिट्ठि तथा समत्ता समादिन्ना गहिता परामद्धा अभिनिविट्ठा अज्झोसिता अधिमुत्ताति । एवम्पि — सकञ्चि दिट्ठिं कथमच्चयेय्य? “असस्सतो लोको...पे०... अन्तवा लोको... अनन्तवा लोको... तं जीवं तं सरीरं... अज्जं जीवं अज्जं सरीरं... होति तथागतो परं मरणा... न होति तथागतो परं मरणा... होति च न च होति तथागतो परं मरणा... नेव होति न न होति तथागतो परं मरणा, इदमेव सच्चं मोघमञ्ज”न्ति यो सो एवं वादो, सो सकं दिट्ठिं सकं खन्तिं सकं रुचिं सकं लद्धिं सकं अज्झासयं सकं अधिप्पायं कथं अच्चयेय्य अतिक्कमेय्य समतिक्कमेय्य वीतिवत्तेय्य? तं किस्स हेतु? तस्स सा दिट्ठि तथा समत्ता समादिन्ना गहिता परामद्धा अभिनिविट्ठा अज्झोसिता अधिमुत्ताति । एवम्पि — सकञ्चि दिट्ठिं कथमच्चयेय्य ।

छन्दानुनीतो रुचिया निविट्ठोति । छन्दानुनीतोति सकाय दिट्ठिया सकाय खन्तिया सकाय रुचिया सकाय लद्धिया यायति निय्यति वुहति संहरीयति । यथा हत्थियानेन वा अस्सयानेन वा रथयानेन वा गोयानेन वा अजयानेन वा मेण्डयानेन वा ओट्टयानेन वा खरयानेन वा यायति निय्यति वुहति संहरीयति, एवमेव सकाय दिट्ठिया सकाय खन्तिया सकाय रुचिया सकाय लद्धिया यायति निय्यति वुहति संहरीयतीति — छन्दानुनीतो । रुचिया निविट्ठोति सकाय दिट्ठिया सकाय रुचिया सकाय लद्धिया निविट्ठो पतिट्ठितो अल्लीनो उपगतो अज्झोसितो अधिमुत्तोति — छन्दानुनीतो रुचिया निविट्ठो ।

सयं समत्तानि पकुब्बमानोति । सयं समत्तं करोति परिपुण्णं करोति अनोमं करोति अगं सेट्ठं विसिट्ठं पामोक्खं उत्तमं पवरं करोति । “अयं सत्था सब्बञ्जू”ति सयं समत्तं करोति परिपुण्णं करोति अनोमं करोति अगं सेट्ठं विसिट्ठं पामोक्खं उत्तमं पवरं करोति । “अयं धम्मो स्वाक्खातो...पे०... अयं गणो सुप्पटिपन्नो... अयं दिट्ठि भट्ठिका... अयं पटिपदा सुपज्जत्ता... अयं मग्गो निय्यानिको”ति सयं समत्तं करोति परिपुण्णं करोति अनोमं करोति अगं सेट्ठं विसिट्ठं पामोक्खं उत्तमं पवरं करोति जनेति सज्जनेति निब्बत्तेति अभिनिब्बत्तेतीति — सयं समत्तानि पकुब्बमानो ।

यथा हि जानेय्य तथा वदेय्याति यथा जानेय्य, तथा वदेय्य कथेय्य भणेय्य दीपयेय्य वोहरेय्य । “सस्सतो लोको, इदमेव सच्चं मोघमञ्ज”न्ति यथा जानेय्य, तथा वदेय्य कथेय्य भणेय्य दीपयेय्य वोहरेय्य । “असस्सतो लोको...पे०... नेव होति न न होति तथागतो परं मरणा, इदमेव सच्चं मोघमञ्ज”न्ति यथा जानेय्य, तथा वदेय्य कथेय्य भणेय्य दीपयेय्य वोहरेय्याति — यथा हि जानेय्य तथा वदेय्य ।

तेनाह भगवा —

“सकञ्चि दिट्ठिं कथमच्चयेय्य, छन्दानुनीतो रुचिया निविट्ठो ।
सयं समत्तानि पकुब्बमानो, यथा हि जानेय्य तथा वदेय्या”ति ॥

**१७. यो अत्तनो सीलवतानि जन्तु, अनानुपुट्ठोव [अनानुपुट्ठो च (स्या०)] परेस पाव पावा (सी० स्या०) ।
अनरियधम्मं कुसला तमाहु, यो आतुमानं सयमेव पाव [पावा (सी० स्या०)] ॥**

यो अत्तनो सीलवतानि जन्तूति । योति यो यादिसो यथायुत्तो यथाविहितो यथापकारो यंठानप्पत्तो यंधम्मसमन्नागतो खत्तियो वा ब्राह्मणो वा वेस्सो वा सुट्ठो वा गहट्ठो वा पब्बजितो वा देवो वा मनुस्सो वा । सीलवतानीति अत्थि सीलञ्चेव वतञ्च [वत्तञ्च (स्या०), एवमुपरिपि], अत्थि वतं न सीलं । कतमं सीलञ्चेव वतञ्च? इध भिक्खु सीलवा होति, पातिमोक्खसंवरसंवृतो विहरति आचारगोचरसम्पन्नो अणुमत्तेसु वज्जेसु भयदस्सावी, समादाय सिक्खति सिक्खापदेसु । यो तत्थ संयमो संवरो अवीतिकम्मो, इदं सीलं । यं समादानं तं वतं । संवरट्ठेन सीलं; समादानट्ठेन वतं — इदं वुच्चति सीलञ्चेव वतञ्च । कतमं वतं, न सीलं? अट्ठ धुतङ्गानि — आरज्जिकङ्गं, पिण्डपातिकङ्गं, पंसुकूलिकङ्गं, तेचीवरिकङ्गं, सपदानचारिकङ्गं, खलुपच्छाभत्तिकङ्गं, नेसज्जिकङ्गं, यथासन्थतिकङ्गं — इदं वुच्चति वतं, न सीलं । वीरियसमादानमपि वुच्चति वतं, न सीलं । “कामं तच्चो च न्हारु [न्हारु (सी० स्या०)] च अट्ठि च अवसिस्सतु [अवसुस्सतु (स्या०)], सरीरे उपस्सुस्सतु मंसलोहितं । यं तं पुरिसथामेन पुरिसबलेन पुरिसवीरियेन पुरिसपरक्कमेन पत्तब्बं, न तं अपापुणित्वा वीरियस्स सण्ठानं भविस्सती”ति — चित्तं पग्गण्हाति पदहति । एवरूपं वीरियसमादानं — इदं वुच्चति वतं, न सीलं ।

“नासिस्सं न पिविस्सामि, विहारतो न निक्खमे ।
नपि पस्सं निपातेस्सं, तण्हासल्ले अनुहते”ति ॥

चित्तं पग्गण्हाति पदहति । एवरूपमपि वीरियसमादानं वुच्चति वतं, न सीलं । “न तावाहं इमं पल्लङ्गं भिन्दिस्सामि याव मे न अनुपादाय आसवेहि चित्तं विमुच्चिस्सती”ति — चित्तं पग्गण्हाति पदहति । एवरूपमपि वीरियसमादानं वुच्चति वतं, न सीलं । “न तावाहं इमम्हा आसना वुट्ठहिस्सामि, चङ्कमा ओरोहिस्सामि, विहारा निक्खमिस्सामि, अट्ठयोगा निक्खमिस्सामि, पासादा निक्खमिस्सामि, हम्मिया निक्खमिस्सामि, गुहाय निक्खमिस्सामि, लेणा निक्खमिस्सामि, कुटिया निक्खमिस्सामि, कूटागारा निक्खमिस्सामि, अट्ठा निक्खमिस्सामि, माळा निक्खमिस्सामि, उट्ठण्डा [उट्ठण्डा (क०)] निक्खमिस्सामि उपट्ठानसालाय निक्खमिस्सामि मण्डपा निक्खमिस्सामि, रुक्खमूला निक्खमिस्सामि याव मे न अनुपादाय आसवेहि चित्तं विमुच्चिस्सती”ति — चित्तं पग्गण्हाति पदहति । एवरूपमपि वीरियसमादानं वुच्चति वतं, न सीलं । “इमस्मिञ्जेव पुब्बण्हसमयं अरियधम्मं आहरिस्सामि समाहरिस्सामि अधिगच्छिस्सामि फस्सयिस्सामि सच्छिकरिस्सामी”ति — चित्तं पग्गण्हाति पदहति । एवरूपमपि वीरियसमादानं वुच्चति वतं, न सीलं । “इमस्मिञ्जेव मज्झन्हिकसमयं, सायन्हसमयं, पुरेभत्तं, पच्छाभत्तं, पुरिमं यामं, मज्झिमं यामं, पच्छिमं यामं, काळे, जुण्हे, वस्से, हेमन्ते, गिम्हे, पुरिमे वयोखन्धे, मज्झिमे वयोखन्धे, पच्छिमे वयोखन्धे अरियधम्मं आहरिस्सामि समाहरिस्सामि अधिगच्छिस्सामि फस्सयिस्सामि सच्छिकरिस्सामी”ति — चित्तं पग्गण्हाति पदहति । एवरूपमपि वीरियसमादानं वुच्चति वतं, न सीलं । जन्तूति सत्तो नरो मानवो [माणवो (क०)] पोसो पुग्गलो जीवो जागु जन्तु इन्दगु मनुजोति — यो अत्तनो सीलवतानि जन्तु ।

अनानुपुट्ठोव परेस पावाति । परेसन्ति परेसं खत्तियानं ब्राह्मणानं वेस्सानं सुद्धानं गहट्ठानं पब्बजितानं देवानं मनुस्सानं । अनानुपुट्ठोति अपुट्ठो अपुच्छितो अयाचितो अनज्जेसितो अपसादितो । पावाति अत्तनो सीलं वा वतं वा सीलब्बतं वा पावदति । अहमस्मि सीलसम्पन्नोति वा, वतसम्पन्नोति वा, सीलब्बतसम्पन्नोति वा जातिया वा गोत्तेन वा

कोलपुत्तियेन वा वण्णपोक्खरताय वा धनेन वा अज्झेनेन वा कम्मायतनेन वा सिप्पायतनेन वा विज्जाट्टानेन [विज्जट्टानेन (स्या०)] वा सुतेन वा पटिभानेन [पटिभाणेन (सी० स्या० क०)] वा अज्जतरज्जतरेन वा वत्थुना, उच्चा कुला पब्बजितोति वा, महाकुला पब्बजितोति वा, महाभोगकुला पब्बजितोति वा, उळारभोगकुला पब्बजितोति वा, जातो यसस्सी सगहट्टपब्बजितानन्ति वा, लाभिम्हि चीवरपिण्डपातसेनासनगिलानपच्चयभेसज्जपरिक्खारान'न्ति वा, सुत्तन्तिकोति वा, विनयधरोति वा, धम्मकथिकोति वा, आरज्जिकोति वा, पिण्डपातिकोति वा, पंसुकूलिकोति वा, तेचीवरिकोति वा, सपदानचारिकोति वा, खलुपच्छाभत्तिकोति वा, नेसज्जिकोति वा, यथासन्थतिकोति वा, पठमस्स ज्ञानस्स लाभीति वा, दुतियस्स ज्ञानस्स लाभीति वा, ततियस्स ज्ञानस्स लाभीति वा, चतुत्थस्स ज्ञानस्स लाभीति वा, आकासानज्जायतनसमापत्तिया लाभीति वा, विज्जाणज्जायतनसमापत्तिया लाभीति वा, आकिञ्चज्जायतनसमापत्तिया लाभीति वा, नेवसज्जानासज्जायतनसमापत्तिया लाभीति वा पावदति कथेति भणति दीपयति वोहरतीति — अनानुपुट्ठोव परेसं पाव ।

अनरियधम्मं कुसला तमाहूति । कुसलाति ये ते खन्धकुसला धातुकुसला आयतनकुसला पटिच्चसमुप्पादकुसला सतिपट्टानकुसला सम्मप्पधानकुसला इद्धिपादकुसला इन्द्रियकुसला बलकुसला बोज्झङ्गकुसला मग्गकुसला फलकुसला निब्बानकुसला, ते कुसला एवमाहंसु — “अनरियानं एसो धम्मो, नेसो धम्मो अरियानं; बालानं एसो धम्मो, नेसो धम्मो पण्डितानं; असप्पुरिसानं एसो धम्मो, नेसो धम्मो सप्पुरिसान'न्ति । एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — अनरियधम्मं कुसला तमाहु ।

यो आतुमानं सयमेव पावाति । आतुमा वुच्चति अत्ता । **सयमेव पावाति** सयमेव अत्तानं पावदति — “अहमस्मि सीलसम्पन्नोति वा, वतसम्पन्नोति वा, सीलब्बतसम्पन्नोति वा, जातिया वा गोत्तेन वा कोलपुत्तियेन वा वण्णपोक्खरताय वा धनेन वा अज्झेनेन वा कम्मायतनेन वा सिप्पायतनेन वा विज्जाट्टानेन वा सुतेन वा पटिभानेन वा अज्जतरज्जतरेन वा वत्थुना, उच्चा कुला पब्बजितोति वा, महाकुला पब्बजितोति वा, महाभोगकुला पब्बजितोति वा, उळारभोगकुला पब्बजितोति वा, जातो यसस्सी सगहट्टपब्बजितानन्ति वा, लाभिम्हि चीवरपिण्डपातसेनासनगिलानपच्चयभेसज्जपरिक्खारानन्ति वा, सुत्तन्तिकोति वा, विनयधरोति वा, धम्मकथिकोति वा, आरज्जिकोति वा, पिण्डपातिकोति वा, पंसुकूलिकोति वा, तेचीवरिकोति वा, सपदानचारिकोति वा, खलुपच्छाभत्तिकोति वा, नेसज्जिकोति वा, यथासन्थतिकोति वा, पठमस्स ज्ञानस्स लाभीति वा, दुतियस्स ज्ञानस्स लाभीति वा, ततियस्स ज्ञानस्स लाभीति वा, चतुत्थस्स ज्ञानस्स लाभीति वा, आकासानज्जायतनसमापत्तिया लाभीति वा, विज्जाणज्जायतनसमापत्तिया लाभीति वा,

विभवज्च भवज्च विप्पहाय, वुसितवा खीणपुनब्भवो स भिक्खू'ति ॥

आकिञ्चज्जायतनसमापत्तिया लाभीति वा, नेवसज्जानासज्जायतनसमापत्तिया लाभीति वा' पावदति कथेति भणति दीपयति वोहरतीति — यो आतुमानं सयमेव पावाति ।

तेनाह भगवा —

“यो अत्तनो सीलवतानि जन्तु, अनानुपुट्ठोव परेस पाव ।
अनरियधम्मं कुसला तमाहु, यो आतुमानं सयमेव पावा'ति ॥

**१८. सन्तो च भिक्खु अभिनिब्बुतत्तो, इतिहन्ति सीलेसु अकत्थमानो।
तमरियधम्मं कुसला वदन्ति, यस्सुस्सदा नत्थि कुहिञ्चि लोके॥**

सन्तो च भिक्खु अभिनिब्बुतत्तोति । सन्तोति रागस्स समितत्ता सन्तो, दोसस्स समितत्ता सन्तो, मोहस्स समितत्ता सन्तो, कोधस्स...पे०... उपनाहस्स... मक्खस्स... पळासस्स [पलासस्स (सी० क०)] ... इस्साय... मच्छरियस्स... मायाय... साठेय्यस्स... थम्भस्स... सारम्भस्स... मानस्स... अतिमानस्स... मदस्स... पमादस्स... सब्बकिलेसानं... सब्बदुच्चरितानं... सब्बदरथानं... सब्बपरिळाहानं... सब्बसन्तापानं... सब्बाकुसलाभिसङ्खारानं सन्तत्ता समितत्ता वूपसमितत्ता विज्झातत्ता निब्बुतत्ता विगतत्ता पटिपस्सद्धत्ता सन्तो उपसन्तो वूपसन्तो निब्बुतो पटिपस्सद्धोति — सन्तो । भिक्खूति सत्तन्नं धम्मानं भिन्नत्ता भिक्खु — सक्कायदिट्ठि भिन्ना होति, विचिकिच्छा भिन्ना होति, सीलब्बतपरामासो भिन्नो होति, रागो भिन्नो होति, दोसो भिन्नो होति, मोहो भिन्नो होति, मानो भिन्नो होति । भिन्नास्स होन्ति पापका अकुसला धम्मा संकिलेसिका पोभोभविका [पोभोभविका (स्या० क०)] सदरा दुक्खविपाका आयतिं जातिजरामरण्या ।

“पज्जेन कतेन अत्तना, [सभियाति भगवा]

परिनिब्बानगतो वितिण्णकङ्खो ।

विभवञ्च [विभवं (सी० क०) सु० नि० ५१९] भवञ्च विप्पहाय,

वुसितवा खीणपुनब्भवो स भिक्खू”ति॥

सन्तो च भिक्खु अभिनिब्बुतत्तोति रागस्स निब्बापितत्ता अभिनिब्बुतत्तो, दोसस्स निब्बापितत्ता अभिनिब्बुतत्तो, मोहस्स निब्बापितत्ता अभिनिब्बुतत्तो, कोधस्स...पे०... उपनाहस्स... मक्खस्स... पळासस्स... इस्साय... मच्छरियस्स... मायाय... साठेय्यस्स... थम्भस्स... सारम्भस्स... मानस्स... अतिमानस्स... मदस्स... पमादस्स... सब्बकिलेसानं... सब्बदुच्चरितानं... सब्बदरथानं... सब्बपरिळाहानं... सब्बसन्तापानं... सब्बाकुसलाभिसङ्खारानं निब्बापितत्ता अभिनिब्बुतत्तोति — सन्तो च भिक्खु अभिनिब्बुतत्तो ।

इतिहन्ति सीलेसु अकत्थमानोति । इतिहन्ति पदसन्धि पदसंसग्गो पदपारिपूरी अक्खरसमवायो ब्यञ्जनसिलिडुता पदानुपुब्बतापेतं [पदानुपुब्बता मेतं (स्या० क०)] — इतिहन्ति । सीलेसु अकत्थमानोति । इधेकच्चो कत्थी होति विकत्थी । सो कत्थति विकत्थति । अहमस्मि सीलसम्पन्नोति वा, वतसम्पन्नोति वा, सीलब्बतसम्पन्नोति वा, जातिया वा गोत्तेन वा कोलपुत्तियेन वा वण्णपोक्खरताय वा...पे०... नेवसज्जानासज्जायतनसमापत्तिया लाभीति वा कत्थति विकत्थति । एवं न कत्थति न विकत्थति । कत्थना आरतो विरतो पटिविरतो निक्खन्तो निस्सटो विप्पमुत्तो विसञ्जुत्तो विमरियादिकतेन चेतसा विहरतीति — इतिहन्ति सीलेसु अकत्थमानो ।

तमरियधम्मं कुसला वदन्तीति । कुसलाति ये ते खन्धकुसला धातुकुसला आयतनकुसला पटिच्चसमुप्पादकुसला सतिपट्ठानकुसला सम्मप्पधानकुसला इद्धिपादकुसला इन्द्रियकुसला बलकुसला बोज्झङ्गकुसला मग्गकुसला फलकुसला निब्बानकुसला, ते कुसला एवं वदन्ति — “अरियानं एसो धम्मो, नेसो धम्मो अनरियानं; पण्डितानं एसो धम्मो, नेसो धम्मो बालानं; सप्पुरिसानं एसो धम्मो, नेसो धम्मो असप्पुरिसानं”न्ति । एवं वदन्ति, अरियानं एवं कथेन्ति एवं भणन्ति एवं दीपयन्ति एवं वोहरन्तीति — तमरियधम्मं कुसला वदन्ति ।

यस्सुस्सदा नत्थि कुहिञ्चि लोकेति । यस्साति अरहतो खीणासवस्स । उस्सदाति सत्तुस्सदा — रागुस्सदो,

दोसुस्सदो, मोहुस्सदो, मानुस्सदो, दिट्ठुस्सदो, किलेसुस्सदो, कम्मुस्सदो । यस्सिमे [तस्सिमे (सी० स्या०)] उस्सदा नत्थि न सन्ति न विज्जन्ति नुपलब्धन्ति, पहीना समुच्छिन्ना वूपसन्ता पटिपस्सद्वा अभब्बुप्पत्तिका जाणग्गिना दट्ठा । कुहिज्जीति कुहिज्जि किम्हिचि कत्थचि अज्झत्तं वा बहिद्वा वा अज्झत्तबहिद्वा वा । लोकेति अपायलोके मनुस्सलोके देवलोके खन्धलोके धातुलोके आयतनलोकेति — यस्सुस्सदा नत्थि कुहिज्जि लोके ।

तेनाह भगवा —

“सन्तो च भिक्खु अभिनिब्बुतत्तो, इतिहन्ति सीलेसु अकत्थमानो ।
तमरियधम्मं कुसला वदन्ति, यस्सुस्सदा नत्थि कुहिज्जि लोके”ति ॥

**१९. पकप्पिता सङ्घता यस्स धम्मा, पुरक्खता [पुरेक्खता (सी० क०)] सन्ति अवीवदाता ।
यदत्तनि पस्सति आनिसंसं, तं निस्सितो कुप्पपटिच्चसन्ति ॥**

पकप्पिता सङ्घता यस्स धम्माति । पकप्पनाति द्वे पकप्पना — तण्हापकप्पना च दिट्ठिपकप्पना च...पे०... अयं तण्हापकप्पना...पे०... अयं दिट्ठिपकप्पना । **सङ्घताति** सङ्घता अभिसङ्घता सण्ठपितातिपि — सङ्घता । अथ वा अनिच्चा सङ्घता पटिच्चसमुप्पन्ना खयधम्मा वयधम्मा विरागधम्मा निरोधधम्मातिपि — सङ्घता । **यस्साति** दिट्ठिगतिकस्स । **धम्मा** वुच्चन्ति द्वासट्ठि दिट्ठिगतानीति — पकप्पिता सङ्घता यस्स धम्मा ।

पुरक्खता सन्ति अवीवदाताति । पुरक्खताति द्वे पुरेक्खारा — तण्हापुरेक्खारो च दिट्ठिपुरेक्खारो च...पे०... अयं तण्हापुरेक्खारो...पे०... अयं दिट्ठिपुरेक्खारो । तस्स तण्हापुरेक्खारो अप्पहीनो, दिट्ठिपुरेक्खारो अप्पटिनिस्सट्ठो । तस्स तण्हापुरेक्खारस्स अप्पहीनत्ता, दिट्ठिपुरेक्खारस्स अप्पटिनिस्सट्ठत्ता सो तण्हं वा दिट्ठिं वा पुरतो कत्वा चरति तण्हाधजो तण्हाकेतु तण्हाधिपतेय्यो, दिट्ठिधजो दिट्ठिकेतु दिट्ठाधिपतेय्यो, तण्हाय वा दिट्ठिया वा परिवारितो चरतीति — पुरक्खता । **सन्तीति** सन्ति संविज्जन्ति अत्थि उपलब्धन्ति । **अवीवदाताति** अवेवदाता अवोदाता अपरिसुद्धा संकिलिद्धा संकिलेसिकाति — पुरक्खता सन्ति अवीवदाता ।

यदत्तनि पस्सति आनिसंसन्ति । यदत्तनीति यं अत्तनि । **अत्ता** वुच्चति दिट्ठिगतं । अत्तनो दिट्ठिया द्वे आनिसंसे पस्सति — दिट्ठधम्मिकञ्च आनिसंसं, सम्परायिकञ्च आनिसंसं । कतमो दिट्ठिया दिट्ठधम्मिको आनिसंसो? यंदिट्ठिको सत्था होति, तंदिट्ठिका सावका होन्ति । तंदिट्ठिकं सत्थारं सावका सक्करोन्ति गरुं करोन्ति [गरुक्करोन्ति (सी० स्या०)] मानेन्ति पूजेन्ति अपचिंति करोन्ति । लभति च ततोनिदानं चीवरपिण्डपातसेनासनगिलानपच्चयभेसज्जपरिक्खारं — अयं दिट्ठिया दिट्ठधम्मिको आनिसंसो । कतमो दिट्ठिया सम्परायिको आनिसंसो? अयं दिट्ठि अलं नागत्ताय वा सुपण्णत्ताय वा यक्खत्ताय वा असुरत्ताय वा गन्धब्बत्ताय वा महाराजत्ताय वा इन्दत्ताय वा ब्रह्मत्ताय वा देवत्ताय वा । अयं दिट्ठि सुद्धिया विसुद्धिया परिसुद्धिया, मुत्तिया विमुत्तिया परिमुत्तिया । इमाय दिट्ठिया सुज्झन्ति विसुज्झन्ति परिसुज्झन्ति मुच्चन्ति विमुच्चन्ति परिमुच्चन्ति । इमाय दिट्ठिया सुज्झिस्सामि विसुज्झिस्सामि परिसुज्झिस्सामि, मुच्चिस्सामि विमुच्चिस्सामि परिमुच्चिस्सामीति आर्यति फलपाटिकङ्खी होति — अयं दिट्ठिया सम्परायिको आनिसंसो । अत्तनो दिट्ठिया इमे द्वे आनिसंसे पस्सति दक्खति ओलोकेति निज्झायति उपपरिक्खतीति — यदत्तनि पस्सति आनिसंसं ।

तं निस्सितो कुप्पपटिच्चसन्ति । तिस्सो सन्तियो — अच्चन्तसन्ति, तदङ्गसन्ति, सम्मुतिसन्ति । कतमा

अच्चन्तसन्ति? अच्चन्तसन्ति वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । अयं अच्चन्तसन्ति । कतमा **तदङ्गसन्ति?** पठमं ज्ञानं समापन्नस्स नीवरणा सन्ता होन्ति; दुतियं ज्ञानं समापन्नस्स वितक्कविचारा सन्ता होन्ति; ततियं ज्ञानं समापन्नस्स पीति सन्ता होति; चतुत्थं ज्ञानं समापन्नस्स सुखदुक्खा सन्ता होन्ति; आकासानञ्चायतनं समापन्नस्स रूपसञ्जा पटिघसञ्जा नानत्तसञ्जा सन्ता होति; विज्जाणञ्चायतनं समापन्नस्स आकासानञ्चायतनसञ्जा सन्ता होति; आकिञ्चञ्चायतनं समापन्नस्स विज्जाणञ्चायतनसञ्जा सन्ता होति; नेवसञ्जानासञ्चायतनं समापन्नस्स आकिञ्चञ्चायतनसञ्जा सन्ता होति । अयं तदङ्गसन्ति । कतमा **सम्मुतिसन्ति?** सम्मुतिसन्तियो वुच्चन्ति द्वासट्ठि दिट्ठिगतानि दिट्ठिसन्तियो । अपि च सम्मुतिसन्ति इमस्मिं अत्थे अधिप्पेता सन्तीति । तं **निस्सितो कुप्पपटिच्चसन्ति** । कुप्पसन्तिं पकुप्पसन्तिं एरितसन्तिं समेरितसन्तिं चलितसन्तिं घट्टितसन्तिं कप्पितसन्तिं पकप्पितसन्तिं अनिच्चं सङ्कतं पटिच्चसमुप्पन्नं खयधम्मं वयधम्मं विरागधम्मं निरोधधम्मं, सन्तिं निस्सितो असितो अल्लीनो उपगतो अज्झोसितो अधिमुत्तोति — तं निस्सितो कुप्पपटिच्चसन्तिं ।

तेनाह भगवा —

“पकप्पिता सङ्कता यस्स धम्मा, पुरक्खता सन्ति अवीवदाता ।
यदत्तनि पस्सति आनिसंसं, तं निस्सितो कुप्पपटिच्चसन्ति”न्ति ॥

**२०. दिट्ठीनिवेसा न हि स्वातिवत्ता, धम्मेसु निच्छेय्य समुग्गहीतं ।
तस्मा नरो तेसु निवेसनेसु, निरस्सती आदियती च धम्मं ॥**

दिट्ठीनिवेसा न हि स्वातिवत्ताति । दिट्ठीनिवेसाति “सस्सतो लोको, इदमेव सच्चं मोघमज्ज”न्ति अभिनिवेसपरामासो दिट्ठिनिवेसनं । “असस्सतो लोको...पे०... अन्तवा लोको... अनन्तवा लोको ... तं जीवं तं सरीरं... अज्जं जीवं अज्जं सरीरं... होति तथागतो परं मरणा... न होति तथागतो परं मरणा... होति च न च होति तथागतो परं मरणा... नेव होति न न होति तथागतो परं मरणा, इदमेव सच्चं मोघमज्ज”न्ति अभिनिवेसपरामासो दिट्ठिनिवेसनन्ति । **दिट्ठीनिवेसा न हि स्वातिवत्ताति** दिट्ठिनिवेसा न हि स्वातिवत्ता दुरतिवत्ता दुत्तरा दुप्पतरा दुस्समतिक्कमा दुब्बिनिवत्ताति — [\[दुब्बीतिवत्ताति \(सी० स्या० क०\)\]](#) दिट्ठीनिवेसा न हि स्वातिवत्ता ।

धम्मेसु निच्छेय्य समुग्गहीतन्ति । धम्मेसूति द्वासट्ठि दिट्ठिगतेसु । **निच्छेय्याति** निच्छिनित्वा विनिच्छिनित्वा विचिनित्वा पविचिनित्वा तुलयित्वा तीरयित्वा विभावयित्वा विभूतं कत्वा । **समुग्गहीतन्ति** निवेसनेसु ओधिग्गाहो बिलग्गाहो वरग्गाहो कोट्टासग्गाहो उच्चयग्गाहो समुच्चयग्गाहो । इदं सच्चं तच्छं तथं भूतं याथावं अविपरीतं गहितं परामट्ठं अभिनिविट्ठं अज्झोसितं अधिमुत्तन्ति — धम्मेसु निच्छेय्य समुग्गहीतं ।

तस्मा नरो तेसु निवेसनेसूति । तस्माति तस्मा तंकारणा तंहेतु तप्पच्चया तंनिदानं । **नरोति** सत्तो नरो मानवो पोसो पुग्गलो जीवो जागु जन्तु इन्दगु मनुजो । **तेसु निवेसनेसूति** तेसु दिट्ठिनिवेसनेसूति — तस्मा नरो तेसु निवेसनेसु ।

निरस्सती आदियती च धम्मन्ति । निरस्सतीति द्वीहि कारणोहि निरस्सति — परविच्छिन्दनाय वा निरस्सति, अनभिसम्भुणन्तो वा निरस्सति । कथं परविच्छिन्दनाय निरस्सति? परो विच्छिन्देति — सो सत्था न सब्बज्जू, धम्मो न स्वाक्खातो, गणो न सुप्पटिपन्नो, दिट्ठि न भद्विका, पटिपदा न सुपज्जत्ता, मग्गो न निय्यानिको, नत्थेत्थ सुद्धि वा विसुद्धि वा

परिसुद्धि वा मुक्ति वा विमुक्ति वा परिमुक्ति वा, नत्थेत्य सुज्झन्ति वा विसुज्झन्ति वा परिसुज्झन्ति वा मुच्चन्ति वा विमुच्चन्ति वा परिमुच्चन्ति वा, हीना निहीना ओमका लामका छतुक्का [जतुक्का (सी० स्या०)] परित्ताति — एवं परो विच्छिन्देति । एवं विच्छिन्दियमानो सत्थारं निरस्सति, धम्मक्खानं निरस्सति, गणं निरस्सति, दिट्ठिं निरस्सति, पटिपदं निरस्सति, मगं निरस्सति । एवं परविच्छिन्दनाय निरस्सति । कथं अनभिसम्भुणन्तो निरस्सति? सीलं अनभिसम्भुणन्तो सीलं निरस्सति, वतं अनभिसम्भुणन्तो वतं निरस्सति, सीलब्बतं अनभिसम्भुणन्तो सीलब्बतं निरस्सति । एवं अनभिसम्भुणन्तो निरस्सति । आदियती च धम्मन्ति । सत्थारं गण्हाति, धम्मक्खानं गण्हाति, गणं गण्हाति, दिट्ठिं गण्हाति, पटिपदं गण्हाति, मगं गण्हाति परामसति अभिनिविसतीति — निरस्सती आदियती च धम्मं ।

तेनाह भगवा —

“दिट्ठीनिवेसा न हि स्वातिवत्ता, धम्मेसु निच्छेय्य समुग्गहीतं ।
तस्मा नरो तेसु निवेसनेसु, निरस्सती आदियती च धम्म”न्ति ॥

**२१. धोनस्स हि नत्थि कुहिज्जि लोके, पकप्पिता दिट्ठि भवाभवेसु ।
मायज्ज मानज्ज पहाय धोनो, स केन गच्छेय्य अनूपयो सो ॥**

धोनस्स हि नत्थि कुहिज्जि लोके पकप्पिता दिट्ठि भवाभवेसूति । धोनोति । धोना वुच्चति पज्जा — या पज्जा पजानना विचयो पविचयो धम्मविचयो सल्लक्खणा उपलक्खणा पच्चुपलक्खणा पण्डिच्चं कोसल्लं नेपुज्जं वेभब्बा चिन्ता उपपरिक्खा भूरि मेधा परिणायिका विपस्सना सम्पजज्जं पतोदो पज्जा पज्जिन्द्रियं पज्जाबलं पज्जासत्थं पज्जापासादो पज्जाआलोको पज्जाओभासो पज्जापज्जोतो पज्जारतनं अमोहो धम्मविचयो सम्मादिट्ठि । किंकारणा धोना वुच्चति पज्जा? ताय पज्जाय कायदुच्चरितं धुतज्ज धोतज्ज सन्धोतज्ज निद्धोतज्ज; वचीदुच्चरितं... मनोदुच्चरितं धुतज्ज धोतज्ज सन्धोतज्ज निद्धोतज्ज; रागो धुतो च धोतो च सन्धोतो च निद्धोतो च; दोसो...पे०... मोहो... कोधो... उपनाहो... मक्खो... पळासो धुतो च धोतो च सन्धोतो च निद्धोतो च; इस्सा धुता च धोता च सन्धोता च निद्धोता च; मच्छरियं धुतज्ज धोतज्ज सन्धोतज्ज निद्धोतज्ज; माया धुता च धोता च सन्धोता च निद्धोता च; साठेय्यं धुतज्ज धोतज्ज सन्धोतज्ज निद्धोतज्ज; थम्भो धुतो च धोतो च सन्धोतो च निद्धोतो च; सारम्भो... मानो... अतिमानो... मदो... पमादो धुतो च धोतो च सन्धोतो च निद्धोतो च; सब्बे किलेसा, सब्बे दुच्चरिता, सब्बे दरथा, सब्बे परिळाहा, सब्बे सन्तापा, सब्बाकुसलाभिसङ्गारा धुता च धोता च सन्धोता च निद्धोता च । तंकारणा धोना वुच्चति पज्जा ।

अथ वा सम्मादिट्ठिया मिच्छादिट्ठि धुता च धोता च सन्धोता च निद्धोता च; सम्मासङ्कप्पेन मिच्छासङ्कप्पो धुतो च धोतो च सन्धोतो च निद्धोतो च; सम्मावाचाय मिच्छावाचा धुता च धोता च...पे०... सम्माकम्मन्तेन मिच्छाकम्मन्तो धुतो च... सम्माआजीवेन मिच्छाआजीवो धुतो च... सम्मावायामेन मिच्छावायामो धुतो च... सम्मासतिया मिच्छासति धुता च... सम्मासमाधिना मिच्छासमाधि धुतो च धोतो च सन्धोतो च निद्धोतो च; सम्माआणेन मिच्छाआणं धुतं च... सम्माविमुत्तिया मिच्छाविमुत्ति धुता च धोता च सन्धोता च निद्धोता च ।

अथ वा अरियेन अट्ठङ्गिकेन मग्गेन सब्बे किलेसा, सब्बे दुच्चरिता, सब्बे दरथा, सब्बे परिळाहा, सब्बे सन्तापा, सब्बाकुसलाभिसङ्गारा धुता च धोता च सन्धोता च निद्धोता च । अरहा इमेहि धोनेय्येहि धम्मेहि उपेतो समुपेतो उपगतो समुपगतो उपपन्नो समुपपन्नो समन्नागतो; तस्मा अरहा धोनो । सो धुतरागो धुतपापो धुतकिलेसो धुतपरिळाहोति —

धोनो । कुहिञ्चीति कुहिञ्चि किम्हिचि कथञ्चि अज्झत्तं वा बहिद्वा वा अज्झत्तबहिद्वा वा । लोकेति अपायलोके... पे०... आयतनलोके ।

पकप्पिताति द्वे पकप्पना — तण्हापकप्पना च दिट्ठिपकप्पना च...पे०... अयं तण्हापकप्पना...पे०... अयं दिट्ठिपकप्पना । **भवाभवेसूति** भवाभवे कम्मभवे पुनब्भवे कामभवे, कम्मभवे कामभवे पुनब्भवे रूपभवे, कम्मभवे रूपभवे पुनब्भवे अरूपभवे, कम्मभवे अरूपभवे पुनब्भवे पुनप्पुनभवे पुनप्पुनगतिया पुनप्पुनउपपत्तिया पुनप्पुनपटिसन्धिया पुनप्पुनअत्तभावाभिनिब्बत्तिया । **धोनस्स हि नत्थि कुहिञ्चि लोके पकप्पिता दिट्ठि भवाभवेसूति** धोनस्स कुहिञ्चि लोके भवाभवेसु च कप्पिता पकप्पिता अभिसङ्गता सण्ठपिता दिट्ठि नत्थि न सन्ति न संविज्जति नुपलब्धति, पहीना समुच्छिन्ना वूपसन्ता पटिपस्सद्वा अभब्बुप्पत्तिका जाणग्गिना दड्ढाति — धोनस्स हि नत्थि कुहिञ्चि लोके पकप्पिता दिट्ठि भवाभवेसु ।

मायज्ज मानज्ज पहाय धोनोति । माया वुच्चति वज्जनिका चरिया । इधेकच्चो कायेन दुच्चरितं चरित्वा, वाचाय दुच्चरितं चरित्वा, मनसा दुच्चरितं चरित्वा तस्स पटिच्छादनहेतु पापिकं इच्छं पणिदहति — “मा मं जज्जा”ति इच्छति, “मा मं जज्जा”ति सङ्कप्पेति, “मा मं जज्जा”ति वाचं भासति, “मा मं जज्जा”ति कायेन परक्कमति । या एवरूपा माया मायाविता अच्चसरा वज्जना निकति निकिरणा परिहरणा गूहना परिगूहना छादना परिच्छादना अनुत्तानिकम्मं अनाविकम्मं वोच्छादना पापकिरिया, अयं वुच्चति माया ।

मानोति एकविधेन मानो — या चित्तस्स उन्नति [उण्णति (स्या० क०)] । दुविधेन मानो — अत्तुक्कंसनमानो, परवम्भनमानो । त्रिविधेन मानो — “सेय्योहमस्मी”ति मानो, “सदिसोहमस्मी”ति मानो, “हीनोहमस्मी”ति मानो । चतुर्विधेन मानो — लाभेन मानं जनेति, यसेन मानं जनेति, पसंसाय मानं जनेति, सुखेन मानं जनेति । पञ्चविधेन मानो — “लाभिम्हि मनापिकानं रूपान”न्ति मानं जनेति, “लाभिम्हि मनापिकानं सद्धानं...पे०... गन्धानं... रसानं... फोडुब्बान”न्ति मानं जनेति । छब्बिधेन मानो — चक्खुसम्पदाय मानं जनेति, सोतसम्पदाय... धानसम्पदाय... जिक्कासम्पदाय... कायसम्पदाय... मनोसम्पदाय मानं जनेति । सत्तविधेन मानो — मानो, अतिमानो, मानातिमानो, ओमानो, अधिमानो, अस्मिमानो, मिच्छामानो । अट्ठविधेन मानो — लाभेन मानं जनेति, अलाभेन ओमानं जनेति, यसेन मानं जनेति, अयसेन ओमानं जनेति, पसंसाय मानं जनेति, निन्दाय ओमानं जनेति, सुखेन मानं जनेति, दुक्खेन ओमानं जनेति । नवविधेन मानो — सेय्यस्स सेय्योहमस्मीति मानो, सेय्यस्स सदिसोहमस्मीति मानो, सेय्यस्स हीनोहमस्मीति मानो, सदिसस्स सेय्योहमस्मीति मानो, सदिसस्स सदिसोहमस्मीति मानो, सदिसस्स हीनोहमस्मीति मानो, हीनस्स सेय्योहमस्मीति मानो, हीनस्स सदिसोहमस्मीति मानो, हीनस्स हीनोहमस्मीति मानो । दसविधेन मानो — इधेकच्चो मानं जनेति जातिया वा गोत्तेन वा कोलपुत्तियेन वा वण्णपोक्खरताय वा धनेन वा अज्जेनेन वा कम्मायतनेन वा सिप्पायतनेन वा विज्जाट्टानेन वा सुतेन वा पटिभानेन वा अज्जतरज्जतरेन वा वत्थुना । यो एवरूपो मानो मज्जना मज्जितत्तं उन्नति उन्नामो [उण्णमो (स्या० क०)] धजो सम्पग्गाहो केतुकम्यता चित्तस्स — अयं वुच्चति मानो । **मायज्ज मानज्ज पहाय धोनोति** । धोनो मायज्ज मानज्ज पहाय पजहित्वा विनोदेत्वा ब्यन्तिं करित्वा अनभावं गमेत्वाति — मायज्ज मानज्ज पहाय धोनो ।

स केन गच्छेय्य अनूपयो सोति । उपयाति द्वे उपया — तण्हूपयो च दिट्ठूपयो च...पे०... अयं तण्हूपयो...पे०... अयं दिट्ठूपयो । तस्स तण्हूपयो पहीनो, दिट्ठूपयो पटिनिस्सट्ठो । तण्हूपयस्स पहीनत्ता, दिट्ठूपयस्स पटिनिस्सट्ठत्ता अनूपयो पुग्गलो केन रागेन गच्छेय्य, केन दोसेन गच्छेय्य, केन मोहेन गच्छेय्य, केन मानेन गच्छेय्य, काय दिट्ठिया गच्छेय्य, केन उद्धच्चेन

गच्छेय्य, काय विचिकिच्छाय गच्छेय्य, केहि अनुसयेहि गच्छेय्य — रत्तोति वा दुट्ठोति वा मूळ्होति वा विनिबद्धोति वा परामट्ठोति वा विक्खेपगतोति वा अनिट्ठगतोति वा थामगतोति वा । ते अभिसङ्खारा पहीना । अभिसङ्खारानं पहीनत्ता गतियो केन गच्छेय्य — नेरयिकोति वा तिरच्छानयोनिकोति वा पेत्तिविसयिकोति वा मनुस्सोति वा देवोति वा रूपीति वा अरूपीति वा सज्जीति वा असज्जीति वा नेवसज्जीनासज्जीति वा । सो हेतु नत्थि पच्चयो नत्थि कारणं नत्थि, येन गच्छेय्याति — स केन गच्छेय्य अनूपयो सो ।

तेनाह भगवा —

“धोनस्स हि नत्थि कुहिञ्चि लोके, पक्खिता दिट्ठि भवाभवेसु ।
मायञ्च मानञ्च पहाय धोनो, स केन गच्छेय्य अनूपयो सो”ति ॥

**२२. उपयो हि धम्मेषु उपेति वादं, अनूपयं केन कथं वदेय्य ।
अत्ता निरत्ता न हि तस्स अत्थि, अधोसि सो दिट्ठिमिधेव सब्बं ॥**

उपयो हि धम्मेषु उपेति वादन्ति । उपयाति द्वे उपया — तण्हूपयो च दिट्ठूपयो च...पे०... अयं तण्हूपयो...पे०... अयं दिट्ठूपयो । तस्स तण्हूपयो अप्पहीनो, दिट्ठूपयो अप्पटिनिस्सट्ठो । तण्हूपयस्स अप्पहीनत्ता, दिट्ठूपयस्स अप्पटिनिस्सट्ठत्ता धम्मेषु वादं उपेति — रत्तोति वा दुट्ठोति वा मूळ्होति वा विनिबद्धोति वा परामट्ठोति वा विक्खेपगतोति वा अनिट्ठगतोति वा थामगतोति वा । ते अभिसङ्खारा अप्पहीना । अभिसङ्खारानं अप्पहीनत्ता गतिया वादं उपेति । नेरयिकोति वा तिरच्छानयोनिकोति वा पेत्तिविसयिकोति वा मनुस्सोति वा देवोति वा रूपीति वा अरूपीति वा सज्जीति वा असज्जीति वा नेवसज्जीनासज्जीति वा वादं उपेति उपगच्छति गण्हाति परामसति अभिनिविसतीति — उपयो हि धम्मेषु उपेति वादं ।

अनूपयं केन कथं वदेय्याति । उपयाति द्वे उपया — तण्हूपयो च दिट्ठूपयो च...पे०... अयं तण्हूपयो...पे०... अयं दिट्ठूपयो । तस्स तण्हूपयो पहीनो, दिट्ठूपयो पटिनिस्सट्ठो । तण्हूपयस्स पहीनत्ता, दिट्ठूपयस्स पटिनिस्सट्ठत्ता अनूपयं पुगलं केन रागेन वदेय्य, केन दोसेन वदेय्य, केन मोहेन वदेय्य, केन मानेन वदेय्य, काय दिट्ठिया वदेय्य, केन उद्धच्चेन वदेय्य, काय विचिकिच्छाय वदेय्य, केहि अनुसयेहि वदेय्य — रत्तोति वा दुट्ठोति वा मूळ्होति वा विनिबद्धोति वा परामट्ठोति वा विक्खेपगतोति वा अनिट्ठगतोति वा थामगतोति वा । ते अभिसङ्खारा पहीना । अभिसङ्खारानं पहीनत्ता गतियो केन वदेय्य — नेरयिकोति वा...पे०... नेवसज्जीनासज्जीति वा । सो हेतु नत्थि, पच्चयो नत्थि, कारणं नत्थि, येन वदेय्य कथेय्य भण्येय्य दीपयेय्य वोहरेय्याति — अनूपयं केन कथं वदेय्य ।

अत्ता निरत्ता न हि तस्स अत्थीति । अत्ताति अत्तानुदिट्ठि नत्थि । निरत्ताति उच्छेददिट्ठि नत्थि । अत्ताति गहितं नत्थि । निरत्ताति मुञ्चितब्बं नत्थि । यस्सत्थि गहितं, तस्सत्थि मुञ्चितब्बं; यस्सत्थि मुञ्चितब्बं, तस्सत्थि गहितं । गहणं मुञ्चना समतिक्कन्तो अरहा बुद्धिपरिहानिवीतिवत्तो । सो वुट्ठवासो चिण्णचरणो गतद्धो गतदिसो जातिमरणसंसारो, नत्थि तस्स पुनब्भवोति — अत्ता निरत्ता न हि तस्स अत्थि ।

अधोसि सो दिट्ठिमिधेव सब्बन्ति तस्स द्वासट्ठि दिट्ठिगतानि पहीनानि समुच्छिन्नानि वूपसन्तानि पटिपस्सद्धानि अभब्बुप्पत्तिकानि जाणगिना दड्ढानि । सो सब्बदिट्ठिगतं इधेव अधोसि धुनि सन्धुनि निब्धुनि पजहि विनोदेसि व्यन्तिं अकासि अनभावं गमेसीति — अधोसि सो दिट्ठिमिधेव सब्बं ।

तेनाह भगवा —

“उपयो हि धम्मेषु उपेति वादं, अनूपयं केन कथं वदेय्य ।
अत्ता निरत्ता न हि तस्स अत्थि, अधोसि सो दिट्ठिमिधेव सब्ब”न्ति ॥

दुट्ठकसुत्तनिद्देशो ततियो ।

४. सुद्धकसुत्तनिद्देशो

अथ सुद्धकसुत्तनिद्देशं वक्खति —

२३. पस्सामि सुद्धं परमं अरोगं, दिट्ठेन संसुद्धिं नरस्स होति ।
एवाभिजानं परमन्ति अत्वा, सुद्धानुपस्सीति पच्चेति आणं ॥

पस्सामि सुद्धं परमं अरोगन्ति । पस्सामि सुद्धन्ति पस्सामि सुद्धं, दक्खामि सुद्धं, ओलोकेमि सुद्धं, निज्झायामि सुद्धं, उपपरिक्खामि सुद्धं । परमं अरोगन्ति परमं आरोग्यप्पत्तं ताणप्पत्तं लेणप्पत्तं सरणप्पत्तं अभयप्पत्तं अच्चुतप्पत्तं अमतप्पत्तं निब्बानप्पत्तन्ति — पस्सामि सुद्धं परमं अरोगं ।

दिट्ठेन संसुद्धिं नरस्स होतीति । चक्खुविज्जाणं [चक्खुविज्जाणेन (सी० स्या०)] रूपदस्सनेन नरस्स सुद्धिं विसुद्धिं परिसुद्धिं, मुत्तिं विमुत्तिं परिमुत्तिं होति, नरो सुज्झति विसुज्झति परिसुज्झति, मुच्चति विमुच्चति परिमुच्चतीति — दिट्ठेन संसुद्धिं नरस्स होति ।

एवाभिजानं परमन्ति अत्वाति । एवं अभिजानन्तो आजानन्तो विजानन्तो पटिविजानन्तो पटिविज्झन्तो । “इदं परमं अगं सेट्ठं विसिट्ठं पामोक्खं उत्तमं पवर”न्ति अत्वा जानित्वा तुलयित्वा तीरयित्वा विभावयित्वा विभूतं कत्वाति — एवाभिजानं परमन्ति अत्वा ।

सुद्धानुपस्सीति पच्चेति आणन्ति । यो सुद्धं पस्सति, सो सुद्धानुपस्सी, पच्चेति आणन्ति चक्खुविज्जाणं रूपदस्सनेन आणन्ति पच्चेति, मग्गोति पच्चेति, पथोति पच्चेति, निव्यानन्ति पच्चेतीति — सुद्धानुपस्सी पच्चेति आणं ।

तेनाह भगवा —

“पस्सामि सुद्धं परमं अरोगं, दिट्ठेन संसुद्धिं नरस्स होति ।
एवाभिजानं परमन्ति अत्वा, सुद्धानुपस्सीति पच्चेति आण”न्ति ॥

२४. दिट्ठेन चे सुद्धिं नरस्स होति, आणेन वा सो पजहाति दुक्खं ।
अज्जेन सो सुज्झति सोपधीको, दिट्ठी हि नं पाव तथा वदानं ॥

दिट्ठेन चे सुद्धिं नरस्स होतीति । चक्खुविज्जाणं रूपदस्सनेन चे नरस्स सुद्धिं विसुद्धिं परिसुद्धिं, मुत्तिं विमुत्तिं

परिमुक्तिं होति, नरो सुज्झति विसुज्झति परिसुज्झति, मुच्चति विमुच्चति परिमुच्चतीति — दिट्ठेन चे सुद्धिं नरस्स होति ।

जाणेन वा सो पजहाति दुक्खन्ति चक्खुविज्जाणं रूपदस्सनेन चे नरो जातिदुक्खं पजहति, जरादुक्खं पजहति, ब्याधिदुक्खं पजहति, मरणदुक्खं पजहति, सोकपरिदेवदुक्खदोमनस्सुपायासदुक्खं पजहतीति — **जाणेन वा सो पजहाति दुक्खं** ।

अज्जेन सो सुज्झति सोपधीकोति । अज्जेन असुद्धिमग्गेन मिच्छापटिपदाय अनिय्यानिकपथेन अज्जत्र सतिपट्टानेहि अज्जत्र सम्मपधानेहि अज्जत्र इद्धिपादेहि अज्जत्र इन्द्रियेहि अज्जत्र बलेहि अज्जत्र बोज्झङ्गेहि अज्जत्र अरिया अट्ठङ्गिका मग्गा नरो सुज्झति विसुज्झति परिसुज्झति, मुच्चति विमुच्चति परिमुच्चति । **सोपधीको**ति सरागो सदोसो समोहो समानो सतण्हो सदिट्ठि सक्किलेसो सउपादानोति — अज्जेन सो सुज्झति सोपधीको ।

दिट्ठी हि नं पाव तथा वदानन्ति । साव दिट्ठि तं पुगलं पावदति — इति वायं पुगलो मिच्छादिट्ठिको विपरीतदस्सनो । **तथा वदानन्ति** तथा वदन्तं कथेन्तं भणन्तं दीपयन्तं वोहरन्तं । “सस्सतो लोको, इदमेव सच्चं मोघमज्ज”न्ति तथा वदन्तं कथेन्तं भणन्तं दीपयन्तं वोहरन्तं । “असस्सतो लोको...पे... अन्तवा लोको... अनन्तवा लोको... तं जीवं तं सरीरं... अज्जं जीवं अज्जं सरीरं... होति तथागतो परं मरणा... न होति तथागतो परं मरणा... होति च न च होति तथागतो परं मरणा... नेव होति न न होति तथागतो परं मरणा, इदमेव सच्चं मोघमज्ज”न्ति तथा वदन्तं कथेन्तं भणन्तं दीपयन्तं वोहरन्तन्ति — **दिट्ठी हि नं पाव तथा वदानं** ।

तेनाह भगवा —

“दिट्ठेन चे सुद्धिं नरस्स होति, जाणेन वा सो पजहाति दुक्खं ।
अज्जेन सो सुज्झति सोपधीको, दिट्ठी हि नं पाव तथा वदान”न्ति ॥

**२५. न ब्राह्मणो अज्जतो सुद्धिमाह, दिट्ठे सुते सीलवते मुते वा ।
पुज्जे च पापे च अनूपलित्तो, अत्तज्जहो नयिध पकुब्बमानो ॥**

न ब्राह्मणो अज्जतो सुद्धिमाह दिट्ठे सुते सीलवते मुते वाति । नाति पटिक्खेपो । **ब्राह्मणो**ति सत्तन्नं धम्मानं बाहितत्ता ब्राह्मणो — सक्कायदिट्ठि बाहिता होति, विचिकिच्छा बाहिता होति, सीलब्बतपरामासो बाहितो होति, रागो बाहितो होति, दोसो बाहितो होति, मोहो बाहितो होति, मानो बाहितो होति । बाहितास्स होन्ति पापका अकुसला धम्मा संकिलेसिका पोणोभविका सदरा दुक्खविपाका आयतिं जातिजरामरणया ।

बाहित्वा सब्बपापकानि, [संभियाति भगवा]

विमलो साधुसमाहितो ठित्तो ।

संसारमतिच्च केवली सो, असितो [अनिस्सितो (स्या०)] तादि पवुच्चते स ब्रह्मा ॥

न ब्राह्मणो अज्जतो सुद्धिमाहाति । ब्राह्मणो अज्जेन असुद्धिमग्गेन मिच्छापटिपदाय अनिय्यानिकपथेन अज्जत्र सतिपट्टानेहि अज्जत्र सम्मपधानेहि अज्जत्र इद्धिपादेहि अज्जत्र इन्द्रियेहि अज्जत्र बलेहि अज्जत्र बोज्झङ्गेहि अज्जत्र

अरियेन अट्टङ्गिकेन मग्गेन सुद्धिं विसुद्धिं परिसुद्धिं, मुत्तिं विमुत्तिं परिमुत्तिं, नाह न कथेति न भणति न दीपयति न वोहरतीति — न ब्राह्मणो अज्जतो सुद्धिमाह ।

दिट्ठे सुते सीलवते मुते वाति । सन्तेके समणब्राह्मणा दिट्ठिसुद्धिका । ते एकच्चानं रूपानं दस्सनं मङ्गलं पच्चेन्ति, एकच्चानं रूपानं दस्सनं अमङ्गलं पच्चेन्ति । कतमेसं रूपानं दस्सनं मङ्गलं पच्चेन्ति? ते कालतो वुट्ठहित्वा अभिमङ्गलगतानि रूपानि पस्सन्ति — चाटकसकुणं [वातसकुणं (स्या०), चापसकुणं (क०)] पस्सन्ति, फुस्सवेळुवलट्ठिं पस्सन्ति, गब्भिनित्थिं पस्सन्ति, कुमारकं खन्धे आरोपेत्वा गच्छन्तं पस्सन्ति, पुण्णघटं पस्सन्ति, रोहितमच्छं पस्सन्ति, आजज्जं पस्सन्ति, आजज्जरथं पस्सन्ति, उसभं पस्सन्ति, गोकपिलं पस्सन्ति । एवरूपानं रूपानं दस्सनं मङ्गलं पच्चेन्ति । कतमेसं रूपानं दस्सनं अमङ्गलं पच्चेन्ति? पलालपुज्जं पस्सन्ति, तक्कघटं पस्सन्ति, रिक्तघटं पस्सन्ति, नटं पस्सन्ति, नग्गसमणकं पस्सन्ति, खरं पस्सन्ति, खरयानं पस्सन्ति, एकयुत्तयानं पस्सन्ति, काणं पस्सन्ति, कुणिं पस्सन्ति, खज्जं पस्सन्ति, पक्खहतं [पक्खपादं (क०)] पस्सन्ति, जिण्णकं पस्सन्ति, ब्याधिकं [ब्याधितं (सी०)] पस्सन्ति । एवरूपानं रूपानं दस्सनं अमङ्गलं पच्चेन्ति । इमे ते समणब्राह्मणा दिट्ठिसुद्धिका । ते दिट्ठेन सुद्धिं विसुद्धिं परिसुद्धिं मुत्तिं विमुत्तिं परिमुत्तिं पच्चेन्ति ।

सन्तेके समणब्राह्मणा सुतसुद्धिका । ते एकच्चानं सद्धानं सवनं मङ्गलं पच्चेन्ति, एकच्चानं सद्धानं सवनं अमङ्गलं पच्चेन्ति । कतमेसं सद्धानं सवनं मङ्गलं पच्चेन्ति? ते कालतो वुट्ठहित्वा अभिमङ्गलगतानि सद्धानि सुणन्ति — वड्ढाति वा वड्ढमानाति वा पुण्णाति वा फुस्साति वा असोकाति वा सुमनाति वा सुनक्खत्ताति वा सुमङ्गलाति वा सिरीति वा सिरीवड्ढाति वा । एवरूपानं सद्धानं सवनं मङ्गलं पच्चेन्ति । कतमेसं सद्धानं सवनं अमङ्गलं पच्चेन्ति? काणोति वा कुणीति वा खज्जोति वा पक्खहतोति वा जिण्णकोति वा ब्याधिकोति वा मतोति वा छिन्दन्ति वा भिन्दन्ति वा दड्ढन्ति वा नट्ठन्ति वा नत्थीति वा । एवरूपानं सद्धानं सवनं अमङ्गलं पच्चेन्ति । इमे ते समणब्राह्मणा सुतसुद्धिका । ते सुतेन सुद्धिं विसुद्धिं परिसुद्धिं मुत्तिं विमुत्तिं परिमुत्तिं पच्चेन्ति ।

सन्तेके समणब्राह्मणा सीलसुद्धिका । ते सीलमत्तेन संयममत्तेन संवरमत्तेन अवीतिक्कममत्तेन सुद्धिं विसुद्धिं परिसुद्धिं मुत्तिं विमुत्तिं परिमुत्तिं पच्चेन्ति । समणोमुण्डिकापुत्तो [समणो मुण्डिकापुत्तो (सी०), समणमुण्डिकापुत्तो (स्या०)] एवमाह — “चतूहि खो अहं, गहपति [थपति (सी० स्या०) एवमुपरिपि], धम्मेहि समन्नागतं पुरिसपुग्गलं पज्जापेमि सम्पन्नकुसलं परमकुसलं उत्तमपत्तिप्पत्तं समणं अयोज्जं । कतमेहि चतूहि? इध, गहपति, न कायेन पापकं कम्मं करोति, न पापकं वाचं भासति, न पापकं सङ्कप्पं सङ्कप्पति, न पापकं आजीवं आजीवति । इमेहि खो अहं, गहपति, चतूहि धम्मेहि समन्नागतं पुरिसपुग्गलं पज्जापेमि सम्पन्नकुसलं परमकुसलं उत्तमपत्तिप्पत्तं समणं अयोज्जं” । एवमेव सन्तेके समणब्राह्मणा सीलसुद्धिका, ते सीलमत्तेन संयममत्तेन संवरमत्तेन अवीतिक्कममत्तेन सुद्धिं विसुद्धिं परिसुद्धिं मुत्तिं विमुत्तिं परिमुत्तिं पच्चेन्ति ।

सन्तेके समणब्राह्मणा वतसुद्धिका । ते हत्थिवतिका वा होन्ति, अस्सवतिका वा होन्ति, गोवतिका वा होन्ति, कुक्कुरवतिका वा होन्ति, काकवतिका वा होन्ति, वासुदेववतिका वा होन्ति, बलदेववतिका वा होन्ति, पुण्णभद्ववतिका वा होन्ति, मणिभद्ववतिका वा होन्ति, अग्गिवतिका वा होन्ति, नागवतिका वा होन्ति, सुपण्णवतिका वा होन्ति, यक्खवतिका वा होन्ति, असुरवतिका वा होन्ति, गन्धब्बवतिका वा होन्ति, महाराजवतिका वा होन्ति, चन्दवतिका वा होन्ति, सूरियवतिका वा होन्ति, इन्दवतिका वा होन्ति, ब्रह्मवतिका वा होन्ति, देववतिका वा होन्ति, दिसावतिका वा होन्ति । इमे ते

समणब्राह्मणा वतसुद्धिका । ते वतेन सुद्धिं विसुद्धिं परिसुद्धिं मुत्तिं विमुत्तिं परिमुत्तिं पच्चेन्ति ।

सन्तेके समणब्राह्मणा मुतसुद्धिका । ते कालतो उट्ठित्वा पथविं आमसन्ति, हरितं आमसन्ति, गोमयं आमसन्ति, कच्छपं आमसन्ति, फालं अक्कमन्ति, तिलवाहं आमसन्ति, फुस्सतिलं खादन्ति, फुस्सतेलं मक्खेन्ति, फुस्सदन्तकट्ठं खादन्ति, फुस्समत्तिकाय न्हायन्ति, फुस्ससाटकं निवासेन्ति, फुस्सवेठनं वेठेन्ति । इमे ते समणब्राह्मणा मुतसुद्धिका । ते मुतेन सुद्धिं विसुद्धिं परिसुद्धिं मुत्तिं विमुत्तिं परिमुत्तिं पच्चेन्ति । न ब्राह्मणो अञ्जतो सुद्धिमाह ।

दिट्ठे सुते सीलवते मुते वाति । ब्राह्मणो दिट्ठसुद्धियापि सुद्धिं नाह, सुतसुद्धियापि सुद्धिं नाह, सीलसुद्धियापि सुद्धिं नाह, वतसुद्धियापि सुद्धिं नाह, मुतसुद्धियापि सुद्धिं नाह न कथेति न भणति न दीपयति न वोहरतीति — न ब्राह्मणो अञ्जतो सुद्धिमाह दिट्ठे सुते सीलवते मुते वा ।

पुञ्जे च पापे च अनूपलित्तोति । पुञ्जं वुच्चति यं किञ्चि तेधातुकं कुसलाभिसङ्गारं, अपुञ्जं वुच्चति सब्बं अकुसलं । यतो पुञ्जाभिसङ्गारो च अपुञ्जाभिसङ्गारो च आनेज्जाभिसङ्गारो च पहीना होन्ति उच्छिन्नमूला तालावत्थुकता अनभावंकता आर्यातिं अनुप्पादधम्मा; एत्तावता पुञ्जे च पापे च न लिम्पति न पलिम्पति न उपलिम्पति अलित्तो अपलित्तो अनूपलित्तो निक्खन्तो निस्सटो विप्पमुत्तो विसञ्जुत्तो विमरियादिकतेन चेतसा विहरतीति — पुञ्जे च पापे च अनूपलित्तो ।

अत्तञ्जहो नयिध पकुब्बमानोति । अत्तञ्जहोति अत्तदिट्ठिजहो । अत्तञ्जहोति गाहं जहो [गाहजहो (सी० स्या०), अत्तगाहं जहो (क०)] । अत्तञ्जहोति तण्हावसेन दिट्ठिवसेन गहितं परामट्ठं अभिनिविट्ठं अज्झोसितं अधिमुत्तं, सब्बं तं चत्तं होति वन्तं मुत्तं पहीनं पटिनिस्सट्ठं । नयिध पकुब्बमानोति पुञ्जाभिसङ्गारं वा अपुञ्जाभिसङ्गारं वा आनेज्जाभिसङ्गारं वा अपकुब्बमानो अजनयमानो असञ्जनयमानो अनिब्बत्तयमानो अनभिनिब्बत्तयमानोति — अत्तञ्जहो नयिध पकुब्बमानो ।

तेनाह भगवा —

“न ब्राह्मणो अञ्जतो सुद्धिमाह, दिट्ठे सुते सीलवते मुते वा ।

पुञ्जे च पापे च अनूपलित्तो, अत्तञ्जहो नयिध पकुब्बमानो”ति ॥

२६. पुरिमं पहाय अपरं सितासे, एजानुगा ते न तरन्ति सङ्गं ।

ते उग्गहायन्ति निरस्सजन्ति, कपीव साखं पमुञ्चं [पमुखं (सी० स्या०)] गहाय ॥

पुरिमं पहाय अपरं सितासेति । पुरिमं सत्थारं पहाय परं सत्थारं निस्सिता; पुरिमं धम्मक्खानं पहाय अपरं धम्मक्खानं निस्सिता; पुरिमं गणं पहाय अपरं गणं निस्सिता; पुरिमं दिट्ठिं पहाय अपरं दिट्ठिं निस्सिता; पुरिमं पटिपदं पहाय अपरं पटिपदं निस्सिता; पुरिमं मग्गं पहाय अपरं मग्गं निस्सिता सन्निस्सिता अल्लीना उपगता अज्झोसिता अधिमुत्ताति — पुरिमं पहाय अपरं सितासे ।

एजानुगा ते न तरन्ति सङ्गन्ति । एजा वुच्चति तण्हा । यो रागो सारागो...पे०... अभिज्झा लोभो अकुसलमूलं । एजानुगाति एजानुगा एजानुगता एजानुसटा एजाय पन्ना पतिता अभिभूता परियादिन्नचित्ता । ते न तरन्ति सङ्गन्ति रागसङ्गं दोससङ्गं मोहसङ्गं मानसङ्गं दिट्ठिसङ्गं किलेससङ्गं दुच्चरितसङ्गं न तरन्ति न उत्तरन्ति न पतरन्ति न समतिक्कमन्ति न वीतिवत्तन्तीति — एजानुगा ते न तरन्ति सङ्गं ।

ते उग्गहायन्ति निरस्सजन्तीति सत्थारं गणहन्ति, तं मुञ्चित्वा अज्जं सत्थारं गणहन्ति; धम्मक्खानं गणहन्ति, तं मुञ्चित्वा अज्जं धम्मक्खानं गणहन्ति; गणं गणहन्ति, तं मुञ्चित्वा अज्जं गणं गणहन्ति; दिट्ठिं गणहन्ति, तं मुञ्चित्वा अज्जं दिट्ठिं गणहन्ति; पटिपदं गणहन्ति, तं मुञ्चित्वा अज्जं पटिपदं गणहन्ति; मग्गं गणहन्ति, तं मुञ्चित्वा अज्जं मग्गं गणहन्ति; गणहन्ति च मुञ्चन्ति च आदियन्ति च निरस्सजन्ति चाति — ते उग्गहायन्ति निरस्सजन्ति ।

कपीव साखं पमुञ्चं गहायाति । यथा मक्कटो अरज्जे पवने चरमानो साखं गणहाति, तं मुञ्चित्वा अज्जं साखं गणहाति । एवमेव पुथुसमणब्राह्मणा पुथुदिट्ठिगतानि गणहन्ति च मुञ्चन्ति च आदियन्ति च निरस्सजन्ति चाति — कपीव साखं पमुञ्चं गहाय ।

तेनाह भगवा —

“पुरिमं पहाय अपरं सितासे, एजानुगा ते न तरन्ति सङ्गं ।
ते उग्गहायन्ति निरस्सजन्ति, कपीव साखं पमुञ्चं गहाया”ति ॥

२७. सयं समादाय वतानि जन्तु, उच्चावचं गच्छति सज्जसत्तो ।
विद्वा च वेदेहि समेच्च धम्मं, न उच्चावचं गच्छति भूरिपज्जो ॥

सयं समादाय वतानि जन्तूति । सयं समादायाति सामं समादाय । **वतानीति** हत्थिवतं वा अस्सवतं वा गोवतं वा कुक्कूरवतं वा काकवतं वा वासुदेववतं वा बलदेववतं वा पुण्णभद्वतं वा मणिभद्वतं वा अग्गिवतं वा नागवतं वा सुपण्णवतं वा यक्खवतं वा असुरवतं वा...पे०... दिसावतं वा आदाय समादाय आदियित्वा समादियित्वा गणित्वा परामसित्वा अभिनिविसित्वा । **जन्तूति** सत्तो नरो ...पे०... मनुजोति — सयं समादाय वतानि जन्तु ।

उच्चावचं गच्छति सज्जसत्तोति सत्थारतो सत्थारं गच्छति; धम्मक्खानतो धम्मक्खानं गच्छति; गणतो गणं गच्छति; दिट्ठिया दिट्ठिं गच्छति; पटिपदाय पटिपदं गच्छति; मग्गतो मग्गं गच्छति । **सज्जसत्तोति** कामसज्जाय ब्यापादसज्जाय विहिंसासज्जाय दिट्ठिसज्जाय सत्तो विसत्तो आसत्तो लग्गो लग्गितो पलिबुद्धो । यथा भित्तिखिले वा नागदन्ते वा भण्डं सत्तं विसत्तं आसत्तं लग्गं लग्गितं पलिबुद्धं, एवमेव कामसज्जाय ब्यापादसज्जाय विहिंसासज्जाय दिट्ठिसज्जाय सत्तो विसत्तो आसत्तो लग्गो लग्गितो पलिबुद्धोति — उच्चावचं गच्छति सज्जसत्तो ।

विद्वा च वेदेहि समेच्च धम्मन्ति । विद्वाति विद्वा विज्जागतो जाणी विभावी मेधावी । **वेदेहीति वेदा** वुच्चन्ति चतूसु मग्गेषु जाणं पज्जा पज्जिन्द्रियं पज्जाबलं धम्मविचयसम्बोज्झङ्गो वीमंसा विपस्सना सम्मादिट्ठि । तेहि वेदेहि जातिजरामरणस्स अन्तगतो अन्तप्पत्तो, कोटिगतो कोटिप्पत्तो, परियन्तगतो परियन्तप्पत्तो, वोसानगतो वोसानप्पत्तो, ताणगतो ताणप्पत्तो, लेणगतो लेणप्पत्तो, सरणगतो सरणप्पत्तो, अभयगतो अभयप्पत्तो, अच्युतगतो अच्युतप्पत्तो, अमतगतो अमतप्पत्तो, निब्बानगतो निब्बानप्पत्तो । वेदानं वा अन्तगतोति **वेदगू**, वेदेहि वा अन्तगतोति वेदगू, सत्तन्नं वा धम्मनं विदितत्ता वेदगू । सक्कायदिट्ठि विदिता होति, विचिकिच्छा विदिता होति, सीलब्बतपरामासो विदितो होति, रागो विदितो होति, दोसो विदितो होति, मोहो विदितो होति, मानो विदितो होति, विदितास्स होन्ति पापका अकुसला धम्मा संकिलेसिका पोनोभविका सदरा दुक्खविपाका आयतिं जातिजरामरणिया ।

वेदानि विचेय्य केवलानि, [संभियाति भगवा]
 समणानं यानीधत्थि [यानिपत्थि (सी० स्या०) सु० नि० ५३४] ब्राह्मणानं ।
 सब्बवेदनासु वीतरागो, सब्बं वेदमतिच्च वेदगू सोति ॥

विद्वा च वेदेहि समेच्च धम्मन्ति । समेच्च अभिसमेच्च धम्मं । सब्बे सङ्खारा अनिच्चाति समेच्च अभिसमेच्च धम्मं; सब्बे सङ्खारा दुक्खाति समेच्च अभिसमेच्च धम्मं; सब्बे धम्मा अनत्ताति समेच्च अभिसमेच्च धम्मं; अविज्जापच्चया सङ्खाराति समेच्च अभिसमेच्च धम्मं; सङ्खारपच्चया विज्जाणन्ति समेच्च अभिसमेच्च धम्मं; विज्जाणपच्चया नामरूपन्ति... पे० ... नामरूपपच्चया सळायतनन्ति... सळायतनपच्चया फस्सोति... फस्सपच्चया वेदनाति... वेदनापच्चया तण्हाति... तण्हापच्चया उपादानन्ति... उपादानपच्चया भवोति... भवपच्चया जातीति... जातिपच्चया जरामरणन्ति समेच्च अभिसमेच्च धम्मं; अविज्जानिरोधा सङ्खारनिरोधोति समेच्च अभिसमेच्च धम्मं; सङ्खारनिरोधा विज्जाणनिरोधोति समेच्च अभिसमेच्च धम्मं; विज्जाणनिरोधा नामरूपनिरोधोति... नामरूपनिरोधा सळायतननिरोधोति... सळायतननिरोधा फस्सनिरोधोति... फस्सनिरोधा वेदनानिरोधोति... वेदनानिरोधा तण्हानिरोधोति... तण्हानिरोधा उपादाननिरोधोति... उपादाननिरोधा भवनिरोधोति... भवनिरोधा जातिनिरोधोति... जातिनिरोधा जरामरणनिरोधोति समेच्च अभिसमेच्च धम्मं; इदं दुक्खन्ति समेच्च अभिसमेच्च धम्मं; अयं दुक्खसमुदयोति... अयं दुक्खनिरोधोति... अयं दुक्खनिरोधगामिनी पटिपदाति समेच्च अभिसमेच्च धम्मं; इमे आसवाति समेच्च अभिसमेच्च धम्मं; अयं आसवसमुदयोति... अयं आसवनिरोधोति... अयं आसवनिरोधगामिनी पटिपदाति समेच्च अभिसमेच्च धम्मं; इमे धम्मा अभिज्जेय्याति समेच्च अभिसमेच्च धम्मं; इमे धम्मा परिज्जेय्याति... इमे धम्मा पहातब्बाति... इमे धम्मा भावेतब्बाति ... इमे धम्मा सच्छिकातब्बाति समेच्च अभिसमेच्च धम्मं । छन्नं फस्सायतनानं समुदयज्ज अत्थङ्गमज्ज अस्सादज्ज आदीनवज्ज निस्सरणज्ज समेच्च अभिसमेच्च धम्मं । पज्जनं उपादानक्खन्धानं समुदयज्ज अत्थङ्गमज्ज अस्सादज्ज आदीनवज्ज निस्सरणज्ज समेच्च अभिसमेच्च धम्मं । चतुन्नं महाभूतानं समुदयज्ज अत्थङ्गमज्ज अस्सादज्ज आदीनवज्ज निस्सरणज्ज समेच्च अभिसमेच्च धम्मं । यं किञ्चि समुदयधम्मं सब्बं तं निरोधधम्मन्ति समेच्च अभिसमेच्च धम्मन्ति — विद्वा च वेदेहि समेच्च धम्मं ।

न उच्चावचं गच्छति भूरिपज्जोति न सत्थारतो सत्थारं गच्छति, न धम्मक्खानतो धम्मक्खानं गच्छति, न गणतो गणं गच्छति, न दिट्ठिया दिट्ठिं गच्छति, न पटिपदाय पटिपदं गच्छति, न मग्गतो मग्गं गच्छति । **भूरिपज्जोति** भूरिपज्जो महापज्जो पुथुपज्जो हासपज्जो जवनपज्जो तिक्खपज्जो निब्बेधिकपज्जो । **भूरि** वुच्चति पथवी । ताय पथविसमाय पज्जाय विपुलाय वित्थताय समन्नागतोति — न उच्चावचं गच्छति भूरिपज्जो ।

तेनाह भगवा —

“सयं समादाय वतानि जन्तु, उच्चावचं गच्छति सज्जसत्तो ।
 विद्वा च वेदेहि समेच्च धम्मं, न उच्चावचं गच्छति भूरिपज्जो”ति ॥

२८. स सब्बधम्मेसु विसेनिभूतो, यं किञ्चि दिट्ठं व सुतं मुतं वा ।
तमेव दस्सिं विवटं चरन्तं, केनीध लोकस्मि विकप्पयेय्य ॥

स सब्बधम्मेसु विसेनिभूतो यं किञ्चि दिट्ठं व सुतं मुतं वाति । **सेना** वुच्चति मारसेना । कायदुच्चरितं मारसेना, वचीदुच्चरितं मारसेना, मनोदुच्चरितं मारसेना, रागो मारसेना, दोसो मारसेना, मोहो मारसेना, कोधो मारसेना, उपनाहो...

पे०... सब्बाकुसलाभिसङ्खारा मारसेना ।

वुत्तञ्हेतं भगवता —

“कामा ते पठमा सेना, दुतिया अरति वुच्चति ।

ततिया खुप्पिपासा ते, चतुत्थी तण्हा वुच्चति ॥

“पञ्चमी थिनमिद्धं ते, छट्ठा भीरू पवुच्चति ।

सत्तमी विचिकिच्छा ते, मक्खो थम्भो ते अट्टमो ॥

“लाभो सिलोको सक्कारो, मिच्छालब्धो च यो यसो ।

यो चत्तानं समुक्कंसे, परे च अवजानति ॥

“एसा नमुचि ते सेना, कण्हस्साभिप्पहारिनी ।

न नं असुरो जिनाति, जेत्वाव लभते सुख”न्ति ॥

यतो चतूहि अरियमग्गेहि सब्बा च मारसेना सब्बे च पटिसेनिकरा किलेसा जिता च पराजिता च भग्गा विप्पलुग्गा परम्मुखा, सो वुच्चति विसेनिभूतो । सो दिट्ठे विसेनिभूतो, सुते विसेनिभूतो, मुते विसेनिभूतो, विज्जाते विसेनिभूतोति — स सब्बधम्मसे सु विसेनिभूतो यं किञ्चि दिट्ठं व सुतं मुतं वा ।

तमेव दस्सिं विवटं चरन्तन्ति । तमेव सुद्धदस्सिं विसुद्धदस्सिं परिसुद्धदस्सिं वोदातदस्सिं परियोदातदस्सिं । अथ वा, सुद्धदस्सनं विसुद्धदस्सनं परिसुद्धदस्सनं वोदातदस्सनं परियोदातदस्सनं । विवटन्ति तण्हाछदनं दिट्ठिछदनं किलेसछदनं दुच्चरितछदनं अविज्जाछदनं । तानि छदनानि विवटानि होन्ति विद्धंसितानि उग्घाटितानि समुग्घाटितानि पहीनानि समुच्छिन्नानि वूपसन्तानि पटिपस्सद्धानि अभब्बुप्पत्तिकानि जाणग्गिना दट्ठानि । चरन्तन्ति चरन्तं विचरन्तं विहरन्तं इरियन्तं वत्तेन्तं पालेन्तं यपेन्तं यापेन्तन्ति — तमेव दस्सिं विवटं चरन्तं ।

केनीध लोकस्मि विकप्पयेय्याति । कप्पाति द्वे कप्पा — तण्हाकप्पो च दिट्ठिकप्पो च...पे०... अयं तण्हाकप्पो...पे०... अयं दिट्ठिकप्पो । तस्स तण्हाकप्पो पहीनो, दिट्ठिकप्पो पटिनिस्सट्ठो । तण्हाकप्पस्स पहीनत्ता दिट्ठिकप्पस्स पटिनिस्सट्ठत्ता केन रागेन कप्पेय्य, केन दोसेन कप्पेय्य, केन मोहेन कप्पेय्य, केन मानेन कप्पेय्य, काय दिट्ठिया कप्पेय्य, केन उद्धच्चेन कप्पेय्य, काय विचिकिच्छाय कप्पेय्य, केहि अनुसयेहि कप्पेय्य — रत्तोति वा दुट्ठोति वा मूळ्होति वा विनिबद्धोति वा परामट्ठोति वा विक्खेपगतोति वा अनिट्ठङ्गतोति वा थामगतोति वा । ते अभिसङ्खारा पहीना । अभिसङ्खारानं पहीनत्ता गतियो केन कप्पेय्य — नेरयिकोति वा तिरच्छानयोनिकोति वा पेत्तिविसयिकोति वा मनुस्सोति वा देवोति वा रूपीति वा अरूपीति वा सज्जीति वा असज्जीति वा नेवसज्जीनासज्जीति वा । सो हेतु नत्थि, पच्चयो नत्थि, कारणं नत्थि, येन कप्पेय्य विकप्पेय्य विकप्पं आपज्जेय्य । लोकस्मिन्ति अपायलोके मनुस्सलोके देवलोके खन्धलोके धातुलोके आयतनलोकेति — केनीध लोकस्मिं विकप्पयेय्य ।

तेनाह भगवा —

“स सव्वधम्मेषु विसेनिभूतो, यं किञ्चि दिट्ठं व सुतं मुतं वा ।
तमेव दस्सिं विवटं चरन्तं, केनीध लोकस्मि विकप्पयेय्या”ति ॥

**२९. न कप्पयन्ति न पुरेक्खरोन्ति, अच्चन्तसुद्धीति न ते वदन्ति ।
आदानगन्थं गथितं विसज्ज, आसं न कुब्बन्ति कुहिञ्चि लोके ॥**

न कप्पयन्ति न पुरेक्खरोन्तीति । कप्पाति द्वे कप्पा — तण्हाकप्पो च दिट्ठिकप्पो च...पे०... अयं तण्हाकप्पो...पे०... अयं दिट्ठिकप्पो । तेसं तण्हाकप्पो पहीनो, दिट्ठिकप्पो पटिनिस्सट्ठो । तण्हाकप्पस्स पहीनत्ता, दिट्ठिकप्पस्स पटिनिस्सट्ठत्ता तण्हाकप्पं वा दिट्ठिकप्पं वा न कप्पेन्ति न जनेन्ति न सज्जनेन्ति न निब्बत्तेन्ति नाभिनिब्बत्तेन्तीति — न कप्पयन्ति । न पुरेक्खरोन्तीति । पुरेक्खाराति द्वे पुरेक्खारा — तण्हापुरेक्खारो च दिट्ठिपुरेक्खारो च...पे०... अयं तण्हापुरेक्खारो...पे०... अयं दिट्ठिपुरेक्खारो । तेसं तण्हापुरेक्खारो पहीनो, दिट्ठिपुरेक्खारो पटिनिस्सट्ठो । तण्हापुरेक्खारस्स पहीनत्ता, दिट्ठिपुरेक्खारस्स पटिनिस्सट्ठत्ता न तण्हं वा न दिट्ठिं वा पुरतो कत्वा चरन्ति, न तण्हाधजा न तण्हाकेतू न तण्हाधिपतेय्या, न दिट्ठिधजा न दिट्ठिकेतू न दिट्ठाधिपतेय्या, न तण्हाय वा न दिट्ठिया वा परिवारिता चरन्तीति — न कप्पयन्ति न पुरेक्खरोन्ति ।

अच्चन्तसुद्धीति न ते वदन्तीति अच्चन्तसुद्धिं संसारसुद्धिं अकिरियदिट्ठिं सस्सतवादं न वदन्ति न कथेन्ति न भणन्ति न दीपयन्ति न वोहरन्तीति — अच्चन्तसुद्धीति न ते वदन्ति ।

आदानगन्थं गथितं विसज्जाति । गन्थाति चत्तारो गन्था — अभिज्झा कायगन्थो, ब्यापादो कायगन्थो, सीलव्वतपरामासो कायगन्थो, इदंसच्चाभिनिवेसो कायगन्थो । अत्तनो दिट्ठिया रागो अभिज्झा कायगन्थो; परवादेसु आघातो अप्पच्चयो ब्यापादो कायगन्थो; अत्तनो सीलं वा वतं वा सीलवतं वा परामसन्तीति सीलव्वतपरामासो कायगन्थो, अत्तनो दिट्ठि इदंसच्चाभिनिवेसो कायगन्थो । किंकारणा वुच्चति आदानगन्थो? तेहि गन्थेहि रूपं आदियन्ति उपादियन्ति गण्हन्ति परामसन्ति अभिनिविसन्ति; वेदनं...पे०... सज्जं... सङ्खारे... विज्जाणं... गतिं ... उपपत्तिं... पटिसन्धिं... भवं... संसारवट्ठं आदियन्ति उपादियन्ति गण्हन्ति परामसन्ति अभिनिविसन्ति । तंकारणा वुच्चति आदानगन्थो । विसज्जाति गन्थे वोसज्जित्वा वा — विसज्ज । अथ वा गन्थे गथिते गन्थिते बन्धे विबन्धे आबन्धे लग्गे लगिते पलिबुद्धे बन्धने पोटयित्वा — [फोटयित्वा (स्या०)] विसज्ज । यथा वट्ठं वा रथं वा सकटं वा सन्दमानिकं वा सज्जं विसज्जं करोन्ति विकोपेन्ति; एवमेव गन्थे वोसज्जित्वा — विसज्ज । अथ वा गन्थे गथिते गन्थिते बन्धे विबन्धे आबन्धे लग्गे लगिते पलिबुद्धे बन्धने पोटयित्वा विसज्जाति — आदानगन्थं गथितं विसज्ज ।

आसं न कुब्बन्ति कुहिञ्चि लोकेति । आसा वुच्चति तण्हा यो रागो सारागो...पे०... अभिज्झा लोभो अकुसलमूलं । आसं न कुब्बन्तीति आसं न कुब्बन्ति न जनेन्ति न सज्जनेन्ति न निब्बत्तेन्ति न अभिनिब्बत्तेन्ति । कुहिञ्चीति कुहिञ्चि किम्हिचि कत्थचि अज्झत्तं वा बहिद्धा वा अज्झत्तबहिद्धा वा । लोकेति अपायलोके...पे०... आयतनलोकेति — आसं न कुब्बन्ति कुहिञ्चि लोके ।

तेनाह भगवा —

“न कप्पयन्ति न पुरेक्खरोन्ति, अच्चन्तसुद्धीति न ते वदन्ति ।
आदानगन्थं गथितं विसज्ज, आसं न कुब्बन्ति कुहिञ्चि लोके”ति ॥

**३०. सीमातिगो ब्राह्मणो तस्स नत्थि, जत्वा च दिस्वा च समुग्गहीतं।
न रागरागी न विरागरत्तो, तस्सीध नत्थि परमुग्गहीतं॥**

सीमातिगो ब्राह्मणो तस्स नत्थि, जत्वा च दिस्वा च समुग्गहीतन्ति । सीमाति चतस्सो सीमायो — सक्कायदिट्ठि, विचिकिच्छा, सीलब्बतपरामासो, दिट्ठानुसयो, विचिकिच्छानुसयो, तदेकट्ठा च किलेसा — अयं पठमा सीमा । ओळारिकं कामरागसज्जोजनं, पटिघसज्जोजनं, ओळारिको कामरागानुसयो, पटिघानुसयो, तदेकट्ठा च किलेसा — अयं दुतिया सीमा । अनुसहगतं कामरागसज्जोजनं, पटिघसज्जोजनं, अनुसहगतो कामरागानुसयो, पटिघानुसयो, तदेकट्ठा च किलेसा — अयं ततिया सीमा । रूपरागो अरूपरागो मानो उद्धच्चं अविज्जा, मानानुसयो भवरागानुसयो अविज्जानुसयो, तदेकट्ठा च किलेसा — अयं चतुत्था सीमा । यतो च चतूहि अरियमग्गेहि इमा चतस्सो सीमायो अतिक्कन्तो होति समतिक्कन्तो वीतिवत्तो, सो वुच्चति सीमातिगो । ब्राह्मणोति सत्तन्नं धम्मनं बाहितत्ता ब्राह्मणो — सक्कायदिट्ठि बाहिता होति, विचिकिच्छा बाहिता होति, सीलब्बतपरामासो बाहितो होति... पे०... असितो तादि पवुच्चते स ब्रह्मा । तस्साति अरहतो खीणासवस्स ।

जत्वाति परचित्तजाणेन वा जत्वा पुब्बेनिवासानुस्सतिजाणेन वा जत्वा । दिस्वाति मंसचक्खुना वा दिस्वा दिब्बचक्खुना वा दिस्वा । सीमातिगो ब्राह्मणो तस्स नत्थि, जत्वा च दिस्वा च समुग्गहीतन्ति । तस्स इदं परमं अगं सेट्ठं विसिट्ठं [विसेट्ठं (सी० स्या०)] पामोक्खं उत्तमं पवरन्ति गहितं परामट्ठं अभिनिविट्ठं अज्झोसितं अधिमुत्तं नत्थि न सन्ति न संविज्जति नुपलब्भति, पहीनं समुच्छिन्नं वूपसन्तं पटिपस्सद्धं अभब्बुप्पत्तिकं जाणग्गिना दट्ठन्ति — सीमातिगो ब्राह्मणो तस्स नत्थि जत्वा च दिस्वा च समुग्गहीतं ।

न रागरागी न विरागरत्तोति । रागरत्ता वुच्चन्ति ये पच्चसु कामगुणेषु रत्ता गिद्धा गधिता मुच्छिता अज्झोसन्ना लग्गा लग्गिता पलिबुद्धा । विरागरत्ता वुच्चन्ति ये रूपावचरअरूपावचरसमापत्तीसु रत्ता गिद्धा गधिता मुच्छिता अज्झोसन्ना लग्गा लग्गिता पलिबुद्धा । न रागरागी न विरागरत्तोति यतो कामरागो च रूपरागो च अरूपरागो च पहीना होन्ति उच्छिन्नमूला तालावत्थुकता अनभावंकता [अनभावकता (सी०), अनभावंगता (स्या०)] आयतिं अनुप्पादधम्मा । एत्तावता न रागरागी न विरागरत्तो ।

तस्सीध नत्थि परमुग्गहीतन्ति । तस्साति अरहतो खीणासवस्स । तस्स इदं परमं अगं सेट्ठं विसिट्ठं पामोक्खं उत्तमं पवरन्ति गहितं परामट्ठं अभिनिविट्ठं अज्झोसितं अधिमुत्तं नत्थि न सन्ति न संविज्जति नुपलब्भति, पहीनं समुच्छिन्नं वूपसन्तं पटिपस्सद्धं अभब्बुप्पत्तिकं जाणग्गिना दट्ठन्ति — तस्सीध नत्थि परमुग्गहीतं ।

तेनाह भगवा —

“सीमातिगो ब्राह्मणो तस्स नत्थि, जत्वा च दिस्वा च समुग्गहीतं ।
न रागरागी न विरागरत्तो, तस्सीध नत्थि परमुग्गहीतं”न्ति ॥

सुद्धट्ठकसुत्तनिदेसो चतुत्थो ।

५. परमट्ठकसुत्तनिदेसो

अथ परमद्वुकसुत्तनिद्देशं वक्खति —

**३१. परमन्ति दिट्ठीसु परिब्बसानो, यदुत्तरिं कुरुते जन्तु लोके।
हीनाति अज्जे ततो सब्बमाह, तस्मा विवादानि अवीतिवत्तो॥**

परमन्ति दिट्ठीसु परिब्बसानोति । सन्तेके समणब्राह्मणा दिट्ठिगतिका । ते द्वासट्ठिया दिट्ठिगतानं अज्जतरज्जतरं दिट्ठिगतं “इदं परमं अगं सेट्ठं विसिट्ठं पामोक्खं उत्तमं पवरं”न्ति गहेत्वा उग्गहेत्वा गण्हित्वा परामसित्वा अभिनिविसित्वा सकाय सकाय दिट्ठिया वसन्ति पवसन्ति आवसन्ति परिवसन्ति । यथा आगारिका वा घरेसु वसन्ति, सापत्तिका वा आपत्तीसु वसन्ति, सकिलेसा वा किलेसेसु वसन्ति; एवमेव सन्तेके समणब्राह्मणा दिट्ठिगतिका । ते द्वासट्ठिया दिट्ठिगतानं अज्जतरज्जतरं दिट्ठिगतं “इदं परमं अगं सेट्ठं विसिट्ठं पामोक्खं उत्तमं पवरं”न्ति गहेत्वा उग्गहेत्वा गण्हित्वा परामसित्वा अभिनिविसित्वा सकाय सकाय दिट्ठिया वसन्ति पवसन्ति [संवसन्ति (स्या०) नत्थि सीहळपोत्थके] आवसन्ति परिवसन्तीति — परमन्ति दिट्ठीसु परिब्बसानो ।

यदुत्तरिं कुरुते जन्तु लोकेति । यदन्ति यं । उत्तरिं कुरुतेति उत्तरिं करोति, अगं सेट्ठं विसिट्ठं पामोक्खं उत्तमं पवरं करोति “अयं सत्था सब्बज्जू”ति उत्तरिं करोति, अगं सेट्ठं विसिट्ठं पामोक्खं उत्तमं पवरं करोति । “अयं धम्मो स्वाक्खातो..., अयं गणो सुप्पटिपन्नो..., अयं दिट्ठि भद्धिका..., अयं पटिपदा सुपज्जत्ता..., अयं मग्गो नित्थानिको”ति उत्तरिं करोति, अगं सेट्ठं विसिट्ठं पामोक्खं उत्तमं पवरं करोति निब्बत्तेति अभिनिब्बत्तेति । जन्तूति सत्तो नरो...पे०... मनुजो । लोकेति अपायलोके...पे०... आयतनलोकेति — यदुत्तरिं कुरुते जन्तु लोके ।

हीनाति अज्जे ततो सब्बमाहाति अत्तनो सत्थारं धम्मक्खानं गणं दिट्ठिं पटिपदं मग्गं ठपेत्वा सब्बे परप्पवादे खिपति उक्खिपति परिक्खिपति । “सो सत्था न सब्बज्जू, धम्मो न स्वाक्खातो, गणो न सुप्पटिपन्नो, दिट्ठि न भद्धिका, पटिपदा न सुपज्जत्ता, मग्गो न नित्थानिको, नत्थेत्थ सुद्धि वा विसुद्धि वा परिसुद्धि वा मुत्ति वा विमुत्ति वा परिमुत्ति वा, नत्थेत्थ सुज्झन्ति वा विसुज्झन्ति वा परिसुज्झन्ति वा मुच्चन्ति वा विमुच्चन्ति वा परिमुच्चन्ति वा, हीना निहीना ओमका लामका छतुक्का परित्ता”ति एवमाह एवं कथेति एवं भणति एवं दीपयति एवं वोहरतीति — हीनाति अज्जे ततो सब्बमाह ।

तस्मा विवादानि अवीतिवत्तोति । तस्माति तंकारणा तंहेतु तप्पच्चया तंनिदाना । विवादानीति दिट्ठिकलहानि दिट्ठिभण्डनानि दिट्ठिविग्गहानि दिट्ठिविवादानि दिट्ठिमेधगानि च । अवीतिवत्तोति अनतिक्कन्तो असमतिक्कन्तो अवीतिवत्तोति — तस्मा विवादानि अवीतिवत्तो ।

तेनाह भगवा —

“परमन्ति दिट्ठीसु परिब्बसानो, यदुत्तरिं कुरुते जन्तु लोके ।
हीनाति अज्जे ततो सब्बमाह, तस्मा विवादानि अवीतिवत्तो”ति ॥

**३२. यदत्तनी पस्सति आनिसंसं, दिट्ठे सुते सीलवते मुते वा ।
तदेव सो तत्थ समुग्गहाय, निहीनतो पस्सति सब्बमज्जं ॥**

यदत्तनी पस्सति आनिसंसं, दिट्ठे सुते सीलवते मुते वाति । यदत्तनीति यं अत्तनि । अत्ता वुच्चति दिट्ठिगतं ।

अत्तनो दिट्ठिया द्वे आनिसंसो पस्सति — दिट्ठधम्मिकञ्च आनिसंसं, सम्परायिकञ्च आनिसंसं । कतमो दिट्ठिया दिट्ठधम्मिको आनिसंसो? यंदिट्ठिको सत्था होति, तंदिट्ठिका सावका होन्ति । तंदिट्ठिकं सत्थारं सावका सक्करोन्ति गरं करोन्ति मानेन्ति पूजेन्ति, लभति च ततोनिदानं चीवरपिण्डपातसेनासनगिलानपच्चयभेसज्जपरिक्खारं । अयं दिट्ठिया दिट्ठधम्मिको आनिसंसो । कतमो दिट्ठिया सम्परायिको आनिसंसो? अयं दिट्ठि अलं नागत्ताय वा सुपण्णत्ताय वा यक्खत्ताय वा असुरत्ताय वा गन्धब्बत्ताय वा महाराजत्ताय वा इन्दत्ताय वा ब्रह्मत्ताय वा देवत्ताय वा; अयं दिट्ठि अलं सुद्धिया विसुद्धिया परिसुद्धिया मुत्तिया विमुत्तिया परिमुत्तिया; इमाय दिट्ठिया सुज्झन्ति विसुज्झन्ति परिसुज्झन्ति मुच्चन्ति विमुच्चन्ति परिमुच्चन्ति; इमाय दिट्ठिया सुज्झिस्सामि विसुज्झिस्सामि परिसुज्झिस्सामि मुच्चिस्सामि विमुच्चिस्सामि परिमुच्चिस्सामि आयतिं फलपाटिकङ्खी होति । अयं दिट्ठिया सम्परायिको आनिसंसो । अत्तनो दिट्ठिया इमे द्वे आनिसंसो पस्सति, दिट्ठसुद्धियापि द्वे आनिसंसो पस्सति, सुतसुद्धियापि द्वे आनिसंसो पस्सति, सीलसुद्धियापि द्वे आनिसंसो पस्सति, वतसुद्धियापि द्वे आनिसंसो पस्सति, मुतसुद्धियापि द्वे आनिसंसो पस्सति — दिट्ठधम्मिकञ्च आनिसंसं सम्परायिकञ्च आनिसंसं । कतमो मुतसुद्धिया दिट्ठधम्मिको आनिसंसो? यंदिट्ठिको सत्था होति तंदिट्ठिका सावका होन्ति...पे०... अयं मुतसुद्धिया दिट्ठधम्मिको आनिसंसो । कतमो मुतसुद्धिया सम्परायिको आनिसंसो? अयं दिट्ठि अलं नागत्ताय वा...पे०... अयं मुतसुद्धिया सम्परायिको आनिसंसो । मुतसुद्धियापि इमे द्वे आनिसंसो पस्सति दक्खति ओलोकेति निज्झायति उपपरिक्खतीति — यदत्तनी पस्सति आनिसंसं दिट्ठे सुते सीलवते मुते वा ।

तदेव सो तत्थ समुग्गहायाति । तदेवाति तं दिट्ठिगतं । तत्थाति सकाय दिट्ठिया सकाय खन्तिया सकाय रुचिया सकाय लद्धिया । समुग्गहायाति इदं परमं अगं सेट्ठं विसिट्ठं पामोक्खं उत्तमं पवरन्ति गहेत्वा उग्गहेत्वा गण्हित्वा परामसित्वा अभिनिविसित्वाति — तदेव सो तत्थ समुग्गहाय ।

निहीनतो पस्सति सब्बमज्जन्ति । अज्जं सत्थारं धम्मक्खानं गणं दिट्ठिं पटिपदं मगं हीनतो निहीनतो ओमकतो लामकतो छतुक्कतो परित्ततो दिस्सति पस्सति दक्खति ओलोकेति निज्झायति उपपरिक्खतीति — निहीनतो पस्सति सब्बमज्जं ।

तेनाह भगवा —

“यदत्तनी पस्सति आनिसंसं, दिट्ठे सुते सीलवते मुते वा ।

तदेव सो तत्थ समुग्गहाय, निहीनतो पस्सति सब्बमज्जं”न्ति ॥

३३. तं वापि [चापि (सी०)] गन्थं कुसला वदन्ति, यं निस्सितो पस्सति हीनमज्जं ।

तस्मा हि दिट्ठं व सुतं मुतं वा, सीलब्बतं भिक्खु न निस्सयेय्य ॥

तं वापि गन्थं कुसला वदन्तीति । कुसलाति ये ते खन्धकुसला धातुकुसला आयतनकुसला पटिच्चसमुप्पादकुसला सतिपट्ठानकुसला सम्मप्पधानकुसला इद्धिपादकुसला इन्द्रियकुसला बलकुसला बोझङ्गकुसला मग्गकुसला फलकुसला निब्बानकुसला, ते कुसला एवं वदन्ति — “गन्थो एसो, लग्गनं एतं, बन्धनं एतं, पलिबोधो एसो”ति । एवं वदन्ति एवं कथेन्ति एवं भणन्ति एवं दीपयन्ति एवं वोहरन्तीति — तं वापि गन्थं कुसला वदन्ति ।

यं निस्सितो पस्सति हीनमज्जन्ति । यं निस्सितोति यं सत्थारं धम्मक्खानं गणं दिट्ठिं पटिपदं मगं निस्सितो

सन्निस्सितो अल्लीनो उपगतो अज्झोसितो अधिमुत्तो । पस्सति हीनमज्जन्ति अज्जं सत्थारं धम्मक्खानं गणं दिट्ठिं पटिपदं मगं हीनतो निहीनतो ओमकतो लामकतो छतुक्कतो परित्ततो दिस्सति पस्सति दक्खति ओलोकेति निज्झायति उपनिज्झायति उपपरिक्खतीति — यं निस्सितो पस्सति हीनमज्जं ।

तस्मा हि दिट्ठं व सुतं मुतं वा, सीलब्बतं भिक्खु न निस्सयेय्याति । तस्माति तस्मा तंकारणा तंहेतु तप्पच्चया तंनिदाना दिट्ठं वा दिट्ठसुद्धिं वा सुतं वा सुतसुद्धिं वा मुतं वा मुतसुद्धिं वा सीलं वा सीलसुद्धिं वा वतं वा वतसुद्धिं वा न निस्सयेय्य न गणहेय्य न परामसेय्य नाभिनिवेसेय्याति — तस्मा हि दिट्ठं व सुतं मुतं वा सीलब्बतं भिक्खु न निस्सयेय्य ।

तेनाह भगवा —

“तं वापि गन्थं कुसला वदन्ति, यं निस्सितो पस्सति हीनमज्जं ।
तस्मा हि दिट्ठं व सुतं मुतं वा, सीलब्बतं भिक्खु न निस्सयेय्या”ति ॥

३४. दिट्ठिम्पि लोकस्मिं न कप्पयेय्य, जाणेन वा सीलवतेन वापि ।
समोति अत्तानमनूपनेय्य, हीनो न मज्जेथ विसेसि वापि ॥

दिट्ठिम्पि लोकस्मिं न कप्पयेय्य, जाणेन वा सीलवतेन वापीति । अट्ठसमापत्तिजाणेन वा पञ्चाभिज्जाजाणेन वा मिच्छाजाणेन वा, सीलेन वा वतेन वा सीलवतेन वा, दिट्ठिं न कप्पयेय्य न जनेय्य न सज्जनेय्य न निब्बत्तेय्य न अभिनिब्बत्तेय्य । लोकस्मिन्ति अपायलोके...पे०... आयतनलोकेति — दिट्ठिम्पि लोकस्मिं न कप्पयेय्य जाणेन वा सीलवतेन वापि ।

समोति अत्तानमनूपनेय्याति । सदिसोहमस्मीति अत्तानं न उपनेय्य जातिया वा गोत्तेन वा कोलपुत्तियेन वा वण्णपोक्खरताय वा धनेन वा अज्जेनेन वा कम्मायतनेन वा सिप्पायतनेन वा विज्जाट्टानेन वा सुतेन वा पटिभानेन वा अज्जतरज्जतरेन वा वत्थुनाति — समोति अत्तानमनूपनेय्य ।

हीनो न मज्जेथ विसेसि वापीति । हीनोहमस्मीति अत्तानं न उपनेय्य जातिया वा गोत्तेन वा...पे०... अज्जतरज्जतरेन वा वत्थुना । सेय्योहमस्मीति अत्तानं न उपनेय्य जातिया वा गोत्तेन वा...पे०... अज्जतरज्जतरेन वा वत्थुनाति — हीनो न मज्जेथ विसेसि वापि ।

तेनाह भगवा —

“दिट्ठिम्पि लोकस्मिं न कप्पयेय्य, जाणेन वा सीलवतेन वापि ।
समोति अत्तानमनूपनेय्य, हीनो न मज्जेथ विसेसि वापी”ति ॥

३५. अत्तं पहाय अनुपादियानो, जाणेनपि सो निस्सयं नो करोति ।
स वे वियत्तेसु न वग्गसारी, दिट्ठिम्पि सो न पच्चेति किञ्चि ॥

अत्तं पहाय अनुपादियानोति । अत्तं पहायाति अत्तदिट्ठिं पहाय । अत्तं पहायाति गाहं [अत्तगाहं (सी० क०)] पहाय ।

अत्तं पहायाति तण्हावसेन दिट्ठिवसेन गहितं परामट्ठं अभिनिविट्ठं अज्झोसितं अधिमुत्तं पहाय पजहित्वा विनोदेत्वा ब्यन्तिं करित्वा अनभावं गमेत्वाति — अत्तं पहाय । अनुपादियानोति चतूहि उपादानेहि अनुपादियमानो अगण्हमानो अपरामासमानो अनभिनिविसमानोति — अत्तं पहाय अनुपादियानो ।

जाणेनपि सो निस्सयं नो करोतीति अट्ठसमापत्तिजाणेन वा पञ्चाभिज्जाजाणेन वा मिच्छाजाणेन वा तण्हानिस्सयं वा दिट्ठिनिस्सयं वा न करोति न जनेति न सज्जनेति न निब्बत्तेति न अभिनिब्बत्तेतीति — जाणेनपि सो निस्सयं नो करोति ।

स वे वियत्तेसु न वग्गसारीति स वे वियत्तेसु भिन्नेसु द्वेज्झापन्नेसु द्वेळ्हकजातेसु नानादिट्ठिकेसु नानाखन्तिकेसु नानारुचिकेसु नानालब्धिकेसु नानादिट्ठिनिस्सयं निस्सितेसु छन्दागतिं गच्छन्तेसु दोसागतिं गच्छन्तेसु मोहागतिं गच्छन्तेसु भयागतिं गच्छन्तेसु न छन्दागतिं गच्छति न दोसागतिं गच्छति न मोहागतिं गच्छति न भयागतिं गच्छति न रागवसेन गच्छति न दोसवसेन गच्छति न मोहवसेन गच्छति न मानवसेन गच्छति न दिट्ठिवसेन गच्छति न उद्धच्यवसेन गच्छति न विचिकिच्छावसेन गच्छति न अनुसयवसेन गच्छति न वग्गेहि धम्मोहि यायति निय्यति वुहति संहरीयतीति — स वे वियत्तेसु न वग्गसारी ।

दिट्ठिम्पि सो न पच्चेति किञ्चीति । तस्स द्वासट्ठि दिट्ठिगतानि पहीनानि समुच्छिन्नानि वूपसन्तानि पटिपस्सद्धानि अभब्बुप्पत्तिकानि जाणगिना दड्ढानि । सो किञ्चि दिट्ठिगतं न पच्चेति न पच्चागच्छतीति — दिट्ठिम्पि सो न पच्चेति किञ्चि ।

तेनाह भगवा —

“अत्तं पहाय अनुपादियानो, जाणेनपि सो निस्सयं नो करोति ।
स वे वियत्तेसु न वग्गसारी, दिट्ठिम्पि सो न पच्चेति किञ्ची”ति ॥

३६. यस्सूभयन्ते पणिधीध नत्थि, भवाभवाय इध वा हरं वा ।
निवेसना तस्स न सन्ति केचि, धम्मेसु निच्छेय्य समुग्गहीतं ॥

यस्सूभयन्ते पणिधीध नत्थि, भवाभवाय इध वा हरं वाति यस्साति अरहतो खीणासवस्स । अन्तोति [अन्ताति (स्या०)] फस्सो एको अन्तो, फस्ससमुदयो दुतियो अन्तो; अतीतो एको अन्तो, अनागतो दुतियो अन्तो; सुखा वेदना एको अन्तो, दुक्खा वेदना दुतियो अन्तो; नामं एको अन्तो, रूपं दुतियो अन्तो; छ अज्झत्तिकानि आयतनानि एको अन्तो, छ बाहिरानि आयतनानि दुतियो अन्तो; सक्कायो एको अन्तो, सक्कायसमुदयो दुतियो अन्तो । पणिधि वुच्चति तण्हा । यो रागो सारागो... पे०... अभिज्झा लोभो अकुसलमूलं ।

भवाभवायाति भवाभवाय कम्मभवाय पुनब्भवाय कामभवाय, कम्मभवाय कामभवाय पुनब्भवाय रूपभवाय, कम्मभवाय रूपभवाय पुनब्भवाय अरूपभवाय, कम्मभवाय अरूपभवाय पुनब्भवाय पुनप्पुनभवाय पुनप्पुनगतिया पुनप्पुनउपपत्तिया पुनप्पुनपटिसन्धिया पुनप्पुनअत्तभावाभिनिब्बत्तिया । इधाति सकत्तभावो, हुराति परत्तभावो; इधाति सकरूपवेदनासज्जासङ्खारविज्जाणं, हुराति पररूपवेदनासज्जासङ्खारविज्जाणं; इधाति छ अज्झत्तिकानि आयतनानि, हुराति छ बाहिरानि आयतनानि; इधाति मनुस्सलोको, हुराति देवलको; इधाति कामधातु, हुराति रूपधातु अरूपधातु;

इधाति कामधातु रूपधातु । हुराति अरूपधातु । यस्सूभयन्ते पणिधीध नत्थि भवाभवाय इध वा हुरं वाति । यस्स उभो अन्ते च भवाभवाय च इध हुरञ्च पणिधि तण्हा नत्थि न सन्ति न संविज्जन्ति नुपलब्धन्ति, पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दड्ढाति — यस्सूभयन्ते पणिधीध नत्थि भवाभवाय इध वा हुरं वा ।

निवेसना तस्स न सन्ति केचीति । निवेसनाति द्वे निवेसना — तण्हानिवेसना च दिट्ठिनिवेसना च...पे०... अयं तण्हानिवेसना...पे०... अयं दिट्ठिनिवेसना । तस्साति अरहतो खीणासवस्स । निवेसना तस्स न सन्ति केचीति निवेसना तस्स न सन्ति केचि नत्थि न सन्ति न संविज्जन्ति नुपलब्धन्ति, पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दड्ढाति — निवेसना तस्स न सन्ति केचि ।

धम्मेसु निच्छेय्य समुग्गहीतन्ति । धम्मेसूति द्वासट्ठिया दिट्ठिगतेसु । निच्छेय्याति निच्छिनित्वा विनिच्छिनित्वा विचिनित्वा पविचिनित्वा तुलयित्वा तीरयित्वा विभावयित्वा विभूतं कत्वा । समुग्गहीतन्ति ओधिग्गाहो बिलग्गाहो वरग्गाहो कोट्टासग्गाहो उच्चयग्गाहो समुच्चयग्गाहो, “इदं सच्चं तच्छं तथं भूतं याथावं अविपरीतं” न्ति गहितं परामट्ठं अभिनिविट्ठं अज्झोसितं अधिमुत्तं नत्थि न सन्ति न संविज्जन्ति नुपलब्धन्ति, पहीनं समुच्छिन्नं वूपसन्तं पटिपस्सद्धं अभब्बुप्पत्तिकं जाणग्गिना दड्ढन्ति — धम्मेसु निच्छेय्य समुग्गहीतं ।

तेनाह भगवा —

“यस्सूभयन्ते पणिधीध नत्थि, भवाभवाय इध वा हुरं वा ।
निवेसना तस्स न सन्ति केचि, धम्मेसु निच्छेय्य समुग्गहीतं” न्ति ॥

३७. तस्सीध दिट्ठे व सुते मुते वा, पकप्पिता नत्थि अणूपि सज्जा ।
तं ब्राह्मणं दिट्ठिमनादियानं, केनीध लोकस्मिं विकप्पयेय्य ॥

तस्सीध दिट्ठे व सुते मुते वा, पकप्पिता नत्थि अणूपि सज्जाति । तस्साति अरहतो खीणासवस्स । तस्स दिट्ठे वा दिट्ठसुद्धिया वा सुते वा सुतसुद्धिया वा मुते वा मुतसुद्धिया वा सज्जापुब्बङ्गमता सज्जाविकप्पयेय्यता सज्जाविग्गहेन सज्जाय उट्ठपिता समुट्ठपिता कप्पिता पकप्पिता सङ्गता अभिसङ्गता सण्ठपिता, दिट्ठि नत्थि न सन्ति न संविज्जन्ति नुपलब्धन्ति, पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दड्ढाति — तस्सीध दिट्ठे व सुते मुते वा पकप्पिता नत्थि अणूपि सज्जा ।

तं ब्राह्मणं दिट्ठिमनादियानन्ति । ब्राह्मणोति सत्तन्नं धम्मनं बाहितत्ता ब्राह्मणो — सक्कायदिट्ठि बाहिता होति...पे०... असितो तादि पवुच्चते स ब्रह्मा । तं ब्राह्मणं दिट्ठिमनादियानन्ति । तं ब्राह्मणं दिट्ठिमनादियन्तं अगणहन्तं अपरामसन्तं अनभिनिवेसन्तन्ति — तं ब्राह्मणं दिट्ठिमनादियानं ।

केनीध लोकस्मिं विकप्पयेय्याति । कप्पाति द्वे कप्पा — तण्हाकप्पो च दिट्ठिकप्पो च...पे०... अयं तण्हाकप्पो...पे०... अयं दिट्ठिकप्पो । तस्स तण्हाकप्पो पहीनो, दिट्ठिकप्पो पटिनिस्सट्ठो । तण्हाकप्पस्स पहीनत्ता, दिट्ठिकप्पस्स पटिनिस्सट्ठत्ता केन रागेन कप्पेय्य केन दोसेन कप्पेय्य केन मोहेन कप्पेय्य केन मानेन कप्पेय्य काय दिट्ठिया कप्पेय्य केन उद्धच्चेन कप्पेय्य काय विचिकिच्छाय कप्पेय्य केहि अनुसयेहि कप्पेय्य — रत्तोति वा दुट्ठोति वा मूळ्होति वा विनिबद्धोति वा परामट्ठोति वा विक्खेपगतोति वा अनिट्ठङ्गतोति वा थामगतोति वा । ते अभिसङ्गारा पहीना । अभिसङ्गारानं पहीनत्ता गतियो

केन कप्पेय्य — नेरयिकोति वा तिरच्छानयोनिकोति वा पेत्तिविसयिकोति वा मनुस्सोति वा देवोति वा रूपीति वा अरूपीति वा सज्जीति वा असज्जीति वा नेवसज्जीनासज्जीति वा । सो हेतु नत्थि पच्चयो नत्थि कारणं नत्थि, येन कप्पेय्य विकप्पेय्य विकप्पं आपज्जेय्य । **लोकस्मिन्ति** अपायलोके...पे०... आयतनलोकेति — केनीध लोकस्मिं विकप्पयेय्य ।

तेनाह भगवा —

“तस्सीध दिट्ठे व सुते मुते वा, पकप्पिता नत्थि अणूपि सज्जा ।
तं ब्राह्मणं दिट्ठिमनादियानं, केनीध लोकस्मिं विकप्पयेय्या”ति ॥

**३८. न कप्पयन्ति न पुरेक्खरोन्ति, धम्मापि तेसं न पटिच्छितासे ।
न ब्राह्मणो सीलवतेन नेय्यो, पारङ्गतो न पच्चेति तादी ॥**

न कप्पयन्ति न पुरेक्खरोन्तीति । कप्पाति द्वे कप्पा — तण्हाकप्पो च दिट्ठिकप्पो च । कतमो तण्हाकप्पो? यावता तण्हासङ्घातेन सीमकतं मरियादिकतं ओधिकतं परियन्तकतं परिगहितं ममायितं — “इदं ममं, एतं ममं, एतकं ममं, एत्तावता ममं, मम रूपा सद्वा गन्धा रसा फोडुब्बा, अत्थरणा पावुरणा दासिदासा [दासीदासा (स्या० क०)] अजेळका कुक्कुटसूकरा हत्थिगवास्सवळवा खेत्तं वत्थु हिरज्जं सुवण्णं गामनिगमराजधानियो रट्टुज्ज जनपदो च कोसो च कोट्टागारज्ज, केवलम्पि महापथविं तण्हावसेन ममायति, यावता अट्टसततण्हाविचरितं — अयं तण्हाकप्पो । कतमो दिट्ठिकप्पो? वीसतिवत्थुका सक्कायदिट्ठि, दसवत्थुका मिच्छादिट्ठि, दसवत्थुका अन्तग्गाहिकादिट्ठि, या एवरूपा दिट्ठि दिट्ठिगतं दिट्ठिगहनं दिट्ठिकन्तारं दिट्ठिविसूकायिकं दिट्ठिविप्फन्दितं दिट्ठिसज्जोजनं गाहो पटिग्गाहो अभिनिवेशो परामासो कुम्भगो मिच्छापथो मिच्छत्तं तित्थायतनं विपरियासग्गाहो [विपरियेसग्गाहो (सी० स्या० क०)] विपरीतग्गाहो विपल्लासग्गाहो मिच्छागाहो, अयाथावकस्मिं याथावकन्ति गाहो, यावता द्वासट्ठि दिट्ठिगतानि — अयं दिट्ठिकप्पो । तेसं तण्हाकप्पो पहीनो, दिट्ठिकप्पो पटिनिस्सट्ठो । तण्हाकप्पस्स पहीनत्ता, दिट्ठिकप्पस्स पटिनिस्सट्ठत्ता तण्हाकप्पं वा दिट्ठिकप्पं वा न कप्पेन्ति न जनेन्ति न सज्जनेन्ति न निब्बत्तेन्ति न अभिनिब्बत्तेन्तीति — न कप्पयन्ति ।

न पुरेक्खरोन्तीति । पुरेक्खाराति द्वे पुरेक्खारा — तण्हापुरेक्खारो च दिट्ठिपुरेक्खारो च...पे०... अयं तण्हापुरेक्खारो... पे०... अयं दिट्ठिपुरेक्खारो । तेसं तण्हापुरेक्खारो पहीनो, दिट्ठिपुरेक्खारो पटिनिस्सट्ठो । तण्हापुरेक्खारस्स पहीनत्ता, दिट्ठिपुरेक्खारस्स पटिनिस्सट्ठत्ता न तण्हं वा न दिट्ठिं वा पुरतो कत्वा चरन्ति न तण्हाधजा न तण्हाकेतू न तण्हाधिपतेय्या न दिट्ठिधजा न दिट्ठिकेतू न दिट्ठाधिपतेय्या । न तण्हाय वा न दिट्ठिया वा परिवारेत्वा चरन्तीति — न कप्पयन्ति न पुरेक्खरोन्ति ।

धम्मापि तेसं न पटिच्छितासेति । धम्मा वुच्चन्ति द्वासट्ठि दिट्ठिगतानि । **तेसन्ति** तेसं अरहन्तानं खीणासवानं । **न पटिच्छितासेति** “सस्सतो लोको, इदमेव सच्चं मोघमज्ज”न्ति न पटिच्छितासे । “असस्सतो लोको... अन्तवा लोको... अनन्तवा लोको... तं जीवं तं सरीरं... अज्जं जीवं अज्जं सरीरं... होति तथागतो परं मरणा... न होति तथागतो परं मरणा... होति च न च होति तथागतो परं मरणा... नेव होति न न होति तथागतो परं मरणा, इदमेव सच्चं मोघमज्ज”न्ति न पटिच्छितासेति — धम्मापि तेसं न पटिच्छितासे ।

न ब्राह्मणो सीलवतेन नेय्योति । नाति पटिक्खेपो । **ब्राह्मणोति** सत्तन्नं धम्मानं बाहितत्ता ब्राह्मणो — सक्कायदिट्ठि बाहिता होति...पे०... असितो तादि वुच्चते स ब्रह्मा । **न ब्राह्मणो सीलवतेन नेय्योति ।** ब्राह्मणो सीलेन वा वतेन वा

सीलब्बतेन वा न यायति न निव्यति न वुहति न संहरीयतीति — न ब्राह्मणो सीलवतेन नेय्यो ।

पारङ्गतो न पच्चेति तादीति । पारं वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । सो पारङ्गतो पारप्पत्तो अन्तगतो अन्तप्पत्तो कोटिगतो कोटिप्पत्तो [वित्थारो] जातिमरणसंसारो, नत्थि तस्स पुनब्भवोति — पारङ्गतो । **न पच्चेतीति** सोतापत्तिमग्गेन ये किलेसा पहीना, ते किलेसे न पुनेति न पच्चेति न पच्चागच्छति । सकदागामिमग्गेन ये किलेसा पहीना, ते किलेसे न पुनेति न पच्चेति न पच्चागच्छति । अनागामिमग्गेन ये किलेसा पहीना, ते किलेसे न पुनेति न पच्चेति न पच्चागच्छति । अरहत्तमग्गेन ये किलेसा पहीना, ते किलेसे न पुनेति न पच्चेति न पच्चागच्छतीति — पारङ्गतो न पच्चेति । **तादीति** अरहा पञ्चहाकारेहि तादी — इड्डानिडे तादी, चत्तावीति तादी, तिण्णावीति तादी, मुत्तावीति तादी, तंनिदेसा तादी ।

कथं अरहा इड्डानिडे तादी? अरहा लाभेपि तादी, अलाभेपि तादी, यसेपि तादी, अयसेपि तादी, पसंसायपि तादी, निन्दायपि तादी, सुखेपि तादी, दुखेपि तादी । एकच्चे बाहं [अङ्गं (सी०)] गन्धेन लिम्पेय्युं, एकच्चे बाहं [अङ्गं (सी०)] वासिया तच्छेय्युं — अमुस्मिं नत्थि रागो, अमुस्मिं नत्थि पटिघं, अनुनयपटिघविप्पहीनो उग्घातिनिघातिवीतिवत्तो अनुरोधविरोधसमतिककन्तो । एवं अरहा इड्डानिडे तादी ।

कथं अरहा चत्तावीति तादी? अरहतो रागो चत्तो वन्तो मुत्तो पहीनो पटिनिस्सट्ठो । दोसो... पे०... मोहो... कोधो... उपनाहो... मक्खो... पळासो... इस्सा... मच्छरियं... माया... साठेय्यं... थम्भो... सारम्भो... मानो... अतिमानो... मदो... पमादो... सब्बे किलेसा... सब्बे दुच्चरिता... सब्बे दरथा... सब्बे परिळाहा... सब्बे सन्तापा... सब्बाकुसलाभिसङ्खारा चत्ता वन्ता मुत्ता पहीना पटिनिस्सट्ठो । एवं अरहा चत्तावीति तादी ।

कथं अरहा तिण्णावीति तादी? अरहा कामोघं तिण्णो भवोघं तिण्णो दिट्ठोघं तिण्णो अविज्जोघं तिण्णो सब्बं संसारपथं तिण्णो उत्तिण्णो नित्तिण्णो अतिक्कन्तो समतिककन्तो वीतिवत्तो । सो वुट्ठवासो चिण्णचरणो जातिमरणसंसारो, नत्थि तस्स पुनब्भवोति । एवं अरहा तिण्णावीति तादी ।

कथं अरहा मुत्तावीति तादी? अरहतो रागा चित्तं मुत्तं विमुत्तं सुविमुत्तं, दोसा चित्तं मुत्तं विमुत्तं सुविमुत्तं, मोहा चित्तं मुत्तं विमुत्तं सुविमुत्तं, कोधा... पे०... उपनाहा... मक्खा... पळासा... इस्साय... मच्छरिया... मायाय... साठेय्या... थम्भा... सारम्भा... माना... अतिमाना... मदा... पमादा... सब्बकिलेसेहि... सब्बदुच्चरितेहि... सब्बदरथेहि... सब्बपरिळाहेहि... सब्बसन्तापेहि... सब्बाकुसलाभिसङ्खारेहि चित्तं मुत्तं विमुत्तं सुविमुत्तं । एवं अरहा मुत्तावीति तादी ।

कथं अरहा तंनिदेसा तादी? अरहा सीले सति सीलवाति तंनिदेसा तादी; सद्धाय सति सद्धोति तंनिदेसा तादी; वीरिये सति वीरियवाति तंनिदेसा तादी; सतिया सति सतिमाति तंनिदेसा तादी; समाधिम्हि सति समाहितोति तंनिदेसा तादी; पज्जाय सति पज्जवाति तंनिदेसा तादी; विज्जाय सति तेविज्जोति तंनिदेसा तादी; अभिज्जाय सति छळभिज्जोति तंनिदेसा तादी । एवं अरहा तंनिदेसा तादीति — पारङ्गतो न पच्चेति तादी ।

तेनाह भगवा —

“न कप्पयन्ति न पुरेक्खरोन्ति, धम्मापि तेसं न पटिच्छितासे ।

न ब्राह्मणो सीलवतेन नेय्यो, पारङ्गतो न पच्चेति तादी”ति ॥

परमट्ठकसुत्तनिद्देशो पञ्चमो ।

६. जरासुत्तनिद्देशो

अथ जरासुत्तनिद्देशं वक्खति —

३९. अप्पं वत जीवितं इदं, ओरं वस्ससतापि मिय्यति [मीयति (सी०)] ।

यो चेपि अतिच्च जीवति, अथ खो सो जरसापि मिय्यति ॥

अप्पं वत जीवितं इदन्ति । जीवितन्ति आयु ठिति यपना यापना इरियना वत्तना पालना जीवितं जीवितिन्द्रियं । अपि च, द्वीहि कारणेहि अप्पकं जीवितं थोकं जीवितं — ठितिपरित्ताय वा अप्पकं जीवितं, सरसपरित्ताय वा अप्पकं जीवितं । कथं ठितिपरित्ताय वा अप्पकं जीवितं? अतीते चित्तक्खणे जीवित्थ, न जीवति न जीविस्सति; अनागते चित्तक्खणे जीविस्सति, न जीवति न जीवित्थ; पच्चुप्पन्ने चित्तक्खणे जीवति, न जीवित्थ न जीविस्सति ।

“जीवितं अत्तभावो च, सुखदुक्खा च केवला ।

एकचित्तसमायुत्ता, लहुसो वत्तते खणो ॥

“चुल्लासीतिसहस्सानि, कप्पा तिड्ढन्ति ये मरू ।

न त्वेव तेपि जीवन्ति, द्वीहि चित्तेहि संयुता [समोहिता (सी० स्या० क०)] ॥

“ये निरुद्धा मरन्तस्स, तिड्ढमानस्स वा इध ।

सब्बेपि सदिसा खन्धा, गता अप्पटिसन्धिका ॥

“अनन्तरा च ये भग्गा, ये च भग्गा अनागता ।

तदन्तरे निरुद्धानं, वेसमं नत्थि लक्खणे ॥

“अनिब्बत्तेन न जातो, पच्चुप्पन्नेन जीवति ।

चित्तभग्गा मतो लोको, पज्जत्ति परमत्थिया ॥

“यथा निन्ना पवत्तन्ति, छन्देन परिणामिता ।

अच्छिन्नधारा वत्तन्ति, सळायतनपच्चया ॥

“अनिधानगता भग्गा, पुज्जो नत्थि अनागते ।

निब्बत्ता ये च तिड्ढन्ति, आरगो सासपूपमा ॥

“निब्बत्तानञ्च धम्मनं, भङ्गो नेसं पुरक्खतो ।

पलोकधम्मा तिद्वन्ति, पुराणेहि अमिस्सिता ॥

“अदस्सनतो आयन्ति, भङ्गा गच्छन्ति दस्सनं ।
विज्जुप्पादोव आकासे, उप्पज्जन्ति वयन्ति चा”ति ॥

एवं ठितिपरित्ताय अप्पकं जीवितं ।

कथं सरसपरित्ताय अप्पकं जीवितं? अस्सासूपनिबद्धं [अस्सासूपनिबद्धं (क०)] जीवितं, पस्सासूपनिबद्धं जीवितं, अस्सासपस्सासूपनिबद्धं जीवितं, महाभूतूपनिबद्धं जीवितं, कबळीकाराहारूपनिबद्धं जीवितं, उस्मूपनिबद्धं जीवितं, विज्जाणूपनिबद्धं जीवितं । मूलम्पि इमेसं दुब्बलं, पुब्बहेतूपि इमेसं दुब्बला, ये पच्चया तेपि दुब्बला, येपि पभाविका तेपि दुब्बला, सहभूपि इमेसं दुब्बला, सम्पयोगापि इमेसं दुब्बला, सहजापि इमेसं दुब्बला, यापि पयोजिका सापि दुब्बला । अज्जमज्जं इमे निच्चदुब्बला, अज्जमज्जं अनवट्ठिता इमे । अज्जमज्जं परिपातयन्ति इमे, अज्जमज्जस्स हि नत्थि तायिता, न चापि ठपेन्ति अज्जमज्जं इमे । योपि निब्बत्तको सो न विज्जति ।

“न च केनचि कोचि हायति, गन्धब्बा च इमे हि सब्बसो ।
पुरिमेहि पभाविका इमे, येपि पभाविका ते पुरे मता ।
पुरिमापि च पच्छिमापि च, अज्जमज्जं न कदाचि मद्दसंसू”ति ॥

एवं सरसपरित्ताय अप्पकं जीवितं ।

अपि च, चातुमहाराजिकानं [चातुम्महाराजिकानं (सी० स्या०)] देवानं जीवितं उपादाय मनुस्सानं अप्पकं जीवितं परित्तं जीवितं थोकं जीवितं खणिकं जीवितं लहुकं जीवितं इत्तरं जीवितं अनद्धनीयं जीवितं नचिरट्ठितिकं जीवितं । तावतिसानं देवानं... पे०... यामानं देवानं... तुसितानं देवानं... निम्मानरतीनं देवानं... परनिम्मितवसवत्तीनं देवानं... ब्रह्मकायिकानं देवानं जीवितं उपादाय मनुस्सानं अप्पकं जीवितं परित्तं जीवितं थोकं जीवितं खणिकं जीवितं लहुकं जीवितं इत्तरं जीवितं अनद्धनीयं जीवितं नचिरट्ठितिकं जीवितं । वुत्तज्हेतं भगवता — “अप्पमिदं, भिक्खवे, मनुस्सानं आयु, गमनियो सम्परायो, मन्ताय बोद्धव्वं, कत्तव्वं कुसलं, चरितव्वं ब्रह्मचरियं, नत्थि जातस्स अमरणं । यो, भिक्खवे, चिरं जीवति, सो वस्ससतं अप्पं वा भिय्यो ।

“अप्पमायु मनुस्सानं, हीळेय्यं नं सुपोरिसो ।
चरेय्यादित्तसीसोव नत्थि मच्चुस्सनागमो ॥

“अच्चयन्ति अहोरत्ता, जीवितं उपरुज्जति ।
आयु खिय्यति मच्चानं, कुन्न्दीनं व ओदक”न्ति ॥

अप्पं वत जीवितं इदं ।

ओरं वस्ससतापि मिय्यतीति । कललकालेपि चवति मरति अन्तरधायति विप्पलुज्जति, अब्बुदकालेपि चवति मरति अन्तरधायति विप्पलुज्जति, पेसिकालेपि चवति मरति अन्तरधायति विप्पलुज्जति, घनकालेपि चवति मरति

अन्तरधायति विष्पलुज्जति, पसाखकालेपि चवति मरति अन्तरधायति विष्पलुज्जति, जातमत्तोपि चवति मरति अन्तरधायति विष्पलुज्जति, सूतिघरेपि [पसूतिघरे (स्या०), सूतिकघरे (क०)] चवति मरति अन्तरधायति विष्पलुज्जति, अद्धमासिकोपि चवति मरति अन्तरधायति विष्पलुज्जति, मासिकोपि चवति मरति अन्तरधायति विष्पलुज्जति, द्वेमासिकोपि... पे०... तेमासिकोपि... चतुमासिकोपि... पञ्चमासिकोपि चवति मरति अन्तरधायति विष्पलुज्जति, छमासिकोपि... सत्तमासिकोपि... अट्टमासिकोपि... नवमासिकोपि... दसमासिकोपि... संवच्छरिकोपि चवति मरति अन्तरधायति विष्पलुज्जति, द्वेवस्सिकोपि... तिवस्सिकोपि... चतुवस्सिकोपि... पञ्चवस्सिकोपि ... छवस्सिकोपि... सत्तवस्सिकोपि... अट्टवस्सिकोपि... नववस्सिकोपि... दसवस्सिकोपि... वीसतिवस्सिकोपि... तिसवस्सिकोपि... चत्तारीसवस्सिकोपि... पञ्जासवस्सिकोपि... सट्ठिवस्सिकोपि... सत्ततिवस्सिकोपि... असीतिवस्सिकोपि... नवुतिवस्सिकोपि चवति मरति अन्तरधायति विष्पलुज्जतीति — ओरं वस्ससतापि मिय्यति ।

यो चेपि अतिच्च जीवतीति । यो वस्ससतं अतिक्कमित्वा जीवति सो एकं वा वस्सं जीवति, द्वे वा वस्सानि जीवति, तीणि वा वस्सानि जीवति, चत्तारि वा वस्सानि जीवति, पञ्च वा वस्सानि जीवति... पे०... दस वा वस्सानि जीवति, वीसति वा वस्सानि जीवति, तिसं वा वस्सानि जीवति, चत्तारीसं वा वस्सानि जीवतीति — यो चेपि अतिच्च जीवति । **अथ खो सो जरसापि मिय्यतीति ।** यदा जिण्णो होति बुद्धो महल्लको अद्धगतो वयोअनुप्पत्तो खण्डदन्तो पलितकेसो विलूनं खलितसिरो [खलितं सिरो (सी०)] वलिनं तिलकाहतगतो वङ्को भोग्गो दण्डपरायनो, सो जरायपि चवति मरति अन्तरधायति विष्पलुज्जति, नत्थि मरणम्हा मोक्खो ।

“फलानमिव पक्कानं, पातो पतनतो [पपततो (सी०)] भयं ।

एवं जातान मच्चानं, निच्चं मरणतो भयं ॥

“यथापि कुम्भकारस्स, कता मत्तिकभाजना ।

सब्बे भेदनपरियन्ता, एवं मच्चान जीवितं ॥

“दहरा च महन्ता च, ये बाला ये च पण्डिता ।

सब्बे मच्चुवसं यन्ति, सब्बे मच्चुपरायना ॥

“तेसं मच्चुपरेतानं, गच्छतं परलोकतो ।

न पिता तायते पुत्तं, आती वा पन जातके ॥

“पेक्खतज्जेव आतीनं, पस्स लालप्पतं पुथु ।

एकमेकोव मच्चानं, गोवज्झो विय निव्यति ।

एवमब्भाहतो लोको, मच्चुना च जराय चा’ति ॥

अथ खो सो जरसापि मिय्यति ।

तेनाह भगवा —

“अप्पं वत जीवितं इदं, ओरं वस्ससतापि मिय्यति ।

यो चेपि अतिच्च जीवति, अथ खो सो जरसापि मिय्यती”ति ॥

**४०. सोचन्ति जना ममायिते, न हि सन्ति निच्चा परिग्गहा।
विनाभावं सन्तमेविदं, इति दिस्वा नागारमावसे॥**

सोचन्ति जना ममायितेति । जनाति खत्तिया च ब्राह्मणा च वेस्सा च सुद्धा च गहट्ठा च पब्बजिता च देवा च मनुस्सा च । **ममत्ताति** द्वे ममत्ता — तण्हाममत्तज्ज्य दिट्ठिममत्तज्ज्य...पे० ... इदं तण्हाममत्तं...पे० ... इदं दिट्ठिममत्तं । ममायितं वत्थुं अच्छेदसङ्किनोपि सोचन्ति, अच्छिज्जन्तोपि सोचन्ति, अच्छिन्नेपि सोचन्ति । ममायितं वत्थुं विपरिणामसङ्किनोपि सोचन्ति, विपरिणामन्तोपि सोचन्ति, विपरिणतेपि सोचन्ति किलमन्ति परिदेवन्ति उरत्ताळिं कन्दन्ति सम्मोहं आपज्जन्तीति — सोचन्ति जना ममायिते ।

न हि सन्ति निच्चा परिग्गहाति । द्वे परिग्गहा — तण्हपरिग्गहो च दिट्ठिपरिग्गहो च...पे० ... अयं तण्हपरिग्गहो...पे० ... अयं दिट्ठिपरिग्गहो । तण्हपरिग्गहो अनिच्चो सङ्घतो पटिच्चसमुप्पन्नो खयधम्मो वयधम्मो विरागधम्मो निरोधधम्मो विपरिणामधम्मो । दिट्ठिपरिग्गहोपि अनिच्चो सङ्घतो पटिच्चसमुप्पन्नो खयधम्मो वयधम्मो विरागधम्मो निरोधधम्मो विपरिणामधम्मो । वुत्तज्हेतं भगवता — “पस्सथ नो तुम्हे, भिक्खवे, तं परिग्गहं ख्वायं परिग्गहो निच्चो धुवो सस्सतो अविपरिणामधम्मो सस्सतिसमं तथेव ठस्सती”ति? “नो हेतं, भन्ते” । “साधु, भिक्खवे! अहमपि खो एतं, भिक्खवे, परिग्गहं न समनुपस्सामि, ख्वायं परिग्गहो निच्चो धुवो सस्सतो अविपरिणामधम्मो सस्सतिसमं तथेव ठस्सती”ति । परिग्गहा निच्चा धुवा सस्सता अविपरिणामधम्मा नत्थि न सन्ति न संविज्जन्ति न लब्भन्तीति — न हि सन्ति निच्चा परिग्गहा ।

विनाभावं सन्तमेविदन्ति । नानाभावे विनाभावे अज्जथाभावे सन्ते संविज्जमाने उपलब्धिमाने । वुत्तज्हेतं भगवता — “अलं, आनन्द! मा सोचि मा परिदेवि । ननु एतं, आनन्द, मया पटिकच्चेव [पटिगच्चेव (सी०)] अक्खातं — ‘सब्बेहेव पियेहि मनापेहि नानाभावो विनाभावो अज्जथाभावो । तं कुतेत्थ, आनन्द, लब्भा — यं तं जातं भूतं सङ्घतं पलोकधम्मं तं वत मा पलुज्जी’ति! नेतं ठानं विज्जति । पुरिमानं पुरिमानं खन्धानं धातूनं आयतनानं विपरिणामज्जथाभावा पच्छिमा पच्छिमा खन्धा च धातुयो च आयतनानि च पवत्तन्ती”ति — विनाभावं सन्तमेविदं ।

इति दिस्वा नागारमावसेति । इतीति पदसन्धि पदसंसर्गो पदपारिपूरी अक्खरसमवायो व्यञ्जनसिलिडुता पदानुपुब्बतापेतं । इतीति इति दिस्वा पस्सित्वा तुलयित्वा तीरयित्वा विभावयित्वा विभूतं कत्वा ममत्तेसूति — इति दिस्वा । **नागारमावसेति** सब्बं घरावासपलिबोधं छिन्दित्वा पुत्तदारपलिबोधं छिन्दित्वा जातिपलिबोधं छिन्दित्वा मितामच्चपलिबोधं छिन्दित्वा सन्निधिपलिबोधं छिन्दित्वा केसमस्सुं ओहारेत्वा कासायानि वत्थानि अच्छादेत्वा अगारस्मा अनगारियं पब्बजित्वा अकिञ्चनभावं उपगन्त्वा एको चरेय्य विहरेय्य इरियेय्य वत्तेय्य पालेय्य यपेय्य यापेय्याति — इति दिस्वा नागारमावसे ।

तेनाह भगवा —

“सोचन्ति जना ममायिते, न हि सन्ति निच्चा परिग्गहा ।
विनाभावं सन्तमेविदं, इति दिस्वा नागारमावसे”ति ॥

४१. मरणेनपि तं पहीयति [पहियति (क०)] यं पुरिसो ममिदन्ति मज्जति।

एतम्पि विदित्वान [एतं दिस्वान (सी० क०)] पण्डितो, न ममत्ताय नमेथ मामको॥

मरणेनपि तं पहीयतीति। मरणन्ति या तेसं तेसं सत्तानं तम्हा तम्हा सत्तनिकाया चुति चवनता भेदो अन्तरधानं मच्चुमरणं कालंकिरिया खन्धानं भेदो कळेवरस्स निक्खेपो जीवितिन्द्रियस्सुपच्छेदो। तन्ति रूपगतं वेदनागतं सज्जागतं सङ्खारगतं विज्जाणगतं। पहीयतीति पहीयति जहीयति विजहीयति अन्तरधायति विप्पलुज्जति। भासितम्पि हेतं —

“पुब्बेव मच्चं विजहन्ति भोगा, मच्चोव ने पुब्बतरं जहाति।
असस्सता भोगिनो कामकामी, तस्मा न सोचामहं सोककाले॥

“उदेति आपूरति वेति चन्दो, अत्तं गमेत्वान पलेति सूरियो।
विदिता मया सत्तुक लोकधम्मा, तस्मा न सोचामहं सोककाले”ति॥

मरणेनपि तं पहीयति। यं पुरिसो ममिदन्ति मज्जतीति। यन्ति रूपगतं वेदनागतं सज्जागतं सङ्खारगतं विज्जाणगतं। पुरिसोति सङ्घा समज्जा पज्जति वोहारो [लोकवोहारो (स्या०)] नामं नामकम्मं नामधेय्यं निरुत्ति ब्यज्जनं अभिलापो। ममिदन्ति मज्जतीति तण्हामज्जनाय मज्जति, दिट्ठिमज्जनाय मज्जति, मानमज्जनाय मज्जति, किलेसमज्जनाय मज्जति, दुच्चरितमज्जनाय मज्जति, पयोगमज्जनाय मज्जति, विपाकमज्जनाय मज्जतीति — यं पुरिसो ममिदन्ति मज्जति।

एतम्पि विदित्वान पण्डितोति। एतं आदीनवं अत्वा जानित्वा तुलयित्वा तीरयित्वा विभावयित्वा विभूतं कत्वा ममत्तेसूति, एतम्पि विदित्वा पण्डितो धीरो पण्डितो पज्जवा बुद्धिमा जाणी विभावी मेधावीति — एतम्पि विदित्वान पण्डितो।

न ममत्ताय नमेथ मामकोति। ममत्ताति द्वे ममत्ता — तण्हाममत्तञ्च दिट्ठिममत्तञ्च...पे०... इदं तण्हाममत्तं...पे०... इदं दिट्ठिममत्तं। मामकोति बुद्धमामको धम्ममामको सङ्घमामको। सो भगवन्तं ममायति, भगवा तं पुग्गलं परिग्गण्हाति। वुत्तज्हेतं भगवता — “ये ते, भिक्खवे, भिक्खू कुहा थद्धा [बद्धा (क०) इतिवु० १०८] लपा सिङ्गी उन्नळा असमाहिता, न मे ते, भिक्खवे, भिक्खू मामका; अपगता च ते, भिक्खवे, भिक्खू इमस्मा धम्मविनया। न च ते इमस्मिं धम्मविनये वुद्धिं विरूळ्हि वेपुल्लं आपज्जन्ति। ये च खो ते, भिक्खवे, भिक्खू निक्कुहा निल्लपा धीरा अत्थद्धा सुसमाहिता, ते खो मे, भिक्खवे, भिक्खू मामका; अनपगता च ते, भिक्खवे, भिक्खू इमस्मा धम्मविनया। ते च इमस्मिं धम्मविनये वुद्धिं विरूळ्हि वेपुल्लं आपज्जन्ति”।

“कुहा थद्धा लपा सिङ्गी, उन्नळा असमाहिता।
न ते धम्मे विरूहन्ति, सम्मासम्बुद्धदेसिते॥

“निक्कुहा निल्लपा धीरा, अत्थद्धा सुसमाहिता।
ते वे धम्मे विरूहन्ति, सम्मासम्बुद्धदेसिते”॥

न ममत्ताय नमेथ मामकोति। मामको तण्हाममत्तं पहाय दिट्ठिममत्तं पटिनिस्सज्जित्वा ममत्ताय न नमेय्य न ओनमेय्य, न तंनिन्नो अस्स न तप्पोणो न तप्पब्भारो न तदधिमुत्तो न तदधिपतेय्योति — न ममत्ताय नमेथ मामको।

तेनाह भगवा —

“मरणेनपि तं पहीयति, यं पुरिसो ममिदन्ति मज्जति ।
एतम्पि विदित्वान पण्डितो, न ममत्ताय नमेथ मामको”ति ॥

४२. सुपिनेन यथापि सङ्गतं, पटिबुद्धो पुरिसो न पस्सति ।

एवम्पि पियायितं जनं, पेतं कालङ्कतं [कालकतं (सी० स्या०)] न पस्सति ॥

सुपिनेन यथापि सङ्गतन्ति । सङ्गतं समागतं समाहितं सन्निपतितन्ति — सुपिनेन यथापि सङ्गतं । पटिबुद्धो पुरिसो न पस्सतीति यथा पुरिसो सुपिनगतो चन्दं पस्सति, सूरियं पस्सति, महासमुदं पस्सति, सिनेरुं पब्बतराजानं पस्सति, हत्थिं पस्सति, अस्सं पस्सति, रथं पस्सति, पत्तिं पस्सति, सेनाब्यूहं पस्सति, आरामरामण्ययकं पस्सति, वनरामण्ययकं...पे०... भूमिरामण्ययकं... पोक्खरणीरामण्ययकं पस्सति; पटिबुद्धो न किञ्चि पस्सतीति — पटिबुद्धो पुरिसो न पस्सति ।

एवम्पि पियायितं जनन्ति । एवन्ति ओपम्मसम्पटिपादनं । पियायितं जनन्ति ममायितं जनं मातरं वा पितरं वा भातरं वा भगिनिं वा पुत्तं वा धीतरं वा मित्तं वा अमच्चं वा जातिं वा सालोहितं वाति — एवम्पि पियायितं जनं ।

पेतं कालङ्कतं न पस्सतीति । पेतो वुच्चति मतो । कालङ्कतं न पस्सति न दक्खति नाधिगच्छति न विन्दति न पटिलभतीति — पेतं कालङ्कतं न पस्सति ।

तेनाह भगवा —

“सुपिनेन यथापि सङ्गतं, पटिबुद्धो पुरिसो न पस्सति ।
एवम्पि पियायितं जनं, पेतं कालङ्कतं न पस्सती”ति ॥

४३. दिट्ठापि सुतापि ते जना, येसं नाममिदं पवुच्चति ।

नामंयेवावसिस्सति, [नाममेवावसिस्सति (सी० स्या०)] अक्खेय्यं पेतस्स जन्तुनो ॥

दिट्ठापि सुतापि ते जनाति । दिट्ठाति ये चक्खुविज्जाणाभिसम्भूता । सुताति ये सोतविज्जाणाभिसम्भूता । ते जनाति खत्तिया च ब्राह्मणा च वेस्सा च सुद्धा च गहट्ठा च पब्बजिता च देवा च मनुस्सा चाति — दिट्ठापि सुतापि ते जना ।

येसं नाममिदं पवुच्चतीति । येसन्ति येसं खत्तियानं ब्राह्मणानं वेस्सानं सुद्धानं गहट्ठानं पब्बजितानं देवानं मनुस्सानं । नामन्ति सङ्घा समज्जा पज्जति वोहारो नामं नामकम्मं नामधेय्यं निरुत्ति व्यञ्जनं अभिलापो । पवुच्चतीति वुच्चति पवुच्चति कथीयति भणीयति दीपीयति वोहरीयतीति — येसं नाममिदं पवुच्चति ।

नामंयेवावसिस्सति अक्खेय्यन्ति । रूपगतं वेदनागतं सज्जागतं सङ्खारगतं विज्जाणगतं पहीयति जहीयति विजहीयति अन्तरधायति विप्पलुज्जति, नामंयेवावसिस्सति । अक्खेय्यन्ति । अक्खातुं कथेतुं भणितुं दीपयितुं वोहरितुन्ति — नामं एवावसिस्सति अक्खेय्यं । पेतस्स जन्तुनोति । पेतस्साति मतस्स कालङ्कतस्स । जन्तुनोति सत्तस्स नरस्स मानवस्स पोसस्स पुगलस्स जीवस्स जागुस्स जन्तुस्स इन्दगुस्स मनुजस्साति — पेतस्स जन्तुनो ।

तेनाह भगवा —

“दिट्ठापि सुतापि ते जना, येसं नाममिदं पवुच्चति ।
नामंयेवावसिस्सति, अक्खेय्यं पेतस्स जन्तुनो”ति ॥

**४४. सोकप्परिदेवमच्छरं, न पजहन्ति गिद्धा ममायिते ।
तस्मा मुनयो परिग्गहं, हित्वा अचरिंसु खेमदस्सिनो ॥**

सोकप्परिदेवमच्छरं न पजहन्ति गिद्धा ममायितेति । सोकोति जातिब्यसनेन वा फुट्ठस्स भोगब्यसनेन वा फुट्ठस्स रोगब्यसनेन वा फुट्ठस्स सीलब्यसनेन वा फुट्ठस्स दिट्ठिब्यसनेन वा फुट्ठस्स अज्जतरज्जतरेन ब्यसनेन समन्नागतस्स अज्जतरज्जतरेन दुक्खधम्मेन फुट्ठस्स सोको सोचना सोचितत्तं अन्तोसोको अन्तोपरिसोको अन्तोदाहो अन्तोपरिदाहो [अन्तोडाहो अन्तोपरिडाहो (स्या०)] चेतसो परिज्झायना दोमनस्सं सोकसल्लं । **परिदेवोति** जातिब्यसनेन वा फुट्ठस्स...पे०... दिट्ठिब्यसनेन वा फुट्ठस्स अज्जतरज्जतरेन ब्यसनेन समन्नागतस्स अज्जतरज्जतरेन दुक्खधम्मेन फुट्ठस्स आदेवो परिदेवो आदेवना परिदेवना आदेवितत्तं परिदेवितत्तं वाचा पलापो विप्पलापो लालप्पो लालप्पायना लालप्पायितत्तं । **मच्छरियन्ति** पञ्च मच्छरियानि — आवासमच्छरियं, कुलमच्छरियं, लाभमच्छरियं, वण्णमच्छरियं, धम्ममच्छरियं । यं एवरूपं मच्छरियं मच्छरायना मच्छरायितत्तं वेविच्छं कदरियं कटुकञ्चुकता अग्गहितत्तं चित्तस्स — इदं वुच्चति मच्छरियं । अपि च खन्धमच्छरियम्पि मच्छरियं, धातुमच्छरियम्पि मच्छरियं, आयतनमच्छरियम्पि मच्छरियं गाहो — इदं वुच्चति मच्छरियं । गेधो वुच्चति तण्हा । यो रागो सारागो...पे०... अभिज्झा लोभो अकुसलमूलं । **ममत्ताति** द्वे ममत्ता — तण्हाममत्तञ्च दिट्ठिममत्तञ्च ...पे०... इदं तण्हाममत्तं...पे०... इदं दिट्ठिममत्तं । ममायितं वत्थुं अच्छेदसङ्किनोपि सोचन्ति, अच्छिज्जन्तेपि सोचन्ति, अच्छिन्नेपि सोचन्ति, ममायितं वत्थुं विपरिणामसङ्किनोपि सोचन्ति, विपरिणामन्तेपि सोचन्ति, विपरिणतेपि सोचन्ति, ममायितं वत्थुं अच्छेदसङ्किनोपि परिदेवन्ति, अच्छिज्जन्तेपि परिदेवन्ति, अच्छिन्नेपि परिदेवन्ति । ममायितं वत्थुं विपरिणामसङ्किनोपि परिदेवन्ति, विपरिणामन्तेपि परिदेवन्ति, विपरिणतेपि परिदेवन्ति । ममायितं वत्थुं रक्खन्ति गोपेन्ति परिग्गणहन्ति ममायन्ति मच्छरायन्ति; ममायितस्मिं वत्थुस्मिं सोकं न जहन्ति, परिदेवं न जहन्ति, मच्छरियं न जहन्ति, गेधं न जहन्ति नप्पजहन्ति न विनोदेन्ति न ब्यन्तिं करोन्ति न अनभावं गमेन्तीति — सोकप्परिदेवमच्छरं नप्पजहन्ति गिद्धा ममायिते ।

तस्मा मुनयो परिग्गहं, हित्वा अचरिंसु खेमदस्सिनोति । तस्माति तस्मा तंकारणा तंहेतु तप्पच्चया तंनिदाना एतं आदीनवं सम्पस्समाना ममत्तेसूति — तस्मा । **मुनयोति मोनं** वुच्चति जाणं । या पज्जा पजानना...पे०... अमोहो धम्मविचयो सम्मादिट्ठि । तेन जाणेन समन्नागता मुनयो मोनप्पत्ता । तीणि मोनेय्यानि — कायमोनेय्यं, वचीमोनेय्यं, मनोमोनेय्यं...पे०... सङ्गजालमतिच्च सो मुनि । **परिग्गहोति** द्वे परिग्गहा — तण्हापरिग्गहो च दिट्ठिपरिग्गहो च...पे०... अयं तण्हापरिग्गहो...पे०... अयं दिट्ठिपरिग्गहो । मुनयो तण्हापरिग्गहं परिच्चजित्वा दिट्ठिपरिग्गहं पटिनिस्सज्जित्वा चजित्वा पजहित्वा विनोदेत्वा ब्यन्तिं करित्वा अनभावं गमेत्वा अचरिंसु विहरिंसु इरियिंसु वत्तिंसु पालिंसु यपिंसु यापिंसु । **खेमदस्सिनोति खेमं** वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । **खेमदस्सिनोति** खेमदस्सिनो ताणदस्सिनो लेणदस्सिनो सरणदस्सिनो अभयदस्सिनो अच्युतदस्सिनो अमतदस्सिनो निब्बानदस्सिनोति — तस्मा मुनयो परिग्गहं हित्वा अचरिंसु खेमदस्सिनो ।

तेनाह भगवा —

“सोकप्परिदेवमच्छरं, न जहन्ति गिद्धा ममायिते ।
तस्मा मुनयो परिग्गहं, हित्वा अचरिंसु खेमदस्सिनो”ति ॥

**४५. पतिलीनचरस्स भिक्खुनो, भजमानस्स विवित्तमासनं ।
सामगियमाहु तस्स तं, यो अत्तानं भवने न दस्सये ॥**

पतिलीनचरस्स भिक्खुनोति । पतिलीनचरा वुच्चन्ति सत्त सेक्खा [सेखा (सी० स्या०)] । अरहा पतिलीनो । किंकारणा पतिलीनचरा वुच्चन्ति सत्त सेक्खा? ते ततो ततो चित्तं पतिलीनेन्ता पतिकुटेन्ता पतिवट्टेन्ता सन्निरुद्धन्ता [सन्निरुद्धेन्ता (सी०)] सन्निगणहन्ता सन्निवारेन्ता रक्खन्ता गोपेन्ता चरन्ति विचरन्ति विहरन्ति इरियन्ति वत्तेन्ति पालेन्ति यपेन्ति यापेन्ति, चक्खुद्वारे चित्तं पतिलीनेन्ता पतिकुटेन्ता पतिवट्टेन्ता सन्निरुद्धन्ता सन्निगणहन्ता सन्निवारेन्ता रक्खन्ता गोपेन्ता चरन्ति विचरन्ति विहरन्ति इरियन्ति वत्तेन्ति पालेन्ति यपेन्ति यापेन्ति, सोतद्वारे चित्तं... पे०... धानद्वारे चित्तं... जिह्वाद्वारे चित्तं... कायद्वारे चित्तं... मनोद्वारे चित्तं पतिलीनेन्ता पतिकुटेन्ता पतिवट्टेन्ता सन्निरुद्धन्ता सन्निगणहन्ता सन्निवारेन्ता रक्खन्ता गोपेन्ता चरन्ति विचरन्ति विहरन्ति इरियन्ति वत्तेन्ति पालेन्ति यपेन्ति यापेन्ति । यथा कुक्कुटपत्तं वा न्हारुदहुलं वा अग्गिम्हि पक्खित्तं पतिलीयति पतिकुटति पतिवट्टति न सम्पसारियति; एवमेव ततो ततो चित्तं पतिलीनेन्ता पतिकुटेन्ता पतिवट्टेन्ता सन्निरुद्धन्ता सन्निगणहन्ता सन्निवारेन्ता रक्खन्ता गोपेन्ता चरन्ति विचरन्ति विहरन्ति इरियन्ति वत्तेन्ति पालेन्ति यपेन्ति यापेन्ति, चक्खुद्वारे चित्तं... पे०... सोतद्वारे चित्तं... धानद्वारे चित्तं... जिह्वाद्वारे चित्तं... कायद्वारे चित्तं... मनोद्वारे चित्तं पतिलीनेन्ता पतिकुटेन्ता पतिवट्टेन्ता सन्निरुद्धन्ता सन्निगणहन्ता सन्निवारेन्ता रक्खन्ता गोपेन्ता चरन्ति विचरन्ति विहरन्ति इरियन्ति वत्तेन्ति पालेन्ति यपेन्ति यापेन्ति । तंकारणा पतिलीनचरा वुच्चन्ति सत्त सेक्खा । **भिक्खुनोति** पुथुज्जनकल्याणकस्स वा भिक्खुनो सेक्खस्स वा भिक्खुनोति — पतिलीनचरस्स भिक्खुनो ।

भजमानस्स विवित्तमासनन्ति आसनं वुच्चति यत्थ निसीदन्ति — मज्जो पीठं भिसि तट्टिका चम्मखण्डो तिणसन्थारो पण्णसन्थारो पलालसन्थारो । तं आसनं असप्पायरूपदस्सनेन रिक्तं विवित्तं पविवित्तं, असप्पायसदस्सवनेन रिक्तं विवित्तं पविवित्तं, असप्पायगन्धघायनेन... असप्पायरससायनेन... असप्पायफोडुब्बफुसनेन... असप्पायेहि पञ्चहि कामगुणेहि रिक्तं विवित्तं पविवित्तं । तं विवित्तं आसनं भजतो सम्भजतो सेवतो निसेवतो संसेवतो पटिसेवतोति — भजमानस्स विवित्तमासनं ।

सामगियमाहु तस्स तं, यो अत्तानं भवने न दस्सयेति । सामगियोति तिस्सो सामगियो — गणसामग्गी, धम्मसामग्गी, अनभिनिब्बत्तिसामग्गी । कतमा गणसामग्गी? बहु चेपि भिक्खू समग्गा सम्मोदमाना अविवादमाना खीरोदकीभूता अज्जमज्जं पियचक्खूहि सम्पस्सन्ता विहरन्ति — अयं गणसामग्गी । कतमा धम्मसामग्गी? चत्तारो सतिपट्ठाना, चत्तारो सम्मप्यधाना, चत्तारो इद्धिपादा, पञ्चिन्द्रियानि, पञ्च बलानि, सत्त बोज्झङ्गा, अरियो अट्ठङ्गिको मग्गो । ते एकतो पक्खन्दन्ति पसीदन्ति सम्पतिट्ठन्ति विमुच्चन्ति; न तेसं धम्मानं विवादो पविवादो अत्थि — अयं धम्मसामग्गी । कतमा अनभिनिब्बत्तिसामग्गी? बहु चेपि भिक्खू अनुपादिसेसाय निब्बानधातुया परिनिब्बायन्ति; न तेसं निब्बानधातुया [तेन (सी०)] ऊनत्तं वा पुण्णत्तं वा पज्जायति — अयं अनभिनिब्बत्तिसामग्गी । **भवनेति** नेरयिकानं निरयो भवनं, तिरच्छानयोनिकानं तिरच्छानयोनि भवनं, पेत्तिविसयिकानं पेत्तिविसयो भवनं, मनुस्सानं मनुस्सलोको भवनं, देवानं देवल्लोको भवनन्ति । **सामगियमाहु तस्स तं, यो अत्तानं भवने न दस्सयेति ।** तस्सेसा सामग्गी एतं छन्नं एतं पतिरूपं एतं अनुच्छविकं एतं अनुलोमं, यो एवं पटिच्छन्ने निरये अत्तानं न दस्सेय्य, तिरच्छानयोनियं अत्तानं न दस्सेय्य, पेत्तिविसये

अत्तानं न दस्सेय्य, मनुस्सलोके अत्तानं न दस्सेय्य, देवल्लोके अत्तानं न दस्सेय्याति एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — सामगियमाहु तस्स तं, यो अत्तानं भवने न दस्सये ।

तेनाह भगवा —

“पतिलीनचरस्स भिक्खुनो, भजमानस्स विवित्तमासनं ।
सामगियमाहु तस्स तं, यो अत्तानं भवने न दस्सये”ति ॥

**४६. सब्बत्थ मुनी अनिस्सितो, न पियं कुब्बति नोपि अप्पियं ।
तस्मिं परिदेवमच्छरं, पण्णे वारि यथा न लिम्पति ॥**

सब्बत्थ मुनी अनिस्सितोति । सब्बं वुच्चति द्वादसायतनानि — चक्खुज्जेव रूपा च, सोतज्ज सद्दा च, घानज्ज गन्धा च, जिह्वा च रसा च, कायो च फोडुब्बा च, मनो च धम्मा च । मुनीति । मोनं वुच्चति जाणं...पे०... सङ्गजालमतिच्च सो मुनि । अनिस्सितोति । द्वे निस्सया — तण्हानिस्सयो च दिट्ठिनिस्सयो च...पे०... अयं तण्हानिस्सयो...पे०... अयं दिट्ठिनिस्सयो । मुनि तण्हानिस्सयं पहाय दिट्ठिनिस्सयं पटिनिस्सज्जित्वा चक्खुं अनिस्सितो सोतं अनिस्सितो घानं अनिस्सितो जिह्वं अनिस्सितो कायं अनिस्सितो मनं अनिस्सितो रूपे... सद्दे... गन्धे... रसे... फोडुब्बे... धम्मे... कुलं... गणं... आवासं... लाभं... यसं... पसंसं... सुखं... चीवरं... पिण्डपातं... सेनासनं... गिलानपच्चयभेसज्जपरिक्खारं... कामधातुं... रूपधातुं... अरूपधातुं... कामभवं... रूपभवं... अरूपभवं... सज्जाभवं... असज्जाभवं ... नेवसज्जानासज्जाभवं... एकवोकारभवं... चतुवोकारभवं... पञ्चवोकारभवं... अतीतं... अनागतं... पच्चुप्पन्नं... दिट्ठं... सुतं... मुतं... विज्जातं... सब्बे धम्मे अनिस्सितो अनल्लीनो अनुपगतो अनज्झोसितो अनधिमुत्तो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — सब्बत्थ मुनि अनिस्सितो ।

न पियं कुब्बति नोपि अप्पियन्ति । पियाति द्वे पिया — सत्ता वा सङ्गारा वा । कतमे सत्ता पिया? इध यस्स ते होन्ति अत्थकामा हितकामा फासुकामा योगक्खेमकामा माता वा पिता वा भाता वा भगिनी वा पुत्ता वा धीतरा वा मित्ता वा अमच्चा वा जाती वा सालोहिता वा — इमे सत्ता पिया । कतमे सङ्गारा पिया? मनापिका रूपा मनापिका सद्दा मनापिका गन्धा मनापिका रसा मनापिका फोडुब्बा — इमे सङ्गारा पिया । अप्पियाति द्वे अप्पिया — सत्ता वा सङ्गारा वा । कतमे सत्ता अप्पिया? इध यस्स ते होन्ति अनत्थकामा अहितकामा अफासुकामा अयोगक्खेमकामा जीविता वोरोपेतुकामा — इमे सत्ता अप्पिया । कतमे सङ्गारा अप्पिया? अमनापिका रूपा अमनापिका सद्दा अमनापिका गन्धा अमनापिका रसा अमनापिका फोडुब्बा — इमे सङ्गारा अप्पिया । न पियं कुब्बति नोपि अप्पियन्ति । “अयं मे सत्तो पियो, इमे च सङ्गारा मनापा”ति रागवसेन पियं न करोति; “अयं मे सत्तो अप्पियो, इमे च सङ्गारा अमनापा”ति पटिघवसेन अप्पियं न करोति न जनेति न सज्जनेति न निब्बत्तेति नाभिनिब्बत्तेतीति — न पियं कुब्बति नोपि अप्पियं ।

तस्मिं परिदेवमच्छरं पण्णे वारि यथा न लिम्पतीति । तस्मिन्ति तस्मिं पुग्गले अरहन्ते खीणासवे । परिदेवोति जातिव्यसनेन वा फुट्ठस्स भोगव्यसनेन वा फुट्ठस्स रोगव्यसनेन वा फुट्ठस्स सीलव्यसनेन वा फुट्ठस्स दिट्ठिव्यसनेन वा फुट्ठस्स अज्जतरज्जतरेन व्यसनेन समन्नागतस्स अज्जतरज्जतरेन दुक्खधम्मेन फुट्ठस्स आदेवो परिदेवो आदेवना परिदेवना आदेवितत्तं परिदेवितत्तं वाचा पलापो विप्पलापो लालप्पो लालप्पायना लालप्पायितत्तं । मच्छरियन्ति पञ्च मच्छरियानि — आवासमच्छरियं, कुलमच्छरियं, लाभमच्छरियं, वण्णमच्छरियं, धम्ममच्छरियं । यं एवरूपं मच्छरियं

मच्छरायना मच्छरायितत्तं वेविच्छं कदरियं कटुकञ्चुकता अगगहितत्तं चित्तस्स — इदं वुच्चति मच्छरियं । अपि च खन्धमच्छरियम्पि मच्छरियं, धातुमच्छरियम्पि मच्छरियं, आयतनमच्छरियम्पि मच्छरियं गाहो — इदं वुच्चति मच्छरियं ।

पण्णे वारि यथा न लिम्पतीति । पण्णं वुच्चति पदुमपत्तं । वारि वुच्चति उदकं । यथा वारि पदुमपत्तं न लिम्पति न पलिम्पति न उपलिम्पति अलित्तं अपलित्तं अनुपलित्तं, एवमेव तस्मिं पुग्गले अरहन्ते खीणासवे परिदेवो मच्छरियञ्च न लिम्पति न पलिम्पति न उपलिम्पति अलित्ता अपलित्ता अनुपलित्ता । सो च पुग्गलो अरहन्तो तेहि किलेसेहि न लिम्पति न पलिम्पति न उपलिम्पति अलित्तो अपलित्तो अनुपलित्तो निक्खन्तो निस्सटो विप्पमुत्तो विसञ्जुत्तो विमरियादिकतेन चेतसा विहरतीति — तस्मिं परिदेवमच्छरं पण्णे वारि यथा न लिम्पति ।

तेनाह भगवा —

“सब्बत्थ मुनी अनिस्सितो, न पियं कुब्बति नोपि अप्पियं ।
तस्मिं परिदेवमच्छरं, पण्णे वारि यथा न लिम्पती”ति ॥

४७. उदबिन्दु यथापि पोक्खरे, पदुमे वारि यथा न लिम्पति ।

एवं मुनि नोपलिम्पति, यदिदं दिट्ठसुतमुतेसु [दिट्ठसुते मुतेसु (सी०), दिट्ठसुतं मुतेसु (स्या० क०)] वा ॥

उदबिन्दु यथापि पोक्खरेति । उदबिन्दु वुच्चति उदकथेवो । पोक्खरं वुच्चति पदुमपत्तं । यथा उदबिन्दु पदुमपत्ते न लिम्पति न पलिम्पति न उपलिम्पति अलित्तं अपलित्तं अनुपलित्तन्ति — उदबिन्दु यथापि पोक्खरे । **पदुमे वारि यथा न लिम्पतीति ।** पदुमं वुच्चति पदुमपुप्फं । वारि वुच्चति उदकं । यथा वारि पदुमपुप्फं न लिम्पति न पलिम्पति न उपलिम्पति अलित्तं अपलित्तं अनुपलित्तन्ति — पदुमे वारि यथा न लिम्पति ।

एवं मुनि नोपलिम्पति, यदिदं दिट्ठसुतमुतेसु वाति । एवन्ति ओपम्मसम्पटिपादनं । मुनीति । **मोनं वुच्चति** जाणं... पे०... सङ्गजालमतिच्च सो मुनि । **लेपाति** द्वे लेपा — तण्हालेपो च दिट्ठिलेपो च...पे०... अयं तण्हालेपो...पे०... अयं दिट्ठिलेपो । मुनि तण्हालेपं पहाय दिट्ठिलेपं पटिनिस्सज्जित्वा दिट्ठे न लिम्पति, सुते न लिम्पति, मुते न लिम्पति, विज्जाते न लिम्पति न पलिम्पति न उपलिम्पति अलित्तो अपलित्तो अनुपलित्तो निक्खन्तो निस्सटो विप्पमुत्तो विसञ्जुत्तो विमरियादिकतेन चेतसा विहरतीति — एवं मुनि नोपलिम्पति, यदिदं दिट्ठसुतमुतेसु वा ।

तेनाह भगवा —

“उदबिन्दु यथापि पोक्खरे, पदुमे वारि यथा न लिम्पति ।
एवं मुनि नोपलिम्पति, यदिदं दिट्ठसुतमुतेसु वा”ति ॥

४८. धोनो न हि तेन मज्जति, यदिदं दिट्ठसुतमुतेसु वा ।

नाज्जेन विसुद्धिमिच्छति, न हि सो रज्जति नो विरज्जति ॥

धोनो न हि तेन मज्जति, यदिदं दिट्ठसुतमुतेसु वाति । धोनोति धोना वुच्चति पज्जा । या पज्जा पजानना...पे०... अमोहो धम्मविचयो सम्मादिट्ठि । किंकारणा धोना वुच्चति पज्जा? ताय पज्जाय कायदुच्चरितं धुतञ्च धोत च सन्धोतञ्च

निद्धोतञ्च, वचीदुच्चरितं...पे०... मनोदुच्चरितं धुतञ्च धोतञ्च सन्धोतञ्च निद्धोतञ्च, रागो धुतो च धोतो च सन्धोतो च निद्धोतो च, दोसो... मोहो... कोधो... उपनाहो... मक्खो... पळासो... इस्सा... मच्छरियं... माया... साठेय्यं... थम्भो... सारम्भो... मानो... अतिमानो... मदो... पमादो... सब्बे किलेसा... सब्बे दुच्चरिता... सब्बे दरथा... सब्बे परिळाहा... सब्बे सन्तापा... सब्बाकुसलाभिसङ्गारा धुता च धोता च सन्धोता च निद्धोता च । तंकारणा धोना वुच्चति पज्जा ।

अथ वा सम्मादिट्ठिया मिच्छादिट्ठि धुता च धोता च सन्धोता च निद्धोता च, सम्मासङ्कप्पेन मिच्छासङ्कप्पो धुतो च धोतो च सन्धोतो च निद्धोतो च, सम्मावाचाय मिच्छावाचा धुता च... सम्माकम्मन्तेन मिच्छाकम्मन्तो धुतो च... सम्माआजीवेन मिच्छाआजीवो धुतो च... सम्मावायामेन मिच्छावायामो धुतो च... सम्मासतिया मिच्छासति धुता च... सम्मासमाधिना मिच्छासमाधि धुतो च... सम्माजाणेन मिच्छाजाणं धुतञ्च... सम्माविमुत्तिया मिच्छाविमुत्ति धुता च धोता च सन्धोता च निद्धोता च ।

अथ वा अरियेन अट्ठङ्गिकेन मग्गेन सब्बे किलेसा... सब्बे दुच्चरिता... सब्बे दरथा... सब्बे परिळाहा... सब्बे सन्तापा... सब्बाकुसलाभिसङ्गारा धुता च धोता च सन्धोता च निद्धोता च । अरहा इमेहि धोनेहि धम्मेहि उपेतो समुपेतो उपगतो समुपगतो उपपन्नो समुपपन्नो समन्नागतो । तस्मा अरहा धोनो । सो धुतरागो धुतपापो धुतकिलेसो धुतपरिळाहोति — धोनो ।

धोनो न हि तेन मज्जति, यदिदं दिट्ठसुतमुतेसु वाति । धोनो दिट्ठं न मज्जति, दिट्ठस्मिं न मज्जति, दिट्ठतो न मज्जति, दिट्ठा मेति न मज्जति; सुतं न मज्जति, सुतस्मिं न मज्जति, सुततो न मज्जति, सुतं मेति न मज्जति; मुतं न मज्जति, मुतस्मिं न मज्जति, मुततो न मज्जति, मुतं मेति न मज्जति; विज्जातं न मज्जति, विज्जातस्मिं न मज्जति, विज्जाततो न मज्जति, विज्जातं मेति न मज्जति । वुत्तप्पि हेतं भगवता — “अस्मीति, भिक्खवे, मज्जितमेतं, अयमहमस्मीति मज्जितमेतं, भविस्सन्ति मज्जितमेतं, न भविस्सन्ति मज्जितमेतं, रूपी भविस्सन्ति मज्जितमेतं, अरूपी भविस्सन्ति मज्जितमेतं, सज्जी भविस्सन्ति मज्जितमेतं, असज्जी भविस्सन्ति मज्जितमेतं, नेवसज्जीनासज्जी भविस्सन्ति मज्जितमेतं । मज्जितं [मज्जितं हि (सी०)], भिक्खवे, रोगो, मज्जितं गण्डो, मज्जितं सल्लं, मज्जितं उपह्वो । तस्मातिह, भिक्खवे, अमज्जमानेन चेतसा विहरिस्सामाति, एवज्झि वो, भिक्खवे, सिक्खितब्बं’न्ति — धोनो न हि तेन मज्जति यदिदं दिट्ठसुतमुतेसु वा ।

नाज्जेन विसुद्धिमिच्छतीति । धोनो अज्जेन असुद्धिमग्गेन मिच्छापटिपदाय अनिय्यानिकपथेन अज्जत्र सतिपट्टानेहि अज्जत्र सम्मपधानेहि अज्जत्र इद्धिपादेहि अज्जत्र इन्द्रियेहि अज्जत्र बलेहि अज्जत्र बोज्झङ्गेहि अज्जत्र अरिया अट्ठङ्गिका मग्गा सुद्धिं विसुद्धिं परिसुद्धिं मुत्तिं विमुत्तिं परिमुत्तिं न इच्छति न सादियति न पत्थेति न पिहेति नाभिजप्पतीति — नाज्जेन विसुद्धिमिच्छति ।

न हि सो रज्जति नो विरज्जतीति । सब्बे बालपुथुज्जना रज्जन्ति, पुथुज्जनकल्याणकं उपादाय सत्तं सेक्खा विरज्जन्ति; अरहा नेव रज्जति नो विरज्जति । विरत्तो सो खया रागस्स वीतरागत्ता, खया दोसस्स वीतदोसत्ता, खया मोहस्स वीतमोहत्ता । सो वुट्ठवासो चिण्णचरणो...पे०... जातिजरामरणसंसारो, नत्थि तस्स पुनब्भवोति — न हि सो रज्जति नो विरज्जति ।

तेनाह भगवा —

“धोनो न हि तेन मज्जति, यदिदं दिट्ठसुतमुतेसु वा ।
नाज्जेन विसुद्धिमिच्छति, न हि सो रज्जति नो विरज्जती”ति ॥

जरासुत्तनिद्देसो छट्ठो ।

७. तिस्समेत्तेय्यसुत्तनिद्देसो

अथ तिस्समेत्तेय्यसुत्तनिद्देसं वक्खति —

४९. मेथुनमनुयुत्तस्स, [इच्चायस्मा तिस्सो मेत्तेय्यो]

विघातं ब्रूहि मारिस ।

सुत्त्वान तव सासनं, विवेके सिक्खिस्सामसे ॥

मेथुनमनुयुत्तस्साति । मेथुनधम्मो नाम यो सो असद्धम्मो गामधम्मो वसलधम्मो दुट्ठल्लो ओदकन्तिको रहस्सो द्वयंद्वयसमापत्ति । किंकारणा वुच्चति मेथुनधम्मो? उभिन्नं रत्तानं सारत्तानं अवस्सुतानं परियुट्ठितानं परियादिन्नचित्तानं उभिन्नं सदिसानं धम्मोति — तंकारणा वुच्चति मेथुनधम्मो । यथा उभो कलहकारका मेथुनकाति वुच्चन्ति, उभो भण्डनकारका मेथुनकाति वुच्चन्ति, उभो भस्सकारका मेथुनकाति वुच्चन्ति, उभो विवादकारका मेथुनकाति वुच्चन्ति, उभो अधिकरणकारका मेथुनकाति वुच्चन्ति, उभो वादिनो मेथुनकाति वुच्चन्ति, उभो सल्लापका मेथुनकाति वुच्चन्ति; एवमेवं उभिन्नं रत्तानं सारत्तानं अवस्सुतानं परियुट्ठितानं परियादिन्नचित्तानं उभिन्नं सदिसानं धम्मोति — तंकारणा वुच्चति मेथुनधम्मो ।

मेथुनमनुयुत्तस्साति । मेथुनधम्मे युत्तस्स पयुत्तस्स आयुत्तस्स समायुत्तस्स तच्चरितस्स तब्बहुलस्स तग्गरुकस्स तन्निन्नस्स तप्पोणस्स तप्पब्भारस्स तदधिमुत्तस्स तदधिपतेय्यस्साति — मेथुनमनुयुत्तस्स ।

इच्चायस्मा तिस्सो मेत्तेय्योति । इच्चाति पदसन्धि पदसंसग्गो पदपारिपूरी अक्खरसमवायो ब्यञ्जनसिलिट्ठता पदानुपुब्बतापेतं — इच्चाति । आयस्माति पियवचनं गरुवचनं सगारववचनं सप्पतिस्सवचनमेतं — आयस्माति । तिस्सोति तस्स थेरस्स नामं सङ्घा समज्जा पज्जति वोहारो नामं नामकम्मं नामधेय्यं निरुत्ति ब्यञ्जनं अभिलापो । मेत्तेय्योति तस्स थेरस्स गोत्तं सङ्घा समज्जा पज्जति वोहारोति — इच्चायस्मा तिस्सो मेत्तेय्यो ।

विघातं ब्रूहि मारिसाति । विघातन्ति विघातं उपघातं पीळनं घट्टनं उपद्वं उपसग्गं ब्रूहि आचिक्ख देसेहि पज्जपेहि पट्टपेहि विवर विभज उत्तानीकरोहि [उत्तानिं करोहि (क०)] पकासेहि । मारिसाति पियवचनं गरुवचनं सगारववचनं सप्पतिस्सवचनमेतं मारिसाति — विघातं ब्रूहि मारिस ।

सुत्त्वान तव सासनन्ति । तुहं वचनं ब्यप्पथं देसनं अनुसासनं अनुसिट्ठिं सुत्त्वा सुणित्त्वा उग्गहेत्त्वा उपधारयित्त्वा उपलक्खयित्त्वाति — सुत्त्वान तव सासनं ।

विवेके सिक्खिस्सामसेति । विवेकोति तयो विवेका — कायविवेको, चित्तविवेको, उपधिविवेको । कतमो कायविवेको? इध भिक्खु विवित्तं सेनासनं भजति अरज्जं रुक्खमूलं पब्बतं कन्दरं गिरिगुहं सुसानं वनपत्थं अब्भोकासं

पलासपुञ्जं, कायेन विवित्तो विहरति । सो एको गच्छति, एको तिष्ठति, एको निसीदति, एको सेय्यं कप्पेति, एको गामं पिण्डाय पविसति, एको पटिक्कमति, एको रहो निसीदति, एको चङ्कमं अधिद्धाति, एको चरति, एको विहरति इरियति वत्तति पालेति यपेति यापेति — अयं कायविवेको ।

कतमो चित्तविवेको? पठमं ज्ञानं समापन्नस्स नीवरणेहि चित्तं विवित्तं होति, दुतियं ज्ञानं समापन्नस्स वितक्कविचारेहि चित्तं विवित्तं होति, ततियं ज्ञानं समापन्नस्स पीतिया चित्तं विवित्तं होति, चतुत्थं ज्ञानं समापन्नस्स सुखदुक्खेहि चित्तं विवित्तं होति, आकासानज्जायतनं समापन्नस्स रूपसज्जाय पटिघसज्जाय नानत्तसज्जाय चित्तं विवित्तं होति, विज्जाणज्जायतनं समापन्नस्स आकासानज्जायतनसज्जाय चित्तं विवित्तं होति, आकिञ्चज्जायतनं समापन्नस्स विज्जाणज्जायतनसज्जाय चित्तं विवित्तं होति, नेवसज्जानासज्जायतनं समापन्नस्स आकिञ्चज्जायतनसज्जाय चित्तं विवित्तं होति, सोतापन्नस्स सक्कायदिट्ठिया विचिकिच्छाय सीलब्बतपरामासा दिट्ठानुसया विचिकिच्छानुसया तदेकद्वेहि च किलेसेहि चित्तं विवित्तं होति, सकदागामिस्स ओळारिका कामरागसज्जोजना पटिघसज्जोजना ओळारिका कामरागानुसया पटिघानुसया तदेकद्वेहि च किलेसेहि चित्तं विवित्तं होति, अनागामिस्स अनुसहगता कामरागसज्जोजना पटिघसज्जोजना अनुसहगता कामरागानुसया पटिघानुसया तदेकद्वेहि च किलेसेहि चित्तं विवित्तं होति, अरहतो रूपरागा अरूपरागा माना उद्धच्चा अविज्जाय मानानुसया भवरागानुसया अविज्जानुसया तदेकद्वेहि च किलेसेहि बहिद्वा च सब्बनिमित्तेहि चित्तं विवित्तं होति — अयं चित्तविवेको ।

कतमो उपधिविवेको? **उपधि** वुच्चन्ति किलेसा च खन्धा च अभिसङ्खारा च । उपधिविवेको वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सगो तण्हक्खयो विरागो निरोधो निब्बानं — अयं उपधिविवेको । कायविवेको च विवेकट्टकायानं नेक्खम्माभिरतानं; चित्तविवेको च परिसुद्धचित्तानं परमवोदानपत्तानं; उपधिविवेको च निरूपधीनं पुग्गलानं विसङ्खारगतानं । **विवेके सिक्खिस्सामसेति** । सो थेरो पकतिया सिक्खितसिक्खो । अपि च धम्मदेसनं उपादाय धम्मदेसनं सावेन्तो **[याचन्तो (सी० स्या०)]** एवमाह — विवेके सिक्खिस्सामसेति ।

तेनाह थेरो तिस्समेत्तेय्यो —

“मेथुनमनुयुत्तस्स, [इच्चायस्मा तिस्सो मेत्तेय्यो]
विघातं ब्रूहि मारिस ।
सुत्त्वान तव सासनं, विवेके सिक्खिस्सामसे”ति ॥

५०. मेथुनमनुयुत्तस्स, [मेत्तेय्याति भगवा]

मुस्सते वापि सासनं ।

मिच्छा च पटिपज्जति, एतं तस्मिं अनारियं ॥

मेथुनमनुयुत्तस्साति । मेथुनधम्मो नाम यो सो असद्धम्मो गामधम्मो वसलधम्मो दुट्ठुल्लो ओदकन्तिको रहस्सो द्वयंद्वयसमापत्ति । किंकारणा वुच्चति मेथुनधम्मो? उभिन्नं रत्तानं सारत्तानं अवस्सुतानं परियुट्ठितानं परियादिन्नचित्तानं उभिन्नं सदिसानं धम्मोति — तंकारणा वुच्चति मेथुनधम्मो । यथा उभो कलहकारका मेथुनकाति वुच्चन्ति, उभो भण्डनकारका मेथुनकाति वुच्चन्ति, उभो भस्सकारका मेथुनकाति वुच्चन्ति, उभो विवादकारका मेथुनकाति वुच्चन्ति, उभो अधिकरणकारका मेथुनकाति वुच्चन्ति, उभो वादिनो मेथुनकाति वुच्चन्ति, उभो सल्लापका मेथुनकाति वुच्चन्ति;

एवमेवं उभिनं रत्तानं सारत्तानं अवस्सुतानं परियुद्धितानं परियादिन्नचित्तानं उभिनं सदिसानं धम्मोति — तंकारणा वुच्चति मेथुनधम्मो ।

मेथुनमनुयुत्तस्साति । मेथुनधम्मो युत्तस्स पयुत्तस्स आयुत्तस्स समायुत्तस्स तच्चरितस्स तब्बहुलस्स तग्गरुकस्स तन्निन्नस्स तप्पोणस्स तप्पभारस्स तदधिमुत्तस्स तदधिपतेय्यस्साति — मेथुनमनुयुत्तस्स ।

मेत्तेय्याति भगवा तं थेरं गोत्तेन आलपति । **भगवाति** गारवाधिवचनं । अपि च भग्गरागोति भगवा, भग्गदोसोति भगवा, भग्गमोहोति भगवा, भग्गमानोति भगवा, भग्गदिट्ठीति भगवा, भग्गकण्डकोति [भग्गकण्डकोति (सी० स्या०)] भगवा, भग्गकिलेसोति भगवा, भजि विभजि पविभजि धम्मरतनन्ति भगवा, भवानं अन्तकरोति भगवा, भावितकायो भावितसीलो भावितचित्तो भावितपज्जोति भगवा, भजि वा भगवा अरज्जवनपत्थानि [अरज्जे वनपत्थानि (सी०)] पन्तानि सेनासनानि अप्पसद्धानि अप्पनिग्घोसानि विजनवातानि मनुस्सराहस्सेय्यकानि [मनुस्सराहस्सेय्यकानि (सी० स्या०)] पटिसल्लानसारुप्पानीति भगवा, भागी वा भगवा चीवरपिण्डपातसेनासनगिलानपच्चयभेसज्जपरिक्खारानन्ति भगवा, भागी वा भगवा अत्थरसस्स धम्मरसस्स विमुत्तिरसस्स अधिसीलस्स अधिचित्तस्स अधिपज्जायाति भगवा, भागी वा भगवा चतुन्नं ज्ञानानं चतुन्नं अप्पमज्जानं चतुन्नं अरूपसमापत्तीनन्ति भगवा, भागी वा भगवा अट्ठन्नं विमोक्खानं अट्ठन्नं अभिभायतनानं नवन्नं अनुपुब्बविहारसमापत्तीनन्ति भगवा, भागी वा भगवा दसन्नं सज्जाभावानानं दसन्नं कसिणसमापत्तीनं आनापानस्सतिसमाधिस्स असुभसमापत्तियाति भगवा, भागी वा भगवा चतुन्नं सतिपट्टानानं चतुन्नं सम्मप्पधानानं चतुन्नं इद्धिपादानं पज्चन्नं इन्द्रियानं पज्चन्नं बलानं सत्तन्नं बोज्झङ्गानं अरियस्स अट्ठङ्गिकस्स मग्गस्साति भगवा, भागी वा भगवा दसन्नं तथागतबलानं चतुन्नं वेसारज्जानं चतुन्नं पटिसम्भिदानं छन्नं अभिज्जानं [अभिज्जाणानं (सी०)] छन्नं बुद्धधम्मानन्ति भगवा । भगवाति नेतं नामं मातरा कतं, न पितरा कतं, न भातरा कतं, न भगिनिया कतं, न मित्तामच्चेहि कतं, न जातिसालोहितेहि कतं न समणब्राह्मणेहि कतं, न देवताहि कतं । विमोक्खन्तिकमेतं बुद्धानं भगवन्तानं बोधिया मूले सह सब्बज्जुतज्जाणस्स पटिलाभा सच्छिका पज्जति यदिदं भगवाति — मेत्तेय्याति भगवा ।

मुस्सते वापि सासनन्ति । द्वीहि कारणेहि सासनं मुस्सति — परियत्तिसासनम्पि मुस्सति, पटिपत्तिसासनम्पि मुस्सति । कतमं परियत्तिसासनं? यं तस्स परियापुटं — सुत्तं गेय्यं वेय्याकरणं गाथा उदानं इतिवुत्तकं जातकं अब्भुतधम्मं वेदल्लं — इदं परियत्तिसासनं । तम्पि मुस्सति सम्मुस्सति पमुस्सति सम्पमुस्सति परिबाहिरो होतीति — एवम्पि मुस्सते वापि सासनं ।

कतमं पटिपत्तिसासनं? सम्मापटिपदा अनुलोमपटिपदा अपच्चनीकपटिपदा अन्वत्थपटिपदा धम्मानुधम्मपटिपदा सीलेसु परिपूरकारिता इन्द्रियेसु गुत्तद्वारता भोजने मत्तज्जुता जागरियानुयोगो सतिसम्पज्जं चत्तारो सतिपट्टाना चत्तारो सम्मप्पधाना चत्तारो इद्धिपादा पज्चिन्द्रियानि पज्च बलानि सत्त बोज्झङ्गा अरियो अट्ठङ्गिको मग्गो — इदं पटिपत्तिसासनं । तम्पि मुस्सति सम्मुस्सति पमुस्सति सम्पमुस्सति परिबाहिरो होतीति । एवम्पि मुस्सते वापि सासनं ।

मिच्छा च पटिपज्जतीति । पाणम्पि हनति, अदिन्नम्पि आदियति, सन्धिम्पि छिन्दति, निल्लोपम्पि हरति, एकागारिकम्पि करोति, परिपन्थेपि तिट्ठति, परदारम्पि गच्छति, मुसापि भणतीति — मिच्छा च पटिपज्जति ।

एतं तस्मिं अनारियन्ति । एतं तस्मिं पुग्गले अनरियधम्मो बालधम्मो मूळहधम्मो अज्जाणधम्मो अमराविकखेपधम्मो, यदिदं मिच्छापटिपदाति — एतं तस्मिं अनारियं ।

तेनाह भगवा —

“मेथुनमनुयुत्तस्स, [मेत्तेय्याति भगवा]

मुस्सते वापि सासनं ।

मिच्छा च पटिपज्जति, एतं तस्मिं अनारियं”न्ति ॥

५१. एको पुब्बे चरित्वान, मेथुनं यो निसेवति ।

यानं भन्तं तं लोके, हीनमाहु पुथुज्जनं ॥

एको पुब्बे चरित्वानाति । द्वीहि कारणेहि एको पुब्बे चरित्वान — पब्बज्जासङ्घातेन वा गणाववस्सग्गट्ठेन वा । कथं पब्बज्जासङ्घातेन एको पुब्बे चरित्वान? सब्बं घरावासपलिबोधं छिन्दित्वा पुत्तदारपलिबोधं छिन्दित्वा जातिपलिबोधं छिन्दित्वा मितामच्चपलिबोधं छिन्दित्वा सन्निधिपलिबोधं छिन्दित्वा केसमस्सुं ओहारेत्वा कासायानि वत्थानि अच्छादेत्वा अगारस्मा अनगारियं पब्बजित्वा अकिञ्चनभावं उपगन्त्वा एको चरति विहरति इरियति वत्तति पालेति यपेति यापेति । एवं पब्बज्जासङ्घातेन एको पुब्बे चरित्वान ।

कथं गणाववस्सग्गट्ठेन एको पुब्बे चरित्वान? सो एवं पब्बजितो समानो एको अरज्जवनपत्थानि पन्तानि सेनासनानि पटिसेवति अप्पसद्धानि अप्पनिग्घोसानि विजनवातानि मनुस्सराहस्सेय्यकानि पटिसल्लानसारुप्पानि । सो एको गच्छति, एको तिष्ठति, एको निसीदति, एको सेय्यं कप्पेति, एको गामं पिण्डाय पविसति, एको पटिक्कमति, एको र्हो निसीदति, एको चङ्कमं अधिद्धाति, एको चरति विहरति इरियति वत्तति पालेति यपेति यापेति । एवं गणाववस्सग्गट्ठेन एको पुब्बे चरित्वान ।

मेथुनं यो निसेवतीति । मेथुनधम्मो नाम यो सो असद्धम्मो...पे०... तंकारणा वुच्चति मेथुनधम्मो । **मेथुनं यो निसेवतीति ।** यो अपरेन समयेन बुद्धं धम्मं सङ्गं सिक्खं पच्चक्खाय हीनायावत्तित्वा मेथुनं धम्मं सेवति निसेवति संसेवति पटिसेवतीति — मेथुनं यो निसेवति ।

यानं भन्तं तं लोकेति । यानन्ति हत्थियानं अस्सयानं गोयानं अजयानं मेण्डयानं ओट्टयानं खरयानं भन्तं अदन्तं अकारितं अविनीतं उप्पथं गण्हाति, विसमं खाणुम्पि पासाणम्पि अभिरुहति, यानम्पि आरोहनकम्पि भज्जति, पपातेपि पपतति । यथा तं भन्तं यानं अदन्तं अकारितं अविनीतं उप्पथं गण्हाति; एवमेवं सो विब्भन्तको भन्तयानपटिभागो उप्पथं गण्हाति, मिच्छादिट्ठिं गण्हाति...पे०... मिच्छासमाधिं गण्हाति । यथा तं भन्तं यानं अदन्तं अकारितं अविनीतं विसमं खाणुम्पि पासाणम्पि अभिरुहति; एवमेवं सो विब्भन्तको भन्तयानपटिभागो विसमं कायकम्मं अभिरुहति, विसमं वचीकम्मं अभिरुहति, विसमं मनोकम्मं अभिरुहति, विसमं पाणातिपातं अभिरुहति, विसमं अदिन्नादानं अभिरुहति, विसमं कामेसुमिच्छाचारं अभिरुहति, विसमं मुसावादं अभिरुहति, विसमं पिसुणवाचं अभिरुहति, विसमं फरुसवाचं अभिरुहति, विसमं सम्फप्पलापं अभिरुहति, विसमं अभिज्झं अभिरुहति, विसमं ब्यापादं अभिरुहति, विसमं मिच्छादिट्ठिं अभिरुहति, विसमे सङ्गारे अभिरुहति, विसमे पच्च कामगुणे अभिरुहति, विसमे नीवरणे अभिरुहति । यथा तं भन्तं यानं अदन्तं अकारितं अविनीतं यानम्पि आरोहनकम्पि भज्जति; एवमेवं सो विब्भन्तको भन्तयानपटिभागो निरये अत्तानं भज्जति, तिरच्छानयोनियं अत्तानं भज्जति, पेत्तिविसये अत्तानं भज्जति, मनुस्सलोके अत्तानं भज्जति, देवल्लोके अत्तानं भज्जति । यथा तं भन्तं यानं अदन्तं अकारितं अविनीतं पपाते पपतति; एवमेवं सो विब्भन्तको भन्तयानपटिभागो जातिपपातम्पि

पपतति, जरापपातम्पि पपतति, ब्याधिपपातम्पि पपतति, मरणपपातम्पि पपतति,
सोकपरिदेवदुक्खदोमनस्सुपायासपपातम्पि पपतति । लोकेति अपायलोके मनुस्सलोकेति — यानं भन्तं तं लोके ।

हीनमाहु पुथुज्जनन्ति । पुथुज्जनाति केनट्ठेन पुथुज्जना? पुथु किलेसे जनेन्तीति पुथुज्जना, पुथु
अविहतसक्कायदिट्ठिकाति पुथुज्जना, पुथु सत्थारानं मुखुल्लोकिकाति पुथुज्जना, पुथु सब्बगतीहि अवुट्ठिताति पुथुज्जना,
पुथु नानाभिसङ्खारे [नानाभिसङ्खारेहि (स्या०)] अभिसङ्खरोन्तीति पुथुज्जना, पुथु नानाओघेहि वुहन्तीति पुथुज्जना, पुथु
नानासन्तापेहि सन्तपन्तीति पुथुज्जना, पुथु नानापरिळाहेहि परिदहन्तीति पुथुज्जना, पुथु पञ्चसु कामगुणेषु रत्ता गिद्धा
गधिता मुच्छिता अज्झोसन्ना [अज्झोपन्ना (सी० स्या०)] लगा लगीता पलिबुद्धाति पुथुज्जना, पुथु पञ्चहि नीवरणेहि
आवुता निवुता ओवुता पिहिता पटिच्छन्ना पटिकुज्जिताति पुथुज्जना । हीनमाहु पुथुज्जनन्ति । पुथुज्जनं हीनं निहीनं
ओमकं लामकं छतुक्कं परित्तन्ति एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — हीनमाहु पुथुज्जनं ।

तेनाह भगवा —

“एको पुब्बे चरित्वान, मेथुनं यो निसेवति ।
यानं भन्तं तं लोके, हीनमाहु पुथुज्जनं”न्ति ॥

५२. यसो कित्ति च या पुब्बे, हायते वापि तस्स सा ।
एतम्पि दिस्वा सिक्खेथ, मेथुनं विप्पहातवे ॥

यसो कित्ति च या पुब्बे, हायते वापि तस्स साति । कतमो यसो? इधेकच्चो पुब्बे समणभावे सक्कतो होति
गरुकतो मानितो पूजितो अपचितो लाभी चीवरपिण्डपातसेनासनगिलानपच्चयभेसज्जपरिक्खारानं — अयं यसो । कतमा
कित्ति? इधेकच्चो पुब्बे समणभावे कित्तिवण्णगतो होति पण्डितो वियत्तो मेधावी बहुस्सुतो चित्तकथी कल्याणपटिभानो —
सुत्तन्तिकोति वा विनयधरोति वा धम्मकथिकोति वा आरज्जिकोति वा पिण्डपातिकोति वा पंसुकूलिकोति वा
तेचीवरिकोति वा सपदानचारिकोति वा खलुपच्छाभक्तिकोति वा नेसज्जिकोति वा यथासन्थतिकोति वा पठमस्स ज्ञानस्स
लाभीति वा दुतियस्स ज्ञानस्स लाभीति वा ततियस्स ज्ञानस्स लाभीति वा चतुत्थस्स ज्ञानस्स लाभीति वा
आकासानज्जायतनसमापत्तिया लाभीति वा विज्जाणज्जायतनसमापत्तिया लाभीति वा आकिज्जज्जायतनसमापत्तिया
लाभीति वा नेवसज्जानासज्जायतनसमापत्तिया लाभीति वा, अयं कित्तीति — यसो कित्ति च या पुब्बे ।

हायते वापि तस्स साति । तस्स अपरेन समयेन बुद्धं धम्मं सङ्गं सिक्खं पच्चक्खाय हीनायावत्तस्स सो च यसो सा च
कित्ति हायति परिहायति परिधंसति परिपतति अन्तरधायति विप्पलुज्जतीति — यसो कित्ति च या पुब्बे हायते वापि तस्स
सा ।

एतम्पि दिस्वा सिक्खेथ मेथुनं विप्पहातवेति । एतन्ति पुब्बे समणभावे यसो कित्ति च, अपरभागे बुद्धं धम्मं सङ्गं
सिक्खं पच्चक्खाय हीनायावत्तस्स अयसो च अकित्ति च; एतं सम्पत्तिं विपत्तिं । दिस्वाति पस्सित्वा तुलयित्वा तीरयित्वा
विभावयित्वा विभूतं कत्वाति — एतम्पि दिस्वा । सिक्खेथाति तस्सो सिक्खा — अधिसीलसिक्खा, अधिचित्तसिक्खा,
अधिपज्जासिक्खा । कतमा अधिसीलसिक्खा? इध भिक्खु सीलवा होति, पातिमोक्खसंवरसंवुतो विहरति
आचारगोचरसम्पन्नो अणुमत्तेसु वज्जेसु भयदस्सावी, समादाय सिक्खति सिक्खापदेसु । खुद्दको सीलक्खन्धो, महन्तो

सीलक्खन्धो । सीलं पतिट्ठा आदि चरणं संयमो संवरो मुखं पमुखं कुसलानं धम्मनं समापत्तिया — अयं अधिसीलसिक्खा ।

कतमा अधिचित्तसिक्खा? इध भिक्खु विविच्चेव कामेहि विविच्च अकुसलेहि धम्मेहि सवितक्कं सविचारं विवेकजं पीतिसुखं पठमं ज्ञानं उपसम्पज्ज विहरति...पे०... दुतियं ज्ञानं... ततियं ज्ञानं... चतुत्थं ज्ञानं उपसम्पज्ज विहरति — अयं अधिचित्तसिक्खा ।

कतमा अधिपज्जासिक्खा? इध भिक्खु पज्जवा होति उदयत्थगामिनिया पज्जाय समन्नागतो अरियाय निब्बेधिकाय सम्मा दुक्खक्खयगामिनिया । सो इदं दुक्खन्ति यथाभूतं पजानाति, अयं दुक्खसमुदयोति यथाभूतं पजानाति, अयं दुक्खनिरोधोति यथाभूतं पजानाति, अयं दुक्खनिरोधगामिनी पटिपदाति यथाभूतं पजानाति, इमे आसवाति यथाभूतं पजानाति, अयं आसवसमुदयोति यथाभूतं पजानाति, अयं आसवनिरोधोति यथाभूतं पजानाति, अयं आसवनिरोधगामिनी पटिपदाति यथाभूतं पजानाति — अयं अधिपज्जासिक्खा । **मेथुनधम्मो** नाम यो सो असद्धम्मो...पे०... तंकारणा वुच्चति मेथुनधम्मो ।

एतम्पि दिस्वा सिक्खेथ, मेथुनं विप्पहातवेति । मेथुनधम्मस्स पहानाय वूपसमाय पटिनिस्सग्गाय पटिपस्सद्धिया अधिसीलम्पि सिक्खेय्य, अधिचित्तम्पि सिक्खेय्य, अधिपज्जम्पि सिक्खेय्य । इमा तिस्सो सिक्खायो आवज्जन्तो सिक्खेय्य, जानन्तो सिक्खेय्य, पस्सन्तो सिक्खेय्य, पच्चवेक्खन्तो सिक्खेय्य, चित्तं अधिट्ठहन्तो सिक्खेय्य, सद्भाय अधिमुच्चन्तो सिक्खेय्य, वीरियं पग्गणहन्तो सिक्खेय्य, सतिं उपट्ठपेन्तो सिक्खेय्य, चित्तं समादहन्तो सिक्खेय्य, पज्जाय पजानन्तो सिक्खेय्य, अभिज्जेय्यं अभिजानन्तो सिक्खेय्य, परिज्जेय्यं परिजानन्तो सिक्खेय्य, पहातब्बं पजहन्तो सिक्खेय्य, भावेतब्बं भावेन्तो सिक्खेय्य, सच्छिकातब्बं सच्छिकरोन्तो सिक्खेय्य आचरेय्य समाचरेय्य समादाय वत्तेय्याति — एतम्पि दिस्वा सिक्खेथ, मेथुनं विप्पहातवे ।

तेनाह भगवा —

“यसो कित्ति च या पुब्बे, हायते वापि तस्स सा ।

एतम्पि दिस्वा सिक्खेथ, मेथुनं विप्पहातवे”ति ॥

५३. सङ्कप्पेहि परेतो सो, कपणो विय ज्ञायति ।

सुत्वा परेसं निग्घोसं, मङ्कु होति तथाविधो ॥

सङ्कप्पेहि परेतो सो, कपणो विय ज्ञायतीति । कामसङ्कप्पेन ब्यापादसङ्कप्पेन विहिंसासङ्कप्पेन दिट्ठिसङ्कप्पेन फुट्ठो परेतो समोहितो समन्नागतो पिहितो कपणो विय मन्दो विय मोमूहो विय ज्ञायति पज्झायति निज्झायति अपज्झायति **[अवज्झायति (स्या०)]** । यथा उलूको रुक्खसाखायं मूसिकं मगयमानो ज्ञायति पज्झायति निज्झायति अपज्झायति, यथा कोत्थु नदीतीरे मच्छे मगयमानो ज्ञायति पज्झायति निज्झायति अपज्झायति, यथा बिळारो सन्धिसमलसङ्कटिरे मूसिकं मगयमानो ज्ञायति पज्झायति निज्झायति अपज्झायति, यथा गद्रभो वहच्छिन्नो सन्धिसमलसङ्कटिरे ज्ञायति पज्झायति निज्झायति अपज्झायति; एवमेवं सो विब्भन्तको कामसङ्कप्पेन ब्यापादसङ्कप्पेन विहिंसासङ्कप्पेन दिट्ठिसङ्कप्पेन फुट्ठो परेतो समोहितो समन्नागतो पिहितो कपणो विय मन्दो विय मोमूहो विय ज्ञायति पज्झायति निज्झायति अपज्झायतीति —

सङ्कप्पेहि परेतो सो कपणो विय ज्ञायति ।

सुत्वा परेसं निग्घोसं, मङ्कु होति तथाविधोति । परेसन्ति उपज्झाया वा आचरिया वा समानुपज्झायका वा समानाचरियका वा मित्ता वा सन्दिट्ठा वा सम्भत्ता वा सहाया वा चोदेन्ति — “तस्स ते, आवुसो, अलाभा, तस्स ते दुल्लब्धं, यं त्वं एवरूपं उळ्ळारं सत्थारं लभित्वा एवं स्वाक्खाते धम्मविनये पब्बजित्वा एवरूपं अरियगणं लभित्वा हीनस्स मेथुनधम्मस्स कारणा बुद्धं धम्मं सङ्गं सिक्खं पच्चक्खाय हीनायावत्तोसि । सद्भापि नाम ते नाहोसि कुसलेसु धम्मेषु, हिरीपि नाम ते नाहोसि कुसलेसु धम्मेषु, ओत्तप्पम्पि नाम ते नाहोसि कुसलेसु धम्मेषु, वीरियम्पि नाम ते नाहोसि कुसलेसु धम्मेषु, सतिपि नाम ते नाहोसि कुसलेसु धम्मेषु, पज्जापि नाम ते नाहोसि कुसलेसु धम्मेषू”ति । तेसं वचनं व्यप्पथं देसनं अनुसासनं अनुसिट्ठिं सुत्वा सुणित्वा उग्गहेत्वा उपधारयित्वा उपलक्खयित्वा मङ्कु होति, पीळितो घट्टितो व्याधितो दोमनस्सितो होति । **तथाविधोति** तथाविधो तादिसो तस्सण्ठितो तप्पकारो तप्पटिभागो । यो सो विब्भन्तकोति — सुत्वा परेसं निग्घोसं मङ्कु होति तथाविधो ।

तेनाह भगवा —

“सङ्कप्पेहि परेतो सो, कपणो विय ज्ञायति ।
सुत्वा परेसं निग्घोसं, मङ्कु होति तथाविधो”ति ॥

५४. अथ सत्थानि कुरुते, परवादेहि चोदितो ।

एस ख्वस्स महागेधो, मोसवज्जं पगाहति [संगाहति (क०)] ॥

अथ सत्थानि कुरुते, परवादेहि चोदितोति । अथाति पदसन्धि पदसंसग्गो पदपारिपूरी अक्खरसमवायो व्यञ्जनसिलिट्ठता पदानुपुब्बतापेतं — अथाति । **सत्थानीति** तीणि सत्थानि — कायसत्थं, वचीसत्थं, मनोसत्थं । तिविधं कायदुच्चरितं कायसत्थं, चतुब्बिधं वचीदुच्चरितं वचीसत्थं, तिविधं मनोदुच्चरितं मनोसत्थं । **परवादेहि चोदितोति ।** उपज्झायेहि वा आचरियेहि वा समानुपज्झायकेहि वा समानाचरियकेहि वा मित्तेहि वा सन्दिट्ठेहि वा सम्भत्तेहि वा सहायेहि वा चोदितो सम्पजानमुसा भासति । “अभिरतो अहं, भन्ते, अहोसिं पब्बज्जाय । माता मे पोसेतब्बा, तेनम्हि विब्भन्तो”ति भणति । “पिता मे पोसेतब्बो, तेनम्हि विब्भन्तो”ति भणति । “भाता मे पोसेतब्बो... भगिनी मे पोसेतब्बा... पुत्तो मे पोसेतब्बो... धीता मे पोसेतब्बा... मित्ता मे पोसेतब्बा... अमच्चा मे पोसेतब्बा... जातका मे पोसेतब्बा... सालोहिता मे पोसेतब्बा, तेनम्हि विब्भन्तो”ति भणति । वचीसत्थं करोति सङ्करोति जनेति सञ्जनेति निब्बत्तेति अभिनिब्बत्तेतीति — अथ सत्थानि कुरुते, परवादेहि चोदितो ।

एस ख्वस्स महागेधोति । एसो तस्स महागेधो महावनं महागहनं महाकन्तारो महाविसमो महाकुटिलो महापङ्को महापलिपो महापलिबोधो महाबन्धनं, यदिदं सम्पजानमुसावादोति — एस ख्वस्स महागेधो ।

मोसवज्जं पगाहतीति । मोसवज्जं वुच्चति मुसावादो । इधेक्कचो सभग्गतो वा परिसग्गतो वा जातिमज्झगतो वा पूगमज्झगतो वा राजकुलमज्झगतो वा अभिनीतो सक्खिपुट्ठो — “एहम्भो पुरिस, यं जानासि तं वदेही”ति, सो अजानं वा आह — “जानामी”ति, “जानं” वा आह — “न जानामी”ति, अपस्सं वा आह — “पस्सामी”ति, पस्सं वा आह — “न पस्सामी”ति । इति अत्तेहेतु वा परहेतु वा आमिसकिञ्चिक्खहेतु वा सम्पजानमुसा भासति — इदं वुच्चति मोसवज्जं ।

अपि च तीहाकारेहि मुसावादो होति । पुब्बेवस्स होति — “मुसा भणिस्स”न्ति, भणन्तस्स होति — “मुसा भणामी”ति, भणितस्स होति — “मुसा मया भणित”न्ति । इमेहि तीहाकारेहि मुसावादो होति । अपि च चतूहाकारेहि मुसावादो होति । पुब्बेवस्स होति — “मुसा भणिस्स”न्ति, भणन्तस्स होति — “मुसा भणामी”ति, भणितस्स होति — “मुसा मया भणित”न्ति, विनिधाय दिट्ठिं । इमेहि चतूहाकारेहि मुसावादो होति । अपि च पञ्चहाकारेहि... छहाकारेहि... सत्तहाकारेहि... अट्ठहाकारेहि मुसावादो होति । पुब्बेवस्स होति — “मुसा भणिस्स”न्ति, भणन्तस्स होति — “मुसा भणामी”ति, भणितस्स होति — “मुसा मया भणित”न्ति, विनिधाय दिट्ठिं, विनिधाय खन्तिं, विनिधाय रुचिं, विनिधाय सज्जं, विनिधाय भावं । इमेहि अट्ठहाकारेहि मुसावादो होति । **मोसवज्जं पगाहतीति ।** मोसवज्जं पगाहति ओगाहति अज्झोगाहति पविसतीति — मोसवज्जं पगाहति ।

तेनाह भगवा —

“अथ सत्थानि कुरुते, परवादेहि चोदितो ।

एस ख्वस्स महागेधो, मोसवज्जं पगाहती”ति ॥

५५. पण्डितोति समज्जातो, एकच्चरियं [एकचरियं (सी० स्या०)] अधिद्वितो ।

स चापि मेथुने युत्तो, मन्दोव परिकिस्सति ॥

पण्डितोति समज्जातोति । इधेकच्चो पुब्बे समणभावे कित्ति वण्णगतो होति — “पण्डितो वियत्तो मेधावी बहुस्सुतो चित्तकथी कल्याणपटिभानो सुत्तन्तिकोति वा विनयधरोति वा धम्मकथिकोति वा...पे०... नेवसज्जानासज्जायतनसमापत्तिया लाभी”ति वा । एवं जातो होति पज्जातो समज्जातो होतीति — पण्डितोति समज्जातो ।

एकच्चरियं अधिद्वितोति । द्वीहि कारणेहि एकच्चरियं अधिद्वितो — पब्बज्जासङ्घातेन वा गणाववस्सग्गट्ठेन वा । कथं पब्बज्जासङ्घातेन एकच्चरियं अधिद्वितो? सब्बं घरावासपलिबोधं छिन्दित्वा...पे०... एवं पब्बज्जासङ्घातेन एकच्चरियं अधिद्वितो । कथं गणाववस्सग्गट्ठेन एकच्चरियं अधिद्वितो? सो एवं पब्बजितो समानो एको अरज्जवनपत्थानि पन्तानि... पे०... एवं गणाववस्सग्गट्ठेन एकच्चरियं अधिद्वितोति — एकच्चरियं अधिद्वितो ।

स चापि मेथुने युत्तोति । मेथुनधम्मो नाम यो सो असद्धम्मो गामधम्मो...पे०... तंकारणा वुच्चति मेथुनधम्मो । **स चापि मेथुने युत्तोति ।** सो अपरेन समयेन बुद्धं धम्मं सङ्गं सिक्खं पच्चक्खाय हीनायावत्तित्वा मेथुनधम्मो युत्तो [युत्तो संयुत्तो (सी०)] पयुत्तो आयुत्तो समायुत्तोति — स चापि मेथुने युत्तो ।

मन्दोव परिकिस्सतीति । कपणो विय मन्दो विय मोमूहो विय किस्सति परिकिस्सति परिकिलिस्सति । पाणम्पि हनति, अदिन्नम्पि आदियति, सन्धिम्पि छिन्दति, निल्लोपम्पि हरति, एकागारिकम्पि करोति, परिपन्थेपि तिट्ठति, परदारम्पि गच्छति, मुसापि भणति । एवम्पि किस्सति परिकिस्सति परिकिलिस्सति । तमेनं राजानो गहेत्वा विविधा कम्मकारणा कारेन्ति — कसाहिपि ताळेन्ति, वेत्तेहिपि ताळेन्ति, अद्धदण्डकेहिपि ताळेन्ति, हत्थम्पि छिन्दन्ति, पादम्पि छिन्दन्ति, हत्थपादम्पि छिन्दन्ति, कण्णम्पि छिन्दन्ति, नासम्पि छिन्दन्ति, कण्णनासम्पि छिन्दन्ति, बिलङ्गथालिकम्पि करोन्ति, सङ्खमुण्डिकम्पि करोन्ति, राहुमुखम्पि करोन्ति, जोतिमालिकम्पि करोन्ति, हत्थपज्जोतिकम्पि करोन्ति, एकवत्तिकम्पि करोन्ति, चिरकवासिकम्पि करोन्ति, एणेय्यकम्पि करोन्ति, बळिसमंसिकम्पि करोन्ति, कहापणिकम्पि करोन्ति,

खारापतच्छिकम्पि [खारापटिच्छकम्पि (क०)] करोन्ति, पलिघपरिवत्तिकम्पि करोन्ति, पलालपीठकम्पि करोन्ति, तत्तेनपि तेलेन ओसिञ्चन्ति, सुनखेहिपि खादापेन्ति, जीवन्तम्पि सूले उतासेन्ति, असिनापि सीसं छिन्दन्ति । एवम्पि किस्सति परिकिस्सति परिकिलिस्सति ।

अथ वा कामतण्हाय अभिभूतो परियादिन्नचित्तो भोगे परियेसन्तो नावाय महासमुद्धं पक्खन्दति, सीतस्स पुरक्खतो उण्हस्स पुरक्खतो डंसमकसवातातपसरीसपसम्फस्सेहि पीळियमानो खुप्पिपासाय मिय्यमानो तिगुम्बं गच्छति, तक्कोलं गच्छति, तक्कसीलं गच्छति, कालमुखं गच्छति, पुरपूरं गच्छति, वेसुङ्गं गच्छति, वेरापथं गच्छति, जवं गच्छति, तामलिं [कमलिं (स्या०), तंमलिं (क०)] गच्छति, वङ्गं गच्छति, एळबन्धनं गच्छति, सुवण्णकूटं गच्छति, सुवण्णभूमिं गच्छति, तम्बपाणिं गच्छति, सुप्पादकं गच्छति, भारुकच्छं गच्छति, सुरट्टं गच्छति, भङ्गलोकं गच्छति, भङ्गणं गच्छति, सरमतं गणं गच्छति, योनं गच्छति, परमयोनं [पीनं (स्या०)] गच्छति, विनकं [नवकं (सी०)] गच्छति, मूलपदं गच्छति, मरुकन्तारं गच्छति, जण्णुपथं गच्छति, अजपथं गच्छति, मेण्डपथं गच्छति, सङ्कुपथं गच्छति, छत्तपथं गच्छति, वंसपथं गच्छति, सकुणपथं गच्छति, मूसिकपथं गच्छति, दरिपथं गच्छति, वेत्ताचारं गच्छति । एवम्पि किस्सति परिकिस्सति परिकिलिस्सति ।

गवेसन्तो न विन्दति, अलाभमूलकम्पि दुक्खं दोमनस्सं पटिसंवेदेति । एवम्पि किस्सति परिकिस्सति परिकिलिस्सति ।

गवेसन्तो विन्दति, लब्धापि आरक्खमूलकम्पि दुक्खं दोमनस्सं पटिसंवेदेति — “किन्ति मे भोगे नेव राजानो हरेय्युं, न चोरा हरेय्युं, न अग्गी दहेय्युं, न उदकं वहेय्य, न अपिया दायादा हरेय्युं”न्ति । तस्स एवं आरक्खतो गोपयतो ते भोगा विप्पलुज्जन्ति । सो विप्पयोगमूलकम्पि दुक्खं दोमनस्सं पटिसंवेदेति । एवम्पि किस्सति परिकिस्सति परिकिलिस्सतीति — स चापि मेथुने युत्तो, मन्दोव परिकिस्सति ।

तेनाह भगवा —

“पण्डितोति समञ्जातो, एकच्चरियं अधिद्धितो ।
स चापि मेथुने युत्तो, मन्दोव परिकिस्सती”ति ॥

**५६. एतमादीनवं अत्वा, मुनिं पुब्बापरे इध ।
एकच्चरियं दळ्हं कयिरा, न निसेवेथ मेथुनं ॥**

एतमादीनवं अत्वा, मुनि पुब्बापरे इधाति । एतन्ति पुब्बे समणभावे यसो च किञ्चित् च, अपरभागे बुद्धं धम्मं सङ्गं सिक्खं पच्चक्खाय हीनायावत्तस्स अयसो च अकिञ्चित् च; एतं सम्पत्तिं विपत्तिञ्च । अत्वाति जानित्वा तुलयित्वा तीरयित्वा विभावयित्वा विभूतं कत्वा । मुनीति । मोनं वुच्चति आणं । या पज्जा पजानना...पे०... सङ्गजालमतिच्च सो मुनि । इधाति इमिस्सा दिट्ठिया इमिस्सा खन्तिया इमिस्सा रुचिया इमस्मिं आदाये इमस्मिं धम्मे इमस्मिं विनये इमस्मिं धम्मविनये इमस्मिं पावचने इमस्मिं ब्रह्मचरिये इमस्मिं सत्थुसासने इमस्मिं अत्तभावे इमस्मिं मनुस्सलोकेति — एतमादीनवं अत्वा मुनि पुब्बापरे इध ।

एकच्चरियं दळ्हं कयिराति । द्वीहि कारणेहि एकच्चरियं दळ्हं करेय्य — पब्बज्जासङ्घातेन वा गणाववस्सगट्ठेन वा । कथं पब्बज्जासङ्घातेन एकच्चरियं दळ्हं करेय्य? सब्बं घरावासपलिबोधं छिन्दित्वा पुत्तदारपलिबोधं छिन्दित्वा

जातिपलिबोधं छिन्दित्वा मित्तामच्चपलिबोधं छिन्दित्वा सन्निधिपलिबोधं छिन्दित्वा केसमस्सुं ओहारेत्वा कासायानि वत्थानि अच्छादेत्वा अगारस्मा अनगारियं पब्बजित्वा अकिञ्चनभावं उपगन्त्वा एको चरेय्य विहरेय्य इरियेय्य वत्तेय्य पालेय्य यपेय्य यापेय्य । एवं पब्बज्जासङ्घातेन एकच्चरियं दळ्हं करेय्य ।

कथं गणाववस्सग्गट्टेन एकच्चरियं दळ्हं करेय्य? सो एवं पब्बजितो समानो एको अरज्जवनपत्थानि पन्तानि सेनासनानि पटिसेवेय्य अप्पसद्धानि अप्पनिग्घोसानि विजनवातानि मनुस्सराहस्सेय्यकानि पटिसल्लानसारुप्पानि । सो एको गच्छेय्य, एको तिठ्ठेय्य, एको निसीदेय्य, एको सेय्यं कप्पेय्य, एको गामं पिण्डाय पविसेय्य, एको पटिक्कमेय्य, एको रहो निसीदेय्य, एको चङ्कमं अधिठ्ठेय्य, एको चरेय्य विहरेय्य इरियेय्य वत्तेय्य पालेय्य यपेय्य यापेय्य । एवं गणाववस्सग्गट्टेन एकच्चरियं दळ्हं करेय्याति — एकच्चरियं दळ्हं करेय्य, थिरं करेय्य, दळ्हं समादानो अस्स, अवट्ठितसमादानो अस्स कुसलेसु धम्मेसूति — एकच्चरियं दळ्हं कयिरा ।

न निसेवेथ मेथुनन्ति । मेथुनधम्मो नाम यो सो असद्धम्मो गामधम्मो...पे०... तंकारणा वुच्चति मेथुनधम्मो । मेथुनधम्मं न सेवेय्य न निसेवेय्य न संसेवेय्य न पटिसेवेय्य न चरेय्य न समाचरेय्य न समादाय वत्तेय्याति — न निसेवेथ मेथुनं ।

तेनाह भगवा —

“एतमादीनवं जत्वा, मुनि पुब्बापरे इध ।
एकच्चरियं दळ्हं कयिरा, न निसेवेथ मेथुन”न्ति ॥

**५७. विवेकज्जेव सिक्खेथ, एतं अरियानमुत्तमं ।
न तेन सेट्ठो मज्जेथ, स वे निब्बानसन्तिके ॥**

विवेकज्जेव सिक्खेथाति । विवेकोति तयो विवेका — कायविवेको, चित्तविवेको, उपधिविवेको । कतमो कायविवेको...पे०... अयं उपधिविवेको । कायविवेको च विवेकट्टकायानं नेक्खम्माभिरतानं । चित्तविवेको च परिसुद्धचित्तानं परमवोदानप्पत्तानं । उपधिविवेको च निरूपधीनं पुग्गलानं विसङ्खारगतानं । **सिक्खाति** तिस्सो सिक्खा — अधिसीलसिक्खा, अधिचित्तसिक्खा, अधिपज्जासिक्खा...पे०... अयं अधिपज्जासिक्खा । **विवेकज्जेव सिक्खेथाति** विवेकज्जेव सिक्खेय्य आचरेय्य समाचरेय्य समादाय वत्तेय्याति — विवेकज्जेव सिक्खेथ ।

एतं अरियानमुत्तमन्ति । अरिया वुच्चन्ति बुद्धा च बुद्धसावका च पच्चेकबुद्धा च । अरियानं एतं अगं सेट्ठं विसिट्ठं पामोक्खं उत्तमं पवरं यदिदं विवेकचरियाति — एतं अरियानमुत्तमं ।

न तेन सेट्ठो मज्जेथाति । कायविवेकचरियाय उन्नतिं न करेय्य, उन्नमं न करेय्य, मानं न करेय्य, थामं न करेय्य, थम्भं न करेय्य, न तेन मानं जनेय्य, न तेन थद्धो अस्स पत्थद्धो पग्गहितसिरोति — तेन सेट्ठो न मज्जेथ ।

स वे निब्बानसन्तिकेति । सो निब्बानस्स सन्तिके सामन्ता आसन्ने अविदूरे उपकट्ठेति — स वे निब्बानसन्तिके ।

तेनाह भगवा —

“विवेकज्जेव सिक्खेथ, एतं अरियानमुत्तमं ।
न तेन सेट्ठो मज्जेथ, स वे निब्बानसन्तिके”ति ॥

**५८. रित्तस्स मुनिनो चरतो, कामेसु अनपेक्खिनो ।
ओघतिण्णस्स पिहयन्ति, कामेसु गधिता पजा ॥**

रित्तस्स मुनिनो चरतोति । रित्तस्स विवित्तस्स पविवित्तस्स, कायदुच्चरितेन रित्तस्स विवित्तस्स पविवित्तस्स ।
वचीदुच्चरितेन...पे०... मनोदुच्चरितेन... रागेन... दोसेन... मोहेन... कोधेन... उपनाहेन... मक्खेन... पळासेन... इस्साय...
मच्छरियेन... मायाय... साठेय्येन... थम्भेन... सारम्भेन... मानेन... अतिमानेन... मदेन... पमादेन... सब्बकिलेसेहि...
सब्बदुच्चरितेहि... सब्बदरथेहि... सब्बपरिळाहेहि... सब्बसन्तापेहि... सब्बाकुसलाभिसङ्गारेहि रित्तस्स विवित्तस्स
पविवित्तस्स । मुनिनोति । मोनं वुच्चति जाणं...पे०... सङ्गजालमतिच्च सो मुनि । चरतोति चरतो विहरतो इरियतो वत्ततो
पालयतो यपयतो यापयतोति — रित्तस्स मुनिनो चरतो ।

कामेसु अनपेक्खिनोति । कामाति उद्धानतो द्वे कामा — वत्थुकामा च किलेसकामा च...पे०... इमे वुच्चन्ति
वत्थुकामा...पे०... इमे वुच्चन्ति किलेसकामा । वत्थुकामे परिजानित्वा किलेसकामे पहाय पजहित्वा विनोदेत्वा ब्यन्तिं
करित्वा अनभावं गमेत्वा कामेसु अनपेक्खमानो चत्तकामो वन्तकामो मुत्तकामो पहीनकामो पटिनिस्सट्ठकामो, वीतरागो
चत्तरागो वन्तरागो मुत्तरागो पहीनरागो पटिनिस्सट्ठरागो निच्छातो निब्बुतो सीतिभूतो [सीतीभूतो (सी०)] सुखप्पटिसंवेदी
ब्रह्मभूतेन अत्तना विहरतीति — कामेसु अनपेक्खिनो ।

ओघतिण्णस्स पिहयन्ति, कामेसु गधिता पजाति । पजाति सत्ताधिवचनं पजा कामेसु रत्ता गिद्धा गधिता मुच्छिता
अज्झोसन्ना लग्गा लग्गिता पलिबुद्धा । ते कामोघं तिण्णस्स भवोघं तिण्णस्स दिट्ठोघं तिण्णस्स अविज्जोघं तिण्णस्स
सब्बसङ्खारपथं तिण्णस्स उत्तिण्णस्स नित्तिण्णस्स अतिक्कन्तस्स समतिक्कन्तस्स वीतिवत्तस्स पारं गतस्स पारं पत्तस्स
अन्तं गतस्स अन्तं पत्तस्स कोटिं गतस्स कोटिं पत्तस्स परियन्तं गतस्स परियन्तं पत्तस्स वोसानं गतस्स वोसानं पत्तस्स
ताणं गतस्स ताणं पत्तस्स लेणं गतस्स लेणं पत्तस्स सरणं गतस्स सरणं पत्तस्स अभयं गतस्स अभयं पत्तस्स अच्चुतं
गतस्स अच्चुतं पत्तस्स अमत्तं गतस्स अमत्तं पत्तस्स निब्बानं गतस्स निब्बानं पत्तस्स इच्छन्ति सादियन्ति पत्थयन्ति
पिहयन्ति अभिजप्पन्ति । यथा इणायिका आनण्यं [आणण्यं (अट्ठ०)] पत्थेन्ति पिहयन्ति, यथा आबाधिका आरोग्यं पत्थेन्ति
पिहयन्ति, यथा बन्धनबद्धा बन्धनमोक्खं पत्थेन्ति पिहयन्ति, यथा दासा भुजिस्सं पत्थेन्ति पिहयन्ति, यथा
कन्तारब्धानपक्खन्दा [कन्तारब्धानपक्खन्ता (सी०), कन्तारब्धानपक्खन्ता (स्या०)] खेमन्तभूमिं पत्थेन्ति पिहयन्ति; एवमेवं
पजा कामेसु रत्ता गिद्धा गधिता मुच्छिता अज्झोसन्ना लग्गा लग्गिता पलिबुद्धा ते कामोघं तिण्णस्स भवोघं तिण्णस्स...पे०...
निब्बानं गतस्स निब्बानं पत्तस्स इच्छन्ति सादियन्ति पत्थयन्ति पिहयन्ति अभिजप्पन्तीति — ओघतिण्णस्स पिहयन्ति,
कामेसु गधिता पजा ।

तेनाह भगवा —

“रित्तस्स मुनिनो चरतो, कामेसु अनपेक्खिनो ।
ओघतिण्णस्स पिहयन्ति, कामेसु गधिता पजा”ति ॥

तिस्समेत्तेय्यसुत्तनिद्देशो सत्तमो ।

८. पसूरसुत्तनिद्देशो

अथ पसूरसुत्तनिद्देशं वक्खति —

५९. इधेव सुद्धिं इति वादयन्ति, नाञ्जेसु धम्मेसु विसुद्धिमाहु ।

यं निस्सिता तत्थ सुभं वदाना, पच्चेकसच्चेसु पुथू निविट्ठा ॥

इधेव सुद्धिं इति वादयन्तीति । इधेव सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्ति । “सस्सतो लोको, इदमेव सच्चं मोघमञ्ज”न्ति सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्ति । “असस्सतो लोको ... अन्तवा लोको... अनन्तवा लोको... तं जीवं तं सरीरं... अञ्जं जीवं अञ्जं सरीरं... होति तथागतो परं मरणा... न होति तथागतो परं मरणा... होति च न च होति तथागतो परं मरणा... नेव होति न न होति तथागतो परं मरणा, इदमेव सच्चं मोघमञ्ज”न्ति सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — इधेव सुद्धिं इति वादयन्ति ।

नाञ्जेसु धम्मेसु विसुद्धिमाहुति । अत्तनो सत्थारं धम्मक्खानं गणं दिट्ठिं पटिपदं मगं ठपेत्वा सब्बे परवादे खिपन्ति उक्खिपन्ति परिक्खिपन्ति । “सो सत्था न सब्बञ्जू, धम्मो न स्वाक्खातो, गणो न सुप्पटिपन्नो, दिट्ठि न भट्ठिका, पटिपदा न सुपज्जत्ता, मगो न निय्यानिको, नत्थेत्थ सुद्धि वा विसुद्धि वा परिसुद्धि वा मुत्ति वा विमुत्ति वा परिमुत्ति वा, न तत्थ सुज्झन्ति वा विसुज्झन्ति वा परिसुज्झन्ति वा मुच्चन्ति वा विमुच्चन्ति वा परिमुच्चन्ति वा, हीना निहीना ओमका लामका छतुक्का परिक्का”ति — एवमाहंसु एवं वदन्ति एवं कथेन्ति एवं भणन्ति एवं दीपयन्ति एवं वोहरन्तीति — नाञ्जेसु धम्मेसु विसुद्धिमाहु ।

यं निस्सिता तत्थ सुभं वदानाति । यं निस्सिताति यं सत्थारं धम्मक्खानं गणं दिट्ठिं पटिपदं मगं निस्सिता आनिस्सिता [पतिट्ठिता (सी०), सन्निस्सिता (स्या०)] अल्लीना उपगता अज्झोसिता अधिमुत्ता । तत्थाति सकाय दिट्ठिया सकाय खन्तिया सकाय रुचिया सकाय लद्धिया । सुभं वदानाति सुभवादा सोभनवादा पण्डितवादा थिरवादा [धीरवादा (स्या०)] जायवादा हेतुवादा लक्खणवादा कारणवादा ठानवादा सकाय लद्धियाति — यं निस्सिता तत्थ सुभं वदाना ।

पच्चेकसच्चेसु पुथू निविट्ठाति । पुथू समणब्राह्मणा पुथू पच्चेकसच्चेसु निविट्ठा पतिट्ठिता अल्लीना उपगता अज्झोसिता अधिमुत्ता । “सस्सतो लोको, इदमेव सच्चं मोघमञ्ज”न्ति निविट्ठा पतिट्ठिता अल्लीना उपगता अज्झोसिता अधिमुत्ता । “असस्सतो लोको... पे०... नेव होति न न होति तथागतो परं मरणा, इदमेव सच्चं मोघमञ्ज”न्ति निविट्ठा पतिट्ठिता अल्लीना उपगता अज्झोसिता अधिमुत्ताति — पच्चेकसच्चेसु पुथू निविट्ठा ।

तेनाह भगवा —

“इधेव सुद्धिं इति वादयन्ति, नाञ्जेसु धम्मेसु विसुद्धिमाहु ।

यं निस्सिता तत्थ सुभं वदाना, पच्चेकसच्चेसु पुथू निविट्ठा”ति ॥

६०. ते वादकामा परिसं विगृह्य, बालं दहन्ती मिथु अञ्जमञ्जं।

वदन्ति ते अञ्जसिता कथोज्जं, पसंसकामा कुसलावदाना॥

ते वादकामा परिसं विगृह्याति । ते वादकामाति ते वादकामा वादत्थिका वादाधिष्ण्याया वादपुरेक्खारा वादपरियेसनं चरन्ता । परिसं विगृह्याति खत्तियपरिसं ब्राह्मणपरिसं गहपतिपरिसं समणपरिसं विगृह्य ओगृह्य अज्झोगाहेत्वा पविसित्वाति — ते वादकामा परिसं विगृह्य ।

बालं दहन्ती मिथु अञ्जमञ्जन्ति । मिथूति द्वे जना द्वे कलहकारका द्वे भण्डनकारका द्वे भस्सकारका द्वे विवादकारका द्वे अधिकरणकारका द्वे वादिनो द्वे सल्लापका; ते अञ्जमञ्जं बालतो हीनतो निहीनतो ओमकतो लामकतो छतुक्कतो परित्ततो दहन्ति पस्सन्ति दक्खन्ति ओलोकेन्ति निज्झायन्ति उपपरिक्खन्तीति — बालं दहन्ती मिथु अञ्जमञ्जं ।

वदन्ति ते अञ्जसिता कथोज्जन्ति । अञ्जं सत्थारं धम्मक्खानं गणं दिट्ठिं पटिपदं मग्गं निस्सिता आनिस्सिता अल्लीना उपगता अज्झोसिता अधिमुत्ता । कथोज्जं वुच्चति कलहो भण्डनं विगृह्यो विवादो मेधगं । अथ वा कथोज्जन्ति अनोजवन्ती निसाकथा कथोज्जं वदन्ति, कलहं वदन्ति, भण्डनं वदन्ति, विगृह्यं वदन्ति, विवादं वदन्ति, मेधगं वदन्ति कथेन्ति भणन्ति दीपयन्ति वोहरन्तीति — वदन्ति ते अञ्जसिता कथोज्जं ।

पसंसकामा कुसलावदानाति । पसंसकामाति पसंसकामा पसंसत्थिका पसंसाधिष्ण्याया पसंसपुरेक्खारा पसंसपरियेसनं चरन्ता । कुसलावदानाति कुसलवादा पण्डितवादा थिरवादा जायवादा हेतुवादा लक्खणवादा कारणवादा ठानवादा सकाय लद्धियाति — पसंसकामा कुसलावदाना ।

तेनाह भगवा —

“ते वादकामा परिसं विगृह्य, बालं दहन्ती मिथु अञ्जमञ्जं ।
वदन्ति ते अञ्जसिता कथोज्जं, पसंसकामा कुसलावदाना”ति ॥

६१. युत्तो कथायं परिसाय मज्झे, पसंसमिच्छं विनिधाति होति।
अपाहतस्मिं पन मङ्कु होति, निन्दाय सो कुप्पति रन्धमेसी॥

युत्तो कथायं परिसाय मज्जेति । खत्तियपरिसाय वा ब्राह्मणपरिसाय वा गहपतिपरिसाय वा समणपरिसाय वा मज्झे अत्तनो कथायं युत्तो पयुत्तो आयुत्तो समायुत्तो सम्पयुत्तो कथेतुन्ति — युत्तो कथायं परिसाय मज्जे ।

पसंसमिच्छं विनिधाति होतीति । पसंसमिच्छन्ति पसंसं थोमनं कित्तिं वण्णहारियं इच्छन्तो सादियन्तो पत्थयन्तो पिहयन्तो अभिजप्पन्तो । विनिधाति होतीति पुब्बेव सल्लापा कथंकथी विनिधाती होति । “जयो नु खो मे भविस्सति, पराजयो नु खो मे भविस्सति, कथं निगृहं करिस्सामि, कथं पटिकम्मं करिस्सामि, कथं विसेसं करिस्सामि, कथं पटिविसेसं करिस्सामि, कथं आवेठियं [आवेधियं (स्या०)] करिस्सामि, कथं निब्बेठियं [निब्बेधियं (स्या० क०)] करिस्सामि, कथं छेदं करिस्सामि, कथं मण्डलं करिस्सामी”ति, एवं पुब्बेव सल्लापा कथंकथी विनिधाति होतीति — पसंसमिच्छं विनिधाति होती ।

अपाहतस्मिं पन मङ्कु होतीति । ये ते पञ्चवीमंसका परिसा पारिसज्जा पासारिका [पासनिका (स्या०)], ते अपहरन्ति । “अत्थापगतं भणितं”न्ति अत्थतो अपहरन्ति, “ब्यञ्जनापगतं भणितं”न्ति ब्यञ्जनतो अपहरन्ति, “अत्थब्यञ्जनापगतं भणितं”न्ति अत्थब्यञ्जनतो अपहरन्ति, “अत्थो ते दुन्नीतो, ब्यञ्जनं ते दुरोपितं, अत्थब्यञ्जनं ते दुन्नीतं दुरोपितं, निग्गहो ते अकतो, पटिकम्मं ते दुक्कटं, विसेसो ते अकतो, पटिविसेसो ते दुक्कटो, आवेठिया ते अकता, निब्बेठिया ते दुक्कटा, छेदो ते अकतो, मण्डलं ते दुक्कटं विसमकथं दुक्कथितं दुब्भणितं दुल्लपितं दुरुत्तं दुब्भासितं”न्ति अपहरन्ति । **अपाहतस्मिं पन मङ्कु होतीति ।** अपाहतस्मिं मङ्कु होति पीळितो घट्टितो ब्याधितो दोमनस्सितो होतीति — अपाहतस्मिं पन मङ्कु होति ।

निन्दाय सो कुप्पति रन्धमेसीति । निन्दाय गरहाय अकित्तिया अवण्णहारिकाय कुप्पति ब्यापज्जति पतिट्ठीयति, कोपञ्च दोसञ्च अप्पच्चयञ्च पातुकरोतीति — निन्दाय सो कुप्पति । **रन्धमेसीति** विरन्धमेसी अपरद्धमेसी खलितमेसी गळितमेसी विवरमेसीति — निन्दाय सो कुप्पति रन्धमेसी ।

तेनाह भगवा —

“युत्तो कथायं परिसाय मज्झे, पसंसमिच्छं विनिघाति होति ।
अपाहतस्मिं पन मङ्कु होति, निन्दाय सो कुप्पति रन्धमेसी”ति ॥

६२. यमस्स वादं परिहीनमाहु, अपाहतं पञ्चविमंसकासे [पञ्चविमंसका ये (स्या०)] ।

परिदेवति सोचति हीनवादो, उपच्चगा मन्ति अनुत्थुनाति ॥

यमस्स वादं परिहीनमाहुति यं तस्स वादं हीनं निहीनं परिहीनं परिहापितं न परिपूरितं, एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — यमस्स वादं परिहीनमाहु ।

अपाहतं पञ्चविमंसकासेति । ये ते पञ्चवीमंसका परिसा पारिसज्जा पासारिका, ते अपहरन्ति । “अत्थापगतं भणितं”न्ति अत्थतो अपहरन्ति, “ब्यञ्जनापगतं भणितं”न्ति ब्यञ्जनतो अपहरन्ति, “अत्थब्यञ्जनापगतं भणितं”न्ति अत्थब्यञ्जनतो अपहरन्ति, “अत्थो ते दुन्नीतो, ब्यञ्जनं ते दुरोपितं, अत्थब्यञ्जनं ते दुन्नीतं दुरोपितं, निग्गहो ते अकतो, पटिकम्मं ते दुक्कटं, विसेसो ते अकतो, पटिविसेसो ते दुक्कटो, आवेठिया ते अकता, निब्बेठिया ते दुक्कटा, छेदो ते अकतो, मण्डलं ते दुक्कटं विसमकथं दुक्कथितं दुब्भणितं दुल्लपितं दुरुत्तं दुब्भासितं”न्ति, अपहरन्तीति — अपाहतं पञ्चविमंसकासे ।

परिदेवति सोचति हीनवादोति । परिदेवतीति “अज्जं मया आवज्जितं अज्जं चिन्तितं अज्जं उपधारितं, अज्जं उपलक्खितं सो महापक्खो महापरिसो महापरिवारो; परिसा चायं वग्गा, न समग्गा; समग्गाय परिसाय हेतु कथासल्लापो पुन भज्जिस्सामी”ति, या एवरूपा [यो एवरूपो (स्या०)] वाचा पलापो विप्पलापो लालप्पो लालप्पायना लालप्पायितत्तन्ति — परिदेवति । **सोचतीति** “तस्स जयो”ति सोचति “मय्हं पराजयो”ति सोचति, “तस्स लाभो”ति सोचति, “मय्हं अलाभो”ति सोचति, “तस्स यसो”ति सोचति, “मय्हं अयसो”ति सोचति, “तस्स पसंसा”ति सोचति, “मय्हं निन्दा”ति सोचति, “तस्स सुख”न्ति सोचति, “मय्हं दुक्ख”न्ति सोचति, “सो सक्कतो गरुकतो मानितो पूजितो अपचितो लाभी चीवरपिण्डपातसेनासनगिलानपच्चयभेसज्जपरिक्खारानं, अहमस्मि असक्कतो अगुरुकतो अमानितो अपूजितो

अनपचितो न लाभी चीवरपिण्डपातसेनासनगिलानपच्चयभेसज्जपरिक्खारान’”न्ति सोचति किलमति परिदेवति उरत्ताळिं कन्दति सम्मोहं आपज्जतीति — परिदेवति सोचति । **हीनवादो**ति हीनवादो निहीनवादो परिहीनवादो परिहापितवादो न परिपूरवादोति — परिदेवति सोचति हीनवादो ।

उपच्चगा मन्ति अनुत्थुनातीति । सो मं वादेन वादं अच्चगा उपच्चगा अतिक्कन्तो समतिक्कन्तो वीतिवत्तोति । एवम्पि उपच्चगा मन्ति । अथ वा मं वादेन वादं अभिभवित्वा अज्झोत्थरित्वा परियादियित्वा मद्दयित्वा चरति विहरति इरियति वत्तति पालेति यपेति यापेतीति । एवम्पि उपच्चगा मन्ति । अनुत्थुना वुच्चति वाचा पलापो विप्पलापो लालप्पो लालप्पायना लालप्पायितत्तन्ति — उपच्चगा मन्ति अनुत्थुनाति ।

तेनाह भगवा —

“यमस्स वादं परिहीनमाहु, अपाहतं पज्जविमंसकासे ।
परिदेवति सोचति हीनवादो, उपच्चगा मन्ति अनुत्थुनाती”ति ॥

**६३. एते विवादा समणेसु जाता, एतेसु उग्घातिनिघाति होति ।
एतम्पि दिस्वा विरमे कथोज्जं, न हज्जदत्थत्थि पसंसलाभा ॥**

एते विवादा समणेसु जाताति । समणाति ये केचि इतो बहिद्वा परिब्बजूपगता परिब्बजसमापन्ना । एते दिट्ठिकलहा दिट्ठिभण्डना दिट्ठिविग्गहा दिट्ठिविवादा दिट्ठिमेधगा समणेसु जाता सज्जाता निब्बत्ता अभिनिब्बत्ता पातुभूताति — एते विवादा समणेसु जाता ।

एतेसु उग्घातिनिघाति होतीति । जयपराजयो होति, लाभालाभो होति, यसायसो होति, निन्दापसंसा होति, सुखदुक्खं होति, सोमनस्सदोमनस्सं होति, इट्ठानिट्ठं होति, अनुनयपटिघं होति, उग्घातितनिग्घातितं होति, अनुरोधविरोधो होति, जयेन चित्तं उग्घातितं होति पराजयेन चित्तं निग्घातितं होति, लाभेन चित्तं उग्घातितं होति अलाभेन चित्तं निग्घातितं होति, यसेन चित्तं उग्घातितं होति अयसेन चित्तं निग्घातितं होति, पसंसाय चित्तं उग्घातितं होति निन्दाय चित्तं निग्घातितं होति, सुखेन चित्तं उग्घातितं होति दुक्खेन चित्तं निग्घातितं होति, सोमनस्सेन चित्तं उग्घातितं होति दोमनस्सेन चित्तं निग्घातितं होति, उन्नतिया [उण्णतिया (स्या० क०)] चित्तं उग्घातितं होति ओनतिया [ओणतिया (स्या० क०)] चित्तं निग्घातितं होतीति — एतेसु उग्घातिनिघाति होतीति ।

एतम्पि दिस्वा विरमे कथोज्जन्ति । एतम्पि दिस्वाति एतं आदीनवं दिस्वा पस्सित्वा तुलयित्वा तीरयित्वा विभावयित्वा विभूतं कत्वा दिट्ठिकलहेसु दिट्ठिभण्डनेसु दिट्ठिविग्गहेसु दिट्ठिविवादेसु दिट्ठिमेधगेसूति — **एतम्पि दिस्वा विरमे कथोज्जन्ति । कथोज्जं** वुच्चति कलहो भण्डनं विग्गहो विवादो मेधगं । अथ वा **कथोज्जन्ति** अनोजवन्ती निसाकथा कथोज्जं न करेय्य, कलहं न करेय्य, भण्डनं न करेय्य, विग्गहं न करेय्य, विवादं न करेय्य, मेधगं न करेय्य, कलहभण्डनविग्गहविवादमेधगं पजहेय्य विनोदेय्य ब्यन्तिं करेय्य अनभावं गमेय्य, कलहभण्डनविग्गहविवादमेधगा आरतो अस्स विरतो पटिविरतो निक्खन्तो निस्सटो विप्पयुत्तो विसज्जुत्तो विमरियादिकतेन चेतसा विहरेय्याति — एतम्पि दिस्वा विरमे कथोज्जं ।

न हज्जदत्थत्थि पसंसलाभाति । पसंसलाभा अज्जो अत्थो नत्थि अत्तत्थो वा परत्थो वा उभयत्थो वा दिट्ठधम्मिको वा अत्थो, सम्परायिको वा अत्थो, उत्तानो वा अत्थो, गम्भीरो वा अत्थो, गूळ्हो वा अत्थो, पटिच्छन्नो वा अत्थो, नेय्यो वा अत्थो, नीतो वा अत्थो, अनवज्जो वा अत्थो, निक्किलेसो वा अत्थो, वोदानो वा अत्थो, परमत्थो वा अत्थो नत्थि न सन्ति न संविज्जन्ति नुपलब्धन्तीति — न हज्जदत्थत्थि पसंसलाभा ।

तेनाह भगवा —

“एते विवादा समणेषु जाता, एतेसु उग्घातिनिघाति होति ।
एतम्पि दिस्वा विरमे कथोज्जं, न हज्जदत्थत्थि पसंसलाभा”ति ॥

६४. पसंसितो वा पन तत्थ होति, अक्खाय वादं परिसाय मज्झे ।

सो [सो तं (सी०)] हस्सती उन्नमती [उण्णमती (स्या० क०)] च तेन, पप्पुय्य तमत्थं यथा मनो अहु ॥

पसंसितो वा पन तत्थ होतीति । तत्थाति सकाय दिट्ठिया सकाय खन्तिया सकाय रुचिया सकाय लद्धिया पसंसितो थोमितो कित्तितो वण्णितो होतीति — पसंसितो वा पन तत्थ होति ।

अक्खाय वादं परिसाय मज्झेति । खत्तियपरिसाय वा ब्राह्मणपरिसाय वा गहपतिपरिसाय वा समणपरिसाय वा मज्झे अत्तनो वादं अक्खाय आचिक्खित्वा अनुवादं अक्खाय आचिक्खित्वा थम्भयित्वा ब्रूहयित्वा दीपयित्वा जोतयित्वा वोहरित्वा परिगग्हित्वाति — अक्खाय वादं परिसाय मज्झे ।

सो हस्सती उन्नमती च तेनाति । सो तेन जयत्थेन तुट्ठो होति हट्ठो पहट्ठो अत्तमनो परिपुण्णसङ्कप्पो । अथ वा दन्तविदंसकं हसमानो । सो हस्सती उन्नमती च तेनाति सो तेन जयत्थेन उन्नतो होति उन्नमो धजो सम्पग्गाहो केतुकम्यता चित्तस्साति — सो हस्सती उन्नमती च तेन ।

पप्पुय्य तमत्थं यथा मनो अहूति । तं जयत्थं पप्पुय्य पापुणित्वा अधिगन्त्वा विन्दित्वा पटिलभित्वा । यथा मनो अहूति यथा मनो अहु, यथा चित्तो अहु, यथा सङ्कप्पो अहु, यथा विज्जाणो अहूति — पप्पुय्य तमत्थं यथा मनो अहु ।

तेनाह भगवा —

“पसंसितो वा पन तत्थ होति, अक्खाय वादं परिसाय मज्झे ।
सो हस्सती उन्नमती च तेन, पप्पुय्य तमत्थं यथा मनो अहु”ति ॥

६५. या उन्नती सास्स विघातभूमि, मानातिमानं वदते पनेसो ।

एतम्पि दिस्वा न विवादयेथ, न हि तेन सुद्धिं कुसला वदन्ति ॥

या उन्नती सास्स विघातभूमीति । या उन्नति उन्नमो धजो सम्पग्गाहो केतुकम्यता चित्तस्साति — या उन्नति । सास्स विघातभूमीति सा तस्स विघातभूमि उपघातभूमि पीळनभूमि घट्टनभूमि उपद्ववभूमि उपसगगभूमीति — या उन्नती सास्स विघातभूमि ।

मानातिमानं वदते पनेसोति । सो पुगुगलो मानञ्च वदति अतिमानञ्च वदतीति — मानातिमानं वदते पनेसो ।

एतम्पि दिस्वा न विवादयेथाति । एतं आदीनवं दिस्वा पस्सित्वा तुलयित्वा तीरयित्वा विभावयित्वा विभूतं कत्वा दिट्ठिकलहेसु दिट्ठिभण्डनेसु दिट्ठिविग्गहेसु दिट्ठिविवादेसु दिट्ठिमेधगेसूति — एतम्पि दिस्वा । **न विवादयेथाति** न कलहं करेय्य न भण्डनं करेय्य न विग्गहं करेय्य न विवादं करेय्य, न मेधगं करेय्य, कलहभण्डनविग्गहविवादमेधगं पजहेय्य विनोदेय्य ब्यन्तिं करेय्य अनभावं गमेय्य, कलहभण्डनविग्गहविवादमेधगा आरतो अस्स विरतो पटिविरतो निक्खन्तो निस्सटो विप्पयुत्तो विसज्जुत्तो विमरियादिकतेन चेतसा विहरेय्याति — एतम्पि दिस्वा न विवादयेथ ।

न हि तेन सुद्धिं कुसला वदन्तीति । कुसलाति ये ते खन्धकुसला धातुकुसला आयतनकुसला पटिच्चसमुप्पादकुसला सतिपट्टानकुसला सम्मप्पधानकुसला इद्धिपादकुसला इन्द्रियकुसला बलकुसला बोज्झङ्गकुसला मग्गकुसला फलकुसला निब्बानकुसला, ते कुसला दिट्ठिकलहेन दिट्ठिभण्डनेन दिट्ठिविग्गहेन दिट्ठिविवादेन दिट्ठिमेधगेन सुद्धिं विसुद्धिं परिसुद्धिं, मुत्तिं विमुत्तिं परिमुत्तिं न वदन्ति न कथेन्ति न भणन्ति न दीपयन्ति न वोहरन्तीति — न हि तेन सुद्धिं कुसला वदन्ति ।

तेनाह भगवा —

“या उन्नती सास्स विघातभूमि, मानातिमानं वदते पनेसो ।
एतम्पि दिस्वा न विवादयेथ, न हि तेन सुद्धिं कुसला वदन्ती”ति ॥

६६. सूरु यथा राजखादाय पुट्ठो, अभिगज्जमेति पटिसूरमिच्छं ।
येनेव सो तेन पलेहि सूर, पुब्बेव नत्थि यदिदं युधाय ॥

सूरु यथा राजखादाय पुट्ठोति । सूरुति सूरु वीरो विक्कन्तो अभीरू अछम्भी अनुत्रासी अपलायी । **राजखादाय पुट्ठोति** राजखादनीयेन राजभोजनीयेन पुट्ठो पोसितो अपादितो वट्ठितोति — सूरु यथा राजखादाय पुट्ठो ।

अभिगज्जमेति पटिसूरमिच्छन्ति । सो गज्जन्तो उगगज्जन्तो अभिगज्जन्तो एति उपेति उपगच्छति पटिसूरं पटिपुरिसं पटिसत्तुं पटिमल्लं इच्छन्तो सादियन्तो पत्थयन्तो पिहयन्तो अभिजप्पन्तोति — अभिगज्जमेति पटिसूरमिच्छं ।

येनेव सो तेन पलेहि सूरुति । येनेव सो दिट्ठिगतिको तेन पलेहि, तेन वज, तेन गच्छ, तेन अतिक्कम, सो तुय्हं पटिसूरु पटिपुरिसो पटिसत्तु पटिमल्लोति — येनेव सो तेन पलेहि सूर ।

पुब्बेव नत्थि यदिदं युधायति । पुब्बेव बोधिया मूले ये पटिसेनिकरा किलेसा पटिलोमकरा पटिकण्डककरा पटिपक्खकरा ते नत्थि न सन्ति न संविज्जन्ति नुपलब्धन्ति, पहीना समुच्छिन्ना वूपसन्ता पटिपस्सद्भा अभम्बुप्पत्तिका जाणग्गिना दट्ठा । **यदिदं युधायति** यदिदं युद्धत्थाय कलहत्थाय भण्डनत्थाय विग्गहत्थाय विवादत्थाय मेधगत्थायाति — पुब्बेव नत्थि यदिदं युधाय ।

तेनाह भगवा —

“सूरो यथा राजखादाय पुट्टो, अभिगज्जमेति पटिसूरमिच्छं ।
येनेव सो तेन पलेहि सूर, पुब्बेव नत्थि यदिदं युधाया”ति ॥

**६७. ये दिट्ठिमुग्गह विवादयन्ति, इदमेव सच्चन्ति च वादयन्ति ।
ते त्वं वदस्सू न हि तेध अत्थि, वादम्हि जाते पटिसेनिकत्ता ॥**

ये दिट्ठिमुग्गह विवादयन्तीति ये द्वासट्ठिदिट्ठिगतानं अज्जतरज्जतरं दिट्ठिगतं गहेत्वा गण्हित्वा उग्गण्हित्वा परामसित्वा अभिनिविसित्वा विवादयन्ति कलहं करोन्ति भण्डनं करोन्ति ‘विग्गहं करोन्ति विवादं करोन्ति, मेधगं करोन्ति — “न त्वं इमं धम्मविनयं आजानासि, अहं इमं धम्मविनयं आजानामि, किं त्वं इमं धम्मविनयं आजानिस्ससि, मिच्छापटिपन्नो त्वमसि, अहमस्मि सम्मापटिपन्नो, सहितं मे, असहितं ते, पुरे वचनीयं पच्छा अवच, पच्छा वचनीयं पुरे अवच, अधिचिण्णं ते विपरावत्तं, आरोपितो ते वादो, निग्गहितो त्वमसि, चर वादप्पमोक्खाय, निब्बेठेहि वा सचे पहोसी”ति — ये दिट्ठिमुग्गह विवादयन्ति ।

इदमेव सच्चन्ति च वादयन्तीति । “सस्सतो लोको, इदमेव सच्चं मोघमज्ज”न्ति वादयन्ति कथेन्ति भणन्ति दीपयन्ति वोहरन्ति । “असस्सतो लोको...पे०... नेव होति न न होति तथागतो परं मरणा, इदमेव सच्चं मोघमज्ज”न्ति वादयन्ति कथेन्ति भणन्ति दीपयन्ति वोहरन्तीति — इदमेव सच्चन्ति च वादयन्ति ।

ते त्वं वदस्सू न हि तेध अत्थि, वादम्हि जाते पटिसेनिकत्ताति । ते त्वं दिट्ठिगतिके वदस्सु वादेन वादं, निग्गहेन निग्गहं, पटिकम्मेन पटिकम्मं, विसेसेन विसेसं, पटिविसेसेन पटिविसेसं, आवेठियाय आवेठियं, निब्बेठियाय निब्बेठियं, छेदेन छेदं, मण्डलेन मण्डलं, ते तुय्हं पटिसूरा पटिपुरिसा पटिसत्तू पटिमल्लाति — ते त्वं वदस्सू न हि तेध अत्थि । वादम्हि जाते पटिसेनिकत्ताति । वादे जाते सज्जाते निब्बत्ते अभिनिब्बत्ते पातुभूतेयेव पटिसेनिकत्ता [पटिसेनिकत्ता (क०), एवं सेसेसु तीसु पदेसुपि] पटिलोमकत्ता पटिभण्डकत्ता पटिपक्खकत्ता कलहं करेय्युं भण्डनं करेय्युं विग्गहं करेय्युं विवादं करेय्युं मेधगं करेय्युं, ते नत्थि न सन्ति न संविज्जन्ति नुपलब्धन्ति, पहीना...पे०... जाणग्गिना दड्ढाति — ते त्वं वदस्सू न हि तेध अत्थि वादम्हि जाते पटिसेनिकत्ता ।

तेनाह भगवा —

“ये दिट्ठिमुग्गह विवादयन्ति, इदमेव सच्चन्ति च वादयन्ति ।
ते त्वं वदस्सू न हि तेध अत्थि, वादम्हि जाते पटिसेनिकत्ता”ति ॥

**६८. विसेनिकत्वा पन ये चरन्ति, दिट्ठीहि दिट्ठिं अविरुज्झमाना ।
तेसु त्वं किं लभेथ पसूर, येसीध नत्थि परमुग्गहीतं ॥**

विसेनिकत्वा पन ये चरन्तीति । सेना वुच्चति मारसेना । कायदुच्चरितं मारसेना, वचीदुच्चरितं मारसेना, मनोदुच्चरितं मारसेना, लोभो मारसेना, दोसो मारसेना, मोहो मारसेना, कोधो... उपनाहो... मक्खो... पळासो... इस्सा... मच्छरियं... माया... साठेय्यं... थम्भो... सारम्भो... मानो... अतिमानो... मदो... पमादो... सब्बे किलेसा... सब्बे दुच्चरिता... सब्बे दरथा... सब्बे परिळाहा... सब्बे सन्तापा... सब्बाकुसलाभिसङ्खारा मारसेना ।

वृत्तज्हेतं भगवता —

“कामा ते पठमा सेना, दुतिया अरति वुच्चति...पे०... ।

न नं असुरो जिनाति, जेत्वाव लभते सुख”न्ति ॥

यतो चतूहि अरियमग्गेहि सब्बा च मारसेना सब्बे च पटिसेनिकरा किलेसा जिता च पराजिता च भग्गा विप्पलुग्गा परम्मुखा, तेन वुच्चति विसेनिकत्वाति । येति अरहन्तो खीणासवा । चरन्तीति चरन्ति विहरन्ति इरियन्ति वत्तेन्ति पालेन्ति यपेन्ति यापेन्तीति — विसेनिकत्वा पन ये चरन्ति ।

दिट्ठीहि दिट्ठिं अविरुज्झमानाति । येसं द्वासट्ठि दिट्ठिगतानि पहीनानि समुच्छिन्नानि वूपसन्तानि पटिपस्सद्धानि अभब्बुप्पत्तिकानि जाणग्गिना दड्ढानि, ते दिट्ठीहि दिट्ठिं अविरुज्झमाना अप्पटिविरुज्झमाना अप्पहीयमाना अप्पटिहज्जमाना अप्पटिहतमानाति — दिट्ठीहि दिट्ठिं अविरुज्झमाना ।

तेसु त्वं किं लभेथ पसूराति । तेसु अरहन्तेसु खीणासवेसु किं लभेथ पटिसूरं पटिपुरिसं पटिसत्तुं पटिमल्लन्ति — तेसु त्वं किं लभेथ पसूर ।

येसीध नत्थि परमुग्गहीतन्ति । येसं अरहन्तानं खीणासवानं “इदं परमं अगं सेट्ठं विसिट्ठं पामोक्खं उत्तमं पवर”न्ति गहितं परामट्ठं अभिनिविट्ठं अज्झोसितं अधिमुत्तं, नत्थि न सन्ति न संविज्जन्ति नुपलब्धन्ति, पहीनं समुच्छिन्नं वूपसन्तं पटिपस्सद्दं अभब्बुप्पत्तिकं जाणग्गिना दड्ढन्ति — येसीध नत्थि परमुग्गहीतं ।

तेनाह भगवा —

“विसेनिकत्वा पन ये चरन्ति, दिट्ठीहि दिट्ठिं अविरुज्झमाना ।

तेसु त्वं किं लभेथ पसूर, येसीध नत्थि परमुग्गहीत”न्ति ॥

६९. अथ त्वं पवितक्कमागमा, [पवितक्कमागम (सी०), सवितक्कमागमा (क०)] मनसा दिट्ठिगतानि चिन्तयन्तो ।

धोनेन युगं समागमा, न हि त्वं सक्खसि सम्पयातवे ॥

अथ त्वं पवितक्कमागमाति । अथाति पदसन्धि पदसंसग्गो पदपारिपूरी अक्खरसमवायो ब्यञ्जनसिलिट्ठता पदानुपुब्बतापेतं — अथाति । पवितक्कमागमाति तक्केन्तो वितक्केन्तो सङ्कप्पेन्तो “जयो नु खो मे भविस्सति, पराजयो नु खो मे भविस्सति, कथं निग्गहं करिस्सामि, कथं पटिकम्मं करिस्सामि, कथं विसेसं करिस्सामि, कथं पटिविसेसं करिस्सामि, कथं आवेठियं करिस्सामि, कथं निब्बेठियं करिस्सामि, कथं छेदं करिस्सामि, कथं मण्डलं करिस्सामि” एवं तक्केन्तो वितक्केन्तो सङ्कप्पेन्तो आगतोसि उपगतोसि सम्पत्तोसि मया सद्धिं समागतोसीति — अथ त्वं पवितक्कमागमा ।

मनसा दिट्ठिगतानि चिन्तयन्तोति । मनोति यं चित्तं मनो मानसं हृदयं पण्डरं, मनो मनायतनं मनिन्द्रियं विज्जाणं विज्जाणक्खन्धो तज्जा मनोविज्जाणधातु । चित्तेन दिट्ठिं चिन्तेन्तो विचिन्तेन्तो “सस्सतो लोको”ति वा, “असस्सतो लोको”ति वा...पे०... “नेव होति न न होति तथागतो परं मरणा”ति वाति — मनसा दिट्ठिगतानि चिन्तयन्तो ।

धोनेन युगं समागमा, न हि त्वं सक्खसि सम्पयातवेति । धोना वुच्चति पज्जा । या पज्जा पजानना...पे०... अमोहो धम्मविचयो सम्मादिट्ठि । किंकारणा धोना वुच्चति पज्जा? ताय पज्जाय कायदुच्चरितं धुतज्ज धोतज्ज सन्धोतज्ज निद्धोतज्ज, वचीदुच्चरितं...पे०... सब्बाकुसलाभिसङ्गारा धुता च धोता च सन्धोता च निद्धोता च । अथ वा सम्मादिट्ठिया मिच्छादिट्ठि... सम्मासङ्कप्पेन मिच्छासङ्कप्पो...पे०... सम्माविमुत्तिया मिच्छाविमुत्ति धुता च धोता च सन्धोता च निद्धोता च । अथ वा अरियेन अट्ठङ्गिकेन मग्गेन सब्बे किलेसा... सब्बे दुच्चरिता... सब्बे दरथा... सब्बे परिळाहा... सब्बे सन्तापा... सब्बाकुसलाभिसङ्गारा धुता च धोता च सन्धोता च निद्धोता च । भगवा इमेहि धोनेय्येहि धम्मेहि उपेतो समुपेतो उपगतो समुपगतो उपपन्नो समुपपन्नो समन्नागतो, तस्मा भगवा धोना । सो धुतरागो धुतपापो धुतकिलेसो धुतपरिळाहोति — धोनाति ।

धोनेन युगं समागमा, न हि त्वं सक्खसि सम्पयातवेति । पसूरो परिब्बाजको न पटिबलो धोनेन बुद्धेन भगवता सद्धिं युगं समागमं समागन्त्वा युगगाहं गणित्वा साकच्छेतुं सल्लपितुं साकच्छं समापज्जितुं । तं किस्स हेतु? पसूरो परिब्बाजको हीनो निहीनो ओमको लामको छतुक्को परित्तो । सो हि भगवा अग्गो च सेट्ठो च विसिट्ठो च पामोक्खो च उत्तमो च पवरो च । यथा ससो न पटिबलो मत्तेन मातङ्गेन सद्धिं युगं समागमं समागन्त्वा युगगाहं गणितुं; यथा कोत्थुको न पटिबलो सीहेन मिगरज्जा सद्धिं युगं समागमं समागन्त्वा युगगाहं गणितुं; यथा वच्छको तरुणको धेनुपको न पटिबलो उसभेन चलककुना [बलक्ककुना (स्या०)] सद्धिं युगं समागमं समागन्त्वा युगगाहं गणितुं; यथा धङ्को न पटिबलो गरुळेन वेनतेय्येन सद्धिं युगं समागमं समागन्त्वा युगगाहं गणितुं; यथा चण्डालो न पटिबलो रज्जा चक्कवत्तिना सद्धिं युगं समागमं समागन्त्वा युगगाहं गणितुं; यथा पंसुपिसाचको न पटिबलो इन्देन देवरज्जा सद्धिं युगं समागमं समागन्त्वा युगगाहं गणितुं; एवमेव पसूरो परिब्बाजको न पटिबलो धोनेन बुद्धेन भगवता सद्धिं युगं समागमं समागन्त्वा युगगाहं गणित्वा साकच्छेतुं सल्लपितुं साकच्छं समापज्जितुं । तं किस्स हेतु? पसूरो परिब्बाजको हीनपज्जो निहीनपज्जो ओमकपज्जो लामकपज्जो छतुक्कपज्जो परित्तपज्जो । सो हि भगवा महापज्जो पुथुपज्जो हासपज्जो जवनपज्जो तिक्खपज्जो निब्बेधिकपज्जो, पज्जापभेदकुसलो पभिन्नजाणो अधिगतपटिसम्भिदो, चतुवेसारज्जप्पत्तो दसबलधारी, पुरिसासभो पुरिससीहो पुरिसनागो पुरिसाज्जो पुरिसधोरहो, अनन्तजाणो अनन्ततेजो अनन्तयसो अट्ठो महद्धनो धनवा, नेता विनेता अनुनेता, पज्जापेता निज्झापेता पेक्खेता पसादेता । सो हि भगवा अनुप्पन्नस्स मग्गस्स उप्पादेता, असज्जातस्स मग्गस्स सज्जनेता, अनक्खातस्स मग्गस्स अक्खाता, मग्गज्जू मग्गविदू मग्गकोविदो मग्गानुगा च पनस्स एतरहि सावका विहरन्ति पच्छा समन्नागता ।

सो हि भगवा जानं जानाति पस्सं पस्सति, चक्खुभूतो जाणभूतो धम्मभूतो ब्रह्मभूतो, वत्ता पवत्ता अत्थस्स निन्नेता अमतस्स दाता धम्मस्सामी तथागतो; नत्थि तस्स भगवतो अज्जातं अदिट्ठं अविदितं असच्छिकतं अफस्सितं [अफुसितं (स्या०)] पज्जाय । अतीतं अनागतं पच्चुप्पन्नं उपादाय सब्बे धम्मा सब्बाकारेन बुद्धस्स भगवतो जाणमुखे आपाथं आगच्छन्ति । यं किञ्चि नेय्यं नाम अत्थि धम्मं जानितब्बं । अत्तत्थो वा परत्थो वा उभयत्थो वा दिट्ठधम्मिको वा अत्थो, सम्परायिको वा अत्थो, उत्तानो वा अत्थो, गम्भीरो वा अत्थो, गूळहो वा अत्थो, पटिच्छन्नो वा अत्थो, नेय्यो वा अत्थो, नीतो वा अत्थो, अनवज्जो वा अत्थो, निक्किलेसो वा अत्थो, वोदानो वा अत्थो, परमत्थो वा अत्थो, सब्बं तं अन्तोबुद्धजाणे परिवत्ति ।

सब्बं कायकम्मं बुद्धस्स भगवतो जाणानुपरिवत्ति, सब्बं वचीकम्मं जाणानुपरिवत्ति, सब्बं मनोकम्मं जाणानुपरिवत्ति । अतीते बुद्धस्स भगवतो अप्पटिहतं जाणं, अनागते अप्पटिहतं जाणं, पच्चुप्पन्ने अप्पटिहतं जाणं, यावतकं नेय्यं तावतकं

जाणं, यावतकं जाणं तावतकं नेय्यं, नेय्यपरियन्तिकं जाणं, जाणपरियन्तिकं नेय्यं, नेय्यं अतिक्कमित्वा जाणं नप्पवत्तति, जाणं अतिक्कमित्वा नेय्यपथो नत्थि । अज्जमज्जपरियन्तद्वायिनो ते धम्मा । यथा द्विन्नं समुग्गपटलानं सम्मा फुसितानं हेट्ठिमं समुग्गपटलं उपरिमं नातिवत्तति, उपरिमं समुग्गपटलं हेट्ठिमं नातिवत्तति अज्जमज्जपरियन्तद्वायिनो; एवमेव बुद्धस्स भगवतो नेय्यञ्च जाणञ्च अज्जमज्जपरियन्तद्वायिनो; यावतकं नेय्यं तावतकं जाणं, यावतकं जाणं तावतकं नेय्यं, नेय्यपरियन्तिकं जाणं, जाणपरियन्तिकं नेय्यं, नेय्यं अतिक्कमित्वा जाणं नप्पवत्तति, जाणं अतिक्कमित्वा नेय्यपथो नत्थि । अज्जमज्जपरियन्तद्वायिनो ते धम्मा सब्बधम्मेषु बुद्धस्स भगवतो जाणं पवत्तति ।

सब्बे धम्मा बुद्धस्स भगवतो आवज्जनपटिबद्धा आकङ्खपटिबद्धा मनसिकारपटिबद्धा चित्तुप्पादपटिबद्धा । सब्बसत्तेसु बुद्धस्स भगवतो जाणं पवत्तति, सब्बेसञ्च सत्तानं भगवा आसयं जानाति अनुसयं जानाति चरितं जानाति अधिमुत्तिं जानाति । अप्परजक्खे महारजक्खे तिक्खिन्द्रिये मुदिन्द्रिये स्वाकारे द्वाकारे सुविज्जापये दुविज्जापये भब्बाभब्बे सत्ते पजानाति । सदेवको लोको समारको सब्रह्मको सस्समणब्राह्मणी पजा सदेवमनुस्सा अन्तोबुद्धजाणे परिवत्तति ।

यथा ये केचि मच्छकच्छपा अन्तमसो तिमितिमिङ्गलं उपादाय अन्तोमहासमुद्वे परिवत्तन्ति; एवमेव सदेवको लोको समारको सब्रह्मको सस्समणब्राह्मणी पजा सदेवमनुस्सा अन्तोबुद्धजाणे परिवत्तति । यथा ये केचि पक्खी अन्तमसो गरुळं वेनतेय्यं उपादाय आकासस्स पदेसे परिवत्तन्ति; एवमेव येषि ते सारिपुत्तसमा पज्जाय तेपि बुद्धजाणस्स पदेसे परिवत्तन्ति । बुद्धजाणं देवमनुस्सानं पज्जं फरित्वा अभिभवित्वा तिट्ठितियेव ।

येपि ते खत्तियपण्डिता ब्राह्मणपण्डिता गहपतिपण्डिता समणपण्डिता निपुणा कतपरप्पवादा वालवेधिरूपा । वोभिन्दन्ता [ते भिन्दन्ता (क०)] मज्जे चरन्ति पज्जागतेन दिट्ठिगतानि । ते पज्हे अभिसङ्खरित्वा अभिसङ्खरित्वा तथागते उपसङ्कमित्वा पुच्छन्ति गूळहानि च पटिच्छन्नानि च । कथिता विसज्जिताव ते पज्हा भगवता होन्ति निद्धिट्टुकारणा उपक्खित्तका च । ते भगवतो सम्पज्जन्ति । अथ खो भगवाव तत्थ अतिरोचति यदिदं पज्जायाति — धोनेन युगं समागमा, न हि त्वं सक्खसि सम्पयातवे ।

तेनाह भगवा —

“अथ त्वं पवितक्कमागमा, मनसा दिट्ठिगतानि चिन्तयन्तो ।
धोनेन युगं समागमा, न हि त्वं सक्खसि सम्पयातवे”ति ॥

पसूरसुत्तनिद्देशो अट्ठमो ।

९. मागण्डियसुत्तनिद्देशो

अथ मागण्डियसुत्तनिद्देशं वक्खति —

७०. दिस्वान तण्हं अरतिं रगञ्च, नाहोसि छन्दो अपि मेथुनस्मिं ।
किमेविदं मुत्तकरीसपुण्णं, पादापि नं सम्फुसितुं न इच्छे ॥

दिस्वान तण्हं अरतिं रगञ्च, नाहोसि छन्दो अपि मेथुनस्मिन्ति । तण्हञ्च अरतिञ्च रगञ्च मारधीतरो दिस्वा

पस्सित्वा मेथुनधम्मे छन्दो वा रागो वा पेमं वा नाहोसीति — दिस्वान तण्हं अरतिं रगञ्च नाहोसि छन्दो अपि मेथुनस्मिं ।

किमेविदं मुत्तकरीसपुण्णं, पादापि नं सम्फुसितुं न इच्छेति । किमेविदं सरीरं मुत्तपुण्णं करीसपुण्णं सेम्हपुण्णं रुहरपुण्णं अट्टिसङ्घातन्हारुसम्बन्धं रुधिरमंसावलेपनं चम्मविनद्धं छविआ पटिच्छन्नं छिद्वावच्छिदं उग्घरन्तं पग्घरन्तं किमिसङ्घनिसेवितं नानाकलिमलपरिपूरं पादेन अक्कमितुं न इच्छेय्य, कुतो पन संवासो वा समागमो वाति — किमेविदं मुत्तकरीसपुण्णं, पादापि नं सम्फुसितुं न इच्छे । अनच्छरियञ्चेतं मनुस्सो दिब्बे कामे पत्थयन्तो मानुसके कामे न इच्छेय्य, मानुसके वा कामे पत्थयन्तो दिब्बे कामे न इच्छेय्य । यं त्वं उभोपि न इच्छसि न सादियासि न पत्थेसि न पिहेसि नाभिजप्पसि, किं ते दस्सनं, कतमाय त्वं दिट्ठिया समन्नागतोति पुच्छतीति ।

तेनाह भगवा —

“दिस्वान तण्हं अरतिं रगञ्च, नाहोसि छन्दो अपि मेथुनस्मिं ।
किमेविदं मुत्तकरीसपुण्णं, पादापि नं सम्फुसितुं न इच्छे”ति ॥

७१. एतादिसं चे रतनं न इच्छसि, नारिं नरिन्देहि बहूहि पत्थितं ।
दिट्ठिगतं सीलवतं नु जीवितं, भवूपपत्तिञ्च वदेसि कीदिसं ॥

७२. इदं वदामीति न तस्स होति, [मागण्डियाति [मागन्दियाति (सी० स्या०)] भगवा]
धम्मेसु निच्छेय्य समुग्गहीतं ।
पस्सञ्च दिट्ठीसु अनुग्गहाय, अज्झत्तसन्ति पचिनं अदस्सं ॥

इदं वदामीति न तस्स होतीति । इदं वदामीति इदं वदामि, एतं वदामि, एत्तकं वदामि, एत्तावता वदामि, इदं दिट्ठिगतं वदामि — “सस्सतो लोको”ति वा...पे०... “नेव होति न न होति तथागतो परं मरणा”ति वा । न तस्स होतीति न मय्हं होति, “एत्तावता वदामी”ति न तस्स होतीति — इदं वदामीति न तस्स होतीति ।

मागण्डियाति भगवा तं ब्राह्मणं नामेन आलपति । भगवाति गारवाधिवचनं...पे०... सच्छिका पज्जत्ति यदिदं भगवाति — मागण्डियाति भगवा ।

धम्मेसु निच्छेय्य समुग्गहीतन्ति । धम्मेसूति द्वासट्ठिया दिट्ठिगतेसु । निच्छेय्याति निच्छिनित्वा विनिच्छिनित्वा विचिनित्वा पविचिनित्वा तुलयित्वा तीरयित्वा विभावयित्वा विभूतं कत्वा, ओधिग्गाहो बिलग्गाहो वरग्गाहो कोट्टासग्गाहो उच्चयग्गाहो समुच्चयग्गाहो, “इदं सच्चं तच्छं तथं भूतं याथावं अविपरीत”न्ति गहितं परामट्ठं अभिनिविट्ठं अज्झोसितं अधिमुत्तं, नत्थि न सन्ति न संविज्जति नुपलब्धति, पहीनं समुच्छिन्नं वूपसन्तं पटिपस्सद्धं अभब्बुप्पत्तिकं जाणगिना दट्ठन्ति — धम्मेसु निच्छेय्य समुग्गहीतं ।

पस्सञ्च दिट्ठीसु अनुग्गहायाति । दिट्ठीसु आदीनवं पस्सन्तो दिट्ठियो न गण्हामि न परामसामि नाभिनिविसामि । अथ वा न गण्हितब्बा न परामसितब्बा नाभिनिविसितब्बाति । एवम्पि पस्सञ्च दिट्ठीसु अनुग्गहाय ।

अथ वा “सस्सतो लोको, इदमेव सच्चं मोघमञ्ज”न्ति दिट्ठिगतमेतं दिट्ठिगहनं दिट्ठिकन्तारो दिट्ठिविसूकायिकं दिट्ठिविप्फन्दितं दिट्ठिसञ्जोजनं, सदुक्खं सविघातं सउपायासं सपरिळाहं, न निब्बिदाय न विरागाय न निरोधाय न उपसमाय न अभिञ्जाय न सम्बोधाय न निब्बानाय संवत्ततीति । दिट्ठीसु आदीनवं पस्सन्तो दिट्ठियो न गण्हामि न परामसामि नाभिनिविसामि । अथ वा न गण्हितब्बा न परामसितब्बा नाभिनिविसितब्बाति । एवम्पि पस्सञ्च दिट्ठीसु अनुग्गहाय ।

अथ वा “असस्सतो लोको, अन्तवा लोको, अनन्तवा लोको, तं जीवं तं सरीरं, अञ्जं जीवं अञ्जं सरीरं, होति तथागतो परं मरणा, न होति तथागतो परं मरणा, होति च न च होति तथागतो परं मरणा, नेव होति न न होति तथागतो परं मरणा, इदमेव सच्चं मोघमञ्ज”न्ति दिट्ठिगतमेतं दिट्ठिगहनं दिट्ठिकन्तारो दिट्ठिविसूकायिकं दिट्ठिविप्फन्दितं दिट्ठिसञ्जोजनं, सदुक्खं सविघातं सउपायासं सपरिळाहं न निब्बिदाय न विरागाय न निरोधाय न उपसमाय न अभिञ्जाय न सम्बोधाय न निब्बानाय संवत्ततीति । दिट्ठीसु आदीनवं पस्सन्तो दिट्ठियो न गण्हामि न परामसामि नाभिनिविसामि । अथ वा न गण्हितब्बा न परामसितब्बा नाभिनिविसितब्बाति । एवम्पि पस्सञ्च दिट्ठीसु अनुग्गहाय ।

अथ वा इमा दिट्ठियो एवंगहिता एवंपरामट्ठा एवंगतिका भविस्सन्ति एवंअभिसम्परायाति । दिट्ठीसु आदीनवं पस्सन्तो दिट्ठियो न गण्हामि न परामसामि नाभिनिविसामि । अथ वा न गण्हितब्बा न परामसितब्बा नाभिनिविसितब्बाति । एवम्पि पस्सञ्च दिट्ठीसु अनुग्गहाय ।

अथ वा इमा दिट्ठियो निरयसंवत्तनिका तिरच्छानयोनिसंवत्तनिका पेत्तिविसयसंवत्तनिकाति । दिट्ठीसु आदीनवं पस्सन्तो दिट्ठियो न गण्हामि न परामसामि नाभिनिविसामि । अथ वा न गण्हितब्बा न परामसितब्बा नाभिनिविसितब्बाति । एवम्पि पस्सञ्च दिट्ठीसु अनुग्गहाय ।

अथ वा इमा दिट्ठियो अनिच्चा सङ्खता पटिच्चसमुप्पन्ना खयधम्मा वयधम्मा विरागधम्मा निरोधधम्माति । दिट्ठीसु आदीनवं पस्सन्तो दिट्ठियो न गण्हामि न परामसामि नाभिनिविसामि । अथ वा न गण्हितब्बा न परामसितब्बा नाभिनिविसितब्बाति । एवम्पि पस्सञ्च दिट्ठीसु अनुग्गहाय ।

अज्झत्तसन्ति पचिनं अदस्सन्ति । अज्झत्तसन्ति अज्झत्तं रागस्स सन्ति, दोसस्स सन्ति, मोहस्स सन्ति, कोधस्स... उपनाहस्स... मक्खस्स ... पळासस्स... इस्साय... मच्छरियस्स ... मायाय... साठेय्यस्स... थम्भस्स... सारम्भस्स... मानस्स... अतिमानस्स... मदस्स... पमादस्स... सब्बकिलेसानं... सब्बदुच्चरितानं... सब्बदरथानं... सब्बपरिळाहानं... सब्बसन्तापानं... सब्बाकुसलाभिसङ्खारानं सन्ति उपसन्ति वूपसन्ति निब्बुतिं पटिपस्सद्धिं सन्ति । **पचिनन्ति** पचिनन्तो विचिनन्तो पविचिनन्तो तुलयन्तो तीरयन्तो विभावयन्तो विभूतं करोन्तो, “सब्बे सङ्खारा अनिच्चा”ति पचिनन्तो विचिनन्तो पविचिनन्तो तुलयन्तो तीरयन्तो विभावयन्तो विभूतं करोन्तो, “सब्बे सङ्खारा दुक्खा”ति... “सब्बे धम्मा अनत्ता”ति पचिनन्तो विचिनन्तो पविचिनन्तो... “यं किञ्चि समुदयधम्मं, सब्बं तं निरोधधम्म”न्ति पचिनन्तो विचिनन्तो पविचिनन्तो तुलयन्तो तीरयन्तो विभावयन्तो विभूतं करोन्तो । **अदस्सन्ति** अदस्सं अदक्खिं अपस्सिं पटिविज्झिन्ति — अज्झत्तसन्ति पचिनं अदस्सं ।

तेनाह भगवा —

“इदं वदामीति न तस्स होति, [मागण्डियाति भगवा]

धम्मेषु निच्छेय्य समुग्गहीतं ।
 पस्सञ्च दिट्ठीसु अनुग्गहाय ।
 अज्झत्तसन्तीति पचिनं अदस्स'न्ति ॥

७३. विनिच्छया यानि पकप्पितानि, [इति मागण्डियो]
 ते वे मुनी बूसि अनुग्गहाय ।
 अज्झत्तसन्तीति यमेतमत्थं, कथं नु धीरेहि पवेदितं तं ॥

विनिच्छया यानि पकप्पितानीति । विनिच्छया वुच्चन्ति द्वासट्ठि दिट्ठिगतानि दिट्ठिविनिच्छया । **पकप्पितानीति** कप्पिता पकप्पिता अभिसङ्गता सण्ठपितातिपि पकप्पिता । अथ वा अनिच्चा सङ्गता पटिच्चसमुप्पन्ना खयधम्मा वयधम्मा विरागधम्मा निरोधधम्मा विपरिणामधम्मातिपि पकप्पिताति — विनिच्छया यानि पकप्पितानि ।

इति मागण्डियोति । इतीति पदसन्धि पदसंसङ्गो पदपारिपूरी अक्खरसमवायो व्यञ्जनसिल्लिङ्गता पदानुपुब्बतापेतं — इतीति । **मागण्डियोति** तस्स ब्राह्मणस्स नामं सङ्घा समञ्जा पज्जति वोहारो — इति मागण्डियोति ।

ते वे मुनी बूसि अनुग्गहाय, अज्झत्तसन्तीति यमेतमत्थन्ति । ते वेति द्वासट्ठि दिट्ठिगतानि । **मुनीति । मोनं** वुच्चति जाणं...पे०... सङ्गजालमतिच्च सो मुनीति । **अनुग्गहायाति** दिट्ठीसु आदीनवं पस्सन्तो दिट्ठियो न गण्हामि न परामसामि नाभिनिविसामीति च भणसि, अज्झत्तसन्तीति च भणसि । **यमेतमत्थन्ति** यं परमत्थन्ति — ते वे मुनी बूसि अनुग्गहाय, अज्झत्तसन्तीति यमेतमत्थं ।

कथं नु धीरेहि पवेदितं तन्ति । कथं नूति पदं संसयपुच्छा विमतिपुच्छा द्वेळ्हकपुच्छा अनेकंसपुच्छा, एवं नु खो ननु खो किं नु खो कथं नु खोति — कथं नु । **धीरेहीति** धीरेहि पण्डितेहि पज्जवन्तेहि **[पज्जावन्तेहि (सी० स्या०)]** बुद्धिमन्तेहि जाणीहि विभावीहि मेधावीहि । **पवेदितन्ति** वेदितं पवेदितं आचिक्खितं देसितं पज्जापितं पट्टपितं विवटं विभत्तं उत्तानीकतं पकासितन्ति — कथं नु धीरेहि पवेदितं तं ।

तेनाह सो ब्राह्मणो —

“विनिच्छया यानि पकप्पितानि, [इति मागण्डियो]
 ते वे मुनी बूसि अनुग्गहाय ।
 अज्झत्तसन्तीति यमेतमत्थं, कथं नु धीरेहि पवेदितं तं”न्ति ॥

७४. न दिट्ठिया न सुतिया न जाणेन, [मागण्डियाति भगवा]
 सीलब्बतेनापि न सुद्धिमाह ।
 अदिट्ठिया अस्सुतिया अजाणा, असीलता अब्बता नोपि तेन ।
 एते च निस्सज्ज अनुग्गहाय, सन्तो अनिस्साय भवं न जप्पे ॥

न दिट्ठिया न सुतिया न जाणेनाति । दिट्ठेनापि सुद्धिं विसुद्धिं परिसुद्धिं, मुत्तिं विमुत्तिं परिमुत्तिं नाह न कथेसि न भणसि न दीपयसि न वोहरसि; सुतेनापि सुद्धिं विसुद्धिं परिसुद्धिं, मुत्तिं विमुत्तिं परिमुत्तिं नाह न कथेसि न भणसि न

दीपयसि न वोहरसि; दिट्ठसुतेनापि सुद्धिं विसुद्धिं परिसुद्धिं, मुत्तिं विमुत्तिं परिमुत्तिं नाह न कथेसि न भणसि न दीपयसि न वोहरसि; जाणेनापि सुद्धिं विसुद्धिं परिसुद्धिं, मुत्तिं विमुत्तिं परिमुत्तिं नाह न कथेसि न भणसि न दीपयसि न वोहरसीति — न दिट्ठिया न सुत्तिया न जाणेन ।

मागण्डियाति भगवा तं ब्राह्मणं नामेन आलपति । **भगवाति** गारवाधिवचनं...पे०... सच्छिका पज्जति यदिदं भगवाति — मागण्डियाति भगवा ।

सीलब्बतेनापि न सुद्धिमाहाति । सीलेनापि सुद्धिं विसुद्धिं परिसुद्धिं, मुत्तिं विमुत्तिं परिमुत्तिं नाह न कथेसि न भणसि न दीपयसि न वोहरसि; वतेनापि सुद्धिं विसुद्धिं परिसुद्धिं, मुत्तिं विमुत्तिं परिमुत्तिं नाह न कथेसि न भणसि न दीपयसि न वोहरसि; सीलब्बतेनापि सुद्धिं विसुद्धिं परिसुद्धिं, मुत्तिं विमुत्तिं परिमुत्तिं नाह न कथेसि न भणसि न दीपयसि न वोहरसीति — सीलब्बतेनापि न सुद्धिमाह ।

अदिट्ठिया अस्सुत्तिया अजाणा, असीलता अब्बता नोपि तेनाति । दिट्ठिपि इच्छितब्बा । दसवत्थुका सम्मादिट्ठि — अत्थि दिन्नं, अत्थि यिट्ठं, अत्थि हुतं, अत्थि सुकतदुक्कटानं [सुकतदुक्कटानं (सी०)] कम्मानं फलं विपाको, अत्थि अयं लोको, अत्थि परो लोको, अत्थि माता, अत्थि पिता, अत्थि सत्ता ओपपातिका, अत्थि लोके समणब्राह्मणा सम्मगता [सम्मगता (क०)] सम्मापटिपन्ना ये इमञ्च लोकं परञ्च लोकं सयं अभिज्जा सच्छिकत्वा पवेदेन्तीति; सवनम्पि इच्छितब्बं — परतो घोसो, सुत्तं, गेय्यं, वेय्याकरणं, गाथा, उदानं, इतिवुत्तकं, जातकं, अब्भुतधम्मं, वेदल्लं; जाणम्पि इच्छितब्बं — कम्मस्सकतजाणं, सच्चानुलोमिकजाणं [कम्मस्सकतं जाणं सच्चानुलोमिकं जाणं (सी० क०) जाणविभङ्गेपि], अभिज्जाजाणं, समापत्तिजाणं; सीलम्पि इच्छितब्बं — पातिमोक्खसंवरो; वतम्पि इच्छितब्बं — अट्ठ धुतङ्गानि — आरज्जिकङ्गं, पिण्डपातिकङ्गं, पंसुकूलिकङ्गं, तेचीवरिकङ्गं, सपदानचारिकङ्गं, खलुपच्छाभत्तिकङ्गं, नेसज्जिकङ्गं, यथासन्थतिकङ्गन्ति ।

अदिट्ठिया अस्सुत्तिया अजाणा, असीलता अब्बता नोपि तेनाति । नापि सम्मादिट्ठिमत्तेन, नापि सवनमत्तेन, नापि जाणमत्तेन, नापि सीलमत्तेन, नापि वतमत्तेन अज्झत्तसन्तिं पत्तो होति, नापि विना एतेहि धम्मोहि अज्झत्तसन्तिं पापुणाति । अपि च सम्भारा इमे धम्मा होन्ति अज्झत्तसन्तिं पापुणितुं अधिगन्तुं फस्सितुं सच्छिकातुन्ति — अदिट्ठिया अस्सुत्तिया अजाणा असीलता अब्बता नोपि तेन ।

एते च निस्सज्ज अनुग्गहायाति । एतेति कण्हपक्खिकानं धम्मानं समुग्घाततो पहानं इच्छितब्बं, तेधातुकेसु कुसलेसु धम्मेसु अतम्मयता [अकम्मयता (सी० क०)] इच्छितब्बा, यतो कण्हपक्खिया धम्मा समुग्घातपहानेन पहीना होन्ति उच्छिन्नमूला तालावत्थुकता अनभावंकता आयतिं अनुप्पादधम्मा, तेधातुकेसु च कुसलेसु धम्मेसु अतम्मयता होति, एत्तावतापि न गण्हाति न परामसति नाभिनिविसति । अथ वा न गण्हितब्बा न परामसितब्बा नाभिनिविसितब्बाति । एवम्पि एते च निस्सज्ज अनुग्गहाय । यतो तण्हा च दिट्ठि च मानो च पहीना होन्ति उच्छिन्नमूला तालावत्थुकता अनभावंकता आयतिं अनुप्पादधम्माति, एत्तावतापि न गण्हाति न परामसति नाभिनिविसतीति । एवम्पि एते च निस्सज्ज अनुग्गहाय ।

यतो पुज्जाभिसङ्कारो च अपुज्जाभिसङ्कारो च आनेज्जाभिसङ्कारो च पहीना होन्ति उच्छिन्नमूला तालावत्थुकता अनभावंकता आयतिं अनुप्पादधम्माति, एत्तावतापि न गण्हाति न परामसति नाभिनिविसतीति । एवम्पि एते च निस्सज्ज

अनुगहाय ।

सन्तो अनिस्साय भवं न जप्पेति । सन्तोति रागस्स समितत्ता सन्तो, दोसस्स समितत्ता सन्तो, मोहस्स समितत्ता सन्तो, कोधस्स... उपनाहस्स... मक्खस्स... पळासस्स... इस्साय... मच्छरियस्स... मायाय... साठेय्यस्स... थम्भस्स... सारम्भस्स... मानस्स... अतिमानस्स... मदस्स... पमादस्स... सब्बकिलेसानं... सब्बदुच्चरितानं... सब्बदरथानं... सब्बपरिळाहानं... सब्बसन्तापानं... सब्बाकुसलाभिसङ्खारानं सन्तत्ता समितत्ता वूपसमितत्ता विज्झातत्ता निब्बुतत्ता विगतत्ता पटिपस्सद्धत्ता सन्तो उपसन्तो वूपसन्तो निब्बुतो पटिपस्सद्धोति — सन्तो ।

अनिस्सायाति द्वे निस्सया — तण्हानिस्सयो च दिट्ठिनिस्सयो च...पे०... अयं तण्हानिस्सयो...पे०... अयं दिट्ठिनिस्सयो । तण्हानिस्सयं पहाय दिट्ठिनिस्सयं पटिनिस्सज्जित्वा चक्खुं अनिस्साय, सोतं अनिस्साय, घानं अनिस्साय, जिह्वं अनिस्साय, कायं अनिस्साय, मनं अनिस्साय, रूपे... सद्दे... गन्धे... रसे... फोट्ठब्बे... कुलं... गणं... आवासं... लाभं... यसं... पसंसं... सुखं... चीवरं... पिण्डपातं... सेनासनं... गिलानपच्चयभेसज्जपरिक्खारं... कामधातुं... रूपधातुं... अरूपधातुं... कामभवं... रूपभवं... अरूपभवं... सज्जाभवं... असज्जाभवं... नेवसज्जानासज्जाभवं... एकवोकारभवं... चतुवोकारभवं... पञ्चवोकारभवं... अतीतं... अनागतं... पच्चुप्पन्नं... दिट्ठसुतमुतविज्जातब्बे धम्मं अनिस्साय अगगण्हित्वा अपरामसित्वा अनभिनिविसित्वाति — सन्तो अनिस्साय । **भवं न जप्पेति** कामभवं न जप्पेय्य, रूपभवं न जप्पेय्य, अरूपभवं न जप्पेय्य नप्पजप्पेय्य न अभिजप्पेय्याति — सन्तो अनिस्साय भवं न जप्पे ।

तेनाह भगवा —

“न दिट्ठिया न सुतिया न जाणेन, [मागण्डियाति भगवा]

सीलब्बतेनापि न सुद्धिमाह ।

अदिट्ठिया अस्सुतिया अजाणा, असीलता अब्बता नोपि तेन ।

एते च निस्सज्ज अनुगहाय, सन्तो अनिस्साय भवं न जप्पे”ति ॥

७५. नो चे किर दिट्ठिया न सुतिया न जाणेन, [इति मागण्डियो]

सीलब्बतेनापि न सुद्धिमाह ।

अदिट्ठिया अस्सुतिया अजाणा, असीलता अब्बता नोपि तेन ।

मज्जामहं मोमुहमेव धम्मं, दिट्ठिया एके पच्चेन्ति सुद्धिं ॥

नो चे किर दिट्ठिया न सुतिया न जाणेनाति । दिट्ठियापि सुद्धिं विसुद्धिं परिसुद्धिं, मुत्तिं विमुत्तिं परिमुत्तिं नाह न कथेसि न भणसि न दीपयसि न वोहरसि; सुतेनापि सुद्धिं विसुद्धिं परिसुद्धिं, मुत्तिं विमुत्तिं परिमुत्तिं... दिट्ठसुतेनापि सुद्धिं विसुद्धिं परिसुद्धिं, मुत्तिं विमुत्तिं परिमुत्तिं... जाणेनापि सुद्धिं विसुद्धिं परिसुद्धिं, मुत्तिं विमुत्तिं परिमुत्तिं नाह न कथेसि न भणसि न दीपयसि न वोहरसीति — नो चे किर दिट्ठिया न सुतिया न जाणेन ।

इति मागण्डियोति इतीति पदसन्धि...पे०... । **मागण्डियोति** तस्स ब्राह्मणस्स नामं...पे०... इति मागण्डियो ।

सीलब्बतेनापि न सुद्धिमाहाति । सीलेनापि सुद्धिं विसुद्धिं परिसुद्धिं...पे०... वतेनापि सुद्धिं विसुद्धिं परिसुद्धिं...पे०... सीलब्बतेनापि सुद्धिं विसुद्धिं परिसुद्धिं, मुत्तिं विमुत्तिं परिमुत्तिं नाह न कथेसि न भणसि न दीपयसि न वोहरसीति —

सीलब्बतेनापि न सुद्धिमाह ।

अदिट्ठिया अस्सुतिया अजाणा, असीलता अब्बता नोपि तेनाति । दिट्ठिपि इच्छितब्बाति एवं भणसि, सवनम्पि इच्छितब्बन्ति एवं भणसि, जाणम्पि इच्छितब्बन्ति एवं भणसि, न सक्कोसि एकंसेन अनुजानितुं, नपि सक्कोसि एकंसेन पटिक्खिपितुन्ति — अदिट्ठिया अस्सुतिया अजाणा, असीलता अब्बता नोपि तेन ।

मज्जामहं मोमुहमेव धम्मन्ति । मोमूहधम्मो अयं तुय्हं बालधम्मो मूळहधम्मो अज्जाणधम्मो अमराविकखेपधम्मोति एवं मज्जामि एवं जानामि एवं आजानामि एवं विजानामि एवं पटिविजानामि एवं पटिविज्झामीति — मज्जामहं मोमुहमेव धम्मं ।

दिट्ठिया एके पच्चेन्ति सुद्धिन्ति । सुद्धिदिट्ठिया एके समणब्राह्मणा सुद्धिं विसुद्धिं परिसुद्धिं, मुत्तिं विमुत्तिं परिमुत्तिं पच्चेन्ति; “सस्सतो लोको, इदमेव सच्चं मोघमज्ज”न्ति दिट्ठिया एके समणब्राह्मणा सुद्धिं विसुद्धिं परिसुद्धिं, मुत्तिं विमुत्तिं परिमुत्तिं पच्चेन्ति; “असस्सतो लोको...पे०... नेव होति न न होति तथागतो परं मरणा, इदमेव सच्चं मोघमज्ज”न्ति दिट्ठिया एके समणब्राह्मणा सुद्धिं विसुद्धिं परिसुद्धिं, मुत्तिं विमुत्तिं परिमुत्तिं पच्चेन्तीति — दिट्ठिया एके पच्चेन्ति सुद्धिं ।

तेनाह सो ब्राह्मणो —

“नो चे किर दिट्ठिया न सुतिया न जाणेन, [इति मागण्डियो]
सीलब्बतेनापि न सुद्धिमाह ।
अदिट्ठिया अस्सुतिया अजाणा, असीलता अब्बता नोपि तेन ।
मज्जामहं मोमुहमेव धम्मं, दिट्ठिया एके पच्चेन्ति सुद्धि”न्ति ॥

७६. दिट्ठिज्ज [दिट्ठीसु (सी० स्या० क०)] निस्सायनुपुच्छमानो, [मागण्डियाति भगवा]

समुग्गहीतेसु पमोहमागा [समोहमागा (क०)] ।

इतो च नादक्खि अणुम्पि सज्जं, तस्मा तुवं मोमुहतो दहासि ॥

दिट्ठिज्ज निस्सायनुपुच्छमानोति । मागण्डियो ब्राह्मणो दिट्ठिं निस्साय दिट्ठिं पुच्छति, लग्गनं निस्साय लग्गनं पुच्छति, बन्धनं निस्साय बन्धनं पुच्छति, पलिबोधं निस्साय पलिबोधं पुच्छति । अनुपुच्छमानोति पुनप्पुनं पुच्छतीति — दिट्ठिज्ज निस्सायनुपुच्छमानो ।

मागण्डियाति भगवा तं ब्राह्मणं नामेन आलपति । भगवाति गारवाधिवचनं...पे०... सच्छिका पज्जति यदिदं भगवाति — मागण्डियाति भगवा ।

समुग्गहीतेसु पमोहमागाति । या सा दिट्ठि तया गहिता परामट्ठा अभिनिविट्ठा अज्झोसिता अधिमुत्ता, तायेव त्वं दिट्ठिया मूळ्होसि पमूळ्होसि सम्मूळ्होसि मोहं आगतोसि पमोहं आगतोसि सम्मोहं आगतोसि अन्धकारं पक्खन्दोसीति — समुग्गहीतेसु पमोहमागा ।

इतो च नादक्खि अणुम्पि सज्जन्ति । इतो अज्झत्तसन्तितो वा पटिपदातो वा धम्मदेसनातो वा, युत्तसज्जं पत्तसज्जं

लक्खणसज्जं कारणसज्जं ठानसज्जं न पटिलभति, कुतो जाणन्ति । एवम्पि इतो च नाद्विखि अणुम्पि सज्जं । अथ वा अनिच्चं वा अनिच्चसज्जानुलोमं वा, दुक्खं वा दुक्खसज्जानुलोमं वा, अनत्तं वा अनत्तसज्जानुलोमं वा, सज्जुप्पादमत्तं वा सज्जानितमत्तं वा न पटिलभति, कुतो जाणन्ति । एवम्पि इतो च नाद्विखि अणुम्पि सज्जं ।

तस्मा तुवं मोमुहतो दहासीति । तस्माति तस्मा तंकारणा तंहेतु तप्पच्चया तंनिदाना मोमूहधम्मतो बालधम्मतो मूळधम्मतो अज्जाणधम्मतो अमराविकखेपधम्मतो दहासि पस्ससि दक्खसि ओलोकेसि निज्झायसि उपपरिक्खसीति — तस्मा तुवं मोमुहतो दहासि ।

तेनाह भगवा —

“दिट्ठिञ्च निस्सायनुपुच्छमानो, [मागण्डियाति भगवा]
समुग्गहीतेसु पमोहमागा ।
इतो च नाद्विखि अणुम्पि सज्जं, तस्मा तुवं मोमुहतो दहासी”ति ॥

**७७. समो विसेसी उद वा निहीनो, यो मज्जति सो विवदेथ तेन ।
तीसु विधासु अविकम्पमानो, समो विसेसीति न तस्स होति ॥**

समो विसेसी उद वा निहीनो, यो मज्जति सो विवदेथ तेनाति । सदिसोहमस्मीति वा सेय्योहमस्मीति वा हीनोहमस्मीति वा यो मज्जति, सो तेन मानेन ताय दिट्ठिया तेन वा पुग्गलेन कलहं करेय्य भण्डनं करेय्य विग्गहं करेय्य विवादं करेय्य मेधगं करेय्य — “न त्वं इमं धम्मविनयं आजानासि, अहं इमं धम्मविनयं आजानामि, किं त्वं इमं धम्मविनयं आजानिस्ससि, मिच्छापटिपन्नो त्वमसि, अहमस्मि सम्मापटिपन्नो, सहितं मे, असहितं ते, पुरे वचनीयं पच्छा अवच, पच्छा वचनीयं पुरे अवच, अधिचिण्णं ते विपरावत्तं, आरोपितो ते वादो, निग्गहितो त्वमसि, चर वादप्पमोक्खाय, निब्बेठेहि वा सचे प्होसी”ति — समो विसेसी उद वा निहीनो यो मज्जति सो विवदेथ तेन ।

तीसु विधासु अविकम्पमानो, समो विसेसीति न तस्स होतीति । यस्सेता तित्सो विधा पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दड्ढा, सो तीसु विधासु न कम्पति न विकम्पति, अविकम्पमानस्स पुग्गलस्स सदिसोहमस्मीति वा सेय्योहमस्मीति वा हीनोहमस्मीति वा । **न तस्स होतीति ।** न मय्हं होतीति तीसु विधासु अविकम्पमानो, समो विसेसीति — न तस्स होति ।

तेनाह भगवा —

“समो विसेसी उद वा निहीनो, यो मज्जति सो विवदेथ तेन ।
तीसु विधासु अविकम्पमानो, समो विसेसीति न तस्स होती”ति ॥

**७८. सच्चन्ति सो ब्राह्मणो किं वदेय्य, मुसाति वा सो विवदेथ केन ।
यस्मिं समं विसमं वापि नत्थि, स केन वादं पटिसंयुजेय्य ॥**

सच्चन्ति सो ब्राह्मणो किं वदेय्याति । ब्राह्मणोति सत्तन्नं धम्मानं बाहितत्ता ब्राह्मणो...पे०... असितो तादि पवुच्चते

स ब्रह्मा । सच्चन्ति सो ब्राह्मणो किं वदेय्याति । “सस्सतो लोको, इदमेव सच्चं मोघमज्ज”न्ति ब्राह्मणो किं वदेय्य किं कथेय्य किं भणेय्य किं दीपयेय्य किं वोहरेय्य; “असस्सतो लोको...पे०... नेव होति न न होति तथागतो परं मरणा, इदमेव सच्चं मोघमज्ज”न्ति ब्राह्मणो किं वदेय्य किं कथेय्य किं भणेय्य किं दीपयेय्य किं वोहरेय्याति — सच्चन्ति सो ब्राह्मणो किं वदेय्य ।

मुसाति वा सो विवदेथ केनाति । ब्राह्मणो मय्हं व सच्चं, तुय्हं मुसाति केन मानेन, काय दिट्ठिया, केन वा पुग्गलेन कलहं करेय्य भण्डनं करेय्य विग्गहं करेय्य विवादं करेय्य मेधगं करेय्य — “न त्वं इमं धम्मविनयं आजानासि...पे०... निब्बेठेहि वा सचे पओसी”ति — मुसाति वा सो विवदेथ केन ।

यस्मिं समं विसमं वापि नत्थीति । यस्मिन्ति यस्मिं पुग्गले अरहन्ते खीणासवे सदिसोहमस्मीति मानो नत्थि, सेय्योहमस्मीति मानो नत्थि, हीनोहमस्मीति ओमानो नत्थि न सन्ति न संविज्जति नुपलब्धति, पहीनं समुच्छिन्नं वूपसन्तं पटिपस्सद्धं अभब्बुप्पत्तिकं जाणगिना दड्ढन्ति — यस्मिं समं विसमं वापि नत्थि ।

स केन वादं पटिसंयुजेय्याति । सो केन मानेन, काय दिट्ठिया, केन वा पुग्गलेन वादं पटिसज्जोजेय्य पटिबलेय्य कलहं करेय्य भण्डनं करेय्य विग्गहं करेय्य विवादं करेय्य मेधगं करेय्य — “न त्वं इमं धम्मविनयं आजानासि...पे०... निब्बेठेहि वा सचे पओसी”ति — स केन वादं पटिसंयुजेय्य ।

तेनाह भगवा —

“सच्चन्ति सो ब्राह्मणो किं वदेय्य, मुसाति वा सो विवदेथ केन ।
यस्मिं समं विसमं वापि नत्थि, स केन वादं पटिसंयुजेय्या”ति ॥

७९. ओकं पहाय अनिकेतसारी, गामे अकुब्बं मुनि सन्थवानि [सन्थवानि (क०)] ।

कामेहि रित्तो अपुरेक्खरानो, कथं न विग्गह् जनेन कयिरा ॥

अथ खो हालिद्वकानि [हालिद्वकानी (सी०)] गहपति येनायस्मा महाकच्चानो तेनुपसङ्गमि; उपसङ्गमित्वा आयस्मन्तं महाकच्चानं अभिवादेत्वा एकमन्तं निसीदि । एकमन्तं निसिन्नो खो हालिद्वकानि गहपति आयस्मन्तं महाकच्चानं एतदवोच — “वुत्तमिदं भन्ते, कच्चान, भगवता अट्ठकवगिके मागण्डियपज्हे —

“ओकं पहाय अनिकेतसारी, गामे अकुब्बं मुनि सन्थवानि ।
कामेहि रित्तो अपुरेक्खरानो, कथं न विग्गह् जनेन कयिरा”ति ॥

“इमस्स नु खो भन्ते, कच्चान, भगवता सङ्घित्तेन भासितस्स कथं वित्थारेन अत्थो दड्ढब्बो”ति?

“रूपधातु खो, गहपति, विज्जाणस्स ओको रूपधातु रागविनिबन्धज्ज [रागविनिबद्धज्ज (सी०)] पन विज्जाणं ओकसारीति वुच्चति । वेदनाधातु खो, गहपति... सज्झाधातु खो, गहपति... सङ्खारधातु खो, गहपति, विज्जाणस्स ओको सङ्खारधातु रागविनिबन्धज्ज पन विज्जाणं ओकसारीति वुच्चति । एवं खो, गहपति, ओकसारी होति ।

“कथञ्च, गहपति, अनोकसारी होति? रूपधातुया खो, गहपति, यो छन्दो यो रागो या नन्दी या तण्हा ये उपायुपादाना [उपयुपादाना (क०)] चेतसो अधिद्वानाभिनिवेसानुसया ते तथागतस्स पहीना उच्छिन्नमूला तालावत्थुकता अनभावंकता आयतिं अनुप्पादधम्मा; तस्मा तथागतो अनोकसारीति वुच्चति । वेदनाधातुया खो, गहपति... सज्जाधातुया खो, गहपति... सङ्खारधातुया खो, गहपति... विज्जाणधातुया खो, गहपति, यो छन्दो यो रागो या नन्दी या तण्हा ये उपायुपादाना चेतसो अधिद्वानाभिनिवेसानुसया ते तथागतस्स पहीना उच्छिन्नमूला तालावत्थुकता अनभावंकता आयतिं अनुप्पादधम्मा; तस्मा तथागतो अनोकसारीति वुच्चति । एवं खो, गहपति, अनोकसारी होति ।

“कथञ्च, गहपति, निकेतसारी होति? रूपनिमित्तनिकेतविसारविनिबन्धा खो, गहपति, निकेतसारीति वुच्चति । सद्दनिमित्त... गन्धनिमित्त... रसनित्त... फोटुब्बनिमित्त... धम्मनिमित्तनिकेतविसारविनिबन्धा खो, गहपति, निकेतसारीति वुच्चति । एवं खो, गहपति, निकेतसारी होति ।

“कथञ्च, गहपति, अनिकेतसारी होति? रूपनिमित्तनिकेतविसारविनिबन्धा खो, गहपति, तथागतस्स पहीना उच्छिन्नमूला तालावत्थुकता अनभावंकता आयतिं अनुप्पादधम्मा; तस्मा तथागतो अनिकेतसारीति वुच्चति । सद्दनिमित्त... गन्धनिमित्त... रसनित्त... फोटुब्बनिमित्त... धम्मनिमित्तनिकेतविसारविनिबन्धा खो, गहपति, तथागतस्स पहीना उच्छिन्नमूला तालावत्थुकता अनभावंकता आयतिं अनुप्पादधम्मा; तस्मा तथागतो अनिकेतसारीति वुच्चति । एवं खो, गहपति, अनिकेतसारी होति ।

“कथञ्च, गहपति, गामे सन्थवजातो होति? इध, गहपति, एकच्चो भिक्खु गिहीहि संसट्ठो विहरति सहनन्दी सहसोकी, सुखितेसु सुखितो, दुक्खितेसु दुक्खितो, उप्पन्नेसु किच्चकरणीयेसु अत्तना वोयोगं आपज्जति । एवं खो, गहपति, गामे सन्थवजातो होति ।

“कथञ्च, गहपति, गामे न सन्थवजातो होति? इध, गहपति, एकच्चो भिक्खु गिहीहि असंसट्ठो विहरति न सहनन्दी न सहसोकी, न सुखितेसु सुखितो, न दुक्खितेसु दुक्खितो, उप्पन्नेसु किच्चकरणीयेसु न अत्तना वोयोगं आपज्जति । एवं खो, गहपति, गामे न सन्थवजातो होति ।

“कथञ्च, गहपति, कामेहि अरित्तो होति? इध, गहपति, एकच्चो भिक्खु कामेसु अवीतरागो होति अविगतच्छन्दो अविगतपेमो अविगतपिपासो अविगतपरिळाहो अविगततण्हो । एवं खो, गहपति, कामेहि अरित्तो होति ।

“कथञ्च, गहपति, कामेहि रित्तो होति? इध, गहपति, एकच्चो भिक्खु कामेसु वीतरागो होति विगतच्छन्दो विगतपेमो विगतपिपासो विगतपरिळाहो विगततण्हो । एवं खो, गहपति, कामेहि रित्तो होति ।

“कथञ्च, गहपति, पुरेक्खरानो होति? इध, गहपति, एकच्चस्स भिक्खुनो एवं होति — ‘एवंरूपो सियं अनागतमद्धान’न्ति तत्थ नन्दिं समन्नानेति, ‘एवंवेदनो सियं... एवंसज्जो सियं... एवंसङ्खारो सियं... एवंविज्जाणो सियं अनागतमद्धान’न्ति तत्थ नन्दिं समन्नानेति । एवं खो, गहपति, पुरेक्खरानो होति ।

“कथञ्च, गहपति, अपुरेक्खरानो होति? इध, गहपति, एकच्चस्स भिक्खुनो एवं होति — ‘एवंरूपो सियं अनागतमद्धान’न्ति न तत्थ नन्दिं समन्नानेति, ‘एवंवेदनो सियं... एवंसज्जो सियं... एवंसङ्खारो सियं... एवंविज्जाणो सियं

अनागतमद्धान'न्ति न तत्थ नन्दिं समन्नानेति । एवं खो, गहपति, अपुरेक्खरानो होति ।

“कथञ्च, गहपति, कथं विग्गह् जनेन कत्ता होति? इध, गहपति, एकच्चो एवरूपिं कथं कत्ता होति — ‘न त्वं इमं धम्मविनयं आजानासि, अहं इमं धम्मविनयं आजानामि, किं त्वं इमं धम्मविनयं आजानिस्ससि, मिच्छापटिपन्नो त्वमसि, अहमस्मि सम्मापटिपन्नो, सहितं मे, असहितं ते, पुरे वचनीयं पच्छा अवच, पच्छा वचनीयं पुरे अवच, अधिचिण्णं ते विपरावत्तं, आरोपितो ते वादो, निग्गहितो त्वमसि, चर वादप्पमोक्खाय, निब्बेठेहि वा सचे पहोसी’ति । एवं खो, गहपति, कथं विग्गह् जनेन कत्ता होति ।

“कथञ्च, गहपति, कथं विग्गह् जनेन न कत्ता होति? इध, गहपति, एकच्चो न एवरूपिं कथं कत्ता होति — ‘न त्वं इमं धम्मविनयं आजानासि...पे०... निब्बेठेहि वा सचे पहोसी’ति । एवं खो, गहपति, विग्गह् जनेन न कत्ता होति । इति खो, गहपति, यं तं वुत्तं भगवता अट्ठकवग्निके मागण्डियपञ्हे —

“ओकं पहाय अनिकेतसारी, गामे अकुब्बं मुनि सन्थवानि ।
कामेहि रिक्तो अपुरेक्खरानो, कथं न विग्गह् जनेन कयिरा’ति॥

“इमस्स खो, गहपति, भगवता सङ्घित्तेन भासितस्स एवं वित्थारेन अत्थो दट्ठब्बो’ति ।

तेनाह भगवा —

“ओकं पहाय अनिकेतसारी, गामे अकुब्बं मुनि सन्थवानि ।
कामेहि रिक्तो अपुरेक्खरानो, कथं न विग्गह् जनेन कयिरा’ति॥

८०. येहि विवित्तो विचरेय्य लोके, न तानि उग्गह् वदेय्य नागो ।
एलम्बुजं कण्डकवारिजं [कण्टकं वारिजं (सी०)] यथा, जलेन पङ्केन चनूपलितं ।
एवं मुनी सन्तिवादो अगिद्धो, कामे च लोके च अनूपलितो॥

येहि विवित्तो विचरेय्य लोकेति । येहीति येहि दिट्ठिगतेहि । विवित्तोति कायदुच्चरितेन रिक्तो विवित्तो पविवित्तो, वचीदुच्चरितेन... मनोदुच्चरितेन... रागेन...पे०... सब्बाकुसलाभिसङ्गारेहि रिक्तो विवित्तो पविवित्तो । विचरेय्याति विचरेय्य विहरेय्य इरियेय्य वत्तेय्य पालेय्य यपेय्य यापेय्य । लोकेति मनुस्सलोकेति — येहि विवित्तो विचरेय्य लोके ।

न तानि उग्गह् वदेय्य नागोति । नागोति आगुं न करोतीति — नागो, न गच्छतीति — नागो, नागच्छतीति — नागो । कथं आगुं न करोतीति — नागो? आगू वुच्चन्ति पापका अकुसला धम्मा संकिलेसिका पोभोभविका सदरा दुक्खविपाका आर्यातिं जातिजरामरण्या ।

आगुं न करोति किञ्चि लोके, [संभियाति भगवा]
सब्बसञ्जोगे विसज्ज बन्धनानि ।
सब्बत्थ न सज्जति विमुत्तो, नागो तादी पवुच्चते तथत्ता ॥

एवं आगुं न करोतीति — नागो ।

कथं न गच्छतीति — नागो? न छन्दागतिं गच्छति, न दोसागतिं गच्छति, न मोहागतिं गच्छति, न भयागतिं गच्छति, न रागवसेन गच्छति, न दोसवसेन गच्छति, न मोहवसेन गच्छति, न मानवसेन गच्छति, न दिट्ठिवसेन गच्छति, न उद्धच्चवसेन गच्छति, न विचिकिच्छावसेन गच्छति, नानुसयवसेन गच्छति, न वग्गेहि धम्मोहि यायति नीयति वुहति संहरीयति । एवं न गच्छतीति — नागो ।

कथं नागच्छतीति — नागो? सोतापत्तिमग्गेन ये किलेसा पहीना ते किलेसे न पुनेति न पच्चेति न पच्चागच्छति । सकदागामिमग्गेन... अनागामिमग्गेन... अरहत्तमग्गेन ये किलेसा पहीना ते किलेसे न पुनेति न पच्चेति न पच्चागच्छति । एवं नागच्छतीति — नागो ।

न तानि उग्गह् वदेय्य नागोति । नागो न तानि दिट्ठिगतानि गहेत्वा उग्गहेत्वा गण्हित्वा परामसित्वा अभिनिविसित्वा वदेय्य कथेय्य भणेय्य दीपयेय्य वोहरेय्य; “सस्सतो लोको...पे०... नेव होति न न होति तथागतो परं मरणा, इदमेव सच्चं मोघमज्ज”न्ति वदेय्य कथेय्य भणेय्य दीपयेय्य वोहरेय्याति — न तानि उग्गह् वदेय्य नागो ।

एलम्बुजं कण्डकवारिजं यथा, जलेन पङ्केन चनूपलित्तन्ति । एलं वुच्चति उदकं, अम्बुजं वुच्चति पदुमं, कण्डको वुच्चति खरदण्डो, वारि वुच्चति उदकं, वारिजं वुच्चति पदुमं वारिसम्भवं, जलं वुच्चति उदकं, पङ्को वुच्चति कद्दमो । यथा पदुमं वारिजं वारिसम्भवं जलेन च पङ्केन च न लिम्पति न पलिम्पति न उपलिम्पति, अलित्तं असंलित्तं अनुपलित्तन्ति — एलम्बुजं कण्डकवारिजं यथा जलेन पङ्केन चनूपलित्तं ।

एवं मुनी सन्तिवादो अगिद्धो, कामे च लोके च अनूपलित्तोति । एवन्ति ओपम्मसंपटिपादनं । मुनीति । मोनं वुच्चति आणं...पे०... सङ्गजालमतिच्च सो मुनि । **सन्तिवादोति** सन्तिवादो मुनि ताणवादो लेणवादो सरणवादो अभयवादो अच्चुतवादो अमतवादो निब्बानवादोति — एवं मुनि सन्तिवादो । **अगिद्धोति** । गेधो वुच्चति तण्हा । यो रागो सारागो...पे०... अभिज्झा लोभो अकुसलमूलं । यस्सेसो गेधो पहीनो समुच्छिन्नो वूपसन्तो पटिपस्सद्धो अभब्बुप्पत्तिको जाणगिना दड्ढो सो वुच्चति अगिद्धो । सो रूपे अगिद्धो, सद्दे... गन्धे... रसे... फोडुब्बे... कुले... गणे... आवासे... लाभे... यसे... पसंसाय... सुखे... चीवरे... पिण्डपाते ... सेनासने... गिलानपच्चयभेसज्जपरिक्खारे... कामधातुया ... रूपधातुया... अरूपधातुया... कामभवे... रूपभवे... अरूपभवे... सज्जाभवे... असज्जाभवे... नेवसज्जानासज्जाभवे... एकवोकारभवे... चतुवोकारभवे... पञ्चवोकारभवे... अतीते... अनागते... पच्चुप्पन्ने... दिट्ठ-सुत-मुत-विज्जातब्बेसु धम्मेषु अगिद्धो अगधितो अमुच्छितो अनज्झोसन्नो [अनज्झापन्नो (सी०), अनज्झोपन्नो (स्या०)], वीतगेधो विगतगेधो चत्तगेधो वन्तगेधो मुत्तगेधो पहीनगेधो पटिनिस्सट्ठगेधो, वीतरागो विगतरागो चत्तरागो वन्तरागो मुत्तरागो पहीनरागो पटिनिस्सट्ठरागो, निच्छातो निब्बुतो सीतिभूतो सुखप्पटिसंवेदी ब्रह्मभूतेन अत्तना विहरतीति — एवं मुनि सन्तिवादो अगिद्धो ।

कामे च लोके च अनूपलित्तोति । कामाति उदानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । **लोकेति** अपायलोके मनुस्सलोके देवलोके खन्धलोके धातुलोके आयतनलोके । **लेपाति** द्वे लेपा — तण्हालेपो च दिट्ठिलेपो च...पे०... अयं तण्हालेपो...पे०... अयं दिट्ठिलेपो । मुनि तण्हालेपं पहाय दिट्ठिलेपं पटिनिस्सज्जित्वा कामे च लोके च न लिम्पति न पलिम्पति न उपलिम्पति, अलित्तो अपलित्तो अनुपलित्तो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — एवं मुनी सन्तिवादो अगिद्धो, कामे च

लोके च अनूपलित्तो ।

तेनाह भगवा —

“येहि विवित्तो विचरेय्य लोके, न तानि उग्गय्ह वदेय्य नागो ।
एलम्बुजं कण्डकवारिजं यथा, जलेन पङ्केन चनूपलित्तं ।
एवं मुनी सन्तिवादो अगिद्धो, कामे च लोके च अनूपलित्तो”ति ॥

**८१. न वेदगू दिट्ठिया [दिट्ठियायको (क० अट्ठ०) सु० नि० ८५२] न मुत्तिया, स मानमेति न हि तम्मयो सो ।
न कम्मुना नोपि सुतेन नेय्यो, अनूपनीतो स निवेसनेसु ॥**

न वेदगू दिट्ठिया न मुत्तिया, स मानमेतीति । नाति पटिक्खेपो । वेदगूति । वेदो वुच्चति चतूसु मग्गेसु जाणं, पज्जा पज्जिन्द्रियं पज्जाबलं धम्मविचयसम्बोज्झङ्गो वीमंसा विपस्सना सम्मादिट्ठि । तेहि वेदेहि जातिजरामरणस्स अन्तगतो अन्तप्पत्तो, कोटिगतो कोटिप्पत्तो, परियन्तगतो परियन्तप्पत्तो, वोसानगतो वोसानप्पत्तो, ताणगतो ताणप्पत्तो, लेणगतो लेणप्पत्तो, सरणगतो सरणप्पत्तो, अभयगतो अभयप्पत्तो, अच्युतगतो अच्युतप्पत्तो, अमतगतो अमतप्पत्तो, निब्बानगतो निब्बानप्पत्तो, वेदानं वा अन्तं गतोति वेदगू, वेदेहि वा अन्तं गतोति वेदगू, सत्तन्नं वा धम्मानं विदितत्ता वेदगू, सक्कायदिट्ठि विदिता होति, विचिकिच्छा विदिता होति, सीलब्बतपरामासो विदितो होति, रागो विदितो होति, दोसो विदितो होति, मोहो विदितो होति, मानो विदितो होति, विदितास्स होन्ति पापका अकुसला धम्मा संकिलेसिका पोणोभविका सदरा दुक्खविपाका आयतिं जातिजरामरणिया ।

वेदानि विचेय्य केवलानि, [सभियाति भगवा]
समणानं यानीधत्थि ब्राह्मणानं ।
सब्बवेदनासु वीतरागो, सब्बं वेदमतिच्च वेदगू सोति ॥

न दिट्ठियाति तस्स द्वासट्ठि दिट्ठिगतानि पहीनानि समुच्छिन्नानि वूपसन्तानि पटिपस्सद्धानि अभब्बुप्पत्तिकानि जाणग्गिना दट्ठानि । सो दिट्ठिया न यायति न नीयति न वुहति न संहरीयति, नपि तं दिट्ठिगतं सारतो पच्चेति न पच्चागच्छतीति — न वेदगू दिट्ठिया । न मुत्तियाति मुतरूपेन वा परतो घोसेन वा महाजनसम्मत्तिया वा मानं नेति न उपेति न उपगच्छति न गण्हाति न परामसति नाभिनिविसतीति — न वेदगू दिट्ठिया न मुत्तिया स मानमेति ।

न हि तम्मयो सोति न तण्हावसेन दिट्ठिवसेन तम्मयो होति तप्परमो तप्परायनो । यतो तण्हा च दिट्ठि च मानो चस्स पहीना होन्ति उच्छिन्नमूला तालावत्थुकता अनभावंकता आयतिं अनुप्पादधम्मा एत्तावता न तम्मयो होति न तप्परमो न तप्परायनोति — स मानमेति न हि तम्मयो सो ।

न कम्मुना नोपि सुतेन नेय्योति । न कम्मुनाति पुज्जाभिसङ्खारेन वा अपुज्जाभिसङ्खारेन वा आनेज्जाभिसङ्खारेन वा न यायति न नीयति न वुहति न संहरीयतीति — न कम्मुना । नोपि सुतेन नेय्योति सुतसुद्धिया वा परतो घोसेन वा महाजनसम्मत्तिया वा न यायति न नीयति न वुहति न संहरीयतीति — न कम्मुना नोपि सुतेन नेय्यो ।

अनूपनीतो स निवेसनेसूति । उपयाति द्वे उपया — तण्हूपयो च दिट्ठूपयो च...पे०... अयं तण्हूपयो...पे०... अयं

दिट्ठूपयो । तस्स तण्हूपयो पहीनो, दिट्ठूपयो पटिनिस्सट्ठो । तण्हूपयस्स पहीनत्ता, दिट्ठूपयस्स पटिनिस्सट्ठत्ता सो निवेसनेसु अनूपनीतो अनुपलित्तो अनुपगतो अनज्झोसितो अनधिमुत्तो निक्खन्तो निस्सट्ठो विप्पमुत्तो विसज्जुत्तो विमरियादिकतेन चेतसा विहरतीति — अनूपनीतो स निवेसनेसु ।

तेनाह भगवा —

“न वेदगू दिट्ठिया न मुतिया, स मानमेति न हि तम्मयो सो ।
न कम्मुना नोपि सुतेन नेय्यो, अनूपनीतो स निवेसनेसू”ति ॥

८२. सज्जाविरत्तस्स न सन्ति गन्था, पज्जाविमुत्तस्स न सन्ति मोहा ।

सज्जञ्च दिट्ठिञ्च ये अग्गहेसुं, ते घट्टमाना [घट्टयन्ता (स्या०) सु० नि० ८५३] विचरन्ति लोके ॥

सज्जाविरत्तस्स न सन्ति गन्थाति । यो समथपुब्बङ्गमं अरियमगं भावेति तस्स आदितो उपादाय गन्था विक्खम्भिता होन्ति, अरहत्ते पत्ते अरहतो गन्था च मोहा च नीवरणा च कामसज्जा ब्यापादसज्जा विहिंसासज्जा दिट्ठिसज्जा च पहीना होन्ति उच्छिन्नमूला तालावत्थुकता अनभावंकता आर्यातिं अनुप्पादधम्माति — सज्जाविरत्तस्स न सन्ति गन्था ।

पज्जाविमुत्तस्स न सन्ति मोहाति । यो विपस्सनापुब्बङ्गमं अरियमगं भावेति, तस्स आदितो उपादाय मोहा विक्खम्भिता होन्ति, अरहत्ते पत्ते अरहतो मोहा च गन्था च नीवरणा च कामसज्जा ब्यापादसज्जा विहिंसासज्जा दिट्ठिसज्जा च पहीना होन्ति उच्छिन्नमूला तालावत्थुकता अनभावंकता आर्यातिं अनुप्पादधम्माति — पज्जाविमुत्तस्स न सन्ति मोहा ।

सज्जञ्च दिट्ठिञ्च ये अग्गहेसुं, ते घट्टमाना विचरन्ति लोकेति । ये सज्जं गणहन्ति कामसज्जं ब्यापादसज्जं विहिंसासज्जं ते सज्जावसेन घट्टेन्ति सङ्घट्टेन्ति । राजानोपि राजूहि विवदन्ति, खत्तियापि खत्तियेहि विवदन्ति, ब्राह्मणापि ब्राह्मणेहि विवदन्ति, गहपतीपि गहपतीहि विवदन्ति, मातापि पुत्तेन विवदति, पुत्तोपि मातरा विवदति, पितापि पुत्तेन विवदति, पुत्तोपि पितरा विवदति, भातापि भातरा विवदति, भगिनीपि भगिनिया विवदति, भातापि भगिनिया विवदति, भगिनीपि भातरा विवदति, सहायोपि सहायेन विवदति । ते तत्थ कलहविग्गहविवादमापन्ना अज्जमज्जं पाणीहिपि उपक्कमन्ति, लेट्ठूहिपि [लेट्ठूहिपि (क०)] उपक्कमन्ति, दण्डेहिपि उपक्कमन्ति, सत्थेहिपि उपक्कमन्ति । ते तत्थ मरणम्पि निगच्छन्ति मरणमत्तम्पि दुक्खं । ये दिट्ठिं गणहन्ति “सस्सतो लोको”ति वा...पे०... “नेव होति न न होति तथागतो परं मरणा”ति वा ते दिट्ठिवसेन घट्टेन्ति सङ्घट्टेन्ति, सत्थारतो सत्थारं घट्टेन्ति, धम्मक्खानतो धम्मक्खानं घट्टेन्ति, गणतो गणं घट्टेन्ति, दिट्ठिया दिट्ठिं घट्टेन्ति, पटिपदाय पटिपदं घट्टेन्ति, मगतो मगं घट्टेन्ति ।

अथ वा ते विवदन्ति, कलहं करोन्ति, भण्डनं करोन्ति, विग्गहं करोन्ति, विवादं करोन्ति, मेधगं करोन्ति — “न त्वं इमं धम्मविनयं आजानासि...पे०... निब्बेठेहि वा सचे पहीसी”ति । तेसं अभिसङ्खारा अप्पहीना; अभिसङ्खारानं अप्पहीनत्ता गतिया घट्टेन्ति, निरये घट्टेन्ति, तिरच्छानयोनिया घट्टेन्ति, पेत्तिविसये घट्टेन्ति, मनुस्सलोके घट्टेन्ति, देवल्लोके घट्टेन्ति, गतिया गतिं... उपपत्तिया उपपत्तिं... पटिसन्धिया पटिसन्धिं... भवेन भवं... संसारेन संसारं... वट्टेन वट्टं घट्टेन्ति सङ्घट्टेन्ति वदन्ति विचरन्ति विहरन्ति इरियन्ति वत्तेन्ति पालेन्ति यपेन्ति यापेन्ति । **लोकेति** अपायलोके...पे०... आयतनलोकेति — सज्जञ्च दिट्ठिञ्च ये अग्गहेसुं ते घट्टमाना विचरन्ति लोके ।

तेनाह भगवा —

“सञ्जाविरत्तस्स न सन्ति गन्था, पञ्जाविमुत्तस्स न सन्ति मोहा ।
सञ्जञ्च दिट्ठिञ्च ये अग्गहेसुं, ते घट्टमाना विचरन्ति लोके”ति ॥

मागण्डियसुत्तनिद्देशो नवमो ।

१०. पुराभेदसुत्तनिद्देशो

अथ पुराभेदसुत्तनिद्देशं वक्खति —

८३. कथंदस्सी कथंसीलो, उपसन्तोति वुच्चति ।
तं मे गोतम पब्रूहि, पुच्छितो उत्तमं नरं ॥

कथंदस्सी कथंसीलो, उपसन्तोति वुच्चतीति । कथंदस्सीति कीदृसेन दस्सनेन समन्नागतो, किंसण्ठितेन, किंपकारेन, किंपटिभागेनाति — कथंदस्सी । कथंसीलोति कीदृसेन सीलेन समन्नागतो, किंसण्ठितेन, किंपकारेन, किंपटिभागेनाति — कथंदस्सी कथंसीलो । उपसन्तोति वुच्चतीति सन्तो उपसन्तो वूपसन्तो निब्बुतो पटिपस्सद्धोति वुच्चति पवुच्चति कथीयति भणीयति दीपीयति वोहरीयति । कथंदस्सीति अधिपज्जं पुच्छति, कथंसीलोति अधिशीलं पुच्छति, उपसन्तोति अधिचित्तं पुच्छतीति — कथंदस्सी कथंसीलो उपसन्तोति वुच्चति ।

तं मे गोतम पब्रूहीति । तन्ति यं पुच्छामि, यं याचामि, यं अज्झेसामि, यं पसादेमि । गोतमाति सो निम्मितो बुद्धं भगवन्तं गोत्तेन आलपति । पब्रूहीति ब्रूहि आचिक्ख देसेहि पज्जपेहि पट्टपेहि विवर विभज उत्तानीकरोहि पकासेहीति — तं मे गोतम पब्रूहि ।

पुच्छितो उत्तमं नरन्ति । पुच्छितोति पुट्ठो पुच्छितो याचितो अज्झेसितो पसादितो । उत्तमं नरन्ति अग्गं सेट्ठं विसिट्ठं पामोक्खं उत्तमं पवरं नरन्ति — पुच्छितो उत्तमं नरं ।

तेनाह सो निम्मितो —

“कथंदस्सी कथंसीलो, उपसन्तोति वुच्चति ।
तं मे गोतम पब्रूहि, पुच्छितो उत्तमं नर”न्ति ॥

८४. वीततण्हो पुराभेदा, [इति भगवा]
पुब्बमन्तमनिस्सितो ।
वेमज्झे नुपसङ्खेय्यो,
तस्स नत्थि पुरक्खतं ॥

वीततण्हो पुराभेदाति । पुरा कायस्स भेदा, पुरा अत्तभावस्स भेदा, पुरा कळेवरस्स निक्खेपा, पुरा जीवितिन्द्रियस्स

उपच्छेदा वीततण्हो विगततण्हो चत्ततण्हो वन्ततण्हो मुत्ततण्हो पहीनतण्हो पटिनिस्सट्ठतण्हो, वीतरागो विगतरागो चत्तरागो वन्तरागो मुत्तरागो पहीनरागो पटिनिस्सट्ठरागो, निच्छातो निब्बुतो सीतिभूतो सुखप्पटिसंवेदी ब्रह्मभूतेन अत्तना विहरति ।

भगवाति गारवाधिवचनं । अपि च भग्गरागोति भगवा, भग्गदोसोति भगवा, भग्गमोहोति भगवा, भग्गमानोति भगवा, भग्गदिट्ठीति भगवा, भग्गतण्होति भगवा, भग्गकिलेसोति भगवा, भजि विभजि पविभजि धम्मरतनन्ति भगवा, भवानं अन्तकरोति भगवा, भावितकायो भावितसीलो भावितचित्तो भावितपज्जोति भगवा, भजि वा भगवा अरज्जवनपत्थानि पन्तानि सेनासनानि अप्पसद्धानि अप्पनिग्घोसानि विजनवातानि मनुस्सराहस्सेय्यकानि पटिसल्लानसारुप्पानीति भगवा, भागी वा भगवा चीवरपिण्डपातसेनासनगिलानपच्चयभेसज्जपरिक्खारानन्ति भगवा, भागी वा भगवा अत्थरसस्स धम्मरसस्स विमुत्तिरसस्स अधिसीलस्स अधिचित्तस्स अधिपज्जायाति भगवा, भागी वा भगवा चतुन्नं ज्ञानानं चतुन्नं अप्पमज्जानं चतुन्नं अरूपसमापत्तीनन्ति भगवा, भागी वा भगवा अट्ठन्नं विमोक्खानं अट्ठन्नं अभिभायतनानं नवन्नं अनुपुब्बविहारसमापत्तीनन्ति भगवा, भागी वा भगवा दसन्नं पज्जाभावानानं दसन्नं कसिणसमापत्तीनं आनापानस्सतिसमाधिस्स असुभसमापत्तियाति भगवा, भागी वा भगवा चतुन्नं सतिपट्ठानानं चतुन्नं सम्मप्पधानानं चतुन्नं इद्धिपादानं पज्चन्नं इन्द्रियानं पज्चन्नं बलानं सत्तन्नं बोज्झङ्गानं अरियस्स अट्ठङ्गिकस्स मग्गस्साति भगवा, भागी वा भगवा दसन्नं तथागतबलानं चतुन्नं वेसारज्जानं चतुन्नं पटिसम्भिदानं छन्नं अभिज्जानं छन्नं बुद्धधम्मानन्ति भगवा । भगवाति नेतं नामं मातरा कतं, न पितरा कतं, न भ्रातरा कतं, न भगिनिया कतं, न मितामच्चेहि कतं, न जातिसालोहितेहि कतं, न समणब्राह्मणेहि कतं, न देवताहि कतं; विमोक्खन्तिकमेतं बुद्धानं भगवन्तानं बोधिया मूले सह सब्बज्जुतजाणस्स पटिलाभा सच्छिका पज्जति यदिदं भगवाति — वीततण्हो पुराभेदाति भगवा ।

पुब्बमन्तमनिस्सितोति पुब्बन्तो वुच्चति अतीतो अद्धा । अतीतं अद्धानं आरब्ध तण्हा पहीना, दिट्ठि पटिनिस्सट्ठा तण्हाय पहीनत्ता, दिट्ठिया पटिनिस्सट्ठत्ता । एवम्पि पुब्बमन्तमनिस्सितो । अथ वा “एवंरूपो अहोसिं अतीतमद्धानं”न्ति तत्थ नन्दिं न समन्नानेति, “एवंवेदनो अहोसिं... एवंसज्जो अहोसिं... एवंसङ्खारो अहोसिं... एवंविज्जाणो अहोसिं अतीतमद्धानं”न्ति तत्थ नन्दिं न समन्नानेति । एवम्पि पुब्बमन्तमनिस्सितो । अथ वा “इति मे चक्खुं [चक्खुं (सी० क०)] अहोसिं अतीतमद्धानं — इति रूपा”ति तत्थ न छन्दरागपटिबद्धं होति विज्जाणं, न छन्दरागपटिबद्धत्ता विज्जाणस्स न तदभिनन्दति; न तदभिनन्दन्तो । एवम्पि पुब्बमन्तमनिस्सितो । “इति मे सोतं अहोसिं अतीतमद्धानं — इति सदा”ति, “इति मे घानं अहोसिं अतीतमद्धानं — इति गन्धा”ति, “इति मे जिह्वा अहोसिं अतीतमद्धानं — इति रसा”ति, “इति मे कायो अहोसिं अतीतमद्धानं — इति फोड्डब्बा”ति, “इति मे मनो अहोसिं अतीतमद्धानं — इति धम्मा”ति तत्थ न छन्दरागपटिबद्धं होति विज्जाणं, न छन्दरागपटिबद्धत्ता विज्जाणस्स न तदभिनन्दति; न तदभिनन्दन्तो । एवम्पि पुब्बमन्तमनिस्सितो । अथ वा यानि तानि पुब्बे मातुगामेन सद्धिं हसितलपितकीळितानि न तदस्सादेति, न तं निकामेति, न च तेन वित्तिं आपज्जति । एवम्पि पुब्बमन्तमनिस्सितो ।

वेमज्जे नुपसङ्खेय्योति । वेमज्जं वुच्चति पच्चुप्पन्नो अद्धा । पच्चुप्पन्नं अद्धानं आरब्ध तण्हा पहीना, दिट्ठि पटिनिस्सट्ठा । तण्हाय पहीनत्ता, दिट्ठिया पटिनिस्सट्ठत्ता रत्तोति नुपसङ्खेय्यो, दुट्ठोति नुपसङ्खेय्यो, मूळ्होति नुपसङ्खेय्यो, विनिबद्धोति नुपसङ्खेय्यो, परामट्ठोति नुपसङ्खेय्यो, विक्खेपगतोति नुपसङ्खेय्यो, अनिट्ठङ्गतोति नुपसङ्खेय्यो, थामगतोति नुपसङ्खेय्यो; ते अभिसङ्खारा पहीना; अभिसङ्खारानं पहीनत्ता गतिया नुपसङ्खेय्यो, नेरयिकोति वा तिरच्छानयोनिकोति वा पेत्तिविसयिकोति वा मनुस्सोति वा देवोति वा रूपीति वा अरूपीति वा सज्जीति वा असज्जीति वा नेवसज्जीनासज्जीति

वा । सो हेतु नत्थि पच्चयो नत्थि कारणं नत्थि येन सङ्खं गच्छेय्याति — वेमज्झे नुपसङ्खेय्यो ।

तस्स नत्थि पुरक्खतन्ति । तस्साति अरहतो खीणासवस्स । पुरेक्खाराति द्वे पुरेक्खारा — तण्हापुरेक्खारो च दिट्ठिपुरेक्खारो च... पे०... अयं तण्हापुरेक्खारो... पे०... अयं दिट्ठिपुरेक्खारो । तस्स तण्हापुरेक्खारो पहीनो, दिट्ठिपुरेक्खारो पटिनिस्सट्ठो । तण्हापुरेक्खारस्स पहीनत्ता, दिट्ठिपुरेक्खारस्स पटिनिस्सट्ठत्ता न तण्हं वा दिट्ठिं वा पुरतो कत्वा चरति, न तण्हाधजो न तण्हाकेतु न तण्हाधिपतेय्यो, न दिट्ठिधजो न दिट्ठिकेतु न दिट्ठाधिपतेय्यो, न तण्हाय वा दिट्ठिया वा परिवारितो चरति । एवम्पि तस्स नत्थि पुरक्खतं । अथ वा “एवंरूपो सियं अनागतमद्धानं” न्ति तत्थ नन्दिं न समन्नानेति, “एवंवेदनो सियं... एवंसञ्जो सियं... एवंसङ्खारो सियं... एवंविज्जाणो सियं अनागतमद्धानं” न्ति तत्थ नन्दिं न समन्नानेति । एवम्पि तस्स नत्थि पुरक्खतं । अथ वा “इति मे चक्खु सिया अनागतमद्धानं — इति रूपा” ति अप्पटिलद्धस्स पटिलाभाय चित्तं न पणिदहति, चेतसो अप्पणिधानप्पच्चया न तदभिनन्दति; न तदभिनन्दन्तो । एवम्पि तस्स नत्थि पुरक्खतं । “इति मे सोतं सिया अनागतमद्धानं — इति सद्दा” ति, “इति मे घानं सिया अनागतमद्धानं — इति गन्धा” ति, “इति मे जिक्का सिया अनागतमद्धानं — इति रसा” ति, “इति मे कायो सिया अनागतमद्धानं — इति फोड्डब्बा” ति, “इति मे मनो सिया अनागतमद्धानं — इति धम्मा” ति अप्पटिलद्धस्स पटिलाभाय चित्तं न पणिदहति, चेतसो अप्पणिधानप्पच्चया न तदभिनन्दति; न तदभिनन्दन्तो । एवम्पि तस्स नत्थि पुरक्खतं । अथ वा “इमिनाहं सीलेन वा वतेन वा तपेन वा ब्रह्मचरियेन वा देवो वा भविस्सामि देवज्जतरो” ति वा अप्पटिलद्धस्स पटिलाभाय चित्तं न पणिदहति, चेतसो अप्पणिधानप्पच्चया न तदभिनन्दति; न तदभिनन्दतो । एवम्पि तस्स नत्थि पुरक्खतं ।

तेनाह भगवा —

“वीततण्हो पुराभेदा, [इति भगवा]

पुब्बमन्तमनिस्सितो ।

वेमज्झे नुपसङ्खेय्यो,

तस्स नत्थि पुरक्खत” न्ति ॥

८५. अक्कोधनो असन्तासी, अविकत्थी अकुक्कुचो ।

मन्तभाणी अनुद्धतो, स वे वाचायतो मुनि॥

अक्कोधनो असन्तासीति । अक्कोधनोति यज्झि खो वुत्तं । अपि च कोधो ताव वत्तब्बो । दसहाकारेहि कोधो जायति — “अनत्थं मे अचरी” ति कोधो जायति, “अनत्थं मे चरती” ति कोधो जायति, “अनत्थं मे चरिस्सती” ति कोधो जायति, “पियस्स मे मनापस्स अनत्थं अचरि... अनत्थं चरति... अनत्थं चरिस्सती” ति कोधो जायति, “अप्पियस्स मे अमनापस्स अत्थं अचरि... अत्थं चरति... अत्थं चरिस्सती” ति कोधो जायति, अट्ठाने वा पन कोधो जायति । यो एवरूपो चित्तस्स आघातो पटिघातो, पटिघं पटिविरोधो, कोपो पकोपो सम्पकोपो, दोसो पदोसो सम्पदोसो, चित्तस्स व्यापत्ति मनोपदोसो, कोधो कुज्झना कुज्झितत्तं, दोसो दुस्सना दुस्सितत्तं, व्यापत्ति व्यापज्जना व्यापज्जितत्तं, विरोधो पटिविरोधो चण्डिककं, असुरोपो [अस्सुरोपो (सी० क०)] अनत्तमनता चित्तस्स — अयं वुच्चति कोधो ।

अपि च कोधस्स अधिमत्तपरित्तता वेदितब्बा । अत्थि कज्चि [किज्चि (क०)] कालं कोधो चित्ताविलकरणमत्तो होति, न च ताव मुखकुलानविकुलानो होति; अत्थि कज्चि कालं कोधो मुखकुलानविकुलानमत्तो होति, न च ताव हनुसज्जोपनो

होति; अत्थि कञ्चि कालं कोधो हनुसञ्चोपनमत्तो होति, न च ताव फरुसवाचं निच्छारणो [फरुसवाचनिच्छारणो (स्या०)] होति; अत्थि कञ्चि कालं कोधो फरुसवाचं निच्छारणमत्तो होति, न च ताव दिसाविदिसानुविलोकनो होति; अत्थि कञ्चि कालं कोधो दिसाविदिसानुविलोकनमत्तो होति, न च ताव दण्डसत्थपरामसनो होति; अत्थि कञ्चि कालं कोधो दण्डसत्थपरामसनमत्तो होति, न च ताव दण्डसत्थअब्भुक्किरणो होति; अत्थि कञ्चि कालं कोधो दण्डसत्थअब्भुक्किरणमत्तो होति, न च ताव दण्डसत्थअभिनिपातनो होति; अत्थि कञ्चि कालं कोधो दण्डसत्थअभिनिपातमत्तो होति, न च ताव छिन्नविच्छिन्नकरणो होति; अत्थि कञ्चि कालं कोधो छिन्नविच्छिन्नकरणमत्तो होति, न च ताव सम्भञ्जनपलिभञ्जनो होति; अत्थि कञ्चि कालं कोधो सम्भञ्जनपलिभञ्जनमत्तो होति, न च ताव अङ्गमङ्गअपकट्टनो होति; अत्थि कञ्चि कालं कोधो अङ्गमङ्गअपकट्टनमत्तो होति, न च ताव जीवितावरोपनो [जीवितपनासनो (स्या०)] होति; अत्थि कञ्चि कालं कोधो जीवितावरोपनमत्तो होति, न च ताव सब्बचागपरिच्चागाय सण्ठितो होति । यतो कोधो परपुग्गलं घाटेत्वा अत्तानं घाटेति, एत्तावता कोधो परमुस्सदगतो परमवेपुल्लप्पत्तो होति । यस्स सो कोधो पहीनो समुच्छिन्नो वूपसन्तो पटिपस्सद्धो अभब्बुप्पत्तिको जाणग्गिना दट्ठो, सो वुच्चति अक्कोधनो । कोधस्स पहीनत्ता अक्कोधनो, कोधवत्थुस्स परिज्जातत्ता अक्कोधनो, कोधहेतुस्स उपच्छिन्नत्ता अक्कोधनोति — अक्कोधनो ।

असन्तासीति इधेकच्चो तासी होति उत्तासी परित्तासी, सो तसति न उत्तसति परित्तसति भायति सन्तासं आपज्जति । कुलं वा न लभामि, गणं वा न लभामि, आवासं वा न लभामि, लाभं वा न लभामि, यसं वा न लभामि, पसंसं वा न लभामि, सुखं वा न लभामि, चीवरं वा न लभामि, पिण्डपातं वा न लभामि, सेनासनं वा न लभामि, गिलानपच्चयभेसज्जपरिक्खारं वा न लभामि, गिलानुपट्ठाकं वा न लभामि, अप्पज्जातोम्हीति तसति उत्तसति परित्तसति भायति सन्तासं आपज्जति ।

इध भिक्खु असन्तासी होति अनुत्तासी अपरित्तासी; सो न तसति न उत्तसति न परित्तसति न भायति न सन्तासं आपज्जति । कुलं वा न लभामि, गणं वा न लभामि, आवासं वा न लभामि, लाभं वा न लभामि, यसं वा न लभामि, पसंसं वा न लभामि, सुखं वा न लभामि, चीवरं वा न लभामि, पिण्डपातं वा न लभामि, सेनासनं वा न लभामि, गिलानपच्चयभेसज्जपरिक्खारं वा न लभामि, गिलानुपट्ठाकं वा न लभामि, अप्पज्जातोम्हीति न तसति न उत्तसति न परित्तसति न भायति न सन्तासं आपज्जतीति — अक्कोधनो असन्तासी ।

अविकत्थी अकुक्कुचोति । इधेकच्चो कत्थी होति विकत्थी, सो कत्थति विकत्थति — अहमस्मि सीलसम्पन्नोति वा वतसम्पन्नोति वा सीलब्बतसम्पन्नोति वा जातिया वा गोत्तेन वा कोलपुत्तियेन वा वण्णपोक्खरताय वा धनेन वा अज्जेनेन वा कम्मायतनेन वा सिप्पायतनेन वा विज्जाट्टानेन वा सुतेन वा पटिभानेन वा अज्जतरज्जतरेन वा वत्थुना । उच्चा कुला पब्बजितोति वा महाकुला पब्बजितोति वा, महाभोगकुला पब्बजितोति वा उट्ठारभोगकुला पब्बजितोति वा, जातो यसस्सी गहट्ठपब्बजितानन्ति वा, लाभिम्हि चीवरपिण्डपातसेनासनगिलानपच्चयभेसज्जपरिक्खारानन्ति वा, सुत्तन्तिकोति वा विनयधरोति वा धम्मकथिकोति वा, आरज्जिकोति वा पिण्डपातिकोति वा पंसुकूलिकोति वा तेचीवरिकोति वा, सपदानचारिकोति वा खलुपच्छाभत्तिकोति वा नेसज्जिकोति वा यथासन्थतिकोति वा, पठमस्स ज्ञानस्स लाभीति वा दुतियस्स ज्ञानस्स लाभीति वा ततियस्स ज्ञानस्स लाभीति वा चतुत्थस्स ज्ञानस्स लाभीति वा, आकासानज्जायतनसमापत्तिया... विज्जाणज्जायतनसमापत्तिया... आकिञ्चज्जायतनसमापत्तिया... नेवसज्जानासज्जायतनसमापत्तिया लाभीति वा कत्थति विकत्थति । एवं न कत्थति न विकत्थति, कत्थना विकत्थना

आरतो विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — अविकत्थी ।

अकुक्कुचोति । कुक्कुच्चन्ति हत्थकुक्कुच्चम्पि कुक्कुच्चं, पादकुक्कुच्चम्पि कुक्कुच्चं, हत्थपादकुक्कुच्चम्पि कुक्कुच्चं, अकप्पिये कप्पियसज्जिता कप्पिये अकप्पियसज्जिता, विकाले कालसज्जिता काले विकालसज्जिता, अवज्जे वज्जसज्जिता वज्जे अवज्जसज्जिता; यं एवरूपं कुक्कुच्चं कुक्कुच्चायना कुक्कुच्चायितत्तं चेतसो विप्पटिसारो मनोविलेखो — इदं वुच्चति कुक्कुच्चं ।

अपि च द्वीहि कारणेहि उप्पज्जति कुक्कुच्चं चेतसो विप्पटिसारो मनोविलेखो कतत्ता च अकतत्ता च । कथं कतत्ता च अकतत्ता च उप्पज्जति कुक्कुच्चं चेतसो विप्पटिसारो मनोविलेखो? “कतं मे कायदुच्चरितं, अकतं मे कायसुचरितं”न्तिउप्पज्जति कुक्कुच्चं चेतसो विप्पटिसारो मनोविलेखो; “कतं मे वचीदुच्चरितं, अकतं मे वचीसुचरितं... कतं मे मनोदुच्चरितं, अकतं मे मनोसुचरितं”न्ति — उप्पज्जति कुक्कुच्चं चेतसो विप्पटिसारो मनोविलेखो; “कतो मे पाणातिपातो, अकता मे पाणातिपाता वेरमणी”ति — उप्पज्जति कुक्कुच्चं चेतसो विप्पटिसारो मनोविलेखो; “कतं मे अदिन्नादानं, अकता मे अदिन्नादाना वेरमणी”ति — उप्पज्जति कुक्कुच्चं चेतसो विप्पटिसारो मनोविलेखो; “कतो मे कामेसुमिच्छाचारो, अकता मे कामेसुमिच्छाचारा वेरमणी”ति — उप्पज्जति कुक्कुच्चं चेतसो विप्पटिसारो मनोविलेखो; “कतो मे मुसावादो, अकता मे मुसावादा वेरमणी”ति... “कता मे पिसुणा वाचा, अकता मे पिसुणाय वाचाय वेरमणी”ति... “कता मे फरुसा वाचा, अकता मे फरुसाय वाचाय वेरमणी”ति... “कतो मे सम्फप्पलापो, अकता मे सम्फप्पलापा वेरमणी”ति... “कता मे अभिज्झा, अकता मे अनभिज्झा”ति... “कतो मे ब्यापादो, अकतो मे अब्यापादो”ति... “कता मे मिच्छादिट्ठि, अकता मे सम्मादिट्ठी”ति — उप्पज्जति कुक्कुच्चं चेतसो विप्पटिसारो मनोविलेखो । एवं कतत्ता च अकतत्ता च उप्पज्जति कुक्कुच्चं चेतसो विप्पटिसारो मनोविलेखो ।

अथ वा “सीलेसुम्हि न परिपूरकारी”ति — उप्पज्जति कुक्कुच्चं चेतसो विप्पटिसारो मनोविलेखो; “इन्द्रियेसुम्हि अगुत्तद्वारो”ति... “भोजने अमत्तज्जुम्ही”ति... “जागरियं अननुयुत्तोम्ही”ति... “न सतिसम्पज्जनेन समन्नागतोम्ही”ति... “अभाविता मे चत्तारो सतिपट्टाना”ति... “अभाविता मे चत्तारो सम्मपधाना”ति... “अभाविता मे चत्तारो इद्धिपादा”ति... “अभावितानि मे पञ्चिन्द्रियानी”ति... “अभावितानि मे पञ्च बलानी”ति... “अभाविता मे सत्त बोज्झङ्गा”ति... “अभावितो मे अरियो अट्ठङ्गिको मग्गो”ति... “दुक्खं मे अपरिज्जातं”न्ति... “समुदयो मे अप्पहीनो”ति... “मग्गो मे अभावितो”ति... “निरोधो मे असच्छिकतो”ति — उप्पज्जति कुक्कुच्चं चेतसो विप्पटिसारो मनोविलेखो । यस्सेतं कुक्कुच्चं पहीनं समुच्छिन्नं वूपसन्तं पटिपस्सद्धं अभब्बुप्पत्तिकं जाणगिना दट्ठं, सो वुच्चति अकुक्कुच्चोति — अविकत्थी अकुक्कुचो ।

मन्तभाणी अनुद्धतोति । मन्ता वुच्चति पज्जा । या पज्जा पजानना...पे०... अमोहो धम्मविचयो सम्मादिट्ठि । मन्ताय परिग्गहेत्वा परिग्गहेत्वा वाचं भासति बहुम्पि कथेन्तो बहुम्पि भणन्तो बहुम्पि दीपयन्तो बहुम्पि वोहरन्तो । दुक्कथितं दुब्भणितं दुल्लपितं दुरुत्तं दुब्भासितं वाचं न भासतीति — मन्तभाणी । **अनुद्धतोति ।** तत्थ कतमं उद्धच्चं? यं चित्तस्स उद्धच्चं अवूपसमो चेतसो विक्खेपो भन्तत्तं चित्तस्स — इदं वुच्चति उद्धच्चं । यस्सेतं उद्धच्चं पहीनं समुच्छिन्नं वूपसन्तं पटिपस्सद्धं अभब्बुप्पत्तिकं जाणगिना दट्ठं, सो वुच्चति अनुद्धतोति — मन्तभाणी अनुद्धतो ।

स वे वाचायतो मुनीति । इध भिक्खु मुसावादं पहाय मुसावादा पटिविरतो होति सच्चवादी सच्चसन्थो थेतो

पच्चयिको अविसंवादको लोकस्स । पिसुणं वाचं पहाय पिसुणाय वाचाय पटिविरतो होति — इतो सुत्वा न अमुत्र अक्खाता इमेसं भेदाय, अमुत्र वा सुत्वा न इमेसं अक्खाता अमूसं भेदाय । इति भिन्नानं वा सन्धाता, सहितानं वा अनुप्पदाता, समग्गारामो समग्गरतो समग्गनन्दी समग्गकरणिं वाचं भासिता होति । फरुसं वाचं पहाय फरुसाय वाचाय पटिविरतो होति — या सा वाचा नेला कण्णसुखा पेमनीया हृदयङ्गमा पोरी बहुजनकन्ता बहुजनमनापा तथारूपिं वाचं भासिता होति । सम्फप्पलापं पहाय सम्फप्पलापा पटिविरतो होति — कालवादी भूतवादी अत्थवादी धम्मवादी विनयवादी निधानवतिं वाचं भासिता होति कालेन सापदेसं परियन्तवतिं अत्थसंहितं । चतूहि वचीसुचरितेहि समन्नागतो चतुदोसापगतं वाचं भासति, बात्तिसाय तिरच्छानकथाय आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरति ।

दस कथावत्थूनि कथेसि, सेय्यथिदं — अप्पिच्छकथं कथेति, सन्तुट्ठीकथं कथेति, पविवेककथं... असंसग्गकथं... वीरियारम्भकथं... सीलकथं... समाधिकथं... पज्जाकथं... विमुत्तिकथं ... विमुत्तिजाणदस्सनकथं... सतिपट्टानकथं... सम्मप्पधानकथं... इन्द्रियकथं... इन्द्रियकथं... बलकथं... बोज्झङ्गकथं... मग्गकथं... फलकथं... निब्बानकथं कथेति ।
वाचायतोति यत्तो परियत्तो गुत्तो गोपितो रक्खितो वूपसन्तो । **मुनीति । मोनं** वुच्चति जाणं । या पज्जा पजानना...पे०... अमोहो धम्मविचयो सम्मादिट्ठि...पे०... सङ्गजालमतिच्च सो मुनीति — स वे वाचायतो मुनि ।

तेनाह भगवा —

“अक्कोधनो असन्तासी, अविकत्थी अकुक्कुचो ।
 मन्तभाणी अनुद्धतो, स वे वाचायतो मुनी”ति ॥

**८६. निरासत्ति अनागते, अतीतं नानुसोचति ।
 विवेकदस्सी फस्सेसु, दिट्ठीसु च न नीयति ॥**

निरासत्ति अनागतेति । आसत्ति वुच्चति तण्हा । यो रागो सारागो...पे०... अभिज्झा लोभो अकुसलमूलं । यस्सेसा आसत्ति तण्हा पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दङ्गाति । एवम्पि निरासत्ति अनागते । अथ वा “एवंरूपो सियं अनागतमद्धान”न्ति तत्थ नन्दिं न समन्नानेति, “एवंवेदनो सियं... एवंसज्जो सियं... एवंसङ्खारो सियं... एवंविज्जाणो सियं अनागतमद्धान”न्ति तत्थ नन्दिं न समन्नानेति । एवम्पि निरासत्ति अनागते । अथ वा “इति मे चक्खु सिया अनागतमद्धानं — इति रूपा”ति अप्पटिलद्धस्स पटिलाभाय चित्तं न पणिदहति, चेतसो अप्पणिधानप्पच्चया न तदभिनन्दति; न तदभिनन्दन्तो । एवम्पि निरासत्ति अनागते । “इति मे सोतं सिया अनागतमद्धानं — इति सद्दा”ति...पे०... “इति मे मनो सिया अनागतमद्धानं — इति धम्मा”ति अप्पटिलद्धस्स पटिलाभाय चित्तं न पणिदहति, चेतसो अप्पणिधानप्पच्चया न तदभिनन्दति; न तदभिनन्दन्तो । एवम्पि निरासत्ति अनागते । अथ वा “इमिनाहं सीलेन वा वतेन वा तपेन वा ब्रह्मचरियेन वा देवो वा भविस्सामि देवज्जतरो वा”ति अप्पटिलद्धस्स पटिलाभाय चित्तं न पणिदहति, चेतसो अप्पणिधानप्पच्चया न तदभिनन्दति; न तदभिनन्दन्तो । एवम्पि निरासत्ति अनागते ।

अतीतं नानुसोचतीति । विपरिणतं वा वत्थुं न सोचति, विपरिणतस्मिं वा वत्थुस्मिं न सोचति, “चक्खु मे विपरिणत”न्ति न सोचति, “सोतं मे... धानं मे... जिक्का मे... कायो मे... रूपा मे... सद्दा मे... गन्धा मे... रसा मे... फोडुब्बा मे... कुलं मे... गणो मे... आवासो मे... लाभो मे... यसो मे... पसंसा मे... सुखं मे... चीवरं मे... पिण्डपातो मे... सेनासनं मे...

गिलानपच्चयभेसज्जपरिक्खारो मे... माता मे... पिता मे... भाता मे... भगिनी मे... पुत्तो मे... धीता मे... मित्ता मे... अमच्चा मे... जातका मे... सालोहिता मे विपरिणता'ति न सोचति न किलमति न परिदेवति न उरत्ताळिं कन्दति न सम्मोहं आपज्जतीति — अतीतं नानुसोचति ।

विवेकदस्सी फस्सेसूति । चक्खुसम्फस्सो सोतसम्फस्सो घानसम्फस्सो जिह्वासम्फस्सो कायसम्फस्सो मनोसम्फस्सो, अधिवचनसम्फस्सो पटिघसम्फस्सो, सुखवेदनीयो फस्सो दुक्खवेदनीयो फस्सो अदुक्खमसुखवेदनीयो फस्सो, कुसलो फस्सो अकुसलो फस्सो अब्याकतो फस्सो, कामावचरो फस्सो रूपावचरो फस्सो अरूपावचरो फस्सो, सुज्जतो फस्सो अनिमित्तो फस्सो अप्पणिहितो फस्सो, लोकियो फस्सो लोकुत्तरो फस्सो, अतीतो फस्सो अनागतो फस्सो पच्चुप्पन्नो फस्सो; यो एवरूपो फस्सो फुसना सम्फुसना सम्फुसितत्तं — अयं वुच्चति फस्सो ।

विवेकदस्सी फस्सेसूति । चक्खुसम्फस्सं विवित्तं पस्सति अत्तेन वा अत्तनियेन वा निच्चेन वा धुवेन वा सस्सतेन वा अविपरिणामधम्मेन वा, सोतसम्फस्सं विवित्तं पस्सति... घानसम्फस्सं विवित्तं पस्सति... जिह्वासम्फस्सं विवित्तं पस्सति... कायसम्फस्सं विवित्तं पस्सति... मनोसम्फस्सं विवित्तं पस्सति... अधिवचनसम्फस्सं विवित्तं पस्सति... पटिघसम्फस्सं विवित्तं पस्सति... सुखवेदनीयं फस्सं... दुक्खवेदनीयं फस्सं... अदुक्खमसुखवेदनीयं फस्सं... कुसलं फस्सं... अकुसलं फस्सं... अब्याकतं फस्सं... कामावचरं फस्सं... रूपावचरं फस्सं... अरूपावचरं फस्सं... लोकियं फस्सं विवित्तं पस्सति अत्तेन वा अत्तनियेन वा निच्चेन वा धुवेन वा सस्सतेन वा अविपरिणामधम्मेन वा ।

अथ वा अतीतं फस्सं अनागतेहि च पच्चुप्पन्नेहि च फस्सेहि विवित्तं पस्सति, अनागतं फस्सं अतीतेहि च पच्चुप्पन्नेहि च फस्सेहि विवित्तं पस्सति, पच्चुप्पन्नं फस्सं अतीतेहि च अनागतेहि च फस्सेहि विवित्तं पस्सति । अथ वा ये ते फस्सा अरिया अनासवा लोकुत्तरा सुज्जतपटिसञ्जुत्ता, ते फस्से विवित्ते पस्सति रागेन दोसेन मोहेन कोधेन उपनाहेन मक्खेन पळासेन इस्साय मच्छरियेन मायाय साठेय्येन थम्भेन सारम्भेन मानेन अतिमानेन मदेन पमादेन सब्बकिलेसेहि सब्बदुच्चरितेहि सब्बदरथेहि सब्बपरिळाहेहि सब्बसन्तापेहि सब्बाकुसलाभिसङ्गारेहि विवित्ते पस्सतीति — विवेकदस्सी फस्सेसु ।

दिट्ठीसु च न नीयतीति । तस्स द्वासट्ठि दिट्ठिगतानि पहीनानि समुच्छिन्नानि वूपसन्तानि पटिपस्सद्धानि अभब्बुप्पत्तिकानि जाणगिना दड्ढानि । सो दिट्ठिया न यायति न नीयति न वुहति न संहरीयति; नपि तं दिट्ठिगतं सारतो पच्चेति न पच्चागच्छतीति — दिट्ठीसु च न नीयति ।

तेनाह भगवा —

“निरासत्ति अनागते, अतीतं नानुसोचति ।

विवेकदस्सी फस्सेसु, दिट्ठीसु च न नीयती'ति ॥

८७. पतिलीनो अकुहको, अपिहालु अमच्छरी ।

अप्पगब्भो अजेगुच्छो, पेसुणेय्ये च नो युतो ॥

पतिलीनो अकुहकोति । पतिलीनोति रागस्स पहीनत्ता पतिलीनो, दोसस्स पहीनत्ता पतिलीनो, मोहस्स पहीनत्ता पतिलीनो, कोधस्स... उपनाहस्स ... मक्खस्स... पळासस्स... इस्साय... मच्छरियस्स... पे०... सब्बाकुसलाभिसङ्गारानं पहीनत्ता

पतिलीनो । वुत्तज्हेतं भगवता — “कथञ्च, भिक्खवे, भिक्खु पतिलीनो होति? इमस्स, भिक्खवे, भिक्खुनो अस्मिमानो पहीनो होति उच्छिन्नमूलो तालावत्थुकतो अनभावंकतो आयतिं अनुप्पादधम्मो । एवं खो, भिक्खवे, भिक्खु पतिलीनो होती”ति — पतिलीनो ।

अकुहकोति तीणि कुहनवत्थूनि — पच्चयपटिसेवनसङ्घातं कुहनवत्थु, इरियापथसङ्घातं कुहनवत्थु, सामन्तजप्पनसङ्घातं कुहनवत्थु ।

कतमं पच्चयपटिसेवनसङ्घातं कुहनवत्थु? इध गहपतिका भिक्खुं निमन्तेन्ति चीवरपिण्डपातसेनासनगिलानपच्चयभेसज्जपरिक्खारेहि । सो पापिच्छो इच्छापकतो अत्थिको चीवरपिण्डपातसेनासनगिलानपच्चयभेसज्जपरिक्खारानं भिय्योकम्यतं उपादाय चीवरं पच्चक्खाति, पिण्डपातं पच्चक्खाति, सेनासनं पच्चक्खाति, गिलानपच्चयभेसज्जपरिक्खारं पच्चक्खाति । सो एवमाह — “किं समणस्स महग्घेन चीवरेन! एतं सारुप्यं यं समणो सुसाना वा सङ्कारकूटा वा पापणिका वा नन्तकानि उच्चिनित्वा सङ्घाटिं कत्वा धारेय्य । किं समणस्स महग्घेन पिण्डपातेन! एतं सारुप्यं यं समणो उज्झाचरियाय पिण्डियालोपेन जीविकं कप्पेय्य । किं समणस्स महग्घेन सेनासनेन! एतं सारुप्यं यं समणो रुक्खमूलिको वा अस्स सोसानिको वा अब्भोकासिको वा । किं समणस्स महग्घेन गिलानपच्चयभेसज्जपरिक्खारेन! एतं सारुप्यं यं समणो पूतिमुत्तेन वा हरितकीखण्डेन वा ओसधं करेय्या”ति । तदुपादाय लूखं चीवरं धारेति, लूखं पिण्डपातं परिभुज्जति, लूखं सेनासनं पटिसेवति, लूखं गिलानपच्चयभेसज्जपरिक्खारं पटिसेवति । तमेनं गहपतिका एवं जानन्ति — “अयं समणो अपिच्छो सन्तुट्ठो पविवित्तो असंसट्ठो आरद्धवीरियो धुतवादो”ति भिय्यो भिय्यो निमन्तेन्ति चीवरपिण्डपातसेनासनगिलानपच्चयभेसज्जपरिक्खारेहि । सो एवमाह — “तिण्णं सम्मुखीभावा सद्धो कुलपुत्तो बहुं पुज्जं पसवति । सद्धाय सम्मुखीभावा सद्धो कुलपुत्तो बहुं पुज्जं पसवति, देय्यधम्मस्स सम्मुखीभावा सद्धो कुलपुत्तो बहुं पुज्जं पसवति, दक्खिण्येय्यानं सम्मुखीभावा सद्धो कुलपुत्तो बहुं पुज्जं पसवति । ‘तुम्हाकञ्चेवायं सद्धा अत्थि, देय्यधम्मो च संविज्जति, अहञ्च पटिग्गाहको । सचेहं न पटिग्गाहेस्सामि, एवं तुम्हे पुज्जेन परिबाहिरा भविस्सन्ति । न मय्हं इमिना अत्थो । अपि च तुम्हाकंयेव अनुकम्पाय पटिग्गण्हामी”ति । तदुपादाय बहुम्पि चीवरं पटिग्गण्हाति, बहुम्पि पिण्डपातं पटिग्गण्हाति, बहुम्पि गिलानपच्चयभेसज्जपरिक्खारं पटिग्गण्हाति । या एवरूपा भाकुटिका भाकुटियं कुहना कुहायना कुहितत्तं — इदं पच्चयपटिसेवनसङ्घातं कुहनवत्थु ।

कतमं इरियापथसङ्घातं कुहनवत्थु? इधेकच्चो पापिच्छो इच्छापकतो सम्भावनाधिप्पायो, “एवं मं जनो सम्भावेस्सती”ति, गमनं सण्ठपेति ठानं सण्ठपेति निसज्जं सण्ठपेति सयनं सण्ठपेति, पणिधाय गच्छति पणिधाय तिट्ठति पणिधाय निसीदति पणिधाय सेय्यं कप्पेति, समाहितो विय गच्छति समाहितो विय तिट्ठति समाहितो विय निसीदति समाहितो विय सेय्यं कप्पेति, आपाथकज्झायीव होति । या एवरूपा इरियापथस्स ठपना आठपना [अट्ठपना (सी०)] सण्ठपना भाकुटिका भाकुटियं कुहना कुहायना कुहितत्तं — इदं इरियापथसङ्घातं कुहनवत्थु ।

कतमं सामन्तजप्पनसङ्घातं कुहनवत्थु? इधेकच्चो पापिच्छो इच्छापकतो सम्भावनाधिप्पायो, “एवं मं जनो सम्भावेस्सती”ति, अरियधम्मसन्निस्सितं वाचं भासति । “यो एवरूपं चीवरं धारेति सो समणो महेसक्खो”ति भणति; “यो एवरूपं पत्तं धारेति... लोहथालकं धारेति... धम्मकरणं धारेति... परिसावनं धारेति... कुञ्चिकं धारेति... उपाहनं धारेति... कायबन्धनं धारेति... आयोगं धारेति सो समणो महेसक्खो”ति भणति; “यस्स एवरूपो उपज्झायो सो समणो महेसक्खो”ति भणति; “यस्स एवरूपो आचरियो... एवरूपा समानुपज्झायका... समानाचरियका... मित्ता... सन्दिट्ठा... सम्भत्ता... सहाया सो

समणो महेसक्खो”ति भणति; “यो एवरूपे विहारे वसति सो समणो महेसक्खो”ति भणति; “यो एवरूपे अट्ठयोगे वसति... पासादे वसति... हम्मिये वसति... गुहायं वसति... लेणे वसति... कुटिया वसति... कूटागारे वसति... अट्ठे वसति ... माळे वसति... उट्ठण्डे वसति... उपट्ठानसालायं वसति... मण्डपे वसति... रुक्खमूले वसति, सो समणो महेसक्खो”ति भणति ।

अथ वा कोरजिककोरजिको [कोरज्जिककोरज्जिको (सी०)] भाकुटिकभाकुटिको कुहककुहको लपकलपको मुखसम्भाविको, “अयं समणो इमासं एवरूपानं सन्तानं विहारसमापत्तीनं लाभी”ति तादिसं गम्भीरं गूळ्हं निपुणं पटिच्छन्नं लोकुत्तरं सुज्जतापटिसंयुत्तं कथं कथेसि । या एवरूपा भाकुटिका भाकुटियं कुहना कुहायना कुहितत्तं — इदं सामन्तजप्पनसङ्घातं कुहनवत्थु । यस्सिमानि तीणि कुहनवत्थूनि पहीनानि समुच्छिन्नानि वूपसन्तानि पटिपस्सद्धानि अभब्बुप्पत्तिकानि जाणगिना दट्ठानि, सो वुच्चति अकुहकोति — पतिलीनो अकुहको ।

अपिहालु अमच्छरीति । पिहा वुच्चति तण्हा । यो रागो सारागो... पे०... अभिज्झा लोभो अकुसलमूलं । यस्सेसा पिहा तण्हा पहीना समुच्छिन्ना वूपसन्ता पटिपस्सद्धानि अभब्बुप्पत्तिका जाणगिना दट्ठा, सो वुच्चति अपिहालु । सो रूपे न पिहेति, सद्दे... गन्धे... रसे... फोडुब्बे... कुलं... गणं... आवासं... लाभं... यसं... पसंसं... सुखं... चीवरं... पिण्डपातं... सेनासनं... गिलानपच्चयभेसज्जपरिक्खारं... कामधातुं... रूपधातुं... अरूपधातुं... कामभवं... रूपभवं... अरूपभवं... सज्जाभवं... असज्जाभवं ... नेवसज्जानासज्जाभवं... एकवोकारभवं... चतुवोकारभवं... पञ्चवोकारभवं... अतीतं... अनागतं... पच्चुप्पन्नं... दिट्ठसुतमुतविज्जातब्बे धम्मे न पिहेति न इच्छति न सादियति न पत्थेति नाभिजप्पतीति — अपिहालु ।
अमच्छरीति पञ्च मच्छरियानि — आवासमच्छरियं, कुलमच्छरियं, लाभमच्छरियं, वण्णमच्छरियं, धम्ममच्छरियं । यं एवरूपं मच्छरं मच्छरायना मच्छरायितत्तं वेविच्छं कदरियं कटुकञ्चुकता अगगहितत्तं चित्तस्स — इदं वुच्चति मच्छरियं । अपि च खन्धमच्छरियमपि मच्छरियं, धातुमच्छरियमपि मच्छरियं, आयतनमच्छरियमपि मच्छरियं गाहो — इदं वुच्चति मच्छरियं । यस्सेतं मच्छरियं पहीनं समुच्छिन्नं वूपसन्तं पटिपस्सद्दं अभब्बुप्पत्तिकं जाणगिना दट्ठं, सो वुच्चति अमच्छरीति — अपिहालु अमच्छरी ।

अप्पगब्भो अजेगुच्छोति । पागब्भियन्ति तीणि पागब्भियानि — कायिकं पागब्भियं, वाचसिकं पागब्भियं, चेतसिकं पागब्भियं । कतमं कायिकं पागब्भियं? इधेकच्चो सङ्गगतोपि कायिकं पागब्भियं दस्सेति, गणगतोपि कायिकं पागब्भियं दस्सेति, भोजनसालायमपि कायिकं पागब्भियं दस्सेति, जन्ताघरेपि कायिकं पागब्भियं दस्सेति, उदकतित्थेपि कायिकं पागब्भियं दस्सेति, अन्तरघरं पविसन्तोपि कायिकं पागब्भियं दस्सेति, अन्तरघरं पविट्ठोपि कायिकं पागब्भियं दस्सेति ।

कथं सङ्गगतो कायिकं पागब्भियं दस्सेति? इधेकच्चो सङ्गगतो अचिक्कीकारकतो [अचित्तिकारकतो (स्या० क०)] थरे भिक्खू घट्टयन्तोपि तिट्ठति, घट्टयन्तोपि निसीदति, पुरतोपि तिट्ठति, पुरतोपि निसीदति, उच्चेपि आसने निसीदति, ससीसं पारुपित्वापि निसीदति, ठितकोपि भणति, बाहाविकखेपकोपि भणति । एवं सङ्गगतो कायिकं पागब्भियं दस्सेति ।

कथं गणगतो कायिकं पागब्भियं दस्सेति? इधेकच्चो गणगतो अचिक्कीकारकतो थेरानं भिक्खूनं अनुपाहनानं चङ्कमन्तानं सउपाहनो चङ्कमति, नीचे चङ्कमे चङ्कमन्तानं उच्चे चङ्कमे चङ्कमति, छमाय चङ्कमन्तानं चङ्कमे चङ्कमति, घट्टयन्तोपि तिट्ठति, घट्टयन्तोपि निसीदति, पुरतोपि तिट्ठति, पुरतोपि निसीदति, उच्चेपि आसने निसीदति, ससीसं पारुपित्वा निसीदति, ठितकोपि भणति, बाहाविकखेपकोपि भणति । एवं गणगतो कायिकं पागब्भियं दस्सेति ।

कथं भोजनसालायं कायिकं पागब्भियं दस्सेति? इधेकच्चो भोजनसालायं अचिक्कीकारकतो थेरे भिक्खू अनुपखज्ज निसीदति, नवेपि भिक्खू आसनेन पटिबाहति, घट्टयन्तोपि तिड्ढति, घट्टयन्तोपि निसीदति, पुरतोपि तिड्ढति, पुरतोपि निसीदति, उच्चेषि आसने निसीदति, ससीसं पारुपित्वापि निसीदति, ठितकोपि भणति, बाहाविकखेपकोपि भणति । एवं भोजनसालायं कायिकं पागब्भियं दस्सेति ।

कथं जन्ताघरे कायिकं पागब्भियं दस्सेति? इधेकच्चो जन्ताघरे अचिक्कीकारकतो थेरे भिक्खू घट्टयन्तोपि तिड्ढति, घट्टयन्तोपि निसीदति, पुरतोपि तिड्ढति, पुरतोपि निसीदति, उच्चेषि आसने निसीदति, अनापुच्छम्पि अनज्झिड्ढोपि कट्ठं पक्खिपति, द्वारम्पि पिदहति, बाहाविकखेपकोपि भणति । एवं जन्ताघरे कायिकं पागब्भियं दस्सेति ।

कथं उदकतित्थे कायिकं पागब्भियं दस्सेति? इधेकच्चो उदकतित्थे अचिक्कीकारकतो थेरे भिक्खू घट्टयन्तोपि ओतरति, पुरतोपि ओतरति, घट्टयन्तोपि न्हायति [नहायति (सी०)], पुरतोपि न्हायति, उपरितोपि न्हायति, घट्टयन्तोपि उत्तरति, पुरतोपि उत्तरति, उपरितोपि उत्तरति । एवं उदकतित्थे कायिकं पागब्भियं दस्सेति ।

कथं अन्तरघरं पविसन्तो कायिकं पागब्भियं दस्सेति? इधेकच्चो अन्तरघरं पविसन्तो अचिक्कीकारकतो थेरे भिक्खू घट्टयन्तोपि गच्छति, पुरतोपि गच्छति, वोक्कम्मापि थेरानं भिक्खूनं पुरतो पुरतो गच्छति । एवं अन्तरघरं पविसन्तो कायिकं पागब्भियं दस्सेति ।

कथं अन्तरघरं पविट्ठो कायिकं पागब्भियं दस्सेति? इधेकच्चो अन्तरघरं पविट्ठो, “न पविस [पविसथ (सी०) एवमज्जेसु पदद्वयेसुपि], भन्ते”ति वुच्चमानो पविसति, “न तिड्ढ, भन्ते”ति वुच्चमानो तिड्ढति, “न निसीद, भन्ते”ति वुच्चमानो निसीदति, अनोकासम्पि पविसति, अनोकासेपि तिड्ढति, अनोकासेपि निसीदति, यानिपि तानि होन्ति कुलानं ओवरकानि गूळहानि च पटिच्छन्नानि च । यत्थ कुलित्थियो कुलधीतरो कुलसुण्हायो कुलकुमारियो निसीदन्ति, तत्थपि सहसा पविसति कुमारकस्सपि सिरं परामसति । एवं अन्तरघरं पविट्ठो कायिकं पागब्भियं दस्सेति — इदं कायिकं पागब्भियं दस्सेति ।

कतमं वाचसिकं पागब्भियं दस्सेति? इधेकच्चो सङ्गगतोपि वाचसिकं पागब्भियं दस्सेति, गणगतोपि वाचसिकं पागब्भियं दस्सेति, अन्तरघरं पविट्ठोपि वाचसिकं पागब्भियं दस्सेति ।

कथं सङ्गगतो वाचसिकं पागब्भियं दस्सेति? इधेकच्चो सङ्गगतो अचिक्कीकारकतो थेरे भिक्खू अनापुच्छं वा अनज्झिड्ढो वा आरामगतानं भिक्खूनं धम्मं भणति, पज्झं विसज्जेति, पातिमोक्खं उद्दिशति, ठितकोपि भणति, बाहाविकखेपकोपि भणति । एवं सङ्गगतो वाचसिकं पागब्भियं दस्सेति ।

कथं गणगतो वाचसिकं पागब्भियं दस्सेति? इधेकच्चो गणगतो अचिक्कीकारकतो थेरे भिक्खू अनापुच्छं वा अनज्झिड्ढो वा आरामगतानं भिक्खूनं धम्मं भणति, पज्झं विसज्जेति, ठितकोपि भणति, बाहाविकखेपकोपि भणति । आरामगतानं भिक्खुनीनं उपासकानं उपासिकानं धम्मं भणति, पज्झं विसज्जेति, ठितकोपि भणति, बाहाविकखेपकोपि भणति । एवं गणगतो वाचसिकं पागब्भियं दस्सेति ।

कथं अन्तरघरं पविट्ठो वाचसिकं पागब्भियं दस्सेति? इधेकच्चो अन्तरघरं पविट्ठो इत्थिं वा कुमारिं वा एवमाह —

“इत्थं नामे इत्थंगोत्ते किं अत्थि? यागु अत्थि, भत्तं अत्थि, खादनीयं अत्थि। किं पिविस्साम, किं भुज्जिस्साम, किं खादिस्साम? किं वा अत्थि, किं वा मे दस्सथा”ति विप्पलपति, या एवरूपा वाचा पलापो विप्पलापो लालप्पो लालप्पना लालप्पितत्तं। एवं अन्तरघरं पविट्ठो वाचसिकं पागब्भियं दस्सेति — इदं वाचसिकं पागब्भियं।

कतमं चेतसिकं पागब्भियं? इधेकच्चो न उच्चा कुला पब्बजितो समानो उच्चा कुला पब्बजितेन सद्धिं सदिसं अत्तानं दहति चित्तेन, न महाकुला पब्बजितो समानो महाकुला पब्बजितेन सद्धिं सदिसं अत्तानं दहति चित्तेन, न महाभोगकुला पब्बजितो समानो महाभोगकुला पब्बजितेन सद्धिं सदिसं अत्तानं दहति चित्तेन, न उळारभोगकुला पब्बजितो समानो... न सुत्तन्तिको समानो सुत्तन्तिकेन सद्धिं सदिसं अत्तानं दहति चित्तेन, न विनयधरो समानो... न धम्मकथिको समानो... न आरज्जिको समानो... न पिण्डपातिको समानो... न पंसुकूलिको समानो... न तेचीवरिको समानो... न सपदानचारिको समानो... न खलुपच्छाभक्तिको समानो... न नेसज्जिको समानो... न यथासन्थतिको समानो... न पठमस्स ज्ञानस्स लाभी समानो पठमस्स ज्ञानस्स लाभिना सद्धिं सदिसं अत्तानं दहति चित्तेन... पे०... न नेवसज्जानासज्जायतनसमापत्तिया लाभी समानो नेवसज्जानासज्जायतनसमापत्तिया लाभिना सद्धिं सदिसं अत्तानं दहति चित्तेन — इदं चेतसिकं पागब्भियं। यस्सिमानि तीणि पागब्भियानि पहीनानि समुच्छिन्नानि वूपसन्तानि पटिपस्सद्धानि अभब्बुप्पत्तिकानि जाणग्गिना दङ्गानि, सो वुच्चति अप्पगब्भोति — अप्पगब्भो।

अजेगुच्छोति। अत्थि पुग्गलो जेगुच्छो, अत्थि अजेगुच्छो। कतमो च पुग्गलो जेगुच्छो? इधेकच्चो पुग्गलो दुस्सीलो होति पापधम्मो असुचिसङ्कस्सरसमाचारो पटिच्छन्नकम्मन्तो अस्समणो समणपटिज्जो अब्रह्मचारी ब्रह्मचारिपटिज्जो अन्तोपूति अवस्सुतो कसम्बुजातो — अयं वुच्चति पुग्गलो जेगुच्छो। अथ वा कोधनो होति उपायासबहुलो, अप्पम्पि वुत्तो समानो अभिसज्जति कुप्पति ब्यापज्जति पतिट्ठीयति, कोपज्च दोसज्च अप्पच्चयज्च पातुकरोति — अयं वुच्चति पुग्गलो जेगुच्छो। अथ वा कोधनो होति उपनाही, मक्खी होति पळासी, इस्सुकी होति मच्छरी, सठो होति मायावी, थद्धो होति अतिमानी, पापिच्छो होति मिच्छादिट्ठि [मिच्छादिट्ठी (सी०)], सन्दिट्ठिपरामासी होति आदानग्गाही दुप्पटिनिस्सग्गी — अयं वुच्चति पुग्गलो जेगुच्छो।

कतमो च पुग्गलो अजेगुच्छो? इध भिक्खु सीलवा होति पातिमोक्खसंवरसंवृतो विहरति आचारगोचरसम्पन्नो अणुमत्तेसु वज्जेसु भयदस्सावी, समादाय सिक्खति सिक्खापदेसु — अयं वुच्चति पुग्गलो अजेगुच्छो। अथ वा अक्कोधनो होति अनुपायासबहुलो, बहुम्पि वुत्तो समानो न अभिसज्जति न कुप्पति न ब्यापज्जति न पतिट्ठीयति, न कोपज्च दोसज्च अप्पच्चयज्च पातुकरोति — अयं वुच्चति पुग्गलो अजेगुच्छो। अथ वा अक्कोधनो होति अनुपनाही, अमक्खी होति अपळासी, अनिस्सुकी होति अमच्छरी, असठो होति अमायावी, अथद्धो होति अनतिमानी, न पापिच्छो होति न मिच्छादिट्ठि, असन्दिट्ठिपरामासी होति अनादानग्गाही सुप्पटिनिस्सग्गी — अयं वुच्चति पुग्गलो अजेगुच्छो। सब्बे बालपुथुज्जना जेगुच्छा, पुथुज्जनकल्याणकं उपादाय अट्ठ अरियपुग्गला अजेगुच्छाति — अप्पगब्भो अजेगुच्छो।

पेसुणेय्ये च नो युतोति। पेसुज्जन्ति इधेकच्चो पिसुणवाचो होति, इतो सुत्वा अमुत्र अक्खाता इमेसं भेदाय, अमुत्र वा सुत्वा इमेसं अक्खाता अमूसं भेदाय। इति समग्गानं वा भेत्ता [भेदो (क०)], भिन्नानं वा अनुप्पदाता, वग्गारामो, वग्गरतो, वग्गनन्दी, वग्गकरणिं वाचं भासिता होति — इदं वुच्चति पेसुज्जं।

अपि च द्वीहि कारणेहि पेसुज्जं उपसंहरति — पियकम्यताय वा, भेदाधिप्पायेन [भेदाधिप्पायो (बहूसु)] वा। कथं पियकम्यताय पेसुज्जं उपसंहरति? इमस्स पियो भविस्सामि, मनापो भविस्सामि, विस्सासिको भविस्सामि, अब्भन्तरिको

भविस्सामि, सुहदयो भविस्सामीति । एवं पियकम्यताय पेसुज्जं उपसंहरति । कथं भेदाधिप्पायेन पेसुज्जं उपसंहरति? “कथं इमे नाना अस्सु विना अस्सु वग्गा अस्सु द्वेधा अस्सु द्वेज्जा अस्सु द्वे पक्खा अस्सु भिज्जेय्युं न समागच्छेय्युं दुक्खं न फासु [अफासुं (सी०)] विहरेय्युं”न्ति । एवं भेदाधिप्पायेन पेसुज्जं उपसंहरति । यस्सेतं पेसुज्जं पहीनं समुच्छिन्नं वूपसन्तं पटिपस्सद्धं अभब्बुप्पत्तिकं जाणग्गिना दड्ढं, सो पेसुज्जे नो युतो न युत्तो न पयुत्तो न सम्मायुत्तोति — पेसुणेय्ये च नो युतो ।

तेनाह भगवा —

“पतिलीनो अकुहको, अपिहालु अमच्छरी ।
अप्पगम्भो अजेगुच्छो, पेसुणेय्ये च नो युतो”ति ॥

**८८. सातियेसु अनस्सावी, अतिमाने च नो युतो ।
सण्हो च पटिभानवा, न सद्धो न विरज्जति ॥**

सातियेसु अनस्सावीति । सातिया वुच्चन्ति पञ्च कामगुणा । किंकारणा सातिया वुच्चन्ति पञ्च कामगुणा? येभुय्येन देवमनुस्सा पञ्च कामगुणे इच्छन्ति सातियन्ति पत्थयन्ति पिहयन्ति अभिजप्पन्ति, तंकारणा सातिया वुच्चन्ति पञ्च कामगुणा । येसं एसा सातिया तण्हा अप्पहीना तेसं चक्खुतो रूपतण्हा सवति आसवति [पसवति (स्या०)] सन्दति पवत्तति, सोततो सद्धतण्हा... घानतो गन्धतण्हा... जिह्वातो रसतण्हा... कायतो फोडुब्बतण्हा... मनतो धम्मतण्हा सवति आसवति सन्दति पवत्तति । येसं एसा सातिया तण्हा पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दड्ढा तेसं चक्खुतो रूपतण्हा न सवति नासवति [न पसवति (स्या०)] न सन्दति न पवत्तति, सोततो सद्धतण्हा... पे०... मनतो धम्मतण्हा न सवति नासवति न सन्दति न पवत्ततीति — सातियेसु अनस्सावी ।

अतिमाने च नो युतोति । कतमो अतिमानो? इधेकच्चो परं अतिमज्जति जातिया वा गोत्तेन वा... पे०... अज्जतरज्जतरेन वा वत्थुना । यो एवरूपो मानो मज्जना मज्जितत्तं उन्नति उन्नमो धजो सम्पग्गाहो केतुकम्यता चित्तस्स — अयं वुच्चति अतिमानो । यस्सेसो अतिमानो पहीनो समुच्छिन्नो वूपसन्तो पटिपस्सद्धो अभब्बुप्पत्तिको जाणग्गिना दड्ढो, सो अतिमाने च नो युतो न युत्तो न पयुत्तो न सम्मायुत्तोति — अतिमाने च नो युतो ।

सण्हो च पटिभानवाति । सण्होति सण्हेन कायकम्मेन समन्नागतोति सण्हो, सण्हेन वचीकम्मेन... सण्हेन मनोकम्मेन समन्नागतोति सण्हो, सण्हेहि सतिपट्ठानेहि समन्नागतोति सण्हो, सण्हेहि सम्मप्पधानेहि... सण्हेहि इद्धिपादेहि... सण्हेहि इन्द्रियेहि... सण्हेहि बलेहि... सण्हेहि बोज्झङ्गेहि समन्नागतोति सण्हो, सण्हेन अरियेन अट्ठङ्गिकेन मग्गेन समन्नागतोति — सण्हो ।

पटिभानवाति तयो पटिभानवन्तो — परियत्तिपटिभानवा, परिपुच्छापटिभानवा, अधिगमपटिभानवा । कतमो परियत्तिपटिभानवा? इधेकच्चस्स पकतिया परियापुटं होति — सुत्तं गेय्यं वेय्याकरणं गाथा उदानं इतिवुत्तकं जातकं अब्भुतधम्मं वेदल्लं, तस्स परियत्तिं निस्साय पटिभायति — अयं परियत्तिपटिभानवा । कतमो परिपुच्छापटिभानवा? इधेकच्चो परिपुच्छिता [परिपुच्छितं (सी०), परिपुच्छको (स्या०)] होति अत्तत्थे च जायत्थे च लक्खणे च कारणे च ठानाठाने च, तस्स तं परिपुच्छं निस्साय पटिभायति — अयं परिपुच्छापटिभानवा । कतमो अधिगमपटिभानवा? इधेकच्चस्स अधिगता होन्ति चत्तारो सतिपट्ठाना चत्तारो सम्मप्पधाना चत्तारो इद्धिपादा पञ्चिन्द्रियानि पञ्च बलानि सत्त

बोज्झङ्गा अरियो अट्ठङ्गिको मग्गो चत्तारो अरियमग्गा चत्तारि सामञ्जफलानि चतस्सो पटिसम्भिदायो छ अभिज्जायो, तस्स अत्थो जातो धम्मो जातो निरुत्ति जाता, अत्थे जाते अत्थो पटिभायति, धम्मे जाते धम्मो पटिभायति, निरुत्तिया जाताय निरुत्ति पटिभायति; इमेसु तीसु जाणेषु जाणं पटिभानपटिसम्भिदा । इमाय पटिभानपटिसम्भिदाय उपेतो समुपेतो उपगतो समुपगतो उपपन्नो समुपपन्नो समन्नागतो सो वुच्चति पटिभानवा । यस्स परियत्ति नत्थि, परिपुच्छा नत्थि, अधिगमो नत्थि, किं तस्स पटिभायिस्सतीति — सण्हो च पटिभानवा ।

न सद्धो न विरज्जतीति । न सद्धोति सामं सयं अभिज्जातं अत्तपच्चक्खं धम्मं न कस्सचि सद्वहति अज्जस्स समणस्स वा ब्राह्मणस्स वा देवस्स वा मारस्स वा ब्रह्मनो वा । “सब्बे सङ्खारा अनिच्चा”ति सामं सयं अभिज्जातं...पे०... “सब्बे सङ्खारा दुक्खा”ति... “सब्बे धम्मा अनत्ता”ति... “अविज्जापच्चया सङ्खारा”ति...पे०... “जातिपच्चया जरामरण”न्ति... “अविज्जानिरोधा सङ्खारनिरोधो”ति...पे०... “जातिनिरोधा जरामरणनिरोधो”ति... “इदं दुक्ख”न्ति...पे०... “अयं दुक्खनिरोधगामिनी पटिपदा”ति... “इमे आसवा”ति...पे०... “अयं आसवनिरोधगामिनी पटिपदा”ति... “इमे धम्मा अभिज्जेय्या”ति...पे०... “इमे धम्मा सच्छिकात्तब्बा”ति सामं सयं अभिज्जातं...पे०... छन्नं फस्सायतनानं समुदयज्ज अत्थङ्गमज्ज अस्सादज्ज आदीनवज्ज निस्सरणज्ज, पज्जन्नं उपादानक्खन्धानं समुदयज्ज...पे०... चतुन्नं महाभूतानं समुदयज्ज अत्थङ्गमज्ज अस्सादज्ज आदीनवज्ज निस्सरणज्ज सामं सयं अभिज्जातं...पे०... “यं किञ्चि समुदयधम्मं सब्बं तं निरोधधम्म”न्ति सामं सयं अभिज्जातं अत्तपच्चक्खं धम्मं न कस्सचि सद्वहति अज्जस्स समणस्स वा ब्राह्मणस्स वा देवस्स वा मारस्स वा ब्रह्मनो वा [ब्रह्मनो वा...पे०... (सी० क०)] ।

वुत्तज्हेतं भगवता — “सद्वहसि त्वं, सारिपुत्त, सद्धिन्द्रियं भावितं बहुलीकतं अमतोगधं होति अमतपरायनं अमतपरियोसानं; वीरियिन्द्रियं... सतिन्द्रियं... समाधिन्द्रियं... पज्जिन्द्रियं भावितं बहुलीकतं अमतोगधं होति अमतपरायनं अमतपरियोसानं”न्ति?

“न ख्वाहं एत्थ, भन्ते, भगवतो सद्धाय गच्छामि सद्धिन्द्रियं... वीरियिन्द्रियं... सतिन्द्रियं... समाधिन्द्रियं... पज्जिन्द्रियं भावितं बहुलीकतं अमतोगधं होति अमतपरायनं अमतपरियोसानं । येसं नूनेतं, भन्ते, अज्जातं अस्स अदिट्ठं अविदितं असच्छिकतं अफस्सितं पज्जाय, ते तत्थ परेसं सद्धाय गच्छेय्युं सद्धिन्द्रियं भावितं बहुलीकतं अमतोगधं होति अमतपरायनं अमतपरियोसानं । वीरियिन्द्रियं... सतिन्द्रियं... समाधिन्द्रियं... पज्जिन्द्रियं भावितं बहुलीकतं अमतोगधं होति अमतपरायनं अमतपरियोसानं । येसज्ज खो एतं, भन्ते, जातं दिट्ठं विदितं सच्छिकतं फस्सितं पज्जाय, निक्कङ्खा ते तत्थ निब्बिचिकिच्छा । सद्धिन्द्रियं... वीरियिन्द्रियं... सतिन्द्रियं... समाधिन्द्रियं... पज्जिन्द्रियं भावितं बहुलीकतं अमतोगधं होति अमतपरायनं अमतपरियोसानं । मय्हज्ज खो, एतं भन्ते, जातं दिट्ठं विदितं सच्छिकतं फस्सितं पज्जाय, निक्कङ्खोहं तत्थ निब्बिचिकिच्छो । सद्धिन्द्रियं... वीरियिन्द्रियं... सतिन्द्रियं... समाधिन्द्रियं... पज्जिन्द्रियं भावितं बहुलीकतं अमतोगधं होति अमतपरायनं अमतपरियोसानं”न्ति ।

“साधु साधु, सारिपुत्त! येसज्हेतं, सारिपुत्त, अज्जातं अस्स अदिट्ठं अविदितं असच्छिकतं अफस्सितं पज्जाय, ते तत्थ परेसं सद्धाय गच्छेय्युं सद्धिन्द्रियं...पे०... पज्जिन्द्रियं भावितं बहुलीकतं अमतोगधं होति अमतपरायनं अमतपरियोसानन्ति ।

“अस्सद्धो अकतज्जू च, सन्धिच्छेदो च यो नरो ।
हतावकासो वन्तासो, स वे उत्तमपोरिसो”ति ॥

न सद्भो न विरज्जतीति । सब्बे बालपुथुज्जना रज्जन्ति, पुथुज्जनकल्याणकं उपादाय सत्त सेक्खा विरज्जन्ति । अरहा नेव रज्जति नो विरज्जति, विरत्तो सो खया रागस्स वीतरागत्ता खया दोसस्स वीतदोसत्ता, खया मोहस्स वीतमोहत्ता । सो वुड्ढवासो चिण्णचरणो... पे० ... जातिमरणसंसारो नत्थि तस्स पुनब्भवोति — न सद्भो न विरज्जति ।

तेनाह भगवा —

“सातियेसु अनस्सावी, अतिमाने च नो युतो ।
सण्हो च पटिभानवा, न सद्भो न विरज्जती”ति ॥

**८९. लाभकम्या न सिक्खति, अलाभे च न कुप्पति ।
अविरुद्धो च तण्हाय, रसेसु [रसे च (सी० स्या०)] नानुगिज्झति ॥**

लाभकम्या न सिक्खति, अलाभे च न कुप्पतीति । कथं लाभकम्या सिक्खति? इध, भिक्खवे, भिक्खु भिक्खुं पस्सति लाभिं चीवरपिण्डपातसेनासनगिलानपच्चयभेसज्जपरिक्खारानं । तस्स एवं होति — “केन नु खो अयमायस्मा लाभी चीवरपिण्डपातसेनासनगिलानपच्चयभेसज्जपरिक्खारानं”न्ति? तस्स एवं होति — “अयं खो आयस्मा सुत्तन्तिको, तेनायमायस्मा लाभी चीवरपिण्डपातसेनासनगिलानपच्चयभेसज्जपरिक्खारानं”न्ति । सो लाभहेतु लाभपच्चया लाभकारणा लाभाभिनिब्बत्तिया लाभं परिपाचेन्तो सुत्तन्तं परियापुणाति । एवम्पि लाभकम्या सिक्खति ।

अथ वा भिक्खु भिक्खुं पस्सति लाभिं चीवरपिण्डपातसेनासनगिलानपच्चयभेसज्जपरिक्खारानं । तस्स एवं होति — “केन नु खो अयमायस्मा लाभी चीवरपिण्डपातसेनासनगिलानपच्चयभेसज्जपरिक्खारानं”न्ति? तस्स एवं होति — “अयं खो आयस्मा विनयधरो... पे० ... धम्मकथिको... आभिधम्मिको, तेनायमायस्मा लाभी चीवरपिण्डपातसेनासनगिलानपच्चयभेसज्जपरिक्खारानं”न्ति । सो लाभहेतु लाभपच्चया लाभकारणा लाभाभिनिब्बत्तिया लाभं परिपाचेन्तो अभिधम्मं परियापुणाति । एवम्पि लाभकम्या सिक्खति ।

अथ वा भिक्खु भिक्खुं पस्सति लाभिं चीवरपिण्डपातसेनासनगिलानपच्चयभेसज्जपरिक्खारानं । तस्स एवं होति — “केन नु खो अयमायस्मा लाभी चीवरपिण्डपातसेनासनगिलानपच्चयभेसज्जपरिक्खारानं”न्ति? तस्स एवं होति — “अयं खो आयस्मा आरज्जिको... पिण्डपातिको... पंसुकूलिको... तेचीवरिको... सपदानचारिको... खलुपच्छाभत्तिको... नेसज्जिको... यथासन्थतिको, तेनायमायस्मा लाभी चीवरपिण्डपातसेनासनगिलानपच्चयभेसज्जपरिक्खारानं”न्ति । सो लाभहेतु लाभपच्चया लाभकारणा लाभाभिनिब्बत्तिया लाभं परिपाचेन्तो आरज्जिको होति... पे० ... यथासन्थतिको होति । एवम्पि लाभकम्या सिक्खति ।

कथं न लाभकम्या सिक्खति? इध भिक्खु न लाभहेतु, न लाभपच्चया, न लाभकारणा, न लाभाभिनिब्बत्तिया, न लाभं परिपाचेन्तो, यावदेव अत्तदमत्थाय अत्तसमत्थाय अत्तपरिनिब्बापनत्थाय सुत्तन्तं परियापुणाति, विनयं परियापुणाति, अभिधम्मं परियापुणाति । एवम्पि न लाभकम्या सिक्खति ।

अथ वा भिक्खु न लाभहेतु, न लाभपच्चया, न लाभकारणा, न लाभाभिनिब्बत्तिया, न लाभं परिपाचेन्तो, यावदेव अप्पिच्छज्जेव [अप्पिच्छंयेव (सी०)] निस्साय सन्तुट्ठिज्जेव निस्साय सल्लेखज्जेव निस्साय पविवेकज्जेव निस्साय

इदमत्थितज्जेव [इदमत्थिकतज्जेव (सी०)] निस्साय आरज्जिको होति, पिण्डपातिको होति, पंसुकूलिको होति, तेचीवरिको होति, सपदानचारिको होति, खलुपच्छाभक्तिको होति, नेसज्जिको होति, यथासन्थतिको होति । एवम्पि न लाभकम्या सिक्खतीति — लाभकम्या न सिक्खति ।

अलाभे च न कुप्पतीति । कथं अलाभे कुप्पति? इधेकच्चो “कुलं वा न लभामि, गणं वा न लभामि, आवासं वा न लभामि, लाभं वा न लभामि, यसं वा न लभामि, पसंसं वा न लभामि, सुखं वा न लभामि, चीवरं वा न लभामि, पिण्डपातं वा न लभामि, सेनासनं वा न लभामि, गिलानपच्चयभेसज्जपरिक्खारं वा न लभामि, गिलानुपट्ठाकं वा न लभामि, अप्पज्जातोम्ही”ति कुप्पति ब्यापज्जति पतिट्ठीयति, कोपज्ज दोसज्ज अप्पच्चयज्ज पातुकरोति । एवं अलाभे कुप्पति ।

कथं अलाभे न कुप्पति? इध भिक्खु “कुलं वा न लभामि गणं वा न लभामि...पे०... अप्पज्जातोम्ही”ति न कुप्पति न ब्यापज्जति न पतिट्ठीयति, न कोपज्ज दोसज्ज अप्पच्चयज्ज पातुकरोति । एवं अलाभे न कुप्पतीति — लाभकम्या न सिक्खति अलाभे च न कुप्पति ।

अविरुद्धो च तण्हाय, रसेसु नानुगिज्झतीति । विरुद्धोति यो चित्तस्स आघातो पटिघातो, पटिघं पटिविरोधो, कोपो पकोपो सम्पकोपो, दोसो पदोसो सम्पदोसो, चित्तस्स ब्यापत्ति मनोपदोसो, कोधो कुज्झना कुज्झितत्तं, दोसो दुस्सना दुस्सितत्तं, ब्यापत्ति ब्यापज्जना ब्यापज्जितत्तं विरोधो पटिविरोधो, चण्डिक्कं, असुरोपो, अनत्तमनता चित्तस्स — अयं वुच्चति विरोधो । यस्सेसो विरोधो पहीनो समुच्छिन्नो वूपसन्तो पटिपस्सद्धो अभब्बुप्पत्तिको जाणग्गिना दट्ठो, सो वुच्चति अविरुद्धो । तण्हाति रूपतण्हा सद्दतण्हा गन्धतण्हा रसतण्हा फोडुब्बतण्हा धम्मतण्हा । रसोति मूलरसो खन्धरसो तचरसो पत्तरसो पुप्फरसो फलरसो, अम्बिलं मधुरं तित्तकं कटुकं लोणिकं खारिकं लम्बिकं [लपिलं (सी०), लम्बिलं (स्या०), लबिलं (क०), आयतनविभङ्गे] कसावो सादु असादु सीतं उण्हं । सन्तेके समणब्राह्मणा रसगिद्धा । ते जिह्वगेन रसग्गानि परियेसन्ता आहिण्डन्ति, ते अम्बिलं लभित्वा अनम्बिलं परियेसन्ति, अनम्बिलं लभित्वा अम्बिलं परियेसन्ति; मधुरं लभित्वा अमधुरं परियेसन्ति, अमधुरं लभित्वा मधुरं परियेसन्ति; तित्तकं लभित्वा अतित्तकं परियेसन्ति, अतित्तकं लभित्वा तित्तकं परियेसन्ति; कटुकं लभित्वा अकटुकं परियेसन्ति, अकटुकं लभित्वा कटुकं परियेसन्ति; लोणिकं लभित्वा अलोणिकं परियेसन्ति, अलोणिकं लभित्वा लोणिकं परियेसन्ति; खारिकं लभित्वा अखारिकं परियेसन्ति, अखारिकं लभित्वा खारिकं परियेसन्ति; लम्बिकं लभित्वा कसावं परियेसन्ति, कसावं लभित्वा लम्बिकं परियेसन्ति; सादुं लभित्वा असादुं परियेसन्ति, असादुं लभित्वा सादुं परियेसन्ति; सीतं लभित्वा उण्हं परियेसन्ति, उण्हं लभित्वा सीतं परियेसन्ति । ते यं यं लभित्वा तेन तेन न सन्तुस्सन्ति अपरापरं परियेसन्ति, मनापिकेसु रसेसु रत्ता गिद्धा गधिता मुच्छिता अज्झोसन्ना लग्गा लग्गिता पलिबुद्धा । यस्सेसा रसतण्हा पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दट्ठो, सो पटिसङ्खो योनिसो आहारं आहारेति — “नेव दवाय न मदाय न मण्डनाय न विभूसनाय, यावदेव इमस्स कायस्स ठितिया यापनाय विहिंसूपरतिया ब्रह्मचरियानुगहाय । इति पुराणज्ज वेदनं पटिहङ्खामि, नवज्ज वेदनं न उप्पादेस्सामि, यात्रा च मे भविस्सति अनवज्जता च फासुविहारो चा”ति ।

यथा वनं आलिम्पेय्य यावदेव रोपनत्थाय, यथा वा पन अक्खं अब्भज्जेय्य यावदेव भारस्स नित्थरणत्थाय, यथा वा पन पुत्तमंसं आहारं आहरेय्य यावदेव कन्तारस्स नित्थरणत्थाय; एवमेव भिक्खु पटिसङ्खो योनिसो आहारं आहारेति — “नेव दवाय...पे०... फासुविहारो चा”ति । रसतण्हं पज्जहति विनोदेति ब्यन्तिं करोति अनभावं गमेति, रसतण्हाय आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — अविरुद्धो च

तण्हाय रसेसु नानुगिज्झति ।

तेनाह भगवा —

“लाभकम्या न सिक्खति, अलाभे च न कुप्पति ।

अविरुद्धो च तण्हाय, रसेसु नानुगिज्झती”ति ॥

**१०. उपेक्खको सदा सतो, न लोके मज्जते समं ।
न विसेसी न नीचेय्यो, तस्स नो सन्ति उस्सदा ॥**

उपेक्खको सदा सतोति । उपेक्खकोति छळङ्गुपेक्खाय समन्नागतो । चक्खुना रूपं दिस्वा नेव सुमनो होति न दुम्मनो, उपेक्खको विहरति सतो सम्पजानो । सोतेन सद्दं सुत्वा...पे०... मनसा धम्मं विज्जाय नेव सुमनो होति न दुम्मनो, उपेक्खको विहरति सतो सम्पजानो । चक्खुना रूपं दिस्वा मनापं नाभिगिज्झति नाभिहंसति [नाभिहंसति (सी० स्या०)] न रागं जनेति, तस्स ठितोव कायो होति, ठितं चित्तं अज्झत्तं सुसण्ठितं सुविमुत्तं । चक्खुना खो पनेव रूपं दिस्वा अमनापं न मङ्कु होति अप्पतिट्ठितचित्तो [अप्पतिट्ठितचित्तो (स्या०), अप्पतिट्ठितचित्तो (क०)] अलीनमनसो [आदिनमनसो (स्या०)] अब्यापन्नचेतसो, तस्स ठितोव कायो होति, ठितं चित्तं अज्झत्तं सुसण्ठितं सुविमुत्तं । सोतेन सद्दं सुत्वा... धानेन गन्धं घायित्वा... जिक्काय रसं सायित्वा... कायेन फोड्डब्बं फुसित्वा... मनसा धम्मं विज्जाय मनापं नाभिगिज्झति नाभिहंसति न रागं जनेति, तस्स ठितोव कायो होति, ठितं चित्तं अज्झत्तं सुसण्ठितं सुविमुत्तं । मनसा खो पनेव धम्मं विज्जाय अमनापं न मङ्कु होति अप्पतिट्ठितचित्तो अलीनमनसो अब्यापन्नचेतसो, तस्स ठितोव कायो होति, ठितं चित्तं अज्झत्तं सुसण्ठितं सुविमुत्तं ।

चक्खुना रूपं दिस्वा मनापामनापेसु रूपेसु तस्स ठितोव कायो होति, ठितं चित्तं अज्झत्तं सुसण्ठितं सुविमुत्तं । सोतेन सद्दं सुत्वा...पे०... मनसा धम्मं विज्जाय मनापामनापेसु धम्मेसु तस्स ठितोव कायो होति, ठितं चित्तं अज्झत्तं सुसण्ठितं सुविमुत्तं ।

चक्खुना रूपं दिस्वा रजनीये न रज्जति, दुस्सनीये [दोसनीये (बहूसु)] न दुस्सति, मोहनीये न मुहति, कोपनीये न कुप्पति, मदनीये न मज्जति, किलेसनीये न किलिस्सति । सोतेन सद्दं सुत्वा...पे०... मनसा धम्मं विज्जाय रजनीये न रज्जति दुस्सनीये न दुस्सति, मोहनीये न मुहति, कोपनीये न कुप्पति, मदनीये न मज्जति, किलेसनीये न किलिस्सति । दिट्ठे दिट्ठमत्तो, सुते सुतमत्तो, मुते मुतमत्तो, विज्जाते विज्जातमत्तो । दिट्ठे न लिम्पति, सुते न लिम्पति, मुते न लिम्पति, विज्जाते न लिम्पति । दिट्ठे अनूपयो अनपायो अनिस्सितो अप्पटिबद्धो विप्पमुत्तो विसञ्जुत्तो विमरियादिकतेन चेतसा विहरति । सुते... मुते... विज्जाते अनूपयो अनपायो अनिस्सितो अप्पटिबद्धो विप्पमुत्तो विसञ्जुत्तो विमरियादिकतेन चेतसा विहरति ।

संविज्जति अरहतो चक्खु, पस्सति अरहा चक्खुना रूपं । छन्दरागो अरहतो नत्थि, सुविमुत्तचित्तो अरहा । संविज्जति अरहतो सोतं, सुणाति अरहा सोतेन सद्दं । छन्दरागो अरहतो नत्थि, सुविमुत्तचित्तो अरहा । संविज्जति अरहतो घानं, घायति अरहा घानेन गन्धं । छन्दरागो अरहतो नत्थि, सुविमुत्तचित्तो अरहा । संविज्जति अरहतो जिक्का, सायति अरहा जिक्काय रसं...पे०... संविज्जति अरहतो कायो, फुसति अरहा कायेन फोड्डब्बं...पे०... संविज्जति अरहतो मनो, विजानाति अरहा मनसा धम्मं । छन्दरागो अरहतो नत्थि सुविमुत्तचित्तो अरहा ।

चक्खु रूपारामं रूपरतं रूपसम्मदितं, तं अरहतो दन्तं गुत्तं रक्खितं संवुत्तं, तस्स च संवराय धम्मं देसेति । सोतं

सद्वारामं...पे०... धानं गन्धारामं... जिह्वा रसरामा रसरता रससम्मुदिता, सा अरहतो दन्ता गुत्ता रक्खिता संवुता, तस्सा च संवराय धम्मं देसेति । कायो फोड्डुब्बारामो...पे०... मनो धम्मरामो धम्मरतो धम्मसम्मुदितो, सो अरहतो दन्तो गुत्तो रक्खितो संवुतो, तस्स च संवराय धम्मं देसेति ।

“दन्तं नयन्ति समितिं, दन्तं राजाभिरूहति ।
दन्तो सेट्ठो मनुस्सेसु, योतिवाक्यं तितिक्खति ॥

“वरमस्सतरा दन्ता, आजानीया च [आजानियाव (स्या०)] सिन्धवा ।
कुञ्जरा च महानागा, अत्तदन्तो ततो वरं ॥

“न हि एतेहि यानेहि, गच्छेय्य अगतं दिसं ।
यथात्तना सुदन्तेन, दन्तो दन्तेन गच्छति ॥

“विधासु न विकम्पन्ति, विप्पमुत्ता पुनब्भवा ।
दन्तभूमिमनुप्पत्ता, ते लोके विजिताविनो ॥

“यस्सिन्द्रियानि भावितानि [विभावितानि (सी०)], अज्झत्तं बहिद्वा च [अज्झत्तबहिद्वा च (सी०)], अज्झत्तञ्च बहिद्वा च (स्या० क०) सु० नि० ५२१] सब्बलोके ।
निब्बिज्झ इमं [निब्बिज्झिमं (स्या०), निब्बिज्ज इमं (क०)] परञ्च लोकं, कालं कङ्कति भावितो स दन्तो’ति ॥

उपेक्खको सदाति । सदा सब्बदा सब्बकालं निच्चकालं धुवकालं...पे०... पच्छिमे वयोखन्धे । **सतोति** चतूहि कारणेहि सतो — काये कायानुपस्सनासतिपट्टानं भावेन्तो सतो, वेदनासु... चित्ते... धम्मेसु धम्मानुपस्सनासतिपट्टानं भावेन्तो सतो... पे०... सो वुच्चति सतोति — उपेक्खको सदा सतो ।

न लोके मज्जते समन्ति । “सदिसोहमस्मी”ति मानं न जनेति जातिया वा गोत्तेन वा...पे०... अज्जतरज्जतरेन वा वत्थुनाति — न लोके मज्जते समं ।

न विसेसी न नीचेय्योति । “सेय्योहमस्मी”ति अतिमानं न जनेति जातिया वा गोत्तेन वा...पे०... अज्जतरज्जतरेन वा वत्थुना । “हीनोहमस्मी”ति ओमानं न जनेति जातिया वा गोत्तेन वा...पे०... अज्जतरज्जतरेन वा वत्थुनाति — न विसेसी न नीचेय्यो ।

तस्स नो सन्ति उस्सदाति । तस्साति अरहतो खीणासवस्स । **उस्सदाति** सत्तुस्सदा — रागुस्सदो दोसुस्सदो मोहुस्सदो मानुस्सदो दिट्ठुस्सदो किलेसुस्सदो कम्मुस्सदो । तस्सिमे उस्सदा नत्थि न सन्ति न संविज्जन्ति नुपलब्भन्ति, पहीना समुच्छिन्ना वूपसन्ता पटिपस्सद्वा अभब्बुप्पत्तिका जाणगिना दड्ढाति — तस्स नो सन्ति उस्सदा ।

तेनाह भगवा —

“उपेक्खको सदा सतो, न लोके मज्जते समं ।

न विसेसी न नीचेय्यो, तस्स नो सन्ति उस्सदा”ति ॥

११. यस्स निस्सयता [निस्सयना (क०)] नत्थि, जत्वा धम्मं अनिस्सितो।

भवाय विभवाय वा, तण्हा यस्स न विज्जति ॥

यस्स निस्सयता नत्थीति । यस्साति अरहतो खीणासवस्स । निस्सयाति द्वे निस्सया — तण्हानिस्सयो च दिट्ठिनिस्सयो च...पे०... अयं तण्हानिस्सयो...पे०... अयं दिट्ठिनिस्सयो । तस्स तण्हानिस्सयो पहीनो, दिट्ठिनिस्सयो पटिनिस्सट्ठो; तण्हानिस्सयस्स पहीनत्ता दिट्ठिनिस्सयस्स पटिनिस्सट्ठत्ता निस्सयता यस्स नत्थि न सन्ति न संविज्जति नुपलब्धति, पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दट्ठाति — यस्स निस्सयता नत्थि ।

जत्वा धम्मं अनिस्सितोति । जत्वाति जत्वा जानित्वा तुलयित्वा तीरयित्वा विभावयित्वा विभूतं कत्वा, “सब्बे सङ्खारा अनिच्चा”ति जत्वा जानित्वा तुलयित्वा तीरयित्वा विभावयित्वा विभूतं कत्वा, “सब्बे सङ्खारा दुक्खा”ति... “सब्बे धम्मा अनत्ता”ति...पे०... “यं किञ्चि समुदयधम्मं सब्बं तं निरोधधम्म”न्ति जत्वा जानित्वा तुलयित्वा तीरयित्वा विभावयित्वा विभूतं कत्वा । अनिस्सितोति द्वे निस्सया — तण्हानिस्सयो च दिट्ठिनिस्सयो च...पे०... अयं तण्हानिस्सयो...पे०... अयं दिट्ठिनिस्सयो । तण्हानिस्सयं पहाय दिट्ठिनिस्सयं पटिनिस्सज्जित्वा चक्खुं अनिस्सितो, सोतं अनिस्सितो, घानं अनिस्सितो, जिह्वं अनिस्सितो, कायं अनिस्सितो, मनं अनिस्सितो, रूपे... सद्दे... गन्धे... रसे... फोटुब्बे... कुलं... गणं... आवासं...पे०... दिट्ठसुतमुतविज्जातब्बे धम्मे अनिस्सितो अनल्लीनो अनुपगतो अनज्झोसितो अनधिमुत्तो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — जत्वा धम्मं अनिस्सितो ।

भवाय विभवाय वा, तण्हा यस्स न विज्जतीति । तण्हाति रूपतण्हा सद्दतण्हा गन्धतण्हा रसतण्हा फोटुब्बतण्हा धम्मतण्हा । यस्साति अरहतो खीणासवस्स । भवायाति भवदिट्ठिया, विभवायाति विभवदिट्ठिया; भवायाति सस्सतदिट्ठिया, विभवायाति उच्छेददिट्ठिया; भवायाति पुनप्पुनभवाय पुनप्पुनगतिया पुनप्पुनउपपत्तिया पुनप्पुनपटिसन्धिया पुनप्पुनअत्तभावाभिनिब्बत्तिया । तण्हा यस्स नत्थि न सन्ति न संविज्जति नुपलब्धति, पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दट्ठाति — भवाय विभवाय वा तण्हा यस्स न विज्जति ।

तेनाह भगवा —

“यस्स निस्सयता नत्थि, जत्वा धम्मं अनिस्सितो ।

भवाय विभवाय वा, तण्हा यस्स न विज्जती”ति ॥

१२. तं ब्रूमि उपसन्तोति, कामेसु अनपेक्खनं ।

गन्था तस्स न विज्जन्ति, अतरी सो विसत्तिकं ॥

तं ब्रूमि उपसन्तोति । उपसन्तो वूपसन्तो निब्बुतो पटिपस्सद्धोति । तं ब्रूमि तं कथेमि तं भणामि तं दीपयामि तं वोहरामीति — तं ब्रूमि उपसन्तोति ।

कामेसु अनपेक्खनन्ति । कामाति उद्दानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । वत्थुकामे परिजानित्वा, किलेसकामे पहाय पजहित्वा विनोदेत्वा व्यन्ति

करित्वा अनभावं गमेत्वा कामेसु अनपेक्खिनो वीतकामो चत्तकामो वन्तकामो मुत्तकामो पहीनकामो पटिनिस्सट्ठकामो, कामेसु वीतरागो विगतरागो चत्तरागो वन्तरागो मुत्तरागो पहीनरागो पटिनिस्सट्ठरागो निच्छातो निब्बुतो सीतिभूतो सुखण्णटिसंवेदी ब्रह्मभूतेन अत्तना विहरतीति — कामेसु अनपेक्खिनं ।

गन्था तस्स न विज्जन्तीति । गन्थाति चत्तारो गन्था — अभिज्झा कायगन्थो, ब्यापादो कायगन्थो, सीलब्बतपरामासो कायगन्थो, इदं सच्चाभिनिवेसो कायगन्थो । अत्तनो दिट्ठिया रागो अभिज्झा कायगन्थो, परवादेसु आघातो अप्पच्चयो ब्यापादो कायगन्थो, अत्तनो सीलं वा वतं वा सीलब्बतं वा परामासो सीलब्बतपरामासो कायगन्थो, अत्तनो दिट्ठि इदं सच्चाभिनिवेसो कायगन्थो । **तस्साति अरहतो खीणासवस्स । गन्था तस्स न विज्जन्तीति ।** गन्था तस्स नत्थि न सन्ति न संविज्जन्ति नुपलब्भन्ति, पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दड्ढाति — गन्था तस्स न विज्जन्ति ।

अतरी सो विसत्तिकन्ति । विसत्तिका वुच्चति तण्हा । यो रागो सारागो... पे०... अभिज्झा लोभो अकुसलमूलं । **विसत्तिकाति** केनट्टेन विसत्तिका? विसताति विसत्तिका, विसालाति विसत्तिका, विसटाति विसत्तिका, विसमाति विसत्तिका, विसक्कतीति विसत्तिका, विसंहरतीति विसत्तिका, विसंवादिकाति विसत्तिका, विसमूलाति विसत्तिका, विसफलाति विसत्तिका, विसपरिभोगाति विसत्तिका, विसाला वा पन सा तण्हा रूपे... सद्दे... गन्थे... रसे... फोड्डब्बे... कुले... गणे... आवासे... पे०... दिट्ठसुतमुतविज्जातब्बेसु धम्मेषु विसतं वित्थताति विसत्तिका । **अतरी सो विसत्तिकन्ति ।** सो इमं विसत्तिकं तण्हं अतरि उत्तरि पतरि समतिक्कमि वीतिवत्तीति — अतरी सो विसत्तिकं ।

तेनाह भगवा —

“तं ब्रूमि उपसन्तोति, कामेसु अनपेक्खिनं ।
गन्था तस्स न विज्जन्ति, अतरी सो विसत्तिक”न्ति ॥

**९३. न तस्स पुत्ता पसवो, खेत्तं वत्थुञ्च विज्जति ।
अत्ता वापि निरत्ता वा, न तस्मिं उपलब्भति ॥**

न तस्स पुत्ता पसवो, खेत्तं वत्थुञ्च विज्जतीति । नाति पटिक्खेपो । **तस्साति** अरहतो खीणासवस्स । **पुत्ताति** चत्तारो पुत्ता — अत्तजो पुत्तो, खेत्तजो पुत्तो, दिन्नको पुत्तो, अन्तेवासिको पुत्तो । **पसवोति ।** अजेळका कुक्कुटसूकरा हत्थिगावास्सवळवा । **खेत्तन्ति** सालिखेत्तं वीहिखेत्तं मुग्गखेत्तं मासखेत्तं यवखेत्तं गोधुमखेत्तं तिलखेत्तं । **वत्थुन्ति** घरवत्थुं कोट्टवत्थुं पुरेवत्थुं पच्छावत्थुं आरामवत्थुं विहारवत्थुं । **न तस्स पुत्ता पसवो, खेत्तं वत्थुञ्च विज्जतीति ।** तस्स पुत्तपरिग्गहो वा पसुपरिग्गहो वा खेत्तपरिग्गहो वा वत्थुपरिग्गहो वा नत्थि न सन्ति न संविज्जन्ति नुपलब्भन्ति, पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणग्गिना दड्ढाति — न तस्स पुत्ता पसवो, खेत्तं वत्थुञ्च विज्जति ।

अत्ता वापि निरत्ता वा, न तस्मिं उपलब्भतीति । अत्ताति अत्तदिट्ठि, **निरत्ताति** उच्छेददिट्ठि; **अत्ताति** गहितं नत्थि, **निरत्ताति** मुञ्चितब्बं नत्थि । यस्स नत्थि गहितं तस्स नत्थि मुञ्चितब्बं । यस्स नत्थि मुञ्चितब्बं तस्स नत्थि गहितं । गाहमुञ्चनसमतिक्कन्तो अरहा वुद्धिपरिहानिवीतिवत्तो । सो वुड्ढवासो चिण्णचरणो... पे०... जातिमरणसंसारो नत्थि तस्स पुनब्भवोति — अत्ता वापि निरत्ता वा, न तस्मिं उपलब्भति ।

तेनाह भगवा —

“न तस्स पुत्ता पसवो, खेतं वत्थुञ्च विज्जति ।
अत्ता वापि निरत्ता वा, न तस्मिं उपलब्धती”ति ॥

९४. येन नं वज्जुं पुथुज्जना, अथो समणब्राह्मणा ।
तं तस्स अपुरक्खतं, तस्मा वादेसु नेजति ॥

येन नं वज्जुं पुथुज्जना, अथो समणब्राह्मणाति । पुथुज्जनाति पुथु किलेसे जनेन्तीति पुथुज्जना, पुथु अविहतसक्कायदिट्ठिकाति पुथुज्जना, पुथु सत्थारानं मुखुल्लोकिकाति [मुखुल्लोककाति (सी०)] पुथुज्जना, पुथु सब्बगतीहि अवुट्ठिताति पुथुज्जना, पुथु नानाभिसङ्खारे अभिसङ्खरोन्तीति पुथुज्जना, पुथु नानाओघेहि वुहन्तीति पुथुज्जना, पुथु नानासन्तापेहि सन्तापेन्तीति पुथुज्जना, पुथु नानापरिळाहेहि परिडहन्तीति पुथुज्जना, पुथु पञ्चसु कामगुणेषु रत्ता गिद्धा गधिता मुच्छिता अज्झोसन्ना लग्गा लग्गिता पलिबुद्धाति पुथुज्जना, पुथु पञ्चहि नीवरणेहि आवुता निवुता ओवुता पिहिता पटिच्छन्ना पटिकुज्जिताति — पुथुज्जना । समणाति ये केचि इतो बहिद्धा परिब्बजूपगता परिब्बजसमापन्ना । ब्राह्मणाति ये केचि भोवादिका । येन नं वज्जुं पुथुज्जना, अथो समणब्राह्मणाति । पुथुज्जना येन तं रागेन वदेय्युं, येन दोसेन वदेय्युं, येन मोहेन वदेय्युं, येन मानेन वदेय्युं, याय दिट्ठिया वदेय्युं, येन उद्धच्चेन वदेय्युं, याय विचिकिच्छाय वदेय्युं, येहि अनुसयेहि वदेय्युं, रत्तोति वा दुट्ठोति वा मूळ्होति वा विनिबद्धोति वा परामट्ठोति वा विक्खेपगतोति वा अनिट्ठोत्तोति वा थामगतोति वा ते अभिसङ्खारा पहीना; अभिसङ्खारानं पहीनत्ता गतिया [गतियो (स्या०)] येन तं वदेय्युं — नेरयिकोति वा तिरच्छानयोनिकोति वा पेत्तिविसयिकोति वा मनुस्सोति वा देवोति वा रूपीति वा अरूपीति वा सज्जीति वा असज्जीति वा नेवसज्जीनासज्जीति वा । सो हेतु नत्थि पच्चयो नत्थि कारणं नत्थि येन नं वदेय्युं कथेय्युं भणेय्युं दीपयेय्युं वोहरेय्युन्ति — येन नं वज्जुं पुथुज्जना, अथो समणब्राह्मणा ।

तं तस्स अपुरक्खतन्ति । तस्साति अरहतो खीणासवस्स । पुरेक्खाराति द्वे पुरेक्खारा — तण्हापुरेक्खारो च दिट्ठिपुरेक्खारो च... पे०... अयं तण्हापुरेक्खारो... पे०... अयं दिट्ठिपुरेक्खारो । तस्स तण्हापुरेक्खारो पहीनो, दिट्ठिपुरेक्खारो पटिनिस्सट्ठो; तण्हापुरेक्खारस्स पहीनत्ता, दिट्ठिपुरेक्खारस्स पटिनिस्सट्ठत्ता न तण्हं वा दिट्ठिं वा पुरतो कत्वा चरति, न तण्हाधजो न तण्हाकेतु न तण्हाधिपतेय्यो, न दिट्ठिधजो न दिट्ठिकेतु न दिट्ठाधिपतेय्यो, न तण्हाय वा न दिट्ठिया वा परिवारितो चरतीति — तं तस्स अपुरक्खतं ।

तस्मा वादेसु नेजतीति । तस्माति तस्मा तंकारणा तंहेतु तप्पच्चया तंनिदाना वादेसु उपवादेसु निन्दाय गरहाय अकित्तिया अवण्णहारिकाय नेजति न इज्जति न चलति न वेधति न प्पवेधति न सम्पवेधतीति — तस्मा वादेसु नेजति ।

तेनाह भगवा —

“येन नं वज्जुं पुथुज्जना, अथो समणब्राह्मणा ।
तं तस्स अपुरक्खतं, तस्मा वादेसु नेजती”ति ॥

९५. वीतगेधो अमच्छरी, न उस्सेसु वदते मुनि ।
न समेसु न ओमेसु, कप्पं नेति अकप्पियो ॥

वीतगेधो अमच्छरीति । गेधो वुच्चति तण्हा । यो रागो सारागो...पे०... अभिज्झा लोभो अकुसलमूलं । यस्सेसो गेधो पहीनो समुच्छिन्नो वूपसन्तो पटिपस्सद्दो अभब्बुप्पत्तिको जाणग्गिना दड्ढो, सो वुच्चति वीतगेधो । सो रूपे अगिद्धो...पे०... दिट्ठसुतमुतविज्जातब्बेसु धम्मेषु अगिद्धो अगधितो अमुच्छित्तो अनज्झोसितो, वीतगेधो विगतगेधो चत्तगेधो वन्तगेधो मुत्तगेधो पहीनगेधो पटिनिस्सट्ठगेधो निच्छातो...पे०... ब्रह्मभूतेन अत्तना विहरतीति — वीतगेधो । **अमच्छरीति मच्छरियन्ति** पञ्च मच्छरियानि — आवासमच्छरियं, कुलमच्छरियं, लाभमच्छरियं, वण्णमच्छरियं, धम्ममच्छरियं । यं एवरूपं...पे०... गाहो — इदं वुच्चति मच्छरियं । यस्सेतं मच्छरियं पहीनं समुच्छिन्नं वूपसन्तं पटिपस्सद्दं अभब्बुप्पत्तिकं जाणग्गिना दड्ढं, सो वुच्चति अमच्छरीति — वीतगेधो अमच्छरी ।

न उस्सेसु वदते मुनि, न समेसु न ओमेसूति । मुनीति । मोनं वुच्चति जाणं...पे०... सङ्गजालमतिच्च सो मुनि । “सेय्योहमस्मी”ति वा, “सदिसोहमस्मी”ति वा, “हीनोहमस्मी”ति वा न वदति न कथेति न भणति न दीपयति न वोहरतीति — न उस्सेसु वदते मुनि, न समेसु न ओमेसु ।

कप्पं नेति अकप्पियोति । कप्पाति द्वे कप्पा — तण्हाकप्पो च दिट्ठिकप्पो च...पे०... अयं तण्हाकप्पो...पे०... अयं दिट्ठिकप्पो । तस्स तण्हाकप्पो पहीनो, दिट्ठिकप्पो पटिनिस्सट्ठो; तण्हाकप्पस्स पहीनत्ता, दिट्ठिकप्पस्स पटिनिस्सट्ठत्ता तण्हाकप्पं वा दिट्ठिकप्पं वा नेति न उपेति न उपगच्छति न गण्हाति न परामसति नाभिनिविसतीति — कप्पं नेति । **अकप्पियोति ।** कप्पाति द्वे कप्पा — तण्हाकप्पो च दिट्ठिकप्पो च...पे०... अयं तण्हाकप्पो...पे०... अयं दिट्ठिकप्पो । तस्स तण्हाकप्पो पहीनो, दिट्ठिकप्पो पटिनिस्सट्ठो; तस्स तण्हाकप्पस्स पहीनत्ता, दिट्ठिकप्पस्स पटिनिस्सट्ठत्ता तण्हाकप्पं वा दिट्ठिकप्पं वा न कप्पेति न जनेति न सज्जनेति न निब्बत्तेति नाभिनिब्बत्तेतीति — कप्पं नेति अकप्पियो ।

तेनाह भगवा —

“वीतगेधो अमच्छरी, न उस्सेसु वदते मुनि ।
न समेसु न ओमेसु, कप्पं नेति अकप्पियो”ति ॥

९६. यस्स लोके सकं नत्थि, असता च न सोचति ।
धम्मेषु च न गच्छति, स वे सन्तोति वुच्चति ॥

यस्स लोके सकं नत्थीति । यस्साति अरहतो खीणासवस्स । लोके सकं नत्थीति । तस्स मय्हं वा इदं परेसं वा इदन्ति किञ्चि रूपगतं वेदनागतं सज्जागतं सङ्खारगतं विज्जाणगतं, गहितं परामट्ठं अभिनिविट्ठं अज्झोसितं अधिमुत्तं, नत्थि न सन्ति...पे०... जाणग्गिना दड्ढन्ति — यस्स लोके सकं नत्थि । **असता च न सोचतीति ।** विपरिणतं वा वत्थुं न सोचति, विपरिणतस्मिं वा वत्थुस्मिं न सोचति । चक्खु मे विपरिणतन्ति न सोचति । सोतं मे... धानं मे... जिह्वा मे... कायो मे... मनो मे... रूपा मे... सद्दा मे... गन्धा मे... रसा मे... फोड्डब्बा मे... कुलं मे... गणो मे... आवासो मे... लाभो मे... यसो मे... पसंसा मे... सुखं मे... चीवरं मे... पिण्डपातो मे... सेनासनं मे... गिलानपच्चयभेसज्जपरिक्खारो मे... माता मे... पिता मे... भाता मे... भगिनी मे... पुत्तो मे... धीता मे... मित्ता मे... अमच्चा मे... जातका मे... सालोहिता मे विपरिणताति न सोचति न किलमति न परिदेवति न उरत्ताळिं कन्दति न सम्मोहं आपज्जतीति । एवम्पि, असता च न सोचति ।

अथ वा असन्ताय [असताय (सी०), असाताय (स्या०)] दुक्खाय वेदनाय फुट्ठो परेतो समोहितो समन्नागतो न

सोचति न किलमति न परिदेवति न उरत्ताळिं कन्दति न सम्मोहं आपज्जति । चक्खुरोगेन फुट्ठो परेतो समोहितो समन्नागतो न सोचति न किलमति न परिदेवति न उरत्ताळिं कन्दति न सम्मोहं आपज्जति, सोतरोगेन... धानरोगेन... जिक्कारोगेन... कायरोगेन... सीसरोगेन... कण्णरोगेन... मुखरोगेन... दन्तरोगेन... कासेन... सासेन... पिनासेन... डाहेन... जरेन... कुच्छिरोगेन... मुच्छाय... पक्खन्दिकाय... सूलेन... विसूचिकाय... कुट्टेन... गण्डेन... किलासेन... सोसेन... अपमारेन... दद्दुया... कण्डुया... कच्छुया... रखसाय ... वितच्छिकाय... लोहितेन... पित्तेन... मधुमेहेन... अंसाय... पिळकाय... भगन्दलेन [भगन्दलाय (सी० स्या०)] ... पित्तसमुद्धानेन आबाधेन... सेम्हसमुद्धानेन आबाधेन... वातसमुद्धानेन आबाधेन... सन्निपातिकेन आबाधेन... उतुपरिणामजेन आबाधेन... विसमपरिहारजेन आबाधेन... ओपक्कमिकेन आबाधेन... कम्मविपाकजेन आबाधेन... सीतेन... उण्हेन... जिघच्छाय... पिपासाय... डंसमकसवातातपसरीसपसम्फस्सेहि फुट्ठो परेतो समोहितो समन्नागतो न सोचति न किलमति न परिदेवति न उरत्ताळिं कन्दति न सम्मोहं आपज्जतीति । एवम्पि, असता च न सोचति ।

अथ वा असन्ते असंविज्जमाने अनुपलब्धमाने [अनुपलब्धियमाने (स्या० क०)] — “अहो वत मे तं नत्थि, सिया वत मे तं, तं वताहं न च लभामी”ति न सोचति न किलमति न परिदेवति न उरत्ताळिं कन्दति न सम्मोहं आपज्जतीति । एवम्पि असता च न सोचति । धम्मेषु च न गच्छतीति न छन्दागतिं गच्छति, न दोसागतिं गच्छति, न मोहागतिं गच्छति, न भयागतिं गच्छति, न रागवसेन गच्छति, न दोसवसेन गच्छति, न मोहवसेन गच्छति, न मानवसेन गच्छति, न दिट्ठिवसेन गच्छति, न उद्धच्चवसेन गच्छति, न विचिकिच्छावसेन गच्छति, न अनुसयवसेन गच्छति न च वग्गेहि धम्मोहि यायति नीयति वुहति संहरीयतीति — धम्मेषु च न गच्छति ।

स वे सन्तोति वुच्चतीति । सो सन्तो उपसन्तो वूपसन्तो निब्बुतो पटिपस्सद्भोति वुच्चति पवुच्चति कथीयति भणीयति दीपीयति वोहरीयतीति — स वे सन्तोति वुच्चति ।

तेनाह भगवा —

“यस्स लोके सकं नत्थि, असता च न सोचति ।
धम्मेषु च न गच्छति, स वे सन्तोति वुच्चती”ति ॥

पुराभेदसुत्तनिद्देशो दसमो ।

११. कलहविवादसुत्तनिद्देशो

अथ कलहविवादसुत्तनिद्देशं वक्खति —

९७. कुतोपहूता कलहा विवादा, परिदेवसोका सहमच्छरा च ।
मानातिमाना सहपेसुणा च, कुतोपहूता ते तदिद्धं ब्रूहि ॥

कुतोपहूता कलहा विवादाति । कलहोति एकेन आकारेण कलहो; विवादोतिपि तज्जेव । यो कलहो सो विवादो, यो विवादो सो कलहो । अथ वा अपरेण आकारेण विवादो वुच्चति कलहस्स पुब्बभागो विवादो । राजानोपि राजूहि विवदन्ति,

खत्तियापि खत्तियेहि विवदन्ति, ब्राह्मणापि ब्राह्मणेहि विवदन्ति, गहपतीपि गहपतीहि विवदन्ति, मातापि पुत्तेन विवदति, पुत्तोपि मातरा विवदति, पितापि पुत्तेन विवदति, पुत्तोपि पितरा विवदति, भातापि भातरा विवदति, भातापि भगिनिया विवदति, भगिनीपि भातरा विवदति, सहायोपि सहायेन विवदति — अयं विवादो। कतमो कलहो? आगारिका दण्डपसुता कायेन वाचाय कलहं करोन्ति, पब्बजिता आपत्तिं आपज्जन्ता कायेन वाचाय कलहं करोन्ति — अयं कलहो।

कुतोपहूता कलहा विवादाति। कलहा च विवादा च कुतोपहूता कुतोजाता कुतोसज्जाता कुतोनिब्बत्ता कुतोअभिनिब्बत्ता कुतोपातुभूता, किंनिदाना किंसमुदया किंजातिका किंपभवाति कलहस्स च विवादस्स च मूलं पुच्छति, हेतुं पुच्छति, निदानं पुच्छति, सम्भवं पुच्छति, पभवं पुच्छति, समुद्धानं पुच्छति, आहारं पुच्छति, आरम्भणं पुच्छति, पच्चयं पुच्छति, समुदयं पुच्छति पपुच्छति याचति अज्झेसति [अज्झेसति (सी०)] पसादेतीति — कुतोपहूता कलहा विवादा।

परिदेवसोका सहमच्छरा चाति। परिदेवोति जातिव्यसनेन वा फुट्ठस्स, भोगव्यसनेन वा फुट्ठस्स, रोगव्यसनेन वा फुट्ठस्स, सीलव्यसनेन वा फुट्ठस्स, दिट्ठिव्यसनेन वा फुट्ठस्स, अज्जतरज्जतरेन वा व्यसनेन समन्नागतस्स, अज्जतरज्जतरेन वा दुक्खधम्मेन फुट्ठस्स, आदेवो परिदेवो, आदेवना परिदेवना, आदेवितत्तं परिदेवितत्तं, वाचा पलापो विप्पलापो लालप्पो लालप्पायना लालप्पायितत्तं। **सोको**ति जातिव्यसनेन वा फुट्ठस्स, भोगरोगसीलदिट्ठिव्यसनेन वा फुट्ठस्स, अज्जतरज्जतरेन वा व्यसनेन समन्नागतस्स, अज्जतरज्जतरेन वा दुक्खधम्मेन फुट्ठस्स, सोको सोचना सोचितत्तं, अन्तोसोको अन्तोपरिसोको, अन्तोडाहो अन्तोपरिडाहो, चेतसो परिज्झायना दोमनस्सं सोकसल्लं। **मच्छरन्ति** पञ्च मच्छरियानि — आवासमच्छरियं, कुलमच्छरियं, लाभमच्छरियं, वण्णमच्छरियं, धम्ममच्छरियं। यं एवरूपं मच्छरियं मच्छरायनं मच्छरायितत्तं वेविच्छं कदरियं कटुकज्चुकता अगगहितत्तं चित्तस्स — इदं वुच्चति मच्छरियं। अपि च, खन्धमच्छरियमपि मच्छरियं, धातुमच्छरियमपि मच्छरियं, आयतनमच्छरियमपि मच्छरियं गाहो। इदं वुच्चति मच्छरियन्ति — परिदेवसोका सहमच्छरा च।

मानातिमाना सहपेसुणा चाति। मानोति इधेकच्चो मानं जनेति जातिया वा गोत्तेन वा कोलपुत्तियेन वा वण्णपोक्खरताय वा धनेन वा अज्जेनेन वा कम्मायतनेन वा सिप्पायतनेन वा विज्जाट्टानेन वा सुत्तेन वा पटिभानेन वा अज्जतरज्जतरेन वा वत्थुना। **अतिमानो**ति इधेकच्चो परं अतिमज्जति जातिया वा गोत्तेन वा...पे०... अज्जतरज्जतरेन वा वत्थुना। **पेसुज्जन्ति** इधेकच्चो पिसुणवाचो होति — इतो सुत्वा अमुत्र अक्खाता इमेसं भेदाय, अमुत्र वा सुत्वा इमेसं अक्खाता अमूसं भेदाय। इति समग्गानं वा भेत्ता, भिन्नानं वा अनुप्पदाता, वगारामो वग्गरतो वगगन्दी वगगकरणि वाचं भासिता होति — इदं वुच्चति पेसुज्जं। अपि च द्वीहि कारणेहि पेसुज्जं उपसंहरति — पियकम्यताय वा भेदाधिप्पायेन वा। कथं पियकम्यताय पेसुज्जं उपसंहरति? इमस्स पियो भविस्सामि, मनापो भविस्सामि, विस्सासिको भविस्सामि, अब्भन्तरिको भविस्सामि, सुहदयो भविस्सामीति — एवं पियकम्यताय पेसुज्जं उपसंहरति। कथं भेदाधिप्पायेन पेसुज्जं उपसंहरति? कथं इमे नाना अस्सु, विना अस्सु, वग्गा अस्सु, द्विधा अस्सु, द्वेज्झा अस्सु, द्वे पक्खा अस्सु, भिज्जेय्युं न समागच्छेय्युं, दुक्खं न फासु विहरेय्युन्ति — एवं भेदाधिप्पायेन पेसुज्जं उपसंहरतीति — मानातिमाना सहपेसुणा च।

कुतोपहूता ते तदिदं ब्रूहीति। कलहो च विवादो च परिदेवो च सोको च मच्छरियञ्च मानो च अतिमानो च पेसुज्जञ्चाति — इमे अट्ठ किलेसा कुतोपहूता कुतोजाता कुतोसज्जाता कुतोनिब्बत्ता कुतोअभिनिब्बत्ता कुतोपातुभूता, किंनिदाना किंसमुदया किंजातिका किंपभवाति। इमेसं अट्ठन्नं किलेसानं मूलं पुच्छति, हेतुं पुच्छति, निदानं पुच्छति, सम्भवं पुच्छति, पभवं पुच्छति, समुद्धानं पुच्छति, आहारं पुच्छति, आरम्भणं पुच्छति, पच्चयं पुच्छति, समुदयं पुच्छति पपुच्छति

याचति अज्जेसति पसादेतीति — कुतोपहूता ते तदिङ्गं ब्रूहीति । इङ्गं ब्रूहि आचिक्ख देसेहि पज्जपेहि पट्टपेहि विवर विभज उत्तानीकरोहि पकासेहीति — कुतोपहूता ते तदिङ्गं ब्रूहि ।

तेनाह सो निम्मितो —

“कुतोपहूता कलहा विवादा, परिदेवसोका सहमच्छरा च ।
मानातिमाना सहपेसुणा च, कुतोपहूता ते तदिङ्गं ब्रूही”ति ॥

**१८. पियप्पहूता कलहा विवादा, परिदेवसोका सहमच्छरा च ।
मानातिमाना सहपेसुणा च, मच्छेरयुत्ता कलहा विवादा ।
विवादजातेसु च पेसुणानि ॥**

पियप्पहूता कलहा विवादा, परिदेवसोका सहमच्छरा चाति । पियाति द्वे पिया — सत्ता वा सङ्खारा वा । कतमे सत्ता पिया? इध यस्स ते होन्ति अत्थकामा हितकामा फासुकामा योगक्खेमकामा माता वा पिता वा भाता वा भगिनी वा पुत्तो वा धीता वा मिता वा अमच्चा वा जाती वा सालोहिता वा — इमे सत्ता पिया । कतमे सङ्खारा पिया? मनापिका रूपा मनापिका सद्वा मनापिका गन्धा मनापिका रसा मनापिका फोट्टब्बा — इमे सङ्खारा पिया ।

पियं वत्थुं अच्छेदसङ्किनोपि कलहं करोन्ति, अच्छिज्जन्तेपि कलहं करोन्ति, अच्छिन्नेपि कलहं करोन्ति । पियं वत्थुं विपरिणामसङ्किनोपि कलहं करोन्ति, विपरिणामन्तेपि कलहं करोन्ति, विपरिणतेपि कलहं करोन्ति । पियं वत्थुं अच्छेदसङ्किनोपि विवदन्ति, अच्छिज्जन्तेपि विवदन्ति, अच्छिन्नेपि विवदन्ति । पियं वत्थुं विपरिणामसङ्किनोपि विवदन्ति, विपरिणामन्तेपि विवदन्ति, विपरिणतेपि विवदन्ति । पियं वत्थुं अच्छेदसङ्किनोपि परिदेवन्ति, अच्छिज्जन्तेपि परिदेवन्ति, अच्छिन्नेपि परिदेवन्ति । पियं वत्थुं विपरिणामसङ्किनोपि परिदेवन्ति, विपरिणामन्तेपि परिदेवन्ति, विपरिणतेपि परिदेवन्ति । पियं वत्थुं अच्छेदसङ्किनोपि सोचन्ति, अच्छिज्जन्तेपि सोचन्ति, अच्छिन्नेपि सोचन्ति । पियं वत्थुं विपरिणामसङ्किनोपि सोचन्ति, विपरिणामन्तेपि सोचन्ति, विपरिणतेपि सोचन्ति । पियं वत्थुं रक्खन्ति गोपेन्ति परिग्गणहन्ति ममायन्ति मच्छरायन्ति ।

मानातिमाना सहपेसुणा चाति । पियं वत्थुं निस्साय मानं जनेन्ति, पियं वत्थुं निस्साय अतिमानं जनेन्ति । कथं पियं वत्थुं निस्साय मानं जनेन्ति? मयं लाभिनो मनापिकानं रूपानं सद्धानं गन्धानं रसानं फोट्टब्बानन्ति । एवं पियं वत्थुं निस्साय मानं जनेन्ति । कथं पियं वत्थुं निस्साय अतिमानं जनेन्ति? मयं लाभिनो मनापिकानं रूपानं सद्धानं गन्धानं रसानं फोट्टब्बानं, इमे पनज्जे न लाभिनो मनापिकानं रूपानं सद्धानं गन्धानं रसानं फोट्टब्बानन्ति । एवं पियं वत्थुं निस्साय अतिमानं जनेन्ति । **पेसुज्जन्ति** इधेकच्चो पिसुणवाचो होति, इतो सुत्वा अमुत्र अक्खाता इमेसं भेदाय...पे०... एवं भेदाधिप्पायेन पेसुज्जं उपसंहरतीति...पे०... मानातिमाना सहपेसुणा च ।

मच्छेरयुत्ता कलहा विवादाति । कलहो च विवादो च परिदेवो च सोको च मानो च अतिमानो च पेसुज्जञ्चाति — इमे सत्त किलेसा मच्छरिये युत्ता पयुत्ता आयुत्ता समायुत्ताति — मच्छेरयुत्ता कलहा विवादा ।

विवादजातेसु च पेसुणानीति । विवादे जाते सज्जाते निब्बत्ते अभिनिब्बत्ते पातुभूते पेसुज्जं उपसंहरन्ति; इतो सुत्वा अमुत्र अक्खायन्ति इमेसं भेदाय, अमुत्र वा सुत्वा इमेसं अक्खायन्ति अमूसं भेदाय । इति समग्गानं वा भेत्तारो, भिन्नानं वा

अनुष्पदातारो, वगारामा वगगरता वगगनन्दी वगगकरणिं वाचं भासितारो होन्ति — इदं वुच्चति पेसुज्जं । अपि च द्वीहि कारणेहि पेसुज्जं उपसंहरन्ति — पियकम्यताय वा भेदाधिष्णायेन वा । कथं पियकम्यताय पेसुज्जं उपसंहरन्ति? इमस्स पिया भविस्साम, मनापा भविस्साम, विस्सासिका भविस्साम, अब्भन्तरिका भविस्साम, सुहदया भविस्सामाति । एवं पियकम्यताय पेसुज्जं उपसंहरन्ति । कथं भेदाधिष्णायेन पेसुज्जं उपसंहरन्ति? “कथं इमे नाना अस्सु, विना अस्सु, वग्गा अस्सु, द्वेधा अस्सु, द्वेज्झा अस्सु, द्वे पक्खा अस्सु, भिज्जेय्युं न समागच्छेय्युं, दुक्खं न फासु विहरेय्यु”न्ति — एवं भेदाधिष्णायेन पेसुज्जं उपसंहरन्तीति — विवादजातेसु च पेसुणानि ।

तेनाह भगवा —

“पियप्पहूता कलहा विवादा, परिदेवसोका सहमच्छरा च ।
मानातिमाना सहपेसुणा च, मच्छेरयुत्ता कलहा विवादा ।
विवादजातेसु च पेसुणानी”ति ॥

**१९. पिया सु लोकस्मिं कुतोनिदाना, ये चापि लोभा विचरन्ति लोके ।
आसा च निट्ठा च कुतोनिदाना, ये सम्परायाय नरस्स होन्ति ॥**

पिया सु लोकस्मिं कुतोनिदानाति । पिया कुतोनिदाना कुतोजाता कुतोसज्जाता कुतोनिब्बत्ता कुतोअभिनिब्बत्ता कुतोपातुभूता, किंनिदाना किंसमुदया किंजातिका किंपभवाति पियानं मूलं पुच्छति...पे०... समुदयं पुच्छति पपुच्छति याचति अज्झेसति पसादेतीति — पिया सु लोकस्मिं कुतोनिदाना ।

ये चापि लोभा विचरन्ति लोकेति । ये चापीति खत्तिया च ब्राह्मणा च वेस्सा च सुद्धा च गहट्ठा च पब्बजिता च देवा च मनुस्सा च । **लोभाति** यो लोभो लुब्भना लुब्भितत्तं सारागो सारज्जना सारज्जितत्तं अभिज्झा लोभो अकुसलमूलं । **विचरन्तीति** विचरन्ति विहरन्ति इरियन्ति वत्तन्ति पालेन्ति यपेन्ति यापेन्ति । **लोकेति** अपायलोके मनुस्सलोके देवलोके खन्धलोके धातुलोके आयतनलोकेति — ये चापि लोभा विचरन्ति लोके ।

आसा च निट्ठा च कुतोनिदानाति । आसा च निट्ठा च कुतोनिदाना कुतोजाता कुतोसज्जाता कुतोनिब्बत्ता कुतोअभिनिब्बत्ता कुतोपातुभूता, किंनिदाना किंसमुदया किंजातिका किंपभवाति आसाय च निट्ठाय च मूलं पुच्छति...पे०... समुदयं पुच्छति पपुच्छति याचति अज्झेसति पसादेतीति — आसा च निट्ठा च कुतोनिदाना । **ये सम्परायाय नरस्स होन्तीति ।** ये नरस्स परायणा होन्ति दीपा होन्ति ताणा होन्ति लेणा होन्ति सरणा होन्ति निट्ठा परायणा होन्तीति — ये सम्परायाय नरस्स होन्ति ।

तेनाह सो निम्मितो —

“पिया सु लोकस्मिं कुतोनिदाना, ये चापि लोभा विचरन्ति लोके ।
आसा च निट्ठा च कुतोनिदाना, ये सम्परायाय नरस्स होन्ती”ति ॥

**१००. छन्दानिदानानि पियानि लोके, ये चापि [ये वापि (स्या०)] लोभा विचरन्ति लोके ।
आसा च निट्ठा च इतोनिदाना, ये सम्परायाय नरस्स होन्ति ॥**

छन्दानिदानानि पियानि लोकेति । छन्दोति यो कामेसु कामच्छन्दो कामरागो कामनन्दी कामतण्हा कामस्नेहो कामपरिळाहो काममुच्छा कामज्झोसानं कामोघो कामयोगो कामुपादानं कामच्छन्दनीवरणं । अपि च पञ्च छन्दा — परियेसनच्छन्दो, पटिलाभच्छन्दो, परिभोगच्छन्दो, सन्निधिच्छन्दो, विसज्जनच्छन्दो । कतमो परियेसनच्छन्दो? इधेकच्चो अज्झोसितोयेव अत्थिको छन्दजातो रूपे परियेसति, सद्दे... गन्धे... रसे... फोटुब्बे परियेसति — अयं परियेसनच्छन्दो । कतमो पटिलाभच्छन्दो? इधेकच्चो अज्झोसितोयेव अत्थिको छन्दजातो रूपे पटिलभति, सद्दे... गन्धे... रसे... फोटुब्बे पटिलभति — अयं पटिलाभच्छन्दो । कतमो परिभोगच्छन्दो? इधेकच्चो अज्झोसितोयेव अत्थिको छन्दजातो रूपे परिभुज्जति, सद्दे... गन्धे... रसे... फोटुब्बे परिभुज्जति — अयं परिभोगच्छन्दो । कतमो सन्निधिच्छन्दो? इधेकच्चो अज्झोसितोयेव अत्थिको छन्दजातो धनसन्निचयं करोति “आपदासु भविस्सती”ति — अयं सन्निधिच्छन्दो । कतमो विसज्जनच्छन्दो? इधेकच्चो अज्झोसितोयेव अत्थिको छन्दजातो धनं विसज्जेति हत्थारोहानं अस्सारोहानं रथिकानं धनुगगहानं पत्तिकानं “इमे मं रक्खिस्सन्ति गोपिस्सन्ति सम्परिवारिस्सन्ती”ति — अयं विसज्जनच्छन्दो । **पियानीति** द्वे पिया — सत्ता वा सङ्खारा वा...पे०... इमे सत्ता पिया...पे०... इमे सङ्खारा पिया । **छन्दानिदानानि पियानि लोकेति ।** पिया छन्दनिदाना छन्दसमुदया छन्दजातिका छन्दपभवाति — छन्दानिदानानि पियानि लोके ।

ये चापि लोभा विचरन्ति लोकेति । ये चापीति खत्तिया च ब्राह्मणा च वेस्सा च सुद्धा च गहट्ठा च पब्बजिता च देवा च मनुस्सा च । **लोभाति** यो लोभो लुब्भना लुब्भितत्तं सारागो सारज्जना सारज्जितत्तं अभिज्झा लोभो अकुसलमूलं । **विचरन्तीति** विचरन्ति विहरन्ति इरियन्ति वत्तन्ति पालेन्ति यपेन्ति यापेन्ति । **लोकेति** अपायलोके...पे०... आयतनलोकेति — ये चापि लोभा विचरन्ति लोके ।

आसा च निट्ठा च इतोनिदानाति । आसा वुच्चति तण्हा । यो रागो सारागो...पे०... अभिज्झा लोभो अकुसलमूलं । **निट्ठाति** इधेकच्चो रूपे परियेसन्तो रूपं पटिलभति, रूपनिट्ठो होति, सद्दे... गन्धे... रसे... फोटुब्बे... कुलं... गणं... आवासं... लाभं... यसं... पसंसं... सुखं... चीवरं... पिण्डपातं... सेनासनं... गिलानपच्चयभेसज्जपरिक्खारं ... सुत्तन्तं... विनयं... अभिधम्मं... आरज्जिकङ्गं... पिण्डपातिकङ्गं... पंसुकूलिकङ्गं... तेचीवरिकङ्गं... सपदानचारिकङ्गं... खलुपच्छाभत्तिकङ्गं... नेसज्जिकङ्गं... यथासन्थतिकङ्गं... पठमं ज्ञानं... दुतियं ज्ञानं... ततियं ज्ञानं... चतुत्थं ज्ञानं... आकासानज्जायतनसमापत्तिं... विज्जाणज्जायतनसमापत्तिं... आकिञ्चज्जायतनसमापत्तिं ... नेवसज्जानासज्जायतनसमापत्तिं परियेसन्तो नेवसज्जानासज्जायतनसमापत्तिं पटिलभति, नेवसज्जानासज्जायतनसमापत्तिनिट्ठो होति ।

“आसाय कसते खेत्तं, बीजं आसाय वप्पति ।

आसाय वाणिजा यन्ति, समुद्धं धनहारका ।

याय आसाय तिट्ठामि, सा मे आसा समिज्झती”ति ॥

आसाय समिद्धि वुच्चते निट्ठा । **आसा च निट्ठा च इतोनिदानाति ।** आसा च निट्ठा च इतो छन्दनिदाना छन्दसमुदया छन्दजातिका छन्दपभवाति — आसा च निट्ठा च इतोनिदाना ।

ये सम्परायाय नरस्स होन्तीति । ये नरस्स परायना होन्ति दीपा होन्ति ताणा होन्ति लेणा होन्ति सरणा होन्ति निट्ठा परायना होन्तीति — ये सम्परायाय नरस्स होन्ति ।

तेनाह भगवा —

“छन्दानिदानानि पियानि लोके, ये चापि लोभा विचरन्ति लोके ।
आसा च निड्ढा च इतोनिदाना, ये सम्परायाय नरस्स होन्ती”ति ॥

**१०१. छन्दो नु लोकस्मिं कुतोनिदानो, विनिच्छया चापि [वापि (सी० स्या०)] कुतोपहूता ।
कोधो मोसवज्जञ्च कथंकथा च, ये चापि धम्मा समणेन वुत्ता ॥**

छन्दो नु लोकस्मिं कुतोनिदानोति । छन्दो कुतोनिदानो कुतोजातो कुतोसज्जातो कुतोनिब्बत्तो कुतोअभिनिब्बत्तो कुतोपातुभूतो, किंनिदानो किंसमुदयो किंजातिको किंपभवोति छन्दस्स मूलं पुच्छति...पे०... समुदयं पुच्छति पपुच्छति याचति अज्झेसति पसादेतीति — छन्दो नु लोकस्मिं कुतोनिदानो ।

विनिच्छया चापि कुतोपहूताति । विनिच्छया कुतोपहूता कुतोजाता कुतोसज्जाता कुतोनिब्बत्ता कुतोअभिनिब्बत्ता कुतोपातुभूता, किंनिदाना किंसमुदया किंजातिका किंपभवोति विनिच्छयानं मूलं पुच्छति...पे०... समुदयं पुच्छति पपुच्छति याचति अज्झेसति पसादेतीति — विनिच्छया चापि कुतोपहूता ।

कोधो मोसवज्जञ्च कथंकथा चाति । कोधोति यो एवरूपो चित्तस्स आघातो पटिघातो, पटिघं पटिविरोधो, कोपो पकोपो सम्पकोपो, दोसो पदोसो सम्पदोसो, चित्तस्स ब्यापत्ति मनोपदोसो, कोधो कुज्झना कुज्झितत्तं, दोसो दुस्सना दुस्सितत्तं, ब्यापत्ति ब्यापज्जना ब्यापज्जितत्तं, विरोधो पटिविरोधो, चण्डिक्कं असुरोपो अनत्तमनता चित्तस्स । मोसवज्जं वुच्चति मुसावादो । कथंकथा वुच्चति विचिकिच्छाति — कोधो मोसवज्जञ्च कथंकथा च ।

ये चापि धम्मा समणेन वुत्ताति । ये चापीति ये कोधेन च मोसवज्जेन च कथंकथाय च सहगता सहजाता संसङ्गा सम्पयुत्ता, एकुप्पादा एकनिरोधा एकवत्थुका एकारम्मणा — इमे वुच्चन्ति ये चापि धम्मा । अथ वा ये ते किलेसा अज्जजातिका अज्जविहितका — इमे वुच्चन्ति ये चापि धम्मा । समणेन वुत्ताति समणेन समितपापेन ब्राह्मणेन बाहितपापधम्मेन भिक्खुना भिन्नकिलेसमूलेन सब्बाकुसलमूलबन्धना पमुत्तेन वुत्ता पवुत्ता आचिकिखता देसिता पज्जपिता पट्टपिता विवटा विभत्ता उत्तानीकता पकासिताति — ये चापि धम्मा समणेन वुत्ता ।

तेनाह सो निम्मितो —

“छन्दो नु लोकस्मिं कुतोनिदानो, विनिच्छया चापि कुतोपहूता ।
कोधो मोसवज्जञ्च कथंकथा च, ये चापि धम्मा समणेन वुत्ता”ति ॥

**१०२. सातं असातन्ति यमाहु लोके, तमूपनिस्साय प्होति छन्दो ।
रूपेसु दिस्वा विभवं भवञ्च, विनिच्छयं कुब्बति [कूरुते (स्या०)] जन्तु लोके ॥**

सातं असातन्ति यमाहु लोकेति । सातन्ति सुखा च वेदना, इड्डञ्च वत्थु [वत्थुं (सी० क०)] । असातन्ति दुक्खा च वेदना, अनिड्डञ्च वत्थु । यमाहु लोकेति यं आहंसु यं कथेन्ति यं भणन्ति यं दीपेन्ति यं वोहरन्तीति — सातं असातन्ति यमाहु लोके ।

तमूपनिस्साय प्होति छन्दोति । सातासातं निस्साय, सुखदुक्खं निस्साय, सोमनस्सदोमनस्सं निस्साय, इड्डानिड्डं

निस्साय, अनुनयपटिघं निस्साय छन्दो परोति पभवति जायति सज्जायति निब्बत्ति अभिनिब्बत्तीति — तमूपनिस्साय परोति छन्दो ।

रूपेसु दिस्वा विभवं भवज्जाति । रूपेसूति चत्तारो च महाभूता चतुन्नज्च महाभूतानं उपादाय रूपं । कतमो रूपानं भवो? यो रूपानं भवो जाति सज्जाति निब्बत्ति अभिनिब्बत्ति पातुभावो — अयं रूपानं भवो । कतमो रूपानं विभवो? यो रूपानं खयो वयो भेदो परिभेदो अनिच्चता अन्तरधानं — अयं रूपानं विभवो । **रूपेसु दिस्वा विभवं भवज्जाति** रूपेसु भवज्च विभवज्च दिस्वा पस्सित्वा तुलयित्वा तीरयित्वा विभावयित्वा विभूतं कत्वाति — रूपेसु दिस्वा विभवं भवज्च ।

विनिच्छयं कुब्बति जन्तु लोकेति । विनिच्छयाति द्वे विनिच्छया — तण्हाविनिच्छयो च, दिट्ठिविनिच्छयो च । कथं तण्हाविनिच्छयं करोति? इधेकच्चस्स अनुप्पन्ना चेव भोगा न उप्पज्जन्ति, उप्पन्ना च भोगा परिकखयं गच्छन्ति । तस्स एवं होति — “केन नु खो मे उपायेन अनुप्पन्ना चेव भोगा न उप्पज्जन्ति, उप्पन्ना च भोगा परिकखयं गच्छन्ती”ति । तस्स पन एवं होति “सुरामेरयमज्जप्पमादद्धानानुयोगं अनुयुत्तस्स मे अनुप्पन्ना चेव भोगा न उप्पज्जन्ति, उप्पन्ना च भोगा परिकखयं गच्छन्ति; विकालविसिखाचरियानुयोगं अनुयुत्तस्स मे अनुप्पन्ना चेव भोगा न उप्पज्जन्ति, उप्पन्ना च भोगा परिकखयं गच्छन्ति; समज्जाभिचरणं अनुयुत्तस्स मे... जुतप्पमादद्धानानुयोगं अनुयुत्तस्स मे... पापमित्तानुयोगं अनुयुत्तस्स मे अनुप्पन्ना चेव भोगा न उप्पज्जन्ति, उप्पन्ना च भोगा परिकखयं गच्छन्ति; आलस्यानुयोगं अनुयुत्तस्स मे अनुप्पन्ना चेव भोगा न उप्पज्जन्ति, उप्पन्ना च भोगा परिकखयं गच्छन्ती”ति एवं जाणं कत्वा छ भोगानं अपायमुखानि न सेवति, छ भोगानं आयमुखानि सेवति । एवम्पि तण्हाविनिच्छयं करोति ।

अथ वा कसिया वा वणिज्जाय वा गोरक्खेन वा इस्सत्थेन [इस्सत्तेन (क० सी० क०) इसु + सत्थ] वा राजपोरिसेन वा सिप्पज्जतरेन वा पटिपज्जति । एवम्पि तण्हाविनिच्छयं करोति । कथं दिट्ठिविनिच्छयं करोति? चक्खुस्मिं उप्पन्ने जानाति — “अत्ता मे उप्पन्नो”ति, चक्खुस्मिं अन्तरहिते जानाति — “अत्ता मे अन्तरहितो विगतो मे अत्ता”ति । एवम्पि दिट्ठिविनिच्छयं करोति । सोतस्मिं... धानस्मिं... जिह्वाय... कायस्मिं... रूपस्मिं... सद्दस्मिं... गन्धस्मिं... रसस्मिं... फोड्ढस्मिं उप्पन्ने जानाति — “अत्ता मे उप्पन्नो”ति, फोड्ढस्मिं अन्तरहिते जानाति — “अत्ता मे अन्तरहितो विगतो मे अत्ता”ति । एवम्पि दिट्ठिविनिच्छयं करोति जनेति सज्जनेति निब्बत्तेति अभिनिब्बत्तेति । **जन्तूति** सत्तो नरो मानवो...पे०... मनुजो । **लोकेति** अपायलोके ...पे०... आयतनलोकेति — विनिच्छयं कुब्बति जन्तु लोके ।

तेनाह भगवा —

“सातं असातन्ति यमाहु लोके, तमूपनिस्साय परोति छन्दो ।

रूपेसु दिस्वा विभवं भवज्च, विनिच्छयं कुब्बति जन्तु लोके”ति ॥

१०३.कोधो मोसवज्जज्च कथंकथा च, एतेपि धम्मा द्वयमेव सन्ते ।
कथंकथी जाणपथाय सिक्खे, जत्वा पवुत्ता समणेन धम्मा ॥

कोधो मोसवज्जज्च कथंकथा चाति । कोधोति यो एवरूपो चित्तस्स आघातो पटिघातो...पे०... मोसवज्जं वुच्चति मुसावादो । कथंकथा वुच्चति विचिकिच्छा । इट्ठं वत्थुं निस्सायपि कोधो जायति, अनिट्ठं वत्थुं निस्सायपि कोधो जायति । इट्ठं वत्थुं निस्सायपि मुसावादो उप्पज्जति, अनिट्ठं वत्थुं निस्सायपि मुसावादो उप्पज्जति । इट्ठं वत्थुं निस्सायपि कथंकथा

उप्पज्जति, अनिट्ठं वत्थुं निस्सायपि कथंकथा उप्पज्जति ।

कथं अनिट्ठं वत्थुं निस्साय कोधो जायति? पकतिया अनिट्ठं वत्थुं निस्साय कोधो जायति । अनत्थं मे अचरीति कोधो जायति, अनत्थं मे चरतीति कोधो जायति, अनत्थं मे चरिस्सतीति कोधो जायति; पियस्स मे मनापस्स अनत्थं अचरि ... अनत्थं चरति... अनत्थं चरिस्सतीति कोधो जायति; अप्पियस्स मे अमनापस्स अत्थं अचरि... अत्थं चरति... अत्थं चरिस्सतीति कोधो जायति । एवं अनिट्ठं वत्थुं निस्साय कोधो जायति ।

कथं इट्ठं वत्थुं निस्साय कोधो जायति? इट्ठं वत्थुं अच्छेदसङ्किनोपि कोधो जायति, अच्छिज्जन्तेपि कोधो जायति, अच्छिन्नेपि कोधो जायति । इट्ठं वत्थुं विपरिणामसङ्किनोपि कोधो जायति, विपरिणामन्तेपि कोधो जायति, विपरिणतेपि कोधो जायति । एवं इट्ठं वत्थुं निस्साय कोधो जायति ।

कथं अनिट्ठं वत्थुं निस्साय मुसावादो उप्पज्जति? इधेकच्चो अन्दुबन्धनेन [अहुबन्धनेन (स्या० क०)] वा बद्धो [बन्धो (स्या० क०)]; तस्स बन्धनस्स मोक्खत्थाय सम्पजानमुसा भासति... रज्जुबन्धनेन वा बद्धो... सङ्खलिकबन्धनेन वा बद्धो... वेत्तबन्धनेन वा बद्धो... लताबन्धनेन वा बद्धो... पक्खेपबन्धनेन वा बद्धो... परिकखेपबन्धनेन वा बद्धो... गामनिगमनगररट्टबन्धनेन वा बद्धो... जनपदबन्धनेन वा बद्धो; तस्स बन्धनस्स मोक्खत्थाय सम्पजानमुसा भासति । एवं अनिट्ठं वत्थुं निस्साय मुसावादो उप्पज्जतीति ।

कथं इट्ठं वत्थुं निस्साय मुसावादो उप्पज्जति? इधेकच्चो मनापिकानं [मनापानं (सी०)] रूपानं हेतु सम्पजानमुसा भासति... मनापिकानं सद्धानं... गन्धानं... रसानं... फोट्टब्बानं हेतु... चीवरहेतु... पिण्डपातहेतु... सेनासनहेतु... गिलानपच्चयभेसज्जपरिक्खारहेतु सम्पजानमुसा भासति । एवं इट्ठं वत्थुं निस्साय मुसावादो उप्पज्जति ।

कथं अनिट्ठं वत्थुं निस्साय कथंकथा उप्पज्जति? “मुच्चिस्सामि [मुच्चिस्सामि (सी०)] नु खो चक्खुरोगतो, न नु खो मुच्चिस्सामि चक्खुरोगतो । मुच्चिस्सामि नु खो सोतरोगतो... घानरोगतो... जिह्वारोगतो... कायरोगतो... सीसरोगतो... कण्णरोगतो... मुखरोगतो... मुच्चिस्सामि नु खो दन्तरोगतो, न नु खो मुच्चिस्सामि दन्तरोगतो”ति । एवं अनिट्ठं वत्थुं निस्साय कथंकथा उप्पज्जति ।

कथं इट्ठं वत्थुं निस्साय कथंकथा उप्पज्जति? “लभिस्सामि नु खो मनापिके [मनापिये (सी० क०)] रूपे, न नु खो लभिस्सामि मनापिके रूपे । लभिस्सामि नु खो मनापिके सद्दे... गन्धे... रसे... फोट्टब्बे... कुलं... गणं... आवासं... लाभं... यसं... पसंसं... सुखं... चीवरं... पिण्डपातं... सेनासनं... गिलानपच्चयभेसज्जपरिक्खार”न्ति । एवं इट्ठं वत्थुं निस्साय कथंकथा उप्पज्जतीति — कोधो मोसवज्जज्ज कथंकथा च ।

एतेपि धम्मा द्वयमेव सन्तेति । सातासाते सन्ते, सुखदुक्खे सन्ते, सोमनस्सदोमनस्से सन्ते, इट्ठानिट्ठे सन्ते, अनुनयपटिघे सन्ते संविज्जमाने अत्थि उपलब्धमानेति — एतेपि धम्मा द्वयमेव सन्ते ।

कथंकथी जाणपथाय सिक्खेति । जाणम्मि जाणपथो, जाणस्स आरम्मणम्मि जाणपथो, जाणसहभुनोपि धम्मा जाणपथो । यथा अरियमग्गो अरियपथो, देवमग्गो देवपथो, ब्रह्ममग्गो ब्रह्मपथो; एवमेव जाणम्मि जाणपथो, जाणस्स आरम्मणम्मि जाणपथो, जाणसहभुनोपि धम्मा जाणपथो ।

सिक्खेति तित्सो सिक्खा — अधिसीलसिक्खा, अधिचित्तसिक्खा, अधिपज्जासिक्खा । कतमा अधिसीलसिक्खा? इध भिक्खु सीलवा होति, पातिमोक्खसंवरसंवृतो विहरति आचारगोचरसम्पन्नो, अणुमत्तेसु वज्जेसु भयदस्सावी, समादाय सिक्खति सिक्खापदेसु, खुद्वको सीलक्खन्धो... महन्तो सीलक्खन्धो... सीलं पतिट्ठा आदि चरणं संयमो संवरो मुखं पमुखं कुसलानं धम्मानं समापत्तिया — अयं अधिसीलसिक्खा । कतमा अधिचित्तसिक्खा? इध भिक्खु विविच्चेव कामेहि...पे०... चतुत्थं ज्ञानं उपसम्पज्ज विहरति — अयं अधिचित्तसिक्खा । कतमा अधिपज्जासिक्खा? इध भिक्खु पज्जवा होति, उदयत्थगामिनिया पज्जाय समन्नागतो अरियाय निब्बेधिकाय सम्मादुक्खक्खयगामिनिया । सो “इदं दुक्ख”न्ति यथाभूतं पजानाति...पे०... “अयं दुक्खनिरोधगामिनी पटिपदा”ति यथाभूतं पजानाति, “इमे आसवा”ति यथाभूतं पजानाति...पे०... “अयं आसवनिरोधगामिनी पटिपदा”ति यथाभूतं पजानाति — अयं अधिपज्जासिक्खा ।

कथंकथी जाणपथाय सिक्खेति । कथंकथी पुग्गलो सकङ्खो सविलेखो सट्ठेळ्हको सविचिकिच्छो, जाणाधिगमाय जाणफुसनाय जाणसच्छिकिरियाय अधिसीलम्पि सिक्खेय्य, अधिचित्तम्पि सिक्खेय्य, अधिपज्जम्पि सिक्खेय्य; इमा तित्सो सिक्खायो आवज्जन्तो सिक्खेय्य, जानन्तो सिक्खेय्य, पस्सन्तो सिक्खेय्य, पच्चवेक्खन्तो सिक्खेय्य, चित्तं अधिद्वहन्तो सिक्खेय्य, सद्धाय अधिमुच्चन्तो सिक्खेय्य, वीरियं पग्गणहन्तो सिक्खेय्य, सतिं उपद्वहन्तो सिक्खेय्य, चित्तं समादहन्तो सिक्खेय्य, पज्जाय पजानन्तो सिक्खेय्य, अभिज्जेय्यं अभिजानन्तो सिक्खेय्य, परिज्जेय्यं परिजानन्तो सिक्खेय्य, पहातब्बं पजहन्तो सिक्खेय्य, भावेतब्बं भावेन्तो सिक्खेय्य, सच्छिकातब्बं सच्छिकरोन्तो सिक्खेय्य आचरेय्य समाचरेय्य समादाय वत्तेय्याति — कथंकथी जाणपथाय सिक्खे ।

जत्वा पवुत्ता समणेन धम्माति । जत्वाति जत्वा जानित्वा तुलयित्वा तीरयित्वा विभावयित्वा विभूतं कत्वा वुत्ता पवुत्ता आचिक्खिता देसिता पज्जपिता पट्टपिता विवटा विभत्ता उत्तानीकता [उत्तानिं कता (क०)] पकासिता । “सब्बे सङ्खारा अनिच्चा”ति जत्वा जानित्वा तुलयित्वा तीरयित्वा विभावयित्वा विभूतं कत्वा वुत्ता पवुत्ता आचिक्खिता देसिता पज्जपिता पट्टपिता विवटा विभत्ता उत्तानीकता पकासिता, “सब्बे सङ्खारा दुक्खा”ति... “सब्बे धम्मा अनत्ता”ति... “अविज्जापच्चया सङ्खारा”ति...पे०... “जातिपच्चया जरामरण”न्ति... “अविज्जानिरोधा सङ्खारनिरोधो”ति...पे०... “जातिनिरोधा जरामरणनिरोधो”ति... “इदं दुक्ख”न्ति...पे०... “अयं दुक्खनिरोधगामिनी पटिपदा”ति... “इमे आसवा”ति... पे०... “अयं आसवनिरोधगामिनी पटिपदा”ति... “इमे धम्मा अभिज्जेय्या”ति... “इमे धम्मा परिज्जेय्या”ति... “इमे धम्मा पहातब्बा”ति... “इमे धम्मा भावेतब्बा”ति... “इमे धम्मा सच्छिकातब्बा”ति... छन्नं फस्सायतनानं समुदयञ्च अत्थङ्गमञ्च अस्सादञ्च आदीनवञ्च निस्सरणञ्च... पञ्चन्नं उपादानक्खन्धानं... चतुन्नं महाभूतानं... “यं किञ्चि समुदयधम्मं सब्बं तं निरोधधम्म”न्ति जत्वा जानित्वा तुलयित्वा तीरयित्वा विभावयित्वा विभूतं कत्वा वुत्ता पवुत्ता आचिक्खिता देसिता पज्जपिता पट्टपिता विवटा विभत्ता उत्तानीकता पकासिता ।

वुत्तज्हेतं भगवता — “अभिज्जायाहं, भिक्खवे, धम्मं देसेमि, नो अनभिज्जाय । सनिदानाहं, भिक्खवे, धम्मं देसेमि, नो अनिदानं । सप्पाटिहारियाहं, भिक्खवे, धम्मं देसेमि, नो अप्पाटिहारियं । तस्स मय्हं, भिक्खवे, अभिज्जाय धम्मं देसयतो, नो अनभिज्जाय, सनिदानं धम्मं देसयतो, नो अनिदानं, सप्पाटिहारियं धम्मं देसयतो, नो अप्पाटिहारियं, करणीयो ओवादो, करणीया अनुसासनी । अलञ्च पन, भिक्खवे, वो तुट्ठिया अलं पामोज्जाय अलं सोमनस्साय सम्मासम्बुद्धो भगवा, स्वाक्खातो धम्मो, सुप्पटिपन्नो सङ्गोति । इमस्मिञ्च पन वेय्याकरणस्मिं भज्जमाने दससहस्सी लोकधातु अकम्पित्था”ति — जत्वा पवुत्ता समणेन धम्मा ।

तेनाह भगवा —

“कोधो मोसवज्जञ्च कथंकथा च, एतेपि धम्मा द्वयमेव सन्ते ।
कथंकथी जाणपथाय सिक्खे, जत्वा पवुत्ता समणेन धम्मा”ति ॥

**१०४.सातं असातञ्च कुतोनिदाना, किस्मिं असन्ते न भवन्ति हेते ।
विभवं भवञ्चापि यमेतमत्थं, एतं मे पब्रूहि यतोनिदानं ॥**

सातं असातञ्च कुतोनिदानाति । साता असाता कुतोनिदाना कुतोजाता कुतोसज्जाता कुतोनिब्बत्ता कुतोअभिनिब्बत्ता कुतोपातुभूता, किंनिदाना किंसमुदया किंजातिका किंपभवाति सातासातानं मूलं पुच्छति...पे०... समुदयं पुच्छति पपुच्छति याचति अज्झेसति पसादेतीति — सातं असातञ्च कुतोनिदाना ।

किस्मिं असन्ते न भवन्ति हेतेति । किस्मिं असन्ते असंविज्जमाने नत्थि अनुपलब्भमाने सातासाता न भवन्ति नप्पभवन्ति न जायन्ति न सज्जायन्ति न निब्बत्तन्ति न अभिनिब्बत्तन्तीति — किस्मिं असन्ते न भवन्ति हेते ।

विभवं भवञ्चापि यमेतमत्थन्ति । कतमो सातासातानं भवो? यो सातासातानं भवो पभवो जाति सज्जाति निब्बत्ति अभिनिब्बत्ति पातुभावो — अयं सातासातानं भवो । कतमो सातासातानं विभवो? यो सातासातानं खयो वयो भेदो परिभेदो अनिच्चता अन्तरधानं — अयं सातासातानं विभवो । यमेतमत्थन्ति यं परमत्थन्ति — विभवं भवञ्चापि यमेतमत्थं ।

एतं मे पब्रूहि यतोनिदानन्ति । एतन्ति यं पुच्छामि यं याचामि यं अज्झेसामि यं पसादेमि । पब्रूहीति ब्रूहि वदेहि आचिक्ख देसेहि पज्जपेहि पट्टपेहि विवर विभज उत्तानीकरोहि पकासेहीति — एतं मे पब्रूहि । यतोनिदानन्ति यंनिदानं यंसमुदयं यंजातिकं यंपभवन्ति — एतं मे पब्रूहि यतोनिदानं ।

तेनाह सो निम्मितो —

“सातं असातञ्च कुतोनिदाना, किस्मिं असन्ते न भवन्ति हेते ।
विभवं भवञ्चापि यमेतमत्थं, एतं मे पब्रूहि यतोनिदानं”न्ति ॥

**१०५.फस्सनिदानं सातं असातं, फस्से असन्ते न भवन्ति हेते ।
विभवं भवञ्चापि यमेतमत्थं, एतं ते पब्रूमि इतोनिदानं ॥**

फस्सनिदानं सातं असातन्ति । सुखवेदनीयं फस्सं पटिच्च उप्पज्जति सुखा वेदना । या तस्सेव सुखवेदनीयस्स फस्सस्स निरोधा, यं तज्जं वेदयितं सुखवेदनीयं फस्सं पटिच्च उप्पन्ना सुखा वेदना सा निरुज्झति, सा वूपसम्मति । दुक्खवेदनीयं फस्सं पटिच्च उप्पज्जति दुक्खा वेदना । या तस्सेव दुक्खवेदनीयस्स फस्सस्स निरोधा, यं तज्जं वेदयितं दुक्खवेदनीयं फस्सं पटिच्च उप्पन्ना दुक्खा वेदना सा निरुज्झति, सा वूपसम्मति । अदुक्खमसुखवेदनीयं फस्सं पटिच्च उप्पज्जति अदुक्खमसुखा वेदना । या तस्सेव अदुक्खमसुखवेदनीयस्स फस्सस्स निरोधा, यं तज्जं वेदयितं अदुक्खमसुखवेदनीयं फस्सं पटिच्च उप्पन्ना अदुक्खमसुखा वेदना सा निरुज्झति, वूपसम्मति । फस्सनिदानं सातं असातन्ति । सातासाता फस्सनिदाना फस्ससमुदया फस्सजातिका फस्सप्पभवाति — फस्सनिदानं सातं असातं ।

फस्से असन्ते न भवन्ति हेतेति । फस्से असन्ते असंविज्जमाने नत्थि अनुपलब्धमाने सातासाता न भवन्ति नप्पभवन्ति न जायन्ति न सज्जायन्ति न निब्बत्तन्ति नाभिनिब्बत्तन्ति न पातुभवन्तीति — फस्से असन्ते न भवन्ति हेते ।

विभवं भवञ्चापि यमेतमत्थन्ति । भवदिट्ठिपि फस्सनिदाना, विभवदिट्ठिपि फस्सनिदाना । यमेतमत्थन्ति यं परमत्थन्ति — विभवं भवञ्चापि यमेतमत्थं ।

एतं ते पब्रूमि इतोनिदानन्ति । एतन्ति यं पुच्छसि यं याचसि यं अज्झेससि यं पसादेसि । पब्रूमीति ब्रूमि आचिक्खामि देसेमि पज्जपेमि पट्टपेमि विवरामि विभजामि उत्तानीकरोमि पकासेमीति — एतं ते पब्रूमि । इतोनिदानन्ति इतो फस्सनिदानं फस्ससमुदयं फस्सजातिकं फस्सप्पभवन्ति — एतं ते पब्रूमि इतोनिदानं ।

तेनाह भगवा —

“फस्सनिदानं सातं असातं, फस्से असन्ते न भवन्ति हेते ।
विभवं भवञ्चापि यमेतमत्थं, एतं ते पब्रूमि इतोनिदानं”न्ति ॥

१०६.फस्सो नु लोकस्मिं कुतोनिदानो, परिग्गहा चापि [वापि (सी० स्या०)] कुतोपहूता ।
किस्मिं असन्ते न ममत्तमत्थि, किस्मिं विभूते न फुसन्ति फस्सा ॥

फस्सो नु लोकस्मिं कुतोनिदानोति । फस्सो कुतोनिदानो कुतोजातो कुतोसज्जातो कुतोनिब्बत्तो कुतोअभिनिब्बत्तो कुतोपातुभूतो, किंनिदानो किंसमुदयो किंजातिको किंपभवोति फस्सस्स मूलं पुच्छति हेतुं पुच्छति...पे०... समुदयं पुच्छति पपुच्छति याचति अज्झेसति पसादेतीति — फस्सो नु लोकस्मिं कुतोनिदानो ।

परिग्गहा चापि कुतोपहूताति परिग्गहा कुतोपहूता कुतोजाता कुतोसज्जाता कुतोनिब्बत्ता कुतोअभिनिब्बत्ता कुतोपातुभूता, किंनिदाना किंसमुदया किंजातिका किंपभवाति परिग्गहानं मूलं पुच्छति हेतुं पुच्छति...पे०... समुदयं पुच्छति पपुच्छति याचति अज्झेसति पसादेतीति — परिग्गहा चापि कुतोपहूता ।

किस्मिं असन्ते न ममत्तमत्थीति । किस्मिं असन्ते असंविज्जमाने नत्थि अनुपलब्धमाने ममत्ता नत्थि न सन्ति न संविज्जन्ति नुपलब्धन्ति, पहीना समुच्छिन्ना वूपसन्ता पटिपस्सद्धा अभव्वुप्पत्तिका जाणगिना दट्ठाति — किस्मिं असन्ते न ममत्तमत्थि ।

किस्मिं विभूते न फुसन्ति फस्साति । किस्मिं विभूते विभविते अतिक्कन्ते समतिक्कन्ते वीतिवत्ते फस्सा न फुसन्तीति — किस्मिं विभूते न फुसन्ति फस्सा ।

तेनाह सो निम्मितो —

“फस्सो नु लोकस्मिं कुतोनिदानो, परिग्गहा चापि कुतोपहूता ।
किस्मिं असन्ते न ममत्तमत्थि, किस्मिं विभूते न फुसन्ति फस्सा”ति ॥

**१०७.नामञ्च रूपञ्च पटिच्च फस्सो, इच्छानिदानानि परिग्गहानि।
इच्छायसन्त्या न ममत्तमत्थि, रूपे विभूते न फुसन्ति फस्सा॥**

नामञ्च रूपञ्च पटिच्च फस्सोति । चक्खुञ्च पटिच्च रूपे च उप्पज्जति चक्खुविज्जाणं, तिण्णं सङ्गति फस्सो । चक्खु च [चक्खुञ्च (बहूसु)] रूपा च रूपस्मिं चक्खुसम्पस्सं ठपेत्वा सम्पयुत्तका धम्मा नामस्मिं । एवम्पि नामञ्च रूपञ्च पटिच्च फस्सो । सोतञ्च पटिच्च सद्दे च उप्पज्जति सोतविज्जाणं, तिण्णं सङ्गति फस्सो । सोतञ्च सद्दा च रूपस्मिं सोतसम्पस्सं ठपेत्वा सम्पयुत्तका धम्मा नामस्मिं । एवम्पि नामञ्च रूपञ्च पटिच्च फस्सो । घानञ्च पटिच्च गन्धे च उप्पज्जति घानविज्जाणं, तिण्णं सङ्गति फस्सो । घानञ्च गन्धा च रूपस्मिं घानसम्पस्सं ठपेत्वा सम्पयुत्तका धम्मा नामस्मिं । एवम्पि नामञ्च रूपञ्च पटिच्च फस्सो । जिह्वञ्च पटिच्च रसे च उप्पज्जति जिह्वाविज्जाणं, तिण्णं सङ्गति फस्सो । जिह्वा च रसा च रूपस्मिं जिह्वासम्पस्सं ठपेत्वा सम्पयुत्तका धम्मा नामस्मिं । एवम्पि नामञ्च रूपञ्च पटिच्च फस्सो । कायञ्च पटिच्च फोडुब्बे च उप्पज्जति कायविज्जाणं, तिण्णं सङ्गति फस्सो । कायो च फोडुब्बा च रूपस्मिं कायसम्पस्सं ठपेत्वा सम्पयुत्तका धम्मा नामस्मिं । एवम्पि नामञ्च रूपञ्च पटिच्च फस्सो । मनञ्च पटिच्च धम्मे च उप्पज्जति मनोविज्जाणं, तिण्णं सङ्गति फस्सो । वत्थु रूपं रूपस्मिं, धम्मा रूपिनो रूपस्मिं मनोसम्पस्सं ठपेत्वा सम्पयुत्तका धम्मा नामस्मिं । एवम्पि नामञ्च रूपञ्च पटिच्च फस्सो ।

इच्छानिदानानि परिग्गहानीति । इच्छा वुच्चति तण्हा । यो रागो सारागो...पे०... अभिज्झा लोभो अकुसलमूलं । परिग्गहाति द्वे परिग्गहा — तण्हापरिग्गहो च दिट्ठिपरिग्गहो च...पे०... अयं तण्हापरिग्गहो...पे०... अयं दिट्ठिपरिग्गहो । इच्छानिदानानि परिग्गहानीति । परिग्गहा इच्छानिदाना इच्छाहेतुका इच्छापच्चया इच्छाकारणा इच्छापभवाति — इच्छानिदानानि परिग्गहानि ।

इच्छायसन्त्या न ममत्तमत्थीति । इच्छा वुच्चति तण्हा । यो रागो सारागो...पे०... अभिज्झा लोभो अकुसलमूलं । ममत्ताति द्वे ममत्ता — तण्हाममत्तञ्च दिट्ठिममत्तञ्च ...पे०... इदं तण्हाममत्तं ...पे०... इदं दिट्ठिममत्तं । इच्छायसन्त्या न ममत्तमत्थीति । इच्छाय असन्त्या असंविज्जमानाय नत्थि अनुपलब्धमानाय ममत्ता नत्थि न सन्ति न संविज्जन्ति नुपलब्धन्ति, पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दङ्गाति — इच्छायसन्त्या न ममत्तमत्थि ।

रूपे विभूते न फुसन्ति फस्साति । रूपेति चत्तारो च महाभूता चतुन्नञ्च महाभूतानं उपादाय रूपं । रूपे विभूतेति चतूहाकारेहि [चतूहि कारणेहि (स्या०)] रूपं विभूतं होति — जातविभूतेन [जाणविभूतेन (सी०), तदद्वकथायं पन जातवीतिवत्तेनाति दिस्सति], तीरणविभूतेन, पहानविभूतेन, समतिक्कमविभूतेन । कथं जातविभूतेन रूपं विभूतं होति? रूपं जानाति — “यं किञ्चि रूपं सब्बं रूपं चत्तारि च महाभूतानि चतुन्नञ्च महाभूतानं उपादाय रूपं”न्ति जानाति पस्सति । एवं जातविभूतेन रूपं विभूतं होति ।

कथं तीरणविभूतेन रूपं विभूतं होति? एवं जातं कत्वा रूपं तीरेति, अनिच्चतो दुक्खतो रोगतो गण्डतो सल्लतो अघतो आबाधतो परतो पलोकतो ईतितो उपद्वतो भयतो उपसगगतो चलतो पभङ्गुतो अधुवतो अताणतो अलेणतो असरणतो रिक्ततो तुच्छतो सुज्जतो अनत्ततो आदीनवतो विपरिणामधम्मतो असारकतो अघमूलतो वधकतो विभवतो सासवतो सङ्खततो मारामिसतो जातिधम्मतो जराधम्मतो ब्याधिधम्मतो मरणधम्मतो, सोकपरिदेवदुक्खदोमनस्सुपायासधम्मतो संकिलेसिकधम्मतो समुदयतो अत्थङ्गमतो, अस्सादतो आदीनवतो निस्सरणतो तीरेति । एवं तीरणविभूतेन रूपं विभूतं होति ।

कथं पहानविभूतेन रूपं विभूतं होति? एवं तीरयित्वा रूपे छन्दरागं पजहति विनोदेति ब्यन्तिं करोति अनभावं गमेति । वुत्तञ्हेतं भगवता — “यो, भिक्खवे, रूपे छन्दरागो तं पजहथ । एवं तं रूपं पहीनं भविस्सति उच्छिन्नमूलं तालावत्थुकतं अनभावंकतं आरयति अनुप्पादधम्म”न्ति । एवं पहानविभूतेन रूपं विभूतं होति ।

कथं समतिक्कमविभूतेन रूपं विभूतं होति । चतस्सो अरूपसमापत्तियो पटिलद्धस्स रूपा विभूता होन्ति विभाविता अतिक्कन्ता समतिक्कन्ता वीतिवत्ता । एवं समतिक्कमविभूतेन रूपं विभूतं होति । इमेहि चतूहि कारणेहि रूपं विभूतं होति ।

रूपे विभूते न फुसन्ति फस्साति । रूपे विभूते विभाविते अतिक्कन्ते समतिक्कन्ते वीतिवत्ते पञ्च फस्सा न फुसन्ति — चक्खुसम्फस्सो, सोतसम्फस्सो, घानसम्फस्सो, जिह्वासम्फस्सो, कायसम्फस्सोति — रूपे विभूते न फुसन्ति फस्सा ।

तेनाह भगवा —

“नामञ्च रूपञ्च पटिच्च फस्सो, इच्छानिदानानि परिग्गहानि ।
इच्छायसन्त्या न ममत्तमत्थि, रूपे विभूते न फुसन्ति फस्सा”ति ॥

१०८. कथं समेतस्स विभोति रूपं, सुखं दुखञ्चापि [दुखं वापि (स्या०)] कथं विभोति ।

एतं मे पब्रूहि यथा विभोति, तं जानियामाति [जानिस्सामाति (सी० क०)] मे मनो अहु ।

कथं समेतस्स विभोति रूपन्ति । कथं समेतस्साति कथं समेतस्स कथं पटिपन्नस्स कथं इरियन्तस्स कथं वत्तेन्तस्स कथं पालेन्तस्स कथं यपेन्तस्स कथं यापेन्तस्स रूपं विभोति विभावीयति अतिक्कमीयति समतिक्कमीयति [विभाविय्यति अतिक्कमिय्यति समतिक्कमिय्यति (बहूसु)] वीतिवत्तीयतीति — कथं समेतस्स विभोति रूपं ।

सुखं दुखञ्चापि कथं विभोतीति सुखञ्च दुखञ्च कथं विभोति विभावीयति अतिक्कमीयति समतिक्कमीयति वीतिवत्तीयतीति — सुखं दुखञ्चापि कथं विभोति ।

एतं मे पब्रूहि यथा विभोतीति । एतन्ति यं पुच्छामि यं याचामि यं अज्झेसामि यं पसादेमीति — एतं । **मे पब्रूहीति** मे पब्रूहि आचिक्ख देसेहि पज्जपेहि पट्टपेहि विवर विभज उत्तानीकरोहि पकासेहीति — एतं मे पब्रूहि । **यथा विभोतीति** यथा विभोति विभावीयति अतिक्कमीयति समतिक्कमीयति वीतिवत्तीयतीति — एतं मे पब्रूहि यथा विभोति ।

तं जानियामाति मे मनो अहूति । तं जानियामाति तं जानेय्याम आजानेय्याम विजानेय्याम पटिविजानेय्याम पटिविज्जेय्यामाति — तं जानियाम । **इति मे मनो अहूति** इति मे मनो अहु, इति मे चित्तं अहु, इति मे सङ्कप्पो अहु, इति मे विज्जाणं अहूति — तं जानियाम इति मे मनो अहु ।

तेनाह सो निम्मितो —

“कथं समेतस्स विभोति रूपं, सुखं दुखञ्चापि कथं विभोति ।

एतं मे पबूहि यथा विभोति, तं जानियामाति मे मनो अहू'ति ॥

**१०९.न सज्जसज्जी न विसज्जसज्जी, नोपि असज्जी न विभूतसज्जी।
एवं समेतस्स विभोति रूपं, सज्जानिदाना हि पपञ्चसङ्का॥**

न सज्जसज्जी न विसज्जसज्जीति । सज्जसज्जिनो वुच्चन्ति ये पकतिसज्जाय ठिता, नपि सो पकतिसज्जाय ठितो । विसज्जसज्जिनो वुच्चन्ति उम्मत्तका ये च खित्तचित्ता [उक्खित्तचित्ता (स्या०)], नपि सो उम्मत्तको, नोपि खित्तचित्तोति — न सज्जसज्जी न विसज्जसज्जी ।

नोपि असज्जी न विभूतसज्जीति । असज्जिनो वुच्चन्ति निरोधसमापन्ना ये च असज्जसत्ता, नपि सो निरोधसमापन्नो, नपि असज्जसत्तो । विभूतसज्जिनो वुच्चन्ति ये चतुन्नं अरूपसमापत्तीनं लाभिनो, नपि सो चतुन्नं अरूपसमापत्तीनं लाभीति — नोपि असज्जी न विभूतसज्जी ।

एवं समेतस्स विभोति रूपन्ति । इध भिक्खु सुखस्स च पहाना...पे०... चतुत्थं ज्ञानं उपसम्पज्ज विहरति । सो एवं समाहिते चित्ते परिसुद्धे परियोदाते अनङ्गणे विगतूपक्किलेसे मुदुभूते कम्मनिये ठिते आनेज्जप्पत्ते आकासानज्जायतनसमापत्तिपटिलाभत्थाय चित्तं अभिनीहरति अभिनिन्नामेति आरुप्पमग्गसमङ्गीति । एवं समेतस्स एवं पटिपन्नस्स एवं इरियन्तस्स एवं वत्तेन्तस्स एवं पालेन्तस्स एवं यपेन्तस्स एवं यापेन्तस्स रूपं विभोति विभावीयति अतिक्कमीयति समतिक्कमीयति वीतिवत्तीयतीति — एवं समेतस्स विभोति रूपं ।

सज्जानिदाना हि पपञ्चसङ्काति । पपञ्चायेव पपञ्चसङ्का तण्हापपञ्चसङ्का, दिट्ठिपपञ्चसङ्का, मानपपञ्चसङ्का सज्जानिदाना सज्जासमुदया सज्जाजातिका सज्जापभवाति — सज्जानिदाना हि पपञ्चसङ्का ।

तेनाह भगवा —

“न सज्जसज्जी न विसज्जसज्जी, नोपि असज्जी न विभूतसज्जी ।
एवं समेतस्स विभोति रूपं, सज्जानिदाना हि पपञ्चसङ्का”ति ॥

**११०.यं तं अपुच्छिम्ह अकित्तयी नो, अज्जं तं पुच्छाम तदिङ्ख ब्रूहि।
एत्तावतगं नु वदन्ति हेके, यक्खस्स सुद्धिं इध पण्डितासे।
उदाहु अज्जम्पि वदन्ति एत्तो॥**

यं तं अपुच्छिम्ह अकित्तयी नोति । यं तं अपुच्छिम्ह अयाचिम्ह अज्झेसिम्ह पसादयिम्ह । अकित्तयी नोति कित्तितं पकित्तितं आचिक्खितं देसितं पज्जपितं पट्टपितं विवटं विभत्तं उत्तानीकतं पकासितन्ति — यं तं अपुच्छिम्ह अकित्तयी नो ।

अज्जं तं पुच्छाम तदिङ्ख ब्रूहीति । अज्जं तं पुच्छाम, अज्जं तं याचाम, अज्जं तं अज्जेसाम, अज्जं तं पसादेम, उत्तरिं तं पुच्छाम । तदिङ्ख ब्रूहीति इङ्ख ब्रूहि आचिक्ख देसेहि पज्जपेहि पट्टपेहि विवर विभज उत्तानीकरोहि पकासेहीति — अज्जं तं पुच्छाम तदिङ्ख ब्रूहि ।

एत्तावतगं नु वदन्ति हेके यक्खस्स सुद्धिं इध पण्डितासेति । एके समणब्राह्मणा एता अरूपसमापत्तियो अगं सेट्ठं विसिट्ठं पामोक्खं उत्तमं पवरं वदन्ति कथेन्ति भणन्ति दीपयन्ति वोहरन्ति । यक्खस्साति सत्तस्स नरस्स मानवस्स पोसस्स पुग्गलस्स जीवस्स जागुस्स जन्तुस्स इन्दगुस्स मनुजस्स । सुद्धिन्ति सुद्धिं विसुद्धिं परिसुद्धिं मुत्तिं विमुत्तिं परिमुत्तिं । इध पण्डितासेति इध पण्डितवादा थिरवादा जायवादा हेतुवादा लक्खणवादा कारणवादा ठानवादा सकाय लद्धियाति — एत्तावतगं नु वदन्ति हेके यक्खस्स सुद्धिं इध पण्डितासे ।

उदाहु अज्जम्पि वदन्ति एत्तोति । उदाहु एके समणब्राह्मणा एता अरूपसमापत्तियो अतिक्कमित्वा समतिकमित्वा वीतिवत्तेत्वा एत्तो अरूपसमापत्तितो अज्जं उत्तरिं यक्खस्स सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — उदाहु अज्जम्पि वदन्ति एत्तो ।

तेनाह सो निम्मितो —

“यं तं अपुच्छिम्ह अकित्तयी नो, अज्जं तं पुच्छाम तदिङ्ग ब्रूहि ।
एत्तावतगं नु वदन्ति हेके, यक्खस्स सुद्धिं इध पण्डितासे ।
उदाहु अज्जम्पि वदन्ति एत्तो”ति ॥

१११. एत्तावतगम्पि वदन्ति हेके, यक्खस्स सुद्धिं इध पण्डितासे ।
तेसं पनेके समयं वदन्ति, अनुपादिसेसे कुसलावदाना ॥

एत्तावतगम्पि वदन्ति हेके, यक्खस्स सुद्धिं इध पण्डितासेति । सन्तेके समणब्राह्मणा सस्सतवादा, एता अरूपसमापत्तियो अगं सेट्ठं विसिट्ठं पामोक्खं उत्तमं पवरं वदन्ति कथेन्ति भणन्ति दीपयन्ति वोहरन्ति । यक्खस्साति सत्तस्स नरस्स मानवस्स पोसस्स पुग्गलस्स जीवस्स जागुस्स जन्तुस्स इन्दगुस्स मनुजस्स । सुद्धिन्ति सुद्धिं विसुद्धिं परिसुद्धिं, मुत्तिं विमुत्तिं परिमुत्तिं । इध पण्डितासेति इध पण्डितवादा थिरवादा जायवादा हेतुवादा लक्खणवादा कारणवादा ठानवादा सकाय लद्धियाति — एत्तावतगम्पि वदन्ति हेके यक्खस्स सुद्धिं इध पण्डितासे ।

तेसं पनेके समयं वदन्ति, अनुपादिसेसे कुसलावदानाति तेसंयेव समणब्राह्मणानं एके समणब्राह्मणा उच्छेदवादा भवतज्जिता विभवं अभिनन्दन्ति, ते सत्तस्स समं उपसमं वूपसमं निरोधं पटिपस्सद्धिन्ति वदन्ति, यतो किं, भो, अयं अत्ता कायस्स भेदा उच्छिज्जति विनस्सति न होति परं मरणा, एत्तावता अनुपादिसेसोति । कुसलावदानाति कुसलवादा पण्डितवादा थिरवादा जायवादा हेतुवादा लक्खणवादा कारणवादा ठानवादा सकाय लद्धियाति — तेसं पनेके समयं वदन्ति अनुपादिसेसे कुसलावदाना ।

तेनाह भगवा —

“एत्तावतगम्पि वदन्ति हेके, यक्खस्स सुद्धिं इध पण्डितासे ।
तेसं पनेके समयं वदन्ति, अनुपादिसेसे कुसलावदाना”ति ॥

११२. एते च जत्वा उपनिस्सिताति, जत्वा मुनी निस्सये सो वीमंसी ।
जत्वा विमुत्तो न विवादमेति, भवाभवाय न समेति धीरो ॥

एते च अत्वा उपनिस्सिताति । एतेति दिट्ठिगतिके । उपनिस्सिताति सस्सतदिट्ठिनिस्सिताति अत्वा, उच्छेददिट्ठिनिस्सिताति अत्वा, सस्सतुच्छेददिट्ठिनिस्सिताति अत्वा जानित्वा तुलयित्वा तीरयित्वा विभावयित्वा विभूतं कत्वाति — एते च अत्वा उपनिस्सिताति ।

अत्वा मुनी निस्सये सो वीमंसीति । मुनीति । मोनं वुच्चति आणं...पे०... सङ्गजालमतिच्च सो मुनि । मुनि सस्सतदिट्ठिनिस्सिताति अत्वा, उच्छेददिट्ठिनिस्सिताति अत्वा, सस्सतुच्छेददिट्ठिनिस्सिताति अत्वा जानित्वा तुलयित्वा तीरयित्वा विभावयित्वा विभूतं कत्वा । सो वीमंसीति पण्डितो पज्जवा बुद्धिमा आणी विभावी मेधावीति अत्वा मुनि निस्सये सो वीमंसी । अत्वा विमुत्तो न विवादमेतीति अत्वा जानित्वा तुलयित्वा तीरयित्वा विभावयित्वा विभूतं कत्वा । विमुत्तोति मुत्तो विमुत्तो परिमुत्तो सुविमुत्तो अच्चन्तअनुपादाविमोक्खेन । “सब्बे सङ्खारा अनिच्चा”ति अत्वा जानित्वा तुलयित्वा तीरयित्वा विभावयित्वा विभूतं कत्वा मुत्तो विमुत्तो परिमुत्तो सुविमुत्तो अच्चन्तअनुपादाविमोक्खेन । “सब्बे सङ्खारा दुक्खा”ति... “सब्बे धम्मा अनत्ता”ति...पे०... “यं किञ्चि समुदयधम्मं सब्बं तं निरोधधम्म”न्ति अत्वा जानित्वा तुलयित्वा तीरयित्वा विभावयित्वा विभूतं कत्वा मुत्तो विमुत्तो परिमुत्तो सुविमुत्तो अच्चन्तअनुपादाविमोक्खेनाति — अत्वा विमुत्तो । न विवादमेतीति न कलहं करोति, न भण्डनं करोति, न विग्गहं करोति, न विवादं करोति, न मेधगं करोति । वुत्तज्हेतं भगवता — “एवं विमुत्तचित्तो खो, अग्गिवेस्सन, भिक्खु न केनचि संवदति, न केनचि विवदति, यच्च लोके वुत्तं तेन च वोहरति अपरामस”न्ति — अत्वा विमुत्तो न विवादमेति ।

भवाभवाय न समेति धीरोति । भवाभवायाति भवाय कम्मभवाय पुनब्भवाय कामभवाय, कम्मभवाय कामभवाय पुनब्भवाय रूपभवाय, कम्मभवाय रूपभवाय पुनब्भवाय अरूपभवाय, कम्मभवाय अरूपभवाय पुनब्भवाय पुनप्पुनब्भवाय पुनप्पुनगतिया पुनप्पुनउपपत्तिया पुनप्पुनपटिसन्धिया पुनप्पुनअत्तभावाय पुनप्पुनाभिनिब्बत्तिया न समेति न समागच्छति न गण्हाति न परामसति नाभिनिविसति । धीरोति धीरो पण्डितो पज्जवा बुद्धिमा आणी विभावी मेधावीति — भवाभवाय न समेति धीरो ।

तेनाह भगवा —

“एते च अत्वा उपनिस्सिताति, अत्वा मुनी निस्सये सो वीमंसी ।
अत्वा विमुत्तो न विवादमेति, भवाभवाय न समेति धीरो”ति ॥

कलहविवादसुत्तनिद्देशो एकादसमो ।

१२. चूळवियूहसुत्तनिद्देशो

अथ चूळवियूहसुत्तनिद्देशं वक्खति —

११३. सकं सकं दिट्ठिपरिब्बसाना, विग्गह नाना कुसला वदन्ति ।

यो एवं जानाति [एवं पजानाति (सी०)] स वेदि धम्मं, इदं पटिक्कोसमकेवली सो ॥

सकं सकं दिट्ठिपरिब्बसानाति । सन्तेके समणब्राह्मणा दिट्ठिगतिका; ते द्वासट्ठिया दिट्ठिगतानं अज्जतरज्जतरं दिट्ठिगतं

गहेत्वा उग्गहेत्वा गण्हित्वा परामसित्वा अभिनिविसित्वा सकाय सकाय दिट्ठिया वसन्ति संवसन्ति आवसन्ति परिवसन्ति । यथा अगारिका घरेसु वसन्ति, सापत्तिका वा आपत्तीसु वसन्ति, सकिलेसा वा किलेसेसु वसन्ति; एवमेव सन्तेके समणब्राह्मणा दिट्ठिगतिका, ते द्वासट्ठिया दिट्ठिगतानं अज्जतरज्जतरं दिट्ठिगतं गहेत्वा उग्गहेत्वा गण्हित्वा परामसित्वा अभिनिविसित्वा सकाय सकाय दिट्ठिया वसन्ति संवसन्ति आवसन्ति परिवसन्तीति — सकं सकं दिट्ठिपरिब्बसाना ।

विग्गह नाना कुसला वदन्तीति । विग्गह्हाति गहेत्वा उग्गहेत्वा गण्हित्वा परामसित्वा अभिनिविसित्वा नाना वदन्ति विविधं वदन्ति अज्जोज्जं वदन्ति पुथु [पुथुं (सी०)] वदन्ति, न एकं वदन्ति कथेन्ति भणन्ति दीपयन्ति वोहरन्ति । **कुसलाति** कुसलवादा पण्डितवादा थिरवादा जायवादा हेतुवादा लक्खणवादा कारणवादा ठानवादा सकाय लद्धियाति — विग्गह नाना कुसला वदन्ति ।

यो एवं जानाति स वेदि धम्मन्ति । यो इमं [इदं (सी० क०)] धम्मं दिट्ठिं पटिपदं मगं जानाति सो धम्मं वेदि अज्जासि अपस्सि पटिविज्जीति — यो एवं जानाति स वेदि धम्मं ।

इदं पटिक्कोसमकेवली सोति । यो इमं धम्मं दिट्ठिं पटिपदं मगं पटिक्कोसति, अकेवली सो असमत्तो सो अपरिपुण्णो सो हीनो निहीनो ओमको लामको छतुक्को परित्तोति — इदं पटिक्कोसमकेवली सो ।

तेनाह सो निम्मितो —

“सकं सकं दिट्ठिपरिब्बसाना, विग्गह नाना कुसला वदन्ति ।
यो एवं जानाति स वेदि धम्मं, इदं पटिक्कोसमकेवली सो”ति ॥

११४. एवम्पि विग्गह विवादयन्ति, बालो परो अक्कुसलोति चाहु ।
सच्चो नु वादो कतमो इमेसं, सब्बेव हीमे कुसलावदाना ॥

एवम्पि विग्गह विवादयन्तीति । एवं गहेत्वा उग्गहेत्वा गण्हित्वा परामसित्वा अभिनिविसित्वा विवादयन्ति, कलहं करोन्ति, भण्डनं करोन्ति, विग्गहं करोन्ति, विवादं करोन्ति, मेधगं करोन्ति — “न त्वं इमं धम्मविनयं आजानासि...पे०... निब्बेठेहि वा सचे पहोसी”ति — एवम्पि विग्गह विवादयन्ति ।

बालो परो अक्कुसलोति चाहूति । परो बालो हीनो निहीनो ओमको लामको छतुक्को परित्तो अक्कुसलो अविद्धा अविज्जागतो अज्जाणी अविभावी दुप्पज्जोति, एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — बालो परो अक्कुसलोति चाहु ।

सच्चो नु वादो कतमो इमेसन्ति । इमेसं समणब्राह्मणानं वादो कतमो सच्चो तच्छो तथो भूतो याथावो अविपरीतोति — सच्चो नु वादो कतमो इमेसं ।

सब्बेव हीमे कुसलावदानाति । सब्बेविमे समणब्राह्मणा कुसलवादा पण्डितवादा थिरवादा जायवादा हेतुवादा लक्खणवादा कारणवादा ठानवादा सकाय लद्धियाति — सब्बेव हीमे कुसलावदाना ।

तेनाह सो निम्मितो —

“एवम्पि विग्गय्ह विवादयन्ति, बालो परो अक्कुसलोति चाहु ।
सच्चो नु वादो कतमो इमेसं, सब्बेव हीमे कुसलावदाना”ति ॥

**११५.परस्स चे धम्ममनानुजानं, बालोमको होति निहीनपज्जो ।
सब्बेव बाला सुनिहीनपज्जा, सब्बेविमे दिट्ठिपरिब्वसाना ॥**

परस्स चे धम्ममनानुजानन्ति । परस्स धम्मं दिट्ठिं पटिपदं मगं अनानुजानन्तो अनानुपस्सन्तो अनानुमनन्तो अनानुमज्जन्तो अनानुमोदन्तोति — परस्स चे धम्ममनानुजानं ।

बालोमको होति निहीनपज्जोति । परो बालो होति हीनो निहीनो ओमको लामको छतुक्को परित्तो, हीनपज्जो निहीनपज्जो ओमकपज्जो लामकपज्जो छतुक्कपज्जो परित्तपज्जोति — बालोमको होति निहीनपज्जो ।

सब्बेव बाला सुनिहीनपज्जाति । सब्बेविमे समणब्राह्मणा बाला हीना निहीना ओमका लामका छतुक्का परित्ता, सब्बेव हीनपज्जा निहीनपज्जा ओमकपज्जा लामकपज्जा छतुक्कपज्जा परित्तपज्जाति — सब्बेव बाला सुनिहीनपज्जा ।

सब्बेविमे दिट्ठिपरिब्वसानाति । सब्बेविमे समणब्राह्मणा दिट्ठिगतिका; ते द्वासट्ठिया दिट्ठिगतानं अज्जतरज्जतरं दिट्ठिगतं गहेत्वा उग्गहेत्वा गण्हित्वा परामसित्वा अभिनिविसित्वा सकाय सकाय दिट्ठिया वसन्ति संवसन्ति आवसन्ति परिवसन्ति । यथा अगारिका वा घरेसु वसन्ति, सापत्तिका वा आपत्तीसु वसन्ति, सकिलेसा वा किलेसेसु वसन्ति; एवमेव सब्बेविमे समणब्राह्मणा दिट्ठिगतिका...पे०... परिवसन्तीति — सब्बेविमे दिट्ठिपरिब्वसाना ।

तेनाह भगवा —

“परस्स चे धम्ममनानुजानं, बालोमको होति निहीनपज्जो ।
सब्बेव बाला सुनिहीनपज्जा, सब्बेविमे दिट्ठिपरिब्वसाना”ति ॥

**११६.सन्दिट्ठिया चेव नवीवदाता, [चेवनवेवदाता (सी०), चे पन विवदाता (स्या०)] संसुद्धपज्जा कुसला मुतीमा ।
न तेसं कोचि परिहीनपज्जो, दिट्ठी हि तेसम्पि तथा समत्ता ॥**

सन्दिट्ठिया चेव नवीवदाताति । सकाय दिट्ठिया सकाय खन्तिया सकाय रुचिया सकाय लब्धिया अनवीवदाता अवोदाता अपरियोदाता संकिलिट्ठा संकिलेसिकाति — सन्दिट्ठिया चेव नवीवदाता ।

संसुद्धपज्जा कुसला मुतीमाति । सुद्धपज्जा विसुद्धपज्जा परिसुद्धपज्जा वोदातपज्जा परियोदातपज्जा । अथ वा सुद्धदस्सना विसुद्धदस्सना परिसुद्धदस्सना वोदातदस्सना परियोदातदस्सनाति — संसुद्धपज्जा । कुसलाति कुसला पण्डिता पज्जवन्तो इद्धिमन्तो जाणिनो विभाविनो मेधाविनोति — संसुद्धपज्जा कुसला । मुतीमाति मुतिमा पण्डिता पज्जवन्तो इद्धिमन्तो जाणिनो विभाविनो मेधाविनोति — संसुद्धपज्जा कुसला मुतीमा ।

तेसं न कोचि परिहीनपज्जोति । तेसं समणब्राह्मणानं न कोचि हीनपज्जो निहीनपज्जो ओमकपज्जो लामकपज्जो छतुक्कपज्जो परित्तपज्जो अत्थि । सब्बेव सेट्ठपज्जा विसिट्ठपज्जा पामोक्खपज्जा उत्तमपज्जा पवरपज्जाति — तेसं न कोचि परिहीनपज्जो ।

दिट्ठी हि तेसम्पि तथा समत्ताति । तेसं समणब्राह्मणानं दिट्ठि तथा समत्ता समादिन्ना गहिता परामट्ठा अभिनिविट्ठा अज्झोसिता अधिमुत्ताति — दिट्ठी हि तेसम्पि तथा समत्ता ।

तेनाह भगवा —

“सन्दिट्ठिया चेव नवीवदाता, संसुद्धपज्जा कुसला मुतीमा ।
तेसं न कोचि परिहीनपज्जो, दिट्ठी हि तेसम्पि तथा समत्ता”ति ॥

११७.न वाहमेतं तथियन्ति [तथिवन्ति (स्या०)] बूमि, यमाहु बाला मिथु अज्जमज्जं ।
सकं सकं दिट्ठिमकंसु सच्चं, तस्मा हि बालोति परं दहन्ति ॥

न वाहमेतं तथियन्ति बूमीति । नाति पटिक्खेपो । एतन्ति “द्वासट्ठिदिट्ठिगतानि नाहं एतं तच्छं तथं भूतं याथावं अविपरीत”न्ति बूमि आचिक्खामि देसेमि पज्जपेमि पट्टपेमि विवरामि विभजामि उत्तानीकरोमि पकासेमीति — न वाहमेतं तथियन्ति बूमि ।

यमाहु बाला मिथु अज्जमज्जन्ति । मिथूति द्वे जना, द्वे कलहकारका, द्वे भण्डनकारका, द्वे भस्सकारका, द्वे विवादकारका, द्वे अधिकरणकारका, द्वे वादिनो, द्वे सल्लपका; ते अज्जमज्जं बालो [बालतो (सी० क०) एवमज्जेसु छप्पदेसुपि तोपच्चयन्तवसेन] हीनो निहीनो ओमको लामको छतुक्को परित्तोति, एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — यमाहु बाला मिथु अज्जमज्जं ।

सकं सकं दिट्ठिमकंसु सच्चन्ति । “सस्सतो लोको, इदमेव सच्चं मोघमज्ज”न्ति — सकं सकं दिट्ठिमकंसु सच्चं । “असस्सतो लोको, इदमेव सच्चं मोघमज्ज”न्ति...पे०... “नेव होति न न होति तथागतो परं मरणा, इदमेव सच्चं मोघमज्ज”न्ति — सकं सकं दिट्ठिमकंसु सच्चं ।

तस्मा हि बालोति परं दहन्तीति । तस्माति तस्मा तंकारणा तंहेतु तप्पच्चया तंनिदाना परं बालो हीनो निहीनो ओमको लामको छतुक्को परित्तोति दहन्ति पस्सन्ति दक्खन्ति ओलोकेन्ति निज्झायन्ति उपपरिक्खन्तीति — तस्मा हि बालोति परं दहन्ति ।

तेनाह भगवा —

“न वाहमेतं तथियन्ति बूमि, यमाहु बाला मिथु अज्जमज्जं ।
सकं सकं दिट्ठिमकंसु सच्चं, तस्मा हि बालोति परं दहन्ती”ति ॥

११८.यमाहु सच्चं तथियन्ति एके, तमाहु अज्जेपि [अज्जे (सी० क०)] तुच्छं मुसाति ।

एवम्पि विग्गह विवादयन्ति, कस्मा न एकं समणा वदन्ति॥

यमाहु सच्चं तथियन्ति एकेति । यं धम्मं दिट्ठिं पटिपदं मग्गं एके समणब्राह्मणा “इदं सच्चं तच्छं तथं भूतं याथावं अविपरीत”न्ति, एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — यमाहु सच्चं तथियन्ति एके ।

तमाहु अज्जेपि तुच्छं मुसातीति । तमेव धम्मं दिट्ठिं पटिपदं मग्गं एके समणब्राह्मणा “तुच्छं एतं, मुसा एतं, अभूतं एतं, अलिकं एतं, अयाथावं एत”न्ति, एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — तमाहु अज्जेपि तुच्छं मुसाति ।

एवम्पि विग्गह विवादयन्तीति । एवं गहेत्वा उग्गहेत्वा गणित्वा परामसित्वा अभिनिविसित्वा विवादयन्ति, कलहं करोन्ति, भण्डनं करोन्ति, विग्गहं करोन्ति, विवादं करोन्ति, मेधगं करोन्ति — “न त्वं इमं धम्मविनयं आजानासि...पे०... निब्बेठेहि वा सचे पहेसी”ति — एवम्पि विग्गह विवादयन्ति ।

कस्मा न एकं समणा वदन्तीति । कस्माति कस्मा किंकारणा किंहेतु किंपच्चया किंनिदाना किंसमुदया किंजातिका किंपभवा न एकं वदन्ति नाना वदन्ति विविधं वदन्ति अज्जोज्जं [अज्जोज्जे (क०)] वदन्ति पुथु वदन्ति कथेन्ति भणन्ति दीपयन्ति वोहरन्तीति — कस्मा न एकं समणा वदन्ति ।

तेनाह सो निम्मितो —

“यमाहु सच्चं तथियन्ति एके, तमाहु अज्जेपि तुच्छं मुसाति ।
एवम्पि विग्गह विवादयन्ति, कस्मा न एकं समणा वदन्ती”ति॥

**११९. एकज्झि सच्चं न दुतीयमत्थि, यस्मिं पजा नो विवदे पजानं ।
नाना ते सच्चानि सयं थुनन्ति, तस्मा न एकं समणा वदन्ति॥**

एकज्झि सच्चं न दुतीयमत्थीति । एकं सच्चं वुच्चति दुक्खनिरोधो निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । अथ वा एकं सच्चं वुच्चति — मग्गसच्चं, नित्यानसच्चं, दुक्खनिरोधगामिनी पटिपदा, अरियो अट्ठङ्गिको मग्गो, सेय्यथिदं — सम्मादिट्ठि, सम्मासङ्कप्पो, सम्मावाचा, सम्माकम्मन्तो, सम्माआजीवो, सम्मावायामो, सम्मासति, सम्मासमाधीति — एकज्झि सच्चं न दुतीयमत्थि ।

यस्मिं पजा नो विवदे पजानन्ति । यस्मिन्ति यस्मिं सच्चे । पजाति सत्ताधिवचनं । पजानन्ति [पजानं (सी० क०), पजा (स्या०)] यं सच्चं पजानन्ता आजानन्ता विजानन्ता पटिविजानन्ता पटिविज्झन्ता न कलहं करेय्युं, न भण्डनं करेय्युं, न विग्गहं करेय्युं, न विवादं करेय्युं, न मेधगं करेय्युं, कलहं भण्डनं विग्गहं विवादं मेधगं पजहेय्युं, विनोदेय्युं, व्यन्तिं करेय्युं [व्यन्तीकरेय्युं (सी० स्या०)], अनभावं गमेय्युन्ति — यस्मिं पजा नो विवदे पजानं ।

नाना ते सच्चानि सयं थुनन्तीति । नाना ते सच्चानि सयं थुनन्ति वदन्ति कथेन्ति भणन्ति दीपयन्ति वोहरन्ति । “सस्सतो लोको, इदमेव सच्चं मोघमज्ज”न्ति सयं थुनन्ति वदन्ति कथेन्ति भणन्ति दीपयन्ति वोहरन्ति । “असस्सतो लोको...पे०... नेव होति न न होति तथागतो परं मरणा, इदमेव सच्चं मोघमज्ज”न्ति सयं थुनन्ति वदन्ति कथेन्ति भणन्ति

दीपयन्ति वोहरन्तीति — नाना ते सच्चानि सयं थुनन्ति ।

तस्मा न एकं समणा वदन्तीति । तस्माति तस्मा तंकारणा तंहेतु तप्पच्चया तंनिदाना न एकं वदन्ति नाना वदन्ति विविधं वदन्ति अज्जोज्जं वदन्ति पुथु वदन्ति कथेन्ति भणन्ति दीपयन्ति वोहरन्तीति — तस्मा न एकं समणा वदन्ति ।

तेनाह भगवा —

“एकज्झि सच्चं न दुतीयमत्थि, यस्मिं पजा नो विवदे पजानं ।
नाना ते सच्चानि सयं थुनन्ति, तस्मा न एकं समणा वदन्ती”ति ॥

**१२०. कस्मा नु सच्चानि वदन्ति नाना, पवादियासे कुसलावदाना ।
सच्चानि सुतानि बहूनि नाना, उदाहु ते तक्कमनुस्सरन्ति ॥**

कस्मा नु सच्चानि वदन्ति नानाति । कस्माति कस्मा किंकारणा किंहेतु किंपच्चया किंनिदाना सच्चानि नाना [नानानि (क०)] वदन्ति, विविधानि वदन्ति, अज्जोज्जानि वदन्ति, पुथूनि वदन्ति कथेन्ति भणन्ति दीपयन्ति वोहरन्तीति — कस्मा नु सच्चानि वदन्ति नाना ।

पवादियासे कुसलावदानाति । पवादियासेति विष्णवदन्तीतिपि पवादियासे । अथ वा सकं सकं दिट्ठिगतं पवदन्ति कथेन्ति भणन्ति दीपयन्ति वोहरन्ति । “सस्सतो लोको, इदमेव सच्चं मोघमज्ज”न्ति पवदन्ति कथेन्ति भणन्ति दीपयन्ति वोहरन्ति । “असस्सतो लोको... पे०... नेव होति न न होति तथागतो परं मरणा, इदमेव सच्चं मोघमज्ज”न्ति पवदन्ति कथेन्ति भणन्ति दीपयन्ति वोहरन्ति । कुसलावदानाति कुसलवादा पण्डितवादा थिरवादा जायवादा हेतुवादा लक्खणवादा कारणवादा ठानवादा सकाय लद्धियाति — पवादियासे कुसलावदाना ।

सच्चानि सुतानि बहूनि नानाति सच्चानि सुतानि बहुकानि नानानि विविधानि अज्जोज्जानि पुथूनीति — सच्चानि सुतानि बहूनि नाना ।

उदाहु ते तक्कमनुस्सरन्तीति उदाहु तक्केन सङ्कप्पेन यायन्ति नीयन्ति वुहन्ति संहरीयन्तीति । एवम्पि उदाहु ते तक्कमनुस्सरन्ति । अथ वा तक्कपरियाहतं वीमंसानुचरितं सयं पटिभानं वदन्ति कथेन्ति भणन्ति दीपयन्ति वोहरन्तीति । एवम्पि उदाहु ते तक्कमनुस्सरन्ति ।

तेनाह सो निम्मितो —

“कस्मा नु सच्चानि वदन्ति नाना, पवादियासे कुसलावदाना ।
सच्चानि सुतानि बहूनि नाना, उदाहु ते तक्कमनुस्सरन्ती”ति ॥

**१२१. न हेव सच्चानि बहूनि नाना, अज्जत्र सज्जाय निच्चानि लोके ।
तक्कज्ज दिट्ठीसु पकप्पयित्वा, सच्चं मुसाति द्वयधम्ममाहु ॥**

न हेव सच्चानि बहूनि नानाति न हेव सच्चानि बहुकानि नानानि विविधानि अज्जोज्जानि पुथूनीति — न हेव

सच्चानि बहूनि नाना ।

अञ्जत्र सञ्जाय निच्चानि लोकेति अञ्जत्र सञ्जाय निच्चग्गाहा एकञ्जेव सच्चं लोके कथीयति भणीयति दीपीयति वोहरीयति — दुक्खनिरोधो निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । अथ वा एकं सच्चं वुच्चति मग्गसच्चं, नित्थानसच्चं, दुक्खनिरोधगामिनी पटिपदा, अरियो अट्ठङ्गिको मग्गो, सेय्यथिदं — सम्मादिट्ठि ...पे०... सम्मासमाधीति — अञ्जत्र सञ्जाय निच्चानि लोके ।

तक्कञ्च दिट्ठीसु पक्कप्पयित्वा, सच्चं मुसाति द्वयधम्ममाहूति । तक्कं वितक्कं सङ्कप्पं तक्कयित्वा वितक्कयित्वा सङ्कप्पयित्वा दिट्ठिगतानि जनेन्ति सञ्जनेन्ति निब्बत्तेन्ति अभिनिब्बत्तेन्ति । दिट्ठिगतानि जनेत्वा सञ्जनेत्वा निब्बत्तेत्वा अभिनिब्बत्तेत्वा “मय्हं सच्चं तुहं मुसा”ति, एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — तक्कञ्च दिट्ठीसु पक्कप्पयित्वा सच्चं मुसाति द्वयधम्ममाहु ।

तेनाह भगवा —

“न हेव सच्चानि बहूनि नाना, अञ्जत्र सञ्जाय निच्चानि लोके ।
तक्कञ्च दिट्ठीसु पक्कप्पयित्वा, सच्चं मुसाति द्वयधम्ममाहू”ति ॥

**१२२.दिट्ठे सुते सीलवते मुते वा, एते च [एतेसु (सी०)] निस्साय विमानदस्सी ।
विनिच्छये ठत्वा पहस्समानो, बालो परो अक्कुसलोति चाह॥**

दिट्ठे सुते सीलवते मुते वा, एते च निस्साय विमानदस्सीति । दिट्ठं वा दिट्ठसुद्धिं वा, सुतं वा सुतसुद्धिं वा, सीलं वा सीलसुद्धिं वा, वतं वा वतसुद्धिं वा, मुतं वा मुतसुद्धिं वा निस्साय उपनिस्साय गण्हित्वा परामसित्वा अभिनिविसित्वाति — दिट्ठे सुते सीलवते मुते वा । **एते च निस्साय विमानदस्सी**ति । न सम्मानेतीतिपि विमानदस्सी । अथ वा दोमनस्सं जनेतीतिपि विमानदस्सीति — दिट्ठे सुते सीलवते मुते वा एते च निस्साय विमानदस्सी ।

विनिच्छये ठत्वा पहस्समानोति । विनिच्छया वुच्चन्ति द्वासट्ठि दिट्ठिगतानि । दिट्ठिविनिच्छये विनिच्छयदिट्ठिया ठत्वा पतिट्ठहित्वा गण्हित्वा परामसित्वा अभिनिविसित्वाति — विनिच्छये ठत्वा । **पहस्समानो**ति तुट्ठो होति हट्ठो पहट्ठो अत्तमनो परिपुण्णसङ्कप्पो । अथ वा दन्तविदंसकं पहस्समानोति — विनिच्छये ठत्वा पहस्समानो ।

बालो परो अक्कुसलोति चाहति । परो बालो हीनो निहीनो ओमको लामको छतुक्को परित्तो अक्कुसलो अविट्ठा अविज्जागतो अज्जाणी अविभावी अमेधावी दुप्पज्जोति, एवमाह एवं कथेति एवं भणति एवं दीपयति एवं वोहरतीति — बालो परो अक्कुसलोति चाह ।

तेनाह भगवा —

“दिट्ठे सुते सीलवते मुते वा, एते च निस्साय विमानदस्सी ।
विनिच्छये ठत्वा पहस्समानो, बालो परो अक्कुसलोति चाह”ति ॥

**१२३. येनेव बालोति परं दहाति, तेनातुमानं कुसलोति चाह।
सयमत्तना सो कुसलावदानो, अज्जं विमानेति तदेव पाव॥**

येनेव बालोति परं दहातीति। येनेव हेतुना येन पच्चयेन येन कारणेन येन पभवेन परं बालतो हीनतो निहीनतो ओमकतो लामकतो छतुक्कतो परित्ततो दहति पस्सति दक्खति ओलोकेति निज्झायति उपपरिक्खतीति — येनेव बालोति परं दहाति।

तेनातुमानं कुसलोति चाहति। आतुमानो वुच्चति अत्ता। सोपि तेनेव हेतुना तेन पच्चयेन तेन कारणेन तेन पभवेन अत्तानं अहमस्मि कुसलो पण्डितो पज्जवा बुद्धिमा जाणी विभावी मेधावीति — तेनातुमानं कुसलोति चाह।

सयमत्तना सो कुसलावदानोति। सयमेव अत्तानं कुसलवादो पण्डितवादो थिरवादो जायवादो हेतुवादो लक्खणवादो कारणवादो ठानवादो सकाय लद्धियाति — सयमत्तना सो कुसलावदानो।

अज्जं विमानेति तदेव पावाति। न सम्मानेतीतिपि अज्जं विमानेति। अथ वा दोमनस्सं जनेतीतिपि अज्जं विमानेति। तदेव पावाति तदेव तं दिट्ठिगतं पावदति “इतिपायं पुग्गलो मिच्छादिट्ठिको विपरीतदस्सनो”ति — अज्जं विमानेति तदेव पावद।

तेनाह भगवा —

“येनेव बालोति परं दहाति, तेनातुमानं कुसलोति चाह।
सयमत्तना सो कुसलावदानो, अज्जं विमानेति तदेव पावा”ति॥

**१२४. अतिसारदिट्ठिया सो समत्तो, मानेन मत्तो परिपुण्णमानी।
सयमेव सामं मनसाभिसित्तो, दिट्ठी हि सा तस्स तथा समत्ता॥**

अतिसारदिट्ठिया सो समत्तोति। अतिसारदिट्ठियो वुच्चन्ति द्वासट्ठि दिट्ठिगतानि। किंकारणा अतिसारदिट्ठियो वुच्चन्ति द्वासट्ठि दिट्ठिगतानि? सब्बा ता दिट्ठियो कारणातिक्कन्ता लक्खणातिक्कन्ता ठानातिक्कन्ता, तंकारणा अतिसारदिट्ठियो वुच्चन्ति द्वासट्ठि दिट्ठिगतानि। सब्बापि दिट्ठियो अतिसारदिट्ठियो [सब्बेपि तित्थिया अतिसारदिट्ठिया (स्या०)]। किंकारणा सब्बापि दिट्ठियो वुच्चन्ति अतिसारदिट्ठियो? ते [ता (क०)] अज्जमज्जं अतिक्कमित्वा समतिक्कमित्वा वीतिवत्तित्वा दिट्ठिगतानि जनेन्ति सज्जनेन्ति निब्बत्तेन्ति अभिनिब्बत्तेन्ति, तंकारणा सब्बापि दिट्ठियो वुच्चन्ति अतिसारदिट्ठियो। अतिसारदिट्ठिया सो समत्तोति। अतिसारदिट्ठिया समत्तो परिपुण्णो अनोमोति — अतिसारदिट्ठिया सो समत्तो।

मानेन मत्तो परिपुण्णमानीति। सकाय दिट्ठिया दिट्ठिमानेन मत्तो पमत्तो उम्मत्तो अतिमत्तोति — मानेन मत्तो। परिपुण्णमानीति परिपुण्णमानी समत्तमानी अनोममानीति — मानेन मत्तो परिपुण्णमानी।

सयमेव सामं मनसाभिसित्तोति। सयमेव अत्तानं चित्तेन अभिसिज्जति “अहमस्मि कुसलो पण्डितो पज्जवा बुद्धिमा जाणी विभावी मेधावी”ति — सयमेव सामं मनसाभिसित्तो।

दिट्ठी हि सा तस्स तथा समत्ताति । तस्स सा दिट्ठि तथा समत्ता समादिन्ना गहिता परामट्ठा अभिनिविट्ठा अज्झोसिता अधिमुत्ताति — दिट्ठी हि सा तस्स तथा समत्ता ।

तेनाह भगवा —

“अतिसारदिट्ठिया सो समत्तो, मानेन मत्तो परिपुण्णमानी ।
सयमेव सामं मनसाभिसित्तो, दिट्ठी हि सा तस्स तथा समत्ता”ति ॥

**१२५.परस्स चे हि वचसा निहीनो, तुमो सहा होति निहीनपज्जो ।
अथ चे सयं वेदगू होति धीरो, न कोचि बालो समणेसु अत्थि ॥**

परस्स चे हि वचसा निहीनोति परस्स चे वाचाय वचनेन निन्दितकारणा गरहितकारणा उपवदितकारणा परो बालो होति हीनो निहीनो ओमको लामको छतुक्को परित्तोति — परस्स चे हि वचसा निहीनो । तुमो सहा होति निहीनपज्जोति । सोपि तेनेव सहा होति हीनपज्जो निहीनपज्जो ओमकपज्जो लामकपज्जो छतुक्कपज्जो परित्तपज्जोति — तुमो सहा होति निहीनपज्जो ।

अथ चे सयं वेदगू होति धीरोति अथ चे सयं वेदगू होति धीरो पण्डितो पज्जवा बुद्धिमा जाणी विभावी मेधावीति — अथ चे सयं वेदगू होति धीरो ।

न कोचि बालो समणेसु अत्थीति । समणेसु न कोचि बालो हीनो निहीनो ओमको लामको छतुक्को परित्तो अत्थि, सब्बेव सेट्ठपज्जा [अगगपज्जा सेट्ठपज्जा (स्या०)] विसिट्ठपज्जा पामोक्खपज्जा उत्तमपज्जा पवरपज्जाति — न कोचि बालो समणेसु अत्थि ।

तेनाह भगवा —

“परस्स चे हि वचसा निहीनो, तुमो सहा होति निहीनपज्जो ।
अथ चे सयं वेदगू होति धीरो, न कोचि बालो समणेसु अत्थी”ति ॥

**१२६.अज्जं इतो याभिवदन्ति धम्मं, अपरद्धा सुद्धिमकेवली ते ।
एवम्पि तित्थ्या पुथुसो वदन्ति, सन्दिट्ठिरागेन हि तेभिरत्ता ॥**

अज्जं इतो याभिवदन्ति धम्मं, अपरद्धा सुद्धिमकेवली तेति । इतो अज्जं धम्मं दिट्ठिं पटिपदं मगं ये अभिवदन्ति, ते सुद्धिमगं विसुद्धिमगं परिसुद्धिमगं वोदातमगं परियोदातमगं विरद्धा अपरद्धा खलिता गलिता अज्जाय अपरद्धा अकेवली ते, असमत्ता ते, अपरिपुण्णा ते, हीना निहीना ओमका लामका छतुक्का परित्ताति — अज्जं इतो याभिवदन्ति धम्मं, अपरद्धा सुद्धिमकेवली ते ।

एवम्पि तित्थ्या पुथुसो वदन्तीति । तित्थं वुच्चति दिट्ठिगतं । तित्थिया वुच्चन्ति दिट्ठिगतिका । पुथुदिट्ठिया पुथुदिट्ठिगतानि वदन्ति कथेन्ति भणन्ति दीपयन्ति वोहरन्तीति — एवम्पि तित्थ्या पुथुसो वदन्ति ।

सन्दिद्धिरागेन हि तेभिरत्ताति । सकाय दिद्धिया दिद्धिरागेन रत्ता अभिरत्ताति — सन्दिद्धिरागेन हि तेभिरत्ता ।

तेनाह भगवा —

“अज्जं इतो याभिवदन्ति धम्मं, अपरद्धा सुद्धिमकेवली ते ।
एवम्पि तित्थ्या पुथुसो वदन्ति, सन्दिद्धिरागेन हि तेभिरत्ता”ति ॥

**१२७. इधेव सुद्धिं इति वादयन्ति, नाज्जेसु धम्मेसु विसुद्धिमाहु ।
एवम्पि तित्थ्या पुथुसो निविद्धा, सकायने तत्थ दळ्हं वदाना ॥**

इधेव सुद्धिं इति वादयन्तीति । इध सुद्धिं विसुद्धिं परिसुद्धिं, मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्ति । “सस्सतो लोको, इदमेव सच्चं मोघमज्ज”न्ति इध सुद्धिं विसुद्धिं परिसुद्धिं, मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्ति । “असस्सतो लोको... पे०... नेव होति न न होति तथागतो परं मरणा, इदमेव सच्चं मोघमज्ज”न्ति इध सुद्धिं विसुद्धिं परिसुद्धिं मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — इधेव सुद्धिं इति वादयन्ति ।

नाज्जेसु धम्मेसु विसुद्धिमाहूति । अत्तनो सत्थारं धम्मक्खानं गणं दिद्धिं पटिपदं मगं ठपेत्वा सब्बे परवादे खिपन्ति उक्खिपन्ति परिक्खिपन्ति । “सो सत्था न सब्बज्जू, धम्मो न स्वाक्खातो, गणो न सुप्पटिपन्नो, दिद्धि न भद्धिका, पटिपदा न सुपज्जत्ता, मग्गो न निय्यानिको, नत्थेत्थ सुद्धि वा विसुद्धि वा परिसुद्धि वा, मुत्ति वा विमुत्ति वा परिमुत्ति वा, नत्थेत्थ सुज्झन्ति वा विसुज्झन्ति वा परिसुज्झन्ति वा, मुच्चन्ति वा विमुच्चन्ति वा परिमुच्चन्ति वा हीना निहीना ओमका लामका छतुक्का परित्ता”ति, एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — नाज्जेसु धम्मेसु विसुद्धिमाहु ।

एवम्पि तित्थ्या पुथुसो निविद्धाति । तित्थं वुच्चति दिद्धिगतं । तित्थिया वुच्चन्ति दिद्धिगतिका । पुथुदिद्धिया [पुथुतित्थिया (सी० क०) पुरिमगाथाय पाठभेदो नत्थि] पुथुदिद्धिगतेसु निविद्धा पतिद्धिता अल्लीना उपगता अज्झोसिता अधिमुत्ताति — एवम्पि तित्थ्या पुथुसो निविद्धा ।

सकायने तत्थ दळ्हं वदानाति । धम्मो सकायनं, दिद्धि सकायनं, पटिपदा सकायनं, मग्गो सकायनं, सकायने दळ्हवादा थिरवादा बलिकवादा अवट्ठितवादाति — सकायने तत्थ दळ्हं वदाना ।

तेनाह भगवा —

“इधेव सुद्धिं इति वादयन्ति, नाज्जेसु धम्मेसु विसुद्धिमाहु ।
एवम्पि तित्थ्या पुथुसो निविद्धा, सकायने तत्थ दळ्हं वदाना”ति ॥

**१२८. सकायने वापि दळ्हं वदानो, कमेत्थ [कं तत्थ (सी० क०)] बालोति परं दहेय्य ।
सयंव [सयमेव (स्या०)] सो मेधगमावहेय्य, परं वदं बालमसुद्धिधम्मं ॥**

सकायने वापि दळ्हं वदानोति । धम्मो सकायनं, दिद्धि सकायनं, पटिपदा सकायनं, मग्गो सकायनं, सकायने

दळहवादो थिरवादो बलिकवादो अवड्डितवादोति — सकायने वापि दळहं वदानो ।

कमेत्थ बालोति परं दहेय्याति । एत्थाति सकाय दिट्ठिया सकाय खन्तिया सकाय रुचिया सकाय लद्धिया परं बालतो हीनतो निहीनतो ओमकतो लामकतो छतुक्कतो परित्ततो कं दहेय्य कं पस्सेय्य कं दक्खेय्य कं ओलोकेय्य कं निज्झायेय्य कं उपपरिक्खेय्याति — कमेत्थ बालोति परं दहेय्य ।

सयंव सो मेधगमावहेय्य, परं वदं बालमसुद्धिधम्मन्ति । परो बालो हीनो निहीनो ओमको लामको छतुक्को परित्तो असुद्धिधम्मो अविस्सुद्धिधम्मो अपरिस्सुद्धिधम्मो अवोदातधम्मोति — एवं वदन्तो एवं कथेन्तो एवं भणन्तो एवं दीपयन्तो एवं वोहरन्तो सयमेव कलहं भण्डनं विग्गहं विवादं मेधगं आवहेय्य समावहेय्य आहरेय्य समाहरेय्य आकट्ठेय्य समाकट्ठेय्य गणहेय्य परामसेय्य अभिनिविसेय्याति — सयंव सो मेधगमावहेय्य परं वदं बालमसुद्धिधम्मं ।

तेनाह भगवा —

“सकायने वापि दळहं वदानो, कमेत्थ बालोति परं दहेय्य ।

सयंव सो मेधगमावहेय्य, परं वदं बालमसुद्धिधम्म”न्ति ॥

१२९.विनिच्छये ठत्वा सयं पमाय, उद्धंस [उद्धंसो (स्या०)] लोकस्मिं विवादमेति ।

हित्वान सब्बानि विनिच्छयानि, न मेधगं कुब्बति जन्तु लोके ॥

विनिच्छये ठत्वा सयं पमायाति । विनिच्छया वुच्चन्ति द्वासट्ठि दिट्ठिगतानि । विनिच्छयदिट्ठिया ठत्वा पतिट्ठित्वा गणित्वा परामसित्वा अभिनिविसित्वा विनिच्छये ठत्वा । **सयं पमायाति** सयं पमाय पमिनित्वा । “अयं सत्था सब्बज्जू”ति सयं पमाय पमिनित्वा, “अयं धम्मो स्वाक्खातो... अयं गणो सुप्पटिपन्नो... अयं दिट्ठि भट्ठिका... अयं पटिपदा सुपज्जत्ता... अयं मग्गो निय्यानिको”ति सयं पमाय पमिनित्वाति — विनिच्छये ठत्वा सयं पमाय ।

उद्धंस लोकस्मिं विवादमेतीति । उद्धंसो वुच्चति अनागतं । अत्तनो वादं उद्धंसं ठपेत्वा सयमेव कलहं भण्डनं विग्गहं विवादं मेधगं एति उपेति उपगच्छति गणहाति परामसति अभिनिविसतीति । एवम्पि उद्धंस लोकस्मिं विवादमेति । अथ वा अज्जेन उद्धंसं वादेन सद्धिं कलहं करोति भण्डनं करोति विग्गहं करोति विवादं करोति मेधगं करोति — “न त्वं इमं धम्मविनयं आजानासि...पे०... निब्बेठेहि वा सचे पओसी”ति । एवम्पि उद्धंस लोकस्मिं विवादमेति ।

हित्वान सब्बानि विनिच्छयानीति । विनिच्छया वुच्चन्ति द्वासट्ठि दिट्ठिगतानि । दिट्ठिविनिच्छया सब्बे विनिच्छये [सब्बा विनिच्छितदिट्ठियो (स्या०), सब्बा विनिच्छयदिट्ठियो (क०)] हित्वा चजित्वा परिचजित्वा जहित्वा पजहित्वा विनोदेत्वा ब्यन्तिं करित्वा अनभावं गमेत्वाति — हित्वान सब्बानि विनिच्छयानि ।

न मेधगं कुब्बति जन्तु लोकेति । न कलहं करोति, न भण्डनं करोति, न विग्गहं करोति, न विवादं करोति, न मेधगं करोति । वुत्तज्हेतं भगवता — “एवं विमुत्तचित्तो खो, अग्गिवेस्सन, भिक्खु न केनचि संवदति, न केनचि विवदति, यच्च लोके वुत्तं तेन च वोहरति अपरामसं”न्ति । **जन्तूति** सत्तो नरो मानवो पोसो पुग्गलो जीवो जागु जन्तु इन्दगु मनुजो । **लोकेति** अपायलोके...पे०... आयतनलोकेति — न मेधगं कुब्बति जन्तु लोकेति ।

तेनाह भगवा —

“विनिच्छये ठत्वा सयं पमाय, उद्धंस लोकस्मिं विवादमेति ।
हित्वान सब्बानि विनिच्छयानि, न मेधगं कुब्बति जन्तु लोके”ति ॥

चूळवियूहसुत्तनिद्देशो द्वादसमो ।

१३. महावियूहसुत्तनिद्देशो

अथ महावियूहसुत्तनिद्देशं वक्खति —

१३०. ये केचिमे दिट्ठिपरिब्बसाना, इदमेव सच्चन्ति च वादयन्ति [सच्चन्ति पवादयन्ति (स्या०)] ।
सब्बेव ते निन्दमन्वानयन्ति, अथो पसंसम्पि लभन्ति तत्थ ॥

ये केचिमे दिट्ठिपरिब्बसानाति । ये केचीति सब्बेन सब्बं सब्बथा सब्बं असेसं निस्सेसं परियादियनवचनमेतं — ये केचीति । दिट्ठिपरिब्बसानाति । सन्तेके समणब्राह्मणा दिट्ठिगतिका; ते द्वासट्ठिया दिट्ठिगतानं अज्जतरज्जतरं दिट्ठिगतं गहेत्वा उग्गहेत्वा गण्हित्वा परामसित्वा अभिनिविसित्वा सकाय सकाय दिट्ठिया वसन्ति संवसन्ति आवसन्ति परिवसन्ति । यथा अगारिका वा घरेसु वसन्ति, सापत्तिका वा आपत्तीसु वसन्ति, सकिलेसा वा किलेसेसु वसन्ति; एवमेव सन्तेके...पे०... परिवसन्तीति — ये केचिमे दिट्ठिपरिब्बसाना ।

इदमेव सच्चन्ति च वादयन्तीति । “सस्सतो लोको, इदमेव सच्चं मोघमज्ज”न्ति वदन्ति कथेन्ति भणन्ति दीपयन्ति वोहरन्ति । “असस्सतो लोको...पे०... नेव होति न न होति तथागतो परं मरणा, इदमेव सच्चं मोघमज्ज”न्ति वदन्ति कथेन्ति भणन्ति दीपयन्ति वोहरन्तीति — इदमेव सच्चन्ति च वादयन्ति ।

सब्बेव ते निन्दमन्वानयन्तीति । सब्बेव ते समणब्राह्मणा निन्दमेव अन्वेन्ति, गरहमेव अन्वेन्ति, अकित्तिमेव अन्वेन्ति; सब्बे निन्दितायेव होन्ति, गरहितायेव होन्ति, अकित्तितायेव होन्तीति — सब्बेव ते निन्दमन्वानयन्ति ।

अथो पसंसम्पि लभन्ति तत्थाति । तत्थ सकाय दिट्ठिया सकाय खन्तिया सकाय रुचिया सकाय लद्धिया पसंसं थोमनं कित्तिं वण्णहारिकं लभन्ति पटिलभन्ति उपगच्छन्ति विन्दन्तीति — अथो पसंसम्पि लभन्ति तत्थ ।

तेनाह सो निम्मितो —

“ये केचिमे दिट्ठिपरिब्बसाना, इदमेव सच्चन्ति च वादयन्ति ।
सब्बेव ते निन्दमन्वानयन्ति, अथो पसंसम्पि लभन्ति तत्था”ति ॥

१३१. अप्पज्झि एतं न अलं समाय, दुवे विवादस्स फलानि ब्रूमि ।
एतम्पि दिस्वा न विवादयेथ, खेमाभिपस्सं अविवादभूमिं ॥

अप्पज्झि एतं न अलं समायाति । अप्पज्झि एतन्ति अप्पकं एतं, ओमकं एतं, थोककं एतं, लामकं एतं, छतुक्कं एतं, परित्तकं एतन्ति — अप्पज्झि एतं । न अलं समायाति नालं रागस्स समाय, दोसस्स समाय, मोहस्स समाय, कोधस्स... उपनाहस्स... मक्खस्स... पळासस्स... इस्साय... मच्छरियस्स... मायाय... साठेय्यस्स... थम्भस्स... सारम्भस्स... मानस्स... अतिमानस्स... मदस्स... पमादस्स... सब्बकिलेसानं... सब्बदुच्चरितानं... सब्बदरथानं ... सब्बपरिळाहानं... सब्बसन्तापानं... सब्बाकुसलाभिसङ्खारानं समाय उपसमाय वूपसमाय निब्बानाय पटिनिस्सग्गाय पटिपस्सद्दियाति — अप्पज्झि एतं न अलं समाय ।

दुवे विवादस्स फलानि ब्रूमीति । दिट्ठिकलहस्स दिट्ठिभण्डनस्स दिट्ठिविग्गहस्स दिट्ठिविवादस्स दिट्ठिमेधगस्स द्वे फलानि होन्ति — जयपराजयो होति, लाभालाभो होति, यसायसो होति, निन्दापसंसो होति, सुखदुक्खं होति, सोमनस्सदोमनस्सं होति, इट्ठानिट्ठं होति, अनुनयपटिघं होति, उग्घातिनिग्घाति होति, अनुरोधविरोधो होति । अथ वा तं कम्मं निरयसंवत्तनिकं, तिरच्छानयोनिसंवत्तनिकं, पेत्तिविसयसंवत्तनिकन्ति ब्रूमि आचिक्खामि देसेमि पज्जपेमि पट्टपेमि विवरामि विभजामि उत्तानीकरोमि पकासेमीति — दुवे विवादस्स फलानि ब्रूमि ।

एतम्पि दिस्वा न विवादयेथाति । एतम्पि दिस्वाति एतं आदीनवं दिस्वा पस्सित्वा तुलयित्वा तीरयित्वा विभावयित्वा विभूतं कत्वा दिट्ठिकलहेसु दिट्ठिभण्डनेसु दिट्ठिविग्गहेसु दिट्ठिविवादेसु दिट्ठिमेधगेसूति — एतम्पि दिस्वा । न विवादयेथाति न कलहं करेय्य, न भण्डनं करेय्य, न विग्गहं करेय्य, न विवादं करेय्य, न मेधगं करेय्य, कलहं भण्डनं विग्गहं विवादं मेधगं पजहेय्य विनोदेय्य ब्यन्तिं करेय्य अनभावं गमेय्य, कलहा भण्डना विग्गहा विवादा मेधगा आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — एतम्पि दिस्वा न विवादयेथ ।

खेमाभिपस्सं अविवादभूमिन्ति । अविवादभूमिं वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । एतं अविवादभूमिं खेमतो ताणतो लेणतो सरणतो अभयतो अच्युततो अमततो निब्बानतो पस्सन्तो दक्खन्तो ओलोकेन्तो निज्झायन्तो उपपरिक्खन्तोति — खेमाभिपस्सं अविवादभूमिं ।

तेनाह भगवा —

“अप्पज्झि एतं न अलं समाय, दुवे विवादस्स फलानि ब्रूमि ।
एतम्पि दिस्वा न विवादयेथ, खेमाभिपस्सं अविवादभूमि”न्ति ॥

१३२.या काचिमा सम्मुतियो पुथुज्जा, सब्बाव एता न उपेति विद्वा ।
अनूपयो सो उपयं किमेय्य, दिट्ठे सुते खन्तिमकुब्बमानो ॥

या काचिमा सम्मुतियो पुथुज्जाति । या काचीति सब्बेन सब्बं सब्बथा सब्बं असेसं निस्सेसं परियादियनवचनमेतं — या काचीति । सम्मुतियोति । सम्मुतियो वुच्चन्ति द्वासट्ठि दिट्ठिगतानि दिट्ठिसम्मुतियो । पुथुज्जाति पुथुज्जनेहि जनिता सम्मुतियोति पुथुज्जा, पुथु नानाजनेहि जनिता वा सम्मुतियोति पुथुज्जाति — या काचिमा सम्मुतियो पुथुज्जा ।

सब्बाव एता न उपेति विद्वाति । विद्वा विज्जागतो जाणी विभावी मेधावी । सब्बाव एता दिट्ठिसम्मुतियो नेति न

उपेति न उपगच्छति न गणहाति न परामसति नाभिनिविसतीति — सब्बाव एता न उपेति विद्वा ।

अनूपयो सो उपयं किमेय्याति । उपयोति द्वे उपया — तण्हूपयो च दिट्ठूपयो च... पे०... अयं तण्हूपयो... पे०... अयं दिट्ठूपयो । तस्स तण्हूपयो पहीनो, दिट्ठूपयो पटिनिस्सट्ठो; तण्हूपयस्स पहीनत्ता, दिट्ठूपयस्स पटिनिस्सट्ठत्ता अनूपयो पुग्गलो किं रूपं उपेय्य उपगच्छेय्य गणहेय्य परामसेय्य अभिनिविसेय्य अत्ता मेति । किं वेदनं... किं सज्जं... किं सङ्गारे... किं विज्जाणं... किं गतिं... किं उपपत्तिं... किं पटिसन्धिं... किं भवं ... किं संसारं... किं वट्ठं उपेय्य उपगच्छेय्य गणहेय्य परामसेय्य अभिनिवेसेय्याति — अनूपयो सो उपयं किमेय्य ।

दिट्ठे सुते खन्तिमकुब्बमानोति । दिट्ठे वा दिट्ठसुद्धिया वा सुते वा सुतसुद्धिया वा मुते वा मुतसुद्धिया वा खन्तिं अकुब्बमानो छन्दं अकुब्बमानो पेमं अकुब्बमानो रागं अकुब्बमानो अजनयमानो असज्जनयमानो अनिब्बत्तयमानो अनभिनिब्बत्तयमानोति — दिट्ठे सुते खन्तिमकुब्बमानो ।

तेनाह भगवा —

“या काचिमा सम्मुतियो पुथुज्जा, सब्बाव एता न उपेति विद्वा ।
अनूपयो सो उपयं किमेय्य, दिट्ठे सुते खन्तिमकुब्बमानो”ति ॥

**१३३.सीलुत्तमा सज्जमेनाहु सुद्धिं, वतं समादाय उपट्ठितासे ।
इधेव सिक्खेम अथस्स सुद्धिं, भवूपनीता कुसलावदाना ॥**

सीलुत्तमा सज्जमेनाहु सुद्धिन्ति । सन्तेके समणब्राह्मणा सीलुत्तमवादा; ते सीलमत्तेन सज्जममत्तेन संवरमत्तेन अवीतिक्कममत्तेन सुद्धिं विसुद्धिं परिविसुद्धिं, मुत्तिं विमुत्तिं परिविमुत्तिं आहु [आहंसु (सी० क०)] वदन्ति कथेन्ति भणन्ति दीपयन्ति वोहरन्ति ।

समणमुण्डिकापुत्तो एवमाह — “चतूहि खो अहं, गहपति, धम्मेहि समन्नागतं पुरिसपुग्गलं पज्जपेमि सम्पन्नकुसलं परमकुसलं उत्तमपत्तिपत्तं समणं अयोज्झं । कतमेहि चतूहि? इध, गहपति, न कायेन पापकम्मं करोति, न पापिकं [पापकं (सी०)] वाचं भासति, न पापकं सङ्कपं सङ्कप्पेति, न पापकं आजीवं आजीवति । इमेहि खो अहं, गहपति, चतूहि धम्मेहि समन्नागतं पुरिसपुग्गलं पज्जपेमि सम्पन्नकुसलं परमकुसलं उत्तमपत्तिपत्तं समणं अयोज्झं; एवमेव सन्तेके समणब्राह्मणा सीलुत्तमवादा; ते सीलमत्तेन सज्जममत्तेन संवरमत्तेन अवीतिक्कममत्तेन सुद्धिं विसुद्धिं परिविसुद्धिं, मुत्तिं विमुत्तिं परिमुत्तिं आहु वदन्ति कथेन्ति भणन्ति दीपयन्ति वोहरन्ती”ति — सीलुत्तमा सज्जमेनाहु सुद्धिं ।

वतं समादाय उपट्ठितासेति । वतन्ति हत्थिवतं वा अस्सवतं वा गोवतं वा कुक्कुरवतं वा काकवतं वा वासुदेववतं वा बलदेववतं वा पुण्णभद्ववतं वा मणिभद्ववतं वा अग्गिवतं वा नागवतं वा सुपण्णवतं वा यक्खवतं वा असुरवतं वा गन्धब्बवतं वा महाराजवतं वा चन्दवतं वा सूरियवतं वा इन्दवतं वा ब्रह्मवतं वा देववतं वा दिसावतं वा आदाय समादाय आदियित्वा समादियित्वा गणित्वा परामसित्वा अभिनिविसित्वा उपट्ठिता पच्चुपट्ठिता अल्लीना उपगता अज्झोसिता अधिमुत्ताति — वतं समादाय उपट्ठितासे ।

इधेव सिक्खेम अथस्स सुद्धिन्ति । इधाति सकाय दिट्ठिया सकाय खन्तिया सकाय रुचिया सकाय लद्धिया ।

सिक्खेमाति सिक्खेम आचरेम समाचरेम समादाय वत्तेमाति — इधेव सिक्खेम । **अथस्स सुद्धिन्ति** अथस्स सुद्धिं विसुद्धिं परिसुद्धिं, मुत्तिं विमुत्तिं परिमुत्तिन्ति — इधेव सिक्खेम अथस्स सुद्धिं ।

भवूपनीता कुसलावदानाति । **भवूपनीताति** भवूपनीता भवूपगता भवज्झोसिता भवाधिमुत्ताति — भवूपनीता । **कुसलावदानाति** कुसलवादा पण्डितवादा थिरवादा जायवादा हेतुवादा लक्खणवादा कारणवादा ठानवादा सकाय लद्धियाति — भवूपनीता कुसलावदाना ।

तेनाह भगवा —

“सीलुत्तमा सज्जमेनाहु सुद्धिं, वतं समादाय उपट्ठितासे ।
इधेव सिक्खेम अथस्स सुद्धिं, भवूपनीता कुसलावदाना”ति ॥

१३४ सचे चुतो सीलवततो होति, पवेधती [स वेधती (सी स्या०)] कम्मविराधयित्वा ।
पजप्पती [स जप्पती (सी० स्या०)] पत्थयती च सुद्धिं, सत्थाव हीनो पवसं घरम्हा ॥

सचे चुतो सीलवततो होतीति । द्वीहि कारणेहि सीलवततो चवति — परविच्छिन्दनाय वा चवति, अनभिसम्भुणन्तो वा चवति । कथं परविच्छिन्दनाय चवति? परो विच्छिन्दति सो सत्था न सब्बज्जू, धम्मो न स्वाक्खातो, गणो न सुप्पटिपन्नो, दिट्ठि न भट्ठिका, पटिपदा न सुपज्जत्ता, मग्गो न निय्यानिको, नत्थेत्थ सुद्धि वा विसुद्धि वा परिसुद्धि वा, मुत्ति वा विमुत्ति वा परिमुत्ति वा, नत्थेत्थ सुज्झन्ति वा विसुज्झन्ति वा परिसुज्झन्ति वा, मुच्चन्ति वा विमुच्चन्ति वा, परिमुच्चन्ति वा, हीना निहीना ओमका लामका छतुक्का परित्ताति । एवं परो विच्छिन्दति । एवं विच्छिन्दियमानो सत्थारा चवति, धम्मक्खाना चवति, गणा चवति, दिट्ठिया चवति, पटिपदाय चवति, मग्गतो चवति । एवं परविच्छिन्दनाय चवति । कथं अनभिसम्भुणन्तो चवति? सीलं अनभिसम्भुणन्तो सीलतो चवति, वतं अनभिसम्भुणन्तो वततो चवति, सीलब्बतं अनभिसम्भुणन्तो सीलब्बततो चवति । एवं अनभिसम्भुणन्तो चवतीति — सचे चुतो सीलवततो होति ।

पवेधति कम्मविराधयित्वाति । **पवेधतीति** सीलं वा वतं वा सीलब्बतं वा “विरद्धं मया, अपरद्धं मया, खलितं मया, गलितं मया, अज्जाय अपरद्धो अह”न्ति वेधति पवेधति सम्पवेधतीति — पवेधति । **कम्मविराधयित्वाति** पुज्जाभिसङ्गारं वा अपुज्जाभिसङ्गारं वा आनेज्जाभिसङ्गारं वा “विरद्धं मया, अपरद्धं मया, खलितं मया, गलितं मया, अज्जाय अपरद्धो अह”न्ति वेधति पवेधति सम्पवेधतीति — पवेधति कम्मविराधयित्वा ।

पजप्पती पत्थयती च सुद्धिन्ति । **पजप्पतीति** सीलं वा जप्पति, वतं वा जप्पति, सीलब्बतं वा जप्पति पजप्पति अभिजप्पतीति — पजप्पति । **पत्थयती च सुद्धिन्ति** सीलसुद्धिं वा पत्थेति, वतसुद्धिं वा पत्थेति, सीलब्बतसुद्धिं वा पत्थेति पिहेति अभिजप्पतीति — पजप्पती पत्थयती च सुद्धिं ।

सत्थाव हीनो पवसं घरम्हाति । यथा पुरिसो घरतो निक्खन्तो सत्थेन पवसं वसन्तो सत्था ओहीनो, तं वा सत्थं अनुबन्धति सकं वा घरं पच्चागच्छति; एवमेव सो दिट्ठिगतिको तं वा सत्थारं गण्हाति अज्जं वा सत्थारं गण्हाति, तं वा धम्मक्खानं गण्हाति अज्जं वा धम्मक्खानं गण्हाति, तं वा गणं गण्हाति अज्जं वा गणं गण्हाति, तं वा दिट्ठिं गण्हाति अज्जं वा दिट्ठिं गण्हाति, तं वा पटिपदं गण्हाति अज्जं वा पटिपदं गण्हाति, तं वा मग्गं गण्हाति अज्जं वा मग्गं गण्हाति परामसति

अभिनिविसतीति — सत्थाव हीनो पवसं घरम्हा ।

तेनाह भगवा —

“सचे चुतो सीलवततो होति, पवेधती कम्मविराधयित्वा ।
पजप्पती पत्थयती च सुद्धिं, सत्थाव हीनो पवसं घरम्हा”ति ॥

१३५.सीलब्बतं वापि पहाय सब्बं, कम्मञ्च सावज्जनवज्जमेतं ।

सुद्धिं असुद्धिन्ति अपत्थयानो, विरतो चरे सन्तिमनुग्गहाय ॥

सीलब्बतं वापि पहाय सब्बन्ति । सब्बा सीलसुद्धियो पहाय पजहित्वा विनोदेत्वा ब्यन्तिं करित्वा अनभावं गमेत्वा, सब्बा वतसुद्धियो पहाय पजहित्वा विनोदेत्वा ब्यन्तिं करित्वा अनभावं गमेत्वा, सब्बा सीलब्बतसुद्धियो पहाय पजहित्वा विनोदेत्वा ब्यन्तिं करित्वा अनभावं गमेत्वाति — सीलब्बतं वापि पहाय सब्बं ।

कम्मञ्च सावज्जनवज्जमेतन्ति । सावज्जकम्मं वुच्चति — कण्हं कण्हविपाकं । अनवज्जकम्मं वुच्चति — सुक्कं सुक्कविपाकं । सावज्जञ्च कम्मं अनवज्जञ्च कम्मं पहाय पजहित्वा विनोदेत्वा ब्यन्तिं करित्वा अनभावं गमेत्वाति — कम्मञ्च सावज्जनवज्जमेतं ।

सुद्धिं असुद्धिन्ति अपत्थयानोति । असुद्धिन्ति असुद्धिं पत्थेन्ति, अकुसले धम्मे पत्थेन्ति । सुद्धिन्ति सुद्धिं पत्थेन्ति, पञ्च कामगुणे पत्थेन्ति; असुद्धिं पत्थेन्ति, अकुसले धम्मे पत्थेन्ति, पञ्च कामगुणे पत्थेन्ति; सुद्धिं पत्थेन्ति, द्वासट्ठि दिट्ठिगतानि पत्थेन्ति, असुद्धिं पत्थेन्ति, अकुसले धम्मे पत्थेन्ति, पञ्च कामगुणे पत्थेन्ति, द्वासट्ठि दिट्ठिगतानि पत्थेन्ति; सुद्धिं पत्थेन्ति, तेधातुके कुसले धम्मे पत्थेन्ति, असुद्धिं पत्थेन्ति, अकुसले धम्मे पत्थेन्ति, पञ्च कामगुणे पत्थेन्ति, द्वासट्ठि दिट्ठिगतानि पत्थेन्ति, तेधातुके कुसले धम्मे पत्थेन्ति; सुद्धिं पत्थेन्ति, पुथुज्जनकल्याणका [कल्याणपुथुज्जना (स्या०) एवमीदसेसु ठानेसु] नियामावक्कन्तिं [नियामावत्तन्तिं (क०)] पत्थेन्ति । सेक्खा अगगधम्मं अरहत्तं पत्थेन्ति । अरहत्ते पत्ते अरहा नेव अकुसले धम्मे पत्थेति, नपि पञ्च कामगुणे पत्थेति, नपि द्वासट्ठि दिट्ठिगतानि पत्थेति, नपि तेधातुके कुसले धम्मे पत्थेति, नपि नियामावक्कन्तिं पत्थेति, नपि अगगधम्मं अरहत्तं पत्थेति । पत्थना समतिक्कन्तो अरहा वुद्धिपारिहानिवीतिवत्तो [वुद्धिपारिहानिं वीतिवत्तो (सी०)] । सो वुड्ढवासो चिण्णचरणो...पे०... जातिजरामरणसंसारो नत्थि तस्स पुनब्भवोति — सुद्धिं असुद्धिन्ति अपत्थयानो ।

विरतो चरे सन्तिमनुग्गहायाति । विरतोति सुद्धिअसुद्धिया आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो, विमरियादिकतेन चेतसा विहरतीति — विरतो । चरेति चरेय्य विचरेय्य विहरेय्य इरियेय्य वत्तेय्य पालेय्य यपेय्य यापेय्याति — विरतो चरे । सन्तिमनुग्गहायाति सन्तियो वुच्चन्ति द्वासट्ठि दिट्ठिगतानि दिट्ठिसन्तियो अगण्हन्तो अपरामसन्तो अनभिनिविसन्तोति — विरतो चरे सन्तिमनुग्गहाय ।

तेनाह भगवा —

“सीलब्बतं वापि पहाय सब्बं, कम्मञ्च सावज्जनवज्जमेतं ।
सुद्धिं असुद्धिन्ति अपत्थयानो, विरतो चरे सन्तिमनुग्गहाया”ति ॥

१३६.तमूपनिस्साय जिगुच्छितं वा, अथ वापि दिट्ठं व सुतं मुतं वा।

उद्धंसरा सुद्धिमनुत्थुनन्ति, अवीततण्हासे भवाभवेसु॥

तमूपनिस्साय जिगुच्छितं वाति। सन्तेके समणब्राह्मणा तपोजिगुच्छवादा तपोजिगुच्छसारा तपोजिगुच्छनिस्सिता आनिस्सिता अल्लीना उपगता अज्झोसिता अधिमुत्ताति — तमूपनिस्साय जिगुच्छितं वा।

अथ वापि दिट्ठं व सुतं मुतं वाति। दिट्ठं वा दिट्ठसुद्धिं वा सुतं वा सुतसुद्धिं वा मुतं वा मुतसुद्धिं वा निस्साय उपनिस्साय गणित्वा परामसित्वा अभिनिविसित्वाति — अथ वापि दिट्ठं व सुतं मुतं वा।

उद्धंसरा सुद्धिमनुत्थुनन्तीति। सन्तेके समणब्राह्मणा उद्धंसरावादा। कतमे ते समणब्राह्मणा उद्धंसरावादा? ये ते समणब्राह्मणा अच्चन्तसुद्धिका, संसारसुद्धिका, अकिरियदिट्ठिका, सस्सतवादा — इमे ते समणब्राह्मणा उद्धंसरावादा। ते संसारे सुद्धिं विसुद्धिं परिसुद्धिं, मुत्तिं विमुत्तिं परिमुत्तिं थुनन्ति वदन्ति कथेन्ति भणन्ति दीपयन्ति वोहरन्तीति — उद्धंसरा सुद्धिमनुत्थुनन्ति।

अवीततण्हासे भवाभवेसूति। तण्हाति रूपतण्हा सदतण्हा गन्धतण्हा रसतण्हा फोडुब्बतण्हा धम्मतण्हा। भवाभवेसूति भवाभवे कम्मभवे पुनब्भवे कामभवे, कम्मभवे कामभवे पुनब्भवे रूपभवे, कम्मभवे रूपभवे पुनब्भवे अरूपभवे, कम्मभवे अरूपभवे पुनब्भवे पुनप्पुनब्भवे पुनप्पुनगतिया पुनप्पुनउपपत्तिया पुनप्पुनपटिसन्धिया पुनप्पुनअत्ताभावाभिनिब्बत्तिया अवीततण्हा अविगततण्हा अचत्ततण्हा अवन्ततण्हा अमुत्ततण्हा अप्पहीनतण्हा अप्पटिनिस्सट्ठतण्हाति — अवीततण्हासे भवाभवेसु।

तेनाह भगवा —

“तमूपनिस्साय जिगुच्छितं वा, अथ वापि दिट्ठं व सुतं मुतं वा।

उद्धंसरा सुद्धिमनुत्थुनन्ति, अवीततण्हासे भवाभवेसू’ति॥

१३७.पत्थयमानस्स हि जप्पितानि, पवेधितं वापि पकप्पितेसु।

चुतूपपातो इध यस्स नत्थि, स केन वेधेय्य कुहिं व जप्पे॥

पत्थयमानस्स हि जप्पितानीति। पत्थना वुच्चति तण्हा। यो रागो सारागो...पे०... अभिज्झा लोभो अकुसलमूलं। पत्थयमानस्साति पत्थयमानस्स इच्छमानस्स सादियमानस्स पिहयमानस्स अभिजप्पयमानस्साति — पत्थयमानस्स हि। जप्पितानीति। जप्पना वुच्चति तण्हा। यो रागो सारागो...पे०... अभिज्झा लोभो अकुसलमूलन्ति — पत्थयमानस्स हि जप्पितानि।

पवेधितं वापि पकप्पितेसूति। पकप्पनाति द्वे पकप्पना — तण्हापकप्पना च दिट्ठिपकप्पना च...पे०... अयं तण्हापकप्पना...पे०... अयं दिट्ठिपकप्पना। पवेधितं वापि पकप्पितेसूति। पकप्पितं वत्थुं अच्छेदसङ्किनोपि वेधेन्ति, अच्छिज्जन्तेपि वेधेन्ति, अच्छिन्नेपि वेधेन्ति; पकप्पितं वत्थुं विपरिणामसङ्किनोपि वेधेन्ति, विपरिणमन्तेपि वेधेन्ति, विपरिणतेपि वेधेन्ति पवेधेन्ति सम्पवेधेन्तीति — पवेधितं वापि पकप्पितेसु।

चुतूपपातो इध यस्स नत्थीति । यस्साति अरहतो खीणासवस्स । यस्स गमनं आगमनं गमनागमनं कालंगति भवाभवो चुति च उपपत्ति च निब्बत्ति च भेदो च जाति च जरामरणञ्च नत्थि न सन्ति न संविज्जन्ति नुपलब्धन्ति, पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दड्ढाति — चुतूपपातो इध यस्स नत्थि ।

स केन वेधेय्य कुहिं व जप्पेति । सो केन रागेन वेधेय्य, केन दोसेन वेधेय्य, केन मोहेन वेधेय्य, केन मानेन वेधेय्य, काय दिट्ठिया वेधेय्य, केन उद्धच्चेन वेधेय्य, काय विचिकिच्छाय वेधेय्य, केहि अनुसयेहि वेधेय्य — रत्तोति वा दुट्ठोति वा मूळ्होति वा विनिबद्धोति वा परामट्ठोति वा विक्खेपगतोति वा अनिट्ठुङ्गतोति वा थामगतोति वा । ते अभिसङ्खारा पहीना; अभिसङ्खारानं पहीनत्ता गतिया केन वेधेय्य — नेरयिकोति वा तिरच्छानयोनिकोति वा पेत्तिविसयिकोति वा मनुस्सोति वा देवोति वा रूपीति वा अरूपीति वा सज्जीति वा असज्जीति वा नेवसज्जीनासज्जीति वा, सो हेतु नत्थि पच्चयो नत्थि कारणं नत्थि येन वेधेय्य पवेधेय्य सम्पवेधेय्याति — स केन वेधेय्य । कुहिं व जप्पेति कुहिं वा जप्पेय्य किम्हि जप्पेय्य, कत्थ जप्पेय्य पजप्पेय्य अभिजप्पेय्याति — स केन वेधेय्य कुहिं व जप्पे ।

तेनाह भगवा —

“पत्थयमानस्स हि जप्पितानि, पवेधितं वापि पकप्पितेसु ।
चुतूपपातो इध यस्स नत्थि, स केन वेधेय्य कुहिं व जप्पे”ति ॥

१३८. यमाहु धम्मं परमन्ति एके, तमेव हीनन्ति पनाहु अज्जे ।
सच्चो नु वादो कतमो इमेसं, सब्बेव हीमे कुसलावदाना ॥

यमाहु धम्मं परमन्ति एकेति । यं धम्मं दिट्ठिं पटिपदं मगं एके समणब्राह्मणा “इदं परमं अगं सेट्ठं विसिट्ठं पामोक्खं उत्तमं पवर”न्ति, एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — यमाहु धम्मं परमन्ति एके ।

तमेव हीनन्ति पनाहु अज्जेति तमेव धम्मं दिट्ठिं पटिपदं मगं एके समणब्राह्मणा “हीनं एतं, निहीनं एतं, ओमकं एतं, लामकं एतं, छतुक्कं एतं, परित्तकं एत”न्ति, एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — तमेव हीनन्ति पनाहु अज्जे ।

सच्चो नु वादो कतमो इमेसन्ति । इमेसं समणब्राह्मणानं वादो कतमो सच्चो तच्छो तथो भूतो याथावो अविपरीतोति — सच्चो नु वादो कतमो इमेसं ।

सब्बेव हीमे कुसलावदानाति । सब्बेविमे समणब्राह्मणा कुसलवादा पण्डितवादा थिरवादा आयवादा हेतुवादा लक्खणवादा कारणवादा ठानवादा सकाय लद्धियाति — सब्बेव हीमे कुसलावदाना ।

तेनाह सो निम्मितो —

“यमाहु धम्मं परमन्ति एके, तमेव हीनन्ति पनाहु अज्जे ।
सच्चो नु वादो कतमो इमेसं, सब्बेव हीमे कुसलावदाना”ति ॥

**१३९.सकज्झि धम्मं परिपुण्णमाहु, अज्जस्स धम्मं पन हीनमाहु।
एवम्पि विग्गह्ण विवादयन्ति, सकं सकं सम्मुतिमाहु सच्चं॥**

सकज्झि धम्मं परिपुण्णमाहुति सकं धम्मं दिट्ठिं पटिपदं मगं एके समणब्राह्मणा “इदं समत्तं परिपुण्णं अनोम”न्ति, एवमाहंसु...पे०... एवं वोहरन्तीति — सकज्झि धम्मं परिपुण्णमाहु।

अज्जस्स धम्मं पन हीनमाहुति। अज्जस्स धम्मं दिट्ठिं पटिपदं मगं एके समणब्राह्मणा “हीनं एतं, निहीनं एतं, ओमकं एतं, लामकं एतं, छतुक्कं एतं, परित्तकं एतं”न्ति, एवमाहंसु एवं कथेन्ति एवं भणन्ति एवं दीपयन्ति एवं वोहरन्तीति — अज्जस्स धम्मं पन हीनमाहु।

एवम्पि विग्गह्ण विवादयन्तीति एवं गहेत्वा उग्गहेत्वा गण्हित्वा परामसित्वा अभिनिविसित्वा विवादयन्ति, कलहं करोन्ति, भण्डनं करोन्ति, विग्गहं करोन्ति, विवादं करोन्ति, मेधगं करोन्ति — “न त्वं इमं धम्मविनयं आजानासि...पे०... निब्बेठेहि वा सचे पहासी”ति — एवम्पि विग्गह्ण विवादयन्ति।

सकं सकं सम्मुतिमाहु सच्चन्ति। “सस्सतो लोको, इदमेव सच्चं मोघमज्ज”न्ति — सकं सकं सम्मुतिमाहु सच्चं। “असस्सतो लोको ...पे०... नेव होति न न होति तथागतो परं मरणा, इदमेव सच्चं मोघमज्ज”न्ति — सकं सकं सम्मुतिमाहु सच्चं।

तेनाह भगवा —

“सकज्झि धम्मं परिपुण्णमाहु, अज्जस्स धम्मं पन हीनमाहु।
एवम्पि विग्गह्ण विवादयन्ति, सकं सकं सम्मुतिमाहु सच्च”न्ति॥

**१४०.परस्स चे वम्भयितेन हीनो, न कोचि धम्मेसु विसेसि अस्स।
पुथू हि अज्जस्स वदन्ति धम्मं, निहीनतो सप्पि दळ्हं वदाना॥**

परस्स चे वम्भयितेन हीनोति परस्स चे वम्भयितकारणा निन्दितकारणा गरहितकारणा उपवदितकारणा परो बालो होति हीनो निहीनो ओमको लामको छतुक्को परित्तोति — परस्स चे वम्भयितेन हीनो।

न कोचि धम्मेसु विसेसि अस्साति। धम्मेसु न कोचि अगो सेट्ठो विसिट्ठो पामोक्खो उत्तमो पवरो अस्साति — न कोचि धम्मेसु विसेसि अस्स।

पुथू हि अज्जस्स वदन्ति धम्मं, निहीनतोति। बहुकापि बहूनं धम्मं वदन्ति उपवदन्ति निन्दन्ति गरहन्ति हीनतो निहीनतो ओमकतो लामकतो छतुक्कतो परित्ततो, बहुकापि एकस्स धम्मं वदन्ति उपवदन्ति निन्दन्ति गरहन्ति हीनतो निहीनतो ओमकतो लामकतो छतुक्कतो परित्ततो, एकोपि बहूनं धम्मं वदति उपवदति निन्दति गरहति हीनतो निहीनतो ओमकतो लामकतो छतुक्कतो परित्ततो, एकोपि एकस्स धम्मं वदति उपवदति निन्दति गरहति हीनतो निहीनतो ओमकतो लामकतो छतुक्कतो परित्ततोति — पुथू हि अज्जस्स वदन्ति धम्मं।

निहीनतो सप्पि दळ्हं वदानाति । धम्मो सकायनं, दिट्ठि सकायनं, पटिपदा सकायनं, मग्गो सकायनं, सकायने दळ्हवादा थिरवादा बलिकवादा अट्ठितवादाति — निहीनतो सप्पि दळ्हं वदाना ।

तेनाह भगवा —

“परस्स चे वम्भयितेन हीनो, न कोचि धम्मेषु विसेसि अस्स ।
पुथू हि अज्जस्स वदन्ति धम्मं, निहीनतो सप्पि दळ्हं वदाना”ति ॥

**१४१.सद्धम्मपूजापि [सद्धम्मपूजा च (सी० स्या०)] पना तथेव, यथा पसंसन्ति सकायनानि ।
सब्बेव वादा [सब्बे पवादा (स्या०)] तथिया [तथि वा (बहूसु)] भवेय्युं, सुद्धी हि नेसं पच्चत्तमेव ॥**

सद्धम्मपूजापि पना तथेवाति । कतमा सद्धम्मपूजा? सकं सत्थारं सक्करोति गरं करोति मानेति पूजेति “अयं सत्था सब्बज्जू”ति — अयं सद्धम्मपूजा । सकं धम्मक्खानं सकं गणं सकं दिट्ठि सकं पटिपदं सकं मग्गं सक्करोति गरं करोति मानेति पूजेति “अयं मग्गो निय्यानिको”ति — अयं सद्धम्मपूजा । सद्धम्मपूजापि पना तथेवाति सद्धम्मपूजा तथा तच्छा भूता याथावा अविपरीताति — सद्धम्मपूजापि पना तथेव ।

यथा पसंसन्ति सकायनानीति । धम्मो सकायनं दिट्ठि सकायनं पटिपदा सकायनं मग्गो सकायनं, सकायनानि पसंसन्ति थोमेन्ति कित्तेन्ति वण्णेन्तीति — यथा पसंसन्ति सकायनानि ।

सब्बेव वादा तथिया भवेय्युन्ति सब्बेव वादा तथा तच्छा भूता याथावा अविपरीता भवेय्युन्ति — सब्बेव वादा तथिया भवेय्युं ।

सुद्धी हि नेसं पच्चत्तमेवाति । पच्चत्तमेव तेसं समणब्राह्मणानं सुद्धि विसुद्धि परिसुद्धि, मुत्ति विमुत्ति परिमुत्तीति — सुद्धी हि नेसं पच्चत्तमेव ।

तेनाह भगवा —

“सद्धम्मपूजापि पना तथेव, यथा पसंसन्ति सकायनानि ।
सब्बेव वादा तथिया भवेय्युं, सुद्धी हि नेसं पच्चत्तमेवा”ति ॥

**१४२.न ब्राह्मणस्स परनेय्यमत्थि, धम्मेषु निच्छेय्य समुग्गहीतं ।
तस्मा विवादानि उपातिवत्तो, न हि सेट्ठतो पस्सति धम्ममज्जं ॥**

न ब्राह्मणस्स परनेय्यमत्थीति । नाति पटिक्खेपो । ब्राह्मणोति सत्तन्नं धम्मनं बाहितत्ता ब्राह्मणो...पे०... असितो तादि पवुच्चते स ब्रह्मा । न ब्राह्मणस्स परनेय्यमत्थीति ब्राह्मणस्स परनेय्यता नत्थि, ब्राह्मणो न परनेय्यो, न परपत्तियो, न परपच्चयो, न परपटिबद्धगू [परपटिबन्धगू (क०)] जानाति पस्सति असम्मूळ्हो सम्पजानो पटिस्सतो । “सब्बे सङ्खारा अनिच्चा”ति ब्राह्मणस्स परनेय्यता नत्थि, ब्राह्मणो न परनेय्यो, न परपत्तियो, न परपच्चयो, न परपटिबद्धगू जानाति पस्सति असम्मूळ्हो सम्पजानो पटिस्सतो । “सब्बे सङ्खारा दुक्खा”ति...पे०... “यं किञ्चि समुदयधम्मं सब्बं तं निरोधधम्मं”न्ति

ब्राह्मणस्स परनेय्यता नत्थि, ब्राह्मणो न परनेय्यो, न परपत्तियो, न परपच्चयो, न परपटिबद्धगू जानाति पस्सति असम्मूळ्हो सम्पजानो पटिस्सतोति — न ब्राह्मणस्स परनेय्यमत्थि ।

धम्मेषु निच्छेय्य समुग्गहीतन्ति । धम्मेषूति द्वासट्ठिया दिट्ठिगतेसु । **निच्छेय्याति** निच्छिनित्वा विनिच्छिनित्वा विचिनित्वा पविचिनित्वा तुलयित्वा तीरयित्वा विभावयित्वा विभूतं कत्वा । ओधिग्गाहो बिलग्गाहो वरग्गाहो कोट्टासग्गाहो उच्चयग्गाहो समुच्चयग्गाहो “इदं सच्चं तथं भूतं याथावं अविपरीतं”न्ति गहितं परामट्ठं अभिनिविट्ठं अज्झोसितं अधिमुत्तं नत्थि न सन्ति न संविज्जति नुपलब्धति, पहीनं समुच्छिन्नं वूपसन्तं पटिपस्सद्धं अभब्बुप्पत्तिकं जाणग्गिना दट्ठन्ति — धम्मेषु निच्छेय्य समुग्गहीतं ।

तस्मा विवादानि उपातिवत्तोति । तस्माति तस्मा तंकारणा तंहेतु तप्पच्चया तंनिदाना दिट्ठिकलहानि दिट्ठिभण्डनानि दिट्ठिविग्गहानि दिट्ठिविवादानि दिट्ठिमेधगानि उपातिवत्तो अतिक्कन्तो समतिक्कन्तो वीतिवत्तोति — तस्मा विवादानि उपातिवत्तो ।

न हि सेट्ठतो पस्सति धम्ममज्जन्ति । अज्जं सत्थारं धम्मक्खानं गणं दिट्ठिं पटिपदं मग्गं अज्जत्र सतिपट्टानेहि, अज्जत्र सम्मप्पधानेहि, अज्जत्र इद्धिपादेहि, अज्जत्र इन्द्रियेहि, अज्जत्र बलेहि, अज्जत्र बोज्झङ्गेहि, अज्जत्र अरिया अट्ठङ्गिका मग्गा, अग्गं सेट्ठं विसिट्ठं पामोक्खं उत्तमं पवरं धम्मं न पस्सति न दक्खति न ओलोकेति न निज्झायति न उपपरिक्खतीति — न हि सेट्ठतो पस्सति धम्ममज्जं ।

तेनाह भगवा —

“न ब्राह्मणस्स परनेय्यमत्थि, धम्मेषु निच्छेय्य समुग्गहीतं ।
तस्मा विवादानि उपातिवत्तो, न हि सेट्ठतो पस्सति धम्ममज्ज”न्ति ॥

**१४३ जानामि पस्सामि तथेव एतं, दिट्ठिया एके पच्चेन्ति सुद्धिं ।
अदक्खि चे किज्झि तुमस्स तेन, अतिसित्वा अज्जेन वदन्ति सुद्धिं ॥**

जानामि पस्सामि तथेव एतन्ति । जानामीति परचित्तजाणेन [परचित्तविजाननजाणेन (सी०) अट्ठकथा ओलोकेतब्बा] वा जानामि, पुब्बेनिवासानुस्सतिजाणेन वा जानामि । **पस्सामीति** मंसचक्खुना वा पस्सामि, दिब्बेन चक्खुना वा पस्सामि । **तथेव एतन्ति** एतं तथं तच्छं भूतं याथावं अविपरीतन्ति — जानामि पस्सामि तथेव एतं ।

दिट्ठिया एके पच्चेन्ति सुद्धिन्ति । दिट्ठिया एके समणब्राह्मणा सुद्धिं विसुद्धिं परिसुद्धिं, मुत्तिं विमुत्तिं परिमुत्तिं पच्चेन्ति । “सस्सतो लोको, इदमेव सच्चं मोघमज्ज”न्ति दिट्ठिया एके समणब्राह्मणा सुद्धिं विसुद्धिं परिसुद्धिं, मुत्तिं विमुत्तिं परिमुत्तिं पच्चेन्ति । “असस्सतो लोको...पे०... नेव होति न न होति तथागतो परं मरणा, इदमेव सच्चं मोघमज्ज”न्ति दिट्ठिया एके समणब्राह्मणा सुद्धिं विसुद्धिं परिसुद्धिं, मुत्तिं विमुत्तिं परिमुत्तिं पच्चेन्तीति — दिट्ठिया एके पच्चेन्ति सुद्धिं ।

अदक्खि चे किज्झि तुमस्स तेनाति । अदक्खीति परचित्तजाणेन वा अदक्खि, पुब्बेनिवासानुस्सतिजाणेन वा अदक्खि, मंसचक्खुना वा अदक्खि, दिब्बेन चक्खुना वा अदक्खीति — अदक्खि चे । **किज्झि तुमस्स तेनाति ।** तस्स तेन दस्सनेन किं कतं? न दुक्खपरिज्जा अत्थि, न समुदयस्स पहानं अत्थि, न मग्गभावना अत्थि, न फलसच्छिकिरिया अत्थि,

न रागस्स समुच्छेदपहानं अत्थि, न दोसस्स समुच्छेदपहानं अत्थि, न मोहस्स समुच्छेदपहानं अत्थि, न किलेसानं समुच्छेदपहानं अत्थि, न संसारवट्टस्स उपच्छेदो अत्थीति — अदक्खि चे किञ्चि तुमस्स तेन ।

अतिसित्वा अज्जेन वदन्ति सुद्धिन्ति ते तित्थिया सुद्धिमग्गं विसुद्धिमग्गं परिसुद्धिमग्गं वोदातमग्गं परिवोदातमग्गं अतिक्कमित्वा समतिक्कमित्वा वीतिवत्तित्वा अज्जत्र सतिपट्ठानेहि, अज्जत्र सम्मपधानेहि, अज्जत्र इद्धिपादेहि, अज्जत्र इन्द्रियेहि, अज्जत्र बलेहि अज्जत्र बोज्झङ्गेहि, अज्जत्र अरिया अट्ठङ्गिका मग्गा सुद्धिं विसुद्धिं परिसुद्धिं, मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति । एवम्पि अतिसित्वा अज्जेन वदन्ति सुद्धिं ।

अथ वा बुद्धा च बुद्धसावका च पच्चेकबुद्धा च तेसं तित्थियानं असुद्धिमग्गं अविसुद्धिमग्गं अपरिसुद्धिमग्गं अवोदातमग्गं अपरिवोदातमग्गं अतिक्कमित्वा समतिक्कमित्वा वीतिवत्तित्वा चतूहि सतिपट्ठानेहि चतूहि सम्मपधानेहि चतूहि इद्धिपादेहि पञ्चहि इन्द्रियेहि पञ्चहि बलेहि सत्तहि बोज्झङ्गेहि अरियेन अट्ठङ्गिकेन मग्गेन सुद्धिं विसुद्धिं परिसुद्धिं, मुत्तिं विमुत्तिं परिमुत्तिं वदन्ति कथेन्ति भणन्ति दीपयन्ति वोहरन्तीति — एवम्पि अतिसित्वा अज्जेन वदन्ति सुद्धिं ।

तेनाह भगवा —

“जानामि पस्सामि तथेव एतं, दिट्ठिया एके पच्चेन्ति सुद्धिं ।
अदक्खि चे किञ्चि तुमस्स तेन, अतिसित्वा अज्जेन वदन्ति सुद्धिं”न्ति ॥

**१४४प्रस्सं नरो दक्खति नामरूपं, दिस्वान वा जायति [अस्सति (सी० स्या०)] तानिमेव ।
कामं बहुं पस्सतु अप्पकं वा, न हि तेन सुद्धिं कुसला वदन्ति ॥**

पस्सं नरो दक्खति नामरूपन्ति पस्सं नरो दक्खति परचित्तजाणेन वा पस्सन्तो, पुब्बेनिवासानुस्सतिजाणेन वा पस्सन्तो, मंसचक्खुना वा पस्सन्तो, दिब्बेन चक्खुना वा पस्सन्तो नामरूपंयेव दक्खति निच्चतो सुखतो अत्ततो, न तेसं धम्मानं समुदयं वा अत्थङ्गमं वा अस्सादं वा आदीनवं वा निस्सरणं वा दक्खतीति — पस्सं नरो दक्खति नामरूपं ।

दिस्वान वा जायति तानिमेवाति । दिस्वाति परचित्तजाणेन वा दिस्वा, पुब्बेनिवासानुस्सतिजाणेन वा दिस्वा, मंसचक्खुना वा दिस्वा, दिब्बेन चक्खुना वा दिस्वा, नामरूपंयेव दिस्वा जायति निच्चतो सुखतो अत्ततो, न तेसं धम्मानं समुदयं वा अत्थङ्गमं वा अस्सादं वा आदीनवं वा निस्सरणं वा जायतीति — दिस्वान वा जायति तानिमेव ।

कामं बहुं पस्सतु अप्पकं वाति । कामं बहुकं वा पस्सन्तो नामरूपं अप्पकं वा निच्चतो सुखतो अत्ततोति — कामं बहुं पस्सतु अप्पकं वा ।

न हि तेन सुद्धिं कुसला वदन्तीति । कुसलाति ये ते खन्धकुसला धातुकुसला आयतनकुसला पटिच्चसमुप्पादकुसला सतिपट्ठानकुसला सम्मपधानकुसला इद्धिपादकुसला इन्द्रियकुसला बलकुसला बोज्झङ्गकुसला मग्गकुसला फलकुसला निब्बानकुसला, ते कुसला परचित्तजाणेन वा पुब्बेनिवासानुस्सतिजाणेन वा मंसचक्खुना वा दिब्बेन चक्खुना वा नामरूपदस्सनेन सुद्धिं विसुद्धिं परिसुद्धिं मुत्तिं विमुत्तिं परिमुत्तिं न वदन्ति न कथेन्ति न भणन्ति न दीपयन्ति न वोहरन्तीति — न हि तेन सुद्धिं कुसला वदन्ति ।

तेनाह भगवा —

“पस्सं नरो दक्खति नामरूपं, दिस्वान वा जायति तानिमेव ।
कामं बहुं पस्सतु अप्पकं वा, न हि तेन सुद्धिं कुसला वदन्ती”ति ॥

**१४५ निविस्सवादी न हि सुब्बिनायो, पकप्पिता दिट्ठिपुरेक्खरानो ।
यं निस्सितो तत्थ सुभं वदानो, सुद्धिं वदो तत्थ तथद्दसा सो ॥**

निविस्सवादी न हि सुब्बिनायोति । “सस्सतो लोको, इदमेव सच्चं मोघमज्ज”न्ति निविस्सवादी, “असस्सतो लोको...पे०... नेव होति न न होति तथागतो परं मरणा, इदमेव सच्चं मोघमज्ज”न्ति — निविस्सवादी । न हि सुब्बिनायोति । निविस्सवादी दुब्बिनयो दुप्पज्जापयो [दुप्पज्जापियो (सी०) एवमीदिसेसु ठानेसु] दुन्निज्जापयो दुप्पेक्खापयो दुप्पसादयोति — निविस्सवादी न हि सुब्बिनायो ।

पकप्पिता दिट्ठिपुरेक्खरानोति । कप्पिता पकप्पिता अभिसङ्गता सण्ठपिता दिट्ठिं पुरेक्खतो कत्वा चरति । दिट्ठिधजो दिट्ठिकेतु दिट्ठाधिपतेय्यो दिट्ठिया परिवारितो चरतीति — पकप्पिता दिट्ठिपुरेक्खरानो ।

यं निस्सितो तत्थ सुभं वदानोति । यं निस्सितोति यं सत्थारं धम्मक्खानं गणं दिट्ठिं पटिपदं मगं निस्सितो आनिस्सितो अल्लीनो उपगतो अज्झोसितो अधिमुत्तोति — यं निस्सितो । तत्थाति सकाय दिट्ठिया सकाय खन्तिया सकाय रुचिया सकाय लब्धिया । सुभं वदानोति सुभवादो सोभनवादो पण्डितवादो थिरवादो जायवादो हेतुवादो लक्खणवादो कारणवादो ठानवादो सकाय लब्धियाति — यं निस्सितो तत्थ सुभं वदानो ।

सुद्धिं वदो तत्थ तथद्दसा सोति । सुद्धिवादो विसुद्धिवादो परिसुद्धिवादो वोदातवादो परिवोदातवादो । अथ वा सुद्धिदस्सनो विसुद्धिदस्सनो परिसुद्धिदस्सनो वोदातदस्सनो परिवोदातदस्सनोति — सुद्धिं वादो । तत्थाति सकाय दिट्ठिया सकाय खन्तिया सकाय रुचिया सकाय लब्धिया तथं तच्छं भूतं याथावं अविपरीतन्ति अद्दस्स अदक्खि अपस्सि पटिविज्झीति — सुद्धिं वादो तत्थ तथद्दसा सो ।

तेनाह भगवा —

“निविस्सवादी न हि सुब्बिनायो, पकप्पिता दिट्ठिपुरेक्खरानो ।
यं निस्सितो तत्थ सुभं वदानो, सुद्धिं वदो तत्थ तथद्दसा सो”ति ॥

**१४६ न ब्राह्मणो कप्पमुपेति सङ्घा, न दिट्ठिसारी नपि जाणबन्धु ।
जत्वा च सो सम्मुतियो पुथुज्जा, उपेक्खती उग्गहणन्ति मज्जे ॥**

न ब्राह्मणो कप्पमुपेति सङ्घाति । नाति पटिक्खेपो । ब्राह्मणोति सत्तन्नं धम्मानं बाहितत्ता ब्राह्मणो...पे०... असितो तादि पवुच्चते स ब्रह्मा । कप्पाति द्वे कप्पा — तण्हाकप्पो च दिट्ठिकप्पो च...पे०... अयं तण्हाकप्पो...पे०... अयं दिट्ठिकप्पो । सङ्घा वुच्चति जाणं । या पज्जा पजानना...पे०... अमोहो धम्मविचयो सम्मादिट्ठि । न ब्राह्मणो कप्पमुपेति सङ्घाति । ब्राह्मणो सङ्घाय जानित्वा तुलयित्वा तीरयित्वा विभावयित्वा विभूतं कत्वा । “सब्बे सङ्घारा अनिच्चा... सब्बे सङ्घारा दुक्खा...पे०... यं

किञ्चि समुदयधम्मं सब्बं तं निरोधधम्मं’न्ति सङ्खाय जानित्वा तुलयित्वा तीरयित्वा विभावयित्वा विभूतं कत्वा तण्हाकप्पं वा दिट्ठिकप्पं वा नेति न उपेति न उपगच्छति न गण्हाति न परामसति नाभिनिविसतीति — न ब्राह्मणो कप्पमुपेति सङ्खा ।

न दिट्ठिसारी नपि जाणबन्धूति । तस्स द्वासट्ठि दिट्ठिगतानि पहीनानि समुच्छिन्नानि वूपसन्तानि पटिपस्सद्धानि अभब्बुप्पत्तिकानि जाणगिना दड्ढानि । सो दिट्ठिया न यायति न नीयति न वुहति न संहरीयति नपि तं दिट्ठिगतं सारतो पच्चेति न पच्चागच्छतीति — न दिट्ठिसारी । **नपि जाणबन्धूति** अट्ठसमापत्तिजाणेन वा पच्चाभिज्जाजाणेन वा तण्हाबन्धुं वा दिट्ठिबन्धुं वा न करोति न जनेति न सज्जनेति न निब्बत्तेति नाभिनिब्बत्तेतीति — न दिट्ठिसारी नपि जाणबन्धु ।

जत्वा च सो सम्मुतियो पुथुज्जाति । जत्वाति जत्वा जानित्वा तुलयित्वा तीरयित्वा विभावयित्वा विभूतं कत्वा । “सब्बे सङ्खारा अनिच्चा”ति जत्वा जानित्वा तुलयित्वा तीरयित्वा विभावयित्वा विभूतं कत्वा, “सब्बे सङ्खारा दुक्खा”ति... पे०... “यं किञ्चि समुदयधम्मं सब्बं तं निरोधधम्मं”न्ति जत्वा जानित्वा तुलयित्वा तीरयित्वा विभावयित्वा विभूतं कत्वाति — जत्वा च सो । **सम्मुतियो** वुच्चन्ति द्वासट्ठि दिट्ठिगतानि दिट्ठिसम्मुतियो । **पुथुज्जाति** पुथुज्जनेहि जनिता वा ता सम्मुतियोति — पुथुज्जा । पुथु नानाजनेहि जनिता वा सम्मुतियोति पुथुज्जाति — जत्वा च सो सम्मुतियो पुथुज्जा ।

उपेक्खती उग्गहणन्ति मज्जेति । अज्जे तण्हावसेन दिट्ठिवसेन गणहन्ति परामसन्ति अभिनिविसन्ति । अरहा उपेक्खति न गण्हाति न परामसति नाभिनिविसतीति — उपेक्खती उग्गहणन्ति मज्जे ।

तेनाह भगवा —

“न ब्राह्मणो कप्पमुपेति सङ्खा, न दिट्ठिसारी नपि जाणबन्धु ।
जत्वा च सो सम्मुतियो पुथुज्जा, उपेक्खती उग्गहणन्ति मज्जे”ति ॥

१४७विस्सज्ज गन्थानि मुनीध लोके, विवादजातेसु न वग्गसारी ।

सन्तो असन्तेसु उपेक्खको सो, अनुग्गहो उग्गहणन्ति मज्जे ॥

विस्सज्ज गन्थानि मुनीध लोकेति । गन्थाति चत्तारो गन्था — अभिज्झा कायगन्थो, ब्यापादो कायगन्थो, सीलब्बतपरामासो कायगन्थो, इदंसच्चाभिनिवेसो कायगन्थो । अत्तनो दिट्ठिया रागो अभिज्झा कायगन्थो, परवादेसु आघातो अप्पच्चयो ब्यापादो कायगन्थो, अत्तनो सीलं वा वतं वा सीलब्बतं वा परामसति सीलब्बतपरामासो कायगन्थो, अत्तनो दिट्ठिं अभिनिवेसो कायगन्थो इदंसच्चाभिनिवेसो कायगन्थो । **विस्सज्जाति** गन्थे वोस्सज्जित्वा विस्सज्ज । अथ वा गन्थे गथिते गन्थिते [गथिते गण्ठिते (बहूसु) सुद्धट्ठकसुत्ते सत्तमगाथावण्णना ओलोकेतब्बा] बन्धे विबन्धे आबन्धे [बद्धे विबद्धे आबद्धे (सी०)] लग्गे लग्गिते पलिबुद्धे बन्धने फोटयित्वा विस्सज्ज । यथा वहं वा रथं वा सकटं वा सन्दमानिकं वा सज्जं विस्सज्जं करोन्ति विकोपेन्ति; एवमेव गन्थे वोस्सज्जित्वा विस्सज्ज । अथ वा गन्थे गथिते गण्ठिते बन्धे विबन्धे आबन्धे लग्गे लग्गिते पलिबुद्धे बन्धने फोटयित्वा विस्सज्ज । **मुनीति** । **मोनं** वुच्चति जाणं...पे०... सङ्गजालमतिच्च सो मुनि । **इधाति** इमिस्सा दिट्ठिया...पे०... इमस्मिं मनुस्सलोकेति — विस्सज्ज गन्थानि मुनीध लोके ।

विवादजातेसु न वग्गसारीति । विवादजातेसु सज्जातेसु निब्बत्तेसु अभिनिब्बत्तेसु पातुभूतेसु [विवादे जाते सज्जाते

निब्बत्ते अभिनिब्बत्ते पातुभूते (सी० क०)] छन्दागतिं गच्छन्तेसु दोसागतिं गच्छन्तेसु भयागतिं गच्छन्तेसु मोहागतिं गच्छन्तेसु न छन्दागतिं गच्छति, न दोसागतिं गच्छति, न भयागतिं गच्छति, न मोहागतिं गच्छति, न रागवसेन गच्छति, न दोसवसेन गच्छति, न मोहवसेन गच्छति, न मानवसेन गच्छति, न दिट्ठिवसेन गच्छति, न उद्धच्चवसेन गच्छति, न विचिकिच्छावसेन गच्छति, न अनुसयवसेन गच्छति, न वग्गेहि धम्मोहि यायति नीयति वुहति संहरीयतीति — विवादजातेसु न वग्गसारी।

सन्तो असन्तेसु उपेक्खको सोति। सन्तोति रागस्स सन्तत्ता सन्तो, दोसस्स सन्तत्ता सन्तो, मोहस्स सन्तत्ता सन्तो... पे०... सब्बाकुसलाभिसङ्खारानं सन्तत्ता समितत्ता वूपसमितत्ता विज्झातत्ता निब्बुतत्ता विगतत्ता पटिपस्सद्धत्ता सन्तो उपसन्तो वूपसन्तो निब्बुतो पटिपस्सद्धोति — सन्तो। असन्तेसूति असन्तेसु अनुपसन्तेसु अवूपसन्तेसु अनिब्बुतेसु अप्पटिपस्सद्धेसूति — सन्तो असन्तेसु। उपेक्खको सोति अरहा छळङ्गुपेक्खाय समन्नागतो चक्खुना रूपं दिस्वा नेव सुमनो होति न दुम्मनो उपेक्खको विहरति सतो सम्पजानो। सोतेन सदं सुत्वा...पे०... कालं कङ्कति भावितो सन्तोति — सन्तो असन्तेसु उपेक्खको सो।

अनुग्गहो उग्गहणन्ति मज्जेति। अज्जे तण्हावसेन दिट्ठिवसेन गण्हन्ते परामसन्ते अभिनिविसन्ते। अरहा उपेक्खति न गण्हति न परामसति नाभिनिविसतीति — अनुग्गहो उग्गहणन्ति मज्जे।

तेनाह भगवा —

“विस्सज्ज गन्थानि मुनीध लोके, विवादजातेसु न वग्गसारी।
सन्तो असन्तेसु उपेक्खको सो, अनुग्गहो उग्गहणन्ति मज्जे”ति॥

१४८. पुब्बासवे हित्वा नवे अकुब्बं, न छन्दगू नोपि निविस्सवादी।
स विप्पमुत्तो दिट्ठिगतेहि धीरो, न लिप्पति लोके अनत्तगरही॥

पुब्बासवे हित्वा नवे अकुब्बन्ति। पुब्बासवा वुच्चन्ति अतीता रूपवेदनासज्जासङ्खारविज्जाणा। अतीते सङ्खारे आरब्भ ये किलेसा उप्पज्जेय्युं ते किलेसे हित्वा चजित्वा परिच्यजित्वा पजहित्वा विनोदेत्वा ब्यन्तिं करित्वा अनभावं गमेत्वाति — पुब्बासवे हित्वा। नवे अकुब्बन्ति नवा वुच्चन्ति पच्चुप्पन्ना रूपवेदनासज्जासङ्खारविज्जाणा। पच्चुप्पन्ने सङ्खारे आरब्भ छन्दं [खन्तिं (क०)] अकुब्बमानो पेमं अकुब्बमानो रागं अकुब्बमानो अजनयमानो असज्जनयमानो अनिब्बत्तयमानो अनभिनिब्बत्तयमानोति — पुब्बासवे हित्वा नवे अकुब्बं।

न छन्दगू नोपि निविस्सवादीति। न छन्दागतिं गच्छति, न दोसागतिं गच्छति, न मोहागतिं गच्छति, न भयागतिं गच्छति, न रागवसेन गच्छति, न दोसवसेन गच्छति, न मोहवसेन गच्छति, न मानवसेन गच्छति, न दिट्ठिवसेन गच्छति, न उद्धच्चवसेन गच्छति, न विचिकिच्छावसेन गच्छति, न अनुसयवसेन गच्छति, न वग्गेहि धम्मोहि यायति नीयति वुहति न संहरीयतीति — न छन्दगू। नोपि निविस्सवादीति “सस्सतो लोको, इदमेव सच्चं मोघमज्ज”न्ति न निविस्सवादी... पे०... “नेव होति न न होति तथागतो परं मरणा, इदमेव सच्चं मोघमज्ज”न्ति न निविस्सवादीति — न छन्दगू नोपि निविस्सवादी।

स विप्पमुत्तो दिट्ठिगतेहि धीरोति तस्स द्वासट्ठि दिट्ठिगतानि पहीनानि समुच्छिन्नानि वूपसन्तानि पटिपस्सद्धानि अभिबुत्तकानि जाणगिना दट्ठानि। सो दिट्ठिगतेहि विप्पमुत्तो विसज्जुत्तो विमरियादिकतेन चेतसा विहरति। धीरोति धीरो

पण्डितो पञ्जवा बुद्धिमा जाणी विभावी मेधावीति — स विष्णुमुत्तो दिट्ठिगतेहि धीरो ।

न लिम्पति लोके अनत्तगरहीति । लेपाति द्वे लेपा — तण्हालेपो च दिट्ठिलेपो च...पे०... अयं तण्हालेपो ...पे०... अयं दिट्ठिलेपो । तस्स तण्हालेपो पहीनो, दिट्ठिलेपो पटिनिस्सट्ठो; तस्स तण्हालेपस्स पहीनत्ता, दिट्ठिलेपस्स पटिनिस्सट्ठत्ता अपायलोके न लिम्पति, मनुस्सलोके न लिम्पति, देवल्लोके न लिम्पति, खन्धलोके न लिम्पति, धातुलोके न लिम्पति, आयतनलोके न लिम्पति न पलिम्पति न उपलिम्पति, अलित्तो अपलित्तो अनुपलित्तो निक्खन्तो निस्सट्ठो विष्णुमुत्तो विसञ्जुत्तो विमरियादिकतेन चेतसा विहरतीति — न लिम्पति लोके ।

अनत्तगरहीति द्वीहि कारणेहि अत्तानं गरहति — कतत्ता च अकतत्ता च । कथं कतत्ता च अकतत्ता च अत्तानं गरहति? “कतं मे कायदुच्चरितं, अकतं मे कायसुचरितं”न्ति अत्तानं गरहति । “कतं मे वचीदुच्चरितं...पे०... कतं मे मनोदुच्चरितं ... कतो मे पाणातिपातो...पे०... कता मे मिच्छादिट्ठि, अकता मे सम्मादिट्ठि”ति अत्तानं गरहति । एवं कतत्ता च अकतत्ता च अत्तानं गरहति ।

अथ वा “सीलेसुम्हि न परिपूरकारी”ति अत्तानं गरहति । “इन्द्रियेसुम्हि अगुत्तद्वारो”ति... “भोजनेम्हि अमत्तञ्जू”ति... “जागरियम्हि अननुयुत्तो”ति... “न सतिसम्पज्ज्वेनाम्हि समन्नागतो”ति... “अभाविता मे चत्तारो सतिपट्टाना”ति... “अभाविता मे चत्तारो सम्मप्यधाना”ति... “अभाविता मे चत्तारो इट्ठिपादा”ति... “अभावितानि मे पञ्चिन्द्रियानी”ति... “अभावितानि मे पञ्च बलानी”ति... “अभाविता मे सत्त बोझङ्गा”ति... “अभावितो मे अरियो अट्ठङ्गिको मग्गो”ति... “दुक्खं मे अपरिञ्जात”न्ति... “दुक्खसमुदयो मे अप्पहीनो”ति... “मग्गो मे अभावितो”ति... “निरोधो मे असच्छिकतो”ति अत्तानं गरहति । एवं कतत्ता च अकतत्ता च अत्तानं गरहति । एवं अत्तगरही । तयिदं कम्मं अकुब्बमानो अजनयमानो असज्जनयमानो अनिब्बत्तयमानो अनभिनिब्बत्तयमानो अनत्तगरहीति — न लिम्पति लोके अनत्तगरही ।

तेनाह भगवा —

“पुब्बासवे हित्वा नवे अकुब्बं, न छन्दगू नोपि निविस्सवादी ।
स विष्णुमुत्तो दिट्ठिगतेहि धीरो, न लिम्पति लोके अनत्तगरही”ति ॥

१४९.स सब्बधम्मेषु विसेनिभूतो, यं किञ्चि दिट्ठं व सुतं मुतं वा ।

स पन्नभारो मुनि विष्णुमुत्तो, न कप्पियो नूपरतो न पत्थियो ॥[इति भगवा]

स सब्बधम्मेषु विसेनिभूतो यं किञ्चि दिट्ठं व सुतं मुतं वाति । सेना वुच्चति मारसेना । कायदुच्चरितं मारसेना, वचीदुच्चरितं मारसेना, मनोदुच्चरितं मारसेना, रागो... दोसो... मोहो... कोधो... उपनाहो... मक्खो... पळासो... इस्सा... मच्छरियं... माया... साठेय्यं... थम्भो... सारम्भो... मानो... अतिमानो... मदो... पमादो... सब्बे किलेसा... सब्बे दुच्चरिता... सब्बे दरथा... सब्बे परिळाहा... सब्बे सन्तापा... सब्बाकुसलाभिसङ्खारा मारसेना ।

वुत्तज्हेतं भगवता —

“कामा ते पठमा सेना, दुतिया अरति वुच्चति...पे०... ।
न नं असुरो जिनाति, जेत्वाव लभते सुख”न्ति ॥

यतो चतूहि अरियमग्गेहि सब्बा च मारसेना सब्बे च पटिसेनिकरा किलेसा जिता च पराजिता च भग्गा विप्पलुग्गा परम्मुखा — सो वुच्चति विसेनिभूतो । सो दिट्ठे विसेनिभूतो, सुते... मुते ... विज्जाते विसेनिभूतोति — स सब्बधम्मेषु विसेनिभूतो, यं किञ्चि दिट्ठं व सुतं मुतं वा ।

स पन्नभारो मुनि विप्पमुत्तोति । भाराति तयो भारा — खन्धभारो, किलेसभारो, अभिसङ्खारभारो । कतमो खन्धभारो? पटिसन्धिया रूपं वेदना सज्जा सङ्खारा विज्जाणं — अयं खन्धभारो । **कतमो किलेसभारो?** रागो दोसो मोहो... पे०... सब्बाकुसलाभिसङ्खारा — अयं किलेसभारो । **कतमो अभिसङ्खारभारो?** पुज्जाभिसङ्खारो अपुज्जाभिसङ्खारो आनेज्जाभिसङ्खारो — अयं अभिसङ्खारभारो । यतो खन्धभारो च किलेसभारो च अभिसङ्खारभारो च पहीना होन्ति उच्छिन्नमूला तालावत्थुकता अनभावंकता आयतिं अनुप्पादधम्मा, सो वुच्चति पन्नभारो पतितभारो ओरोपितभारो समोरोपितभारो निक्खित्तभारो पटिपस्सद्भारो ।

मुनीति मोनं वुच्चति जाणं । या पज्जा पजानना विचयो पविचयो धम्मविचयो सल्लक्खणा उपलक्खणा पच्चुपलक्खणा, पण्डिच्चं कोसल्लं नेपुज्जं वेभब्बा चिन्ता उपपरिक्खा भूरि मेधा परिनायिका विपस्सना सम्पजज्जं पतोदो पज्जा पज्जिन्द्रियं पज्जाबलं पज्जासत्थं पज्जापासादो पज्जाआलोको पज्जाओभासो पज्जापज्जोतो पज्जारतनं अमोहो धम्मविचयो सम्मादिट्ठि । तेन जाणेन समन्नागतो मुनि मोनप्पत्तो ।

तीणि मोनेय्यानि — कायमोनेय्यं, वचीमोनेय्यं, मनोमोनेय्यं । कतमं कायमोनेय्यं? तिविधानं कायदुच्चरितानं [तिविधकायदुच्चरितानं (क०) महानि० १४] पहानं कायमोनेय्यं, तिविधं कायसुचरितं कायमोनेय्यं, कायारम्मणे जाणं कायमोनेय्यं, कायपरिज्जा कायमोनेय्यं, परिज्जासहगतो मग्गो कायमोनेय्यं, काये छन्दरागस्स पहानं कायमोनेय्यं, कायसङ्खारनिरोधो चतुत्थज्झानसमापत्ति कायमोनेय्यं — इदं कायमोनेय्यं ।

कतमं वचीमोनेय्यं? चतुब्बिधानं वचीदुच्चरितानं पहानं वचीमोनेय्यं, चतुब्बिधं वचीसुचरितं वचीमोनेय्यं, वाचारम्मणे जाणं वचीमोनेय्यं, वाचापरिज्जा वचीमोनेय्यं, परिज्जासहगतो मग्गो वचीमोनेय्यं, वाचाय छन्दरागस्स पहानं वचीमोनेय्यं, वचीसङ्खारनिरोधो दुतियज्झानसमापत्ति वचीमोनेय्यं — इदं वचीमोनेय्यं ।

कतमं मनोमोनेय्यं? तिविधानं मनोदुच्चरितानं पहानं मनोमोनेय्यं, तिविधं मनोसुचरितं मनोमोनेय्यं, चित्तारम्मणे जाणं मनोमोनेय्यं, चित्तपरिज्जा मनोमोनेय्यं, परिज्जासहगतो मग्गो मनोमोनेय्यं, चित्ते छन्दरागस्स पहानं मनोमोनेय्यं, चित्तसङ्खारनिरोधो सज्जावेदयितनिरोधसमापत्ति मनोमोनेय्यं — इदं मनोमोनेय्यं ।

“कायमुनिं वाचामुनिं, मनोमुनिमनासवं ।
मुनिं मोनेय्यसम्पन्नं, आहु सब्बप्पहायिनं ॥

“कायमुनिं वाचामुनिं, मनोमुनिमनासवं ।
मुनिं मोनेय्यसम्पन्नं, आहु निन्हातपापकं”न्ति [निन्हातपापकन्ति (सी०)] ॥

इमेहि तीहि मोनेय्येहि धम्मेहि समन्नागता छ मुनिनो [मुनयो (सी० स्या० क०)] — अगारमुनिनो, अनगारमुनिनो, सेखमुनिनो, असेखमुनिनो, पच्चेकमुनिनो, मुनिमुनिनोति [मुनिमुनिनो (सी० स्या० क०) महानि० १४] । कतमे

अगारमुनिनो? ये ते अगारिका दिट्ठपदा विज्जातसासना — इमे अगारमुनिनो । कतमे अनगारमुनिनो? ये ते पब्बजिता दिट्ठपदा विज्जातसासना — इमे अनगारमुनिनो । सत्त सेखा सेखमुनिनो, अरहन्तो असेखमुनिनो । पच्चेकबुद्धा पच्चेकमुनिनो । मुनिमुनिनो वुच्चन्ति तथागता अरहन्तो सम्मासम्बुद्धा ।

“न मोनेन मुनि होति, मूळहरूपो अविद्दसु ।
यो च तुलं व पग्गह, वरमादाय पण्डितो ॥

“पापानि परिवज्जेति, स मुनि तेन सो मुनि ।
यो मुनाति उभो लोके, मुनि तेन पवुच्चति ॥

“असतज्ज सतज्ज जत्वा धम्मं, अज्झत्तं बहिद्धा च सब्बलोके ।
देवमनुस्सेहि पूजितो यो, सङ्गजालमतिच्च सो मुनि” ॥

विष्पमुत्तोति मुनिनो रागा चित्तं मुत्तं विमुत्तं सुविमुत्तं; दोसा चित्तं... मोहा चित्तं मुत्तं विमुत्तं सुविमुत्तं...पे०...
सब्बाकुसलाभिसङ्खारेहि चित्तं मुत्तं विमुत्तं सुविमुत्तन्ति — स पन्नभारो मुनि विष्पमुत्तो ।

न कप्पियो नूपरतो न पत्थियोति भगवाति । कप्पाति द्वे कप्पा — तण्हाकप्पो च दिट्ठिकप्पो च...पे०... अयं तण्हाकप्पो...पे०... अयं दिट्ठिकप्पो । तस्स तण्हाकप्पो पहीनो, दिट्ठिकप्पो पटिनिस्सट्ठो; तण्हाकप्पस्स पहीनत्ता दिट्ठिकप्पस्स पटिनिस्सट्ठत्ता तण्हाकप्पं वा दिट्ठिकप्पं वा न कप्पेति न जनेति न सज्जनेति न निब्बत्तेति नाभिनिब्बत्तेतीति — न कप्पियो । **नूपरतोति** । सब्बे बालपुथुज्जना रज्जन्ति, पुथुज्जनकल्याणकं उपादाय सत्त सेखा अप्पत्तस्स पत्तिया अनधिगतस्स अधिगमाय असच्छिकतस्स सच्छिकिरियाय आरमन्ति विरमन्ति पटिविरमन्ति, अरहा आरतो विरतो पटिविरतो निक्खन्तो निस्सट्ठो विष्पमुत्तो विसज्जुत्तो विमरियादिकतेन चेतसा विहरतीति — न कप्पियो नूपरतो । **न पत्थियोति । पत्थना** वुच्चति तण्हा । यो रागो सारागो...पे०... अभिज्झा लोभो अकुसलमूलं । यस्सेसा पत्थना तण्हा पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दट्ठा, सो वुच्चति न पत्थियो ।

भगवाति गारवाधिवचनं । अपि च भग्गरागोति भगवा, भग्गदोसोति भगवा, भग्गमोहोति भगवा, भग्गमानोति भगवा, भग्गदिट्ठीति भगवा, भग्गकण्डकोति भगवा, भग्गकिलेसोति भगवा, भजि विभजि पविभजि धम्मरतनन्ति भगवा, भवानं अन्तकरोति भगवा, भावितकायो भावितसीलो भावितचित्तो भावितपज्जोति भगवा; भागी वा भगवा अरज्जवनपत्थानि पन्तानि सेनासनानि अप्पसद्धानि अप्पनिग्घोसानि विजनवातानि मनुस्सराहस्सेय्यकानि पटिसल्लानसारुप्पानीति भगवा, भागी वा भगवा चीवरपिण्डपातसेनासनगिलानपच्चयभेसज्जपरिक्खारानन्ति भगवा, भागी वा भगवा अत्थरसस्स धम्मरसस्स विमुत्तिरसस्स अधिसीलस्स अधिचित्तस्स अधिपज्जायाति भगवा, भागी वा भगवा चतुन्नं ज्ञानानं चतुन्नं अप्पमज्जानं चतुन्नं अरूपसमापत्तीनन्ति भगवा, भागी वा भगवा अट्ठन्नं विमोक्खानं अट्ठन्नं अभिभायतनानं नवन्नं अनुपुब्बविहारसमापत्तीनन्ति भगवा, भागी वा भगवा दसन्नं सज्जाभावानं दसन्नं कसिणसमापत्तीनं आनापानस्सतिसमाधिस्स असुभसमापत्तियाति भगवा, भागी वा भगवा चतुन्नं सतिपट्ठानानं चतुन्नं सम्मप्पधानानं चतुन्नं इद्धिपादानं पज्चन्नं इन्द्रियानं पज्चन्नं बलानं सत्तन्नं बोज्झङ्गानं अरियस्स अट्ठङ्गिकस्स मग्गस्साति भगवा, भागी वा भगवा दसन्नं तथागतबलानं चतुन्नं वेसारज्जानं चतुन्नं पटिसम्भिदानं छन्नं अभिज्जानं छन्नं बुद्धधम्मनन्ति भगवा, भगवाति नेतं नामं मातरा कतं न पितरा कतं न भातरा कतं न भगिनिया कतं न मित्तामच्चोहि कतं न जातिसालोहितोहि कतं न

समणब्राह्मणेहि कतं न देवताहि कतं; विमोक्खन्तिकमेतं बुद्धानं भगवन्तानं बोधिया मूले सह सब्बज्जुतज्जाणस्स पटिलाभा सच्छिका पज्जत्ति यदिदं भगवाति — न कप्पियो नूपरतो न पत्थियो इति भगवा ।

तेनाह भगवा —

“स सब्बधम्मेषु विसेनिभूतो, यं किञ्चि दिट्ठं व सुतं मुतं वा ।
स पन्नभारो मुनि विप्पमुत्तो, न कप्पियो नूपरतो न पत्थियो” ॥[इति भगवाति]

महावियूहसुत्तनिद्देशो तेरसमो ।

१४. तुवट्टकसुत्तनिद्देशो

अथ तुवट्टकसुत्तनिद्देशं वक्खति —

१५०.पुच्छामि तं आदिच्चबन्धु, [आदिच्चबन्धू (सी० स्या०)] विवेकं सन्तिपदञ्च महेसि [महेसिं (सी० स्या०)] ।
कथं दिस्वा निब्बाति भिक्खु, अनुपादियानो लोकस्मिं किञ्चि ॥

पुच्छामि तं आदिच्चबन्धूति । पुच्छाति तिस्सो पुच्छा — अदिट्ठजोतना पुच्छा, दिट्ठसंसन्दना पुच्छा, विमतिच्छेदना पुच्छा । कतमा अदिट्ठजोतना पुच्छा? पकतिया लक्खणं अज्जातं होति अदिट्ठं अतुलितं अतीरितं अविभूतं अविभावितं, तस्स जाणाय दस्सनाय तुलनाय तीरणाय विभावनाय पज्जं पुच्छति — अयं अदिट्ठजोतना पुच्छा । कतमा दिट्ठसंसन्दना पुच्छा? पकतिया लक्खणं जातं होति दिट्ठं तुलितं तीरितं विभूतं विभावितं, अज्जेहि पण्डितेहि सद्धिं संसन्दनत्थाय पज्जं पुच्छति — अयं दिट्ठसंसन्दना पुच्छा । कतमा विमतिच्छेदना पुच्छा? पकतिया संसयपक्खन्दो [संसयपक्खन्नो (सी० स्या०)] होति विमतिपक्खन्दो द्वेळ्हकजातो, “एवं नु खो, न नु खो, किं नु खो, कथं नु खो”ति सो विमतिच्छेदनत्थाय पज्जं पुच्छति — अयं विमतिच्छेदना पुच्छा । इमा तिस्सो पुच्छा ।

अपरापि तिस्सो पुच्छा — मनुस्सपुच्छा, अमनुस्सपुच्छा, निम्मितपुच्छा । कतमा मनुस्सपुच्छा? मनुस्सा बुद्धं भगवन्तं उपसङ्गमित्वा पज्जं पुच्छन्ति, भिक्खू पुच्छन्ति, भिक्खुनियो पुच्छन्ति, उपासका पुच्छन्ति, उपासिकायो पुच्छन्ति, राजानो पुच्छन्ति, खत्तिया पुच्छन्ति, ब्राह्मणा पुच्छन्ति, वेस्सा पुच्छन्ति, सुद्धा पुच्छन्ति, गहट्ठा पुच्छन्ति, पब्बजिता पुच्छन्ति — अयं मनुस्सपुच्छा । कतमा अमनुस्सपुच्छा? अमनुस्सा बुद्धं भगवन्तं उपसङ्गमित्वा पज्जं पुच्छन्ति, नागा पुच्छन्ति, सुपण्णा पुच्छन्ति, यक्खा पुच्छन्ति, असुरा पुच्छन्ति, गन्धब्बा पुच्छन्ति, महाराजानो पुच्छन्ति, इन्दा पुच्छन्ति, ब्रह्मानो पुच्छन्ति, देवतायो पुच्छन्ति — अयं अमनुस्सपुच्छा । कतमा निम्मितपुच्छा? यं भगवा रूपं अभिनिम्मिनाति मनोमयं सब्बङ्गपच्चङ्गं अहीनिन्द्रियं तं सो निम्मितो बुद्धं भगवन्तं उपसङ्गमित्वा पज्जं पुच्छति, भगवा तस्स [नत्थि सी० स्या० पोत्थकेसु] विसज्जेति — अयं निम्मितपुच्छा । इमा तिस्सो पुच्छा ।

अपरापि तिस्सो पुच्छा — अत्तत्थपुच्छा, परत्थपुच्छा, उभयत्थपुच्छा । अपरापि तिस्सो पुच्छा — दिट्ठधम्मिकत्थपुच्छा, सम्परायिकत्थपुच्छा, परमत्थपुच्छा । अपरापि तिस्सो पुच्छा — अनवज्जत्थपुच्छा, निक्किलेसत्थपुच्छा [निकखेपत्थपुच्छा (सी० क०)], वोदानत्थपुच्छा । अपरापि तिस्सो पुच्छा — अतीतपुच्छा, अनागतपुच्छा, पच्चुप्पन्नपुच्छा । अपरापि तिस्सो

पुच्छा — अज्झत्तपुच्छा, बहिद्वापुच्छा, अज्झत्तबहिद्वापुच्छा । अपरापि तिस्सो पुच्छा — कुसलपुच्छा, अकुसलपुच्छा, अब्बाकतपुच्छा । अपरापि तिस्सो पुच्छा — खन्थापुच्छा, धातुपुच्छा, आयतनपुच्छा । अपरापि तिस्सो पुच्छा — सतिपट्ठानपुच्छा, सम्मप्पधानपुच्छा, इद्धिपादपुच्छा । अपरापि तिस्सो पुच्छा — इन्द्रियपुच्छा, बलपुच्छा, बोज्झङ्गपुच्छा । अपरापि तिस्सो पुच्छा — मग्गपुच्छा, फलपुच्छा, निब्बानपुच्छा ।

पुच्छामि तन्ति पुच्छामि तं याचामि तं अज्झेसामि तं पसादेमि तं, “कथयस्सु मे”ति — पुच्छामि तं ।
आदिच्चबन्धूति । आदिच्चो वुच्चति सूरियो [सूरियो (सी० स्या०)] । सूरियो गोतमो गोत्तेन, भगवापि गोतमो गोत्तेन, भगवा सूरियस्स गोत्तजातको गोत्तबन्धु; तस्मा बुद्धो आदिच्चबन्धूति — पुच्छामि तं आदिच्चबन्धु ।

विवेकं सन्तिपदञ्च महेसीति । विवेकाति तयो विवेका — कायविवेको, चित्तविवेको, उपधिविवेको । कतमो कायविवेको? इध भिक्खु विवित्तं सेनासनं भजति अरज्जं रुक्खमूलं पब्बतं कन्दरं गिरिगुहं सुसानं वनपत्थं अब्भोकासं पलालपुज्जं कायेन विवित्तेन विहरति । सो एको गच्छति, एको तिड्ढति, एको निसीदति, एको सेय्यं कप्पेति, एको गामं पिण्डाय पविसति, एको पटिक्कमति, एको रहो निसीदति, एको चङ्कमं अधिद्धाति, एको चरति विहरति इरियति वत्तति पालेति यपेति यापेति — अयं कायविवेको ।

कतमो चित्तविवेको? पठमं ज्ञानं समापन्नस्स नीवरणेहि चित्तं विवित्तं होति, दुतियं ज्ञानं समापन्नस्स वितक्कविचारेहि चित्तं विवित्तं होति, ततियं ज्ञानं समापन्नस्स पीतिया चित्तं विवित्तं होति, चतुत्थं ज्ञानं समापन्नस्स सुखदुक्खेहि चित्तं विवित्तं होति, आकासानज्जायतनं समापन्नस्स रूपसज्जाय पटिघसज्जाय नानत्तसज्जाय चित्तं विवित्तं होति, विज्जाणज्जायतनं समापन्नस्स आकासानज्जायतनसज्जाय चित्तं विवित्तं होति, आकिञ्चज्जायतनं समापन्नस्स विज्जाणज्जायतनसज्जाय चित्तं विवित्तं होति, नेवसज्जानासज्जायतनं समापन्नस्स आकिञ्चज्जायतनसज्जाय चित्तं विवित्तं होति । सोतापन्नस्स सक्कायदिट्ठिया विचिकिच्छाय सीलब्बतपरामासा दिट्ठानुसया विचिकिच्छानुसया, तदेकट्ठेहि च किलेसेहि चित्तं विवित्तं होति । सकदागामिस्स ओळारिका कामरागसज्जोजना पटिघसज्जोजना ओळारिका कामरागानुसया पटिघानुसया, तदेकट्ठेहि च किलेसेहि चित्तं विवित्तं होति । अनागामिस्स अनुसहगता कामरागसज्जोजना पटिघसज्जोजना अनुसहगता कामरागानुसया पटिघानुसया, तदेकट्ठेहि च किलेसेहि चित्तं विवित्तं होति । अरहतो रूपरागा अरूपरागा माना उद्धच्चा अविज्जाय मानानुसया भवरागानुसया अविज्जानुसया, तदेकट्ठेहि च किलेसेहि बहिद्वा च सब्बनिमित्तेहि चित्तं विवित्तं होति — अयं चित्तविवेको ।

कतमो उपधिविवेको? **उपधि** वुच्चति किलेसा च खन्था च अभिसङ्खारा च । उपधिविवेको वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं — अयं उपधिविवेको । कायविवेको च विवेकट्ठकायानं [वूपकट्ठकायानं (सी०)] नेक्खम्माभिरतानं, चित्तविवेको च परिसुद्धचित्तानं परमवोदानपत्तानं, उपधिविवेको च निरुपधीनं पुग्गलानं विसङ्खारगतानं । **सन्तीति** एकेन आकारेण सन्तिपि सन्तिपदम्पि तंयेव अमतं निब्बानं, यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । वुत्तज्हेतं भगवता — “सन्तमेतं पदं, पणीतमेतं पदं, यदिदं सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं”न्ति । अथ अपरेण आकारेण ये धम्मा सन्ताधिगमाय सन्तिफुसनाय सन्तिसच्छिकिरियाय संवत्तन्ति, सेय्यथिदं — चत्तारो सतिपट्ठाना, चत्तारो सम्मप्पधाना, चत्तारो इद्धिपादा, पञ्चिन्द्रियाणि, पञ्च बलानि, सत्त बोज्झङ्गा, अरियो अट्ठङ्गिको मग्गो — इमे वुच्चन्ति सन्तिपदं ताणपदं लेणपदं सरणपदं अभयपदं अच्युतपदं अमतपदं निब्बानपदं ।

महेसीति महेसि भगवा । महन्तं सीलक्खन्धं एसी गवेसी परियेसीति महेसि, महन्तं समाधिक्खन्धं...पे०... महन्तं पज्जाक्खन्धं... महन्तं विमुत्तिक्खन्धं... महन्तं विमुत्तिजाणदस्सनक्खन्धं एसी गवेसी परियेसीति महेसि; महतो तमोकायस्स पदालनं, महतो विपल्लासस्स भेदनं, महतो तण्हासल्लस्स अब्बहनं [अब्बूहनं (सी० स्या०), अब्भुहनं (क०)], महतो दिट्ठिसङ्घातस्स विनिवेठनं, महतो मानधजस्स पपातनं [पवाहनं (स्या०)], महतो अभिसङ्घारस्स वूपसमं, महतो ओघस्स नित्थरणं, महतो भारस्स निक्खेपनं, महतो संसारवट्टस्स उपच्छेदं, महतो सन्तापस्स निब्बापनं, महतो परिळाहस्स पटिपस्सद्धिं, महतो धम्मधजस्स उस्सापनं एसी गवेसी परियेसीति महेसि, महन्ते सतिपट्टाने महन्ते सम्मप्पधाने महन्ते इद्धिपादे महन्तानि इन्द्रियानि महन्तानि बलानि महन्ते बोज्झङ्गे महन्तं अरियं अट्ठङ्गिकं मगं महन्तं परमत्थं अमत्तं निब्बानं एसी गवेसी परियेसीति महेसि; महेसक्खेहि वा सत्तेहि एसितो गवेसितो परियेसितो कहां बुद्धो कहां भगवा कहां देवदेवो कहां नरासभोति महेसीति — विवेकं सन्तिपदञ्च महेसि ।

कथं दिस्वा निब्बाति भिक्खूति । कथं दिस्वा पस्सित्वा तुलयित्वा तीरयित्वा विभावयित्वा विभूतं कत्वा अत्तनो रागं निब्बापेति, दोसं निब्बापेति, मोहं निब्बापेति, कोधं...पे०... उपनाहं... मक्खं... पळासं... इस्सं... मच्छरियं... मायं... साठेय्यं... थम्भं... सारम्भं... मानं... अतिमानं... मदं... पमादं... सब्बे किलेसे... सब्बे दुच्चरिते... सब्बे दरथे... सब्बे परिळाहे... सब्बे सन्तापे ... सब्बाकुसलाभिसङ्घारे निब्बापेति समेति उपसमेति वूपसमेति पटिपस्सम्भेति । भिक्खूति पुथुज्जनकल्याणको वा भिक्खु सेखो वा भिक्खूति — कथं दिस्वा निब्बाति भिक्खु ।

अनुपादियानो लोकस्मिं किञ्चीति । चतूहि उपादानेहि अनुपादियमानो अगण्हयमानो अपरामसमानो अनभिनिविसमानो । लोकस्मिन्ति अपायलोके मनुस्सलोके देवलोके, खन्धलोके धातुलोके आयतनलोके । किञ्चीति किञ्चि रूपगतं वेदनागतं सज्जागतं सङ्खारगतं विज्जाणगतन्ति — अनुपादियानो लोकस्मिं किञ्चि ।

तेनाह सो निम्मितो —

“पुच्छामि तं आदिच्चबन्धु, विवेकं सन्तिपदञ्च महेसि ।
कथं दिस्वा निब्बाति भिक्खु, अनुपादियानो लोकस्मिं किञ्ची”ति ॥

१५१.मूलं पपञ्चसङ्घाय, [इति भगवा]

मन्ता अस्मीति सब्बमुपरुन्धे [सब्बमुपरुद्धे (स्या०)] ।

या काचि तण्हा अज्झत्तं, तासं विनया सदा सतो सिक्खे ॥

मूलं पपञ्चसङ्घाय, [इति भगवा] मन्ता अस्मीति सब्बमुपरुन्धेति । पपञ्चायेव पपञ्चसङ्घा । तण्हापपञ्चसङ्घा दिट्ठिपपञ्चसङ्घा । कतमं तण्हापपञ्चस्स मूलं? अविज्जामूलं, अयोनिमोमनसिकारो मूलं, अस्मिमानो मूलं, अहिरिकं मूलं, अनोत्तपं मूलं, उद्धच्चं मूलं — इदं तण्हापपञ्चस्स मूलं । कतमं दिट्ठिपपञ्चस्स मूलं? अविज्जामूलं, अयोनिमोमनसिकारो मूलं, अस्मिमानो मूलं, अहिरिकं मूलं, अनोत्तपं मूलं, उद्धच्चं मूलं — इदं दिट्ठिपपञ्चस्स मूलं ।

भगवाति गारवाधिवचनं । अपि च भग्गरागोति भगवा, भग्गदोसोति भगवा, भग्गमोहोति भगवा, भग्गमानोति भगवा, भग्गदिट्ठीति भगवा, भग्गकण्डकोति भगवा, भग्गकिलेसोति भगवा, भजि विभजि पविभजि धम्मरतनन्ति भगवा, भवानं अन्तकरोति भगवा, भावितकायो भावितसीलो भावितचित्तो भावितपज्जोति भगवा; भागी वा भगवा अरञ्जवनपत्थानि

पन्तानि सेनासनानि अप्ससद्धानि अप्पनिग्घोसानि विजनवातानि मनुस्सराहस्सेय्यकानि पटिसल्लानसारुप्पानीति भगवा, भागी वा भगवा चीवरपिण्डपातसेनासनगिलानपच्चयभेसज्जपरिक्खारानन्ति भगवा, भागी वा भगवा अत्थरसस्स धम्मरसस्स विमुत्तिरसस्स अधिशीलस्स अधिचित्तस्स अधिपज्जायाति भगवा, भागी वा भगवा चतुन्नं ज्ञानानं चतुन्नं अप्पमज्जानं चतुन्नं अरूपसमापत्तीनन्ति भगवा, भागी वा भगवा अटुन्नं विमोक्खानं अटुन्नं अभिभायतनानं नवन्नं अनुपुब्बविहारसमापत्तीनन्ति भगवा, भागी वा भगवा दसन्नं सज्जाभावानानं दसन्नं कसिणसमापत्तीनं आनापानस्सतिसमाधिस्स असुभसमापत्तियाति भगवा, भागी वा भगवा चतुन्नं सतिपट्टानानं चतुन्नं सम्मप्पधानानं चतुन्नं इद्धिपादानं पच्चन्नं इन्द्रियानं पच्चन्नं बलानं सत्तन्नं बोज्झङ्गानं अरियस्स अट्टङ्गिकस्स मग्गस्साति भगवा, भागी वा भगवा दसन्नं तथागतबलानं चतुन्नं वेसारज्जानं चतुन्नं पटिसम्भिदानं छन्नं अभिज्जानं छन्नं बुद्धधम्मनन्ति भगवा, भगवाति नेतं नामं मातरा कतं न पितरा कतं न भातरा कतं न भगिनिया कतं न मित्तामच्चैहि कतं न जातिसालोहितेहि कतं न समणब्राह्मणेहि कतं न देवताहि कतं; विमोक्खन्तिकमेतं बुद्धानं भगवन्तानं बोधिया मूले सह सब्बज्जुतजाणस्स पटिलाभा सच्छिका पज्जति यदिदं भगवाति — मूलं पपच्चसङ्खाय इति भगवा ।

मन्ता अस्मीति सब्बमुपरुन्धेति । मन्ता वुच्चति पज्जा । या पज्जा पजानना...पे०... अमोहो धम्मविचयो सम्मादिट्ठि । **अस्मीति** रूपे अस्मीति मानो अस्मीति छन्दो अस्मीति अनुसयो; वेदनाय... सज्जाय... सङ्खारेसु... विज्जाणे अस्मीति मानो अस्मीति छन्दो अस्मीति अनुसयोति । मूलं पपच्चसङ्खाय इति भगवा । **मन्ता अस्मीति सब्बमुपरुन्धेति ।** पपच्चसङ्खाय मूलञ्च अस्मिमानञ्च मन्ताय सब्बं रुन्धेय्य उपरुन्धेय्य निरोधेय्य वूपसमेय्य अत्थङ्गमेय्य पटिपस्सम्भेय्याति — मूलं पपच्चसङ्खाय इति भगवा, मन्ता अस्मीति सब्बमुपरुन्धे ।

या काचि तण्हा अज्झत्तन्ति । या काचीति सब्बेन सब्बं सब्बथा सब्बं असेसं निस्सेसं परियादियनवचनमेतं — या काचीति । **तण्हाति** रूपतण्हा...पे०... धम्मतण्हा । **अज्झत्तन्ति** अज्झत्तसमुट्ठाना वा **[अज्झत्तं समुट्ठाति (स्या०)]** सा तण्हाति — अज्झत्तं । अथ वा **अज्झत्तिकं** वुच्चति चित्तं । यं चित्तं मनो मानसं हृदयं पण्डरं मनो मनायतनं मनिन्द्रियं विज्जाणं विज्जाणक्खन्धो तज्जा मनोविज्जाणधातु । चित्तेन सा तण्हा सहगता सहजाता संसट्ठा सम्पयुक्ता एकुप्पादा एकनिरोधा एकवत्थुका एकारम्मणातिपि अज्झत्तन्ति — या काचि तण्हा अज्झत्तं ।

तासं विनया सदा सतो सिक्खेति । सदाति सदा सब्बदा सब्बकालं निच्चकालं ध्रुवकालं, सततं समितं अब्बोकिण्णं पोड्डानुपोड्डं उदकूमिगजातं अवीचिसन्ततिसहितं फुसितं, पुरेभत्तं पच्छाभत्तं, पुरिमं यामं मज्झिमं यामं पच्छिमं यामं, काळे जुण्हे, वस्से हेमन्ते गिम्हे, पुरिमे वयोखन्धे मज्झिमे वयोखन्धे पच्छिमे वयोखन्धे । **सतोति** चतूहि कारणेहि सतो — काये कायानुपस्सनासतिपट्टानं भावेन्तो सतो, वेदनासु...पे०... चित्ते...पे०... धम्मेसु धम्मानुपस्सनासतिपट्टानं भावेन्तो सतो । अपरेहिपि चतूहि कारणेहि सतो — असति परिवज्जनाय सतो, सतिकरणीयानं धम्मानं कतत्ता सतो, सतिपटिपक्खानं धम्मानं हतत्ता सतो, सतिनिमित्तानं असम्मुट्ठत्ता सतो । अपरेहिपि चतूहि कारणेहि सतो — सतिया समन्नागतत्ता सतो, सतिया वसितत्ता सतो, सतिया पागुज्जताय सतो, सतिया अपच्चोरोहनताय सतो । अपरेहिपि चतूहि कारणेहि सतो — सत्तत्ता सतो, सन्तत्ता सतो, समितत्ता सतो, सन्तधम्मसमन्नागतत्ता सतो । बुद्धानुस्सतिया सतो, धम्मानुस्सतिया सतो, सङ्गानुस्सतिया सतो, सीलानुस्सतिया सतो, चागानुस्सतिया सतो, देवतानुस्सतिया सतो, आनापानस्सतिया सतो, मरणस्सतिया सतो, कायगतासतिया सतो, उपसमानुस्सतिया सतो । या सति अनुस्सति पटिस्सति, सति सरणता धारणता अपिलापनता असम्मुस्सनता, सति सतिन्द्रियं सतिबलं सम्मासति सतिसम्बोज्झङ्गो एकायनमग्गो — अयं वुच्चति सति । इमाय सतिया उपेतो समुपेतो, उपगतो समुपगतो, उपपन्नो समुपपन्नो, समन्नागतो

सो वुच्चति सतो ।

सिक्खेति तिस्सो सिक्खा — अधिसीलसिक्खा, अधिचित्तसिक्खा, अधिपज्जासिक्खा । कतमा अधिसीलसिक्खा? इध भिक्खु सीलवा होति, पातिमोक्खसंवरसंवृतो विहरति आचारगोचरसम्पन्नो, अणुमत्तेसु वज्जेसु भयदस्सावी, समादाय सिक्खति सिक्खापदेसु, खुदको सीलक्खन्धो... महन्तो सीलक्खन्धो, सीलं पतिट्ठा आदि चरणं संयमो संवरो मुखं पमुखं कुसलानं धम्मानं समापत्तिया — अयं अधिसीलसिक्खा ।

कतमा अधिचित्तसिक्खा? इध भिक्खु विविच्चेव कामेहि विविच्च अकुसलेहि धम्मेहि सवितक्कं सविचारं विवेकजं पीतिसुखं पठमं ज्ञानं उपसम्पज्ज विहरति । वितक्कविचारानं वूपसमा अज्झत्तं सम्पसादनं चेतसो एकोदिभावं अवितक्कं अविचारं समाधिजं पीतिसुखं दुतियं ज्ञानं उपसम्पज्ज विहरति । पीतिया च विरागा उपेक्खको च विहरति सतो च सम्पज्जानो सुखञ्च कायेन पटिसंवेदेति, यं तं अरिया आचिक्खन्ति “उपेक्खको सतिमा सुखविहारी”ति ततियं ज्ञानं उपसम्पज्ज विहरति । सुखस्स च पहाना दुक्खस्स च पहाना पुब्बेव सोमनस्सदोमनस्सानं अत्थङ्गमा **अदुक्खमसुखं** उपेक्खासतिपारिसुद्धिं चतुत्थं ज्ञानं उपसम्पज्ज विहरति — अयं अधिचित्तसिक्खा ।

कतमा अधिपज्जासिक्खा? इध भिक्खु पज्जवा होति, उदयत्थगामिनिया पज्जाय समन्नागतो अरियाय निब्बेधिकाय सम्मादुक्खक्खयगामिनिया । सो इदं दुक्खन्ति यथाभूतं पजानाति, अयं दुक्खसमुदयोति यथाभूतं पजानाति, अयं दुक्खनिरोधोति यथाभूतं पजानाति, अयं दुक्खनिरोधगामिनी पटिपदाति यथाभूतं पजानाति, इमे आसवाति यथाभूतं पजानाति, अयं आसवसमुदयोति यथाभूतं पजानाति, अयं आसवनिरोधोति यथाभूतं पजानाति, अयं आसवनिरोधगामिनी पटिपदाति यथाभूतं पजानाति — अयं अधिपज्जासिक्खा ।

तासं विनया सदा सतो सिक्खेति । तासं तण्हानं विनयाय पटिविनयाय पहानाय वूपसमाय पटिनिस्सग्गाय पटिपस्सद्दिया अधिसीलम्पि सिक्खेय्य, अधिचित्तम्पि सिक्खेय्य, अधिपज्जम्पि सिक्खेय्य; इमा तिस्सो सिक्खायो आवज्जन्तो सिक्खेय्य, पजानन्तो सिक्खेय्य, पस्सन्तो सिक्खेय्य, पच्चवेक्खन्तो सिक्खेय्य, चित्तं अधिदुहन्तो सिक्खेय्य, सद्धाय अधिमुच्चन्तो सिक्खेय्य, वीरियं पगगणहन्तो सिक्खेय्य, सतिं उपट्टपेन्तो सिक्खेय्य, चित्तं समादहन्तो सिक्खेय्य, पज्जाय पजानन्तो सिक्खेय्य, अभिज्जेय्यं अभिजानन्तो सिक्खेय्य, परिज्जेय्यं परिजानन्तो सिक्खेय्य, पहातब्बं पजहन्तो सिक्खेय्य, भावेतब्बं भावेन्तो सिक्खेय्य, सच्छिकातब्बं सच्छिकरोन्तो सिक्खेय्य आचरेय्य समाचरेय्य समादाय वत्तेय्याति — तासं विनया सदा सतो सिक्खे ।

तेनाह भगवा —

“मूलं पपञ्चसङ्गाय, [इति भगवा]

मन्ता अस्मीति सब्बमुपरुन्धे ।

या काचि तण्हा अज्झत्तं, तासं विनया सदा सतो सिक्खे”ति ॥

१५२.यं किञ्चि धम्ममभिजज्जा, अज्झत्तं अथ वापि बहिद्धा ।

न तेन थामं कुब्बेथ, न हि सा निब्बुति सतं वुत्ता ॥

यं किञ्चि धम्ममभिजज्जा अज्झत्तन्ति । यं किञ्चि अत्तनो गुणं जानेय्य कुसले वा धम्मे अब्याकते वा धम्मे । कतमे अत्तनो गुणा? उच्चा कुला पब्बजितो वा अस्सं [अस्स (स्या०)], महाभोगकुला पब्बजितो वा अस्सं, उळारभोगकुला पब्बजितो वा अस्सं, जातो यसस्सी सगहट्टपब्बजितानन्ति वा अस्सं, लाभिम्हि चीवरपिण्डपातसेनासनगिलानपच्चयभेसज्जपरिक्खारानन्ति वा अस्सं, सुत्तन्तिको वा अस्सं, विनयधरो वा अस्सं, धम्मकथिको वा अस्सं, आरज्जिको वा अस्सं, पिण्डपातिको वा अस्सं, पंसुकूलिको वा अस्सं, तेचीवरिको वा अस्सं, सपदानचारिको वा अस्सं, खलुपच्छाभत्तिको वा अस्सं, नेसज्जिको वा अस्सं, यथासन्थतिको वा अस्सं, पठमस्स ज्ञानस्स लाभीति वा अस्सं, दुतियस्स ज्ञानस्स लाभीति वा अस्सं, ततियस्स ज्ञानस्स लाभीति वा अस्सं, चतुथस्स ज्ञानस्स लाभीति वा अस्सं, आकासानज्जायतनसमापत्तिया लाभीति वा अस्सं, विज्जाणज्जायतनसमापत्तिया... आकिञ्चज्जायतनसमापत्तिया... नेवसज्जानासज्जायतनसमापत्तिया लाभीति वा अस्सं — इमे वुच्चन्ति अत्तनो गुणा । यं किञ्चि अत्तनो गुणं जानेय्य आजानेय्य विजानेय्य पटिविजानेय्य पटिविज्जेय्याति — यं किञ्चि धम्ममभिजज्जा अज्झत्तं । अथ वापि बहिद्वाति । उपज्जायस्स वा आचरियस्स वा ते गुणा अस्सूति [अस्सूति अज्झत्तं (बहूसु)] — अथ वापि बहिद्वा ।

न तेन थामं कुब्बेथाति । अत्तनो वा गुणेन परेसं वा गुणेन थामं न करेय्य, थम्भं न करेय्य, मानं न करेय्य, उन्नतिं न करेय्य, उन्नमं न करेय्य, न तेन मानं जनेय्य, न तेन थद्दो अस्स पत्थद्दो पग्गहितसिरोति — न तेन थामं कुब्बेथ ।

न हि सा निब्बुति सतं वुत्ताति । सतानं सन्तानं सप्पुरिसानं बुद्धानं बुद्धसावकानं पच्चेकबुद्धानं सा निब्बुतीति न वुत्ता न पवुत्ता न आचिक्खिता न देसिता न पज्जपिता न पट्टपिता न विवटा न विभत्ता न उत्तानीकता नप्पकासिताति — न हि सा निब्बुति सतं वुत्ता ।

तेनाह भगवा —

“यं किञ्चि धम्ममभिजज्जा, अज्झत्तं अथ वापि बहिद्वा ।

न तेन थामं कुब्बेथ, न हि सा निब्बुति सतं वुत्ता”ति ॥

१५३. सेय्यो न तेन मज्जेय्य, नीचेय्यो अथ वापि सरिक्खो ।

फुट्ठो अनेकरूपेहि, नातुमानं विकप्पयं तिट्ठे ॥

सेय्यो न तेन मज्जेय्याति । “सेय्योहमस्मी”ति अतिमानं न जनेय्य जातिया वा गोत्तेन वा कोलपुत्तियेन वा वण्णपोक्खरताय वा धनेन वा अज्जेनेन वा कम्मायतनेन वा सिप्पायतनेन वा विज्जाड्डानेन वा सुतेन वा पटिभानेन वा अज्जतरज्जतरेन वा वत्थुनाति — सेय्यो न तेन मज्जेय्य ।

नीचेय्यो अथ वापि सरिक्खोति । “हीनोहमस्मी”ति ओमानं न जनेय्य जातिया वा गोत्तेन वा...पे०... अज्जतरज्जतरेन वा वत्थुना । “सदिसोहमस्मी”ति मानं न जनेय्य जातिया वा गोत्तेन वा कोलपुत्तियेन वा वण्णपोक्खरताय वा धनेन वा अज्जेनेन वा कम्मायतनेन वा सिप्पायतनेन वा विज्जाड्डानेन वा सुतेन वा पटिभानेन वा अज्जतरज्जतरेन वा वत्थुनाति — नीचेय्यो अथ वापि सरिक्खो ।

फुट्ठो अनेकरूपेहीति । अनेकविधेहि आकारेहि फुट्ठो परेतो समोहितो समन्नागतोति — फुट्ठो अनेकरूपेहि ।

नातुमानं विकप्पयं तिट्ठेति । आतुमा वुच्चति अत्ता । अत्तानं कप्पेन्तो विकप्पेन्तो विकप्पं आपज्जन्तो न तिट्ठेय्याति — नातुमानं विकप्पयं तिट्ठे ।

तेनाह भगवा —

“सेय्यो न तेन मज्जेय्य, नीचेय्यो अथ वापि सरिक्खो ।
फुट्ठो अनेकरूपेहि, नातुमानं विकप्पयं तिट्ठे”ति ॥

१५४ अज्झत्तमेवुपसमे, न अज्जतो भिक्खु सन्तिमेसेय्य ।

अज्झत्तं उपसन्तस्स, नत्थि अत्ता [अत्तं (स्या०)] कुतो निरत्ता [निरत्तं (स्या०)] वा ॥

अज्झत्तमेवुपसमेति । अज्झत्तं रागं समेय्य, दोसं समेय्य, मोहं समेय्य, कोधं...पे०... उपनाहं... मक्खं... पळासं... इस्सं... मच्छरियं... मायं... साठेय्यं... थम्भं... सारम्भं ... मानं... अतिमानं... मदं... पमादं... सब्बे किलेसे... सब्बे दुच्चरिते... सब्बे दरथे... सब्बे परिळाहे... सब्बे सन्तापे... सब्बाकुसलाभिसङ्खारे समेय्य उपसमेय्य वूपसमेय्य निब्बापेय्य पटिपस्सम्भेय्याति — अज्झत्तमेवुपसमे ।

न अज्जतो भिक्खु सन्तिमेसेय्याति । अज्जतो असुद्धिमग्गेन, मिच्छापटिपदाय, अनिय्यानपतेन, अज्जत्र सतिपट्टानेहि, अज्जत्र सम्मप्पधानेहि, अज्जत्र इद्धिपादेहि, अज्जत्र इन्द्रियेहि, अज्जत्र बलेहि, अज्जत्र बोज्झङ्गेहि, अज्जत्र अरिया अट्ठङ्गिका मग्गा सन्तिं उपसन्तिं वूपसन्तिं निब्बुतिं पटिपस्सद्धिं न एसेय्य न गवेसेय्य न परियेसेय्याति — न अज्जतो भिक्खु सन्तिमेसेय्य ।

अज्झत्तं उपसन्तस्साति । अज्झत्तं रागं सन्तस्स, दोसं सन्तस्स, मोहं सन्तस्स...पे०... सब्बाकुसलाभिसङ्खारे सन्तस्स उपसन्तस्स वूपसन्तस्स निब्बुतस्स पटिपस्सद्धियाति — अज्झत्तं उपसन्तस्स ।

नत्थि अत्ता कुतो निरत्ता वाति । नत्थीति पटिक्खेपो । अत्ताति अत्तदिट्ठि नत्थि; निरत्ताति उच्छेददिट्ठि नत्थि । अत्ताति गहितं नत्थि; निरत्ताति मुञ्चितब्बं नत्थि । यस्सत्थि गहितं, तस्सत्थि मुञ्चितब्बं । तस्स गहितं गाहं मुञ्चनं समतिक्कन्तो अरहा वुद्धिपारिहानिवीतिवत्तो । सो वुट्ठवासो चिण्णचरणो...पे०... जातिमरणसंसारो, नत्थि तस्स पुनब्भवोति — नत्थि अत्ता कुतो निरत्ता वा ।

तेनाह भगवा —

“अज्झत्तमेवुपसमे, न अज्जतो भिक्खु सन्तिमेसेय्य ।
अज्झत्तं उपसन्तस्स, नत्थि अत्ता कुतो निरत्ता वा”ति ॥

१५५ मज्झे यथा समुदस्स, ऊमि नो जायती ठितो होति ।

एवं ठितो अनेजस्स, उस्सदं भिक्खु न करेय्य [करे (सी०)] कुहिज्जि ॥

मज्झे यथा समुद्दस्स, ऊमि नो जायती ठितो होतीति । समुद्दो चतुरासीतियोजनसहस्सानि उब्बेधेन गम्भीरो । हेट्ठा चत्तारीसयोजनसहस्सानि उदकं मच्छकच्छपेहि कम्पति । उपरि चत्तारीसयोजनसहस्सानि उदकं वातेहि कम्पति । मज्झे चत्तारीसयोजनसहस्सानि उदकं न कम्पति न विकम्पति न चलति न वेधति नप्पवेधति न सम्पवेधति । अनेरितो अघट्टितो अचलितो अलुळितो अभन्तो वूपसन्तो तत्र ऊमि नो जायति, ठितो होति समुद्दोति । एवम्पि मज्झे यथा समुद्दस्स ऊमि नो जायती ठितो होति ।

अथ वा सत्तन्नं पब्बतानं अन्तरिकासु सत्तसीदन्तरा महासमुद्दा । [सीदन्तरसमुद्दो (स्या०)] तत्र उदकं न कम्पति न विकम्पति न चलति न वेधति नप्पवेधति न सम्पवेधति । अनेरितो अघट्टितो अचलितो अलुळितो अभन्तो वूपसन्तो तत्र ऊमि नो जायति, ठितो होति समुद्दोति । एवम्पि मज्झे यथा समुद्दस्स ऊमि नो जायती ठितो होति ।

एवं ठितो अनेजस्साति । एवन्ति ओपम्मसम्पटिपादनं । ठितोति लाभेपि न कम्पति, अलाभेपि न कम्पति, यसेपि न कम्पति, अयसेपि न कम्पति, पसंसायपि न कम्पति, निन्दायपि न कम्पति, सुखेपि न कम्पति, दुक्खेपि न कम्पति न विकम्पति न चलति न वेधति नप्पवेधति न सम्पवेधतीति — एवं ठितो । अनेजस्साति एजा वुच्चति तण्हा । यो रागो सारागो...पे०... अभिज्झा लोभो अकुसलमूलं । यस्सेसा एजा तण्हा पहीना उच्छिन्ना समुच्छिन्ना वूपसन्ता पटिपस्सद्वा अभब्बुप्पत्तिका जाणगिना दट्ठा, सो वुच्चति अनेजो । एजाय पहीनत्ता अनेजो; सो लाभेपि न इज्जति, अलाभेपि न इज्जति, यसेपि न इज्जति, अयसेपि न इज्जति, पसंसायपि न इज्जति, निन्दायपि न इज्जति, सुखेपि न इज्जति, दुक्खेपि न इज्जति, न चलति न वेधति नप्पवेधति न सम्पवेधतीति — एवं ठितो अनेजस्स ।

उस्सदं भिक्खु न करेय्य कुहिज्जीति । उस्सदाति सत्तुस्सदा — रागुस्सदं [रागुस्सदो (स्या०)], दोसुस्सदं, मोहुस्सदं, मानुस्सदं, दिट्ठुस्सदं, किलेसुस्सदं, कम्मसुस्सदं न करेय्य न जनेय्य न सज्जनेय्य न निब्बत्तेय्य नाभिनिब्बत्तेय्य । कुहिज्जीति कुहिज्जि किस्मिज्जि कत्थाचि अज्झत्तं वा बहिद्वा वा अज्झत्तबहिद्वा वाति — उस्सदं भिक्खु न करेय्य कुहिज्जि ।

तेनाह भगवा —

“मज्झे यथा समुद्दस्स, ऊमि नो जायती ठितो होति ।

एवं ठितो अनेजस्स, उस्सदं भिक्खु न करेय्य कुहिज्जी”ति ॥

१५६.अकित्तयी विवटचक्खु, सक्खिधम्मं परिस्सयविनयं ।

पटिपदं वदेहि भदन्ते, पातिमोक्खं अथ वापि समाधिं ॥

अकित्तयी विवटचक्खूति । अकित्तयीति कित्तितं आचिक्खितं देसितं पज्जपितं पट्टपितं विवटं विभत्तं उत्तानीकतं पकासितन्ति — अकित्तयि [अकित्तयीति अकित्तयि परिकित्तयि आचिक्खि देसेसि पज्जपेसि पट्टपेसि विवरि विभजि उत्तानिमकासि पकासेसीति अकित्तयि (स्या०)] । विवटचक्खूति भगवा पज्जहि चक्खूहि विवटचक्खु — मंसचक्खुनापि विवटचक्खु, दिब्बेन चक्खुनापि विवटचक्खु, पज्जाचक्खुनापि विवटचक्खु, बुद्धचक्खुनापि विवटचक्खु, समन्तचक्खुनापि विवटचक्खु ।

कथं भगवा मंसचक्खुनापि विवटचक्खु? मंसचक्खुम्हिपि भगवतो पज्ज वण्णा संविज्जन्ति — नीलो च वण्णो, पीतको च वण्णो, लोहितको च वण्णो, कण्हो च वण्णो, ओदातो च वण्णो । अक्खिलोमानि च भगवतो यत्थ च

अक्खिलोमानि पतिट्ठितानि तं नीलं होति सुनीलं पासादिकं दस्सनेय्यं उमापुप्फसमानं [उम्मापुप्फसमानं (सी० क०), उम्मारपुप्फसमानं (स्या०)] । तस्स परतो पीतकं होति सुपीतकं सुवण्णवण्णं पासादिकं दस्सनेय्यं कणिकारपुप्फसमानं । उभयतो च अक्खिकूटानि भगवतो लोहितकानि होन्ति सुलोहितकानि पासादिकानि दस्सनेय्यानि इन्दगोपकसमानानि । मज्झे कण्हं होति सुकण्हं अलूखं सिनिद्धं पासादिकं दस्सनेय्यं अट्ठारिट्ठकसमानं [अट्ठारिट्ठकसमानं (स्या०)] । तस्स परतो ओदातं होति सुओदातं सेतं पण्डरं पासादिकं दस्सनेय्यं ओसधितारकसमानं । तेन भगवा पाकतिकेन मंसचक्खुना अत्तभावपरियापन्नेन पुरिमसुचरितकम्माभिनिब्बत्तेन समन्ता योजनं पस्सति दिवा चेव रत्तिञ्च । यदा हिपि चतुरङ्गसमन्नागतो अन्धकारो होति । सूरियो वा अत्थङ्गतो होति । काळपक्खो च उपोसथो होति । तिब्बो च वनसण्डो होति । महा च काळमेघो [अकालमेघो (स्या०)] अब्भुट्ठितो होति । एवरूपेपि चतुरङ्गसमन्नागते अन्धकारे समन्ता योजनं पस्सति । नत्थि सो कुट्टो [कुट्टो (सी०)] वा कवाटं वा पाकारो वा पब्बतो वा गच्छो वा लता वा आवरणं रूपानं दस्सनाय । एकञ्चे तिलफलं निमित्तं कत्वा तिलवाहे पक्खिपेय्य । तञ्जेव तिलफलं उद्धरेय्य । एवं परिसुद्धं भगवतो पाकतिकं मंसचक्खु । एवं भगवा मंसचक्खुनापि विवटचक्खु ।

कथं भगवा दिब्बेन चक्खुनापि विवटचक्खु? भगवा दिब्बेन चक्खुना विसुद्धेन अतिक्कन्तमानुसकेन सत्ते पस्सति चवमाने उपपज्जमाने हीने पणीते सुवण्णे दुब्बण्णे सुगते दुग्गते । यथाकम्मूपगे सत्ते पज्जानाति — “इमे वत भोन्तो सत्ता कायदुच्चरितेन समन्नागता वचीदुच्चरितेन समन्नागता मनोदुच्चरितेन समन्नागता अरियानं उपवादका मिच्छादिट्ठिका मिच्छादिट्ठिकम्मसमादाना, ते कायस्स भेदा परं मरणा अपायं दुग्गतिं विनिपातं निरयं उपपन्ना । इमे वा पन भोन्तो सत्ता कायसुचरितेन समन्नागता वचीसुचरितेन समन्नागता मनोसुचरितेन समन्नागता अरियानं अनुपवादका सम्मादिट्ठिका सम्मादिट्ठिकम्मसमादाना, ते कायस्स भेदा परं मरणा सुगतिं सगं लोकं उपपन्ना”ति । इति दिब्बेन चक्खुना विसुद्धेन अतिक्कन्तमानुसकेन सत्ते पस्सति चवमाने उपपज्जमाने हीने पणीते सुवण्णे दुब्बण्णे सुगते दुग्गते; यथाकम्मूपगे सत्ते पज्जानाति । आकङ्खमानो च भगवा एकम्पि लोकधातुं पस्सेय्य, द्वेपि लोकधातुयो पस्सेय्य, तिस्सोपि लोकधातुयो पस्सेय्य, चतस्सोपि लोकधातुयो पस्सेय्य, पञ्चपि लोकधातुयो पस्सेय्य, दसपि लोकधातुयो पस्सेय्य, वीसम्पि लोकधातुयो पस्सेय्य, तिसम्पि लोकधातुयो पस्सेय्य, चत्तालीसम्पि लोकधातुयो पस्सेय्य, पञ्चासम्पि लोकधातुयो पस्सेय्य, सतम्पि लोकधातुयो पस्सेय्य, सहस्सिम्पि चूळनिकं लोकधातुं पस्सेय्य, द्विसहस्सिम्पि मज्झिमिकं लोकधातुं पस्सेय्य, तिसहस्सिम्पि लोकधातुं पस्सेय्य, महासहस्सिम्पि [तिसहस्सिं महासहस्सिम्पि (सी० क०)] लोकधातुं पस्सेय्य । यावतकं वा पन आकङ्खेय्य तावतकं पस्सेय्य । एवं परिसुद्धं भगवतो दिब्बचक्खु । एवं भगवा दिब्बेन चक्खुनापि विवटचक्खु ।

कथं भगवा पज्जाचक्खुनापि विवटचक्खु? भगवा महापज्जो पुथुपज्जो हासपज्जो जवनपज्जो तिकखपज्जो निब्बेधिकपज्जो पज्जापभेदकुसलो पभिन्नजाणो अधिगतपटिसम्भियो चतुवेसारज्जप्पत्तो दसबलधारी पुरिसासभो पुरिससीहो पुरिसनागो पुरिसाज्जो पुरिसधोरहो अनन्तजाणो अनन्ततेजो अनन्तयसो अट्ठो महद्धनो धनवा नेता विनेता अनुनेता पज्जापेता अनिज्झापेता पेक्खेता पसादेता । सो हि भगवा अनुप्पन्नस्स मग्गस्स उप्पादेता, असज्जातस्स मग्गस्स सज्जनेता, अनक्खातस्स मग्गस्स अक्खाता, मग्गज्जू मग्गविदू मग्गकोविदो मग्गानुगा च पन एतरहि सावका विहरन्ति पच्छा समन्नागता ।

सो हि भगवा जानं जानाति पस्सं पस्सति, चक्खुभूतो जाणभूतो धम्मभूतो ब्रह्मभूतो वत्ता पवत्ता अत्थस्स निन्नेता अमतस्स दाता धम्मस्सामी तथागतो । नत्थि तस्स भगवतो अज्जातं अदिट्ठं अविदितं असच्छिकतं अफस्सितं पज्जाय । अतीतं अनागतं पच्चुप्पन्नं [अतीतानागतपच्चुप्पन्नं (स्या०) महानि० ६९] उपादाय सब्बे धम्मा सब्बाकारेन बुद्धस्स

भगवतो जाणमुखे आपाथं आगच्छन्ति । यं किञ्चि नेय्यं नाम अत्थि जानितब्बं [अत्थि धम्मं जानितब्बं (सी० क०)] अत्तत्थो वा परत्थो वा उभयत्थो वा दिट्ठधम्मिको वा अत्थो सम्परायिको वा अत्थो उत्तानो वा अत्थो गम्भीरो वा अत्थो गूळ्हो वा अत्थो पटिच्छन्नो वा अत्थो नेय्यो वा अत्थो नीतो वा अत्थो अनवज्जो वा अत्थो निक्किलेसो वा अत्थो वोदानो वा अत्थो परमत्थो वा अत्थो, सब्बं तं [परमत्थो वा, सब्बन्तं (स्या०)] अन्तोबुद्धजाणे परिवत्तति ।

सब्बं कायकम्मं बुद्धस्स भगवतो जाणानुपरिवत्ति सब्बं वचीकम्मं... सब्बं मनोकम्मं... अतीते बुद्धस्स भगवतो अप्पटिहत्तं जाणं, अनागते पच्चुप्पन्ने अप्पटिहत्तं जाणं । यावतकं नेय्यं तावतकं जाणं, यावतकं जाणं तावतकं नेय्यं; नेय्यपरियन्तिकं जाणं जाणपरियन्तिकं नेय्यं, नेय्यं अतिक्कमित्वा जाणं नप्पवत्तति, जाणं अतिक्कमित्वा नेय्यपथो नत्थि । अज्जमज्जपरियन्तद्वायिनो ते धम्मा । यथा द्विन्नं समुग्गपटलानं सम्माफुसितानं हेट्ठिमं समुग्गपटलं उपरिमं नातिवत्तति, उपरिमं समुग्गपटलं हेट्ठिमं नातिवत्तति, अज्जमज्जपरियन्तद्वायिनो; एवमेव बुद्धस्स भगवतो नेय्यञ्च जाणञ्च अज्जमज्जपरियन्तद्वायिनो । यावतकं नेय्यं तावतकं जाणं, यावतकं जाणं तावतकं नेय्यं; नेय्यपरियन्तिकं जाणं जाणपरियन्तिकं नेय्यं । नेय्यं अतिक्कमित्वा जाणं नप्पवत्तति, जाणं अतिक्कमित्वा नेय्यपथो नत्थि । अज्जमज्जपरियन्तद्वायिनो ते धम्मा ।

सब्बधम्मेसु बुद्धस्स भगवतो जाणं पवत्तति । सब्बे धम्मा बुद्धस्स भगवतो आवज्जनपटिबद्धा आकङ्खपटिबद्धा मनसिकारपटिबद्धा चित्तुप्पादपटिबद्धा । सब्बसत्तेसु बुद्धस्स भगवतो जाणं पवत्तति । सब्बेसं सत्तानं भगवा आसयं जानाति, अनुसयं जानाति, चरितं जानाति, अधिमुत्तिं जानाति, अप्परजक्खे महारजक्खे तिक्खिन्द्रिये मुदिन्द्रिये स्वाकारे द्वाकारे सुविज्जापये दुविज्जापये भब्बाभब्बे सत्ते पजानाति । सदेवको लोको समारको सब्रह्मको सस्समणब्राह्मणी पजा सदेवमनुस्सा अन्तोबुद्धजाणे परिवत्तति [परिवत्तन्ति (क०) पसूरसुत्तनिद्देसे अवसानेपि] ।

यथा ये केचि मच्छकच्छपा अन्तमसो तिमितिमिङ्गलं उपादाय अन्तोमहासमुद्दे परिवत्तन्ति; एवमेव सदेवको लोको समारको सब्रह्मको सस्समणब्राह्मणी पजा सदेवमनुस्सा अन्तोबुद्धजाणे परिवत्तति [परिवत्तन्ति (क०) पसूरसुत्तनिद्देसे अवसानेपि] । यथा ये केचि पक्खी अन्तमसो गरुळं वेनतेय्यं उपादाय आकासस्स पदेसे परिवत्तन्ति; एवमेव येपि ते सारिपुत्तसमा पज्जाय तेपि बुद्धजाणस्स पदेसे परिवत्तन्ति; बुद्धजाणं देवमनुस्सानं पज्जं फरित्वा अभिभवित्वा तिट्ठति । येपि ते खत्तियपण्डिता ब्राह्मणपण्डिता गहपतिपण्डिता समणपण्डिता निपुणा कतपरप्पवादा वालवेधिरूपा वोभिन्दन्ता मज्जे चरन्ति पज्जागतेन दिट्ठिगतानि, ते पज्जं अभिसङ्खरित्वा अभिसङ्खरित्वा तथागतं उपसङ्कमित्वा पुच्छन्ति गूळ्हानि च पटिच्छन्नानि च । कथिता विसज्जिता च ते पज्हा भगवता होन्ति निद्दिट्ठकारणा । उपक्खित्तका च ते भगवतो सम्पज्जन्ति । अथ खो भगवा तत्थ अतिरोचति यदिदं पज्जायाति । एवं भगवा पज्जाचक्खुनापि विवटचक्खु ।

कथं भगवा बुद्धचक्खुनापि विवटचक्खु? भगवा बुद्धचक्खुना लोकं वोलोकेन्तो अद्दस सत्ते अप्परजक्खे महारजक्खे तिक्खिन्द्रिये मुदिन्द्रिये स्वाकारे द्वाकारे सुविज्जापये दुविज्जापये अप्पेकच्चे परलोकवज्जभयदस्साविनो विहरन्ते, अप्पेकच्चे न परलोकवज्जभयदस्साविनो विहरन्ते । सेय्यथापि नाम उप्पलिनियं वा पदुमिनियं वा पुण्डरीकिनियं वा अप्पेकच्चाणि उप्पलानि वा पदुमानि वा पुण्डरीकानि वा उदके जातानि उदके संवट्ठानि उदका अनुग्गतानि अन्तोनिमुग्गपोसीनि, अप्पेकच्चाणि उप्पलानि वा पदुमानि वा पुण्डरीकानि वा उदके जातानि उदके संवट्ठानि समोदकं ठितानि, अप्पेकच्चाणि उप्पलानि वा पदुमानि वा पुण्डरीकानि वा उदके जातानि उदके संवट्ठानि उदका अच्चुग्गम्म तिट्ठन्ति अनुपलित्तानि उदकेन; एवमेव भगवा बुद्धचक्खुना लोकं वोलोकेन्तो अद्दस सत्ते अप्परजक्खे महारजक्खे तिक्खिन्द्रिये

मुदिन्द्रिये स्वाकारे द्वाकारे सुविज्जापये दुविज्जापये अप्पेकच्चे परलोकवज्जभयदस्साविनो विहरन्ते, अप्पेकच्चे न परलोकवज्जभयदस्साविनो विहरन्ते । जानाति भगवा — “अयं पुग्गलो रागचरितो, अयं दोसचरितो, अयं मोहचरितो, अयं वितक्कचरितो, अयं सद्दाचरितो, अयं जाणचरितो”ति । रागचरितस्स भगवा पुग्गलस्स असुभकथं कथेति; दोसचरितस्स भगवा पुग्गलस्स मेत्ताभावनं आचिक्खति; मोहचरितस्स भगवा पुग्गलस्स उद्देसे परिपुच्छाय कालेन धम्मस्सवने कालेन धम्मसाकच्छाय गरुसंवासे निवेसेति; वितक्कचरितस्स भगवा पुग्गलस्स आनापानस्सतिं आचिक्खति; सद्दाचरितस्स भगवा पुग्गलस्स पसादनीयं निमित्तं आचिक्खति बुद्धसुबोधिं [बुद्धसुबुद्धतं (क०)] धम्मसुधम्मतं सङ्घसुप्पटिपत्तिं सीलानि च; अत्तनो जाणचरितस्स भगवा पुग्गलस्स आचिक्खति विपस्सनानिमित्तं अनिच्चाकारं दुक्खाकारं अनत्ताकारं ।

“सेले यथा पब्बतमुद्धनिट्ठितो, यथापि पस्से जनतं समन्ततो ।
तथूपमं धम्ममयं सुमेध, पासादमारुह समन्तचक्खु ।
सोकावतिण्णं जनतमपेतसोको, अवेक्खस्सु जातिजराभिभूत”न्ति ॥

एवं भगवा बुद्धचक्खुनापि विवटचक्खु ।

कथं भगवा समन्तचक्खुनापि विवटचक्खु? **समन्तचक्खु** वुच्चति सब्बज्जुतजाणं । भगवा सब्बज्जुतजाणेन उपेतो समुपेतो उपगतो समुपगतो उपपन्नो समुपपन्नो समन्नागतो ।

“न तस्स अदिट्ठमिधत्थि किञ्चि, अथो अविज्जातमजानितब्बं ।
सब्बं अभिज्जासि यदत्थि नेय्यं, तथागतो तेन समन्तचक्खू”ति ॥

एवं भगवा समन्तचक्खुनापि विवटचक्खूति — अकित्तयि विवटचक्खु ।

सक्खिधम्मं परिस्सयविनयन्ति । सक्खिधम्मन्ति न इतिहितिहं, न इतिकिराय, न परम्पराय, न पिटकसम्पदाय, न तक्कहेतु, न नयहेतु, न आकारपरिवितक्केन, न दिट्ठिनिज्झानक्खन्तिया सामं सयमभिज्जातं अत्तपच्चक्खं धम्मन्ति — सक्खिधम्मं । **परिस्सयविनयन्ति । परिस्सयाति** द्वे परिस्सया — पाकटपरिस्सया च पटिच्छन्नपरिस्सया च । कतमे पाकटपरिस्सया? सीहा ब्यग्धा दीपी अच्छा तरच्छा कोका महिंसा [गोमहिंसा (स्या०) महानि० ५] हत्थी अहि विच्छिका सतपदी, चोरा वा अस्सु मानवा वा कतकम्मा वा अकतकम्मा वा, चक्खुरोगो सोतरोगो घानरोगो जिह्वारोगो कायरोगो सीसरोगो कण्णरोगो मुखरोगो दन्तरोगो कासो सासो पिनासो डाहो [डहो (सी० स्या०) महानि० ५] जरो कुच्छिरोगो मुच्छा पक्खन्दिका सूला विसूचिका कुट्टं गण्डो किलासो सोसो अपमारो दद्दु कण्डु कच्छु रक्खसा वितच्छिका लोहितपित्तं [लोहितं पित्तं (स्या० क०)] मधुमेहो अंसा पिळका भगन्दला, पित्तसमुद्धाना आबाधा सेम्हसमुद्धाना आबाधा वातसमुद्धाना आबाधा सन्निपातिका आबाधा उतुपरिणामजा आबाधा विसमपरिहारजा आबाधा ओपक्कमिका आबाधा कम्मविपाकजा आबाधा, सीतं उण्हं जिघच्छा पिपासा उच्चारो पस्सावो डंसमकसवातातपसरीसपसम्फस्सा इति वा — इमे वुच्चन्ति पाकटपरिस्सया ।

कतमे पटिच्छन्नपरिस्सया? कायदुच्चरितं वचीदुच्चरितं मनोदुच्चरितं कामच्छन्दनीवरणं व्यापादनीवरणं थिनमिद्धनीवरणं उद्धचक्कुक्कुच्चनीवरणं विचिकिच्छानीवरणं रागो दोसो मोहो कोधो उपनाहो मक्खो पळासो इस्सा मच्छरियं माया साठेय्यं थम्भो सारम्भो मानो अतिमानो मदो पमादो, सब्बे किलेसा सब्बे दुच्चरिता सब्बे दरथा सब्बे

परिळाहा सब्बे सन्तापा सब्बाकुसलाभिसङ्घारा — इमे वुच्चन्ति पटिच्छन्नपरिस्सया ।

परिस्सयाति केनट्टेन परिस्सया? परिसहन्तीति परिस्सया, परिहानाय संवत्तन्तीति परिस्सया, तत्रासयाति परिस्सया ।
कथं परिसहन्तीति परिस्सया? ते परिस्सया तं पुग्गलं सहन्ति परिसहन्ति अभिभवन्ति अज्झोत्थरन्ति परियादियन्ति मद्दन्ति ।
एवं परिसहन्तीति — परिस्सया ।

कथं परिहानाय संवत्तन्तीति परिस्सया? ते परिस्सया कुसलानं धम्मानं अन्तरायाय परिहानाय संवत्तन्ति । कतमेसं कुसलानं धम्मानं? सम्पापटिपदाय अनुलोमपटिपदाय अपचचीकपटिपदाय अविरुद्धपटिपदाय अन्वत्थपटिपदाय धम्मानुधम्मपटिपदाय सीलेसु परिपूरकारिताय इन्द्रियेसु गुत्तद्वारताय भोजने मत्तञ्जुताय जागरियानुयोगस्स सतिसम्पजज्जस्स चतुन्नं सतिपट्टानानं भावनानुयोगस्स चतुन्नं सम्मप्यधानानं चतुन्नं इद्धिपादानं पञ्चन्नं इन्द्रियानं पञ्चन्नं बलानं सत्तन्नं बोज्झङ्गानं अरियस्स अट्ठङ्गिकस्स मग्गस्स भावनानुयोगस्स — इमेसं कुसलानं धम्मानं अन्तरायाय परिहानाय संवत्तन्ति । एवम्पि परिहानाय संवत्तन्तीति — परिस्सया ।

कथं तत्रासयाति परिस्सया? तत्थेते पापका अकुसला धम्मा उप्पज्जन्ति अत्तभावसन्निस्सया । यथा बिले बिलासया पाणा सयन्ति, दके दकासया पाणा सयन्ति, वने वनासया पाणा सयन्ति, रुक्खे रुक्खासया पाणा सयन्ति; एवमेव तत्थेते पापका अकुसला धम्मा उप्पज्जन्ति अत्तभावसन्निस्सयाति । एवम्पि तत्रासयाति — परिस्सया ।

वुत्तज्हेतं भगवता — “सान्तेवासिको, भिक्खवे, भिक्खु साचरियको दुक्खं न फासु विहरति । कथञ्च, भिक्खवे, भिक्खु सान्तेवासिको साचरियको दुक्खं न फासु विहरति? इध, भिक्खवे, भिक्खुनो चक्खुना रूपं दिस्वा उप्पज्जन्ति पापका अकुसला धम्मा सरसङ्कप्पा सज्जोजनिया, त्यस्स अन्तो वसन्ति अन्वास्सवन्ति पापका अकुसला धम्माति । तस्मा सान्तेवासिकोति वुच्चति । ते नं समुदाचरन्ति, समुदाचरन्ति [समुदाचारेन्ति (सी०)] नं पापका अकुसला धम्माति । तस्मा साचरियकोति वुच्चति ।

“पुन चपरं, भिक्खवे, भिक्खुनो सोतेन सद्दं सुत्वा...पे०... घानेन गन्धं घायित्वा... जिह्वाय रसं सायित्वा... कायेन फोट्ठब्बं फुसित्वा ... मनसा धम्मं विज्जाय उप्पज्जन्ति पापका अकुसला धम्मा सरसङ्कप्पा सज्जोजनिया, त्यस्स अन्तो वसन्ति अन्वास्सवन्ति पापका अकुसला धम्माति । तस्मा सान्तेवासिकोति वुच्चति । ते नं समुदाचरन्ति, समुदाचरन्ति नं पापका अकुसला धम्माति । तस्मा साचरियकोति वुच्चति । एवं खो, भिक्खवे, भिक्खु सान्तेवासिको साचरियको दुक्खं न फासु विहरती”ति । एवम्पि तत्रासयाति — परिस्सया ।

वुत्तज्हेतं भगवता — “तयोमे, भिक्खवे, अन्तरामला अन्तराअमित्ता अन्तरासपत्ता अन्तरावधका अन्तरापच्चत्थिका । कतमे तयो? लोभो, भिक्खवे, अन्तरामलो [अन्तरामलं (सी० क०) इतिवु० ८८] अन्तराअमित्तो अन्तरासपत्तो अन्तरावधको अन्तरापच्चत्थिको; दोसो, भिक्खवे...पे०... मोहो, भिक्खवे, अन्तरामलो अन्तराअमित्तो अन्तरासपत्तो अन्तरावधको अन्तरापच्चत्थिको । इमे खो, भिक्खवे, तयो अन्तरामला अन्तराअमित्ता अन्तरासपत्ता अन्तरावधका अन्तरापच्चत्थिका”ति ।

“अनत्थजननो लोभो, लोभो चित्तप्पकोपनो ।

भयमन्तरतो जातं, तं जनो नावबुज्झति ॥

“लुब्धो अत्थं न जानाति, लुब्धो धम्मं न पस्सति ।
अन्धन्तमं [अन्धतमं (स्या०) इतिवु० ८८] तदा होति, यं लोभो सहते नरं ॥

“अनत्थजननो दोसो, दोसो चित्तप्पकोपनो ।
भयमन्तरतो जातं, तं जनो नावबुज्झति ॥

“कुब्धो अत्थं न जानाति, कुब्धो धम्मं न पस्सति ।
अन्धन्तमं तदा होति, यं दोसो सहते नरं ॥

“अनत्थजननो मोहो, मोहो चित्तप्पकोपनो ।
भयमन्तरतो जातं, तं जनो नावबुज्झति ॥

“मूळ्हो अत्थं न जानाति, मूळ्हो धम्मं न पस्सति ।
अन्धन्तमं तदा होति, यं मोहो सहते नरं”न्ति ॥

एवम्पि तत्रासयाति — परिस्सया ।

वुत्तञ्हेतं भगवता — “तयो खो, महाराज, पुरिसस्स धम्मा अज्झत्तं उप्पज्जमाना उप्पज्जन्ति अहिताय दुक्खाय अफासुविहाराय । कतमे तयो? लोभो खो, महाराज, पुरिसस्स धम्मो अज्झत्तं उप्पज्जमानो उप्पज्जति अहिताय दुक्खाय अफासुविहाराय; दोसो खो, महाराज...पे०... मोहो खो, महाराज, पुरिसस्स धम्मो अज्झत्तं उप्पज्जमानो उप्पज्जति अहिताय दुक्खाय अफासुविहाराय । इमे खो, महाराज, तयो पुरिसस्स धम्मा अज्झत्तं उप्पज्जमाना उप्पज्जन्ति अहिताय दुक्खाय अफासुविहाराय ।

“लोभो दोसो च मोहो च, पुरिसं पापचेतसं ।
हिंसन्ति अत्तसम्भूता, तचसारं व सम्फलं”न्ति ॥

एवम्पि तत्रासयाति — परिस्सया ।

वुत्तञ्हेतं भगवता —

“रागो च दोसो च इतो निदाना, अरती रती लोमहंसो इतो जा ।
इतो समुट्ठाया मनोवितक्का, कुमारका धङ्कमिवोस्सजन्ती”ति ॥

एवम्पि तत्रासयाति — परिस्सया ।

परिस्सयविनयन्ति परिस्सयविनयं परिस्सयप्पहानं परिस्सयवूपसमं परिस्सयपटिनिस्सगं परिस्सयपटिपस्सद्धिं अमतं निब्बानन्ति — सक्खिधम्मं परिस्सयविनयं ।

पटिपदं वदेहि भदन्तेति । पटिपदं वदेहि — सम्मापटिपदं अनुलोमपटिपदं अपच्चनीकपटिपदं अविरुद्धपटिपदं

अन्वत्थपटिपदं धम्मानुधम्मपटिपदं सीलेसु परिपूरकारितं इन्द्रियेसु गुत्तद्वारतं भोजने मत्तञ्जुतं जागरियानुयोगं सतिसम्पज्जं चत्तारो सतिपट्टाने चत्तारो सम्मप्पधाने चत्तारो इद्धिपादे पञ्चिन्द्रियानि पञ्च बलानि सत्त बोझङ्गे अरियं अट्टङ्गिकं मगं निब्बानञ्च निब्बानगामिनिञ्च पटिपदं वदेहि आचिक्ख देसेहि पञ्जपेहि पट्टपेहि विवर विभज उत्तानीकरोहि पकासेहीति — पटिपदं वदेहि । भदन्तेति सो निम्मितो बुद्धं भगवन्तं आलपति । अथ वा यं त्वं धम्मं आचिक्खसि देसेसि पञ्जपेसि पट्टपेसि विवरि विभजि उत्तानीअकासि पकासेसि सब्बं तं सुन्दरं भदकं कल्याणं अनवज्जं सेवितब्बन्ति — पटिपदं वदेहि भदन्ते ।

पातिमोक्खं अथ वापि समाधिन्ति । पातिमोक्खन्ति सीलं पतिट्ठा आदि चरणं संयमो संवरो मुखं पमुखं कुसलानं धम्मनं समापत्तिया । **अथ वापि समाधिन्ति** या चित्तस्स ठिति सण्ठिति अवट्ठिति अविसाहारो अविक्खेपो अविसाहतमानसता समथो समाधिन्द्रियं समाधिबलं सम्मासमाधीति — पातिमोक्खं अथ वापि समाधिं ।

तेनाह सो निम्मितो —

“अकित्तयी विवटचक्खु, सक्खिधम्मं परिस्सयविनयं ।
पटिपदं वदेहि भदन्ते, पातिमोक्खं अथ वापि समाधि”न्ति ॥

**१५७ चक्खूहि नेव लोलस्स, गामकथाय आवरये सोतं ।
रसे च नानुगिज्जेय्य, न च ममायेथ किञ्चि लोकस्मिं ॥**

चक्खूहि नेव लोलस्साति । कथं चक्खुलोलोति? इधेकच्चो चक्खुलोलियेन समन्नागतो होति — “अदिट्ठं दक्खितब्बं, दिट्ठं समतिक्कमितब्ब”न्ति आरामेन आरामं उय्यानेन उय्यानं गामेन गामं निगमेन निगमं नगरेन नगरं रट्ठेन रट्ठं जनपदेन जनपदं दीघचारिकं अनवट्ठितचारिकं [अनवत्थितचारिकं (सी० स्या०)] अनुयुत्तो च होति रूपस्स दस्सनाय । एवम्पि चक्खुलोलो होति ।

अथ वा भिक्खु अन्तरघरं पविट्ठो वीथिं पटिपन्नो असंवुतो गच्छति हत्थिं ओलोकेन्तो, अस्सं ओलोकेन्तो, रथं ओलोकेन्तो, पत्तिं ओलोकेन्तो, इत्थियो ओलोकेन्तो, पुरिसे ओलोकेन्तो, कुमारके ओलोकेन्तो, कुमारिकायो ओलोकेन्तो, अन्तरापणं ओलोकेन्तो, घरमुखानि ओलोकेन्तो, उद्धं ओलोकेन्तो, अधो ओलोकेन्तो, दिसाविदिसं विपेक्खमानो गच्छति । एवम्पि चक्खुलोलो होति ।

अथ वा भिक्खु चक्खुना रूपं दिस्वा निमित्तगाही होति अनुब्यञ्जनग्गाही । यत्वाधिकरणमेनं चक्खुन्द्रियं असंवुतं विहरन्तं अभिज्झादोमनस्सा पापका अकुसला धम्मा अन्वास्सवेय्युं, तस्स संवराय न पटिपज्जति, न रक्खति चक्खुन्द्रियं, चक्खुन्द्रिये न संवरं आपज्जति । एवम्पि चक्खुलोलो होति ।

यथा वा पनेके भोन्तो समणब्राह्मणा सद्धादेय्यानि भोजनानि भुज्जित्वा ते एवरूपं विसूकदस्सनं अनुयुत्ता विहरन्ति, सेय्यथिदं — नच्चं गीतं वादितं पेक्खं अक्खानं पाणिस्सरं वेताळं कुम्भथूणं [कुम्भथूणं (सी० स्या० क०)] सोभनकं [सोभनगरकं (सी० स्या०)] चण्डालं वंसं धोवनं हत्थियुद्धं अस्सयुद्धं महिसयुद्धं [महिसयुद्धं (सी० स्या०)] उसभयुद्धं अजयुद्धं मेण्डयुद्धं कुक्कुटयुद्धं वट्टकयुद्धं दण्डयुद्धं मुट्ठियुद्धं निब्बुद्धं उय्योधिकं बलगं सेनाब्यूहं अनीकदस्सनं इति वा ।

एवम्पि चक्खुलोलो होति ।

कथं न चक्खुलोलो होति? इध भिक्खु अन्तरघरं पविट्ठो वीथिं पटिपन्नो संवुतो गच्छति न हत्थिं ओलोकेन्तो, न अस्सं ओलोकेन्तो, न रथं ओलोकेन्तो, न पत्तिं ओलोकेन्तो, न इत्थियो ओलोकेन्तो, न पुरिसे ओलोकेन्तो, न कुमारके ओलोकेन्तो, न कुमारिकायो ओलोकेन्तो, न अन्तरापणं ओलोकेन्तो, न घरमुखानि ओलोकेन्तो, न उद्धं ओलोकेन्तो, न अधो ओलोकेन्तो, न दिसाविदिसाविपेक्खमानो गच्छति । एवम्पि न चक्खुलोलो होति ।

अथ वा भिक्खु चक्खुना रूपं दिस्वा न निमित्तग्गाही होति नानुब्यञ्जनग्गाही । यत्त्वाधिकरणमेनं चक्खुन्द्रियं असंवृतं विहरन्तं अभिज्झादोमनस्सा पापका अकुसला धम्मा अन्वास्सवेय्युं, तस्स संवराय पटिपज्जति, रक्खति चक्खुन्द्रियं, चक्खुन्द्रिये संवरं आपज्जति । एवम्पि न चक्खुलोलो होति ।

यथा वा पनेके भोन्तो समणब्राह्मणा सद्धादेय्यानि भोजनानि भुज्जित्वा ते एवरूपं विसूकदस्सनं अननुयुत्ता विहरन्ति, सेय्यथिदं — नच्चं गीतं वादितं पेक्खं अक्खानं...पे०... अनीकदस्सनं इति वा । एवरूपा विसूकदस्सना पटिविरतो होति । एवम्पि न चक्खुलोलो होति ।

चक्खूहि नेव लोलस्साति । चक्खुलोलियं पजहेय्य विनोदेय्य ब्यन्तिं करेय्य अनभावं गमेय्य, चक्खुलोलिया आरतो अस्स विरतो पटिविरतो निक्खन्तो निस्सटो विप्पमुत्तो विसञ्जुत्तो विमरियादिकतेन चेतसा विहरेय्याति — चक्खूहि नेव लोलस्स ।

गामकथाय आवरये सोतन्ति । गामकथा वुच्चति बात्तिस तिरच्छानकथा, सेय्यथिदं — राजकथा चोरकथा महामत्तकथा सेनाकथा भयकथा युद्धकथा अन्नकथा पानकथा वत्थकथा यानकथा सयनकथा मालाकथा गन्धकथा जातिकथा गामकथा निगमकथा नगरकथा जनपदकथा इत्थिकथा [इत्थिकथा पुरिसकथा (बहूसु)] सूरकथा विसिखाकथा कुम्भट्टानकथा पुब्बपेतकथा नानत्तकथा लोकक्खायिका समुद्दक्खायिका इतिभवाभवकथा इति वा । **गामकथाय आवरये सोतन्ति ।** गामकथाय सोतं आवरेय्य निवारेय्य संवरेय्य रक्खेय्य गोपेय्य पिदहेय्य पच्छिन्देय्याति — गामकथाय आवरये सोतं ।

रसे च नानुगिज्जेय्याति । रसे चाति मूलरसो खन्धरसो तचरसो पत्तरसो पुप्फरसो फलरसो अम्बिलं मधुरं तित्तकं कटुकं लोणिकं खारिकं लम्बिकं कसावो सादु असादु सीतं उण्हं । सन्तेके समणब्राह्मणा रसगिद्धा; ते जिह्वगेन रसग्गानि परियेसन्ता आहिण्डन्ति, ते अम्बिलं लभित्वा अनम्बिलं परियेसन्ति, अनम्बिलं लभित्वा अम्बिलं परियेसन्ति...पे०... सीतं लभित्वा उण्हं परियेसन्ति, उण्हं लभित्वा सीतं परियेसन्ति । ते यं यं लभित्वा तेन तेन न तुस्सन्ति, अपरापरं परियेसन्ति, मनापिकेसु रसेसु रत्ता गिद्धा गधिता मुच्छिता अज्झोसन्ना लग्गा लग्गिता पलिबुद्धा । यस्सेसा रसतण्हा पहीना समुच्छिन्ना...पे०... जाणग्गिना दट्ठा, सो पटिसङ्घा योनिसो आहारं आहारेति नेव दवाय...पे०... अनवज्जता च फासुविहारो चाति ।

यथा वणं आलिम्पेय्य यावदेव आरुहणत्थाय [आरुहनत्थाय (क०) पुराभेदसुत्तनिद्वेसे सत्तमगाथावण्णनायं], यथा वा पन अक्खं अब्भज्जेय्य यावदेव भारस्स नित्थरणत्थाय, यथा वा पुत्तमंसं आहारं आहारेय्य यावदेव कन्तारस्स नित्थरणत्थाय; एवमेवं भिक्खु पटिसङ्घा योनिसो आहारं आहारेति नेव दवाय...पे०... अनवज्जता च फासुविहारो चाति

रसतण्हं पजहेय्य विनोदेय्य ब्यन्तिं करेय्य अनभावं गमेय्य, रसतण्हाय आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — रसे च नानुगिज्जेय्य ।

न च ममायेथ किञ्चि लोकस्मिन्ति । ममत्ताति द्वे ममत्ता — तण्हाममत्तञ्च दिट्ठिममत्तञ्च ...पे०... इदं तण्हाममत्तं... पे०... इदं दिट्ठिममत्तं । तण्हाममत्तं पहाय दिट्ठिममत्तं पटिनिस्सज्जित्वा चक्खुं न ममायेय्य न गणहेय्य न परामसेय्य नाभिनिविसेय्य; सोतं... धानं... जिह्वं... कायं... रूपे... सद्दे... गन्धे... रसे... फोट्टब्बे... कुलं... गणं... आवासं... लाभं... यसं... पसंसं... सुखं... चीवरं... पिण्डपातं... सेनासनं... गिलानपच्चयभेसज्जपरिक्खारं... कामधातुं... रूपधातुं... अरूपधातुं... कामभवं... रूपभवं... अरूपभवं... सज्जाभवं... असज्जाभवं... नेवसज्जानासज्जाभवं ... एकवोकारभवं... चतुवोकारभवं... पञ्चवोकारभवं ... अतीतं... अनागतं... पच्चुप्पन्नं... दिट्ठसुतमुतविज्जातब्बे धम्मे न ममायेय्य न गणहेय्य न परामसेय्य नाभिनिविसेय्य । किञ्चीति किञ्चि रूपगतं वेदनागतं सज्जागतं सङ्खारगतं विज्जाणगतं । लोकस्मिन्ति अपायलोके...पे०... आयतनलोकेति — न च ममायेथ किञ्चि लोकस्मिं ।

तेनाह भगवा —

“चक्खूहि नेव लोलस्स, गामकथाय आवरये सोतं ।
रसे च नानुगिज्जेय्य, न च ममायेथ किञ्चि लोकस्मि”न्ति ॥

**१५८.फस्सेन यदा फुट्टस्स, परिदेवं भिक्खु न करेय्य कुहिञ्चि ।
भवञ्च नाभिजप्पेय्य, भेरवेसु च न सम्पवेधेय्य ॥**

फस्सेन यदा फुट्टस्साति । फस्सोति रोगफस्सो । रोगफस्सेन फुट्टो परेतो समोहितो समन्नागतो अस्स; चक्खुरोगेन फुट्टो परेतो समोहितो समन्नागतो अस्स, सोतरोगेन...पे०... धानरोगेन... जिह्वारोगेन... कायरोगेन... सीसरोगेन... कण्णरोगेन... मुखरोगेन... दन्तरोगेन... कासेन... सासेन... पिनासेन... डाहेन... जरेन... कुच्छिरोगेन... मुच्छाय... पक्खन्दिकाय... सूलाय... विसूचिकाय... कुट्टेन... गण्डेन... किलासेन... सोसेन... अपमारेन... दहया... कण्डुया ... कच्छुया... रखसाय... वितच्छिकाय... लोहितेन... पित्तेन... मधुमेहेन... अंसाय... पिठकाय... भगन्दलेन... पित्तसमुद्धानेन आबाधेन... सेम्हसमुद्धानेन आबाधेन... वातसमुद्धानेन आबाधेन... सन्निपातिकेन आबाधेन... उतुपरिणामजेन आबाधेन... विसमपरिहारजेन आबाधेन... ओपक्कमिकेन आबाधेन... कम्मविपाकजेन आबाधेन... सीतेन... उण्हेन... जिघच्छाय... पिपासाय... उच्चारेन... पस्सावेन... डंसमकसवातातपसरीसपसम्फस्सेहि फुट्टो परेतो समोहितो समन्नागतो अस्साति — फस्सेन यदा फुट्टस्स ।

परिदेवं भिक्खु न करेय्य कुहिञ्चीति । आदेवं परिदेवं आदेवनं परिदेवनं आदेवितत्तं परिदेवितत्तं वाचा पलापं विप्पलापं लालपं लालप्पायनं लालप्पायितत्तं न करेय्य न जनेय्य न सज्जनेय्य न निब्बत्तेय्य नाभिनिब्बत्तेय्य । कुहिञ्चीति कुहिञ्चि किम्हिचि कत्थचि अज्झत्तं वा बहिद्वा वा अज्झत्तबहिद्वा वाति — परिदेवं भिक्खु न करेय्य कुहिञ्चि ।

भवञ्च नाभिजप्पेय्याति । कामभवं न जप्पेय्य, रूपभवं न जप्पेय्य, अरूपभवं न जप्पेय्य न पजप्पेय्य नाभिजप्पेय्याति — भवञ्च नाभिजप्पेय्य ।

भेरवेसु च न सम्पवेधेय्याति । भेरवाति एकेनाकारेन भयम्पि भेरवम्पि तज्जेव । वुत्तज्हेतं भगवता — “एतं नूनं तं

भयं भेरवं न जहे आगच्छती'ति । बहिद्धारम्मणं वृत्तं सीहा ब्यग्घा दीपी अच्छा तरच्छा कोका महिंसा अस्सा हत्थी अहि विच्छिका सतपदी, चोरा वा अस्सु मानवा वा कतकम्मा वा अकतकम्मा वा । अथापरेन आकारेन भयं वुच्चति अज्झत्तिकं चित्तसमुद्धानं भयं भयानकं छम्भितत्तं लोमहंसो चेतसो उब्बेगो उत्रासो, जातिभयं जराभयं व्याधिभयं मरणभयं राजभयं चोरभयं अग्निभयं उदकभयं अत्तानुवादभयं परानुवादभयं दण्डभयं दुग्गतिभयं ऊमिभयं कुम्भीलभयं आवट्टभयं सुसुकाभयं [सुसुकाभयं (स्या०)] आजीविकभयं असिलोकभयं परिसाय सारज्जभयं मदनभयं दुग्गतिभयं भयं भयानकं छम्भितत्तं लोमहंसो चेतसो उब्बेगो उत्रासो । **भेरवेसु च न सम्पवेधेय्याति** भेरवे पस्सित्वा वा सुणित्वा वा न वेधेय्य न पवेधेय्य न सम्पवेधेय्य न तसेय्य न उत्तसेय्य न परित्तसेय्य न भायेय्य न सन्तासं आपज्जेय्य, अभीरू अस्स अछम्भी अनुत्रासी अपलायी, पहीनभयभेरवो विगतलोमहंसो विहरेय्याति — भेरवेसु च न सम्पवेधेय्य ।

तेनाह भगवा —

“फस्सेन यदा फुट्टस्स, परिदेवं भिक्खु न करेय्य कुहिज्जि ।
भवज्ज नाभिजप्पेय्य, भेरवेसु च न सम्पवेधेय्या”ति ॥

१५९.अन्नानमथो पानानं, खादनीयानमथोपि वत्थानं ।

लद्धा न सन्निधिं कयिरा, न च परित्तसे तानि अलभमानो ॥

अन्नानमथो पानानं, खादनीयानमथोपि वत्थानन्ति । अन्नानन्ति ओदनो कुम्मासो सत्तु मच्छो मंसं । **पानानन्ति** अट्ट पानानि — अम्बपानं, जम्बुपानं, चोचपानं, मोचपानं, मधुपानं, मुद्दिकपानं, सालुकपानं, फारुसकपानं । अपरानिपि अट्ट पानानि — कोसम्बपानं, कोलपानं, बदरपानं, घतपानं, तेलपानं, पयोपानं, यागुपानं, रसपानं । **खादनीयानन्ति** पिट्ठखज्जकं, पूवखज्जकं, मूलखज्जकं, तचखज्जकं, पत्तखज्जकं, पुप्फखज्जकं, फलखज्जकं । **वत्थानन्ति** छ चीवरानि — खोमं, कप्पासिकं, कोसेय्यं, कम्बलं, साणं, भङ्गन्ति — अन्नानमथो पानानं खादनीयानमथोपि वत्थानं ।

लद्धा न सन्निधिं कयिराति । लद्धाति लद्धा लभित्वा अधिगन्त्वा विन्दित्वा पटिलभित्वा न कुहनाय, न लपनाय, न नेमित्तिकताय, न निप्पेसिकताय, न लाभेन लाभं निजिगीसनताय [निजिगिंसनताय (सी० स्या०)], न कट्टदानेन, न वेळुदानेन, न पत्तदानेन, न पुप्फदानेन, न फलदानेन, न सिनानदानेन, न चुण्णदानेन, न मत्तिकादानेन, न दन्तकट्टदानेन, न मुखोदकदानेन, न चाटुकम्यताय, न मुग्गसूप्यताय [न मुग्गसुप्पताय (सी०), न मुग्गसूपताय (स्या०)], न पारिभटययताय, न पीठमद्दिकताय [पिट्ठिमंसिकताय (सी०), पिट्ठिमद्दिकताय (क०)], न वत्थुविज्जाय, न तिरच्छानविज्जाय, न अङ्गविज्जाय, न नक्खत्तविज्जाय, न दूतगमनेन, न पहिणगमनेन, न जङ्घपेसनियेन, न वेज्जकम्मेन, न नवकम्मेन, न पिण्डपटिपिण्डकेन, न दानानुप्पदानेन धम्मेन समेन लद्धा लभित्वा अधिगन्त्वा विन्दित्वा पटिलभित्वाति — लद्धा । **न सन्निधिं कयिराति** अन्नसन्निधिं पानसन्निधिं वत्थसन्निधिं यानसन्निधिं सयनसन्निधिं गन्धसन्निधिं आमिससन्निधिं न करेय्य न जनेय्य न सज्जनेय्य न निब्बत्तेय्य नाभिनिब्बत्तेय्याति — लद्धा न सन्निधिं कयिरा ।

न च परित्तसे तानि अलभमानोति । अन्नं वा न लभामि, पानं वा न लभामि, वत्थं वा न लभामि, कुलं वा न लभामि, गणं वा न लभामि, आवासं वा न लभामि, लाभं वा न लभामि, यसं वा न लभामि, पसंसं वा न लभामि, सुखं वा न लभामि, चीवरं वा न लभामि, पिण्डपातं वा न लभामि, सेनासनं वा न लभामि, गिलानपच्चयभेसज्जपरिक्खारं वा न लभामि, गिलानुपट्ठाकं वा न लभामि, “अप्पज्जातोम्ही”ति न तसेय्य न उत्तसेय्य न परित्तसेय्य न भायेय्य न सन्तासं

आपज्जेय्य, अभीरू अस्स अछम्भी अनुत्रासी अपलायी, पहीनभयभेरवो विगतलोमहंसो विहरेय्याति — न च परित्तसे तानि अलभमानो ।

तेनाह भगवा —

“अन्नानमथो पानानं, खादनीयानमथोपि वत्थानं ।
लब्धा न सन्निधिं कयिरा, न च परित्तसे तानि अलभमानो”ति ॥

१६०.झायी न पादलोलस्स, विरमे कुक्कुच्चा नप्पमज्जेय्य ।

अथासनेसु सयनेसु, अप्सदेसु भिक्खु विहरेय्य ॥

झायी न पादलोलस्साति । झायीति पठमेनपि झानेन झायी, दुतियेनपि झानेन झायी, ततियेनपि झानेन झायी, चतुत्थेनपि झानेन झायी, सवितक्कसविचारेनपि झानेन झायी, अवितक्कविचारमत्तेनपि झानेन झायी, अवितक्कअविचारेनपि झानेन झायी, सप्पीतिकेनपि झानेन झायी, निप्पीतिकेनपि झानेन झायी, पीतिसहगतेनपि झानेन झायी, सातसहगतेनपि झानेन झायी, सुखसहगतेनपि झानेन झायी, उपेक्खासहगतेनपि झानेन झायी, सुज्जतेनपि झानेन झायी, अनिमित्तेनपि झानेन झायी, अप्पणिहितेनपि झानेन झायी, लोकियेनपि झानेन झायी, लोकुत्तरेनपि झानेन झायी, झानरतो एकत्तमनुयुत्तो परमत्थगरुकोति [सदत्थगरुकोति (सी० स्या०)] — झायी ।

न पादलोलस्साति । कथं पादलोलो होति? इधेकच्चो पादलोलियेन समन्नागतो होति आरामेन आरामं उय्यानेन उय्यानं गामेन गामं निगमेन निगमं नगरेन नगरं रट्ठेन रट्ठं जनपदेन जनपदं दीघचारिकं अनवट्ठितचारिकं अनुयुत्तो विहरति । एवम्पि पादलोलो होति ।

अथ वा भिक्खु अन्तोपिसङ्घारामे पादलोलियेन समन्नागतो होति । न अत्थहेतु न कारणहेतु उद्धतो अवूपसन्तचित्तो परिवेणतो परिवेणं गच्छति विहारतो विहारं गच्छति अड्ढयोगतो अड्ढयोगं गच्छति पासादतो पासादं गच्छति हम्मियतो हम्मियं गच्छति गुहाय गुहं गच्छति लेणतो लेणं गच्छति कुटितो कुटिं गच्छति कूटागारतो कूटागारं गच्छति अट्ठतो अट्ठं गच्छति माळतो माळं गच्छति उद्धण्डतो उद्धण्डं गच्छति उपट्टानसालतो उपट्टानसालं गच्छति मण्डलमाळतो मण्डलमाळं गच्छति रुक्खमूलतो रुक्खमूलं गच्छति । यत्थ वा पन भिक्खू निसीदन्ति तहिं गच्छति, तत्थ एकस्स वा दुतियो होति, द्विन्नं वा ततियो होति, तिण्णं वा चतुत्थो होति । तत्थ बहुं सम्फप्पलापं पलपति, सेय्यथिदं — राजकथं चोरकथं महामत्तकथं सेनाकथं भयकथं युद्धकथं अन्नकथं पानकथं वत्थकथं यानकथं सयनकथं मालाकथं गन्धकथं जातिकथं गामकथं निगमकथं नगरकथं जनपदकथं इत्थिकथं सूरकथं विसिखाकथं कुम्भट्टानकथं पुब्बपेतकथं नानत्तकथं लोकक्खायिकं समुद्धक्खायिकं इति भवाभवकथं इति वा । एवम्पि पादलोलो होति ।

न पादलोलस्साति । पादलोलियं पजहेय्य विनोदेय्य ब्यन्तिं करेय्य अनभावं गमेय्य, पादलोलिया आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्य चरेय्य विचरेय्य इरियेय्य वत्तेय्य पालेय्य यपेय्य यापेय्य, पटिसल्लानारामो अस्स पटिसल्लानरतो अज्झत्तं चेतोसमथमनुयुत्तो अनिराकतज्झानो विपस्सना समन्नागतो बूहेता सुज्जागारानं झायी झानरतो एकत्तमनुयुत्तो परमत्थगरुकोति — झायी न पादलोलस्स ।

विरमे कुक्कुच्चा नप्पमज्जेय्याति । कुक्कुच्चन्ति हत्थकुक्कुच्चम्पि कुक्कुच्चं, पादकुक्कुच्चम्पि कुक्कुच्चं, हत्थपादकुक्कुच्चम्पि कुक्कुच्चं, अकप्पिये कप्पियसज्जिता, कप्पिये अकप्पियसज्जिता, अवज्जे वज्जसज्जिता, वज्जे अवज्जसज्जिता, यं एवरूपं कुक्कुच्चं कुक्कुच्चायना कुक्कुच्चायितत्तं चेतसो विप्पटिसारो मनोविलेखो — इदं वुच्चति कुक्कुच्चं ।

अपि च द्वीहि कारणेहि उप्पज्जति कुक्कुच्चं चेतसो विप्पटिसारो मनोविलेखो — कतत्ता च अकतत्ता च । कथं कतत्ता च अकतत्ता च उप्पज्जति कुक्कुच्चं चेतसो विप्पटिसारो मनोविलेखो? “कतं मे कायदुच्चरितं, अकतं मे कायसुचरितं”न्ति उप्पज्जति कुक्कुच्चं चेतसो विप्पटिसारो मनोविलेखो, “कतं मे वचीदुच्चरितं, अकतं मे वचीसुचरितं”न्ति उप्पज्जति कुक्कुच्चं चेतसो विप्पटिसारो मनोविलेखो, “कतं मे मनोदुच्चरितं, अकतं मे मनोसुचरितन्ति...पे०... “कतो मे पाणातिपातो, अकता मे पाणातिपाता वेरमणी”ति उप्पज्जति कुक्कुच्चं...पे०... मनोविलेखो, “कतं मे अदिन्नादानं... कतो मे कामेसुमिच्छाचारो... कतो मे मुसावादो... कता मे पिसुणवाचा... कता मे फरुसवाचा... कतो मे सम्फपलापो... कता मे अभिज्झा... कतो मे ब्यापादो... कता मे मिच्छादिट्ठि, अकता मे सम्मादिट्ठी”ति उप्पज्जति कुक्कुच्चं चेतसो विप्पटिसारो मनोविलेखो । एवं कतत्ता च अकतत्ता च उप्पज्जति कुक्कुच्चं चेतसो विप्पटिसारो मनोविलेखो ।

अथ वा “सीलेसुम्हि न परिपूरकारी”ति उप्पज्जति कुक्कुच्चं चेतसो विप्पटिसारो मनोविलेखो, “इन्द्रियेसुम्हि अगुत्तद्वारो”ति...पे०... “भोजने अमत्तज्जुम्ही”ति... “जागरियं अननुयुत्तोम्ही”ति... “न सतिसम्पज्जने समन्नागतोम्ही”ति... “अभाविता मे चत्तारो सतिपट्ठाना”ति... “अभाविता मे चत्तारो सम्मपधाना”ति... “अभाविता मे चत्तारो इट्ठिपादा”ति... “अभावितानि मे पञ्चिन्द्रियानी”ति... “अभावितानि मे पञ्च बलानी”ति... “अभाविता मे सत्त बोज्झङ्गा”ति... “अभावितो मे अरियो अट्ठङ्गिको मग्गो”ति... “दुक्खं मे अपरिज्जातं”न्ति... “समुदयो मे अप्पहीनो”ति... “मग्गो मे अभावितो”ति... “निरोधो मे असच्छिकतो”ति उप्पज्जति कुक्कुच्चं चेतसो विप्पटिसारो मनोविलेखो । **विरमे कुक्कुच्चाति** कुक्कुच्चा आरमेय्य विरमेय्य पटिविरमेय्य कुक्कुच्चं पजहेय्य विनोदेय्य ब्यन्तिं करेय्य अनभावं गमेय्य । कुक्कुच्चा आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — विरमे कुक्कुच्चा ।

नप्पमज्जेय्याति सक्कच्चकारी अस्स सातच्चकारी अट्ठितकारी अनोलीनवुत्तिको अनिक्खित्तच्छन्दो अनिक्खित्तधुरो अप्पमादो कुसलेसु धम्मेसु । “कदाहं अपरिपूरं वा सीलक्खन्धं परिपूरेय्यं, परिपूरं वा सीलक्खन्धं तत्थ तत्थ पज्जाय अनुगणहेय्य”न्ति? यो तत्थ छन्दो च वायामो च उस्साहो च उस्सोळ्ही च थामो च अप्पटिवानी च सति च सम्पज्जज्ज आतप्पं पधानं अधिट्ठानं अनुयोगो अप्पमादो कुसलेसु धम्मेसु । “कदाहं अपरिपूरं वा समाधिकक्खन्धं...पे०... पज्जाक्खन्धं... विमुत्तिकक्खन्धं... विमुत्तिजाणदस्सनक्खन्धं... कदाहं अपरिज्जातं वा दुक्खं परिजानेय्यं, अप्पहीने वा किलेसे पजहेय्यं, अभावितं वा मग्गं भावेय्यं, असच्छिकतं वा निरोधं सच्छिकरेय्य”न्ति? यो तत्थ छन्दो च वायामो च उस्साहो च उस्सोळ्ही च थामो च अप्पटिवानी च सति च सम्पज्जज्ज आतप्पं पधानं अधिट्ठानं अनुयोगो अप्पमादो कुसलेसु धम्मेसूति — विरमे कुक्कुच्चा नप्पमज्जेय्य ।

अथासनेसु सयनेसु, अप्पसद्देसु भिक्खु विहरेय्याति । अथाति पदसन्धि...पे०... आसनं वुच्चति यत्थ निसीदति — मज्जो पीठं भिसि तट्टिका चम्मखण्डो तिणसन्थारो पण्णसन्थारो पलालसन्थारो । सयनं वुच्चति सेनासनं विहारो अट्ठयोगो

पासादो हम्मियं गुहाति — अथासनेसु सयनेसु ।

अप्पसद्देसु भिक्खु विहरेय्याति । अप्पसद्देसु अप्पनिग्घोसेसु विजनवातेसु मनुस्सराहस्सेय्यकेसु पटिसल्लानसारुप्पेसु सेनासनेसु चरेय्य विचरेय्य विहरेय्य इरियेय्य वत्तेय्य पालेय्य यपेय्य यापेय्याति — अथासनेसु सयनेसु अप्पसद्देसु भिक्खु विहरेय्य ।

तेनाह भगवा —

“झायी न पादलोलस्स, विरमे कुक्कुच्चा नप्पमज्जेय्य ।

अथासनेसु सयनेसु, अप्पसद्देसु भिक्खु विहरेय्या”ति ॥

१६१. निदं न बहुलीकरेय्य, जागरियं भजेय्य आतापी ।
तन्दिं मायं हस्सं खिडुं, मेथुनं विप्पजहे सविभूसं ॥

निदं न बहुलीकरेय्याति । रत्तिन्दिवं छकोट्टासं कारेत्वा पञ्चकोट्टासं पटिपज्जेय्य एककोट्टासं निप्पज्जेय्याति — निदं न बहुलीकरेय्य ।

जागरियं भजेय्य आतापीति । इध भिक्खु दिवसं चङ्कमेन निसज्जाय आवरणीयेहि धम्मोहि चित्तं परिसोधेय्य, रत्तिया पठमं यामं चङ्कमेन निसज्जाय आवरणीयेहि धम्मोहि चित्तं परिसोधेय्य, रत्तिया मज्झिमं यामं दक्खिणेन पस्सेन सीहसेय्यं कप्पेय्य पादेपादं अच्चाधाय सतो सम्पजानो उट्ठानसज्जं मनसिकरित्वा, रत्तिया पच्छिमं यामं पच्चुट्ठाय चङ्कमेन निसज्जाय आवरणीयेहि धम्मोहि चित्तं परिसोधेय्य ।

जागरियं भजेय्याति जागरियं भजेय्य सम्भजेय्य सेवेय्य निसेवेय्य संसेवेय्य पटिसेवेय्याति — जागरियं भजेय्य ।

आतापीति । आतप्पं वुच्चति वीरियं [विरियं (सी० स्या०)] । यो चेतसिको वीरियारम्भो निक्कमो परक्कमो उय्यामो वायामो उस्साहो उस्सोळ्ही थामो ठिति असिथिलपरक्कमता अनिक्खित्तच्छन्दता अनिक्खित्तधुरता धुरसम्पगगहो वीरियं वीरियिन्द्रियं वीरियबलं सम्मावायामो । इमिना आतापेन उपेतो समुपेतो उपगतो समुपगतो उपपन्नो समुपपन्नो समन्नागतो सो वुच्चति आतापीति — जागरियं भजेय्य आतापी ।

तन्दिं मायं हस्सं खिडुं, मेथुनं विप्पजहे सविभूसन्ति । तन्दीति [तन्दिन्ति (सी०)] तन्दी तन्दियना तन्दियित्तं [नत्थि अत्तदण्डसुत्तनिद्देसे खुद्वकवत्थुविभङ्गेपि] तन्दिमनकता आलस्यं आलस्यायना आलस्यायित्तं । माया वुच्चति वज्जनिक्का चरिया । इधेकच्चो कायेन दुच्चरितं चरित्वा... पे०... वाचाय मनसा दुच्चरितं चरित्वा तस्स पटिच्छादनहेतु पापिकं इच्छं पणिदहति । मा मं जज्जाति [जज्जूति (क०)] इच्छति, मा मं जज्जाति सङ्कप्पेति, मा मं जज्जाति वाचं भासति, मा मं जज्जाति कायेन परक्कमति । या एवरूपा मायाविता अच्चसरा वज्जना निकति निकिरणा परिहरणा गूहना परिगूहना छादना परिच्छादना [पटिच्छादना (सी० क०) महानिद्देसे] अनुत्तानीकम्मं अनाविकम्मं वोच्छादना पापकिरिया — अयं वुच्चति माया । हस्सन्ति इधेकच्चो अतिवेलं दन्तविदंसकं हसति । वुत्तज्हेतं भगवता — “कुमारकमिदं, भिक्खवे, अरियस्स विनये यदिदं अतिवेलं दन्तविदंसकं हसित”न्ति ।

खिड्ढाति द्वे खिड्ढा — कायिका च खिड्ढा वाचसिका च खिड्ढा । कतमा कायिका खिड्ढा? हत्थीहिपि कीळन्ति, अस्सेहिपि कीळन्ति, रथेहिपि कीळन्ति, धनूहिपि कीळन्ति, अट्टपदेहिपि कीळन्ति, दसपदेहिपि कीळन्ति, आकासेपि कीळन्ति, परिहारपथेपि कीळन्ति, सन्तिकायपि कीळन्ति, खलिकायपि कीळन्ति, घटिकायपि कीळन्ति, सलाकहत्थेनपि कीळन्ति, अक्खेनपि कीळन्ति, पङ्कचीरेनपि कीळन्ति, वङ्ककेनपि कीळन्ति, मोक्खचिकायपि कीळन्ति, चिङ्गुलकेनपि कीळन्ति, पत्ताळहकेनपि कीळन्ति, रथकेनपि कीळन्ति, धनुकेनपि कीळन्ति, अक्खरिकायपि कीळन्ति, मनेसिकायपि कीळन्ति, यथावज्जेनपि कीळन्ति — अयं कायिका खिड्ढा । कतमा वाचसिका खिड्ढा? मुखभेरिकं **[मुखभेरियं (स्या०)]** मुखालम्बरं मुखडिण्डिमकं **[मुखदेण्डिमकं (सी० स्या०)]** मुखवल्लिमकं मुखभेरुलकं **[मुखभेरुलकं (सी०)]** मुखददरिक्कं नाटकं लापं गीतं दवकम्मं — अयं वाचसिका खिड्ढा ।

मेथुनधम्मो नाम यो सो असद्धम्मो गामधम्मो वसलधम्मो दुट्ठुल्लो ओदकन्तिको रहस्सो द्वयं द्वयसमापत्ति । किंकारणा वुच्चति मेथुनधम्मो? उभिन्नं रत्तानं सारत्तानं अवस्सुतानं परियुट्ठितानं परियादिन्नचित्तानं उभिन्नं सदिसानं धम्मोति, तंकारणा वुच्चति मेथुनधम्मो । यथा उभो कलहकारका मेथुनकाति वुच्चन्ति, उभो भण्डनकारका...पे०... उभो भस्सकारका... उभो अधिकरणकारका... उभो विवादकारका... उभो वादिनो... उभो सल्लापका मेथुनकाति वुच्चन्ति; एवमेव उभिन्नं रत्तानं सारत्तानं अवस्सुतानं परियुट्ठितानं परियादिन्नचित्तानं उभिन्नं सदिसानं धम्मोति, तंकारणा वुच्चति मेथुनधम्मो ।

विभूसाति द्वे विभूसा — अत्थि अगारियस्स विभूसा, अत्थि पब्बजितस्स विभूसा । कतमा अगारियस्स विभूसा? केसा च मस्सु च माला च गन्धा च विलेपना च आभरणा च पिलन्धना च वत्थज्ज सयनासनज्ज वेठनज्ज उच्छादनं परिमद्दं न्हापनं सम्बाहनं आदासं अज्जनं मालाविलेपनं मुखचुण्णकं मुखलेपं हत्थबन्धं सिखाबन्धं **[वसिक्खाबन्धं (स्या०)]** दण्डनाळियं खगं छत्तं चित्रा उपाहना उण्हीसं मणिं वाळबीजनिं ओदातानि वत्थानि दीघदसानि इति वा — अयं अगारियस्स विभूसा । कतमा पब्बजितस्स विभूसा? चीवरमण्डना पत्तमण्डना सेनासनमण्डना इमस्स वा पूतिकायस्स बाहिरानं वा परिकखारानं मण्डना विभूसना केळना परिकेळना गोधितता गोधितत्तं चपलता चापल्यं — अयं पब्बजितस्स विभूसा ।

तन्दिं मायं हस्सं खिड्ढुं, मेथुनं विप्पजहे सविभूसन्ति । तन्दिज्ज मायज्ज हस्सज्ज खिड्ढुज्ज मेथुनधम्मज्ज सविभूसं सपरिवारं सपरिभण्डं सपरिक्खारं पजहेय्य विनोदेय्य ब्यन्तिं करेय्य अनभावं गमेय्याति — तन्दिं मायं हस्सं खिड्ढुं, मेथुनं विप्पजहे सविभूसं ।

तेनाह भगवा —

“निदं न बहुलीकरेय्य, जागरियं भजेय्य आतापी ।
तन्दिं मायं हस्सं खिड्ढुं, मेथुनं विप्पजहे सविभूस”न्ति ॥

१६२.आथब्बणं सुपिनं लक्खणं, नो विदहे अथोपि नक्खत्तं ।

विरुतज्ज गब्भकरणं, तिकिच्छं मामको न सेवेय्य ॥

आथब्बणं सुपिनं लक्खणं, नो विदहे अथोपि नक्खत्तन्ति । आथब्बणिका आथब्बणं पयोजेन्ति, नगरे वा रुद्धे

[रुन्धे (क०)] सङ्गामे वा पच्चुपट्टिते परसेनपच्चत्थिकेसु पच्चामित्तेसु ईति उप्पादेन्ति, उपद्वं उप्पादेन्ति, रोगं उप्पादेन्ति, पज्जरकं करोन्ति, सूलं करोन्ति, विसूचिकं करोन्ति, पक्खन्दिकं करोन्ति । एवं आथब्बणिका आथब्बणं पयोजेन्ति ।

सुपिनपाठका सुपिनं आदिसन्ति, यो पुब्बण्हसमयं सुपिनं पस्सति, एवं विपाको होति । यो मज्झन्हिकसमयं [मज्झन्तिकसमयं (बहूसु)] सुपिनं पस्सति, एवं विपाको होति । यो सायन्हसमयं सुपिनं पस्सति, एवं विपाको होति । यो पुरिमे यामे... पे०... यो मज्झिमे यामे... यो पच्छिमे यामे... यो दक्खिणेन पस्सेन निपन्नो... यो वामेन पस्सेन निपन्नो... यो उत्तानं निपन्नो... यो अवकुज्ज निपन्नो... यो चन्दं पस्सति... यो सूरियं पस्सति... यो महासमुद्वं पस्सति... यो सिनेरुं पब्बतराजानं पस्सति... यो हत्थिं पस्सति... यो अस्सं पस्सति... यो रथं पस्सति... यो पत्तिं पस्सति... यो सेनाब्बूहं पस्सति... यो आरामरामणेय्यकं पस्सति... यो वनरामणेय्यकं पस्सति... यो भूमिरामणेय्यकं पस्सति... यो पोक्खरणीरामणेय्यकं [पोक्खरणीरामणेय्यकं (स्या०)] पस्सति, एवं विपाको होतीति । एवं सुपिनपाठका सुपिनं आदिसन्ति ।

लक्खणपाठका लक्खणं आदिसन्ति — मणिलक्खणं दण्डलक्खणं वत्थलक्खणं असिलक्खणं उसुलक्खणं धनुलक्खणं आवुधलक्खणं इत्थिलक्खणं पुरिसलक्खणं कुमारिकालक्खणं कुमारलक्खणं दासिलक्खणं दासलक्खणं हत्थिलक्खणं अस्सलक्खणं महिंसलक्खणं उसभलक्खणं गोणलक्खणं अजलक्खणं मेण्डलक्खणं कुक्कुटलक्खणं वट्टलक्खणं गोधालक्खणं कण्णिकालक्खणं कच्छपलक्खणं मिगलक्खणं इति वाति । एवं लक्खणपाठका लक्खणं आदिसन्ति ।

नक्खत्तपाठका नक्खत्तं आदिसन्ति । अट्ठवीसति नक्खत्तानि । इमिना नक्खत्तेन घरप्पवेसो कत्तब्बो, इमिना नक्खत्तेन मकुटं बन्धितब्बं, इमिना नक्खत्तेन वारेय्यं कारेतब्बं, इमिना नक्खत्तेन बीजनीहारो [बीजनिहारो (स्या० क०)] कत्तब्बो, इमिना नक्खत्तेन संवासो [घरवासो (स्या०)] गन्तब्बोति । एवं नक्खत्तपाठका नक्खत्तं आदिसन्ति ।

आथब्बणं सुपिनं लक्खणं, नो विदहे अथोपि नक्खत्तन्ति । आथब्बणञ्च सुपिनञ्च लक्खणञ्च नक्खत्तञ्च नो विदहेय्यं न चरेय्यं न समाचरेय्यं न समादाय वत्तेय्यं । अथ वा न गणहेय्यं न उगगणहेय्यं न धारेय्यं न उपधारेय्यं न उपलक्खेय्यं न पण्योजेय्याति — आथब्बणं सुपिनं लक्खणं, नो विदहे अथोपि नक्खत्तं ।

विरुत्तञ्च गम्भकरणं, तिकिच्छं मामको न सेवेय्याति । विरुत्तं वुच्चति मिगवाक्कं । मिगवाक्कपाठका [मिगचक्कं । मिगचक्कपाठका (स्या०)] मिगवाक्कं आदिसन्ति — सकुन्तानं वा चतुप्पदानं वा रुत्तं [रुदं (स्या०)] वस्सितं जानन्तीति । एवं मिगवाक्कपाठका मिगवाक्कं आदिसन्ति । गम्भकरणीया गम्भं सण्ठापेन्ति । द्वीहि कारणेहि गम्भो न सण्ठाति — पाणकेहि वा वातकुप्पेहि वा । पाणकानं वा वातकुप्पानं वा पटिघाताय ओसधं देन्तीति । एवं गम्भकरणीया गम्भं सण्ठापेन्ति । तिकिच्छाति पञ्च तिकिच्छा — सालाकियं, सल्लकत्तियं, कायतिकिच्छं, भूतियं, कोमारभच्चं । मामकोति बुद्धमामको धम्ममामको सङ्गमामको, सो वा भगवन्तं ममायति भगवा वा तं पुग्गलं परिगगणाति । वुत्तज्हेतं भगवता — “ये ते, भिक्खवे, भिक्खू कुहा थद्धा लपा सिङ्गी उन्नळा असमाहिता न मे ते, भिक्खवे, भिक्खू मामका, अपगता च ते, भिक्खवे, भिक्खू इमस्मा धम्मविनया, न च ते भिक्खू इमस्मिं धम्मविनये वुद्धिं विरूळिह वेपुल्लं आपज्जन्ति । ये च खो, भिक्खवे, भिक्खू निक्कुहा निल्लपा धीरा अत्थद्धा सुसमाहिता ते खो मे, भिक्खवे, भिक्खू मामका न च अपगता ते, भिक्खवे, भिक्खू इमस्मा धम्मविनया, ते च भिक्खू इमस्मिं धम्मविनये वुद्धिं विरूळिह वेपुल्लं आपज्जन्ति” ।

“कुहा थद्धा लपा सिङ्गी, उन्नळा असमाहिता ।
न ते धम्मे विरूहन्ति, सम्मासम्बुद्धदेसिते ॥

“निकुहा निल्लपा धीरा, अत्थद्धा सुसमाहिता ।
ते वे धम्मे विरूहन्ति, सम्मासम्बुद्धदेसिते” ॥

विरुतञ्च गब्भकरणं, तिकिच्छं मामको न सेवेय्याति । विरुतञ्च गब्भकरणञ्च तिकिच्छञ्च मामको न सेवेय्य न निसेवेय्य न संसेवेय्य न न्णटिसेवेय्य न चरेय्य न समाचरेय्य न समादाय वत्तेय्य । अथ वा न गण्हेय्य न उग्गण्हेय्य न धारेय्य न उपधारेय्य न उपलक्खेय्य नप्पयोजेय्याति — विरुतञ्च गब्भकरणं तिकिच्छं मामको न सेवेय्य ।

तेनाह भगवा —

“आथब्बणं सुपिनं लक्खणं, नो विदहे अथोपि नक्खत्तं ।
विरुतञ्च गब्भकरणं, तिकिच्छं मामको न सेवेय्या”ति ॥

**१६३.निन्दाय नप्पवेधेय्य, न उन्नमेय्य पसंसितो भिक्खु ।
लोभं सह मच्छरियेन, कोधं पेसुणियञ्च पनुदेय्य ॥**

निन्दाय नप्पवेधेय्याति । इधेकच्चे भिक्खू निन्दन्ति जातिया वा गोत्तेन वा कोलपुत्तियेन वा वण्णपोक्खरताय वा धनेन वा अज्झेनेन वा कम्मायतनेन वा सिप्पायतनेन वा विज्जाट्टानेन वा सुतेन वा पटिभानेन वा अज्जतरज्जतरेन वा वत्थुना निन्दन्ति गरहन्ति उपवदन्ति, निन्दितो गरहितो उपवदितो निन्दाय गरहाय उपवादेन अकित्तिया अवण्णहारिकाय न वेधेय्य नप्पवेधेय्य न सम्पवेधेय्य न तसेय्य न उत्तसेय्य न परितसेय्य न भायेय्य न सन्तासं आपज्जेय्य, अभीरू अस्स अछम्भी अनुत्रासी अपलायी, पहीनभयभेरवो विगतलोमहंसो विहरेय्याति — निन्दाय नप्पवेधेय्य ।

न उन्नमेय्य पसंसितो भिक्खूति । इधेकच्चे भिक्खू पसंसन्ति जातिया वा गोत्तेन वा कोलपुत्तियेन वा वण्णपोक्खरताय वा धनेन वा अज्झेनेन वा कम्मायतनेन वा सिप्पायतनेन वा विज्जाट्टानेन वा सुतेन वा पटिभानेन वा अज्जतरज्जतरेन वा वत्थुना पसंसन्ति थोमेन्ति कित्तेन्ति वण्णेन्ति, पसंसितो थोमितो कित्तितो वण्णितो पसंसाय थोमनेन कित्तिया वण्णहारिकाय उन्नतिं न करेय्य उन्नमं न करेय्य मानं न करेय्य थम्भं न करेय्य, न तेन मानं जनेय्य न तेन थद्धो अस्स पत्थद्धो पग्गहितसिरोति — न उन्नमेय्य पसंसितो भिक्खु ।

लोभं सह मच्छरियेन, कोधं पेसुणियञ्च पनुदेय्याति । लोभोति यो लोभो लुब्भना लुब्भितत्तं सारागो सारज्जना सारज्जितत्तं अभिज्झा लोभो अकुसलमूलं । **मच्छरियन्ति** पञ्च मच्छरियानि — आवासमच्छरियं...पे०... गाहो वुच्चति मच्छरियं । **कोधोति** यो चित्तस्स आघातो पटिघातो पटिघं पटिविरोधो, कोपो पकोपो सम्पकोपो, दोसो पदोसो सम्पदोसो, चित्तस्स ब्यापत्ति मनोपदोसो, कोधो कुज्झना कुज्झितत्तं, दोसो दुस्सना दुस्सितत्तं, ब्यापत्तिं ब्यापज्जना ब्यापज्जितत्तं, विरोधो पटिविरोधो चण्डिक्कं असुरोपो अनत्तमनता चित्तस्स । **पेसुज्जन्ति** इधेकच्चो पिसुणवाचो होति इतो सुत्वा अमुत्र अक्खाता इमेसं भेदाय, अमुत्र वा सुत्वा इमेसं अक्खाता अमूसं भेदाय । इति समग्गानं वा भेत्ता भिन्नानं वा अनुप्पदाता, वग्गारामो वग्गरतो वग्गनन्दी वग्गकरणिं वाचं भासिता होति — इदं वुच्चति पेसुज्जं ।

अपि च द्वीहि कारणेहि पेसुज्जं उपसंहरति — पियकम्यताय वा भेदाधिप्पायेन वा । कथं पियकम्यताय पेसुज्जं उपसंहरति? इमस्स पियो भविस्सामि मनापो भविस्सामि विस्सासिको भविस्सामि अब्भन्तरिको भविस्सामि सुहदयो भविस्सामीति । एवं पियकम्यताय पेसुज्जं उपसंहरति । कथं भेदाधिप्पायेन पेसुज्जं उपसंहरति? कथं इमे नाना अस्सु विना अस्सु वग्गा अस्सु द्वेधा अस्सु द्वेज्झा अस्सु द्वे पक्खा अस्सु भिज्जेय्युं न समागच्छेय्युं दुक्खं न फासु विहरेय्युन्ति । एवं भेदाधिप्पायेन पेसुज्जं उपसंहरति । **लोभं सह मच्छरियेन, कोधं पेसुणियञ्च पनुदेय्याति** । लोभञ्च मच्छरियञ्च कोधञ्च पेसुज्जञ्च नुदेय्य पनुदेय्य पजहेय्य विनोदेय्य ब्यन्तिं करेय्य अनभावं गमेय्याति — लोभं सह मच्छरियेन, कोधं पेसुणियञ्च पनुदेय्य ।

तेनाह भगवा —

“निन्दाय नप्पवेधेय्य, न उन्नमेय्य पसंसितो भिक्खु ।
लोभं सह मच्छरियेन, कोधं पेसुणियञ्च पनुदेय्या”ति ॥

**१६४ कयविककये न तिट्ठेय्य, उपवादं भिक्खु न करेय्य कुहिञ्चि ।
गामे च नाभिसज्जेय्य, लाभकम्या जनं न लपयेय्य ॥**

कयविककये न तिट्ठेय्याति । ये कयविककया विनये पटिक्खित्ता न ते इमस्मिं अत्थे अधिप्पेता । कथं कयविककये तिट्ठति? पञ्चन्नं सद्धिं पत्तं वा चीवरं वा अज्जं वा किञ्चि परिक्रारं वज्जनियं वा करोन्तो उदयं वा पत्थयन्तो परिवत्तेति । एवं कयविककये तिट्ठति । कथं कयविककये न तिट्ठति? पञ्चन्नं सद्धिं पत्तं वा चीवरं वा अज्जं वा किञ्चि परिक्रारं न वज्जनियं वा करोन्तो न उदयं वा पत्थयन्तो परिवत्तेति । एवं कयविककये न तिट्ठति । **कयविककये न तिट्ठेय्याति** । कयविककये न तिट्ठेय्य न सन्तिट्ठेय्य, कयविककयं पजहेय्य विनोदेय्य ब्यन्तिं करेय्य अनभावं गमेय्य, कयविककया आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — कयविककये न तिट्ठेय्य ।

उपवादं भिक्खु न करेय्य कुहिञ्चीति । कतमे उपवादकराति किलेसा? सन्तेके समणब्राह्मणा इद्धिमन्तो दिब्बचक्खुका परचित्तविदुनो, ते दूरतोपि पस्सन्ति आसन्नापि न दिस्सन्ति चेतसापि चित्तं पजानन्ति, देवतापि खो सन्ति इद्धिमन्तिनियो दिब्बचक्खुका परचित्तविदुनियो, ता दूरतोपि पस्सन्ति, आसन्नापि न दिस्सन्ति चेतसापि चित्तं पजानन्ति । ते ओळारिकेहि वा किलेसेहि मज्झिमेहि वा किलेसेहि सुखुमेहि वा किलेसेहि उपवदेय्युं । कतमे ओळारिका किलेसा? कायदुच्चरितं वचीदुच्चरितं मनोदुच्चरितं — इमे वुच्चन्ति ओळारिका किलेसा । कतमे मज्झिमा किलेसा? कामवितक्को ब्यापादवितक्को विहिंसावितक्को — इमे वुच्चन्ति मज्झिमा किलेसा । कतमे सुखुमा किलेसा? जातिवितक्को, जनपदवितक्को, अपरवितक्को, परानुदयता पटिसज्जुत्तो वितक्को, लाभसक्कारसिलोकपटिसज्जुत्तो वितक्को, अनवज्जत्तिपटिसज्जुत्तो वितक्को — इमे वुच्चन्ति सुखुमा किलेसा । ते ओळारिकेहि वा किलेसेहि मज्झिमेहि वा किलेसेहि सुखुमेहि वा किलेसेहि न उपवदेय्य उपवादं न करेय्य उपवादकरे किलेसे न करेय्य न जनेय्य न सज्जनेय्य न निब्बत्तेय्य नाभिनिब्बत्तेय्य, उपवादकरे किलेसे पजहेय्य विनोदेय्य ब्यन्तिं करेय्य अनभावं गमेय्य, उपवादकरेहि किलेसेहि आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्य । **कुहिञ्चीति** कुहिञ्चि किमिहि कत्थिचि अज्झत्तं वा बहिद्वा वा अज्झत्तबहिद्वा वाति — उपवादं भिक्खु न करेय्य कुहिञ्चि ।

गामे च नाभिसज्जेय्याति । कथं गामे सज्जति? इध भिक्खु गामे गिहीहि संसट्ठो विहरति सहनन्दी सहसोकी सुखितेसु सुखितो दुक्खितेसु दुक्खितो, उप्पन्नेसु किच्चकरणीयेसु अत्तना वोयोगं आपज्जति । एवम्पि गामे सज्जति ।

अथ वा भिक्खु पुब्बण्हसमयं निवासेत्वा पत्तचीवरमादाय गामं वा निगमं वा पिण्डाय पविसति अरक्खितेनेव कायेन अरक्खिताय वाचाय अरक्खितेन चित्तेन अनुपट्ठिताय सति या असंवुतेहि इन्द्रियेहि । सो तत्र तत्र सज्जति तत्र तत्र गण्हाति तत्र तत्र बज्झति तत्र तत्र अनयव्यसनं आपज्जति । एवम्पि गामे सज्जति ।

कथं गामे न सज्जति? इध भिक्खु गामे गिहीहि असंसट्ठो विहरति न सहनन्दी न सहसोकी न सुखितेसु सुखितो न दुक्खितेसु दुक्खितो, उप्पन्नेसु किच्चकरणीयेसु न अत्तना वोयोगं आपज्जति । एवम्पि गामे न सज्जति ।

अथ वा भिक्खु पुब्बण्हसमयं निवासेत्वा पत्तचीवरमादाय गामं वा निगमं वा पिण्डाय पविसति रक्खितेनेव कायेन रक्खिताय वाचाय रक्खितेन चित्तेन उपट्ठिताय सति या संवुतेहि इन्द्रियेहि । सो तत्र तत्र न सज्जति तत्र तत्र न गण्हाति तत्र तत्र न बज्झति तत्र तत्र न अनयव्यसनं आपज्जति । एवम्पि गामे न सज्जति । **गामे च नाभिसज्जेय्याति** गामे न सज्जेय्य न गण्हेय्य न बज्जेय्य न पलिबज्जेय्य, अगिद्धो अस्स अगधितो अमुच्छितो अनज्झोसन्नो वीतगेधो विगतगेधो चत्तगेधो... पे०... ब्रह्मभूतेन अत्तना विहरेय्याति — गामे च नाभिसज्जेय्य ।

लाभकम्या जनं न लपयेय्याति । कतमा लपना? लाभसक्कारसिलोकसन्निस्सितस्स पापिच्छस्स इच्छापकतस्स आमिसचक्खुकस्स लोकधम्मगरुकस्स या परेसं आलपना लपना सल्लपना उल्लपना समुल्लपना उन्नहना समुन्नहना उक्काचना समुक्काचना [उक्कापना समुक्कापना (स्या०)] अनुपियभाणिता चातुकम्यता मुग्गसूयता पारिभटयता परपिट्ठिमंसिकता [पिट्ठिमंसिकता (क०) विसुद्धिमग्गे सीलनिद्देसवण्णना ओलोकेतब्बा], या तत्थ सण्हावाचता सखिलवाचता सिथिलवाचता [मेत्तवाचकता (स्या०)] अफरुसवाचता — अयं वुच्चति लपना ।

अपि च द्वीहि कारणेहि जनं लपति — अत्तानं वा नीचं ठपेन्तो परं उच्चं ठपेन्तो जनं लपति, अत्तानं वा उच्चं ठपेन्तो परं नीचं ठपेन्तो जनं लपति । कथं अत्तानं नीचं ठपेन्तो परं उच्चं ठपेन्तो जनं लपति? “तुम्हे मे बहूपकारा, अहं तुम्हे निस्साय लभामि चीवरपिण्डपातसेनासनगिलानपच्चयभेसज्जपरिक्खारं, येपि मे अज्जे दातुं वा कातुं वा मज्जन्ति, तुम्हे निस्साय तुम्हे सम्पस्सन्ता यम्पि मे पुराणं मातापेत्तिकं नामधेय्यं तम्पि मे अन्तरहितं । तुम्हेहि अहं जायामि असुकस्स कुलूपको असुकाय कुलूपको”ति । एवं अत्तानं नीचं ठपेन्तो परं उच्चं ठपेन्तो जनं लपति ।

कथं अत्तानं उच्चं ठपेन्तो परं नीचं ठपेन्तो जनं लपति? “अहं तुम्हाकं बहूपकारो, तुम्हे मं आगम्म बुद्धं सरणं गता, धम्मं सरणं गता, सङ्घं सरणं गता, पाणातिपाता पटिविरता, अदिन्नादाना पटिविरता, कामेसुमिच्छाचारा पटिविरता, मुसावादा पटिविरता, सुरामेरयमज्जप्पमादट्ठाना पटिविरता । अहं तुम्हाकं उद्देसं देमि, परिपुच्छं देमि, उपोसथं आचिक्खामि, नवकम्मं अधिद्वामि । अथ पन तुम्हे मं उज्झित्वा अज्जे सक्करोथ गरुं करोथ मानेथ पूजेथा”ति । एवं अत्तानं उच्चं ठपेन्तो परं नीचं ठपेन्तो जनं लपति ।

लाभकम्या जनं न लपयेय्याति । लाभहेतु लाभपच्चया लाभकारणा लाभाभिनिब्बत्तिया लाभं परिपाचेन्तो जनं न लपयेय्य, लपनं पजहेय्य विनोदेय्य व्यन्तिं करेय्य अनभावं गमेय्य, लपना आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — लाभकम्या जनं न लपयेय्य ।

तेनाह भगवा —

“कयविककये न तिठ्ठेय्य, उपवादं भिक्खु न करेय्य कुहिञ्चि ।
गामे च नाभिसज्जेय्य, लाभकम्या जनं न लपयेय्या”ति ॥

**१६५.न च कत्थिको [कत्थिता (स्या० क०)] सिया भिक्खु, न च वाचं पयुत्तं भासेय्य ।
पागब्भियं न सिक्खेय्य, कथं विग्गाहिकं न कथयेय्य ॥**

न च कत्थिको सिया भिक्खूति । इधेकच्चो कत्थी होति विकत्थी । सो कत्थति विकत्थति अहमस्मि सीलसम्पन्नोति वा वतसम्पन्नोति वा सीलब्धतसम्पन्नोति वा जातिया वा गोत्तेन वा कोलपुत्तियेन वा वण्णपोक्खरताय वा धनेन वा अज्झेनेन वा कम्मायतनेन वा सिप्पायतनेन वा विज्जाट्टानेन वा सुतेन वा पटिभानेन वा अज्जतरज्जतरेन वा वत्थुना । उच्चा कुला पब्बजितोति वा महाभोगकुला पब्बजितोति वा उट्ठारभोगकुला पब्बजितोति वा सुत्तन्तिकोति वा विनयधरोति वा धम्मकथिकोति वा आरज्जिकोति वा... पे०... नेवसज्जानासज्जायतनसमापत्तिया लाभीति वा कत्थति विकत्थति । एवं न कथेय्य न विकथेय्य, कथं पजहेय्य विनोदेय्य ब्यन्तिं करेय्य अनभावं गमेय्य, कथना आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — न च कत्थिको सिया भिक्खु ।

न च वाचं पयुत्तं भासेय्याति । कतमा पयुत्तवाचा? इधेकच्चो चीवरपयुत्तं वाचं भासति, पिण्डपातपयुत्तं वाचं भासति, सेनासनपयुत्तं वाचं भासति, गिलानपच्चयभेसज्जपरिक्खारपयुत्तं वाचं भासति — अयम्पि वुच्चति पयुत्तवाचा ।

अथ वा चीवरहेतु पिण्डपातहेतु सेनासनहेतु गिलानपच्चयभेसज्जपरिक्खारहेतु सच्चम्पि भणति मुसापि भणति, पिसुणम्पि भणति अपिसुणम्पि भणति, फरुसम्पि भणति अफरुसम्पि भणति, सम्फप्पलापम्पि भणति असम्फप्पलापम्पि भणति, मन्तापि वाचं भासति — अयम्पि वुच्चति पयुत्तवाचा । अथ वा पसन्नचित्तो परेसं धम्मं देसेति — “अहो वत मे धम्मं सुणेय्युं, सुत्वाव धम्मं पसीदेय्युं, पसन्ना च मे पसन्नाकारं करेय्यु”न्ति — अयं वुच्चति पयुत्तवाचा । **न च वाचं पयुत्तं भासेय्याति ।** अन्तमसो धम्मदेसनं वाचं उपादाय पयुत्तवाचं न भासेय्य न कथेय्य न भणेय्य न दीपेय्य न वोहरेय्य, पयुत्तं वाचं पजहेय्य विनोदेय्य ब्यन्तिं करेय्य अनभावं गमेय्य, पयुत्तवाचाय आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — न च वाचं पयुत्तं भासेय्य ।

पागब्भियं न सिक्खेय्याति । पागब्भियन्ति तीणि पागब्भियानि — कायिकं पागब्भियं, वाचसिकं पागब्भियं, चेतसिकं पागब्भियं । कतमं कायिकं पागब्भियं? इधेकच्चो सङ्गगतोपि कायिकं पागब्भियं दस्सेति, गणगतोपि कायिकं पागब्भियं दस्सेति, भोजनसालायपि कायिकं पागब्भियं दस्सेति, जन्ताघरेपि कायिकं पागब्भियं दस्सेति, उदकतित्थेपि कायिकं पागब्भियं दस्सेति, अन्तरघरं पविसन्तोपि कायिकं पागब्भियं दस्सेति, अन्तरघरं पविट्ठोपि कायिकं पागब्भियं दस्सेति ।

कथं सङ्गगतो कायिकं पागब्भियं दस्सेति? इधेकच्चो सङ्गगतो अचित्तीकारकतो थरे भिक्खू घट्टयन्तोपि तिठ्ठति, घट्टयन्तोपि निसीदति, पुरतोपि तिठ्ठति, पुरतोपि निसीदति, उच्चेपि आसने निसीदति, ससीसं पारुपित्वा निसीदति, ठितकोपि भणति, बाहाविक्खेपकोपि भणति । एवं सङ्गगतो कायिकं पागब्भियं दस्सेति ।

कथं गणगतो कायिकं पागब्भियं दस्सेति? इधेकच्चो गणगतो अचिक्कीकारकतो थेरानं भिक्खून् अनुपाहनानं चङ्कमन्तानं सउपाहनो चङ्कमति, नीचे चङ्कमे चङ्कमन्तानं उच्चे चङ्कमे चङ्कमति, छमाय चङ्कमन्तानं चङ्कमे चङ्कमति, घट्टयन्तोपि तिट्ठति, घट्टयन्तोपि निसीदति, पुरतोपि तिट्ठति, पुरतोपि निसीदति, उच्चेपि आसने निसीदति, ससीसं पारुपित्वापि निसीदति, ठितोपि भणति, बाहाविकखेपकोपि भणति । एवं गणगतो कायिकं पागब्भियं दस्सेति ।

कथं भोजनसालाय कायिकं पागब्भियं दस्सेति? इधेकच्चो भोजनसालाय अचिक्कीकारकतो थेरे भिक्खू अनुपखज्ज निसीदति, नवेपि भिक्खू आसनेन पटिबाहति, घट्टयन्तोपि तिट्ठति, घट्टयन्तोपि निसीदति, पुरतोपि तिट्ठति, पुरतोपि निसीदति, उच्चेपि आसने निसीदति, ससीसं पारुपित्वा निसीदति, ठितकोपि भणति, बाहाविकखेपकोपि भणति । एवं भोजनसालाय कायिकं पागब्भियं दस्सेति ।

कथं जन्ताघरे कायिकं पागब्भियं दस्सेति? इधेकच्चो जन्ताघरे अचिक्कीकारकतो थेरे भिक्खू घट्टयन्तोपि तिट्ठति, घट्टयन्तोपि निसीदति, पुरतोपि तिट्ठति, पुरतोपि निसीदति, उच्चेपि आसने निसीदति, अनापुच्छापि कट्ठं पक्खिपति, अनापुच्छापि द्वारं पिदहति । एवं जन्ताघरे कायिकं पागब्भियं दस्सेति ।

कथं उदकतित्थे कायिकं पागब्भियं दस्सेति? इधेकच्चो उदकतित्थे अचिक्कीकारकतो थेरे भिक्खू घट्टयन्तोपि ओतरति, पुरतोपि ओतरति, घट्टयन्तोपि न्हायति, पुरतोपि न्हायति, उपरितोपि न्हायति, घट्टयन्तोपि उत्तरति, पुरतोपि उत्तरति । एवं उदकतित्थे कायिकं पागब्भियं दस्सेति ।

कथं अन्तरघरं पविसन्तो कायिकं पागब्भियं दस्सेति? इधेकच्चो अन्तरघरं पविसन्तो अचिक्कीकारकतो थेरे भिक्खू घट्टयन्तोपि गच्छति, पुरतोपि गच्छति, वोक्कम्मपि थेरानं भिक्खून् पुरतो गच्छति । एवं अन्तरघरं पविसन्तो कायिकं पागब्भियं दस्सेति ।

कथं अन्तरघरं पविट्ठो कायिकं पागब्भियं दस्सेति? इधेकच्चो अन्तरघरं पविट्ठो “न पविस, भन्ते”ति वुच्चमानो पविसति, “न तिट्ठ, भन्ते”ति वुच्चमानो तिट्ठति, “न निसीद, भन्ते”ति वुच्चमानो निसीदति, अनोकासम्पि पविसति, अनोकासेपि तिट्ठति, अनोकासेपि निसीदति, यानिपि तानि होन्ति कुलानं ओवरकानि गूळहानि च पटिच्छन्नानि च, यत्थ कुलित्थियो कुलधीतरो कुलसुण्हायो कुलकुमारियो निसीदन्ति तत्थपि सहसा पविसति, कुमारकस्स सीसम्पि परामसति । एवं अन्तरघरं पविट्ठो कायिकं पागब्भियं दस्सेति — इदं कायिकं पागब्भियं ।

कतमं वाचसिकं पागब्भियं? इधेकच्चो सङ्गगतोपि वाचसिकं पागब्भियं दस्सेति, गणगतोपि वाचसिकं पागब्भियं दस्सेति, अन्तरघरं पविट्ठोपि वाचसिकं पागब्भियं दस्सेति । कथं सङ्गगतो वाचसिकं पागब्भियं दस्सेति? इधेकच्चो सङ्गगतो अचिक्कीकारकतो थेरे भिक्खू अनापुच्छं वा अनज्झिट्ठो वा आरामगतानं भिक्खून् धम्मं भणति, पज्झं विसज्जेति, पातिमोक्खं उद्दिसति, ठितकोपि भणति, बाहाविकखेपकोपि भणति । एवं सङ्गगतो वाचसिकं पागब्भियं दस्सेति ।

कथं गणगतो वाचसिकं पागब्भियं दस्सेति? इधेकच्चो गणगतो अचिक्कीकारकतो थेरे भिक्खू अनापुच्छं वा अनज्झिट्ठो वा आरामगतानं भिक्खून् धम्मं भणति, पज्झं विसज्जेति, ठितकोपि भणति, बाहाविकखेपकोपि भणति; आरामगतानं भिक्खुनीनं उपासकानं उपासिकानं धम्मं भणति, पज्झं विसज्जेति, ठितकोपि भणति, बाहाविकखेपकोपि भणति । एवं गणगतो वाचसिकं पागब्भियं दस्सेति ।

कथं अन्तरघरं पविट्टो वाचसिकं पागब्भियं दस्सेति? इधेकच्चो अन्तरघरं पविट्टो इत्थिं वा कुमारिं वा एवमाह — “इत्थन्नामे इत्थंगोत्ते किं अत्थि? यागु अत्थि, भत्तं अत्थि, खादनीयं अत्थि? किं पिविस्साम, किं भुज्जिस्साम, किं खादिस्साम, किं वा अत्थि, किं वा मे दस्सथा”ति विप्पलपति । एवं अन्तरघरं पविट्टो वाचसिकं पागब्भियं दस्सेति — इदं वाचसिकं पागब्भियं ।

कतमं चेतसिकं पागब्भियं? इधेकच्चो न उच्चा कुला पब्बजितो समानो उच्चा कुला पब्बजितेन सद्धिं सदिसं अत्तानं करोति चित्तेन, न महाभोगकुला पब्बजितो समानो महाभोगकुला पब्बजितेन सद्धिं सदिसं अत्तानं करोति चित्तेन, न उळारभोगकुला पब्बजितो समानो उळारभोगकुला पब्बजितेन सद्धिं सदिसं अत्तानं करोति चित्तेन, न सुत्तन्तिको समानो सुत्तन्तिकेन सद्धिं सदिसं अत्तानं करोति चित्तेन, न विनयधरो समानो विनयधरेन... न धम्मकथिको समानो धम्मकथिकेन... न आरज्जिको समानो आरज्जिकेन... न पिण्डपातिको समानो पिण्डपातिकेन... न पंसुकूलिको समानो पंसुकूलिकेन... न तेचीवरिको समानो तेचीवरिकेन... न सपदानचारिको समानो सपदानचारिकेन... न खलुपच्छाभक्तिको समानो खलुपच्छाभक्तिकेन... न नेसज्जिको समानो नेसज्जिकेन... न यथासन्थतिको समानो यथासन्थतिकेन सद्धिं सदिसं अत्तानं करोति चित्तेन, न पठमस्स ज्ञानस्स लाभी समानो पठमस्स ज्ञानस्स लाभिना सद्धिं सदिसं अत्तानं करोति चित्तेन, न दुतियस्स ज्ञानस्स लाभी समानो दुतियस्स... न ततियस्स ज्ञानस्स लाभी समानो ततियस्स... न चतुत्थस्स ज्ञानस्स लाभी समानो लाभी समानो चतुत्थस्स... न आकासानज्जायतनसमापत्तिया लाभी समानो आकासनज्जायतनसमापत्तिया... न विज्जाणज्जायतनसमापत्तिया लाभी समानो विज्जाणज्जायतन समापत्तिया... न आकिञ्चज्जायतनसमापत्तिया लाभी समानो आकिञ्चज्जायतन समापत्तिया... न नेवसज्जानासज्जायतनसमापत्तिया लाभी समानो नेवसज्जानासज्जायतनसमापत्तिया लाभिना सद्धिं सदिसं अत्तानं करोति चित्तेन — इदं चेतसिकं पागब्भियं । न **सिक्खेय्या**ति पागब्भियं न सिक्खेय्य न चरेय्य न आचरेय्य न समाचरेय्य न समादाय वत्तेय्य, पागब्भियं पजहेय्य विनोदेय्य ब्यन्तिं करेय्य अनभावं गमेय्य, पागब्भिया आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — पागब्भियं न सिक्खेय्य ।

कथं विग्गाहिकं न कथयेय्याति । कतमा विग्गाहिका कथा? इधेकच्चो एवरूपिं कथं कत्ता होति — “न त्वं इमं धम्मविनयं आजानासि... पे०... निब्बेठेहि वा सचे पओसी”ति । वुत्तज्हेतं भगवता — “विग्गाहिकाय खो, मोग्गल्लान, कथाय सति कथाबाहुल्लं पाटिकङ्गं, कथाबाहुल्ले सति उद्धच्चं, उद्धतस्स असंवरो, असंवुतस्स आरा चित्तं समाधिम्हा”ति । **कथं विग्गाहिकं न कथयेय्याति** । विग्गाहिकं कथं न कथेय्य न भणेय्य न दीपेय्य न वोहरेय्य, विग्गाहिकं कथं पजहेय्य विनोदेय्य ब्यन्तिं करेय्य अनभावं गमेय्य, विग्गाहिककथाय आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — कथं विग्गाहिकं न कथयेय्य ।

तेनाह भगवा —

“न च कत्थिको सिया भिक्खु, न च वाचं पयुत्तं भासेय्य ।
पागब्भियं न सिक्खेय्य, कथं विग्गाहिकं न कथयेय्या”ति ॥

**१६६.मोसवज्जे न निय्येथ, सम्पजानो सठानि न कयिरा ।
अथ जीवितेन पज्जाय, सीलब्बतेन नाज्जमतिमज्जे ॥**

मोसवज्जे न निव्येथाति । मोसवज्जं वुच्चति मुसावादो । इधेकच्चो सभगगतो [सभागगतो (सी० क०)] वा परिसगगतो [परिसगगतो (सी० क०)] वा...पे०... आमिसकिञ्चिक्खहेतु वा सम्पजानमुसा भासिता होति — इदं वुच्चति मोसवज्जं । अपि च तीहाकारेहि मुसावादो होति — पुब्बेवस्स होति “मुसा भणिस्स”न्ति, भणन्तस्स होति “मुसा भणामी”ति, भणितस्स होति “मुसा मया भणित”न्ति, इमेहि तीहाकारेहि मुसावादो होति । अपि च चतूहाकारेहि... पञ्चहाकारेहि... छहाकारेहि... सत्तहाकारेहि... अट्ठहाकारेहि... मुसावादो होति — पुब्बेवस्स होति “मुसा भणिस्स”न्ति, भणन्तस्स होति “मुसा भणामी”ति, भणितस्स होति “मुसा मया भणित”न्ति विनिधाय दिट्ठिं विनिधाय खन्तिं विनिधाय रुचिं विनिधाय सज्जं विनिधाय भावं — इमेहि अट्ठहाकारेहि मुसावादो होति । **मोसवज्जे न निव्येथाति ।** मोसवज्जे न यायेय्य न निव्यायेय्य न वहेय्य [न वुद्देय्य (सी० क०), नत्थि स्या० पोत्थके] न संहरेय्य, मोसवज्जं पजहेय्य विनोदेय्य ब्यन्तिं करेय्य अनभावं गमेय्य, मोसवज्जा आरतो अस्स विरतो पटिविरतो निक्खन्तो निस्सटो विप्पमुत्तो विसञ्जुत्तो विमरियादिकतेन चेतसा विहरेय्याति — मोसवज्जे न निव्येथ ।

सम्पजानो सठानि न कयिराति । कतमं साठेय्यं? इधेकच्चो सठो होति परिसठो, यं तत्थ सठं सठता साठेय्यं कक्करता कक्करियं परिक्खत्तता पारिक्खत्तियं — इदं वुच्चति साठेय्यं । **सम्पजानो सठानि न कयिराति ।** सम्पजानो हुत्वा साठेय्यं न करेय्य न जनेय्य न सज्जनेय्य न निब्बत्तेय्य नाभिनिब्बत्तेय्य, साठेय्यं पजहेय्य विनोदेय्य ब्यन्तिं करेय्य अनभावं गमेय्य, साठेय्या आरतो अस्स विरतो पटिविरतो निक्खन्तो निस्सटो विप्पमुत्तो विसञ्जुत्तो विमरियादिकतेन चेतसा विहरेय्याति — सम्पजानो सठानि न कयिरा ।

अथ जीवितेन पज्जाय, सीलब्बतेन नाज्जमतिमज्जेति । अथाति पदसन्धि...पे०... पदानुपुब्बतापेतं — अथाति । इधेकच्चो लूखजीवितं जीवन्तो परं पणीतजीवितं जीवन्तं अतिमज्जति — “किं पनायं बहुलाजीवो सब्बं संभक्खेति, सेय्यथिदं — मूलबीजं खन्धबीजं फळुबीजं अगगबीजं बीजबीजमेव पञ्चमं असनिविचक्कदन्तकूटसमणप्पधानेना”ति [असनीव चक्कं दन्तकूटं समणप्पधानेनाति (सी०)] । सो ताय लूखजीविताय परं पणीतजीवितं जीवन्तं अतिमज्जति ।

इधेकच्चो पणीतजीवितं जीवन्तो परं लूखजीवितं जीवन्तं अतिमज्जति — “किं पनायं अप्पपुज्जो अप्पेसक्खो न लाभी चीवरपिण्डपातसेनासनगिलानपच्चयभेसज्जपरिक्खारान”न्ति । सो ताय पणीतजीविताय परं लूखजीवितं जीवन्तं अतिमज्जति । इधेकच्चो पज्जासम्पन्नो होति । सो पुट्ठो पज्जं विसज्जेति । तस्स एवं होति — “अहमस्मि पज्जासम्पन्नो, इमे पनज्जे न पज्जासम्पन्ना”ति । सो ताय पज्जासम्पदाय परं अतिमज्जति । इधेकच्चो सीलसम्पन्नो होति, पातिमोक्खसंवरसंवुत्तो विहरति आचारगोचरसम्पन्नो, अणुमत्तेसु वज्जेसु भयदस्सावी, समादाय सिक्खति सिक्खापदेसु । तस्स एवं होति — “अहमस्मि सीलसम्पन्नो, इमे पनज्जे भिक्खू दुस्सीला पापधम्मा”ति । सो ताय सीलसम्पदाय परं अतिमज्जति । इधेकच्चो वतसम्पन्नो होति आरज्जिको वा पिण्डपातिको वा पंसुकूलिको वा तेचीवरिको वा सपदानचारिको वा खलुपच्छाभत्तिको वा नेसज्जिको वा यथासन्थतिको वा । तस्स एवं होति — “अहमस्मि वत सम्पन्नो, इमे पनज्जे न वतसम्पन्ना”ति । सो ताय वतसम्पदाय परं अतिमज्जति । **अथ जीवितेन पज्जाय, सीलब्बतेन नाज्जमतिमज्जेति ।** लूखजीविताय वा पणीतजीविताय वा पज्जासम्पदाय वा सीलसम्पदाय वा वतसम्पदाय वा परं नातिमज्जेय्य, नावजानेय्य, न तेन मानं जनेय्य, न तेन थद्धो अस्स, पत्थद्धो पग्गहितसिरोति — अथ जीवितेन पज्जाय सीलब्बतेन नाज्जमतिमज्जे ।

तेनाह भगवा —

“मोसवज्जे न निय्येथ, सम्पजानो सठानि न कयिरा ।
अथ जीवितेन पज्जाय, सीलब्बतेन नाज्जमतिमज्जे”ति ॥

**१६७. सुत्वा रुसितो [दूसितो (सी० स्या०)] बहुं वाचं, समणानं वा पुथुजनानं [पुथुवचनानं (सी० स्या०)] ।
फरुसेन ने न पटिवज्जा, न हि सन्तो पटिसेनिं करोन्ति [पटिसेनिं करोति (स्या०)] ॥**

सुत्वा रुसितो बहुं वाचं, समणानं पुथुजनानन्ति । रुसितोति दूसितो खुंसितो घट्टितो वम्भितो गरहितो उपवदितो । समणानन्ति ये केचि इतो बहिद्धा परिब्बजूपगता परिब्बजसमापन्ना । पुथुजनानन्ति खत्तिया च ब्राह्मणा च वेस्सा च सुद्धा च गहट्ठा च पब्बजिता च देवा च मनुस्सा च, ते बहुकाहि वाचाहि अनिट्ठाहि अकन्ताहि अमनापाहि अक्कोसेय्युं परिभासेय्युं रोसेय्युं विरोसेय्युं हिंसेय्युं विहिंसेय्युं हेठेय्युं विहेठेय्युं घातेय्युं उपघातेय्युं उपघातं करेय्युं तेसं बहुं वाचं अनिट्ठं अकन्तं अमनापं सुत्वा सुणित्वा उग्गहित्वा उपधारयित्वा उपलक्खयित्वाति — सुत्वा रुसितो बहुं वाचं, समणानं वा पुथुजनानं ।

फरुसेन ने न पटिवज्जाति । फरुसेनाति फरुसेन कक्खळेन न पटिवज्जा नप्पटिभणेय्य, अक्कोसन्तं न पच्चक्कोसेय्य, रोसन्तं नप्पटिरोसेय्य, भण्डनं नप्पटिभण्डेय्य न कलहं करेय्य न भण्डनं करेय्य न विगगहं करेय्य न विवादं करेय्य न मेधगं करेय्य, कलहभण्डनविगगहविवादमेधगं पजहेय्य विनोदेय्य ब्यन्तिं करेय्य अनभावं गमेय्य, कलहभण्डनविगगहविवादमेधगा आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — फरुसेन ने न पटिवज्जा ।

न हि सन्तो पटिसेनिं करोन्तीति । सन्तोति रागस्स सन्तत्ता सन्तो, दोसस्स... मोहस्स... कोधस्स... उपनाहस्स... पे०... सब्बाकुसलाभिसङ्खारानं सन्तत्ता समितत्ता वूपसमितत्ता विज्झातत्ता निब्बुतत्ता विगतत्ता पटिपस्सद्धत्ता सन्तो उपसन्तो वूपसन्तो निब्बुतो पटिपस्सद्धोति — सन्तो । न हि सन्तो पटिसेनिं करोन्तीति । सन्तो पटिसेनिं पटिमल्लं पटिकण्टकं [पटिबन्धनं (सी०)] पटिपक्खं न करोन्ति न जनेन्ति न सज्जनेन्ति न निब्बत्तेन्ति नाभिनिब्बत्तेन्तीति — न हि सन्तो पटिसेनिं करोन्ति ।

तेनाह भगवा —

“सुत्वा रुसितो बहुं वाचं, समणानं वा पुथुजनानं ।
फरुसेन ने न पटिवज्जा, न हि सन्तो पटिसेनिं करोन्ती”ति ॥

**१६८. एतज्च धम्ममज्जाय, विचिनं भिक्खु सदा सतो सिक्खे ।
सन्तीति निब्बुतिं जत्वा, सासने गोतमस्स नप्पमज्जेय्य ॥**

एतज्च धम्ममज्जायाति । एतन्ति आचिक्खितं देसितं पज्जपितं पट्टपितं विवटं विभत्तं उत्तानीकतं पकासितं धम्मं अज्जाय जानित्वा तुलयित्वा तीरयित्वा विभावयित्वा विभूतं कत्वाति । एवम्पि एतज्च धम्ममज्जाय । अथ वा समज्च विसमज्च पथज्च विपथज्च सावज्जज्च अनवज्जज्च हीनज्च पणीतज्च कण्हज्च सुक्कज्च विज्जुगरहितज्च विज्जूपसत्थज्च धम्मं अज्जाय जानित्वा तुलयित्वा तीरयित्वा विभावयित्वा विभूतं कत्वाति । एवम्पि एतज्च धम्ममज्जाय । अथ वा सम्मापटिपदं अनुलोमपटिपदं अपच्चनीकपटिपदं अविरुद्धपटिपदं अन्वत्थपटिपदं धम्मानुधम्मपटिपदं सीलेसु

परिपूरकारितं इन्द्रियेषु गुत्तद्वारतं भोजने मत्तज्जुतं जागरियानुयोगं सतिसम्पज्जं, चत्तारो सतिपट्टाने चत्तारो सम्मपधाने चत्तारो इन्द्रिपादे पञ्चिन्द्रियानि पञ्च बलानि सत्त बोज्झङ्गे अरियं अट्टङ्गिकं मग्गं, निब्बानञ्च निब्बानगामिनिञ्च पटिपदं धम्मं अज्जाय जानित्वा तुलयित्वा तीरयित्वा विभावयित्वा विभूतं कत्वाति । एवम्पि तञ्च धम्ममज्जाय ।

विचिनं भिक्खु सदा सतो सिक्खेति । विचिनन्ति विचिनन्तो पविचिनन्तो तुलयन्तो तीरयन्तो विभावयन्तो विभूतं करोन्तो । “सब्बे सङ्खारा अनिच्चा”ति...पे०... “यं किञ्चि समुदयधम्मं सब्बं तं निरोधधम्मं”न्ति विचिनन्तो पविचिनन्तो तुलयन्तो तीरयन्तो विभावयन्तो विभूतं करोन्तोति — विचिनं भिक्खु । **सदा**ति सदा सब्बदा सब्बकालं...पे०... पच्छिमे वयोखन्धे । **सतो**ति चतूहि कारणेहि सतो — काये कायानुपस्सनासतिपट्टानं भावेन्तो सतो...पे०... सो वुच्चति सतो । **सिक्खे**ति तिस्सो सिक्खायो — अधिसीलसिक्खा, अधिचित्तसिक्खा, अधिपज्जासिक्खा...पे०... अयं अधिपज्जासिक्खा । इमा तिस्सो सिक्खायो आवज्जन्तो सिक्खेय्य...पे०... सिक्खेय्य आचरेय्य समाचरेय्य समादाय वत्तेय्याति — विचिनं भिक्खु सदा सतो सिक्खे ।

सन्तीति निब्बुतिं जत्वाति । रागस्स निब्बुतिं सन्तीति जत्वा, दोसस्स... मोहस्स...पे०... सब्बाकुसलाभिसङ्खारानं निब्बुतिं सन्तीति जत्वा जानित्वा तुलयित्वा तीरयित्वा विभावयित्वा विभूतं कत्वाति — सन्तीति निब्बुतिं जत्वा ।

सासने गोतमस्स नप्पमज्जेय्याति । गोतमस्स सासने बुद्धसासने जिनसासने तथागतसासने देवसासने अरहन्तसासने । **नप्पमज्जेय्याति** सक्कच्चकारी अस्स सातच्चकारी अट्टितकारी अनोलीनवुत्तिको अनिक्खित्तच्छन्दो अनिक्खित्तधुरो कुसलेसु धम्मेसु । “कदाहं अपरिपूरं वा सीलक्खन्धं परिपूरेय्यं...पे०... अपरिपूरं वा समाधिक्खन्धं... पज्जाक्खन्धं... विमुत्तिक्खन्धं... विमुत्तिजाणदस्सनक्खन्धं? कदाहं अपरिज्जातं वा दुक्खं परिजानेय्यं, अप्पहीने वा किलेसे पजहेय्यं, अभावितं वा मग्गं भावेय्यं, असच्छिकतं वा निरोधं सच्छिकरेय्य”न्ति? यो तत्थ छन्दो च वायामो च उस्साहो च उस्सोळ्ही च थामो च अप्पटिवानी च सति च सम्पज्जञ्च आतप्पं पधानं अधिद्वानं अनुयोगो अप्पमादो कुसलेसु धम्मेसूति — सासने गोतमस्स नप्पमज्जेय्य ।

तेनाह भगवा —

“एतञ्च धम्ममज्जाय, विचिनं भिक्खु सदा सतो सिक्खे ।
सन्तीति निब्बुतिं जत्वा, सासने गोतमस्स नप्पमज्जेय्या”ति ॥

१६९.अभिभू हि सो अनभिभूतो, सक्खिधम्ममनीतिहमद्वसि ।

तस्मा हि तस्स भगवतो सासने, अप्पमत्तो सदा नमस्समनुसिक्खे ॥[इति भगवा]

अभिभू हि सो अनभिभूतोति । अभिभूति रूपाभिभू [अभिभूतरूपा (स्या०) एवमज्जेसु पञ्चपदेसुपि] सदाभिभू गन्धाभिभू रसाभिभू फोडुब्बाभिभू धम्माभिभू, अनभिभूतो केहिचि किलेसेहि, अभिभोसि ने पापके [अभिभू हि ने हीने पापके (सी० क०), अभिभू हि पापके (स्या०)] अकुसले धम्मे संकिलेसिके पोनोभविके सदरे दुक्खविपाके आर्यातिं जातिजरामरणयेति — अभिभू हि सो अनभिभूतो ।

सक्खिधम्ममनीतिहमद्वसीति । सक्खिधम्मन्ति न इतिहितं न इतिकिरियाय न परम्पराय न पिटकसम्पदाय न तक्कहेतु न नयहेतु न आकारपरिवितक्केन न दिट्ठिनिज्झानक्खन्तिया सामं सयमभिज्जातं अत्तपच्चक्खधम्मं अद्वसि अद्वक्खि अपस्सि पटिविज्झीति — सक्खिधम्ममनीतिहमद्वसि ।

तस्मा हि तस्स भगवतो सासनेति । तस्माति तस्मा तंकारणा तंहेतु तप्पच्चया तंनिदाना । तस्स भगवतो सासनेति । तस्स भगवतो सासने गोतमसासने बुद्धसासने जिनसासने तथागतसासने देवसासने अरहन्तसासनेति — तस्मा तस्स भगवतो सासने ।

अप्पमत्तो सदा नमस्समनुसिक्खे (इति भगवा)ति । अप्पमत्तोति सक्कच्चकारी...पे०... अप्पमादो कुसलेसु धम्मेसु । सदाति सदा सब्बकालं...पे०... पच्छिमे वयोखन्धे । नमस्सन्ति कायेन वा नमस्समानो वाचाय वा नमस्समानो चित्तेन वा नमस्समानो अन्वत्थपटिपत्तिया वा नमस्समानो धम्मानुधम्मपटिपत्तिया वा नमस्समानो सक्कुरुमानो गरुकुरुमानो [सक्कारमानो गरुकारमानो (स्या०)] मानयमानो पूजयमानो अपचयमानो । अनुसिक्खेति तिस्सो सिक्खायो — अधिसीलसिक्खा, अधिचित्तसिक्खा, अधिपज्जासिक्खा...पे०... अयं अधिपज्जासिक्खा । इमा तिस्सो सिक्खायो आवज्जन्तो सिक्खेय्य...पे०... सच्छिकातब्बं सच्छिकरोन्तो सिक्खेय्य चरेय्य आचरेय्य समाचरेय्य समादाय वत्तेय्य । भगवाति गारवाधिवचनं...पे०... सच्छिका पज्जति यदिदं भगवाति — अप्पमत्तो सदा नमस्समनुसिक्खे । (इति भगवा) ।

तेनाह भगवा —

“अभिभू हि सो अनभिभूतो, सक्खिधम्ममनीतिहमद्वसि ।

तस्मा हि तस्स भगवतो सासने, अप्पमत्तो सदा नमस्समनुसिक्खे” ॥ [इति भगवाति]

तुवट्ठकसुत्तनिद्देशो [तुवट्ठकसुत्तनिद्देशो (सी० स्या०) सुत्तनिपातेपि] चुद्धसमो ।

१५. अत्तदण्डसुत्तनिद्देशो

अथ अत्तदण्डसुत्तनिद्देशं वक्खति —

१७०. अत्तदण्डा भयं जातं, जनं पस्सथ मेधगं ।

संवेगं कित्तयिस्सामि, यथा संविजितं मया ॥

अत्तदण्डा भयं जातन्ति । दण्डाति तयो दण्डा — कायदण्डो, वचीदण्डो, मनोदण्डो । तिविधं कायदुच्चरितं कायदण्डो, चतुब्बिधं वचीदुच्चरितं वचीदण्डो, तिविधं मनोदुच्चरितं मनोदण्डो । भयन्ति द्वे भयानि — दिट्ठधम्मिकञ्च भयं सम्परायिकञ्च भयं । कतमं दिट्ठधम्मिकं भयं? इधेक्कचो कायेन दुच्चरितं चरति, वाचाय दुच्चरितं चरति, मनसा दुच्चरितं चरति, पाणमि हनति, अदिन्नमि आदियति, सन्धिमि छिन्दति, निल्लोपमि हरति, एकागारिकमि करोति, परिपन्थेपि तिट्ठति, परदारमि गच्छति, मुसापि भणति । तमेनं गहेत्वा रज्जो दस्सेन्ति — “अयं, देव, चोरो आगुचारी । इमस्स यं इच्छसि तं दण्डं पणेही”ति । तमेनं राजा परिभासति । सो परिभासपच्चया भयमि उप्पादेति, दुक्खं दोमनस्सं [दुक्खदोमनस्सं (स्या०)] पटिसंवेदेति । एतं भयं दुक्खं दोमनस्सं कुतो तस्स? अत्तदण्डतो जातं सज्जातं निब्बत्तं

अभिनिब्वत्तं पातुभूतं ।

एतत्केनपि राजा न तुस्सति । तमेनं राजा बन्धापेति अन्दुबन्धनेन वा रज्जुबन्धनेन वा सङ्खलिकबन्धनेन वा वेत्तबन्धनेन वा लताबन्धनेन वा पक्खेपबन्धनेन वा [\[पेक्खबन्धनेन वा \(स्या०\)\]](#) परिक्खेपबन्धनेन वा गामबन्धनेन वा निगमबन्धनेन वा नगरबन्धनेन वा रट्टबन्धनेन वा जनपदबन्धनेन वा अन्तमसो सवचनीयमि करोति — “न ते लब्भा इतो पक्कमितु”न्ति । सो बन्धनपच्चयापि दुक्खं दोमनस्सं पटिसंवेदेति । एतं भयं दुक्खं दोमनस्सं कुतो तस्स? अत्तदण्डतो जातं सज्जातं निब्वत्तं अभिनिब्वत्तं पातुभूतं ।

एतत्केनपि राजा न तुस्सति । राजा तस्स धनं आहरापेति — सतं वा सहस्सं वा सतसहस्सं वा । सो धनजानिपच्चयापि दुक्खं दोमनस्सं पटिसंवेदेति । एतं भयं दुक्खं दोमनस्सं कुतो तस्स? अत्तदण्डतो जातं सज्जातं निब्वत्तं अभिनिब्वत्तं पातुभूतं ।

एतत्केनपि राजा न तुस्सति । तमेनं राजा विविधा कम्मकारणा कारापेति — कसाहिपि ताळेति, वेत्तेहिपि ताळेति, अड्डदण्डकेहिपि ताळेति, हत्थमि छिन्दति, पादमि छिन्दति, हत्थपादमि छिन्दति, कण्णमि छिन्दति, नासमि छिन्दति, कण्णनासमि छिन्दति, बिलङ्गथालिकमि करोति, सङ्खमुण्डिकमि करोति, राहुमुखमि करोति, जोतिमालिकमि करोति, हत्थपज्जोतिकमि करोति, एरकपत्तिकमि करोति, चीरकवासिकमि करोति, एण्यय्यकमि करोति, बळिसमंसिकमि करोति, कहापणिकमि करोति, खारापत्तच्छिकमि करोति, पलिघपरिवत्तकमि करोति, पलालपीठकमि करोति, तत्तेनपि तेलेन ओसिञ्चति, सुनखेहिपि खादापेति, जीवन्तमि सूले उत्तासेति, असिनापि सीसं छिन्दति । सो कम्मकारणपच्चयापि दुक्खं दोमनस्सं पटिसंवेदेति । एतं भयं दुक्खं दोमनस्सं कुतो तस्स? अत्तदण्डतो जातं सज्जातं निब्वत्तं अभिनिब्वत्तं पातुभूतं । राजा इमेसं चतुन्नं दण्डानं इस्सरो ।

सो सकेन कम्मेन कायस्स भेदा परं मरणा अपायं दुग्गतिं विनिपातं निरयं उपपज्जति । तमेनं निरयपाला पच्चविधबन्धनं नाम कम्मकारणं कारेन्ति — तत्तं अयोखिलं हत्थे गमेन्ति, तत्तं अयोखिलं दुतिये हत्थे गमेन्ति, तत्तं अयोखिलं पादे गमेन्ति, तत्तं अयोखिलं दुतिये पादे गमेन्ति, तत्तं अयोखिलं मज्झे उरस्सिं गमेन्ति । सो तत्थ दुक्खा तिब्बा [\[तिप्पा \(स्या०\)\]](#) कटुका वेदना वेदेति; न च ताव कालं करोति याव न तं पापकम्मं ब्यन्तीहोति । एतं भयं दुक्खं दोमनस्सं कुतो तस्स? अत्तदण्डतो जातं सज्जातं निब्वत्तं अभिनिब्वत्तं पातुभूतं ।

तमेनं निरयपाला संवेसेत्वा [\[संवेसित्वा \(स्या०\) म० नि० ३.२६७\]](#) कुठारीहि [\[कुठारीहि \(स्या० क०\)\]](#) तच्छेन्ति । सो तत्थ दुक्खा तिब्बा कटुका वेदना वेदेति; न च ताव कालं करोति याव न तं पापकम्मं ब्यन्तीहोति । तमेनं निरयपाला उद्धंपादं [\[उद्धंपादं \(सी०\)\]](#) अधोसिरं गहेत्वा वासीहि तच्छेन्ति । तमेनं निरयपाला रथे योजेत्वा आदिताय पथविया सम्पज्जलिताय सजोतिभूताय सारेन्तिपि पच्चासारेन्तिपि [\[हारेन्तिपि पच्चाहारेन्तिपि \(सी० क०\)\]](#) ...पे० ... तमेनं निरयपाला महन्तं अङ्गारपब्बतं आदित्तं सम्पज्जलितं सजोतिभूतं आरोपेन्तिपि ओरोपेन्तिपि...पे० ... तमेनं निरयपाला उद्धंपादं अधोसिरं गहेत्वा तत्ताय लोहकुम्भिया पक्खिपन्ति आदिताय सम्पज्जलिताय सजोतिभूताय । सो तत्थ फेणुद्देहकं पच्चति । सो तत्थ फेणुद्देहकं पच्चमानो सकिमि उद्धं गच्छति, सकिमि अधो गच्छति, सकिमि तिरियं गच्छति । सो तत्थ दुक्खा तिब्बा कटुका वेदना वेदेति; न च ताव कालं करोति याव न तं पापकम्मं ब्यन्तीहोति । एतं भयं दुक्खं दोमनस्सं कुतो तस्स? अत्तदण्डतो जातं सज्जातं निब्वत्तं अभिनिब्वत्तं पातुभूतं । तमेनं निरयपाला महानिरये पक्खिपन्ति । सो खो पन महानिरयो

—

“चतुक्कण्णो चतुद्वारो, विभत्तो भागसो मितो ।
अयोपाकारपरियन्तो [... परियत्तो (स्या० क०)], अयसा पटिकुज्जितो ॥

“तस्स अयोमया भूमि, जलिता तेजसा युता ।
समन्ता योजनसतं, फरित्वा तिष्ठति सब्बदा ॥

“कदरियातपना घोरा, अच्चिमन्तो दुरासदा ।
लोमहंसनरूपा च, भिस्मा पटिभया दुखा ॥

“पुरत्थिमाय भित्तिया, अच्चिक्खन्धो समुद्धितो ।
दहन्तो पापकम्मन्ते, पच्छिमाय पटिहज्जति ॥

“पच्छिमाय च भित्तिया, अच्चिक्खन्धो समुद्धितो ।
दहन्तो पापकम्मन्ते, पुरत्थिमाय पटिहज्जति ॥

“उत्तराय च भित्तिया, अच्चिक्खन्धो समुद्धितो ।
दहन्तो पापकम्मन्ते, दक्खिणाय पटिहज्जति ॥

“दक्खिणाय च भित्तिया, अच्चिक्खन्धो समुद्धितो ।
दहन्तो पापकम्मन्ते, उत्तराय पटिहज्जति ॥

“हेट्ठतो च समुद्धाय, अच्चिक्खन्धो भयानको ।
दहन्तो पापकम्मन्ते, छदनस्मिं पटिहज्जति ॥

“छदनम्हा समुद्धाय, अच्चिक्खन्धो भयानको ।
दहन्तो पापकम्मन्ते, भूमियं पटिहज्जति ॥

“अयोक्कपालमादित्तं, सन्तत्तं जलितं यथा ।
एवं अवीचिनिरयो, हेट्ठा उपरि पस्सतो ॥

“तत्थ सत्ता महालुद्धा, महाकिब्बिसकारिनो ।
अच्चन्तपापकम्मन्ता, पच्चन्ति न च मिय्यरे [मीयरे (सी०)] ॥

“जातवेदसमो कायो, तेसं निरयवासिनं ।
पस्स कम्मनं दळ्हत्तं, न भस्मा होति नपी मसि ॥

“पुरत्थिमेनपि धावन्ति, ततो धावन्ति पच्छिमं ।
उत्तरेनपि धावन्ति, ततो धावन्ति दक्खिणं ॥

“यं यं दिसं पधावन्ति [दिसम्पि धावन्ति (स्या०)], तं तं द्वारं पिधीयति [पिथीयति (सी० स्या०)] ।
अभिनिक्खमितासा ते, सत्ता मोक्खगवेसिनो ॥

“न ते ततो निक्खमितुं, लभन्ति कम्मपच्चया ।
तेसञ्च पापकम्मन्तं, अविपक्कं कतं बहु”न्ति ॥

एतं भयं दुक्खं दोमनस्सं कुतो तस्स? अत्तदण्डतो जातं सञ्जातं निब्बत्तं अभिनिब्बत्तं पातुभूतं । यानि च नेरयिकानि दुक्खानि यानि च तिरच्छानयोनिकानि दुक्खानि यानि च पेत्तिविसयिकानि दुक्खानि यानि च मानुसिकानि दुक्खानि; तानि कुतो जातानि कुतो सञ्जातानि कुतो निब्बत्तानि कुतो अभिनिब्बत्तानि कुतो पातुभूतानि? अत्तदण्डतो जातानि सञ्जातानि निब्बत्तानि अभिनिब्बत्तानि पातुभूतानीति — अत्तदण्डा भयं जातं ।

जनं पस्सथ मेधगन्ति । जनन्ति खत्तिया च ब्राह्मणा च वेस्सा च सुद्धा च गहट्ठा च पब्बजिता च देवा च मनुस्सा च मेधगं जनं कलहं जनं विरुद्धं जनं पटिविरुद्धं जनं आहतं जनं पच्चाहतं जनं आघातितं जनं पच्चाघातितं जनं पस्सथ दक्खथ ओलोकेथ निज्झायेथ उपपरिक्खथाति — जनं पस्सथ मेधगं ।

संवेगं कित्तयिस्सामीति । संवेगं उब्बेगं उत्रासं भयं पीळनं घट्टनं उपह्वं उपसगं । **कित्तयिस्सामीति** पकित्तयिस्सामि आचिक्खिस्सामि देसेस्सामि पञ्जपेस्सामि पट्टपेस्सामि विवरिस्सामि विभजिस्सामि उत्तानीकरिस्सामि पकासिस्सामीति — संवेगं कित्तयिस्सामि ।

यथा संविजितं मयाति । यथा मया अत्तनायेव अत्तानं संवेजितो उब्बेजितो संवेगमापादितोति — यथा संविजितं मया ।

तेनाह भगवा —

“अत्तदण्डा भयं जातं, जनं पस्सथ मेधगं ।
संवेगं कित्तयिस्सामि, यथा संविजितं मया”ति ॥

**१७१.फन्दमानं पजं दिस्वा, मच्छे अप्पोदके यथा ।
अञ्जमञ्जेहि ब्यारुद्धे, दिस्वा मं भयमाविसि ॥**

फन्दमानं पजं दिस्वाति । पजाति सत्ताधिवचनं । पजं तण्हाफन्दनाय फन्दमानं दिट्ठिफन्दनाय फन्दमानं किलेसफन्दनाय फन्दमानं दुच्चरितफन्दनाय फन्दमानं पयोगफन्दनाय फन्दमानं विपाकफन्दनाय फन्दमानं रत्तं रागेन फन्दमानं दुट्ठं दोसेन फन्दमानं मूळहं मोहेन फन्दमानं विनिबद्धं मानेन फन्दमानं परामट्ठं दिट्ठिया फन्दमानं विक्खेपगतं उद्धच्चेन फन्दमानं अनिदुङ्गतं विचिकिच्छाय फन्दमानं थामगतं अनुसयेहि फन्दमानं लाभेन फन्दमानं अलाभेन फन्दमानं यसेन फन्दमानं अयसेन फन्दमानं पसंसाय फन्दमानं निन्दाय फन्दमानं सुखेन फन्दमानं दुक्खेन फन्दमानं जातिया फन्दमानं जराय फन्दमानं ब्याधिना फन्दमानं मरणेन फन्दमानं सोकपरिदेवदुक्खदोमनस्सुपायासेहि फन्दमानं नेरयिकेन दुक्खेन फन्दमानं तिरच्छानयोनिकेन दुक्खेन फन्दमानं पेत्तिविसयिकेन दुक्खेन फन्दमानं मानुसिकेन दुक्खेन फन्दमानं गब्भोक्कन्तिमूलकेन दुक्खेन... गब्भट्ठितिमूलकेन [गब्भेठितीमूलकेन (क०) महानि० ११] दुक्खेन... गब्भावुट्ठानमूलकेन

दुःखेन... जातस्सूपनिबन्धकेन दुःखेन... जातस्स पराधेय्यकेन दुःखेन... अत्तूपक्कमेन दुःखेन... परूपक्कमेन दुःखेन... दुःखदुःखेन... सङ्खारदुःखेन... विपरिणामदुःखेन... चक्खुरोगेन दुःखेन... सोतरोगेन ... घानरोगेन... जिह्वारोगेन ... कायरोगेन... सीसरोगेन ... कण्णरोगेन... मुखरोगेन... दन्तरोगेन... कासेन... सासेन... पिनासेन... डाहेन... जरेन... कुच्छिरोगेन... मुच्छाय... पक्खन्दिकाय... सूलाय... विसूचिकाय... कुट्टेन... गण्डेन... किलासेन... सोसेन... अपमारेन... दद्दुया... कण्डुया... कच्छुया... रखसाय... वितच्छिकाय... लोहितेन... पित्तेन... मधुमेहेन... अंसाय... पीळकाय... भगन्दलेन... पित्तसमुट्ठानेन आबाधेन... सेम्हसमुट्ठानेन आबाधेन... वातसमुट्ठानेन आबाधेन... सन्निपातिकेन आबाधेन... उतुपरिणामजेन आबाधेन... विसमपरिहारजेन आबाधेन ... ओपक्कमिकेन आबाधेन... कम्मविपाकजेन आबाधेन... सीतेन... उण्हेन... जिघच्छाय... पिपासाय... उच्चारेन... पस्सावेन... डंसमकसवातातपसरीसपसम्फस्सेन दुःखेन... मातुमरणेन दुःखेन... पितुमरणेन दुःखेन... भातुमरणेन दुःखेन... भगिनिमरणेन दुःखेन... पुत्तमरणेन दुःखेन... धीतुमरणेन दुःखेन... जातिमरणेन दुःखेन... भोगव्यसनेन दुःखेन... रोगव्यसनेन दुःखेन... सीलव्यसनेन दुःखेन... दिट्ठिव्यसनेन दुःखेन फन्दमानं सम्फन्दमानं विफ्फन्दमानं वेधमानं पवेधमानं सम्पवेधमानं । दिस्वाति दिस्वा पस्सित्वा तुलयित्वा तीरयित्वा विभावयित्वा विभूतं कत्वाति — फन्दमानं पजं दिस्वा ।

मच्छे अप्पोदके यथाति यथा मच्छा अप्पोदके उदकपरियादाने काकेहि वा कुललेहि वा बलाकाहि वा परिपातियमाना उक्खिपियमाना खज्जमाना फन्दन्ति सम्फन्दन्ति विफ्फन्दन्ति वेधन्ति पवेधन्ति सम्पवेधन्ति; एवमेव पजा तण्हाफन्दनाय फन्दन्ति...पे०... दिट्ठिव्यसनेन दुःखेन फन्दन्ति सम्फन्दन्ति विफ्फन्दन्ति वेधन्ति पवेधन्ति सम्पवेधन्तीति — मच्छे अप्पोदके यथा ।

अञ्जमञ्जेहि ब्यारुद्धेति अञ्जमञ्जं सत्ता विरुद्धा पटिविरुद्धा आहता पच्चाहता आघातिता पच्चाघातिता । राजानोपि राजूहि विवदन्ति, खत्तियापि खत्तिर्येहि विवदन्ति, ब्राह्मणापि ब्राह्मणेहि विवदन्ति, गहपतीपि गहपतीहि विवदन्ति, मातापि पुत्तेन विवदति, पुत्तोपि मातरा विवदति, पितापि पुत्तेन विवदति, पुत्तोपि पितरा विवदति, भातापि भातरा विवदति, भगिनीपि भगिनिया विवदति, भातापि भगिनिया विवदति, भगिनिपि भातरा विवदति, सहायोपि सहायेन विवदति; ते तत्थ कलहविग्गहविवादापन्ना अञ्जमञ्जं पाणीहिपि उपक्कमन्ति, लेड्डुहिपि उपक्कमन्ति, दण्डेहिपि उपक्कमन्ति, सत्थेहिपि उपक्कमन्ति, ते तत्थ मरणम्पि निगच्छन्ति मरणमत्तम्पि दुःखन्ति — अञ्जमञ्जेहि ब्यारुद्धे ।

दिस्वा मं भयमाविसीति । दिस्वाति दिस्वा पस्सित्वा तुलयित्वा तीरयित्वा विभावयित्वा विभूतं कत्वा भयं पीळनं घट्टनं उपद्दवो उपसग्गो आविसीति [आवीसीति (सी०), आविसतीति (स्या०)] — दिस्वा मं भयमाविसि ।

तेनाह भगवा —

“फन्दमानं पजं दिस्वा, मच्छे अप्पोदके यथा ।
अञ्जमञ्जेहि ब्यारुद्धे, दिस्वा मं भयमाविसी”ति ॥

१७२.समन्तमसारो लोको, दिसा सब्बा समेरिता ।

इच्छं भवनमत्तनो, नादसासिं अनोसितं ॥

समन्तमसारो लोकोति । लोकोति निरयलोको तिरच्छानयोनिलोको पेंत्तिविसयलोको मनुस्सलोको देवल्लोको,

खन्धलोको धातुलोको आयतनलोको, अयं लोको परो लोको, ब्रह्मलोको देवलोको — अयं वुच्चति लोको ।
निरयलोको असारो निस्सारो सारापगतो निच्चसारसारेन वा सुखसारसारेन वा अत्तसारसारेन वा निच्चेन वा धुवेन वा
सस्सतेन वा अविपरिणामधम्मेन वा । तिरच्छानयोनिलोको...पे० ... पेत्तिविसयलोको... मनुस्सलोको... देवलोको...
खन्धलोको... धातुलोको... आयतनलोको... अयं लोको... परो लोको... ब्रह्मलोको... देवलोको असारो निस्सारो सारापगतो
निच्चसारसारेन वा सुखसारसारेन वा अत्तसारसारेन वा निच्चेन वा धुवेन वा सस्सतेन वा अविपरिणामधम्मेन वा ।

यथा पन नळो असारो निस्सारो सारापगतो, यथा एरण्डो असारो निस्सारो सारापगतो, यथा उदुम्बरो असारो निस्सारो
सारापगतो, यथा सेतकच्छो असारो निस्सारो सारापगतो, यथा पारिभद्दको असारो निस्सारो सारापगतो, यथा फेणपिण्डो
असारो निस्सारो सारापगतो, यथा उदकपुब्बुळं [बुब्बुलकं (सी०), पुब्बुळकं (स्या०)] असारं निस्सारं सारापगतं, यथा
मरीचि असारा निस्सारा सारापगता, यथा कदलिक्वन्धो असारो निस्सारो सारापगतो, यथा माया असारा निस्सारा
सारापगता; एवमेव निरयलोको असारो निस्सारो सारापगतो निच्चसारसारेन वा सुखसारसारेन वा अत्तसारसारेन वा
निच्चेन वा धुवेन वा सस्सतेन वा अविपरिणामधम्मेन वा ।

तिरच्छानयोनिलोको... पेत्तिविसयलोको... मनुस्सलोको... देवलोको असारो निस्सारो सारापगतो निच्चसारसारेन वा
सुखसारसारेन वा अत्तसारसारेन वा निच्चेन वा धुवेन वा सस्सतेन वा अविपरिणामधम्मेन वा । खन्धलोको... धातुलोको...
आयतनलोको... अयं लोको... परो लोको... ब्रह्मलोको... देवलोको असारो निस्सारो सारापगतो निच्चसारसारेन वा
सुखसारसारेन वा अत्तसारसारेन वा निच्चेन वा धुवेन वा सस्सतेन वा अविपरिणामधम्मेन वाति — समन्तमसारो लोको ।

दिसा सब्बा समेरिताति । ये पुरत्थिमाय दिसाय सङ्खारा, तेपि एरिता समेरिता चलिता घट्टिता अनिच्चताय जातिया
अनुगता जराय अनुसटा ब्याधिना अभिभूता मरणेन अब्भाहता दुक्खे पतिट्ठिता अताणा अलेणा असरणा असरणीभूता । ये
पच्छिमाय दिसाय सङ्खारा...पे० ... ये उत्तराय दिसाय सङ्खारा... ये दक्खिणाय दिसाय सङ्खारा... ये पुरत्थिमाय अनुदिसाय
सङ्खारा... ये पच्छिमाय अनुदिसाय सङ्खारा... ये उत्तराय अनुदिसाय सङ्खारा... ये दक्खिणाय अनुदिसाय सङ्खारा... ये हेट्ठिमाय
दिसाय सङ्खारा... ये उपरिमाय दिसाय सङ्खारा... ये दससु दिसासु सङ्खारा, तेपि एरिता समेरिता चलिता घट्टिता अनिच्चताय
जातिया अनुगता जराय अनुसटा ब्याधिना अभिभूता मरणेन अब्भाहता दुक्खे पतिट्ठिता अताणा अलेणा असरणा
असरणीभूता । भासितम्पि चेतं —

“किञ्चापि चेतं जलती विमानं, ओभासयं उत्तरियं दिसाय ।
रूपे रणं दिस्वा सदा पवेधितं, तस्मा न रूपे रमती सुमेधो ॥

“मच्चुनाब्भाहतो लोको, जराय परिवारितो ।
तण्हासल्लेन ओतिण्णो, इच्छाधूमायितो [इच्छाधुमायिको (स्या०)] सदा ॥

“सब्बो आदीपितो लोको, सब्बो लोको पधूपितो ।
सब्बो पज्जलितो लोको, सब्बो लोको पकम्पितो”ति ॥

दिसा सब्बा समेरिता ।

इच्छं भवनमत्तनोति । अत्तनो भवनं ताणं लेणं सरणं गतिं परायनं इच्छन्तो सादियन्तो पत्थयन्तो पिहयन्तो अभिजप्पन्तोति — इच्छं भवनमत्तनो । **नादसांसिं अनोसितन्ति ।** अज्झोसितंयेव अदसं, अनज्झोसितं नादसं, सब्बं योब्बज्जं जराय ओसितं, सब्बं आरोग्यं ब्याधिना ओसितं, सब्बं जीवितं मरणेन ओसितं, सब्बं लाभं अलाभेन ओसितं, सब्बं यसं अयसेन ओसितं, सब्बं पसंसं निन्दाय ओसितं, सब्बं सुखं दुक्खेन ओसितं ।

“लाभो अलाभो यसो अयसो च, निन्दा पसंसा च सुखं दुक्खञ्च ।

एते अनिच्चा मनुजेसु धम्मा, असस्सता विपरिणामधम्मा”ति ॥

नादसांसिं अनोसितं ।

तेनाह भगवा —

“समन्तमसारो लोको, दिसा सब्बा समेरिता ।

इच्छं भवनमत्तनो, नादसांसिं अनोसित”न्ति ॥

१७३.ओसाने त्वेव ब्यारुद्धे, दिस्वा मे अरती अहु ।

अथेत्थ सल्लमद्विक्खिं, दुदसं हदयस्सितं ॥

ओसाने त्वेव ब्यारुद्धेति । ओसाने त्वेवाति सब्बं योब्बज्जं जरा ओसापेति, सब्बं आरोग्यं ब्याधि ओसापेति, सब्बं जीवितं मरणं ओसापेति, सब्बं लाभं अलाभो ओसापेति, सब्बं यसं अयसो ओसापेति, सब्बं पसंसं निन्दा ओसापेति, सब्बं सुखं दुक्खं ओसापेतीति — ओसाने त्वेव । **ब्यारुद्धेति** योब्बज्जकामा सत्ता जराय पटिविरुद्धा, आरोग्यकामा सत्ता ब्याधिना पटिविरुद्धा, जीवितुकामा सत्ता मरणेन पटिविरुद्धा, लाभकामा सत्ता अलाभेन पटिविरुद्धा, यसकामा सत्ता अयसेन पटिविरुद्धा, पसंसकामा सत्ता निन्दाय पटिविरुद्धा, सुखकामा सत्ता दुक्खेन पटिविरुद्धा आहता पच्चाहता आघातिता पच्चाघातिताति — ओसाने त्वेव ब्यारुद्धे ।

दिस्वा मे अरती अहूति । दिस्वाति दिस्वा पस्सित्वा तुलयित्वा तीरयित्वा विभावयित्वा विभूतं कत्वाति — दिस्वा । **मे अरतीति** या अरति या अनभिरति या अनभिरमना या उक्कण्ठिता या परितसिता अहूति — दिस्वा मे अरती अहु ।

अथेत्थ सल्लमद्विक्खन्ति । अथाति पदसन्धि...पे०... पदानुपुब्बतापेतं — अथाति । **एत्थाति** सत्तेसु । **सल्लन्ति** सत्त सल्लानि — रागसल्लं, दोससल्लं, मोहसल्लं, मानसल्लं, दिट्ठिसल्लं, सोकसल्लं, कथंकथासल्लं । **अद्विक्खन्ति** अदसं अदक्खिं अपस्सिं पटिविज्झन्ति — अथेत्थ सल्लमद्विक्खिं ।

दुदसं हदयस्सितन्ति । दुदसन्ति दुदसं दुदक्खं दुप्पस्सं दुब्बुज्झं दुरनुबुज्झं दुप्पटिविज्झन्ति — दुदसं । **हदयस्सितन्ति** हदयं वुच्चति चित्तं । यं चित्तं मनो मानसं हदयं पण्डरं मनो मनायतनं मनिन्द्रियं विज्जाणं विज्जाणक्खन्धो तज्जा मनोविज्जाणधातु । **हदयस्सितन्ति** हदयनिस्सितं चित्तसितं चित्तनिस्सितं चित्तेन सहगतं सहजातं संसट्ठं सम्पयुत्तं एकुप्पादं एकनिरोधं एकवत्थुकं एकारम्मणन्ति — दुदसं हदयस्सितं ।

तेनाह भगवा —

“ओसाने त्वेव ब्यारुद्धे, दिस्वा मे अरती अहु ।
अथेत्थ सल्लमद्विखं, दुद्वसं हदयस्सित”न्ति ॥

**१७४येन सल्लेन ओतिण्णो, दिसा सब्बा विधावति ।
तमेव सल्लमब्बुह, न धावति न सीदति ॥**

येन सल्लेन ओतिण्णो, दिसा सब्बा विधावतीति । सल्लन्ति । सत्त सल्लानि — रागसल्लं, दोससल्लं, मोहसल्लं, मानसल्लं, दिट्ठिसल्लं, सोकसल्लं, कथंकथासल्लं । कतमं रागसल्लं? यो रागो सारागो अनुनयो अनुरोधो नन्दिरागो चित्तस्स सारागो...पे०... अभिज्झा लोभो अकुसलमूलं — इदं रागसल्लं ।

कतमं दोससल्लं? “अनत्थं मे अचरी”ति आघातो जायति “अनत्थं मे चरती”ति आघातो जायति, “अनत्थं मे चरिस्सती”ति आघातो जायति...पे०... चण्डिक्कं असुरोपो अनत्तमनता चित्तस्स — इदं दोससल्लं ।

कतमं मोहसल्लं? दुक्खे अज्जाणं...पे०... दुक्खनिरोधगामिनिया पटिपदाय अज्जाणं, पुब्बन्ते अज्जाणं, अपरन्ते अज्जाणं, पुब्बन्तापरन्ते अज्जाणं, इदप्पच्चयतापटिच्चसमुप्पन्नेसु धम्मेसु अज्जाणं । यं एवरूपं अदस्सनं अनभिसमयो अननुबोधो असम्बोधो अप्पटिवेधो असङ्गाहणा अपरियोगाहणा [असङ्गाहता अपरियोगाहता (स्या०), असङ्गाहना अपरियोगाहना (क०)] असमपेक्खना अपच्चवेक्खना अपच्चक्खकम्मं दुम्मेज्झं बाल्यं मोहो पमोहो सम्मोहो अविज्जा अविज्जोघो अविज्जायोगो अविज्जानुसयो अविज्जापरियुट्ठानं अविज्जालङ्गी मोहो अकुसलमूलं — इदं मोहसल्लं ।

कतमं मानसल्लं? “सेय्योहमस्मी”ति मानो, “सदिसोहमस्मी”ति मानो, “हीनोहमस्मी”ति मानो । यो एवरूपो मानो मज्जना मज्जितत्तं उन्नति उन्नमो धजो सम्पग्गाहो केतुकम्यता चित्तस्स — इदं मानसल्लं ।

कतमं दिट्ठिसल्लं? वीसतिवत्थुका सक्कायदिट्ठि, दसवत्थुका मिच्छादिट्ठि, दसवत्थुका अन्तग्गाहिका दिट्ठि । या एवरूपा दिट्ठि दिट्ठिगतं दिट्ठिगहनं दिट्ठिकन्तारो दिट्ठिविसूकायिकं दिट्ठिविप्फन्दितं दिट्ठिसज्जोजनं गाहो पटिग्गाहो अभिनिवेशो परामासो कुम्मगो [कुम्मगो (क०) महानि० ३८] मिच्छापथो मिच्छत्तं तित्थायतनं विपरियासग्गाहो विपरीतग्गाहो विपल्लासग्गाहो मिच्छागाहो अयाथावकस्मिं “याथावक”न्ति गाहो यावता द्वासट्ठि दिट्ठिगतानि — इदं दिट्ठिसल्लं ।

कतमं सोकसल्लं? जातिव्यसनेन वा फुट्ठस्स रोगव्यसनेन वा फुट्ठस्स भोगव्यसनेन वा फुट्ठस्स सीलव्यसनेन वा फुट्ठस्स दिट्ठिव्यसनेन वा फुट्ठस्स अज्जतरज्जतरेन व्यसनेन समन्नागतस्स अज्जतरज्जतरेन दुक्खधम्मेन फुट्ठस्स सोको सोचना सोचितत्तं अन्तोसोको अन्तोपरिसोको अन्तोडाहो अन्तोपरिडाहो चेतसो परिज्झायना दोमनस्सं — इदं सोकसल्लं ।

कतमं कथंकथासल्लं? दुक्खे कङ्खा, दुक्खसमुदये कङ्खा, दुक्खनिरोधे कङ्खा, दुक्खनिरोधगामिनिया पटिपदाय कङ्खा, पुब्बन्ते कङ्खा, अपरन्ते कङ्खा, पुब्बन्तापरन्ते कङ्खा, इदप्पच्चयतापटिच्चसमुप्पन्नेसु धम्मेसु कङ्खा । या एवरूपा कङ्खा कङ्खायना कङ्खायितत्तं विमति विचिकिच्छा द्वेळहकं द्वेष्पथो संसयो अनेकंसग्गाहो आसप्पना परिसप्पना अपरियोगाहणा छम्भितत्तं चित्तस्स मनोविलेखो — इदं कथंकथासल्लं ।

येन सल्लेन ओतिण्णो, दिसा सब्बा विधावतीति । रागसल्लेन ओतिण्णो विद्धो फुट्ठो परेतो समोहितो समन्नागतो

कायेन दुच्चरितं चरति, वाचाय दुच्चरितं चरति, मनसा दुच्चरितं चरति, पाणम्पि हनति, अदिन्नम्पि आदियति, सन्धिम्पि छिन्दति, निल्लोपम्पि हरति, एकागारिकम्पि करोति, परिपन्थेपि तिड्ढति, परदारम्पि गच्छति, मुसापि भणति; एवम्पि रागसल्लेन ओतिण्णो विद्धो फुट्ठो परेतो समोहितो समन्नागतो धावति विधावति सन्धावति संसरति । अथ वा रागसल्लेन ओतिण्णो विद्धो फुट्ठो परेतो समोहितो समन्नागतो भोगे परियेसन्तो नावाय महासमुद्धं पक्खन्दति । सीतस्स पुरक्खतो उण्हस्स पुरक्खतो डंसमकसवातातपसरीसपसम्फस्सेहि पीळियमानो [रिस्समानो (सी० स्या०)] खुप्पिपासाय मिय्यमानो तिगुम्बं गच्छति, तक्कोलं गच्छति, तक्कसीलं गच्छति, काळमुखं गच्छति, पुरपूरं गच्छति, वेसुङ्गं गच्छति, वेरापथं गच्छति, जवं गच्छति, तामलिं गच्छति, वङ्गं गच्छति, एळबन्धनं गच्छति, सुवण्णकूटं गच्छति, सुवण्णभूमिं गच्छति, तम्बपणिं गच्छति, सुप्पादकं [सुप्पारकं (सी० क०), सुप्पारं (स्या०)] गच्छति, भारुकच्छं गच्छति, सुरद्धं गच्छति, भङ्गलोकं [अङ्गलोकं (सी०), अङ्गणेकं (स्या०)] गच्छति, भङ्गणं [गङ्गणं (सी० स्या०)] गच्छति, परमभङ्गणं गच्छति, योनं गच्छति, परमयोनं गच्छति, विनकं गच्छति, मूलपदं गच्छति, मरुकन्तारं गच्छति, जण्णुपथं गच्छति, अजपथं गच्छति, मेण्डपथं गच्छति, सङ्कुपथं गच्छति, छत्तपथं गच्छति, वंसपथं गच्छति, सकुणपथं गच्छति, मूसिकपथं गच्छति, दरिपथं गच्छति, वेत्ताचारं गच्छति; परियेसन्तो न लभति, अलाभमूलकम्पि दुक्खं दोमनस्सं पटिसंवेदेति, परियेसन्तो लभति, लद्धा आरक्खमूलकम्पि दुक्खं दोमनस्सं पटिसंवेदेति “किन्ति मे भोगे नेव राजानो हरेय्युं न चोरा हरेय्युं न अग्गि दहेय्य न उदकं वहेय्य न अप्पिया दायादा हरेय्यु”न्ति । तस्स एवं आरक्खतो गोपयतो ते भोगा विप्पलुज्जन्ति, सो विप्पयोगमूलकम्पि दुक्खं दोमनस्सं पटिसंवेदेति । एवम्पि रागसल्लेन ओतिण्णो विद्धो फुट्ठो परेतो समोहितो समन्नागतो धावति विधावति सन्धावति संसरति ।

दोससल्लेन...पे०... मोहसल्लेन... मानसल्लेन ओतिण्णो विद्धो फुट्ठो परेतो समोहितो समन्नागतो कायेन दुच्चरितं चरति, वाचाय दुच्चरितं चरति, मनसा दुच्चरितं चरति, पाणम्पि हनति, अदिन्नम्पि आदियति, सन्धिम्पि छिन्दति, निल्लोपम्पि हरति, एकागारिकम्पि करोति, परिपन्थेपि तिड्ढति, परदारम्पि गच्छति, मुसापि भणति । एवं मानसल्लेन ओतिण्णो विद्धो फुट्ठो परेतो समोहितो समन्नागतो धावति विधावति सन्धावति संसरति ।

दिट्ठिसल्लेन ओतिण्णो विद्धो फुट्ठो परेतो समोहितो समन्नागतो अचेलको होति मुत्ताचारो हत्थापलेखनो [हत्थावलेखनो (स्या०)], न एहिभदन्तिको, न तिड्ढभदन्तिको; नाभिहटं, न उट्ठिस्सकतं, न निमन्तनं सादियति, सो न कुम्भिमुखा पटिगगहाति, न कळोपिमुखा [खळोपिमुखा (सी०)] पटिगगहाति, न एळकमन्तरं, न दण्डमन्तरं, न मुसलमन्तरं, न द्विन्नं भुज्जमानानं, न गब्भिनिया, न पायमानाय, न पुरिसन्तरगताय, न संकित्तीसु, न यत्थ सा उपट्ठितो होति, न यत्थ मक्खिका सण्डसण्डचारिनी । न मच्छं न मंसं न सुरं न मेरयं न थुसोदकं पिवति । सो एकागारिको वा होति एकालोपिको, द्वागारिको वा होति द्वालोपिको...पे०... सत्तागारिको वा होति सत्तालोपिको । एकस्सापि भत्तिया यापेति, द्वीहिपि भत्तीहि यापेति...पे०... सत्तहिपि भत्तीहि यापेति । एकाहिकम्पि आहारं आहारेति, द्वीहिकम्पि आहारं आहारेति...पे०... सत्ताहिकम्पि आहारं आहारेति । इति एवरूपं अट्ठमासिकम्पि परियायभत्तभोजनानुयोगमनुयुत्तो विहरति । एवम्पि दिट्ठिसल्लेन ओतिण्णो विद्धो फुट्ठो परेतो समोहितो समन्नागतो धावति विधावति सन्धावति संसरति ।

अथ वा दिट्ठिसल्लेन ओतिण्णो विद्धो फुट्ठो परेतो समोहितो समन्नागतो सो साकभक्खो वा होति, सामाकभक्खो वा होति, नीवारभक्खो वा होति, दहुलभक्खो वा होति, हटभक्खो वा होति, कणभक्खो वा होति, आचामभक्खो वा होति, पिञ्जाकभक्खो वा होति, तिलभक्खो वा होति, तिणभक्खो वा होति, गोमयभक्खो वा होति, वनमूलफलाहारो यापेति पवत्तफलभोजनो । सो साणानिपि धारेति, मसाणानिपि धारेति, छवदुस्सानिपि धारेति, पंसुकूलानिपि धारेति, तिरीटानिपि

धारेति, अजिनानिपि धारेति, अजिनखिपमि धारेति, कुसचीरमि धारेति, वाकचीरमि धारेति, फलकचीरमि धारेति, केसकम्बलमि धारेति, उलूकपक्खमि धारेति, केसमस्सुलोचकोपि होति, केसमस्सुलोचनानुयोगमनुयुत्तो विहरति । उब्भट्टकोपि होति आसनपटिक्खत्तो, उक्कुटिकोपि होति उक्कुटिकप्पधानमनुयुत्तो, कण्टकापस्सयिको होति, कण्टकापस्सये सेय्यं कप्पेति, फलकसेय्यमि कप्पेति, थण्डिलसेय्यमि कप्पेति, एकापस्सयिको होति रजोजल्लधरो, अब्भोकासिकोपि होति यथासन्थतिको, वेकटिकोपि होति विकटभोजनानुयोगमनुयुत्तो, अपानकोपि होति अपानकत्तमनुयुत्तो, सायततियकमि उदकोरोहनानुयोगमनुयुत्तो विहरति । इति एवरूपं अनेकविहितं कायस्स आतापनपरितापनानुयोगमनुयुत्तो विहरति । एवमि दिट्ठिसल्लेन ओतिण्णो विद्धो फुट्ठो परेतो समोहितो समन्नागतो धावति विधावति सन्धावति संसरति ।

सोकसल्लेन ओतिण्णो विद्धो फुट्ठो परेतो समोहितो समन्नागतो सोचति किलमति परिदेवति उरत्ताळिं कन्दति सम्मोहं आपज्जति । वृत्तज्हेतं भगवता —

“भूतपुब्बं, ब्राह्मण, इमिस्सायेव सावत्थिया अज्जतरिस्सा इत्थिया माता कालमकासि । सा तस्सा कालं किरियाय उम्मत्तिका खित्तचित्ता रथियाय रथियं, सिङ्घाटकेन सिङ्घाटकं उपसङ्कमित्वा एवमाह — ‘अपि मे मातरं अदस्सथ, अपि मे मातरं अदस्सथा’ति ।

“भूतपुब्बं, ब्राह्मण, इमिस्सायेव सावत्थिया अज्जतरिस्सा इत्थिया पिता कालमकासि... भाता कालमकासि... भगिनी कालमकासि... पुत्तो कालमकासि... धीता कालमकासि... सामिको कालमकासि । सा तस्स कालं किरियाय उम्मत्तिका खित्तचित्ता रथियाय रथियं, सिङ्घाटकेन सिङ्घाटकं उपसङ्कमित्वा एवमाह — ‘अपि मे सामिकं अदस्सथ, अपि मे सामिकं अदस्सथा’ति ।

“भूतपुब्बं, ब्राह्मण, इमिस्सायेव सावत्थिया अज्जतरस्स पुरिसस्स माता कालमकासि । सो तस्सा कालं किरियाय उम्मत्तको खित्तचित्तो रथियाय रथियं, सिङ्घाटकेन सिङ्घाटकं उपसङ्कमित्वा एवमाह — ‘अपि मे मातरं अदस्सथ, अपि मे मातरं अदस्सथा’ति ।

“भूतपुब्बं, ब्राह्मण, इमिस्सायेव सावत्थिया अज्जतरस्स पुरिसस्स पिता कालमकासि... भाता कालमकासि... भगिनी कालमकासि... पुत्तो कालमकासि... धीता कालमकासि... पजापति कालमकासि । सो तस्सा कालं किरियाय उम्मत्तको खित्तचित्तो रथियाय रथियं, सिङ्घाटकेन सिङ्घाटकं उपसङ्कमित्वा एवमाह — ‘अपि मे पजापतिं अदस्सथ, अपि मे पजापतिं अदस्सथा’ति ।

“भूतपुब्बं, ब्राह्मण, इमिस्सायेव सावत्थिया अज्जतरा इत्थी जातिकुलं अगमासि । तस्सा ते जातका सामिकं अच्छिन्दित्वा अज्जस्स दातुकामा, सा च नं न इच्छति । अथ खो सा इत्थी सामिकं एतदवोच — ‘इमे, अय्यपुत्त, जातका तव अच्छिन्दित्वा अज्जस्स दातुकामा, उभो मयं मरिस्सामा’ति । अथ खो सो पुरिसो तं इत्थिं द्विधा छेत्वा अत्तानं ओपातेति — ‘उभो पेच्च भविस्सामा’”ति । एवं सोकसल्लेन ओतिण्णो विद्धो फुट्ठो परेतो समोहितो समन्नागतो धावति विधावति सन्धावति संसरति ।

कथंकथासल्लेन ओतिण्णो विद्धो फुट्ठो परेतो समोहितो समन्नागतो संसयपक्खन्दो होति विमतिपक्खन्दो

द्वेळहकजातो — “अहोसिं नु खो अहं अतीतमद्धानं, ननु खो अहोसिं अतीतमद्धानं, किं नु खो अहोसिं अतीतमद्धानं, कथं नु खो अहोसिं अतीतमद्धानं, किं हुत्वा किं अहोसिं नु खो अतीतमद्धानं, भविस्सामि नु खो अहं अनागतमद्धानं, ननु खो भविस्सामि अनागतमद्धानं, किं नु खो भविस्सामि अनागतमद्धानं, कथं नु खो भविस्सामि अनागतमद्धानं, किं हुत्वा किं भविस्सामि नु खो अनागतमद्धानं, एतरहि वा पच्चुप्पन्नं अद्धानं अज्झत्तं कथंकथी होति, अहं नु खोस्मि, नो नु खोस्मि, किं नु खोस्मि कथं नु खोस्मि, अयं नु खो सत्तो कुतो आगतो, सो कुहिं गामी भविस्सती”ति । एवं कथंकथासल्लेन ओतिण्णो विद्धो फुट्ठो परेतो समोहितो समन्नागतो धावति विधावति सन्धावति संसरति ।

ते सल्ले अभिसङ्खरोति; ते सल्ले अभिसङ्खरोन्तो सल्लाभिसङ्खारवसेन पुरत्थिमं दिसं धावति, पच्छिमं दिसं धावति, उत्तरं दिसं धावति, दक्खिणं दिसं धावति । ते सल्लाभिसङ्खारा अप्पहीना; सल्लाभिसङ्खारानं अप्पहीनत्ता गतिया धावति, निरये धावति, तिरच्छानयोनिया धावति, पेत्तिविसये धावति, मनुस्सलोके धावति, देवलोके धावति, गतिया गतिं, उपपत्तिया उपपत्तिं, पटिसन्धिया पटिसन्धिं, भवेन भवं, संसारेन संसारं, वट्ठेन वट्ठं धावति विधावति सन्धावति संसरतीति — येन सल्लेन ओतिण्णो दिसा सब्बा विधावति ।

तमेव सल्लमब्बुह, न धावति न सीदतीति । तमेव रागसल्लं दोससल्लं मोहसल्लं मानसल्लं दिट्ठिसल्लं सोकसल्लं कथंकथासल्लं अब्बुह अब्बुहित्वा उद्धरित्वा समुद्धरित्वा उप्पाटयित्वा समुप्पाटयित्वा [उप्पादयित्वा समुप्पादयित्वा (स्या० क०)] पजहित्वा विनोदेत्वा ब्यन्तिं करित्वा अनभावं गमेत्वा नेव पुरत्थिमं दिसं धावति न पच्छिमं दिसं धावति न उत्तरं दिसं धावति न दक्खिणं दिसं धावति । ते सल्लाभिसङ्खारा पहीना; सल्लाभिसङ्खारानं पहीनत्ता गतिया न धावति, निरये न धावति, तिरच्छानयोनिया न धावति, पेत्तिविसये न धावति, मनुस्सलोके न धावति, देवलोके न धावति, न गतिया गतिं, न उपपत्तिया उपपत्तिं, न पटिसन्धिया पटिसन्धिं, न भवेन भवं, न संसारेन संसारं, न वट्ठेन वट्ठं धावति विधावति सन्धावति संसरतीति — तमेव सल्लमब्बुह न धावति । न सीदतीति कामोघे न सीदति, भवोघे न सीदति, दिट्ठोघे न सीदति, अविज्जोघे न सीदति, न संसीदति न ओसीदति न अवसीदति न गच्छति न अवगच्छतीति — तमेव सल्लमब्बुह, न धावति न सीदति ।

तेनाह भगवा —

“येन सल्लेन ओतिण्णो, दिसा सब्बा विधावति ।

तमेव सल्लमब्बुह, न धावति न सीदती”ति ॥

१७५ तत्थ सिक्खानुगीयन्ति, यानि लोके गधितानि ।

न तेसु पसुतो सिया, निब्बिज्झ सब्बसो कामे ।

सिक्खे निब्बानमत्तनो ॥

तत्थ सिक्खानुगीयन्ति, यानि लोके गधितानीति । सिक्खाति हत्थिसिक्खा अस्ससिक्खा रथसिक्खा धनुसिक्खा सालाकियं सल्लकत्तियं कायतिकिच्छं भूतियं कोमारभच्चं [कोमारतिकिच्छं (स्या०), कोमारसच्चं (क०)] । अनुगीयन्तीति गीयन्ति निग्गीयन्ति कथीयन्ति भणीयन्ति दीपीयन्ति वोहरीयन्ति । अथ वा गीयन्ति गणहीयन्ति उगणहीयन्ति धारीयन्ति उपधारीयन्ति उपलक्खीयन्ति गधितपटिलाभाय । गधिता वुच्चन्ति पञ्च कामगुणा — चक्खुविज्जेय्या रूपा इट्ठा कन्ता मनापा पियरूपा कामूपसज्जिता रजनीया, सोतविज्जेय्या सद्दा...पे०... घानविज्जेय्या गन्धा...

जिह्वाविज्जेय्या रसा... कायविज्जेय्या फोडुब्बा इट्ठा कन्ता मनापा पियरूपा कामूपसज्झिता रजनीया । किंकारणा गधिता वुच्चन्ति पञ्च कामगुणा? येभुय्येन देवमनुस्सा पञ्च कामगुणे इच्छन्ति सादियन्ति पत्थयन्ति पिहयन्ति अभिजप्पन्ति तंकारणा गधिता वुच्चन्ति पञ्च कामगुणा । **लोके**ति मनुस्सलोकेति — तत्थ सिक्खानुगीयन्ति, यानि लोके गधितानि ।

न तेसु पसुतो सियाति । तासु वा सिक्खासु तेसु वा पञ्चसु कामगुणेषु न पसुतो सिया, न तन्निन्नो अस्स, न तप्पोणो, न तप्पम्भारो, न तदधिमुत्तो, न तदधिपतेय्योति — न तेसु पसुतो सिया ।

निब्बिज्झ सव्वसो कामेति । **निब्बिज्झाति** पटिविज्झित्वा । “सव्वे सङ्खारा अनिच्चा”ति पटिविज्झित्वा, “सव्वे सङ्खारा दुक्खा”ति पटिविज्झित्वा...पे०... “यं किञ्चि समुदयधम्मं सव्वं तं निरोधधम्म”न्ति पटिविज्झित्वा । **सव्वसोति** सव्वेन सव्वं सव्वथा सव्वं असेसं निस्सेसं परियादियनवचनमेतं — सव्वसोति । **कामाति** उद्दानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामाति — निब्बिज्झ सव्वसो कामे ।

सिक्खे निब्बानमत्तनोति । **सिक्खाति** तिस्सो सिक्खा — अधिसीलसिक्खा, अधिचित्तसिक्खा, अधिपज्जासिक्खा... पे०... अयं अधिपज्जासिक्खा । **निब्बानमत्तनोति** अत्तनो रागस्स निब्बापनाय दोसस्स निब्बापनाय मोहस्स निब्बापनाय... पे०... सव्वाकुसलाभिसङ्खारानं समाय उपसमाय वूपसमाय निब्बापनाय पटिनिस्सग्गाय पटिपस्सद्दिया अधिसीलम्पि सिक्खेय्य अधिचित्तम्पि सिक्खेय्य अधिपज्जम्पि सिक्खेय्य, इमा तिस्सो सिक्खायो आवज्जन्तो सिक्खेय्य जानन्तो सिक्खेय्य...पे०... सच्छिकातव्वं सच्छिकरोन्तो सिक्खेय्य आचरेय्य समाचरेय्य समादाय वत्तेय्याति — सिक्खे निब्बानमत्तनो ।

तेनाह भगवा —

“तत्थ सिक्खानुगीयन्ति, यानि लोके गधितानि ।
न तेसु पसुतो सिया, निब्बिज्झ सव्वसो कामे ।
सिक्खे निब्बानमत्तनो”ति ॥

१७६.सच्चो सिया अप्पगब्भो, अमायो रित्तपेसुणो ।

अक्कोधनो लोभपापं, वेविच्छं वितरे मुनि ॥

सच्चो सिया अप्पगब्भोति । **सच्चो सियाति** सच्चवाचाय समन्नागतो सिया, सम्मादिट्ठिया समन्नागतो सिया, अरियेन अट्ठङ्गिकेन मग्गेन समन्नागतो सियाति — सच्चो सिया । **अप्पगब्भोति** तीणि पागब्भियानि — कायिकं पागब्भियं, वाचसिकं पागब्भियं, चेतसिकं पागब्भियं...पे०... इदं चेतसिकं पागब्भियं । यस्सिमानि तीणि पागब्भियानि पहीनानि समुच्छिन्नानि वूपसन्तानि पटिपस्सद्धानि अभव्बुप्पत्तिकानि जाणगिना दट्ठानि, सो वुच्चति अप्पगब्भोति — सच्चो सिया अप्पगब्भो ।

अमायो रित्तपेसुणोति । माया वुच्चति वज्जनिका चरिया । इधेकच्चो कायेन दुच्चरितं चरित्वा वाचाय दुच्चरितं चरित्वा मनसा दुच्चरितं चरित्वा तस्स पटिच्छादनहेतु पापिकं इच्छं पणिदहति, मा मं जज्जाति इच्छति, मा मं जज्जाति

सङ्कप्पेति, मा मं जज्जाति वाचं भासति, मा मं जज्जाति कायेन परक्कमति । या एवरूपा माया मायाविता अच्चसरा वज्जना निकति निकिरणा परिहरणा गूहना परिगूहना छादना परिच्छादना अनुत्तानीकम्मं अनाविकम्मं वोच्छादना पापकिरिया — अयं वुच्चति माया । यस्सेसा माया पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दड्ढा, सो वुच्चति अमायो । **रित्तपेसुणो**ति पेसुज्जन्ति इधेक्कचो पिसुणवाचो होति...पे०... एवं भेदाधिप्पायेन पेसुज्जं उपसंहरति । यस्सेतं पेसुज्जं पहीनं समुच्छिन्नं वूपसन्तं पटिपस्सद्धं अभब्बुप्पत्तिकं जाणगिना दड्ढं, सो वुच्चति रित्तपेसुणो विवित्तपेसुणो पविवित्तपेसुणोति — अमायो रित्तपेसुणो ।

अक्कोधनो लोभपापं, वेविच्छं वितरे मुनीति । अक्कोधनोति हि खो वुत्तं, अपि च कोधो ताव वत्तब्बो । दसहाकारेहि कोधो जायति । “अनत्थं मे अचरी”ति कोधो जायति...पे०... यस्सेसो कोधो पहीनो समुच्छिन्नो वूपसन्तो पटिपस्सद्धो अभब्बुप्पत्तिको जाणगिना दड्ढो, सो वुच्चति अक्कोधनो । कोधस्स पहीनत्ता अक्कोधनो, कोधवत्थुस्स परिज्जातत्ता अक्कोधनो, कोधहेतुस्स उपच्छिन्नत्ता अक्कोधनो । **लोभो**ति यो लोभो लुब्भना लुब्भितत्तं...पे०... अभिज्झा लोभो अकुसलमूलं । वेविच्छं वुच्चति पज्ज मच्छरियानि — आवासमच्छरियं...पे०... गाहो वुच्चति मच्छरियं । **मुनीति** । मोनं वुच्चति जाणं...पे०... सङ्गजालमतिच्च सो मुनि । **अक्कोधनो लोभपापं, वेविच्छं वितरे मुनीति** । मुनि लोभपापज्ज वेविच्छज्ज अतरि उत्तरि पतरि समतिक्कमि वीतिवत्तयीति **[वीतिवत्तीति (क०)]** — अक्कोधनो लोभपापं, वेविच्छं वितरे मुनि ।

तेनाह भगवा —

“सच्चो सिया अप्पगम्भो, अमायो रित्तपेसुणो ।
अक्कोधनो लोभपापं, वेविच्छं वितरे मुनी”ति ॥

**१७७निदं तन्दिं सहे थीनं, पमादेन न संवसे ।
अतिमाने न तिद्वेय्य, निब्बानमनसो नरो ॥**

निदं तन्दिं सहे थीनन्ति । निदाति या कायस्स अकल्यता अकम्मज्जता ओनाहो परियोनाहो अन्तोसमोरोधो मिद्धं सुप्पं पचलायिका सुप्पं सुप्पना सुप्पितत्तं । **तन्दिन्ति** या तन्दी **[तन्दि (सी० स्या० क०)]** तन्दियना तन्दियितत्तं तन्दिमनकता आलस्यं आलस्यायता आलस्यायितत्तं । **थीनन्ति** या चित्तस्स अकल्यता अकम्मज्जता ओलीयना सल्लीयना लीनं लीयना लीयितत्तं, थिनं थियना थियितत्तं चित्तस्स । **निदं तन्दिं सहे थीनन्ति** । निद्वज्ज तन्दिज्ज थिनज्ज सहे सहेय्य परिसहेय्य अभिभवेय्य अज्झोत्थरेय्य परियादियेय्य मद्देय्याति — निदं तन्दिं सहे थीनं ।

पमादेन न संवसेति । पमादो वत्तब्बो कायदुच्चरिते वा वचीदुच्चरिते वा मनोदुच्चरिते वा पज्जसु वा कामगुणेषु । चित्तस्स वोसग्गो वोसग्गानुप्पादनं **[वोस्सग्गो वोस्सग्गानुप्पादनं (बहूसु)]** वा कुसलानं वा धम्मानं भावनाय असक्कच्चकिरियता असातच्चकिरियता अनट्ठितकिरियता ओलीनवुत्तिता निक्खित्तच्छन्दता निक्खित्तधुरता अनासेवना अभावना अबहुलीकम्मं अनधिद्वानं अननुयोगो पमादो । यो एवरूपो पमादो पमज्जना पमज्जितत्तं — अयं वुच्चति पमादो । **पमादेन न संवसेति** पमादेन न वसेय्य न संवसेय्य न आवसेय्य न परिवसेय्य, पमादं पजहेय्य विनोदेय्य ब्यन्तिं करेय्य अनभावं गमेय्य, पमादा आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — पमादेन न संवसे ।

अतिमाने न तिद्वेय्याति । अतिमानोति इधेकच्चो परं अतिमज्जति जातिया वा गोत्तेन वा...पे०... अज्जतरज्जतरेन वा वत्थुना । यो एवरूपो मानो मज्जना मज्जितत्तं उन्नति उन्नमो धजो सम्पग्गाहो केतुकम्यता चित्तस्स — अयं वुच्चति अतिमानो । **अतिमाने न तिद्वेय्याति ।** अतिमाने न तिद्वेय्य न संतिद्वेय्य, अतिमानं पजहेय्य विनोदेय्य ब्यन्तिं करेय्य अनभावं गमेय्य, अतिमाना आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — अतिमाने न तिद्वेय्य ।

निब्बानमनसो नरोति । इधेकच्चो दानं देन्तो सीलं समादियन्तो उपोसथकम्मं करोन्तो पानीयं परिभोजनीयं उपट्टपेन्तो परिवेणं सम्मज्जन्तो चेतियं वन्दन्तो चेतिये गन्धमालं आरोपेन्तो चेतियं पदक्खिणं करोन्तो यं किञ्चि तेधातुकं कुसलाभिसङ्खारं अभिसङ्खरोन्तो न गतिहेतु न उपपत्तिहेतु न पटिसन्धिहेतु न भवहेतु न संसारहेतु न वट्टहेतु, सब्बं तं विसंयोगाधिप्पायो निब्बाननिन्नो निब्बानपोणो निब्बानपब्भारो अभिसङ्खरोतीति । एवम्पि निब्बानमनसो नरो । अथ वा सब्बसङ्खारधातुया चित्तं पटिवापेत्वा **[पटिवासेत्वा (क०)]** अमताय धातुया चित्तं उपसंहरति — “एतं सन्तं एतं पणीतं यदिदं सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बान”न्ति । एवम्पि निब्बानमनसो नरो ।

“न पण्डिता उपधिसुखस्स हेतु, ददन्ति दानानि पुनब्भवाय ।
कामज्च ते उपधिपरिक्खयाय, ददन्ति दानं अपुनब्भवाय ॥

“न पण्डिता उपधिसुखस्स हेतु, भावेन्ति ज्ञानानि पुनब्भवाय ।
कामज्च ते उपधिपरिक्खयाय, भावेन्ति ज्ञानं अपुनब्भवाय ॥

“ते निब्बुत्तिं आसिसमानसा **[आसिसमाना (सी०), अभिमाना (स्या०)]** ददन्ति, तन्निन्नचित्ता **[तन्निन्ना तज्जित्ता (क०)]** तदधिमुत्ता ।

नज्जो यथा सागरमज्झुपेता **[सागरमज्झगता (स्या०)]**, भवन्ति निब्बानपरायना ते”ति ॥

निब्बानमनसो नरो । तेनाह भगवा —

“निद्वं तन्दि सहे थीनं, पमादेन न संवसे ।
अतिमाने न तिद्वेय्य, निब्बानमनसो नरो”ति ॥

१७८.मोसवज्जे न निय्येथ, [नीयेथ (क०)] रूपे स्नेहं न कुब्बये ।

मानज्च परिजानेय्य, साहसा विरतो चरे ॥

मोसवज्जे न निय्येथाति । मोसवज्जं वुच्चति मुसावादो । इधेकच्चो सभग्गतो वा परिसग्गतो वा जातिमज्झगतो वा पूगमज्झगतो वा राजकुलमज्झगतो वा अभिनीतो सक्खिपुट्ठो — “एहम्भो पुरिस, यं जानासि तं वदेही”ति, सो अजानं वा आह — “जानामी”ति, जानं वा आह — “न जानामी”ति, अपस्सं वा आह — “पस्सामी”ति, पस्सं वा आह — “न पस्सामी”ति । इति अत्तहेतु वा परहेतु वा आमिसकिञ्चिक्खहेतु वा सम्पजानमुसा भासिता होति — इदं वुच्चति मोसवज्जं । अपि च तीहाकारेहि...पे०... चतूहाकारेहि... पञ्चहाकारेहि... छहाकारेहि... सत्तहाकारेहि... अट्ठहाकारेहि...पे०... इमेहि अट्ठहाकारेहि मुसावादो होति । **मोसवज्जे न निय्येथाति ।** मोसवज्जे न यायेय्य न निय्यायेय्य न वहेय्य न संहरेय्य,

मोसवज्जं पजहेय्य विनोदेय्य ब्यन्तिं करेय्य अनभावं गमेय्य, मोसवज्जा आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — मोसवज्जे न निय्येथ ।

रूपे स्नेहं न कुब्बयेति । रूपन्ति चत्तारो च महाभूता, चतुन्नज्ज महाभूतानं उपादाय रूपं । रूपे स्नेहं न कुब्बयेति । रूपे स्नेहं न करेय्य छन्दं न करेय्य पेमं न करेय्य रागं न करेय्य न जनेय्य न सज्जनेय्य न निब्बत्तेय्य नाभिनिब्बत्तेय्याति — रूपे स्नेहं न कुब्बये ।

मानज्ज परिजानेय्याति । मानोति एकविधेन मानो — या चित्तस्स उन्नति । दुविधेन मानो — अत्तुक्कंसनमानो, परवम्भनमानो । तिविधेन मानो — “सेय्योहमस्मी”ति मानो, “सदिसोहमस्मी”ति मानो, “हीनोहमस्मी”ति मानो । चतुर्विधेन मानो — लाभेन मानं जनेति, यसेन मानं जनेति, पसंसाय मानं जनेति, सुखेन मानं जनेति । पञ्चविधेन मानो — “लाभिम्हि मनापिकानं रूपान”न्ति मानं जनेति, “लाभिम्हि मनापिकानं सद्धानं...पे०... गन्धानं... रसानं... फोड्डब्बान”न्ति मानं जनेति । छब्बिधेन मानो — चक्खुसम्पदाय मानं जनेति, सोतसम्पदाय...पे०... घानसम्पदाय... जिह्वासम्पदाय... कायसम्पदाय... मनोसम्पदाय मानं जनेति । सत्तविधेन मानो — अतिमानो, मानातिमानो, ओमानो, सदिसमानो, अधिमानो, अस्मिमानो, मिच्छामानो । अट्ठविधेन मानो — लाभेन मानं जनेति, अलाभेन ओमानं जनेति, यसेन मानं जनेति, अयसेन ओमानं जनेति, पसंसाय मानं जनेति, निन्दाय ओमानं जनेति, सुखेन मानं जनेति, दुक्खेन ओमानं जनेति । नवविधेन मानो — सेय्यस्स “सेय्योहमस्मी”ति मानो, सेय्यस्स “सदिसोहमस्मी”ति मानो, सेय्यस्स “हीनोहमस्मी”ति मानो, सदिसस्स “सेय्योहमस्मी”ति मानो, सदिसस्स “सदिसोहमस्मी”ति मानो, सदिसस्स “हीनोहमस्मी”ति मानो, हीनस्स “सेय्योहमस्मी”ति मानो, हीनस्स “सदिसोहमस्मी”ति मानो, हीनस्स “हीनोहमस्मी”ति मानो । दसविधेन मानो — इधेकच्चो मानं जनेति जातिया वा गोत्तेन वा...पे०... अज्जतरज्जतरेन वा वत्थुना । यो एवरूपो मानो मज्जना मज्जितत्तं उन्नति उन्नमो धजो सम्पग्गाहो केतुकम्यता चित्तस्स — अयं वुच्चति मानो ।

मानज्ज परिजानेय्याति । मानं तीहि परिज्जाहि परिजानेय्य — जातपरिज्जाय, तीरणपरिज्जाय, पहानपरिज्जाय । कतमा जातपरिज्जा? मानं जानाति अयं एकविधेन मानो — या चित्तस्स उन्नति । अयं दुविधेन मानो — अत्तुक्कंसनमानो परवम्भनमानो...पे०... अयं दसविधेन मानो — इधेकच्चो मानं जनेति जातिया वा गोत्तेन वा...पे०... अज्जतरज्जतरेन वा वत्थुनाति जानाति पस्सति — अयं जातपरिज्जा ।

कतमा तीरणपरिज्जा? एतं जातं कत्वा मानं तीरेति अनिच्चतो दुक्खतो...पे०... निस्सरणतो तीरेति — अयं तीरणपरिज्जा ।

कतमा पहानपरिज्जा? एवं तीरयित्वा मानं पजहति विनोदेति ब्यन्तिं करोति अनभावं गमेति — अयं पहानपरिज्जा । **मानज्ज परिजानेय्याति** मानं इमाहि तीहि परिज्जाहि परिजानेय्याति — मानज्ज परिजानेय्य ।

साहसा विरतो चरेति । कतमा साहसा चरिया? रत्तस्स रागचरिया साहसा चरिया, दुट्ठस्स दोसचरिया साहसा चरिया, मूळहस्स मोहचरिया साहसा चरिया, विनिबद्धस्स मानचरिया साहसा चरिया, परामट्ठस्स दिट्ठिचरिया साहसा चरिया, विक्खेपगतस्स उद्धच्चचरिया साहसा चरिया, अनिदुङ्गतस्स विचिकिच्छाचरिया साहसा चरिया, थामगतस्स अनुसयचरिया साहसा चरिया — अयं साहसा चरिया । **साहसा विरतो चरेति** साहसा चरियाय आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्य चरेय्य विचरेय्य इरियेय्य वत्तेय्य पालेय्य यपेय्य यापेय्याति

— साहसा विरतो चरे ।

तेनाह भगवा —

“मोसवज्जे न निय्येथ, रूपे स्नेहं न कुब्बये ।
मानञ्च परिजानेय्य, साहसा विरतो चरे”ति ॥

**१७९.पुराणं नाभिनन्देय्य, नवे खन्तिं न कुब्बये [खन्तिमकुब्बये (बहूसु)] ।
हीयमाने न सोचेय्य, आकासं [आकस्सं (स्या०)] न सितो सिया ॥**

पुराणं नाभिनन्देय्याति । पुराणं वुच्चति अतीता रूपवेदनासज्जासङ्खारविज्जाणा । अतीते सङ्खारे तण्हावसेन दिट्ठिवसेन नाभिनन्देय्य नाभिवदेय्य न अज्झोसेय्य, अभिनन्दनं अभिवदनं अज्झोसानं गाहं परामासं अभिनिवेसं पजहेय्य विनोदेय्य ब्यन्तिं करेय्य अनभावं गमेय्याति — पुराणं नाभिनन्देय्य ।

नवे खन्तिं न कुब्बयेति । नवा वुच्चति पच्चुप्पन्ना रूपवेदनासज्जासङ्खारविज्जाणा । पच्चुप्पन्ने सङ्खारे तण्हावसेन दिट्ठिवसेन खन्तिं न करेय्य छन्दं न करेय्य पेमं न करेय्य रागं न करेय्य न जनेय्य न सज्जनेय्य न निब्बत्तेय्य नाभिनिब्बत्तेय्याति — नवे खन्तिं न कुब्बये ।

हीयमाने न सोचेय्याति । हीयमाने हायमाने परिहायमाने वेमाने विगच्छमाने अन्तरधायमाने न सोचेय्य न किलमेय्य न परामसेय्य न परिदेवेय्य न उरत्ताळिं कन्देय्य न सम्मोहं आपज्जेय्य । चक्खुस्मिं हीयमाने हायमाने परिहायमाने वेमाने विगच्छमाने अन्तरधायमाने, सोतस्मिं... पे०... घानस्मिं... जिह्वाय... कायस्मिं... रूपस्मिं... सद्दस्मिं... गन्धस्मिं... रसस्मिं... फोटुब्बस्मिं... कुलस्मिं... गणस्मिं... आवासस्मिं... लाभस्मिं... यसस्मिं... पसंसाय... सुखस्मिं... चीवरस्मिं... पिण्डपातस्मिं... सेनासनस्मिं... गिलानपच्चयभेसज्जपरिक्खारस्मिं हीयमाने हायमाने परिहायमाने वेमाने विगच्छमाने अन्तरधायमाने न सोचेय्य न किलमेय्य न परामसेय्य न परिदेवेय्य न उरत्ताळिं कन्देय्य न सम्मोहं आपज्जेय्याति — हीयमाने न सोचेय्य ।

आकासं न सितो सियाति । आकासं वुच्चति तण्हा । यो रागो सारागो... पे०... अभिज्झा लोभो अकुसलमूलं । किंकारणा आकासं वुच्चति तण्हा? याय तण्हाय रूपं आकस्सति समाकस्सति गण्हाति परामसति अभिनिविसति, वेदनं... पे०... सज्जं... सङ्खारे... विज्जाणं... गतिं... उपपत्तिं... पटिसन्धिं... भवं... संसारं... वट्ठं आकस्सति समाकस्सति गण्हाति परामसति अभिनिविसति; तंकारणा आकासं वुच्चति तण्हा । **आकासं न सितो सियाति ।** तण्हानिस्सितो न सिया । तण्हं पजहेय्य विनोदेय्य ब्यन्तिं करेय्य अनभावं गमेय्य, तण्हाय आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — आकासं न सितो सिया ।

तेनाह भगवा —

“पुराणं नाभिनन्देय्य, नवे खन्तिं न कुब्बये ।
हीयमाने न सोचेय्य, आकासं न सितो सिया”ति ॥

१८०.गेधं ब्रूमि महोघोति, आजवं [आचमं (स्या० क०)] ब्रूमि जप्पनं ।

आरम्भणं पकम्पनं, [पकप्पनं (स्या० क०)] कामपङ्को दुरच्चयो॥

गेधं ब्रूमि महोद्योतीति । गेधो वुच्चति तण्हा । यो रागो सारागो...पे०... अभिज्झा लोभो अकुसलमूलं । महोद्यो वुच्चति तण्हा । यो रागो सारागो...पे०... अभिज्झा लोभो अकुसलमूलं । गेधं ब्रूमि महोद्योतीति । गेधं “महोद्यो”ति ब्रूमि आचिक्खामि देसेमि पज्जपेमि पट्टपेमि विवरामि विभजामि उत्तानीकरोमि पकासेमीति — गेधं ब्रूमि महोद्योति ।

आजवं ब्रूमि जप्पनन्ति । आजवा वुच्चति तण्हा । यो रागो सारागो...पे०... अभिज्झा लोभो अकुसलमूलं । जप्पनापि वुच्चति तण्हा । यो रागो सारागो...पे०... अभिज्झा लोभो अकुसलमूलं । आजवं ब्रूमि जप्पनन्ति आजवं “जप्पना”ति ब्रूमि आचिक्खामि...पे०... उत्तानीकरोमि पकासेमीति — आजवं ब्रूमि जप्पनं ।

आरम्भणं पकम्पनन्ति । आरम्भणमपि वुच्चति तण्हा । यो रागो सारागो...पे०... अभिज्झा लोभो अकुसलमूलं । पकम्पनापि वुच्चति तण्हा । यो रागो सारागो...पे०... अभिज्झा लोभो अकुसलमूलन्ति — आरम्भणं पकम्पनं ।

कामपङ्को दुरच्चयोति । कामपङ्को कामकदमो कामकिलेसो कामपलिपो कामपलिबोधो [कामपलिरोधो (सी० क०)] दुरच्चयो दुरतिवत्तो दुत्तरो दुप्पतरो दुस्समतिककमो दुब्बीतिवत्तोति — कामपङ्को दुरच्चयो ।

तेनाह भगवा —

“गेधं ब्रूमि महोद्योति, आजवं ब्रूमि जप्पनं ।
आरम्भणं पकम्पनं, कामपङ्को दुरच्चयो”ति ॥

१८१. सच्चा अवोक्कमं मुनि, थले तिड्ढति ब्राह्मणो । सब्बं सो पटिनिस्सज्ज, स वे सन्तोति वुच्चति ॥

सच्चा अवोक्कमं मुनीति । सच्चवाचाय अवोक्कमन्तो, सम्मादिट्ठिया अवोक्कमन्तो, अरिया अट्ठङ्गिका मग्गा अवोक्कमन्तो । मुनीति । मोनं वुच्चति जाणं...पे०... सङ्गजालमतिच्च सो मुनीति — सच्चा अवोक्कमं मुनि ।

थले तिड्ढति ब्राह्मणोति । थलं वुच्चति अमतं निब्बानं । यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं । ब्राह्मणोति सत्तन्नं धम्मानं बाहितत्ता ब्राह्मणो...पे०... असितो तादि पवुच्चते स ब्रह्मा । थले तिड्ढति ब्राह्मणोति । थले तिड्ढति दीपे तिड्ढति ताणे तिड्ढति लेणे तिड्ढति सरणे तिड्ढति अभये तिड्ढति अच्युते तिड्ढति अमते तिड्ढति निब्बाने तिड्ढतीति — थले तिड्ढति ब्राह्मणो ।

सब्बं सो पटिनिस्सज्जाति । सब्बं वुच्चति द्वादसायतनानि — चक्खु चेव रूपा च ...पे०... मनो चेव धम्मा च । यतो अज्झत्तिकबाहिरेसु आयतनेसु छन्दरागो पहीनो होति उच्छिन्नमूलो तालावत्थुकतो अनभावंकतो आयतिं अनुप्पादधम्मा, एत्तावतापि सब्बं चत्तं होति वन्तं मुत्तं पहीनं पटिनिस्सट्ठं । यतो तण्हा च दिट्ठि च मानो च पहीना होन्ति उच्छिन्नमूला तालावत्थुकता अनभावंकता आयतिं अनुप्पादधम्मा, एत्तावतापि सब्बं चत्तं होति वन्तं मुत्तं पहीनं पटिनिस्सट्ठं । यतो पुज्जाभिसङ्खारो च अपुज्जाभिसङ्खारो च आनेज्जाभिसङ्खारो च पहीना होन्ति उच्छिन्नमूला तालावत्थुकता अनभावंकता आयतिं अनुप्पादधम्मा, एत्तावतापि सब्बं चत्तं होति वन्तं मुत्तं पहीनं पटिनिस्सट्ठन्ति — सब्बं सो पटिनिस्सज्ज ।

स वे सन्तोति वुच्चतीति । सो सन्तो उपसन्तो वूपसन्तो निब्बुतो पटिपस्सद्धोति वुच्चति कथीयति भणीयति दीपीयति वोहरीयतीति — स वे सन्तोति वुच्चति ।

तेनाह भगवा —

“सच्चा अवोक्कमं मुनि, थले तिड्ढति ब्राह्मणो ।
सब्बं सो पटिनिस्सज्ज, स वे सन्तोति वुच्चती”ति ॥

**१८२.स वे विद्धा [विद्धा (स्या०)] स वेदगू, जत्वा धम्मं अनिस्सितो ।
सम्मा सो लोके इरियानो, न पिहेतीध कस्सचि ॥**

स वे विद्धा स वेदगूति । विद्धाति विद्धा विज्जागतो जाणी विभावी मेधावी । वेदगूति । वेदा वुच्चन्ति चतूसु मग्गेसु जाणं...पे०... सब्बवेदनासु वीतरागो सब्बवेदमतिच्च वेदगू सोति — स वे विद्धा स वेदगू ।

जत्वा धम्मं अनिस्सितोति । जत्वाति जत्वा जानित्वा तुलयित्वा तीरयित्वा विभावयित्वा विभूतं कत्वा । “सब्बे सङ्खारा अनिच्चा”ति जत्वा जानित्वा तुलयित्वा तीरयित्वा विभावयित्वा विभूतं कत्वा, “सब्बे सङ्खारा दुक्खा”ति...पे०... “यं किञ्चि समुदयधम्मं सब्बं तं निरोधधम्मं”न्ति जत्वा जानित्वा तुलयित्वा तीरयित्वा विभावयित्वा विभूतं कत्वा । अनिस्सितोति द्वे निस्सया — तण्हानिस्सयो च दिट्ठिनिस्सयो च...पे०... अयं तण्हानिस्सयो...पे०... अयं दिट्ठिनिस्सयो । तण्हानिस्सयं पहाय दिट्ठिनिस्सयं पटिनिस्सज्जित्वा चक्खुं अनिस्सितो... सोतं अनिस्सितो... घानं अनिस्सितो...पे०... दिट्ठसुतमुतविज्जातब्बे धम्मे अनिस्सितो अनल्लीनो अनुपगतो अनज्झोसितो अनधिमुत्तो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — जत्वा धम्मं अनिस्सितो ।

सम्मा सो लोके इरियानोति । यतो अज्झत्तिकबाहिरेसु आयतनेसु छन्दरागो पहीनो होति उच्छिन्नमूलो तालावत्थुकतो अनभावंकतो आयतिं अनुप्पादधम्मो, एत्तावतापि सम्मा सो लोके चरति विहरति इरियति वत्तति पालेति यपेति यापेति...पे०... यतो पुज्जाभिसङ्खारो च अपुज्जाभिसङ्खारो च आनेज्जाभिसङ्खारो च पहीना होन्ति उच्छिन्नमूला तालावत्थुकता अनभावंकता आयतिं अनुप्पादधम्मा, एत्तावतापि सम्मा सो लोके चरति विहरति इरियति वत्तति पालेति यपेति यापेतीति — सम्मा सो लोके इरियानो ।

न पिहेतीध कस्सचीति । पिहा वुच्चति तण्हा । यो रागो सारागो...पे०... अभिज्झा लोभो अकुसलमूलं । यस्सेसा पिहा तण्हा पहीना समुच्छिन्ना वूपसन्ता पटिपस्सद्धा अभब्बुप्पत्तिका जाणगिना दड्ढा, सो कस्सचि न पिहेति खत्तियस्स वा ब्राह्मणस्स वा वेस्सस्स वा सुद्धस्स वा गहट्ठस्स वा पब्बजितस्स वा देवस्स वा मनुस्सस्स वाति — न पिहेतीध कस्सचि ।

तेनाह भगवा —

“स वे विद्धा स वेदगू, जत्वा धम्मं अनिस्सितो ।
सम्मा सो लोके इरियानो, न पिहेतीध कस्सची”ति ॥

१८३.योध कामे अच्चतरि, सङ्गं लोके दुरच्चयं ।

न सो सोचति नाज्जेति, छिन्नसोतो अबन्धनो॥

योध कामे अच्छतरि, सङ्गं लोके दुरच्चयन्ति । योति यो यादिसो यथायुत्तो यथाविहितो यथापकारो यं ठानप्पत्तो यं धम्मसमन्नागतो खत्तियो वा ब्राह्मणो वा वेस्सो वा सुद्धो वा गहट्ठो वा पब्बजितो वा देवो वा मनुस्सो वा । कामाति उद्धानतो द्वे कामा — वत्थुकामा च किलेसकामा च...पे०... इमे वुच्चन्ति वत्थुकामा...पे०... इमे वुच्चन्ति किलेसकामा । सङ्गाति सत्त सङ्गा — रागसङ्गो, दोससङ्गो, मोहसङ्गो, मानसङ्गो, दिट्ठिसङ्गो, किलेससङ्गो, दुच्चरितसङ्गो । लोकेति अपायलोके मनुस्सलोके देवलोके खन्धलोके धातुलोके आयतनलोके । सङ्गं लोके दुरच्चयन्ति । यो कामे च सङ्गे च लोके दुरच्चये दुरतिवत्ते दुत्तरे दुप्पतरे दुस्समतिककमे दुब्बीतिवत्ते अतरि उत्तरि पतरि समतिककमि वीतिवत्तयीति — योध कामे अच्छतरि, सङ्गं लोके दुरच्चयं ।

न सो सोचति नाज्जेतीति । विपरिणतं वा वत्थुं न सोचति, विपरिणतस्मिं वा वत्थुस्मिं न सोचति । “चक्खु मे विपरिणतं”न्ति न सोचति...पे०... सोतं मे... धानं मे... जिक्का मे... कायो मे... रूपा मे... सद्दा मे... गन्धा मे... रसा मे... फोटुब्बा मे... कुलं मे... गणो मे... आवासो मे... लाभो मे... यसो मे... पसंसा मे... सुखं मे... चीवरं मे... पिण्डपातो मे... सेनासनं मे... गिलानपच्चयभेसज्जपरिक्खारा मे... माता मे... पिता मे... भाता मे... भगिनी मे... पुत्तो मे... धीता मे... मित्ता मे... अमच्चा मे... जाती मे... “सालोहिता मे विपरिणता”ति न सोचति न किलमति न परिदेवति न उरत्ताळिं कन्दति न सम्मोहं आपज्जतीति — न सोचति । नाज्जेतीति नज्जेति न अज्जेति न उपनिज्झायति न निज्झायति न पज्झायति । अथ वा न जायति न जिय्यति न मिय्यति न चवति न उपपज्जतीति — नाज्जेतीति — न सो सोचति नाज्जेति ।

छिन्नसोतो अबन्धनोति । सोतं वुच्चति तण्हा । यो रागो सारागो...पे०... अभिज्झा लोभो अकुसलमूलं । यस्सेसा सोता तण्हा पहीना समुच्छिन्ना...पे०... जाणगिना दट्ठा, सो वुच्चति छिन्नसोतो । अबन्धनोति रागबन्धनं दोसबन्धनं मोहबन्धनं मानबन्धनं दिट्ठिबन्धनं किलेसबन्धनं दुच्चरितबन्धनं, यस्सेते बन्धना पहीना समुच्छिन्ना...पे०... जाणगिना दट्ठा, सो वुच्चति अबन्धनोति — छिन्नसोतो अबन्धनो ।

तेनाह भगवा —

“योध कामे अच्छतरि, सङ्गं लोके दुरच्चयं ।

न सो सोचति नाज्जेति, छिन्नसोतो अबन्धनो”ति ॥

१८४यं पुब्बे तं विसोसेहि, पच्छा ते माहु किञ्चनं ।

मज्जे चे नो गहेस्ससि, उपसन्तो चरिस्ससि॥

यं पुब्बे तं विसोसेहीति । अतीते सङ्खारे आरब्भ ये किलेसा उपपज्जेय्युं ते किलेसे सोसेहि विसोसेहि सुक्खापेहि विसुक्खापेहि अबीजं करोहि पजह विनोदेहि ब्यन्तिं करोहि अनभावं गमेहीति । एवम्पि यं पुब्बे तं विसोसेहि । अथ वा ये अतीता कम्माभिसङ्खारा अविपक्कविपाका ते कम्माभिसङ्खारे सोसेहि विसोसेहि सुक्खापेहि विसुक्खापेहि अबीजं करोहि पजह विनोदेहि ब्यन्तिं करोहि अनभावं गमेहीति । एवम्पि यं पुब्बे तं विसोसेहि ।

पच्छा ते माहु किञ्चनन्ति । पच्छा वुच्चति अनागतं । अनागते सङ्खारे आरब्भ यानि उपपज्जेय्युं रागकिञ्चनं दोसकिञ्चनं मोहकिञ्चनं मानकिञ्चनं दिट्ठिकिञ्चनं किलेसकिञ्चनं दुच्चरितकिञ्चनं, इमानि किञ्चनानि [इमे किञ्चना

(क०) पस्स दी० नि० ३.३०५] तुहं मा अहु मा अकासि मा जनेसि मा सज्जनेसि मा निब्बत्तेसि मा अभिनिब्बत्तेसि पजह विनोदेहि ब्यन्तिं करोहि अनभावं गमेहीति — पच्छा ते माहु किञ्चनं ।

मज्झे चे नो गहेस्ससीति । मज्झं वुच्चति पच्चुप्पन्ना रूपवेदनासज्जासङ्खारविज्जाणा । पच्चुप्पन्ने सङ्खारे तण्हावसेन दिट्ठिवसेन न गहेस्ससि न उग्गहेस्ससि न गण्हिस्ससि न परामसिस्ससि नाभिनन्दिस्ससि नाभिचरिस्ससि न अज्झोसिस्ससि, अभिनन्दनं अभिवदनं अज्झोसानं गाहं परामासं अभिनिवेसं पजहिस्ससि विनोदेस्ससि ब्यन्तिं करिस्ससि अनभावं गमेस्ससीति — मज्झे चे नो गहेस्ससि ।

उपसन्तो चरिस्ससीति । रागस्स सन्तत्ता समितत्ता उपसमितत्ता, दोसस्स सन्तत्ता समितत्ता उपसमितत्ता...पे०... सब्बाकुसलाभिसङ्खारानं सन्तत्ता समितत्ता उपसमितत्ता वूपसमितत्ता विज्झातत्ता निब्बुतत्ता विगतत्ता पटिपस्सद्धत्ता सन्तो उपसन्तो वूपसन्तो निब्बुतो पटिपस्सद्धो चरिस्ससि विहरिस्ससि इरियिस्ससि वत्तिस्ससि पालिस्ससि यपिस्ससि यापिस्ससीति — उपसन्तो चरिस्ससि ।

तेनाह भगवा —

“यं पुब्बे तं विसोसेहि, पच्छा ते माहु किञ्चनं ।
मज्झे चे नो गहेस्ससि, उपसन्तो चरिस्ससी”ति ॥

**१८५.सब्बसो नामरूपस्मिं, यस्स नत्थि ममायितं ।
असता च न सोचति, स वे लोके न जीयति ॥**

सब्बसो नामरूपस्मिं, यस्स नत्थि ममायितन्ति । सब्बसोति सब्बेन सब्बं सब्बथा सब्बं असेसं निस्सेसं परियादियनवचनमेतं — सब्बसोति । **नामन्ति** चत्तारो अरूपिनो खन्धा । **रूपन्ति** चत्तारो च महाभूता, चतुन्नञ्च महाभूतानं उपादाय रूपं । **यस्साति** अरहतो खीणासवस्स । **ममायितन्ति** द्वे ममत्ता — तण्हाममत्तञ्च दिट्ठिममत्तञ्च...पे०... इदं तण्हाममत्तं...पे०... इदं दिट्ठिममत्तं । **सब्बसो नामरूपस्मिं, यस्स नत्थि ममायितन्ति** सब्बसो नामरूपस्मिं ममत्ता यस्स नत्थि न सन्ति न संविज्जन्ति नुपलब्धन्ति, पहीना समुच्छिन्ना वूपसन्ता पटिपस्सद्धा अभव्वुप्पत्तिका जाणगिना दट्ठाति — सब्बसो नामरूपस्मिं, यस्स नत्थि ममायितं ।

असता च न सोचतीति । विपरिणतं वा वत्थुं न सोचति, विपरिणतस्मिं वा वत्थुस्मिं न सोचति । “चक्खु मे विपरिणत”न्ति न सोचति, सोतं मे... धानं मे... जिह्वा मे... कायो मे... रूपा मे... सद्दा मे... गन्धा मे... रसा मे... फोट्ठब्बा मे... कुलं मे... गणो मे... आवासो मे... लाभो मे...पे०... “सालोहिता मे विपरिणता”ति न सोचति न किलमति न परिदेवति न उरत्ताळिं कन्दति न सम्मोहं आपज्जतीति । एवम्पि असता च न सोचति ।

अथ वा असताय दुक्खाय वेदनाय फुट्ठो परेतो समोहितो समन्नागतो न सोचति न किलमति न परिदेवति न उरत्ताळिं कन्दति न सम्मोहं आपज्जतीति । एवम्पि असता च न सोचति । अथ वा चक्खुरोगेन फुट्ठो परेतो...पे०... डंसमकसवातातपसरीसपसम्फस्सेन फुट्ठो परेतो समोहितो समन्नागतो न सोचति न किलमति न परिदेवति न उरत्ताळिं कन्दति न सम्मोहं आपज्जतीति । एवम्पि असता च न सोचति । अथ वा असन्ते असंविज्जमाने अनुपलब्धमाने “अहु वत

मे, तं वत मे नत्थि, सिया वत मे, तं वताहं न लभामी”ति न सोचति न किलमति न परिदेवति न उरत्ताळिं कन्दति न सम्मोहं आपज्जतीति । एवम्पि असता च न सोचति ।

स वे लोके न जीयतीति । यस्स “मय्हं वा इदं परेसं वा इदं”न्ति किञ्चि रूपगतं वेदनागतं सञ्जागतं सङ्खारगतं विज्जाणगतं गहितं परामट्ठं अभिनिविट्ठं अज्झोसितं अधिमुत्तं अत्थि, तस्स जानि अत्थि ।

भासितम्पि हेतं —

“जीनो [जिण्णे (सी०), जिन्नो (स्या०)] रथस्सं [रथस्से (सी०) पञ्चकनिपाते (आदिमिह)]
मणिकुण्डलजातकट्टकथा ओलोकेतब्बा] मणिकुण्डले च, पुत्ते च दारे च तथेव जीनो ।
सब्बेसु भोगेसु असेवितेसु, कस्मा न सन्तप्पसि सोककाले ॥

“पुब्बेव मच्चं विजहन्ति भोगा, मच्चो धने पुब्बतरं जहासि ।
असस्सता [असस्सका (सी०), अस्सका (स्या०)] भाविनो कामकामी, तस्मा न सोचामहं सोककाले ॥

“उदेति आपूरति वेति चन्दो, अन्धं तपेत्त्वान [अत्थं गमित्वान (बहूसु)] पलेति सूरियो ।
विदिता मया सत्तुक लोकधम्मा, तस्मा न सोचामहं सोककाले”ति ॥

यस्स “मय्हं वा इदं परेसं वा इदं”न्ति किञ्चि रूपगतं वेदनागतं सञ्जागतं सङ्खारगतं विज्जाणगतं गहितं परामट्ठं अभिनिविट्ठं अज्झोसितं अधिमुत्तं नत्थि, तस्स जानि नत्थि । भासितम्पि हेतं — “नन्दसि, समणा”ति । ‘किं लब्धा, आवुसो’ति? ‘तेन हि, समण, सोचसी’ति । ‘किं जीयित्थ, आवुसो’ति? ‘तेन हि, समण, नेव नन्दसि न सोचसी’ति । ‘एवमावुसो’ति ।

“चिरस्सं वत पस्साम, ब्राह्मणं परिनिब्बुतं ।
अनन्दिं अनीघं भिक्खुं, तिण्णं लोके विसत्तिक”न्ति ॥

स वे लोके न जीयति । तेनाह भगवा —

“सब्बसो नामरूपस्मिं, यस्स नत्थि ममायितं ।
असता च न सोचति, स वे लोके न जीयती”ति ॥

**१८६.यस्स नत्थि इदं मेति, परेसं वापि किञ्चनं ।
ममत्तं सो असंविन्दं, नत्थि मेति न सोचति ॥**

यस्स नत्थि इदं मेति, परेसं वापि किञ्चनन्ति । यस्साति अरहतो खीणासवस्स । यस्स “मय्हं वा इदं परेसं वा इदं”न्ति किञ्चि रूपगतं वेदनागतं सञ्जागतं सङ्खारगतं विज्जाणगतं गहितं परामट्ठं अभिनिविट्ठं अज्झोसितं अधिमुत्तं नत्थि न सन्ति न संविज्जति नुपलब्धति, पहीनं समुच्छिन्नं वूपसन्तं पटिपस्सद्धं अभब्बुप्पत्तिकं जाणगिना दट्ठन्ति । एवम्पि यस्स नत्थि इदं मेति, परेसं वापि किञ्चनं ।

वृत्तहेतं भगवता — “नायं, भिक्खवे, कायो तुम्हाकं, नपि अज्जेसं। पुराणमिदं, भिक्खवे, कम्मं अभिसङ्कृतं अभिसज्जेतयितं वेदनीयं ददुब्बं। तत्र, भिक्खवे, सुतवा अरियसावको पटिच्चसमुप्पादंयेव साधुकं योनिसो मनसिकरोति — ‘इति इमस्मिं सति इदं होति इमस्सुप्पादा इदं उप्पज्जति, इमस्मिं असति इदं न होति इमस्स निरोधा इदं निरुज्जति, यदिदं अविज्जापच्चया सङ्कारा, सङ्कारपच्चया विज्जाणं... पे०... एवमेतस्स केवलस्स दुक्खक्खन्धस्स समुदयो होति। अविज्जायत्वेव असेसविरागनिरोधा सङ्कारनिरोधो... पे०... एवमेतस्स केवलस्स दुक्खक्खन्धस्स निरोधो होती’”ति। एवम्पि यस्स नत्थि इदं मेति, परेसं वापि किञ्चनं।

वृत्तम्पि हेतं भगवता —

“सुज्जतो लोकं अवेक्खस्सु, मोघराज सदा सतो।
अत्तानुदिट्ठिं ऊहच्च [उहच्च (क०) सु० नि० ११२५], एवं मच्चुतरो सिया।
एवं लोकं अवेक्खन्तं, मच्चुराजा न पस्सती”ति॥

एवम्पि यस्स नत्थि इदं मेति, परेसं वापि किञ्चनं।

वृत्तम्पि हेतं भगवता — “यं, भिक्खवे, न तुम्हाकं, तं पजहथ। तं वो पहीनं दीघरत्तं हिताय सुखाय भविस्सति। किञ्च, भिक्खवे, न तुम्हाकं? रूपं, भिक्खवे, न तुम्हाकं, तं पजहथ। तं वो पहीनं दीघरत्तं हिताय सुखाय भविस्सति। वेदना... सज्जा... सङ्कारा... विज्जाणं न तुम्हाकं, तं पजहथ। तं वो पहीनं दीघरत्तं हिताय सुखाय भविस्सति। तं किं मज्जथ, भिक्खवे, यं इमस्मिं जेतवने तिणकट्टसाखापलासं, तं जनो हरेय्य वा डहेय्य [दहेय्य (सी० क०) सं० नि० ३.३३] वा यथापच्चयं वा करेय्य, अपि नु तुम्हाकं एवमस्स — ‘अम्हे जनो हरति वा डहति वा यथापच्चयं वा करोती’ति? “नो हेतं, भन्ते”। “तं किस्स हेतु”? “न हि नो एतं, भन्ते, अत्ता वा अत्तनियं वा”ति। “एवमेव खो, भिक्खवे, यं न तुम्हाकं, तं पजहथ। तं वो पहीनं दीघरत्तं हिताय सुखाय भविस्सति। किञ्च, भिक्खवे, न तुम्हाकं? रूपं, भिक्खवे, न तुम्हाकं, तं पजहथ। तं वो पहीनं दीघरत्तं हिताय सुखाय भविस्सति। वेदना... सज्जा... सङ्कारा... विज्जाणं न तुम्हाकं, तं पजहथ। तं वो पहीनं दीघरत्तं हिताय सुखाय भविस्सती”ति। एवम्पि यस्स नत्थि इदं मेति, परेसं वापि किञ्चनं। भासितम्पि हेतं —

“सुद्धधम्मसमुप्पादं, सुद्धसङ्कारसन्ततिं।
पस्सन्तस्स यथाभूतं, न भयं होति गामणि॥

“तिणकट्टसमं लोकं, यदा पज्जाय पस्सति।
नाज्जं पत्थयते किञ्चि, अज्जत्र अप्पटिसन्धिया”ति [पटिसन्धियाति (सी०)]॥

एवम्पि यस्स नत्थि इदं मेति, परेसं वापि किञ्चनं। वजिरा भिक्खुनी मारं पापिमन्तं एतदवोच —

“कं नु सत्तोति पच्चेसि, मार दिट्ठिगतं नु ते।
सुद्धसङ्कारपुज्जोयं, नयिध सत्तुपलब्भति॥

“यथा हि [यथापि (बहूसु) सं० नि० १.१७१] अङ्गसम्भारा, होति सद्दो रथो इति।
एवं खन्धेसु सन्तेसु, होति सत्तोति सम्मुति [सम्मति (स्या०)]॥

“दुःखमेव हि सम्भोति, दुःखं तिष्ठति वेति च ।
नाञ्जत्र दुःखा सम्भोति, नाञ्जं दुःखा निरुज्झती”ति ॥

एवम्पि यस्स नत्थि इदं मेति, परेसं वापि किञ्चनं । वुत्तंहेतं भगवता

“एवमेव खो, भिक्खवे, भिक्खु रूपं समन्नेसति यावता रूपस्स गति, वेदनं... सज्जं... सङ्खारे... विज्जाणं समन्नेसति यावता विज्जाणस्स गति । तस्स रूपं समन्नेसतो यावता रूपस्स गति, वेदनं... सज्जं... सङ्खारे... विज्जाणं समन्नेसतो यावता विज्जाणस्स गति, यम्पिस्स तं होति ‘अहं’न्ति वा ‘मम’न्ति वा, ‘अस्मी’ति वा, तम्पि तस्स न होती”ति । एवम्पि यस्स नत्थि इदं मेति, परेसं वापि किञ्चनं ।

आयस्मा, आनन्दो, भगवन्तं एतदवोच — “‘सुज्जो लोको, सुज्जो लोको’ति, भन्ते, वुच्चति । कितावता नु खो, भन्ते, सुज्जो लोकोति वुच्चती”ति? “यस्मा खो, आनन्द, सुज्जं अत्तेन वा अत्तनियेन वा, तस्मा सुज्जो लोकोति वुच्चति । किञ्चानन्द, सुज्जं अत्तेन वा अत्तनियेन वा? चक्खु खो, आनन्द, सुज्जं अत्तेन वा अत्तनियेन वा । रूपा सुज्जा, चक्खुविज्जाणं सुज्जं, चक्खुसम्फस्सो सुज्जो, यदिदं चक्खुसम्फस्सपच्चया उप्पज्जति वेदयितं सुखं वा दुःखं वा अदुःखमसुखं वा तम्पि सुज्जं... सोतं सुज्जं... सद्वा सुज्जा... धानं सुज्जं... गन्धा सुज्जा... जिक्का सुज्जा... रसा सुज्जा... कायो सुज्जो... फोड्डब्बा सुज्जा... मनो सुज्जो... धम्मा सुज्जा... मनोविज्जाणं सुज्जं... मनोसम्फस्सो सुज्जो, यदिदं मनोसम्फस्सपच्चया उप्पज्जति वेदयितं सुखं वा दुःखं वा अदुःखमसुखं वा तम्पि सुज्जं अत्तेन वा अत्तनियेन वा । यस्मा खो, आनन्द, सुज्जं अत्तेन वा अत्तनियेन वा, तस्मा सुज्जो लोकोति वुच्चती”ति । एवम्पि यस्स नत्थि इदं मेति, परेसं वापि किञ्चनं ।

ममत्तं सो असंविन्दन्ति । ममत्ताति द्वे ममत्ता — तण्हाममत्तञ्च दिट्ठिममत्तञ्च... पे०... इदं तण्हाममत्तं... पे०... इदं दिट्ठिममत्तं । तण्हाममत्तं पहाय दिट्ठिममत्तं पटिनिस्सज्जित्वा ममत्तं अविन्दन्तो असंविन्दन्तो अनधिगच्छन्तो अप्पटिलभन्तोति — ममत्तं सो असंविन्दं ।

नत्थि मेति न सोचतीति । विपरिणतं वा वत्थुं न सोचति, विपरिणतस्मिं वा वत्थुस्मिं न सोचति । “चक्खु मे विपरिणत”न्ति न सोचति, “सोतं मे... पे०... सालोहिता मे विपरिणता”ति न सोचति न किलमति न परिदेवति न उरत्ताळिं कन्दति न सम्मोहं आपज्जतीति — नत्थि मेति न सोचति ।

तेनाह भगवा —

“यस्स नत्थि इदं मेति, परेसं वापि किञ्चनं ।
ममत्तं सो असंविन्दं, नत्थि मेति न सोचती”ति ॥

**१८७. अनिदुरी अननुगिद्धो, अनेजो सब्बधी समो ।
तमानिसंसं पबूमि, पुच्छितो अविकम्पिनं ॥**

अनिदुरी अननुगिद्धो अनेजो सब्बधी समोति । कतमं निदुरियं? इधेकच्चो निदुरियो होति, परलाभसक्कारगरुकारमाननवन्दनपूजनासु इस्सति उसूयति [उस्सूयति (स्या०), उस्सूयति (क०)] इस्सं बन्धति । यं

एवरूपं निदुरियं निदुरियकम्मं इस्सा इस्सायना इस्सायितत्तं उसूया उसूयना उसूयितत्तं — इदं वुच्चति निदुरियं । यस्सेतं निदुरियं पहीनं समुच्छिन्नं...पे०... जाणगिना दड्ढं, सो वुच्चति अनिदुरीति । **अननुगिद्धो**ति । गेधो वुच्चति तण्हा । यो रागो सारागो...पे०... अभिज्झा लोभो अकुसलमूलं । यस्सेसो गेधो पहीनो समुच्छिन्नो...पे०... जाणगिना दड्ढो, सो वुच्चति अननुगिद्धो । सो रूपे अगिद्धो सदे...पे०... दिट्ठसुतमुतविज्जातब्बेसु धम्मेषु अगिद्धो अगधितो अमुच्छितो अनज्झोसन्नो, वीतगेधो विगतगेधो चत्तगेधो वन्तगेधो मुत्तगेधो पहीनगेधो पटिनिस्सट्ठगेधो, वीतरागो विगतरागो चत्तरागो वन्तरागो मुत्तरागो पहीनरागो पटिनिस्सट्ठरागो, निच्छातो निब्बुतो सीतिभूतो सुखप्पटिसंवेदी ब्रह्मभूतेन अत्तना विहरतीति — अनिदुरी अननुगिद्धो ।

अनेजो सब्बधी समोति । **एजा** वुच्चति तण्हा । यो रागो सारागो...पे०... अभिज्झा लोभो अकुसलमूलं । यस्सेसा एजा तण्हा पहीना समुच्छिन्ना...पे०... जाणगिना दड्ढा, सो वुच्चति अनेजो । एजाय पहीनत्ता अनेजो । सो लाभेपि न इज्जति, अलाभेपि न इज्जति, यसेपि न इज्जति, अयसेपि न इज्जति, पसंसायपि न इज्जति, निन्दायपि न इज्जति, सुखेपि न इज्जति, दुक्खेपि न इज्जति, न चलति न वेधति नप्पवेधति न सम्पवेधतीति — अनेजो । **सब्बधी समो**ति सब्बं वुच्चति द्वादसायतनानि । चक्खु चेव रूपा च...पे०... मनो चेव धम्मा च । यतो अज्झत्तिकबाहिरेसु आयतनेसु छन्दरागो पहीनो होति उच्छिन्नमूलो तालावत्थुकतो अनभावंकतो आयतिं अनुप्पादधम्मो, सो वुच्चति सब्बधि समो । सो सब्बत्थ तादि सब्बत्थ मज्झत्तो सब्बत्थ उपेक्खकोति — अनेजो सब्बधी समो ।

तमानिसंसं पब्रूमि, पुच्छितो अविकम्पिनन्ति । अविकम्पिनं पुगलं पुट्ठो पुच्छितो याचितो अज्झेसितो पसादितो इमे चत्तारो आनिसंसे पब्रूमि । यो सो अनिदुरी अननुगिद्धो अनेजो सब्बधि समोति ब्रूमि आचिक्खामि...पे०... पकासेमीति — तमानिसंसं पब्रूमि पुच्छितो अविकम्पिनं ।

तेनाह भगवा —

“अनिदुरी अननुगिद्धो, अनेजो सब्बधी समो ।
तमानिसंसं पब्रूमि, पुच्छितो अविकम्पिनं”न्ति ॥

१८८.अनेजस्स विजानतो, नत्थि काचि निसङ्घति [निसङ्घति (बहूसु)] ।

विरतो सो वियारम्भा, [वियारम्भा (बहूसु)] खेमं पस्सति सब्बधि॥

अनेजस्स विजानतोति । **एजा** वुच्चति तण्हा । यो रागो सारागो...पे०... अभिज्झा लोभो अकुसलमूलं । यस्सेसा एजा तण्हा पहीना समुच्छिन्ना...पे०... जाणगिना दड्ढा, सो वुच्चति अनेजो । एजाय पहीनत्ता अनेजो । सो लाभेपि न इज्जति, अलाभेपि न इज्जति, यसेपि न इज्जति, अयसेपि न इज्जति, पसंसायपि न इज्जति, निन्दायपि न इज्जति, सुखेपि न इज्जति, दुक्खेपि न इज्जति न चलति न वेधति नप्पवेधति न सम्पवेधतीति — अनेजस्स । **विजानतो**ति जानतो आजानतो विजानतो पटिविजानतो पटिविज्झतो । “सब्बे सङ्खारा अनिच्चा”ति जानतो आजानतो विजानतो पटिविजानतो पटिविज्झतो, “सब्बे सङ्खारा दुक्खा”ति...पे०... “यं किञ्चि समुदयधम्मं सब्बं तं निरोधधम्मं”न्ति जानतो आजानतो विजानतो पटिविजानतो पटिविज्झतोति — अनेजस्स विजानतो ।

नत्थि काचि निसङ्घतीति । निसङ्घतियाए वुच्चन्ति पुज्जाभिसङ्खारो अपुज्जाभिसङ्खारो आनेज्जाभिसङ्खारो । यतो

पुज्जाभिसङ्खारो च अपुज्जाभिसङ्खारो च आनेज्जाभिसङ्खारो च पहीना होन्ति उच्छिन्नमूला तालावत्थुकता अनभावंकता आयतिं अनुप्पादधम्मा, एत्तावता निसङ्खतियो नत्थि न सन्ति न संविज्जन्ति नुपलब्धन्ति, पहीना समुच्छिन्ना वूपसन्ता पटिपस्सद्भा अभब्बुप्पत्तिका जाणग्गिना दड्ढाति — नत्थि काचि निसङ्खति ।

विरतो सो वियारब्भाति । वियारब्भो वुच्चति पुज्जाभिसङ्खारो अपुज्जाभिसङ्खारो आनेज्जाभिसङ्खारो । यतो पुज्जाभिसङ्खारो च अपुज्जाभिसङ्खारो च आनेज्जाभिसङ्खारो च पहीना होन्ति उच्छिन्नमूला तालावत्थुकता अनभावंकता आयतिं अनुप्पादधम्मा, एत्तावता आरब्भा वियारब्भा आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — विरतो सो वियारब्भा ।

खेमं पस्सति सब्बधीति । भयकरो रागो भयकरो दोसो भयकरो मोहो...पे०... भयकरा किलेसा । भयकरस्स रागस्स पहीनत्ता...पे०... भयकरानं किलेसानं पहीनत्ता सब्बत्थ खेमं पस्सति सब्बत्थ अभयं पस्सति सब्बत्थ अनीतिकं पस्सति सब्बत्थ अनुपद्वं पस्सति सब्बत्थ अनुपसगं पस्सति सब्बत्थ अनुपसद्वत्तं [पस्सद्वं (स्या०)] पस्सतीति — खेमं पस्सति सब्बधि ।

तेनाह भगवा —

“अनेजस्स विजानतो, नत्थि काचि निसङ्खति ।
विरतो सो वियारब्भा, खेमं पस्सति सब्बधी”ति ॥

१८९.न समेसु न ओमेसु, न उस्सेसु वदते मुनि ।

सन्तो सो वीतमच्छरो, [वीतमच्छरो (सी०)] नादेति न निरस्सति ॥ [इति भगवा]

न समेसु न ओमेसु, न उस्सेसु वदते मुनीति । मुनीति । मोनं वुच्चति जाणं...पे०... सङ्गजालमतिच्च सो मुनि । “सेय्योहमस्मी”ति वा “सदिसोहमस्मी”ति वा “हीनोहमस्मी”ति वा न वदति न कथेति न भणति न दीपयति न वोहरतीति — न समेसु न ओमेसु, न उस्सेसु वदते मुनि ।

सन्तो सो वीतमच्छरोति । सन्तोति रागस्स सन्तत्ता समितत्ता सन्तो, दोसस्स...पे०... मोहस्स... सब्बाकुसलाभिसङ्खारानं सन्तत्ता समितत्ता वूपसमितत्ता विज्झातत्ता निब्बुतत्ता विगतत्ता पटिपस्सद्वत्ता सन्तो उपसन्तो वूपसन्तो निब्बुतो पटिपस्सद्भोति — सन्तो । **सो वीतमच्छरोति ।** पज्ज मच्छरियाणि आवासमच्छरियं...पे०... गाहो वुच्चति मच्छरियं । यस्सेतं मच्छरियं पहीनं समुच्छिन्नं...पे०... जाणग्गिना दड्ढं, सो वुच्चति वीतमच्छरो विगतमच्छरो चत्तमच्छरो वन्तमच्छरो मुत्तमच्छरो पहीनमच्छरो पटिनिस्सद्वमच्छरोति — सन्तो सो वीतमच्छरो ।

नादेति न निरस्सति, इति भगवाति । नादेतीति रूपं नादियति न उपादियति न गण्हाति न परामसति नाभिनिविसति, वेदनं... सज्जं... सङ्खारे... विज्जाणं... गतिं... उपपत्तिं... पटिसन्धिं... भवं... संसारं... वट्ठं नादियति न उपादियति न गण्हाति न परामसति नाभिनिविसतीति — नादेति । **न निरस्सतीति** रूपं न पजहति न विनोदेति न व्यन्तिं करोति न अनभावं गमेति, वेदनं... सज्जं... सङ्खारे... विज्जाणं... गतिं... उपपत्तिं ... पटिसन्धिं... भवं... संसारं... वट्ठं न पजहति न विनोदेति न व्यन्तिं करोति न अनभावं गमेति । **भगवाति** गारवाधिवचनं...पे०... सच्छिका पज्जति यदिदं भगवाति ।

तेनाह भगवा —

“न समेसु न ओमेसु, न उस्सेसु वदते मुनि ।
सन्तो सो वीतमच्छरो, नादेति न निरस्सति” ॥ [इति भगवा]

अत्तदण्डसुत्तनिद्देसो पन्नरसमो ।

१६. सारिपुत्तसुत्तनिद्देसो

अथ सारिपुत्तसुत्तनिद्देसं वक्खति —

१९०. न मे दिट्ठो इतो पुब्बे, [इच्छायस्मा सारिपुत्तो]

न सुतो उद कस्सचि ।

एवं वग्गुवदो सत्था, तुसिता गणिमागतो ॥

न मे दिट्ठो इतो पुब्बेति । इतो पुब्बे मे मया न दिट्ठपुब्बो सो भगवा इमिना चक्खुना इमिना अत्तभावेन । यदा भगवा तावतिसंभवने पारिच्छत्तकमूले पण्डुकम्बलसिलायं वस्संवुत्थो [वस्संवुत्थो (स्या०)] देवगणपरिवृतो मज्झे मणिमयेन सोपाणेन सङ्कस्सनगरं ओतिण्णो इमं दस्सनं पुब्बे न दिट्ठोति — न मे दिट्ठो इतो पुब्बे ।

इच्छायस्मा सारिपुत्तोति । इच्छाति पदसन्धि पदसंसग्गो पदपारिपूरी अक्खरसमवायो व्यञ्जनसिलिट्ठता पदानुपुब्बतापेतं — इच्छाति । आयस्माति पियवचनं गरुवचनं सगारवसप्पतिस्सवचनमेतं — आयस्माति । सारिपुत्तोति तस्स थेरस्स नामं सङ्घा समञ्जा पज्जति वोहारो नामं नामकम्मं नामधेय्यं निरुत्ति व्यञ्जनं अभिलापोति — इच्छायस्मा सारिपुत्तो ।

न सुतो उद कस्सचीति । नाति पटिक्खेपो । उदाति पदसन्धि पदसंसग्गो पदपारिपूरी अक्खरसमवायो व्यञ्जनसिलिट्ठता पदानुपुब्बतापेतं — उदाति । कस्सचीति खत्तियस्स वा ब्राह्मणस्स वा वेस्सस्स वा सुद्धस्स वा गहट्ठस्स वा पब्बजितस्स वा देवस्स वा मनुस्सस्स वाति — न सुतो उद कस्सचि ।

एवं वग्गुवदो सत्थाति । एवं वग्गुवदो मधुरवदो पेमनीयवदो हृदयङ्गमवदो करवीकरुतमञ्जुघोसो [करविकरुदमञ्जुस्सरो (स्या०)] । अट्ठङ्गसमन्नागतो खो पन तस्स भगवतो मुखतो घोसो निच्छरति — विसट्ठो च विज्जेय्यो च मञ्जु च सवनीयो च बिन्दु च अविशारी च गम्भीरो च निन्नादि च । यथा परिसं खो पन सो भगवा सरेन विज्जापेति, न अस्स बहिद्धा परिसाय घोसो निच्छरति, ब्रह्मस्सरो खो पन सो भगवा करवीकभाणीति — एवं वग्गुवदो ।

सत्थाति सत्था भगवा सत्थवाहो । यथा सत्थवाहो सत्ते कन्तारं तारेति, चोरकन्तारं तारेति, वाळकन्तारं तारेति, दुब्भिकखकन्तारं तारेति, निरुदककन्तारं तारेति उत्तारेति नित्तारेति पतारेति खेमन्तभूमिं सम्पापेति; एवमेव भगवा सत्थवाहो सत्ते कन्तारं तारेति, जातिकन्तारं तारेति, जराकन्तारं तारेति, ब्याधिकन्तारं... पे०... मरणकन्तारं... सोकपरिदेवदुक्खदोमनस्सुपायासकन्तारं तारेति रागकन्तारं तारेति दोसकन्तारं... मोहकन्तारं... मानकन्तारं... दिट्ठिकन्तारं... किलेसकन्तारं... दुच्चरितकन्तारं तारेति, रागगहनं तारेति, दोसगहनं... मोहगहनं... मानगहनं... दिट्ठिगहनं... किलेसगहनं...

दुच्चरितगहनं तारेति उत्तारेति नित्तारेति पतारेति खेमन्तं अमतं निब्बानं सम्पापेतीति । एवम्पि भगवा सत्थवाहो ।

अथ वा भगवा नेता विनेता अनुनेता पञ्जपेता निज्झापेता पेक्खेता पसादेताति । एवम्पि भगवा सत्थवाहो ।

अथ वा भगवा अनुप्पन्नस्स मग्गस्स उप्पादेता, असज्जातस्स मग्गस्स सज्जनेता, अनक्खातस्स मग्गस्स अक्खाता, मग्गज्जू मग्गविदू मग्गकोविदो मग्गानुगा च पन एतरहि सावका विहरन्ति पच्छा समन्नागताति । एवम्पि भगवा सत्थवाहोति — एवं वग्गुवदो सत्था ।

तुसिता गणिमागतोति । भगवा तुसितकाया चवित्वा सतो सम्पजानो मातुकुच्छिं ओक्कन्तोति । एवम्पि तुसिता गणिमागतो ।

अथ वा देवा वुच्चन्ति तुसिता । ते तुट्ठा सन्तुट्ठा अत्तमना पमुदिता पीतिसोमनस्सजाता देवलोकतो गणिं आगतोति । एवम्पि तुसिता गणिमागतो । अथ वा अरहन्तो वुच्चन्ति तुसिता । ते तुट्ठा सन्तुट्ठा अत्तमना परिपुण्णसङ्कप्पा अरहन्तानं गणिं आगतोति । एवम्पि तुसिता गणिमागतो । **गणीति** गणी भगवा । गणाचरियोति गणी, गणस्स सत्थाति गणी, गणं परिहरतीति गणी, गणं ओवदतीति गणी, गणमनुसासतीति गणी, विसारदो गणं उपसङ्कमतीति गणी, गणस्स **[गणोस्स (सी०)]** सुस्सूसति सोतं ओदहति अज्जा चित्तं उपट्ठपेतीति गणी, गणं अकुसला वुट्ठापेत्वा कुसले पतिट्ठापेतीति गणी, भिक्खुगणस्स गणी, भिक्खुनिगणस्स गणी, उपासकगणस्स गणी, उपासिकागणस्स गणी, राजगणस्स गणी, खत्तियगणस्स... ब्राह्मणगणस्स... वेस्सगणस्स... सुद्धगणस्स... देवगणस्स... ब्रह्मगणस्स गणी, सङ्घी गणी गणाचरियो । **आगतोति** उपगतो समुपगतो समुपपन्नो **[सम्पत्तो (स्या० क०)]** सङ्कस्सनगरन्ति — तुसिता गणिमागतो ।

तेनाह थेरो सारिपुत्तो —

“न मे दिट्ठो इतो पुब्बे, [इच्चायस्मा सारिपुत्तो]
न सुतो उद कस्सचि ।
एवं वग्गुवदो सत्था, तुसिता गणिमागतो”ति ॥

१९१. सदेवकस्स लोकस्स, यथा दिस्सति चक्खुमा ।
सब्बं तमं विनोदेत्वा, एकोव रतिमज्झगा ॥

सदेवकस्स लोकस्साति सदेवकस्स लोकस्स समारकस्स सब्रह्मकस्स सस्समणब्राह्मणिया पजाय सदेवमनुस्सायाति — सदेवकस्स लोकस्स ।

यथा दिस्सति चक्खुमाति यथा भगवन्तं तावतिसभवने पारिच्छत्तकमूले पण्डुकम्बलसिलायं निसिन्नं धम्मं देसेन्तं देवता पस्सन्ति तथा मनुस्सा पस्सन्ति । यथा मनुस्सा पस्सन्ति तथा देवता पस्सन्ति । यथा देवानं दिस्सति तथा मनुस्सानं दिस्सति । यथा मनुस्सानं दिस्सति तथा देवानं दिस्सतीति । एवम्पि यथा दिस्सति चक्खुमा । यथा वा पनेके भोन्तो समणब्राह्मणा अदन्ता दन्तवण्णेन दिस्सन्ति, असन्ता सन्तवण्णेन दिस्सन्ति, अनुपसन्ता उपसन्तवण्णेन दिस्सन्ति, अनिब्बुता निब्बुतवण्णेन दिस्सन्ति ।

“पतिरूपको मत्तिकाकुण्डलोव, लोहडूमासोव [लोहमासोव (स्या०)] सुवण्णछन्तो ।
चरन्ति लोके परिवारछन्ना, अन्तो असुद्धा बहि सोभमाना”ति [अयं गाथा सं० नि० १.१२२ दिस्सति] ॥

न भगवा एवं दिस्सति । भगवा भूतेन तच्छेन तथेन याथावेन अविपरीतेन सभावेन दन्तो दन्तवण्णेन दिस्सति, सन्तो सन्तवण्णेन दिस्सति, उपसन्तो उपसन्तवण्णेन दिस्सति, निब्बुतो निब्बुतवण्णेन दिस्सति, अकप्पितइरियापथा च बुद्धा भगवन्तो पणिधिसम्पन्नाति । एवम्पि यथा दिस्सति चक्खुमा ।

अथ वा भगवा विसुद्धसद्दो गतकित्सद्दसिलोको [भट्कित्सद्दसिलोको (स्या०)] नागभवने च सुपण्णभवने च यक्खभवने च असुरभवने च गन्धब्बभवने च महाराजभवने च इन्द्रभवने च ब्रह्मभवने च देवभवने च एदिसो च तादिसो च ततो च भिय्योति । एवम्पि यथा दिस्सति चक्खुमा ।

अथ वा भगवा दसहि बलेहि समन्नागतो, चतूहि वेसारज्जेहि, चतूहि पटिसम्भिदाहि, छहि अभिज्जाहि, छहि बुद्धधम्मोहि, तेजेन च बलेन च गुणेन च वीरियेन च पज्जाय च दिस्सति जायति पज्जायति ।

“दूरे सन्तो पकासेन्ति, हिमवन्तोव पब्बतो ।
असन्तेत्थ न दिस्सन्ति, रत्तिं खित्ता [रत्तिखित्ता (सी०) ध० प० ३०४] यथा सरा”ति ॥

एवम्पि यथा दिस्सति चक्खुमा ।

चक्खुमाति भगवा पज्जहि चक्खूहि चक्खुमा — मंसचक्खुनापि चक्खुमा, दिब्बचक्खुनापि चक्खुमा, पज्जाचक्खुनापि चक्खुमा, बुद्धचक्खुनापि चक्खुमा, समन्तचक्खुनापि चक्खुमा ।

कथं भगवा मंसचक्खुनापि चक्खुमा? मंसचक्खुमिह भगवतो पज्ज वण्णा संविज्जन्ति — नीलो च वण्णो, पीतको च वण्णो, लोहितको च वण्णो, कण्हो च वण्णो, ओदातो च वण्णो । अक्खिलोमानि च भगवतो । यत्थ च अक्खिलोमानि पतिट्ठितानि तं नीलं होति सुनीलं पासादिकं दस्सनेय्यं उमापुप्फसमानं । तस्स परतो पीतकं होति सुपीतकं सुवण्णवण्णं पासादिकं दस्सनेय्यं कणिकारपुप्फसमानं । उभतो अक्खिकूटानि भगवतो लोहितकानि होन्ति सुलोहितकानि पासादिकानि दस्सनेय्यानि इन्द्रगोपकसमानानि । मज्झे कण्हं होति सुकण्हं अलूखं सुद्धं पासादिकं दस्सनेय्यं अद्दारिड्डकसमानं । तस्स परतो ओदातं होति सुओदातं सेतं पण्डरं पासादिकं दस्सनेय्यं ओसधितारकसमानं । तेन भगवा पाकतिकेन मंसचक्खुना अत्तभावपरियापन्नेन पुरिमसुचरितकम्माभिनिब्बत्तेन समन्ता योजनं पस्सति दिवा चेव रत्तिज्ज । यदापि चतुरङ्गसमन्नागतो अन्धकारो होति सूरियो च अत्थङ्गतो होति; काळपक्खो च उपोसथो होति, तिब्बो च वनसण्डो होति, महा च काळमेघो अब्भुट्ठितो होति । एवरूपेपि चतुरङ्गसमन्नागते अन्धकारे समन्ता योजनं पस्सति । नत्थि सो कुट्टो वा कवाटं वा पाकारो वा पब्बतो वा गच्छो वा लता वा आवरणं रूपानं दस्सनाय । एकज्जे तिलफलं निमित्तं कत्वा तिलवाहे पक्खिपेय्य, तज्जेव तिलफलं उद्धरेय्य । एवं परिसुद्धं भगवतो पाकतिकमंसचक्खु । एवं भगवा मंसचक्खुनापि चक्खुमा ।

कथं भगवा दिब्बेन चक्खुनापि चक्खुमा? भगवा दिब्बेन चक्खुना विसुद्धेन अतिक्कन्तमानुसकेन सत्ते पस्सति चवमाने उपपज्जमाने हीने पणीते सुवण्णे दुब्बण्णे सुगते दुग्गते; यथाकम्मूपगे सत्ते पज्जानाति — “इमे वत भोन्तो सत्ता कायदुच्चरितेन समन्नागता वचीदुच्चरितेन समन्नागता मनोदुच्चरितेन समन्नागता अरियानं उपवादका मिच्छादिट्ठिका

मिच्छादिद्विकम्मसमादाना, ते कायस्स भेदा परं मरणा अपायं दुग्गतिं विनिपातं निरयं उपपन्ना; इमे वा पन भोन्तो सत्ता कायसुचरितेन समन्नागता वचीसुचरितेन समन्नागता मनोसुचरितेन समन्नागता अरियानं अनुपवादका सम्मादिद्विका सम्मादिद्विकम्मसमादाना, ते कायस्स भेदा परं मरणा सुगतिं सगं लोकं उपपन्ना”ति । इति दिब्बेन चक्खुना विसुद्धेन अतिक्कन्तमानुसकेन सत्ते पस्सति चवमाने उपपज्जमाने हीने पणीते सुवण्णे दुब्बण्णे सुगते दुग्गते; यथाकम्मूपगे सत्ते पजानाति । आकङ्खमानो च भगवा एकम्पि लोकधातुं पस्सेय्य, द्वेपि लोकधातुयो पस्सेय्य, तिस्सोपि लोकधातुयो पस्सेय्य, चतस्सोपि लोकधातुयो पस्सेय्य, पच्चपि लोकधातुयो पस्सेय्य, दसपि लोकधातुयो पस्सेय्य, वीसम्पि [वीसतिम्पि (सी०)] लोकधातुयो पस्सेय्य, तिसम्पि लोकधातुयो पस्सेय्य, चत्तालीसम्पि लोकधातुयो पस्सेय्य, पज्जासम्पि लोकधातुयो पस्सेय्य, सतम्पि लोकधातुं पस्सेय्य, सहस्सिम्पि चूळनिकं लोकधातुं पस्सेय्य, द्विसहस्सिम्पि मज्झिमिकं लोकधातुं पस्सेय्य, तिसहस्सिम्पि लोकधातुं पस्सेय्य, महासहस्सिम्पि लोकधातुं पस्सेय्य, यावतकं पन आकङ्खेय्य तावतकं पस्सेय्य । एवं परिसुद्धं भगवतो दिब्बचक्खु । एवं भगवा दिब्बेन चक्खुनापि चक्खुमा ।

कथं भगवा पज्जाचक्खुनापि चक्खुमा? भगवा महापज्जो पथुपज्जो हासपज्जो जवनपज्जो तिक्खपज्जो निब्बेधिकपज्जो पज्जापभेदकुसलो पभिन्नजाणो अधिगतपटिसम्भितो चतुवेसारज्जप्पत्तो दसबलधारी पुरिसासभो पुरिससीहो पुरिसनागो पुरिसाज्जो पुरिसधोरहो अनन्तजाणो अनन्ततेजो अनन्तयसो अट्ठो महद्धनो धनवा नेता विनेता अनुनेता पज्जपेता निज्जापेता पेक्खेता पसादेता । सो हि भगवा अनुप्पन्नस्स मग्गस्स उप्पादेता, असज्जातस्स मग्गस्स सज्जनेता, अनक्खातस्स मग्गस्स अक्खाता, मग्गज्जू मग्गविदू मग्गकोविदो मग्गानुगा च पन एतरहि सावका विहरन्ति पच्छा समन्नागता ।

सो हि भगवा जानं जानाति, पस्सं पस्सति, चक्खुभूतो जाणभूतो धम्मभूतो ब्रह्मभूतो वत्ता पवत्ता अत्थस्स निन्नेता अमत्तस्स दाता धम्मस्सामी तथागतो । नत्थि तस्स भगवतो अज्जातं अदिट्ठं अविदितं असच्छिकतं अफस्सितं पज्जाय । अतीतं अनागतं पच्चुप्पन्नं उपादाय सब्बे धम्मा सब्बाकारेण बुद्धस्स भगवतो जाणमुखे आपाथं आगच्छन्ति । यं किञ्चि नेय्यं नाम अत्थि जानितब्बं [अत्थि धम्मं जानितब्बं (क०) महानि० १५६] अत्तत्थो वा, परत्थो वा, उभयत्थो वा, दिट्ठधम्मिको वा अत्थो, सम्परायिको वा अत्थो, उत्तानो वा अत्थो, गम्भीरो वा अत्थो, गूळहो वा अत्थो, पटिच्छन्नो वा अत्थो, नेय्यो वा अत्थो, नीतो वा अत्थो, अनवज्जो वा अत्थो, निक्किलेसो वा अत्थो, वोदानो वा अत्थो, परमत्थो वा अत्थो, सब्बं तं अन्तोबुद्धजाणे परिवत्तति ।

अतीते बुद्धस्स भगवतो अप्पटिहतं जाणं, अनागते अप्पटिहतं जाणं, पच्चुप्पन्ने अप्पटिहतं जाणं । सब्बं कायकम्मं बुद्धस्स भगवतो जाणानुपरिवत्ति । सब्बं वचीकम्मं... सब्बं मनोकम्मं बुद्धस्स भगवतो जाणानुपरिवत्ति । यावतकं नेय्यं तावतकं जाणं, यावतकं जाणं तावतकं नेय्यं; नेय्यपरियन्तिकं जाणं, जाणपरियन्तिकं नेय्यं; नेय्यं अतिक्कमित्वा जाणं नप्पवत्तति, जाणं अतिक्कमित्वा नेय्यपथो नत्थि; अज्जमज्जपरियन्तट्ठायिनो ते धम्मा । यथा द्विन्नं समुगपटलानं सम्माफुसितानं हेट्ठिमं समुगपटलं उपरिमं नातिवत्तति, उपरिमं समुगपटलं हेट्ठिमं नातिवत्तति, अज्जमज्जपरियन्तट्ठायिनो; एवमेवं बुद्धस्स भगवतो नेय्यज्च जाणज्च अज्जमज्जपरियन्तट्ठायिनो । यावतकं नेय्यं तावतकं जाणं, यावतकं जाणं तावतकं नेय्यं, नेय्यपरियन्तिकं जाणं, जाणपरियन्तिकं नेय्यं; नेय्यं अतिक्कमित्वा जाणं न पवत्तति, जाणं अतिक्कमित्वा नेय्यपथो नत्थि; अज्जमज्जपरियन्तट्ठायिनो ते धम्मा ।

सब्बधम्मेषु बुद्धस्स भगवतो जाणं पवत्तति । सब्बे धम्मा बुद्धस्स भगवतो आवज्जनपटिबद्धा आकङ्खपटिबद्धा

मनसिकारपटिबद्धा चित्तुप्पादपटिबद्धा । सब्बसत्तेसु बुद्धस्स भगवतो जाणं पवत्तति । सब्बेसं सत्तानं भगवा आसयं जानाति, अनुसयं जानाति, चरितं जानाति, अधिमुत्तिं जानाति, अप्परजक्खे महारजक्खे तिक्खिन्द्रिये मुदिन्द्रिये स्वाकारे द्वाकारे सुविज्जापये दुविज्जापये भब्बाभब्बे सत्ते पजानाति । सदेवको लोको समारको सब्रह्मको सस्समणब्राह्मणी पजा सदेवमनुस्सा अन्तोबुद्धजाणे परिवत्तति ।

यथा ये केचि मच्छकच्छपा अन्तमसो तिमितिमिङ्गलं उपादाय अन्तोमहासमुद्वे परिवत्तन्ति; एवमेव सदेवको लोको समारको सब्रह्मको सस्समणब्राह्मणी पजा सदेवमनुस्सा अन्तोबुद्धजाणे परिवत्तति । यथा ये केचि पक्खी अन्तमसो गरुळं वेनतेय्यं उपादाय आकासस्स पदेसे परिवत्तन्ति; एवमेव येपि ते सारिपुत्तसमा पज्जाय तेपि बुद्धजाणस्स पदेसे परिवत्तन्ति; बुद्धजाणं देवमनुस्सानं पज्जं फरित्वा अभिभवित्वा तिट्ठति । येपि ते खत्तियपण्डिता ब्राह्मणपण्डिता गहपतिपण्डिता समणपण्डिता निपुणा कतपरप्पवादा वालवेधिरूपा वोभिन्दन्ता मज्जे चरन्ति पज्जागतेन दिट्ठिगतानि, ते पज्जे अभिसङ्खरित्वा अभिसङ्खरित्वा तथागतं उपसङ्गमित्वा पुच्छन्ति गूळहानि च पटिच्छन्नानि च । कथिता विसज्जिताव ते पज्हा भगवता होन्ति निहिट्टकारणा उपक्खित्तका च । ते भगवतो सम्पज्जन्ति । अथ खो भगवाव तत्थ अतिरोचति, यदिदं पज्जायाति । एवं भगवा पज्जाचक्खुनापि चक्खुमा ।

कथं भगवा बुद्धचक्खुनापि चक्खुमा? भगवा बुद्धचक्खुना लोकं वोलोकेन्तो [ओलोकेन्तो (सी०)] अद्दस सत्ते अप्परजक्खे महारजक्खे तिक्खिन्द्रिये मुदिन्द्रिये स्वाकारे द्वाकारे सुविज्जापये दुविज्जापये अप्पेकच्चे परलोकवज्जभयदस्साविनो विहरन्ते अप्पेकच्चे नपरलोकवज्जभयदस्साविनो विहरन्ते । सेय्यथापि नाम उप्पलिनियं वा पदुमिनियं वा पुण्डरीकिनियं वा अप्पेकच्चाणि उप्पलानि वा पदुमानि वा पुण्डरीकानि वा उदके जातानि उदके संवट्ठानि उदकानुगगतानि अन्तोनिमुग्गपोसीनि, अप्पेकच्चाणि उप्पलानि वा पदुमानि वा पुण्डरीकानि वा उदके जातानि उदके संवट्ठानि समोदकं ठितानि, अप्पेकच्चाणि उप्पलानि वा पदुमानि वा पुण्डरीकानि वा उदके जातानि उदके संवट्ठानि उदकं अच्चुग्गम्म तिट्ठन्ति अनुपलित्तानि उदकेन; एवमेवं भगवा बुद्धचक्खुना लोकं वोलोकेन्तो अद्दस सत्ते अप्परजक्खे महारजक्खे तिक्खिन्द्रिये मुदिन्द्रिये स्वाकारे द्वाकारे सुविज्जापये दुविज्जापये अप्पेकच्चे परलोकवज्जभयदस्साविनो विहरन्ते अप्पेकच्चे नपरलोकवज्जभयदस्साविनो विहरन्ते । जानाति भगवा — “अयं पुग्गलो रागचरितो, अयं दोसचरितो, अयं मोहचरितो, अयं वितक्कचरितो, अयं सद्दाचरितो, अयं जाणचरितो”ति । रागचरितस्स भगवा पुग्गलस्स असुभकथं कथेति; दोसचरितस्स भगवा पुग्गलस्स मेत्ताभावनं आचिक्खति; मोहचरितस्स भगवा पुग्गलस्स उद्वेसे परिपुच्छाय कालेन धम्मस्सवने कालेन धम्मसाकच्छाय गरुसंवासे निवेसेति; वितक्कचरितस्स भगवा पुग्गलस्स आनापानस्सति आचिक्खति; सद्दाचरितस्स भगवा पुग्गलस्स पसादनीयं निमित्तं आचिक्खति बुद्धसुबोधिं धम्मसुधम्मतं सङ्घसुण्णटिपत्तिं सीलानि च अत्तनो; जाणचरितस्स भगवा पुग्गलस्स विपस्सनानिमित्तं आचिक्खति अनिच्चाकारं दुक्खाकारं अनत्ताकारं ।

“सेले यथा पब्बतमुद्धनिट्ठितो, यथापि पस्से जनतं समन्ततो ।

तथूपमं धम्ममयं सुमेध, पासादमारुह समन्तचक्खु ।

सोकावतिण्णं जनतमपेतसोको, अवेक्खस्सु जातिजराभिभूत’न्ति ॥

एवं भगवा बुद्धचक्खुनापि चक्खुमा ।

कथं भगवा समन्तचक्खुनापि चक्खुमा? समन्तचक्खु वुच्चति सब्बज्जुतजाणं । भगवा सब्बज्जुतजाणेन उपेतो समुपेतो उपगतो समुपगतो उपपन्नो समुपपन्नो समन्नागतो ।

“न तस्स अदिट्ठमिधत्थि किञ्चि, अथो अविज्जातमजानितब्बं ।
सब्बं अभिज्जासि यदत्थि नेय्यं, तथागतो तेन समन्तचक्खू”ति ॥

एवं भगवा समन्तचक्खुनापि चक्खुमाति — यथा दिस्सति चक्खुमा ।

सब्बं तमं विनोदेत्वाति सब्बं रागतमं दोसतमं मोहतमं मानतमं दिट्ठितमं किलेसतमं दुच्चरिततमं अन्धकरणं
अचक्खुकरणं अज्जाणकरणं पज्जानिरोधिकं विघातपक्खिकं अनिब्बानसंवत्तनिकं नुदित्वा पनुदित्वा जहित्वा पजहित्वा
विनोदेत्वा ब्यन्तिं करित्वा अनभावं गमेत्वाति — सब्बं तमं विनोदेत्वा ।

एकोव रतिमज्झगाति । **एको**ति भगवा पब्बज्जासङ्घातेन एको, अदुतियट्ठेन एको, तण्हाय प्हाणट्ठेन एको,
एकन्तवीतरागोति एको, एकन्तवीतदोसोति एको, एकन्तवीतमोहोति एको, एकन्तनिक्किलेसोति एको, एकायनमगं
गतोति एको, अनुत्तरं सम्मासम्बोधिं अभिसम्बुद्धोति एको ।

कथं भगवा पब्बज्जासङ्घातेन एको? भगवा दहरोव समानो सुसु काळकेसो भद्रेन [भद्रेन (स्या०)] योब्बनेन
समन्नागतो पठमेन वयसा अकामकानं मातापितूनं अस्सुमुखानं रुदन्तानं विलपन्तानं जातिसङ्घं पहाय सब्बं
घरावासपलिबोधं छिन्दित्वा पुत्तदारपलिबोधं छिन्दित्वा जातिपलिबोधं छिन्दित्वा मितामच्चपलिबोधं छिन्दित्वा
सन्निधिपलिबोधं छिन्दित्वा केसमस्सुं ओहारेत्वा कासायानि वत्थानि अच्छादेत्वा अगारस्मा अनगारियं पब्बजित्वा
अकिञ्चनभावं उपगन्त्वा एको चरति विहरति इरियति वत्तति पालेति यपेति यापेति — एवं भगवा पब्बज्जासङ्घातेन एको ।

कथं भगवा अदुतियट्ठेन एको? सो एवं पब्बजितो समानो एको अरज्जवनपत्थानि पन्तानि सेनासनानि पटिसेवति
अप्पसद्धानि अप्पनिग्घोसानि विजनवातानि मनुस्सराहस्सेय्यकानि पटिसल्लानसारुप्यानि । सो एको चरति, एको गच्छति,
एको तिट्ठति, एको निसीदति, एको सेय्यं कप्पेति, एको गामं पिण्डाय पविसति, एको पटिक्कमति, एको रहो निसीदति,
एको चङ्कमं अधिट्ठति, एको चरति विहरति इरियति वत्तति पालेति यपेति यापेति — एवं भगवा अदुतियट्ठेन एको ।

कथं भगवा तण्हाय प्हाणट्ठेन एको? सो एवं एको अदुतियो अप्पमत्तो आतापी पहितत्तो विहरन्तो नज्जा नेरज्जराय
तीरे बोधिरुक्खमूले महापधानं पदहन्तो मारं ससेनं कण्हं नमुचिं पमत्तबन्धुं विधमित्वा तण्हाजालिनिं विसरितं विसत्तिकं
पजहसि विनोदेसि ब्यन्तिं अकासि अनभावं गमेसि ।

“तण्हादुतियो पुरिसो, दीघमद्धानसंसरं ।

इत्थभावज्जथाभावं [इत्थं भावज्जथाभावं (क०) इतिवु० १५, १०५], संसारं नातिवत्तति ॥

“एतमादीनवं जत्वा, तण्हं दुक्खस्स सम्भवं ।

वीततण्हो अनादानो, सतो भिक्खु परिब्बजे”ति ॥

एवं भगवा तण्हाय प्हाणट्ठेन एको ।

कथं भगवा एकन्तवीतरागोति एको? रागस्स पहीनत्ता एकन्तवीतरागोति एको, दोसस्स पहीनत्ता एकन्तवीतदोसोति
एको, मोहस्स पहीनत्ता एकन्तवीतमोहोति एको, किलेसानं पहीनत्ता एकन्तनिक्किलेसोति एको ।

कथं भगवा एकायनमगं गतोति एको? एकायनमगो वुच्चति चत्तारो सतिपट्टाना चत्तारो सम्मपधाना चत्तारो इद्धिपादा पञ्चिन्द्रियानि पञ्च बलानि सत्त बोज्झङ्गा अरियो अट्ठङ्गिको मगो ।

“एकायनं जातिखयन्तदस्सी, मगं पजानाति हितानुकम्पी ।

एतेन मग्गेन तरिसु [अतरिसु (स्या०)] पुब्बे, तरिस्सन्ति ये च तरन्ति ओघ”न्ति ॥

एवं भगवा एकायनमगं गतोति एको ।

कथं भगवा एको अनुत्तरं सम्मासम्बोधिं अभिसम्बुद्धोति एको? बोधि वुच्चति चतूसु मग्गेसु जाणं पञ्चिन्द्रियं पज्जाबलं धम्मविचयसम्बोज्झङ्गो वीमंसा विपस्सना सम्मादिट्ठि । भगवा तेन बोधिजाणेन “सब्बे सङ्खारा अनिच्चा”ति बुज्झि, “सब्बे सङ्खारा दुक्खा”ति बुज्झि, “सब्बे धम्मा अनत्ता”ति बुज्झि, “अविज्जापच्चया सङ्खारा”ति बुज्झि...पे०... “जातिपच्चया जरामरण”न्ति बुज्झि; “अविज्जानिरोधा सङ्खारनिरोधो”ति बुज्झि...पे०... “जातिनिरोधा जरामरणनिरोधो”ति बुज्झि; “इदं दुक्ख”न्ति बुज्झि, “अयं दुक्खसमुदयो”ति बुज्झि, “अयं दुक्खनिरोधो”ति बुज्झि, “अयं दुक्खनिरोधगामिनी पटिपदा”ति बुज्झि; “इमे आसवा”ति बुज्झि...पे०... “अयं आसवनिरोधगामिनी पटिपदा”ति बुज्झि; “इमे धम्मा परिज्जेय्या”ति बुज्झि... पहातब्बाति... भावेतब्बाति... सच्छिकातब्बाति बुज्झि, छन्नं फस्सायतनानं समुदयञ्च अत्थङ्गमञ्च अस्सादञ्च आदीनवञ्च निस्सरणञ्च बुज्झि, पञ्चन्नं उपादानक्खन्धानं समुदयञ्च अत्थङ्गमञ्च अस्सादञ्च आदीनवञ्च निस्सरणञ्च बुज्झि, चतुन्नं महाभूतानं समुदयञ्च अत्थङ्गमञ्च अस्सादञ्च आदीनवञ्च निस्सरणञ्च बुज्झि, “यं किञ्चि समुदयधम्मं, सब्बं तं निरोधधम्म”न्ति बुज्झि ।

अथ वा यं किञ्चि बुज्झितब्बं अनुबुज्झितब्बं पटिबुज्झितब्बं सम्बुज्झितब्बं अधिगन्तब्बं फस्सितब्बं सच्छिकातब्बं, सब्बं तं तेन बोधिजाणेन बुज्झि अनुबुज्झि पटिबुज्झि सम्बुज्झि सम्माबुज्झि अधिगच्छि फस्सेसि सच्छाकासि । एवं भगवा एको अनुत्तरं सम्मासम्बोधिं अभिसम्बुद्धोति एको ।

रतिमज्झगाति । रतिन्ति नेक्खम्मरतिं विवेकरतिं उपसमरतिं सम्बोधिरतिं अज्झगा समज्झगा अधिगच्छि फस्सेसि सच्छाकासीति — एकोव रतिमज्झगा ।

तेनाह थेरो सारिपुत्तो —

“सदेवकस्स लोकस्स, यथा दिस्सति चक्खुमा ।

सब्बं तमं विनोदेत्वा, एकोव रतिमज्झगा”ति ॥

१९२.तं बुद्धं असितं तादिं, अकुहं गणिमागतं ।

बहूनमिध बद्धानं, अत्थि पज्हेन आगमं ॥

तं बुद्धं असितं तादिन्ति । बुद्धोति यो सो भगवा सयम्भू अनाचरियको पुब्बे अननुस्सुतेसु धम्मेसु सामं सच्चानि अभिसम्बुज्झि, तत्थ च सब्बञ्जुतं पापुणि [पत्तो (स्या०)], बलेसु च वसीभावं पापुणि । बुद्धोति केनट्ठेन बुद्धो? बुज्झिता सच्चानीति बुद्धो, बोधेता पजायाति बुद्धो, सब्बञ्जुताय बुद्धो, सब्बदस्साविताय बुद्धो, अनञ्जनेय्यताय बुद्धो, विसविताय बुद्धो, खीणासवसङ्घातेन बुद्धो, निरुपक्विकलेससङ्घातेन बुद्धो, एकन्तवीतरागोति बुद्धो, एकन्तवीतदोसोति बुद्धो,

एकन्तवीतमोहोति बुद्धो, एकन्तनिक्किलेसोति बुद्धो, एकायनमगं गतोति बुद्धो, एको अनुत्तरं सम्मासम्बोधिं अभिसम्बुद्धोति बुद्धो, अबुद्धिविहतत्ता बुद्धिपटिलाभत्ता बुद्धो । बुद्धोति नेतं मातरा कतं न पितरा कतं, न भातरा कतं, न भगिनिया कतं, न मितामच्चेहि कतं, न जातिसालोहितेहि कतं, न समणब्राह्मणेहि कतं, न देवताहि कतं । विमोक्खन्तिकमेतं बुद्धानं भगवन्तानं बोधिया मूले सह सब्बज्जुतजाणस्स पटिलाभा सच्छिका पज्जत्ति, यदिदं बुद्धोति — तं बुद्धं । असितन्ति द्वे निस्सया — तण्हानिस्सयो च दिट्ठिनिस्सयो च । कतमो तण्हानिस्सयो? याव तण्हासङ्घातेन सीमकतं ओधिकतं [परियादिकतं (स्या०)] परियन्तकतं परिग्गहितं ममायितं — इदं मम, एतं मम, एत्तकं मम, एत्तावता मम, मम रूपा सद्दा गन्धा रसा फोडुब्बा, अत्थरणा पावुरणा दासिदासा अजेळका कुक्कुटसूकरा हत्थिगवास्सवळवा, खेत्तं वत्थुं हिरज्जं सुवण्णं, गामनिगमराजधानियो रट्ठज्ज जनपदो च कोसो च कोट्टागारज्ज, केवलम्पि महापथविं तण्हावसेन ममायति, यावता अट्ठसतं तण्हाविचरितं — अयं तण्हानिस्सयो ।

कतमो दिट्ठिनिस्सयो? वीसतिवत्थुका सक्कायदिट्ठि, दसवत्थुका मिच्छादिट्ठि, दसवत्थुका अन्तग्गाहिका दिट्ठि । या एवरूपा दिट्ठि दिट्ठिगतं दिट्ठिगहनं दिट्ठिकन्तारो दिट्ठिविसूकायिकं दिट्ठिविप्फन्दितं दिट्ठिसज्जोजनं गाहो पटिग्गाहो अभिनिवेशो परामासो कुम्मगो मिच्छापथो मिच्छत्तं तित्थायतनं विपरियासग्गाहो विपरीतग्गाहो विपल्लासग्गाहो मिच्छागाहो “अयाथावकस्मिं याथावक”न्ति गाहो यावता द्वासट्ठि दिट्ठिगतानि — अयं दिट्ठिनिस्सयो ।

बुद्धस्स भगवतो तण्हानिस्सयो पहीनो, दिट्ठिनिस्सयो पटिनिस्सट्ठो; तण्हानिस्सयस्स पहीनत्ता दिट्ठिनिस्सयस्स पटिनिस्सट्ठत्ता भगवा चक्खुं असितो, सोतं... घानं... जिह्वं... कायं... मनं असितो, रूपे... सद्दे... गन्धे... रसे... फोडुब्बे... कुलं... गणं... आवासं... लाभं... यसं... पसंसं... सुखं... चीवरं... पिण्डपातं... सेनासनं... गिलानपच्चयभेसज्जपरिक्खारं... कामधातुं... रूपधातुं... अरूपधातुं ... कामभवं... रूपभवं... अरूपभवं... सज्जाभवं... असज्जाभवं... नेवसज्जानासज्जाभवं... एकवोकारभवं... चतुवोकारभवं... पच्चवोकारभवं... अतीतं... अनागतं... पच्चुप्पन्नं... दिट्ठसुतमुतविज्जातब्बे धम्मे असितो अनिस्सितो अनल्लीनो अनुपगतो अनज्झोसितो अनधिमुत्तो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरतीति — तं बुद्धं असितं ।

तादिन्ति भगवा पच्चहाकारेहि तादी — इट्ठानिट्ठे तादी, चत्तावीति तादी, तिण्णावीति तादी, मुत्तावीति तादी, तंनिद्वेसा तादी ।

कथं भगवा इट्ठानिट्ठे तादी? भगवा लाभेपि तादी, अलाभेपि तादी, यसेपि तादी, अयसेपि तादी, पसंसायपि तादी निन्दायपि तादी, सुखेपि तादी, दुक्खेपि तादी; एकच्चे बाहं गन्धेन लिम्पेय्युं, एकच्चे बाहं वासिया तच्छेय्युं, अमुकस्मिं नत्थि रागो, अमुकस्मिं नत्थि पटिघं, अनुनयपटिघविप्पहीनो उग्घातिनिग्घातिवीतिवत्तो अनुरोधविरोधं समतिक्कन्तो । एवं भगवा इट्ठानिट्ठे तादी ।

कथं भगवा चत्तावीति तादी? भगवता [भगवतो (स्या०)] रागो चत्तो वन्तो मुत्तो पहीनो पटिनिस्सट्ठो, दोसो... पे०... मोहो... कोधो... उपनाहो... मक्खो... पळासो... इस्सा... मच्छरियं... माया... साठेय्यं... थम्भो... सारम्भो... मानो... अतिमानो... मदो... पमादो... सब्बे किलेसा... सब्बे दुच्चरिता... सब्बे दरथा... सब्बे परिळाहा... सब्बे सन्तापा ... सब्बाकुसलाभिसङ्घारा चत्ता वन्ता मुत्ता पहीना पटिनिस्सट्ठा । एवं भगवा चत्तावीति तादी ।

कथं भगवा तिण्णावीति तादी? भगवा कामोघं तिण्णो, भवोघं तिण्णो, दिट्ठोघं तिण्णो, अविज्जोघं तिण्णो, सब्बं

संसारपथं तिण्णो उत्तिण्णो नित्तिण्णो अतिक्कन्तो समतिक्कन्तो वीतिवत्तो । सो वुट्ठवासो चिण्णचरणो गतद्दो गतदिसो गतकोटियो पालितब्रह्मचरियो उत्तमदिट्ठिप्पत्तो भावितमग्गो पहीनकिलेसो पटिविद्धाकुप्पो सच्छिकतनिरोधो । दुक्खं तस्स परिज्जातं, समुदयो पहीनो, मग्गो भावितो, निरोधो सच्छिकतो, अभिज्जेय्यं अभिज्जातं, परिज्जेय्यं परिज्जातं, पहातब्बं पहीनं, भावेतब्बं भावितं, सच्छिकातब्बं सच्छिकतं । सो उक्खित्तपळिघो [उक्खित्तपळिघो (स्या० क०) महानि० ६] संकिण्णपरिक्खो अब्बूळहेसिको निरग्गळो अरियो पन्नद्धजो पन्नभारो विसज्जुत्तो पच्चङ्गविप्पहीनो छळङ्गसमन्नागतो एकारक्खो चतुरापस्सेनो पनुण्णपच्चेकसच्चो समवयसट्ठेसनो अनाविलसङ्कप्पो पस्सद्धकायसङ्गारो सुविमुत्तचित्तो सुविमुत्तपज्जो केवली वुसितवा उत्तमपुरिसो परमपुरिसो परमपत्तिप्पत्तो । सो नेवाचिनति, नापचिनति; अपचिनित्वा ठितो नेव पजहति, न उपादियति; पजहित्वा ठितो नेव संसिब्बति, न उसिनेति; विसिनेत्वा ठितो नेव विधूपेति, न सन्धूपेति; विधूपेत्वा ठितो, असेखेन सीलक्खन्धेन समन्नागतत्ता ठितो, असेखेन समाधिक्खन्धेन समन्नागतत्ता ठितो, असेखेन पज्जाक्खन्धेन समन्नागतत्ता ठितो, असेखेन विमुत्तिक्खन्धेन समन्नागतत्ता ठितो, असेखेन विमुत्तिजाणदस्सनक्खन्धेन समन्नागतत्ता ठितो, सच्चं सम्पटिपादियित्वा ठितो, एजं समतिक्कमित्वा ठितो, किलेसग्गिं परियादियित्वा ठितो, अपरिगमनताय ठितो, कटं समादाय ठितो, मुत्तपटिसेवनताय ठितो, मेत्ताय पारिसुद्धिया ठितो, करुणाय पारिसुद्धिया ठितो, मुदिताय पारिसुद्धिया ठितो, उपेक्खाय पारिसुद्धिया ठितो, अच्चन्तपारिसुद्धिया ठितो, अतम्मयताय पारिसुद्धिया ठितो, विमुत्तत्ता ठितो, सन्तुसितत्ता ठितो, खन्धपरियन्ते ठितो, धातुपरियन्ते ठितो, आयतनपरियन्ते ठितो, गतिपरियन्ते ठितो, उपपत्तिपरियन्ते ठितो, पटिसन्धिपरियन्ते ठितो, भवपरियन्ते ठितो, संसारपरियन्ते ठितो, वट्ठपरियन्ते ठितो, अन्तिमे भवे ठितो, अन्तिमे समुस्सये ठितो, अन्तिमदेहधरो भगवा ।

“तस्सायं पच्छिमको भवो, चरिमोयं समुस्सयो ।
जातिमरणसंसारो, नत्थि तस्स पुनब्भवो”ति ॥

एवं भगवा तिण्णावीति तादी ।

कथं भगवा मुत्तावीति तादी? भगवतो रागा चित्तं मुत्तं विमुत्तं सुविमुत्तं, दोसा चित्तं... मोहा चित्तं... कोधा... उपनाहा... मक्खा... पळासा... इस्साय... मच्छरिया... मायाय... साठेय्या... थम्भा... सारम्भा... माना... अतिमाना... मदा... पमादा... सब्बकिलेसेहि... सब्बदुच्चरितेहि... सब्बदरथेहि... सब्बपरिळाहेहि... सब्बसन्तापेहि... सब्बाकुसलाभिसङ्गारेहि चित्तं मुत्तं विमुत्तं सुविमुत्तं । एवं भगवा मुत्तावीति तादी ।

कथं भगवा तंनिद्देसा तादी? भगवा सीले सति सीलवाति तंनिद्देसा तादी, सद्दाय सति सद्दोति तंनिद्देसा तादी, वीरिये सति वीरियवाति तंनिद्देसा तादी, सतिया सति सतिमाति तंनिद्देसा तादी, समाधिस्मिं सति समाहितोति तंनिद्देसा तादी, पज्जाय सति पज्जवाति तंनिद्देसा तादी, विज्जाय सति तेविज्जोति तंनिद्देसा तादी, अभिज्जाय सति छळभिज्जोति तंनिद्देसा तादी, दसबले सति दसबलोति तंनिद्देसा तादी । एवं भगवा तंनिद्देसा तादीति — तं बुद्धं असितं तादिं ।

अकुहं गणिमागतन्ति । अकुहोति तीणि कुहनवत्थूनि — पच्चयपटिसेवनसङ्गातं कुहनवत्थु, इरियापथसङ्गातं कुहनवत्थु, सामन्तजप्पनसङ्गातं कुहनवत्थु ।

कतमं पच्चयपटिसेवनसङ्गातं कुहनवत्थु? इध गहपतिका भिक्खुं निमन्तेन्ति चीवरपिण्डपातसेनासनगिलानपच्चयभेसज्जपरिक्खारेहि । सो पापिच्छो इच्छापकतो अत्थिको [अतित्तिको (सी०), इत्थिको

(स्या०), पुराभेदसुत्तनिद्देशे पाठनान्तं नत्थि] चीवरपिण्डपातसेनासनगिलानपच्चयभेसज्जपरिक्खारानं भिय्योकम्यतं उपादाय चीवरं पच्चक्खाति, पिण्डपातं पच्चक्खाति, सेनासनं पच्चक्खाति, गिलानपच्चयभेसज्जपरिक्खारं पच्चक्खाति । सो एवमाह — “किं समणस्स महग्घेन चीवरेन! एतं सारुप्पं, यं समणो सुसाना वा सङ्कारकूटा वा पापणिका वा नन्तकानि उच्चिनित्वा सङ्घाटिं करित्वा धारेय्य । किं समणस्स महग्घेन पिण्डपातेन! एतं सारुप्पं, यं समणो उज्झाचरियाय पिण्डियालोपेन जीवितं कप्पेय्य । किं समणस्स महग्घेन सेनासनेन! एतं सारुप्पं, यं समणो रुक्खमूलिको वा अस्स सोसानिको वा अब्भोकासिको वा । किं समणस्स महग्घेन गिलानपच्चयभेसज्जपरिक्खारेन! एतं सारुप्पं, यं समणो पूतिमुत्तेन हरितकीखण्डेन ओसधं करेय्या”ति तदुपादाय लूखं चीवरं धारेति, लूखं पिण्डपातं परिभुज्जति, लूखं सेनासनं पटिसेवति, लूखं गिलानपच्चयभेसज्जपरिक्खारं पटिसेवति । तमेनं गहपतिका एवं जानन्ति — “अयं समणो अप्पिच्छो सन्तुट्ठो पविवित्तो असंसट्ठो आरद्धवीरियो धुतवादो”ति भिय्यो भिय्यो निमन्तेन्ति चीवरपिण्डपातसेनासनगिलानपच्चयभेसज्जपरिक्खारेहि । सो एवमाह — “तिण्णं सम्मुखीभावा सद्धो कुलपुत्तो बहुं पुज्जं पसवति, सद्धाय सम्मुखीभावा सद्धो कुलपुत्तो बहुं पुज्जं पसवति, देय्यधम्मस्स सम्मुखीभावा सद्धो कुलपुत्तो बहुं पुज्जं पसवति, दक्खिण्येय्यानं सम्मुखीभावा सद्धो कुलपुत्तो बहुं पुज्जं पसवति । तुम्हाकज्जेवायं सद्धा अत्थि, देय्यधम्मो च संविज्जति, अहज्ज पटिग्गाहको । सचे अहं न पटिग्गहेस्सामि, एवं तुम्हे पुज्जेन परिबाहिरा [पटिबाहिरा (क०)] भविस्सथ, न मय्हं इमिना अत्थो, अपि च तुम्हाकंयेव अनुकम्पाय पटिग्गणहामी”ति । तदुपादाय बहुम्पि चीवरं पटिग्गणहाति [पटिग्गणहाति (सी०)], बहुम्पि पिण्डपातं पटिग्गणहाति, बहुम्पि सेनासनं पटिग्गणहाति, बहुम्पि गिलानपच्चयभेसज्जपरिक्खारं पटिग्गणहाति । या एवरूपा भाकुटिका भाकुटियं कुहना कुहायना कुहितत्तं — इदं पच्चयपटिसेवनसङ्घातं कुहनवत्थु ।

कतमं इरियापथसङ्घातं कुहनवत्थु? इधेकच्चो पापिच्छो इच्छापकतो सम्भावनाधिप्पायो, “एवं मं जनो सम्भावेस्सती”ति गमनं सण्ठपेति, ठानं सण्ठपेति, निसज्जं सण्ठपेति, सयनं सण्ठपेति, पणिधाय गच्छति, पणिधाय तिट्ठति, पणिधाय निसीदति, पणिधाय सेय्यं कप्पेति, समाहितो विय गच्छति, समाहितो विय तिट्ठति, समाहितो विय निसीदति, समाहितो विय सेय्यं कप्पेति, आपाथकज्झायीव होति । या एवरूपा इरियापथस्स आठपना ठपना सण्ठपना भाकुटिका भाकुटियं कुहना कुहायना कुहितत्तं — इदं इरियापथसङ्घातं कुहनवत्थु ।

कतमं सामन्तजप्पनसङ्घातं कुहनवत्थु? इधेकच्चो पापिच्छो इच्छापकतो सम्भावनाधिप्पायो “एवं मं जनो सम्भावेस्सती”ति, अरियधम्मसन्निस्सितं वाचं भासति । “यो एवरूपं चीवरं धारेति सो समणो महेसक्खो”ति भणति; “यो एवरूपं पत्तं धारेति... लोहथालकं धारेति... धम्मकरणं [धम्मकरणं (सी० स्या०) अभिधानप्पदीपिकाभिनवनिस्सयं ओलोकेतब्बं] धारेति... परिस्सावनं धारेति... कुज्चिकं धारेति... उपाहनं धारेति... कायबन्धनं धारेति... आयोगं धारेति, सो समणो महेसक्खो”ति भणति; “यस्स एवरूपो उपज्झायो सो समणो महेसक्खो”ति भणति; “यस्स एवरूपो आचरियो... एवरूपा समानुपज्झायका... समानाचरियका... मित्ता... सन्दिट्ठा... सम्भत्ता... सहाया, सो समणो महेसक्खो”ति भणति; “यो एवरूपे विहारे वसति, सो समणो महेसक्खो”ति भणति; “यो एवरूपे अट्ठयोगे वसति... पासादे वसति... हम्मिये वसति... गुहायं वसति... लेणे वसति... कुटिया वसति... कूटागारे वसति... अट्ठे वसति ... माळे वसति... उदण्डे वसति... उपट्टानसालायं वसति... मण्डपे वसति... रुक्खमूले वसति, सो समणो महेसक्खो”ति भणति ।

अथ वा कोरजिककोरजिको, भाकुटिकभाकुटिको, कुहककुहको, लपकलपको, मुखसम्भावितो “अयं समणो इमासं एवरूपानं विहारसमापत्तीनं लाभी”ति । तादिसं गम्भीरं गूळ्हं निपुणं पटिच्छन्नं लोकुत्तरं सुज्जतापटिसज्जुत्तं कथं कथेति । या एवरूपा भाकुटिका भाकुटियं कुहना कुहायना कुहितत्तं — इदं सामन्तजप्पनसङ्घातं कुहनवत्थु । बुद्धस्स

भगवतो इमानि तीणि कुहनवत्थूनि पहीनानि समुच्छिन्नानि वूपसन्तानि पटिपस्सद्धानि अभब्बुप्पत्तिकानि जाणगिना दङ्गानि । तस्मा बुद्धो अकुहोति — अकुहं ।

गणिमागतन्ति । गणीति गणी भगवा । गणाचरियोति गणी, गणस्स सत्थाति गणी, गणं परिहरतीति गणी, गणं ओवदतीति गणी, गणं अनुसासतीति गणी, विसारदो गणं उपसङ्कमतीति गणी, गणस्स सुस्सूसति सोतं ओदहति अज्जा चित्तं उपट्टपेतीति गणी, गणं अकुसला बुट्ठापेत्वा कुसले पतिट्ठापेतीति गणी, भिक्खुगणस्स गणी, भिक्खुनीगणस्स गणी, उपासकगणस्स गणी, उपासिकागणस्स गणी, राजगणस्स गणी, खत्तियगणस्स गणी, ब्राह्मणगणस्स गणी, वेस्सगणस्स गणी, सुट्ठगणस्स गणी, ब्रह्मगणस्स गणी, देवगणस्स गणी, सङ्घिं **[संघगणस्स गणी (सी०)]** गणिं गणाचरियं । **आगतन्ति** उपगतं समुपगतं समुपपन्नं **[सम्पत्तं (बहूसु)]** सङ्कस्सनगरन्ति — अकुहं गणिमागतं ।

बहूनमिध बद्धानन्ति । बहूनं खत्तियानं ब्राह्मणानं वेस्सानं सुद्धानं गहट्ठानं पब्बजितानं देवानं मनुस्सानं । **बद्धानन्ति** बद्धानं बद्धचरानं परिचारकानं सिस्सानन्ति — बहूनमिध बद्धानं ।

अत्थि पज्हेन आगमन्ति । पज्हेन अत्थिको आगतोमिहि **[अत्थिकाम्ह आगता (सी० क०) एवमीदिसेसु द्वीसु पदेसुपि बहुवचनेन]**, पज्हे पच्छितुकामो आगतोमिहि, पज्हे सोतुकामो आगतोमिहि । एवमि अत्थि पज्हेन आगमं । अथ वा पज्हतिकानं पज्हे पच्छितुकामानं पज्हे सोतुकामानं आगमनं अभिक्कमनं उपसङ्कमनं पयिरुपासनं **[पयिरुपासना (स्या० क०)]** सिया अत्थीति । एवमि अत्थि पज्हेन आगमं । अथ वा पज्हागमो तुय्हं अत्थि, त्वमि पहु **[इमानि तीणि पदानि नत्थि स्या० पोत्थके]**, त्वमसि अलमत्थो मया पच्छितं कथेतुं विसज्जेतुं “वहस्सेतं भार”न्ति । एवमि अत्थि पज्हेन आगमं ।

तेनाह थेरो सारिपुत्तो —

“तं बुद्धं असितं तादिं, अकुहं गणिमागतं ।
बहूनमिध बद्धानं, अत्थि पज्हेन आगम”न्ति ॥

**१९३.भिक्खुनो विजिगुच्छतो, भजतो रित्तमासनं ।
रुक्खमूलं सुसानं वा, पब्बतानं गुहासु वा ॥**

भिक्खुनो विजिगुच्छतोति । भिक्खुनोति पृथुज्जनकल्याणस्स वा भिक्खुनो सेक्खस्स वा भिक्खुनो । **विजिगुच्छतोति** जातिया विजिगुच्छतो, जराय... ब्याधिना... मरणेन... सोकेहि... परिदेवेहि... दुक्खेहि... दोमनस्सेहि... उपायासेहि विजिगुच्छतो, नेरयिकेन दुक्खेन... तिरच्छानयोनिकेन दुक्खेन... पेत्तिविसयिकेन दुक्खेन... मानुसिकेन **[मानुसकेन (सी० स्या०) महानि० १७१]** दुक्खेन... गब्भोक्कन्तिमूलकेन दुक्खेन... गब्भट्ठितिमूलकेन दुक्खेन... गब्भवुट्ठानमूलकेन दुक्खेन... जातस्सूपनिबन्धकेन दुक्खेन... जातस्स पराधेय्यकेन दुक्खेन... अत्तूपक्कमेन दुक्खेन... परूपक्कमेन दुक्खेन... दुक्खदुक्खेन... सङ्खारदुक्खेन ... विपरिणामदुक्खेन... चक्खुरोगेन दुक्खेन... सोतरोगेन दुक्खेन... घानरोगेन दुक्खेन... जिक्कारोगेन दुक्खेन... कायरोगेन दुक्खेन... सीसरोगेन दुक्खेन... कण्णरोगेन दुक्खेन... मुखरोगेन दुक्खेन... दन्तरोगेन दुक्खेन... कासेन... सासेन... पिनासेन... डाहेन... जरेन... कुच्छिरोगेन... मुच्छाय... पक्खन्दिकाय... सूलाय... विसूचिकाय... कुट्ठेन... गण्डेन... किलासेन... सोसेन... अपमारेन... दहया... कण्डुया... कच्छुया... रक्खसाय... वितच्छिकाय... लोहितेन... पित्तेन... मधुमेहेन... अंसाय... पिळकाय... भगन्दलेन... पित्तसमुट्ठानेन आबाधेन... सेम्हसमुट्ठानेन

आबाधेन... वातसमुद्धानेन आबाधेन... सन्निपातिकेन आबाधेन... उत्तुपरिणामजेन आबाधेन... विसमपरिहारजेन आबाधेन... ओपक्कमिकेन आबाधेन... कम्मविपाकजेन आबाधेन... सीतेन... उण्हेन... जिघच्छाय... पिपासाय... उच्चारणेन ... पस्सावेन... डंसमकसवातातपसरीसपसम्फस्सेन दुक्खेन... मातुमरणेन दुक्खेन... पितुमरणेन दुक्खेन... भातुमरणेन... भगिनिमरणेन... पुत्तमरणेन ... धीतुमरणेन... जातिव्यसनेन... भोगव्यसनेन... रोगव्यसनेन... सीलव्यसनेन... दिट्ठिव्यसनेन दुक्खेन विजिगुच्छतो अट्टीयतो हरायतो जिगुच्छतोति — भिक्खुनो विजिगुच्छतो ।

भजतो रित्तमासन्ति । आसनं वुच्चति यत्थ निसीदति — मज्जो पीठं भिसि तट्टिका चम्मखण्डो तिणसन्थारो पण्णसन्थारो पलालसन्थारो **[पलाससन्थारो (सी० स्या०)]** । तं आसनं असप्पायरूपदस्सनेन रित्तं विवित्तं पविवित्तं, असप्पायसदस्सवनेन रित्तं विवित्तं पविवित्तं, असप्पायेहि पज्जहि कामगुणेहि रित्तं विवित्तं पविवित्तं । तं पविवित्तं आसनं भजतो सम्भजतो सेवतो निसेवतो संसेवतो पटिसेवतोति — भजतो रित्तमासनं ।

रुक्खमूलं सुसानं वाति । रुक्खमूलंयेव रुक्खमूलं, सुसानंयेव सुसानन्ति — रुक्खमूलं सुसानं वा । **पब्बतानं गुहासु** वाति । पब्बतायेव पब्बता, कन्दरायेव कन्दरा, गिरिगुहायेव गिरिगुहा । पब्बतन्तरिकायो वुच्चन्ति पब्बतपम्भाराति — पब्बतानं गुहासु वा ।

तेनाह थेरो सारिपुत्तो —

“भिक्खुनो विजिगुच्छतो, भजतो रित्तमासनं ।
रुक्खमूलं सुसानं वा, पब्बतानं गुहासु वा”ति ॥

१९४.उच्चावचेसु सयनेसु, किवन्तो [गीवन्तो (स्या०) मोग्गल्लानव्याकरणं ओलोकेतब्बं] तत्थ भेरवा ।
ये हि भिक्खु न वेधेय्य, निग्घोसे सयनासने॥

उच्चावचेसु सयनेसूति । उच्चावचेसूति उच्चावचेसु हीनप्पणीतेसु छेकपापकेसु । सयनं वुच्चति सेनासनं विहारो अड्डयोगो पासादो हम्मियं गुहाति — उच्चावचेसु सयनेसु । **किवन्तो तत्थ भेरवाति । किवन्तोति** किवन्तो **[कुवन्तो (सी०), गीवन्तो (स्या०)]** कूजन्तो नदन्तो सद्दं करोन्तो । अथ वा **किवन्तोति** कति कित्तका कीवतका कीवबहुका ते । **भेरवाति** सीहा ब्यग्घा दीपी अच्छा तरच्छा कोका महिंसा हत्थी अहि विच्छिका सतपदी, चोरा वा अस्सु मानवा वा कतकम्मा वा अकतकम्मा वाति — किवन्तो तत्थ भेरवा ।

ये हि भिक्खु न वेधेय्याति । ये हीति ये हि भेरवे पस्सित्वा वा सुणित्वा वा न वेधेय्य नप्पवेधेय्य न सम्पवेधेय्य न तसेय्य न उत्तसेय्य न परित्तसेय्य न भायेय्य न सन्तासं आपज्जेय्य, अभीरू अस्स अच्छम्भी अनुत्रासी अपलायी, पहीनभयभेरवो विगतलोमहंसो विहरेय्याति — ये हि भिक्खु न वेधेय्य ।

निग्घोसे सयनासनेति । अप्पसद्दे अप्पनिग्घोसे विजनवाते मनुस्सराहस्सेय्यके पटिसल्लानसारुपे सेनासनेति — निग्घोसे सयनासने ।

तेनाह थेरो सारिपुत्तो —

“उच्चावचेषु सयनेसु, किवन्तो तत्थ भेरवा ।
ये हि भिक्खु न वेधेय्य, निग्घोसे सयनासने”ति ॥

**१९५. कति परिस्सया लोके, गच्छतो अगतं दिसं ।
ये भिक्खु अभिसम्भवे, पन्तम्हि सयनासने ॥**

कति परिस्सया लोकेति । कतीति कति कित्तका कीवतका कीवबहुका । परिस्सयाति द्वे परिस्सया —
पाकटपरिस्सया च पटिच्छन्नपरिस्सया च । कतमे पाकटपरिस्सया? सीहा ब्यग्घा दीपी अच्छा तरच्छा कोका महिंसा हत्थी
अहि विच्छिका सतपदी, चोरा वा अस्सु मानवा वा कतकम्मा वा अकतकम्मा वा, चक्खुरोगो सोतरोगो घानरोगो
जिह्वारोगो कायरोगो सीसरोगो कण्णरोगो मुखरोगो दन्तरोगो कासो सासो पिनासो डाहो जरो कुच्छिरोगो मुच्छा
पक्खन्दिका सूला विसूचिका कुट्टं गण्डो किलासो सोसो अपमारो दद्दु कण्डु कच्छु रक्खसा वितच्छिका लोहितं पित्तं मधुमेहो
अंसा पिळका भगन्दला, पित्तसमुट्ठाना आबाधा...पे०... सीतं उण्हं जिघच्छा पिपासा उच्चारो पस्सावो
डंसमकसवातातपसरीसपसम्फस्सा — इमे वुच्चन्ति पाकटपरिस्सया ।

कतमे पटिच्छन्नपरिस्सया? कायदुच्चरितं वचीदुच्चरितं मनोदुच्चरितं कामच्छन्दनीवरणं व्यापादनीवरणं
थिनमिद्धनीवरणं उद्धच्चकुक्कुच्चनीवरणं विचिकिच्छानीवरणं रागो दोसो मोहो कोधो उपनाहो मक्खो पळासो इस्सा
मच्छरियं माया साठेय्यं थम्भो सारम्भो मानो अतिमानो मदो पमादो, सब्बे किलेसा सब्बे दुच्चरिता सब्बे दरथा सब्बे
परिळाहा सब्बे सन्तापा सब्बाकुसलाभिसङ्घारा — इमे वुच्चन्ति पटिच्छन्नपरिस्सया ।

परिस्सयाति केनट्टेन परिस्सया? परिसहन्तीति परिस्सया, परिहानाय संवत्तन्तीति परिस्सया, तत्रासयाति परिस्सया ।

कथं परिसहन्तीति परिस्सया? ते परिस्सया तं पुग्गलं सहन्ति परिसहन्ति अभिभवन्ति अज्झोत्थरन्ति परियादियन्ति
महन्ति । एवं परिसहन्तीति — परिस्सया ।

कथं परिहानाय संवत्तन्तीति परिस्सया? ते परिस्सया कुसलानं धम्मानं अन्तरायाय परिहानाय संवत्तन्ति । कतमेसं
कुसलानं धम्मानं? सम्पापटिपदाय अनुलोमपटिपदाय अपच्चनीकपटिपदाय अविरुद्धपटिपदाय अन्वत्थपटिपदाय
धम्मानुधम्मपटिपदाय सीलेसु परिपूरकारिताय इन्द्रियेसु गुत्तद्वारताय भोजने मत्तञ्जुताय जागरियानुयोगस्स
सतिसम्पज्जस्स चतुन्नं सतिपट्ठानानं भावनानुयोगस्स चतुन्नं सम्मपधानानं चतुन्नं इद्धिपादानं पञ्चन्नं इन्द्रियानं पञ्चन्नं
बलानं सत्तन्नं बोज्झङ्गानं अरियस्स अट्ठङ्गिकस्स मग्गस्स भावनानुयोगस्स — इमेसं कुसलानं धम्मानं अन्तरायाय
परिहानाय संवत्तन्ति । एवं परिहानाय संवत्तन्तीति — परिस्सया ।

कथं तत्रासयाति परिस्सया? तत्थेते पापका अकुसला धम्मा उप्पज्जन्ति अत्तभावसन्निस्सया । यथा बिले बिलासया
पाणा सयन्ति, दके दकासया पाणा सयन्ति, वने वनासया पाणा सयन्ति, रुक्खे रुक्खासया पाणा सयन्ति; एवमेव तत्थेते
पापका अकुसला धम्मा उप्पज्जन्ति अत्तभावसन्निस्सयाति । एवम्पि तत्रासयाति — परिस्सया ।

वुत्तञ्हेतं भगवता —

“सान्तेवासिको, भिक्खवे, भिक्खु साचरियको दुक्खं न फासु विहरति । कथञ्च, भिक्खवे, भिक्खु सान्तेवासिको

साचरियको दुक्खं न फासु विहरति? इध, भिक्खवे, भिक्खुनो चक्खुना रूपं दिस्वा उप्पज्जन्ति पापका अकुसला धम्मा सरसङ्कप्पा सज्जोजनिया, त्यस्स अन्तो वसन्ति अन्वास्सवन्ति पापका अकुसला धम्माति । तस्मा सान्तेवासिकोति वुच्चति । ते नं समुदाचरन्ति, समुदाचरन्ति नं पापका अकुसला धम्माति । तस्मा साचरियकोति वुच्चति ।

“पुन चपरं, भिक्खवे, भिक्खुनो सोतेन सद्धं सुत्वा...पे०... घानेन गन्धं घायित्वा... जिह्वाय रसं सायित्वा... कायेन फोट्टब्बं फुसित्वा... मनसा धम्मं विज्जाय उप्पज्जन्ति पापका अकुसला धम्मा सरसङ्कप्पा सज्जोजनिया, त्यस्स अन्तो वसन्ति अन्वास्सवन्ति पापका अकुसला धम्माति । तस्मा सान्तेवासिकोति वुच्चति । ते नं समुदाचरन्ति, समुदाचरन्ति नं पापका अकुसला धम्माति । तस्मा साचरियकोति वुच्चति । एवं खो, भिक्खवे, भिक्खु सान्तेवासिको साचरियको दुक्खं न फासु विहरती”ति । एवम्पि तत्रासयाति — परिस्सया ।

वुत्तज्हेतं भगवता —

“तयोमे, भिक्खवे, अन्तरामला अन्तराअमित्ता अन्तरासपत्ता अन्तरावधका अन्तरापच्चत्थिका । कतमे तयो? लोभो, भिक्खवे, अन्तरामलो अन्तराअमित्तो अन्तरासपत्तो अन्तरावधको अन्तरापच्चत्थिको, दोसो, भिक्खवे...पे०... मोहो, भिक्खवे, अन्तरामलो अन्तराअमित्तो अन्तरासपत्तो अन्तरावधको अन्तरापच्चत्थिको । इमे खो, भिक्खवे, तयो अन्तरामला अन्तराअमित्ता अन्तरासपत्ता अन्तरावधका अन्तरापच्चत्थिका” ।

“अनत्थजननो लोभो, लोभो चित्तप्पकोपनो ।

भयमन्तरतो जातं, तं जनो नावबुज्झति ॥

“लुब्धो अत्थं न जानाति, लुब्धो धम्मं न पस्सति ।

अन्धन्तमं [अन्धन्तमं (स्या० क०) महानि० १५६; इतिवु० ८८] तदा होति, यं लोभो सहते नरं ॥

“अनत्थजननो दोसो, दोसो चित्तप्पकोपनो ।

भयमन्तरतो जातं, तं जनो नावबुज्झति ॥

“कुब्धो अत्थं न जानाति, कुब्धो धम्मं न पस्सति ।

अन्धन्तमं तदा होति, यं दोसो सहते नरं ॥

“अनत्थजननो मोहो, मोहो चित्तप्पकोपनो ।

भयमन्तरतो जातं, तं जनो नावबुज्झति ॥

“मूळ्हो अत्थं न जानाति, मूळ्हो धम्मं न पस्सति ।

अन्धन्तमं तदा होति, यं मोहो सहते नरं”न्ति ॥

एवम्पि तत्रासयाति — परिस्सया । वुत्तज्हेतं भगवता —

“तयो खो, महाराज, पुरिसस्स धम्मा अज्झत्तं उप्पज्जमाना उप्पज्जन्ति अहिताय दुक्खाय अफासुविहाराय । कतमे

तयो? लोभो खो, महाराज, पुरिसस्स धम्मो अज्झत्तं उप्पज्जमानो उप्पज्जति अहिताय दुक्खाय अफासुविहाराय; दोसो खो, महाराज...पे०... मोहो खो, महाराज, पुरिसस्स धम्मो अज्झत्तं उप्पज्जमानो उप्पज्जति अहिताय दुक्खाय अफासुविहाराय। इमे खो, महाराज, तयो पुरिसस्स धम्मा अज्झत्तं उप्पज्जमानो उप्पज्जन्ति अहिताय दुक्खाय अफासुविहाराया’ति।

“लोभो दोसो च मोहो च, पुरिसं पापचेतसं।
हिंसन्ति अत्तसम्भूता, तचसारंव सम्फल’न्ति॥

एवम्पि तत्रासयाति — परिस्सया।

वुत्तज्हेतं भगवता —

“रागो च दोसो च इतोनिदाना, अरती रती लोमहंसो इतोजा।
इतो समुट्ठाय मनोवितक्का, कुमारका धङ्कमिवोस्सजन्ती’ति॥

एवम्पि तत्रासयाति — परिस्सया। लोकेति मनुस्सलोकेति — कति परिस्सया लोके।

गच्छतो अगतं दिसन्ति। अगता दिसा वुच्चति अमतं निब्बानं। यो सो सब्बसङ्खारसमथो सब्बूपधिपटिनिस्सग्गो तण्हक्खयो विरागो निरोधो निब्बानं। अगतपुब्बा सा दिसा न सा दिसा गतपुब्बा इमिना दीघेन अब्हुना।

“समतित्तिकं अनवसेसं, तेलपत्तं यथा परिहरेय्य।
एवं सचित्तमनुरक्खे, पत्थयानो [पत्थयमानो (स्या०)] दिसं अगतपुब्बं”॥

अगतपुब्बं दिसं वजतो गच्छतो अभिक्कमतोति — गच्छतो अगतं दिसं।

ये भिक्खु अभिसम्भवेति। येति ये परिस्सये अभिसम्भवेय्य अभिभवेय्य अज्झोत्थरेय्य परियादियेय्य मद्देय्याति — ये भिक्खु अभिसम्भवे।

पन्तम्हि सयनासनेति। अन्ते पन्ते परियन्ते सेलन्ते वा वनन्ते वा नदन्ते वा उदकन्ते वा यत्थ न कसीयति न वपीयति, जनन्तं अतिक्कमित्वा मनुस्सानं अनुपचारे सेनासनेति — पन्तम्हि सयनासने।

तेनाह थेरो सारिपुत्तो —

“कति परिस्सया लोके, गच्छतो अगतं दिसं।
ये भिक्खु अभिसम्भवे, पन्तम्हि सयनासने’ति॥

१९६.क्यास्स ब्यप्पथयो अस्सु, क्यास्सस्सु इध गोचरा।
कानि सीलब्बतानास्सु, पहितत्तस्स भिक्खुनो॥

क्यास्स ब्यप्पथयो अस्सु । कीदिसेन ब्यप्पथेन समन्नागतो अस्स किंसण्ठितेन किंपकारेन किंपटिभागेनाति वचीपारिसुद्धिं पुच्छति । कतमा वचीपारिसुद्धि? इध भिक्खु मुसावादं पहाय मुसावादा पटिविरतो होति सच्चवादी सच्चसन्धो थेतो पच्चयिको अविस्संवादको लोकस्स । पिसुणं वाचं पहाय पिसुणाय वाचाय पटिविरतो होति, इतो सुत्वा न अमुत्र अक्खाता इमेसं भेदाय, अमुत्र वा सुत्वा न इमेसं अक्खाता अमूसं भेदाय, इति भिन्नानं वा सन्धाता, सहितानं वा अनुप्पदाता समगगारामो समगगरतो समगगनन्दी समगगकरणि वाचं भासिता होति । फरुसं वाचं पहाय फरुसाय वाचाय पटिविरतो होति; या सा वाचा नेला कण्णसुखा पेमनीया हृदयङ्गमा पोरी बहुजनकन्ता बहुजनमनापा तथारूपिं वाचं भासिता होति । सम्फप्पलापं पहाय सम्फप्पलापा पटिविरतो होति कालवादी भूतवादी अत्थवादी धम्मवादी विनयवादी, निधानवतिं वाचं भासिता होति कालेन सापदेसं परियन्तवतिं अत्थसंहितं । चतूहि वचीसुचरितेहि समन्नागतो चतुदोसापगतं वाचं भासति, बात्तिसाय तिरच्छानकथाय आरतो अस्स विरतो पटिविरतो निक्खन्तो निस्सटो विप्पमुत्तो विसञ्जुत्तो विमरियादिकतेन चेतसा विहरति । दस कथावत्थूनि कथेति, सेय्यथिदं — अप्पिच्छकथं सन्तुट्ठिकथं पविवेककथं असंसग्गकथं वीरियारम्भकथं सीलकथं समाधिकथं पज्जाकथं विमुत्तिकथं विमुत्तिजाणदस्सनकथं सतिपट्टानकथं सम्मप्पधानकथं इद्धिपादकथं इन्द्रियकथं बलकथं बोद्धङ्गकथं मग्गकथं फलकथं निब्बानकथं कथेति । वाचाय यतो यत्तो पटियत्तो गुत्तो गोपितो रक्खितो संवुतो — अयं वचीपारिसुद्धि । एदिसाय वचीपारिसुद्धिया समन्नागतो अस्साति — क्यास्स ब्यप्पथयो अस्सु ।

क्यास्सस्सु इध गोचराति । कीदिसेन गोचरेन समन्नागतो अस्स किंसण्ठितेन किंपकारेन किंपटिभागेनाति गोचरं पुच्छति । अत्थि गोचरो, अत्थि अगोचरो ।

कतमो अगोचरो? इधेक्कचो वेसियागोचरो वा होति, विधवागोचरो वा होति, थुल्लकुमारीगोचरो [थुल्लकुमारीगोचरो (स्या० क०)] वा होति, पण्डकगोचरो वा होति, भिक्खुनीगोचरो वा होति, पानागारगोचरो वा होति, संसट्ठो विहरति राजूहि राजमहामत्तेहि तिथियेहि तिथियसावकेहि अननुलोमिकेन संसग्गेन । यानि वा पन तानि कुलानि अस्सद्धानि अप्पसन्नानि अनोपानभूतानि अक्कोसकपरिभासकानि अनत्थकामानि अहितकामानि अफासुकामानि अयोगक्खेमकामानि भिक्खूनं भिक्खुनीनं उपासकानं उपासिकानं, तथारूपानि कुलानि सेवति भजति पयिरुपासति — अयं वुच्चति अगोचरो ।

अथ वा अन्तरघरं पविट्ठो वीथिं पटिपन्नो असंवुतो गच्छति, हत्थिं ओलोकेन्तो, अस्सं ओलोकेन्तो, रथं ओलोकेन्तो, पतिं ओलोकेन्तो, इत्थियो ओलोकेन्तो, पुरिसे ओलोकेन्तो, कुमारिकायो ओलोकेन्तो, कुमारके ओलोकेन्तो, अन्तरापणं ओलोकेन्तो, घरमुखानि ओलोकेन्तो, उद्धं ओलोकेन्तो [उल्लोकेन्तो (सी० क०) महानि० १५७ नत्थि पाठनान्तं], अधो ओलोकेन्तो, दिसाविदिसं विपेक्खमानो गच्छति — अयम्पि वुच्चति अगोचरो ।

अथ वा चक्खुना रूपं दिस्वा निमित्तगाही होति अनुब्यञ्जनगाही । यत्वाधिकरणमेनं...पे०... मनिन्द्रियं असंवुतं विहरन्तं अभिज्झा दोमनस्सा पापका अकुसला धम्मा अन्वास्सवेय्युं, तस्स न संवराय पटिपज्जति, न रक्खति मनिन्द्रियं मनिन्द्रिये न संवरं आपज्जति — अयम्पि वुच्चति अगोचरो ।

यथा वा पनेके भोन्तो समणब्राह्मणा सद्धादेय्यानि भोजनानि भुज्जित्वा ते एवरूपं विसूकदस्सनं अनुयुत्ता विहरन्ति, सेय्यथिदं — नच्चं गीतं वादितं पेक्खं अक्खानं पाणिस्सरं वेताळं कुम्भथूणं सोभनकं चण्डालं वंसं धोवनं हत्थियुद्धं अस्सयुद्धं महिसयुद्धं उसभयुद्धं अजयुद्धं मेण्डयुद्धं कुक्कुटयुद्धं वट्टकयुद्धं दण्डयुद्धं मुट्ठियुद्धं निब्बुद्धं उय्योधिकं बलगं सेनाब्यूहं अनीकदस्सनं इति वा इति, एवरूपं विसूकदस्सनं अनुयुत्तो होति — अयम्पि वुच्चति अगोचरो ।

पञ्चपि कामगुणा अगोचरा । वुत्तज्हेतं भगवता — “मा, भिक्खवे, अगोचरे चरथ परविसये । अगोचरे, भिक्खवे, चरतं परविसये लच्छति मारो ओतारं, लच्छति मारो आरम्मणं । को च, भिक्खवे, भिक्खुनो अगोचरो परविसयो? यदिदं पञ्च कामगुणा । कतमे पञ्च? चक्खुविज्जेय्या रूपा इट्ठा कन्ता मनापा पियरूपा कामूपसंहिता रजनीया, सोतविज्जेय्या सद्दा... घानविज्जेय्या गन्धा... जिह्वाविज्जेय्या रसा... कायविज्जेय्या फोडुब्बा इट्ठा कन्ता मनापा पियरूपा कामूपसंहिता रजनीया । अयं वुच्चति, भिक्खवे, भिक्खुनो अगोचरो परविसयो” — अयम्पि वुच्चति अगोचरो ।

कतमो गोचरो? इध भिक्खु न वेसियागोचरो होति, न विधवागोचरो होति, न थुल्लकुमारीगोचरो होति, न पण्डकगोचरो होति, न भिक्खुनीगोचरो होति, न पानागारगोचरो होति, असंसदो विहरति राजूहि राजमहामत्तेहि तित्थियेहि तित्थियसावकेहि अननुलोमिकेन संसग्गेन । यानि वा पन तानि कुलानि सद्धानि पसन्नानि ओपानभूतानि कासावपज्जोतानि इसिवातपटिवातानि अत्थकामानि हितकामानि फासुकामानि योगक्खेमकामानि भिक्खूनं भिक्खुनीनं उपासकानं उपासिकानं, तथारूपानि कुलानि सेवति भजति पयिरुपासति — अयम्पि वुच्चति गोचरो ।

अथ वा भिक्खु अन्तरघरं पविट्ठो वीथिं पटिपन्नो संवुतो गच्छति, न हत्थिं ओलोकेन्तो, न अस्सं ओलोकेन्तो, न रथं ओलोकेन्तो, न पत्तिं ओलोकेन्तो...पे०... न दिसाविदिसं विपेक्खमानो गच्छति — अयम्पि वुच्चति गोचरो ।

अथ वा भिक्खु चक्खुना रूपं दिस्वा न निमित्तगाही होति...पे०... मनिन्द्रिये संवरं आपज्जति — अयम्पि वुच्चति गोचरो ।

यथा वा पनेके भोन्तो समणब्राह्मणा सद्दादेय्यानि भोजनानि भुज्जित्वा ते एवरूपं विसूकदस्सनं अननुयुत्ता विहरन्ति, सेय्यथिदं — नच्चं गीतं वादितं...पे०... अनीकदस्सनं इति वा इति, एवरूपा विसूकदस्सना पटिविरतो होति — अयम्पि वुच्चति गोचरो ।

चत्तारोपि सतिपट्ठाना गोचरो । वुत्तज्हेतं भगवता — “गोचरे, भिक्खवे, चरथ सके पेत्तिके विसये । गोचरे, भिक्खवे, चरतं सके पेत्तिके विसये न लच्छति मारो ओतारं, न लच्छति मारो आरम्मणं । को च, भिक्खवे, भिक्खुनो गोचरो सको पेत्तिको विसयो? यदिदं चत्तारो सतिपट्ठाना । कतमे चत्तारो? इध, भिक्खवे, भिक्खु काये कायानुपस्सी विहरति, वेदनासु... पे० ... चित्ते...पे०... धम्मेषु धम्मानुपस्सी विहरति आतापी सम्पजानो सतिमा विनेय्य लोके अभिज्झादोमनस्सं । अयं वुच्चति, भिक्खवे, भिक्खुनो गोचरो सको पेत्तिको विसयो — अयम्पि वुच्चति गोचरो । एदिसेन गोचरेन समन्नागतो अस्सा”ति — क्यास्सस्सु इध गोचरा ।

कानि सीलब्बतानास्सूति । कीदिसेन सीलब्बतेन समन्नागतो अस्स किंसण्ठितेन किंपकारेन किंपटिभागेनाति सीलब्बतपारिसुद्धिं पुच्छति । कतमा सीलब्बतपारिसुद्धि? अत्थि सीलज्चेव वतज्ज, अत्थि वतं न सीलं । कतमं सीलज्चेव वतज्ज? इध भिक्खु सीलवा होति, पातिमोक्खसंवरसंवुतो विहरति आचारगोचरसम्पन्नो, अणुमत्तेसु वज्जेसु भयदस्सावी, समादाय सिक्खति सिक्खापदेसु । यो तत्थ सज्जमो संवरो अवीतिककमो — इदं सीलं । यं समादानं — तं वतं । संवरट्ठेन सीलं, समादानट्ठेन वतं — इदं वुच्चति सीलज्चेव वतज्ज ।

कतमं वतं न सीलं? अट्ठ धुतङ्गानि — आरज्जिकङ्गं, पिण्डपातिकङ्गं, पंसुकूलिकङ्गं, तेचीवरिकङ्गं, सपदानचारिकङ्गं, खलुपच्छाभत्तिकङ्गं, नेसज्जिकङ्गं, यथासन्थतिकङ्गं — इदं वुच्चति वतं न सीलं । वीरियसमादानम्पि वुच्चति वतं न सीलं ।

कामं तचो च न्हारु च अट्टि च अवसिस्सतु, सरीरे उपसुस्सतु मंसलोहितं, यं तं पुरिसथामेन पुरिसबलेन पुरिसवीरियेन पुरिसपरक्कमेन पत्तब्बं न तं अपापुणित्वा वीरियस्स सण्ठानं भविस्सतीति — चित्तं पग्गण्हाति पदहति । एवरूपमि वीरियसमादानं वुच्चति वतं न सीलं ।

“नासिस्सं न पिबिस्सामि, विहारतो न निक्खमे [न निक्खमिं (स्या०) महानि० १७] ।

नपि पस्सं निपातेस्सं, तण्हासल्ले अनुहते”ति ॥

चित्तं पग्गण्हाति पदहति । एवरूपमि वीरियसमादानं वुच्चति वतं न सीलं । न तावाहं इमं पल्लङ्कं भिन्दिस्सामि याव मे न अनुपादाय आसवेहि चित्तं विमुच्चिस्सतीति — चित्तं पग्गण्हाति पदहति । एवरूपमि वीरियसमादानं वुच्चति वतं, न सीलं । न तावाहं इमम्हा आसना वुट्ठहिस्सामि... न तावाहं इमम्हा चङ्कमा ओरोहिस्सामि... विहारा निक्खमिस्सामि... अट्ठयोगा निक्खमिस्सामि... पासादा निक्खमिस्सामि... हम्मिया... गुहाय... लेणा... कुटिया... कूटागारा... अट्ठा... माळा... उट्ठण्डा... उपट्ठानसालाय... मण्डपा... रुक्खमूला निक्खमिस्सामि याव मे न अनुपादाय आसवेहि चित्तं विमुच्चिस्सतीति — चित्तं पग्गण्हाति पदहति । एवरूपमि वीरियसमादानं वुच्चति वतं, न सीलं । इमस्मिज्जेव पुब्बण्हसमयं अरियधम्मं आहरिस्सामि समाहरिस्सामि अधिगच्छिस्सामि फस्सयिस्सामि सच्छिकरिस्सामीति — चित्तं पग्गण्हाति पदहति । एवरूपमि वीरियसमादानं वुच्चति वतं, न सीलं । इमस्मिज्जेव मज्झन्हिकसमयं... सायन्हसमयं ... पुरेभत्तं... पच्छाभत्तं... पुरिमयामं... मज्झिमयामं... पच्छिमयामं... काळे... जुण्हे... वस्से... हेमन्ते... गिम्हे... पुरिमे वयोखन्धे... मज्झिमे वयोखन्धे... पच्छिमे वयोखन्धे अरियधम्मं आहरिस्सामि समाहरिस्सामि अधिगच्छिस्सामि फस्सयिस्सामि सच्छिकरिस्सामीति — चित्तं पग्गण्हाति पदहति । एवरूपमि वीरियसमादानं वुच्चति वतं, न सीलं — अयं सीलब्बतपारिसुद्धि । एदिसाय [कीदिसाय (सी०), ईदिसाय (स्या०)] सीलब्बतपारिसुद्धिया समन्नागतो अस्साति — कानि सीलब्बतानास्सु ।

पहितत्तस्स भिक्खुनोति । पहितत्तस्साति आरब्धवीरियस्स थामगतस्स दळ्हपरक्कमस्स अनिक्खित्तच्छन्दस्स अनिक्खित्तधुरस्स कुसलेसु धम्मेसु । अथ वा पेसितत्तस्स यस्सत्थाय पेसितो अत्तत्थे च जाये च लक्खणे च कारणे च ठानाठाने च । “सब्बे सङ्गारा अनिच्चा”ति पेसितत्तस्स, “सब्बे सङ्गारा दुक्खा”ति पेसितत्तस्स, “सब्बे धम्मा अनत्ता”ति पेसितत्तस्स, “अविज्जापच्चया सङ्गारा”ति पेसितत्तस्स ... पे०... “जातिपच्चया जरामरण”न्ति पेसितत्तस्स, “अविज्जानिरोधा सङ्गारनिरोधो”ति पेसितत्तस्स... पे०... “जातिनिरोधा जरामरणनिरोधो”ति पेसितत्तस्स, “इदं दुक्ख”न्ति पेसितत्तस्स... पे०... “अयं दुक्खनिरोधगामिनी पटिपदा”ति पेसितत्तस्स, “इमे आसवा”ति पेसितत्तस्स... पे०... “अयं आसवनिरोधगामिनी पटिपदा”ति पेसितत्तस्स, “इमे धम्मा अभिज्जेय्या”ति पेसितत्तस्स... पे०... “इमे धम्मा सच्छिकातब्बा”ति पेसितत्तस्स, छन्नं फस्सायतनानं समुदयज्ज अत्थङ्गमज्ज अस्सादज्ज आदीनवज्ज निस्सरणज्ज पेसितत्तस्स, पञ्चन्नं उपादानक्खन्धानं... चतुन्नं महाभूतानं समुदयज्ज अत्थङ्गमज्ज अस्सादज्ज आदीनवज्ज निस्सरणज्ज पेसितत्तस्स, “यं किञ्चि समुदयधम्मं, सब्बं तं निरोधधम्म”न्ति पेसितत्तस्स । **भिक्खुनोति** पुथुज्जनकल्याणकस्स वा भिक्खुनो सेक्खस्स वा भिक्खुनोति — पहितत्तस्स भिक्खुनो ।

तेनाह थेरो सारिपुत्तो —

“क्यास्स ब्यप्पथयो अस्सु, क्यास्सस्सु इध गोचरा ।

कानि सीलब्बतानास्सु, पहितत्तस्स भिक्खुनो”ति ॥

**१९७.कं सो सिक्खं समादाय, एकोदि निपको सतो।
कम्मारो रजतस्सेव, निद्धमे मलमत्तनो॥**

कं सो सिक्खं समादायाति कं सो सिक्खं आदाय समादाय आदियित्वा समादियित्वा गणित्वा परामसित्वा अभिनिविसित्वाति — कं सो सिक्खं समादाय ।

एकोदि निपको सतोति । एकोदीति एकगगचित्तो अविक्खित्तचित्तो अविहाटमानसो समथो समाधिन्द्रियं समाधिबलं...पे०... सम्मासमाधि । निपकोति निपको पण्डितो पञ्जवा बुद्धिमा जाणी विभावी मेधावी । सतोति चतूहि कारणेहि सतो — काये कायानुपस्सनासतिपट्टानं भावेन्तो सतो, वेदनासु...पे०... चित्ते...पे०... धम्मसु धम्मनुपस्सनासतिपट्टानं भावेन्तो सतो । सो वुच्चति सतोति — सतो । कं सो सिक्खं समादायाति अधिसीलसिक्खं पुच्छति । एकोदीति अधिचित्तसिक्खं पुच्छति । निपकोति अधिपञ्जासिक्खं पुच्छति । सतोति पारिसुद्धिं पुच्छतीति — कं सो सिक्खं समादाय, एकोदि निपको सतो ।

कम्मारो रजतस्सेव, निद्धमे मलमत्तनोति । कम्मारो वुच्चति सुवण्णकारो, रजतं वुच्चति जातरूपं । यथा सुवण्णकारो जातरूपस्स ओळारिकम्पि मलं धमति सन्धमति निद्धमति, मज्झिमकम्पि मलं धमति सन्धमति निद्धमति, सुखुमकम्पि मलं धमति सन्धमति निद्धमति; एवमेव भिक्खु अत्तनो ओळारिकेपि किलेसे धमति सन्धमति निद्धमति पजहति विनोदेति ब्यन्तिं करोति अनभावं गमेति, मज्झिमकेपि किलेसे... सुखुमकेपि किलेसे धमति सन्धमति निद्धमति पजहति विनोदेति ब्यन्तिं करोति अनभावं गमेति ।

अथ वा भिक्खु अत्तनो रागमलं दोसमलं मोहमलं मानमलं दिट्ठिमलं किलेसमलं दुच्चरितमलं अन्धकरणं अचक्खुकरणं अज्जाणकरणं पञ्चानिरोधिकं विघातपक्खिकं अनिब्बानसंवत्तनिकं धमति सन्धमति निद्धमति पजहति विनोदेति ब्यन्तिं करोति अनभावं गमेति ।

अथ वा सम्मादिट्ठिया मिच्छादिट्ठिं धमति सन्धमति निद्धमति पजहति विनोदेति ब्यन्तिं करोति अनभावं गमेति । सम्मासङ्कप्पेन मिच्छासङ्कप्पं...पे०... सम्मावाचाय मिच्छावाचं... सम्माकम्मन्तेन मिच्छाकम्मन्तं... सम्माआजीवेन मिच्छाआजीवं... सम्मावायामेन मिच्छावायामं... सम्मासतिया मिच्छासतिं... सम्मासमाधिना मिच्छासमाधिं... सम्माजाणेन मिच्छाजाणं... सम्माविमुत्तिया मिच्छाविमुत्तिं धमति सन्धमति निद्धमति पजहति विनोदेति ब्यन्तिं करोति अनभावं गमेति ।

अथ वा अरियेन अट्ठङ्गिकेन मग्गेन सब्बे किलेसे सब्बे दुच्चरिते सब्बे दरथे सब्बे परिळाहे सब्बे सन्तापे सब्बाकुसलाभिसङ्खारे धमति सन्धमति निद्धमति पजहति विनोदेति ब्यन्तिं करोति अनभावं गमेतीति — कम्मारो रजतस्सेव निद्धमे मलमत्तनो ।

तेनाह थेरो सारिपुत्तो —

“कं सो सिक्खं समादाय, एकोदि निपको सतो ।
कम्मारो रजतस्सेव, निद्धमे मलमत्तनो”ति ॥

१९८.विजिगुच्छमानस्स यदिदं फासु, [सारिपुत्ताति भगवा]

रित्तासनं सयनं सेवतो वे।

सम्बोधिकामस्स यथानुधम्मं, तं ते पवक्खामि यथा पजानं॥

विजिगुच्छमानस्स यदिदं फासूति । विजिगुच्छमानस्साति जातिया विजिगुच्छमानस्स, जराय... ब्याधिना... मरणेन... सोकेहि ... परिदेवेहि... दुक्खेहि... दोमनस्सेहि... उपायासेहि... पे० ... दिट्ठिव्यसनेन दुक्खेन विजिगुच्छमानस्स अट्ठीयमानस्स [अट्ठियमानस्स (स्या० क०)] हरायमानस्साति — विजिगुच्छमानस्स । यदिदं फासूति यं फासुविहारं तं कथयिस्सामि । कतमो फासुविहारो? सम्पापटिपदा अनुलोमपटिपदा अपच्चनीकपटिपदा अविरुद्धपटिपदा अन्वत्थपटिपदा धम्मानुधम्मपटिपदा सीलेसु परिपूरकारिता इन्द्रियेसु गुत्तद्वारता भोजने मत्तञ्जुता जागरियानुयोगो सतिसम्पज्जं चत्तारो सतिपट्ठाना चत्तारो सम्मपधाना चत्तारो इद्धिपादा पञ्चिन्द्रियाणि पञ्च बलानि सत्त बोज्झङ्गा अरियो अट्ठङ्गिको मग्गो निब्बानञ्च निब्बानगामिनी च पटिपदा — अयं फासुविहारोति — विजिगुच्छमानस्स यदिदं फासु ।

सारिपुत्ताति भगवाति । तं थेरं नामेनालपति । भगवाति गारवाधिवचनं । अपि च भग्गरागोति भगवा, भग्गदोसोति भगवा, भग्गमोहोति भगवा, भग्गमानोति भगवा, भग्गदिट्ठीति भगवा, भग्गकण्डकोति भगवा, भग्गकिलेसोति भगवा, भजि विभजि पविभजि [पटिभजि (सी० स्या०) महानि० ५० नत्थि पाठनान्तं] धम्मरतनन्ति भगवा, भवानं अन्तकरोति भगवा, भावितकायो भावितसीलो भावितचित्तो भावितपञ्जोति भगवा; भजि वा भगवा अरञ्जवनपत्थानि पन्तानि सेनासनानि अप्पसद्धानि अप्पनिग्घोसानि विजनवातानि मनुस्सराहस्सेय्यकानि पटिसल्लानसारुप्पानीति भगवा, भागी वा भगवा चीवरपिण्डपातसेनासनगिलानपच्चयभेसज्जपरिक्खारानन्ति भगवा, भागी वा भगवा अत्थरसस्स धम्मरसस्स विमुत्तिरसस्स अधिसीलस्स अधिचित्तस्स अधिपञ्जायाति भगवा, भागी वा भगवा चतुन्नं झानानं चतुन्नं अप्पमज्जानं चतुन्नं आरुप्पसमापत्तीनन्ति भगवा, भागी वा भगवा अट्ठन्नं विमोक्खानं अट्ठन्नं अभिज्जायतनानं नवन्नं अनुपुब्बविहारसमापत्तीनन्ति भगवा, भागी वा भगवा दसन्नं सज्जाभावानानं दसन्नं कसिणसमापत्तीनं आनापानस्सतिसमाधिस्स असुभसमापत्तियाति भगवा, भागी वा भगवा चतुन्नं सतिपट्ठानानं चतुन्नं सम्मपधानानं चतुन्नं इद्धिपादानं पञ्चन्नं इन्द्रियानं पञ्चन्नं बलानं सत्तन्नं बोज्झङ्गानं अरियस्स अट्ठङ्गिकस्स मग्गस्साति भगवा, भागी वा भगवा दसन्नं तथागतबलानं चतुन्नं वेसारज्जानं चतुन्नं पटिसम्भिदानं छन्नं अभिज्जानं छन्नं बुद्धधम्मानन्ति भगवा; भगवाति नेतं नामं मातरा कतं, न पितरा कतं, न भातरा कतं, न भगिनिया कतं, न मित्तामच्चेहि कतं, न जातिसालोहितेहि कतं, न समणब्राह्मणेहि कतं, न देवताहि कतं; विमोक्खन्तिकमेतं बुद्धानं भगवन्तानं बोधिया मूले सह सब्बञ्जुतजाणस्स पटिलाभा सच्छिका पज्जति यदिदं भगवाति — सारिपुत्ताति भगवा ।

रित्तासनं सयनं सेवतो वेति । आसनं वुच्चति यत्थ निसीदति — मज्जो पीठं भिसि तट्टिका चम्मखण्डो तिणसन्थारो पण्णसन्थारो पलालसन्थारो । सयनं वुच्चति सेनासनं विहारो अट्ठयोगो पासादो हम्मियं गुहा । तं सयनासनं असप्पायरूपदस्सनेन रित्तं विवित्तं पविवित्तं, असप्पायसदस्सवनेन...पे०... असप्पायेहि पञ्चहि कामगुणेहि रित्तं विवित्तं पविवित्तं । तं सयनासनं सेवतो निसेवतो संसेवतो पटिसेवतोति — रित्तासनं सयनं सेवतो वे ।

सम्बोधिकामस्स यथानुधम्मन्ति । सम्बोधि वुच्चति चतूसु मग्गेसु जाणं पज्जा पञ्चिन्द्रियं पज्जाबलं...पे०... धम्मविचयसम्बोज्झङ्गो वीमंसा विपस्सना सम्पादिट्ठि । तं सम्बोधिं बुज्झितुकामस्स अनुबुज्झितुकामस्स पटिबुज्झितुकामस्स सम्बुज्झितुकामस्स अधिगन्तुकामस्स फस्सितुकामस्स सच्छिकातुकामस्साति — सम्बोधिकामस्स ।

यथानुधम्मन्ति कतमे बोधिया अनुधम्मा? सम्पापटिपदा अनुलोमपटिपदा अपच्चनीकपटिपदा अविरुद्धपटिपदा

अन्वत्थपटिपदा धम्मनुधम्मपटिपदा सीलेसु परिपूरकारिता इन्द्रियेसु गुत्तद्वारता भोजने मत्तञ्जुता जागरियानुयोगो सतिसम्पज्जं — इमे वुच्चन्ति बोधिया अनुधम्मा । अथ वा चतुन्नं मगगानं पुब्बभागे विपस्सना — इमे वुच्चन्ति बोधिया अनुधम्माति — सम्बोधिकामस्स यथानुधम्मं ।

तं ते पवक्खामि यथा पजानन्ति । तन्ति बोधिया अनुधम्मं । पवक्खामीति पवक्खामि आचिक्खिस्सामि देसेस्सामि पज्जपेस्सामि पठपेस्सामि विवरिस्सामि विभजिस्सामि उत्तानीकरिस्सामि पकासिस्सामि । यथा पजानन्ति यथा पजानं यथा पजानन्तो आजानन्तो विजानन्तो पटिविजानन्तो पटिविज्झन्तो न इतिहितं न इतिकिराय न परम्पराय न पिटकसम्पदाय न तक्कहेतु न नयहेतु न आकारपरिवितक्केन न दिट्ठिनिज्झानक्खन्तिया सामं सयमभिज्जातं अत्तपच्चक्खं धम्मं, तं कथयिस्सामीति — तं ते पवक्खामि यथा पजानं ।

तेनाह भगवा —

“विजिगुच्छमानस्स यदिदं फासु, [सारिपुत्ताति भगवा]
रित्तासनं सयनं सेवतो वे ।
सम्बोधिकामस्स यथानुधम्मं, तं ते पवक्खामि यथा पजान”न्ति ॥

१९९. पञ्चन्नं धीरो भयानं न भाये, भिक्खु सतो सपरियन्तचारी ।
डंसाधिपातानं सरीसपानं [सिरिंसपानं (सी० क०)], मनुस्सफस्सानं चतुप्पदानं ॥

पञ्चन्नं धीरो भयानं न भायेति । धीरोति धीरो पण्डितो पज्जवा बुद्धिमा जाणी विभावी मेधावी । धीरो पञ्चन्नं भयानं न भायेय्य न तसेय्य न सन्तसेय्य न उत्तसेय्य न परित्तसेय्य न सन्तासं आपज्जेय्य, अभीरू अस्स अच्छम्भी अनुत्रासी अपलायी पहीनभयभेरवो विगतलोमहंसो विहरेय्याति — पञ्चन्नं धीरो भयानं न भाये ।

भिक्खु सतो सपरियन्तचारीति । भिक्खूति पृथुज्जनकल्याणको वा भिक्खु सेक्खो वा भिक्खु । सतोति चतूहि कारणेहि सतो — काये कायानुपस्सनासतिपट्टानं भावेन्तो सतो, वेदनासु... पे०... चित्ते... धम्मसेसु धम्मनुपस्सनासतिपट्टानं भावेन्तो सतो — सो वुच्चति सतो । सपरियन्तचारीति चत्तारो परियन्ता — सीलसंवरपरियन्तो, इन्द्रियसंवरपरियन्तो, भोजने मत्तञ्जुतापरियन्तो, जागरियानुयोगपरियन्तो ।

कतमो सीलसंवरपरियन्तो? इध भिक्खु सीलवा होति, पातिमोक्खसंवरसंवृतो विहरति आचारगोचरसम्पन्नो, अणुमत्तेसु वज्जेसु भयदस्सावी, समादाय सिक्खति सिक्खापदेसु । अन्तोपूतिभावं पच्चवेक्खमानो अन्तो सीलसंवरपरियन्ते चरति, मरियादं न भिन्दति — अयं सीलसंवरपरियन्तो ।

कतमो इन्द्रियसंवरपरियन्तो? इध भिक्खु चक्खुना रूपं दिस्वा न निमित्तग्गाही होति नानुब्यञ्जनग्गाही । यत्वाधिकरणमेनं... पे०... चक्खुन्द्रिये संवरं आपज्जति । सोतेन सद्दं सुत्वा... घानेन गन्धं घायित्वा... जिह्वाय रसं सायित्वा... कायेन फोट्ठब्बं फुसित्वा... मनसा धम्मं विज्जाय न निमित्तग्गाही होति नानुब्यञ्जनग्गाही । यत्वाधिकरणमेनं मनिन्द्रियं सुसंवृतं विहरन्तं अभिज्झादोमनस्सा पापका अकुसला धम्मा नान्वास्सवेय्यं, तस्स संवराय पटिपज्जति, रक्खति मनिन्द्रियं, मनिन्द्रिये संवरं आपज्जति । आदित्तपरियायं पच्चवेक्खमानो अन्तो इन्द्रियसंवरपरियन्ते चरति, मरियादं न भिन्दति — अयं

इन्द्रियसंवरपरियन्तो ।

कतमो भोजने मत्तञ्जुतापरियन्तो? इध भिक्खु पटिसङ्घा योनिसो आहारं आहारेति नेव दवाय न मदाय न मण्डनाय न विभूसनाय, यावदेव इमस्स कायस्स ठितिया यापनाय विहिंसूपरतिया ब्रह्मचरियानुगहाय । इति पुराणञ्च वेदनं पटिहङ्गामि नवञ्च वेदनं न उप्पादेस्सामि, यात्रा च मे भविस्सति अनवज्जता च फासुविहारो चाति ।
अक्खब्भञ्जनवणपटिच्छादनपुत्तमंसूपमं पच्चवेक्खमानो अन्तो भोजने मत्तञ्जुतापरियन्ते चरति, मरियादं न भिन्दति — अयं भोजने मत्तञ्जुतापरियन्तो ।

कतमो जागरियानुयोगपरियन्तो? इध भिक्खु दिवसं चङ्कमेन निसज्जाय आवरणीयेहि धम्महे चित्तं परिसोधेति, रत्तिया पठमं यामं चङ्कमेन निसज्जाय आवरणीयेहि धम्महे चित्तं परिसोधेति, रत्तिया मज्झिमं यामं दक्खिणेन पस्सेन सीहसेय्यं कप्पेति पादे पादं अच्छाधाय सतो सम्पजानो उट्ठानसज्जं मनसि करित्वा, रत्तिया पच्छिमं यामं पच्चुट्ठाय चङ्कमेन निसज्जाय आवरणीयेहि धम्महे चित्तं परिसोधेति । भद्देकरत्तविहारं [भद्देकरत्तविहारं (सी० क०)] पच्चवेक्खमानो अन्तो जागरियानुयोगपरियन्ते चरति, मरियादं न भिन्दति — अयं जागरियानुयोगपरियन्तोति — भिक्खु सतो सपरियन्तचारी ।

डंसाधिपातानं सरीसपानन्ति । डंसा वुच्चन्ति पिङ्गलमक्खिकायो । अधिपातका वुच्चन्ति सब्बापि मक्खिकायो । किंकारणा अधिपातका वुच्चन्ति सब्बापि मक्खिकायो? ता उप्पतित्वा उप्पतित्वा खादन्ति; तंकारणा अधिपातका वुच्चन्ति सब्बापि मक्खिकायो । सरीसपा वुच्चन्ति अहीति — डंसाधिपातानं सरीसपानं ।

मनुस्सफस्सानं चतुप्पदानन्ति । मनुस्सफस्सा वुच्चन्ति चोरा वा अस्सु मानवा वा कतकम्मा वा अकतकम्मा वा । ते भिक्खुं पज्हां वा पुच्छेय्युं वादं वा आरोपेय्युं अक्कोसेय्युं परिभासेय्युं रोसेय्युं विरोसेय्युं हिंसेय्युं विहिंसेय्युं हेठेय्युं विहेठेय्युं घातेय्युं उपघातेय्युं उपघातं वा करेय्युं । यो कोचि मनुस्सतो उपघातो — मनुस्सफस्सो । **चतुप्पदानन्ति** सीहा ब्यग्घा दीपि अच्छा तरच्छा कोका महिसा हत्थी । ते भिक्खुं मद्देय्युं खादेय्युं हिंसेय्युं विहिंसेय्युं हेठेय्युं विहेठेय्युं घातेय्युं उपघातेय्युं उपघातं वा करेय्युं । चतुप्पदतो उपघातो यं किञ्चि चतुप्पदभयन्ति — मनुस्सफस्सानं चतुप्पदानं ।

तेनाह भगवा —

“पञ्चन्नं धीरो भयानं न भाये, भिक्खु सतो सपरियन्तचारी ।
डंसाधिपातानं सरीसपानं, मनुस्सफस्सानं चतुप्पदानं”न्ति ॥

२००.परधम्मिकानम्पि न सन्तसेय्य, दिस्वापि तेसं बहुभेरवानि ।
अथापरानि अभिसम्भवेय्य, परिस्सयानि कुसलानुएसी ॥

परधम्मिकानम्पि न सन्तसेय्य, दिस्वापि तेसं बहुभेरवानीति । परधम्मिका वुच्चन्ति सत्त सहधम्मिके ठपेत्वा ये केचि बुद्धे धम्मे सङ्गे अप्पसन्ना । ते भिक्खुं पज्हां वा पुच्छेय्युं वादं वा आरोपेय्युं अक्कोसेय्युं परिभासेय्युं रोसेय्युं विरोसेय्युं हिंसेय्युं विहिंसेय्युं हेठेय्युं विहेठेय्युं घातेय्युं उपघातेय्युं उपघातं वा करेय्युं । तेसं बहुभेरवे पस्सित्वा वा सुणित्वा वा न वेधेय्य न पवेधेय्य न सम्पवेधेय्य न तसेय्य न सन्तसेय्य न उत्तसेय्य न परित्तसेय्य न भायेय्य न सन्तासं आपज्जेय्य, अभीरू अस्स अच्छम्भी अनुत्रासी अपलायी पहीनभयभेरवो विगतलोमहंसो विहरेय्याति — परधम्मिकानम्पि न सन्तसेय्य दिस्वापि तेसं बहुभेरवानि ।

अथापरानि अभिसम्भवेय्य, परिस्सयानि कुसलानुएसीति । अथापरानिपि अत्थि अभिसम्भोतब्बानि अभिभवितब्बानि अज्झोत्थरितब्बानि परियादियितब्बानि मद्दितब्बानि । परिस्सयाति द्वे परिस्सया — पाकटपरिस्सया च पटिच्छन्नपरिस्सया च...पे०... एवम्पि तत्रासयाति — परिस्सया । कुसलानुएसीति सम्मापटिपदं अनुलोमपटिपदं अपच्चनीकपटिपदं अविरुद्धपटिपदं अन्वत्थपटिपदं...पे०... अरियं अट्ठङ्गिकं मग्गं निब्बानञ्च निब्बानगामिनिञ्च पटिपदं एसन्तेन गवेसन्तेन परियेसन्तेन परिस्सया अभिसम्भोतब्बा अभिभवितब्बा अज्झोत्थरितब्बा परियादियितब्बा मद्दितब्बाति — अथापरानि अभिसम्भवेय्य परिस्सयानि कुसलानुएसी ।

तेनाह भगवा —

“परधम्मिकानम्पि न सन्तसेय्य, दिस्वापि तेसं बहुभेरवानि ।
अथापरानि अभिसम्भवेय्य, परिस्सयानि कुसलानुएसी”ति ॥

२०१.आतङ्कफस्सेन खुदाय फुट्टो, सीतं अथुण्हं [अतुण्हं (सी० क०)] अधिवासयेय्य ।
सो तेहि फुट्टो बहुधा अनोको, वीरियपरक्कमं दळ्हं करेय्य ॥

आतङ्कफस्सेन खुदाय फुट्टोति । आतङ्कफस्सो वुच्चति रोगफस्सो । रोगफस्सेन फुट्टो परेतो समोहितो समन्नागतो अस्स; चक्खुरोगेन फुट्टो परेतो समोहितो समन्नागतो अस्स, सोतरोगेन... घानरोगेन... जिह्वारोगेन... कायरोगेन...पे०... डंसमकसवातातपसरीसपसम्फस्सेन फुट्टो परेतो समोहितो समन्नागतो अस्स । खुदा वुच्चति छातको । छातकेन फुट्टो परेतो समोहितो समन्नागतो अस्साति — आतङ्कफस्सेन खुदाय फुट्टो ।

सीतं अथुण्हं अधिवासयेय्याति । सीतन्ति द्वीहि कारणेहि सीतं होति — अब्भन्तरधातुप्पकोपवसेन [अब्भन्तरधातुसङ्कोपवसेन (स्या०)] वा सीतं होति, बहिद्धा उतुवसेन वा सीतं होति । उण्हन्ति द्वीहि कारणेहि उण्हं होति — अब्भन्तरधातुप्पकोपवसेन वा उण्हं होति, बहिद्धा उतुवसेन वा उण्हं होतीति — सीतं अथुण्हं । अधिवासयेय्याति खमो अस्स सीतस्स उण्हस्स जिघच्छाय पिपासाय डंसमकसवातातपसरीसपसम्फस्सानं दुरुत्तानं दुरागतानं वचनपथानं उप्पन्नानं सारीरिकानं वेदनानं दुक्खानं तिब्बानं [तिप्पानं (सी० स्या०)] खरानं कटुकानं असातानं अमनापानं पाणहरानं अधिवासकजातिको अस्साति — सीतं अथुण्हं अधिवासयेय्य ।

सो तेहि फुट्टो बहुधा अनोकोति । सो तेहीति आतङ्कफस्सेन च खुदाय च सीतेन च उण्हेन च फुट्टो परेतो समोहितो समन्नागतो अस्साति — सो तेहि फुट्टो । बहुधाति अनेकविधेहि आकारेहि फुट्टो परेतो समोहितो समन्नागतो अस्साति — सो तेहि फुट्टो बहुधा । अनोकोति अभिसङ्खारसहगतविज्जाणस्स ओकासं न करोतीतिपि — अनोको । अथ वा कायदुच्चरितस्स वचीदुच्चरितस्स मनोदुच्चरितस्स ओकासं न करोतीतिपि — अनोकोति — सो तेहि फुट्टो बहुधा अनोको ।

वीरियपरक्कमं दळ्हं करेय्याति । वीरियपरक्कमो वुच्चति यो चेतसिको वीरियारम्भो निक्कमो परक्कमो उय्यामो वायामो उस्साहो उस्सोळ्ही अप्पटिवानी थामो धिति असिथिलपरक्कमता अनिक्खित्तच्छन्दता अनिक्खित्तधुरता धुरसम्पग्गाहो वीरियं वीरियिन्द्रियं वीरियबलं सम्मावायामो । वीरियपरक्कमं दळ्हं करेय्याति । वीरियं परक्कमं दळ्हं करेय्य थिरं करेय्य, दळ्हसमादानो अस्स अवत्थितसमादानोति — वीरियपरक्कमं दळ्हं करेय्य ।

तेनाह भगवा —

“आतङ्कफस्सेन खुदाय फुट्ठो, सीतं अथुण्हं अधिवासयेय्य ।
सो तेहि फुट्ठो बहुधा अनोको, वीरियपरक्कमं दळ्हं करेय्या”ति ॥

**२०२.थेय्यं न कारे न मुसा भणेय्य, मेत्ताय फस्से तसथावरानि ।
यदाविलत्तं मनसो विजज्जा, कण्हस्स पक्खोति विनोदयेय्य ॥**

थेय्यं न कारे न मुसा भणेय्याति । थेय्यं न कारेति इध भिक्खु अदिन्नादानं पहाय अदिन्नादाना पटिविरतो अस्स दिन्नादायी दिन्नपाटिकङ्खी, अथेनेन सुचिभूतेन अत्तना विहरेय्याति — थेय्यं न कारे । न मुसा भणेय्याति इध भिक्खु मुसावादं पहाय मुसावादा पटिविरतो अस्स सच्चवादी सच्चसन्धो थेतो पच्चयिको अविसंवादको लोकस्साति — थेय्यं न कारे न मुसा भणेय्य ।

मेत्ताय फस्से तसथावरानीति । मेत्ताति या सत्तेसु मेत्ति मेत्तायना मेत्तायितत्तं अनुदया अनुदयना अनुदयितत्तं [अनुदया (सी०) एवमीदिसेसु द्वीसु पदेसुपि द्विभाववसेन । अनुदा अनुदायना अनुदायितत्तं (स्या० क०)] हितेसिता अनुकम्पा अब्यापादो अब्यापज्जो [अब्यापज्जो (स्या० क०)] अदोसो कुसलमूलं । तसाति येसं तसिता तण्हा अप्पहीना, येसञ्च भयभेरेवा अप्पहीना । किंकारणा वुच्चन्ति तसा? ते तसन्ति उत्तसन्ति परितसन्ति भायन्ति सन्तासं आपज्जन्ति; तंकारणा वुच्चन्ति तसा । थावराति येसं तसिता तण्हा पहीना, येसञ्च भयभेरेवा पहीना । किंकारणा वुच्चन्ति थावरा? ते न तसन्ति न उत्तसन्ति न परितसन्ति न भायन्ति सन्तासं न आपज्जन्ति; तंकारणा वुच्चन्ति थावरा । मेत्ताय फस्से तसथावरानीति । तसे च थावरे च मेत्ताय फस्सेय्य फरेय्य, मेत्तासहगतेन चेतसा विपुलेन महग्गतेन अप्पमाणेन अवेरेन अब्यापज्जेन फरित्वा विहरेय्याति — मेत्ताय फस्से तसथावरानि ।

यदाविलत्तं मनसो विजज्जाति । यदाति यदा । मनसोति यं चित्तं मनो मानसं हृदयं पण्डरं मनो मनायतनं मनिन्द्रियं विज्जाणं विज्जाणकखन्धो तज्जा मनोविज्जाणधातु । कायदुच्चरितेन चित्तं आविलं होति लुळितं एरितं घट्टितं चलितं भन्तं अवूपसन्तं । वचीदुच्चरितेन...पे०... मनोदुच्चरितेन... रागेन... दोसेन... मोहेन... कोधेन... उपनाहेन... मक्खेन... पळासेन... इस्साय... मच्छरियेन... मायाय... साठेय्येन... थम्भेन... सारम्भेन... मानेन... अतिमानेन... मदेन... पमादेन... सब्बकिलेसेहि... सब्बदुच्चरितेहि... सब्बदरथेहि... सब्बपरिळाहेहि... सब्बसन्तापेहि... सब्बाकुसलाभिसङ्गारेहि चित्तं आविलं होति लुळितं एरितं घट्टितं चलितं भन्तं अवूपसन्तं । यदाविलत्तं मनसो विजज्जाति । चित्तस्स आविलभावं जानेय्य आजानेय्य विजानेय्य पटिविजानेय्य पटिविज्जेय्याति — यदाविलत्तं मनसो विजज्जा ।

कण्हस्स पक्खोति विनोदयेय्याति । कण्होति यो सो मारो कण्हो अधिपति अन्तगु नमुचि पमत्तबन्धु । कण्हस्स पक्खो मारपक्खो मारपासो मारबळिसं मारामिसं मारविसयो मारनिवासो मारगोचरो मारबन्धनन्ति पजहेय्य विनोदेय्य ब्यन्तिं करेय्य अनभावं गमेय्याति । एवम्पि कण्हस्स पक्खोति विनोदयेय्य । अथ वा कण्हस्स पक्खो मारपक्खो अकुसलपक्खो दुक्खुद्वयो दुक्खविपाको निरयसंवत्तनिको तिरच्छानयोनिसंवत्तनिको पेत्तिविसयसंवत्तनिकोति पजहेय्य विनोदेय्य ब्यन्तिं करेय्य अनभावं गमेय्याति । एवम्पि कण्हस्स पक्खोति विनोदयेय्य ।

तेनाह भगवा —

“थेय्यं न कारे न मुसा भण्येय्य, मेत्ताय फस्से तसथावरानि ।
यदाविलत्तं मनसो विजज्जा, कण्हस्स पक्खोति विनोदयेय्या”ति ॥

**२०३. कोधातिमानस्स वसं न गच्छे, मूलम्पि तेसं पलिखज्ज तिट्ठे ।
अथप्पियं वा पन अप्पियं वा, अद्धा भवन्तो अभिसम्भवेय्य ॥**

कोधातिमानस्स वसं न गच्छेति । कोधोति यो चित्तस्स आघातो पटिघातो...पे०... चण्डिकं असुरोपो अनत्तमनता चित्तस्स । अतिमानोति इधेकच्चो परं अतिमज्जति जातिया वा गोत्तेन वा...पे०... अज्जतरज्जतरेन वा वत्थुना ।
कोधातिमानस्स वसं न गच्छेति । कोधस्स च अतिमानस्स च वसं न गच्छेय्य, कोधज्ज अतिमानज्ज पजहेय्य विनोदेय्य ब्यन्तिं करेय्य अनभावं गमेय्याति — कोधातिमानस्स वसं न गच्छे ।

मूलम्पि तेसं पलिखज्ज तिट्ठेति । कतमं कोधस्स मूलं? अविज्जा मूलं, अयोनिसो मनसिकारो मूलं, अस्मिमानो मूलं, अहिरिकं मूलं, अनोत्तपं मूलं, उद्धच्चं मूलं — इदं कोधस्स मूलं । कतमं अतिमानस्स मूलं? अविज्जा मूलं, अयोनिसो मनसिकारो मूलं, अस्मिमानो मूलं, अहिरिकं मूलं, अनोत्तपं मूलं, उद्धच्चं मूलं — इदं अतिमानस्स मूलं ।
मूलम्पि तेसं पलिखज्ज तिट्ठेति । कोधस्स च अतिमानस्स च मूलं पलिखणित्वा उद्धरित्वा समुद्धरित्वा उप्पाटयित्वा समुप्पाटयित्वा पजहित्वा विनोदेत्वा ब्यन्तिं करित्वा अनभावं गमेत्वा तिट्ठेय्य सन्तिट्ठेय्याति — मूलम्पि तेसं पलिखज्ज तिट्ठे ।

अथप्पियं वा पन अप्पियं वा, अद्धा भवन्तो अभिसम्भवैयाति । अथाति पदसन्धि पदसंसंगो पदपारिपूरी अक्खरसमवायो ब्यज्जनसिलिट्ठता पदानुपुब्बतापेतं — अथाति । पियाति द्वे पिया — सत्ता वा सङ्खारा वा । कतमे सत्ता पिया? इध यास्स [यस्स (स्या०) सुत्तमाला ओलोकेतब्बा] ते होन्ति अत्थकामा हितकामा फासुकामा योगक्खेमकामा माता वा पिता वा भाता वा भगिनी वा पुत्ता वा धीता वा मिता वा अमच्चा वा जाती वा सालोहिता वा — इमे सत्ता पिया । कतमे सङ्खारा पिया? मनापिका रूपा मनापिका सद्दा... गन्धा... रसा... फोडुब्बा — इमे सङ्खारा पिया । अप्पियाति द्वे अप्पिया — सत्ता वा सङ्खारा वा । कतमे सत्ता अप्पिया? इध यास्स ते होन्ति अनत्थकामा अहितकामा अफासुकामा अयोगक्खेमकामा जीविता वोरोपेतुकामा — इमे सत्ता अप्पिया । कतमे सङ्खारा अप्पिया? अमनापिका रूपा अमनापिका सद्दा, गन्धा... रसा... फोडुब्बा — इमे सङ्खारा अप्पिया । अद्धाति एकंसवचनं निस्संसयवचनं निक्कङ्खवचनं अद्वेज्जवचनं अद्वेळ्हकवचनं निय्यानिकवचनं अपण्णकवचनं अवत्थापनवचनमेतं — अद्धाति । अथप्पियं वा पन अप्पियं वा, अद्धा भवन्तो अभिसम्भवेय्याति । पियाप्पियं सातासातं सुखदुक्खं सोमनस्सदोमनस्सं इट्ठानिट्ठं अभिसम्भवन्तो वा अभिभवैय्य अधिभवन्तो वा अभिसम्भवेय्याति — अथप्पियं वा पन अप्पियं वा अद्धा भवन्तो अभिसम्भवेय्य ।

तेनाह भगवा —

“कोधातिमानस्स वसं न गच्छे, मूलम्पि तेसं पलिखज्ज तिट्ठे ।
अथप्पियं वा पन अप्पियं वा, अद्धा भवन्तो अभिसम्भवेय्या”ति ॥

**२०४. प्रज्जं पुरक्खत्वा कल्याणपीति, विक्खम्भये तानि परिस्सयानि ।
अरतिं सहेथ सयनम्हि पन्ते, चतुरो सहेथ परिदेवधम्मे ॥**

पञ्जं पुरक्खत्वा कल्याणपीतीति । पञ्जाति या पञ्जा पजानना विचयो पविचयो धम्मविचयो...पे०... अमोहो सम्मादिट्ठि । **पञ्जं पुरक्खत्वाति** इधेकच्चो पञ्जं पुरतो कत्वा चरति पञ्जाधजो पञ्जाकेतु पञ्जाधिपतेय्यो विचयबहुलो पविचयबहुलो पेक्खायनबहुलो [ओक्खायनबहुलो (बहूसु)] सम्पेक्खायनबहुलो [समोक्खायनबहुलो (सी० स्या०)] विभूतविहारी तच्चरितो तब्बहुलो तग्गरुको तन्निन्नो तप्पोणो तप्पम्भारो तदधिमुत्तो तदधिपतेय्योति । एवम्पि पञ्जं पुरक्खत्वा ।

अथ वा गच्छन्तो वा “गच्छामी”ति पजानाति, ठितो वा “ठितोम्ही”ति पजानाति, निसिन्नो वा “निसिन्नोम्ही”ति पजानाति, सयानो वा “सयानोम्ही”ति पजानाति, यथा यथा वा पनस्स कायो पणिहितो होति तथा तथा नं पजानातीति । एवम्पि पञ्जं पुरक्खत्वा ।

अथ वा अभिक्कन्ते पटिक्कन्ते सम्पजानकारी होति, आलोकिते विलोकिते सम्पजानकारी होति, समिज्जिते पसारिते सम्पजानकारी होति, सङ्घाटिपत्तचीवरधारणे सम्पजानकारी होति, असिते पीते खायिते सायिते सम्पजानकारी होति, उच्चारपस्सावकम्मे सम्पजानकारी होति, गते ठिते निसिन्ने सुत्ते जागरिते भासिते तुण्हिभावे सम्पजानकारी होतीति । एवम्पि पञ्जं पुरक्खत्वा ।

कल्याणपीतीति बुद्धानुस्सतिवसेन उप्पज्जति पीति पामोज्जं [पामुज्जं (स्या०)] — कल्याणपीतीति । धम्मनुस्सति सङ्घानुस्सति सीलानुस्सति चागानुस्सति देवतानुस्सति आनापानस्सति मरणस्सति कायगतासतिवसेन उपसमानुस्सतिवसेन उप्पज्जति पीति पामोज्जं — कल्याणपीतीति — पञ्जं पुरक्खत्वा कल्याणपीति ।

विक्खम्भये तानि परिस्सयानीति । परिस्सयाति द्वे परिस्सया — पाकटपरिस्सया च पटिच्छन्नपरिस्सया च...पे०... इमे वुच्चन्ति पाकटपरिस्सया...पे०... इमे वुच्चन्ति पटिच्छन्नपरिस्सया...पे०... एवम्पि तत्रासयाति — परिस्सया । **विक्खम्भये तानि परिस्सयानीति ।** तानि परिस्सयानि विक्खम्भेय्य अभिभवेय्य अज्झोत्थरेय्य परियादियेय्य मद्देय्याति — विक्खम्भये तानि परिस्सयानि ।

अरतिं सहेथ सयनम्हि पन्तेति । अरतीति या अरति अरतिता अनभिरति अनभिरमणा [अनभिरमना (बहूसु) विभ० ८५६] उक्कण्ठिता परितस्सिता । **सयनम्हि पन्तेति** पन्तेसु वा सेनासनेसु अज्जतरज्जतरेसु वा अधिकुसलेसु धम्मेसु अरतिं सहेय्य अभिभवेय्य अज्झोत्थरेय्य परियादियेय्य मद्देय्याति — अरतिं सहेथ सयनम्हि पन्ते ।

चतुरो सहेथ परिदेवधम्मेति । चत्तारो परिदेवनीये धम्मे सहेय्य परिसहेय्य अभिभवेय्य अज्झोत्थरेय्य परियादियेय्य मद्देय्याति — चतुरो सहेथ परिदेवधम्मे ।

तेनाह भगवा —

“पञ्जं पुरक्खत्वा कल्याणपीति, विक्खम्भये तानि परिस्सयानि ।
अरतिं सहेथ सयनम्हि पन्ते, चतुरो सहेथ परिदेवधम्मे”ति ॥

२०५ किंसू असिस्सं कुव वा [कुहिं वा (सी०), कुवं वा (स्या०), कुथ वा (क०)] असिस्सं, दुक्खं वत सेत्थ कुवज्ज सेस्सं ।

एते वितक्के परिदेवनेय्ये, विनयेथ सेखो अनिकेतचारी [अनिकेतसारी (स्या०)] ॥

किंसू असिस्सं कुव वा असिस्सन्ति । किंसू असिस्सामीति किं भुज्जिस्सामि ओदनं वा कुम्मासं वा सत्तुं वा मच्छं वा मंसं वाति — किंसू असिस्सं । कुव वा असिस्सन्ति कथं भुज्जिस्सामि खत्तियकुले वा ब्राह्मणकुले वा वेस्सकुले वा सुहकुले वाति — किंसू असिस्सं कुव वा असिस्सं ।

दुक्खं वत सेत्थ कुवज्ज सेस्सन्ति इमं रत्तिं दुक्खं सयित्थ फलके वा तट्टिकाय वा चम्मखण्डे वा तिणसन्थारे वा पण्णसन्थारे वा पलालसन्थारे वा । आगामिरत्तिं [आगमनरत्तिं (स्या०)] कथं सुखं सयिस्सामि मज्जे वा पीठे वा भिसिया वा बिम्बोहने वा विहारे वा अट्ठयोगे वा पासादे वा हम्मिये वा गुहाय वाति — दुक्खं वत सेत्थ कुवज्ज सेस्सं ।

एते वितक्के परिदेवनेय्येति । एते वितक्केति द्वे पिण्डपातपटिसज्जुत्ते वितक्के, द्वे सेनासनपटिसज्जुत्ते वितक्के । परिदेवनेय्येति आदेवनेय्ये परिदेवनेय्येति — एते वितक्के परिदेवनेय्ये ।

विनयेथ सेखो अनिकेतचारीति । सेखोति किंकारणा वुच्चति सेखो? सिक्खतीति — सेखो । किञ्च सिक्खति? अधिसीलम्पि सिक्खति, अधिचित्तम्पि सिक्खति, अधिपज्जम्पि सिक्खति । कतमा अधिसीलसिक्खा... पे०... अयं अधिपज्जासिक्खा । इमा तिस्सो सिक्खायो आवज्जन्तो सिक्खति, जानन्तो पस्सन्तो पच्चवेक्खन्तो चित्तं अधिट्ठहन्तो सिक्खति, सद्भाय अधिमुच्चन्तो सिक्खति, वीरियं पग्गणहन्तो, सतिं उपट्ठपेन्तो, चित्तं समादहन्तो, पज्जाय पजानन्तो सिक्खति, अभिज्जेय्यं अभिजानन्तो सिक्खति, परिज्जेय्यं परिजानन्तो, पहातब्बं पजहन्तो, भावेतब्बं भावेन्तो, सच्छिकातब्बं सच्छिकरोन्तो सिक्खति आचरति समाचरति समादाय सिक्खति । तंकारणा वुच्चति — सेखो । विनयाय पटिविनयाय पहानाय वूपसमाय पटिनिस्सगाय पटिपस्सद्भिया अधिसीलम्पि सिक्खेय्य, अधिचित्तम्पि सिक्खेय्य, अधिपज्जम्पि सिक्खेय्य । इमा तिस्सो सिक्खायो आवज्जन्तो सिक्खेय्य जानन्तो... पे०... सच्छिकातब्बं सच्छिकरोन्तो सिक्खेय्य आचरेय्य समाचरेय्य समादाय वत्तेय्याति — विनयेथ सेखो ।

अनिकेतचारीति । कथं निकेतचारी होति? इधेकच्चो कुलपलिबोधेन समन्नागतो होति, गणपलिबोधेन... आवासपलिबोधेन... चीवरपलिबोधेन... पिण्डपातपलिबोधेन... सेनासनपलिबोधेन... गिलानपच्चयभेसज्जपरिक्खारपलिबोधेन समन्नागतो होति । एवं निकेतचारी होति । कथं अनिकेतचारी होति? इध भिक्खु न कुलपलिबोधेन समन्नागतो होति, न गणपलिबोधेन... न आवासपलिबोधेन... न चीवरपलिबोधेन... न पिण्डपातपलिबोधेन... न सेनासनपलिबोधेन... न गिलानपच्चयभेसज्जपरिक्खारपलिबोधेन समन्नागतो होति । एवं अनिकेतचारी होति ।

“मगधं गता कोसलं गता, एकच्चिया पन वज्जिभूमिया ।

मिगा विय असङ्गचारिनो [मागधा विसङ्गचारिनो (स्या०)], अनिकेता विहरन्ति भिक्खवो ॥

“साधु चरितकं साधु सुचरितं, साधु सदा अनिकेतविहारो ।

अत्थपुच्छनं पदक्खिणं कम्मं, एतं सामज्जं अकिञ्चनस्सा”ति ॥

विनयेथ सेखो अनिकेतचारी । तेनाह भगवा —

“किंसू असिस्सं कुव वा असिस्सं, दुक्खं वत सेत्थ कुवज्ज सेस्सं ।
एते वितक्के परिदेवनेय्ये, विनयेथ सेखो अनिकेतचारी”ति ॥

**२०६.अन्नञ्च लब्धा वसनञ्च काले, मत्तं स जज्जा [मत्तं सो जज्जा (स्या०)] इध तोसनत्थं ।
सो तेसु गुत्तो यतचारि गामे, रुसितोपि [दूसितोपि (क०)] वाचं फरुसं न वज्जा ॥**

अन्नञ्च लब्धा वसनञ्च कालेति । अन्नन्ति ओदनो कुम्मासो सत्तु मच्छो मंसं । वसनन्ति छ चीवरानि — खोमं, कप्पासिकं, कोसेय्यं, कम्बलं, साणं, भङ्गं । **अन्नञ्च लब्धा वसनञ्च कालेति ।** चीवरं लभित्वा पिण्डपातं लभित्वा न कुहनाय, न लपनाय, न नेमित्तिकताय, न निष्पेसिकताय, न लाभेन लाभं निजिगीसनताय, न दारुदानेन, न वेळुदानेन, न पत्तदानेन, न पुप्फदानेन, न फलदानेन, न सिनानदानेन, न चुण्णदानेन, न मत्तिकादानेन, न दन्तकट्टदानेन, न मुखोदकदानेन, न चातुकम्यताय, न मुग्गसूप्यताय, न पारिभट्टयताय, न पीठमद्विकताय, न वत्थुविज्जाय, न तिरच्छानविज्जाय, न अङ्गविज्जाय, न नक्खत्तविज्जाय, न दूतगमनेन, न पहिणगमनेन, न जङ्घपेसनिकेन, न वेज्जकम्मेन, न पिण्डपटिपिण्डकेन, न दानानुप्पदानेन धम्मेन समेन लब्धा लभित्वा अधिगन्त्वा विन्दित्वा पटिलभित्वाति — अन्नञ्च लब्धा वसनञ्च काले ।

मत्तं स जज्जा इध तोसनत्थन्ति । मत्तं स जज्जाति द्वीहि कारणेहि मत्तं जानेय्य — पटिग्गहणतो वा परिभोगतो वा । कथं पटिग्गहणतो मत्तं जानाति? थोकेपि दिव्यमाने कुलानुदयाय [कुलानुदयाय (सी० क०)] कुलानुरक्खाय कुलानुकम्पाय पटिग्गहति, बहुकेपि दिव्यमाने कायपरिहारिकं चीवरं पटिग्गहति कुच्छिपरिहारिकं पिण्डपातं पटिग्गहति । एवं पटिग्गहणतो मत्तं जानाति । कथं परिभोगतो मत्तं जानाति?

पटिसङ्घा योनिसो चीवरं पटिसेवति यावदेव सीतस्स पटिघाताय उण्हस्स पटिघाताय डंसमकसवातातपसरीसपसम्फस्सानं पटिघाताय, यावदेव हिरिकोपीनपटिच्छादनत्थं ।

पटिसङ्घा योनिसो पिण्डपातं पटिसेवति नेव दवाय न मदाय न मण्डनाय न विभूसनाय, यावदेव इमस्स कायस्स ठितिया यापनाय विहिंसूपरतिया ब्रह्मचरियानुगहाय । इति पुराणञ्च वेदनं पटिहङ्गामि नवञ्च वेदनं न उप्पादेस्सामि, यात्रा च मे भविस्सति अनवज्जता च फासुविहारो च ।

पटिसङ्घा योनिसो सेनासनं पटिसेवति यावदेव सीतस्स पटिघाताय उण्हस्स पटिघाताय डंसमकसवातातपसरीसपसम्फस्सानं पटिघाताय, यावदेव उतुपरिस्सयविनोदनपटिसल्लानारामत्थं ।

पटिसङ्घा योनिसो गिलानपच्चयभेसज्जपरिक्खारं पटिसेवति यावदेव उप्पन्नानं वेय्याब्याधिकानं [वेय्याबाधिकानं (सी० स्या०)] वेदनानं पटिघाताय अब्यापज्जपरमताय ।

एवं परिभोगतो मत्तं जानाति । **मत्तं स जज्जाति** । इमेहि द्वीहि कारणेहि मत्तं जानेय्य आजानेय्य पटिविजानेय्य पटिविज्जेय्याति — मत्तं स जज्जा ।

इध तोसनत्थन्ति । इध भिक्खु सन्तुडो होति इतरीतरेन चीवरेन इतरीतरचीवरसन्तुडिया च वण्णवादी, न च चीवरहेतु अनेसनं अप्पतिरूपं आपज्जति; अलब्धा च चीवरं न परितस्सति, लब्धा च चीवरं अगधितो अमुच्छितो अनज्झापन्नो,

आदीनवदस्सावी निस्सरणपज्जो परिभुज्जति; ताय च पन इतरीतरचीवरसन्तुट्टिया नेवत्तानुक्कंसेति, न परं वम्भेति । यो हि तत्थ दक्खो अनलसो सम्पजानो पटिस्सतो — अयं वुच्चति भिक्खु पोराणे अग्गज्जे अरियवंसे ठितो ।

पुन चपरं भिक्खु सन्तुट्टो होति इतरीतरेन पिण्डपातेन इतरीतरपिण्डपातसन्तुट्टिया च वण्णवादी, न च पिण्डपातहेतु अनेसनं अप्पतिरूपं आपज्जति, अलद्धा च पिण्डपातं न परितस्सति, लद्धा च पिण्डपातं अगधितो अमुच्छितो अनज्झापन्नो, आदीनवदस्सावी निस्सरणपज्जो परिभुज्जति; ताय च पन इतरीतरपिण्डपातसन्तुट्टिया नेवत्तानुक्कंसेति, न परं वम्भेति । यो हि तत्थ दक्खो अनलसो सम्पजानो पटिस्सतो — अयं वुच्चति भिक्खु पोराणे अग्गज्जे अरियवंसे ठितो ।

पुन चपरं भिक्खु सन्तुट्टो होति इतरीतरेन सेनासनेन इतरीतरसेनासनसन्तुट्टिया च वण्णवादी, न च सेनासनहेतु अनेसनं अप्पतिरूपं आपज्जति, अलद्धा च सेनासनं न परितस्सति, लद्धा च सेनासनं अगधितो अमुच्छितो अनज्झापन्नो, आदीनवदस्सावी निस्सरणपज्जो परिभुज्जति; ताय च पन इतरीतरसेनासनसन्तुट्टिया नेवत्तानुक्कंसेति, न परं वम्भेति । यो हि तत्थ दक्खो अनलसो सम्पजानो पटिस्सतो — अयं वुच्चति भिक्खु पोराणे अग्गज्जे अरियवंसे ठितो ।

पुन चपरं भिक्खु सन्तुट्टो होति इतरीतरेन गिलानपच्चयभेसज्जपरिक्खारेन, इतरीतरगिलानपच्चयभेसज्जपरिक्खारसन्तुट्टिया च वण्णवादी, न च गिलानपच्चयभेसज्जपरिक्खारहेतु अनेसनं अप्पतिरूपं आपज्जति, अलद्धा च गिलानपच्चयभेसज्जपरिक्खारं न परितस्सति, लद्धा च गिलानपच्चयभेसज्जपरिक्खारं अगधितो अमुच्छितो अनज्झापन्नो, आदीनवदस्सावी निस्सरणपज्जो परिभुज्जति; ताय च पन इतरीतरगिलानपच्चयभेसज्जपरिक्खारसन्तुट्टिया नेवत्तानुक्कंसेति, न परं वम्भेति । यो हि तत्थ दक्खो अनलसो सम्पजानो पटिस्सतो — अयं वुच्चति भिक्खु पोराणे अग्गज्जे अरियवंसे ठितोति — मत्तं स जज्जा इध तोसनत्थं ।

सो तेसु गुत्तो यतचारि गामेति । सो तेसु गुत्तोति चीवरे पिण्डपाते सेनासने गिलानपच्चयभेसज्जपरिक्खारे गुत्तो गोपितो रक्खितो संवुतोति । एवम्पि सो तेसु गुत्तो । अथ वा आयतनेसु गुत्तो गोपितो रक्खितो संवुतोति । एवम्पि सो तेसु गुत्तो ।

यतचारि गामेति गामे यतो यत्तो पटियत्तो गुत्तो गोपितो रक्खितो संवुतोति — सो तेसु गुत्तो यतचारि गामे ।

रुसितोपि वाचं फरुसं न वज्जाति । दूसितो खुंसितो वम्भितो घट्टितो गरहितो उपवदितो फरुसेन कक्खळेन नप्पटिवज्जा नप्पटिभण्येय, अक्कोसन्तं न पच्चक्कोसेय्य, रोसन्तं नप्पटिरोसेय्य, भण्डन्तं न पटिभण्डेय्य, न कलहं करेय्य, न भण्डनं करेय्य, न विग्गहं करेय्य, न विवादं करेय्य, न मेधगं करेय्य, कलहं भण्डनं विग्गहं विवादं मेधगं पजहेय्य विनोदेय्य ब्यन्तिं करेय्य अनभावं गमेय्य, कलहभण्डनविग्गहविवादमेधगा आरतो अस्स विरतो पटिविरतो निक्खन्तो निस्सटो विप्पमुत्तो विसज्जुत्तो विमरियादिकतेन चेतसा विहरेय्याति — रुसितोपि वाचं फरुसं न वज्जा ।

तेनाह भगवा —

“अन्नञ्च लद्धा वसनञ्च काले, मत्तं स जज्जा इध तोसनत्थं ।

सो तेसु गुत्तो यतचारि गामे, रुसितोपि वाचं फरुसं न वज्जा”ति ॥

२०७ओक्खित्तचक्खु न च पादलोलो, झानानुयुत्तो बहुजागरस्स ।

उपेक्खमारब्ध समाहितत्तो, तक्कासयं कुक्कुच्चज्युपच्छिन्दे [कुक्कुच्चियूपच्छिन्दे (स्या०)] ॥

ओक्खित्तचक्खु न च पादलोलोति । कथं खित्तचक्खु होति? इधेकच्चो भिक्खु चक्खुलोलो, चक्खुलोलियेन समन्नागतो होति, “अदिट्ठं दक्खितब्बं, दिट्ठं समतिक्कमितब्ब”न्ति आरामेन आरामं उय्यानेन उय्यानं गामेन गामं निगमेन निगमं नगरेन नगरं रट्ठेन रट्ठं जनपदेन जनपदं दीघचारिकं अनवट्ठितचारिकं अनुयुत्तो च होति रूपदस्सनाय । एवम्पि खित्तचक्खु होति ।

अथ वा भिक्खु अन्तरघरं पविट्ठो वीथिं पटिपन्नो असंवुतो गच्छति हत्थिं ओलोकेन्तो, अस्सं ओलोकेन्तो, रथं ओलोकेन्तो, पत्तिं ओलोकेन्तो, इत्थियो ओलोकेन्तो, पुरिसे ओलोकेन्तो, कुमारके ओलोकेन्तो, कुमारिकायो ओलोकेन्तो, अन्तरापणं ओलोकेन्तो, घरमुखानि ओलोकेन्तो, उद्धं ओलोकेन्तो, अधो ओलोकेन्तो, दिसाविदिसं विपेक्खमानो [पेक्खमानो (बहूसु)] गच्छति । एवम्पि खित्तचक्खु होति ।

अथ वा भिक्खु चक्खुना रूपं दिस्वा निमित्तगाही होति अनुब्यञ्जनगाही । यत्त्वाधिकरणमेनं चक्खुन्द्रियं असंवुतं विहरन्तं अभिज्झादोमनस्सा पापका अकुसला धम्मा अन्वास्सवेय्यं, तस्स संवराय नप्पटिपज्जति, न रक्खति चक्खुन्द्रियं, चक्खुन्द्रिये न संवरं आपज्जति । एवम्पि खित्तचक्खु होति ।

यथा वा पनेके भोन्तो समणब्राह्मणा सद्धादेय्यानि भोजनानि भुज्जित्वा ते एवरूपं विसूकदस्सनं अनुयुत्ता विहरन्ति, सेय्यथिदं — नच्चं गीतं वादितं पेक्खं अक्खानं पाणिस्सरं वेताळं कुम्भथूणं सोभनकं चण्डालं वंसं धोवनं हत्थियुद्धं अस्सयुद्धं महिसयुद्धं उसभयुद्धं अजयुद्धं मेण्डयुद्धं कुक्कुटयुद्धं वट्टकयुद्धं दण्डयुद्धं मुट्ठियुद्धं निब्बुद्धं उय्योधिकं बलगं सेनाब्यूहं अनीकदस्सनं इति वा । एवम्पि खित्तचक्खु होति ।

कथं न खित्तचक्खु होति? इधेकच्चो भिक्खु न चक्खुलोलो न चक्खुलोलियेन समन्नागतो होति “अदिट्ठं दक्खितब्बं दिट्ठं समतिक्कमितब्ब”न्ति न आरामेन आरामं न उय्यानेन उय्यानं न गामेन गामं न निगमेन निगमं न नगरेन नगरं न रट्ठेन रट्ठं न जनपदेन जनपदं दीघचारिकं अनवट्ठितचारिकं अननुयुत्तो च होति रूपदस्सनाय । एवम्पि न खित्तचक्खु होति ।

अथ वा भिक्खु अन्तरघरं पविट्ठो वीथिं पटिपन्नो संवुतो गच्छति न हत्थिं ओलोकेन्तो...पे०... न दिसाविदिसं विपेक्खमानो गच्छति । एवम्पि न खित्तचक्खु होति ।

अथ वा भिक्खु चक्खुना रूपं दिस्वा न निमित्तगाही होति...पे०... चक्खुन्द्रिये संवरं आपज्जति । एवम्पि न खित्तचक्खु होति ।

यथा वा पनेके भोन्तो समणब्राह्मणा सद्धादेय्यानि भोजनानि भुज्जित्वा...पे०... अनीकदस्सनं इति वा । एवरूपं विसूकदस्सनानुयोगा पटिविरतो होति । एवम्पि न खित्तचक्खु होतीति — ओक्खित्तचक्खु ।

न च पादलोलोति । कथं पादलोलो होति? इधेकच्चो भिक्खु पादलोलो पादलोलियेन समन्नागतो होति, आरामेन आरामं...पे०... दीघचारिकं अनवट्ठितचारिकं अनुयुत्तो होति रूपदस्सनाय । एवम्पि पादलोलो होति ।

अथ वा भिक्खु अन्तोपि सङ्घारामे पादलोलो पादलोलियेन समन्नागतो होति, न अत्थहेतु न कारणहेतु उद्धतो

अवूपसन्तचित्तो परिवेणतो परिवेणं गच्छति । विहारतो...पे०... इति भवाभवकथं कथेति । एवम्पि पादलोलो होति ।

न च पादलोलोति । पादलोलियं पजहेय्य विनोदेय्य ब्यन्तिं करेय्य अनभावं गमेय्य, पादलोलिया आरतो अस्स विरतो पटिविरतो निक्खन्तो निस्सटो विप्पमुत्तो विसञ्जुत्तो विमरियादिकतेन चेतसा विहरेय्य, पटिसल्लानारामो अस्स पटिसल्लानरतो अज्झत्तं चेतोसमथमनुयुत्तो अनिराकतज्झानो विपस्सनाय समन्नागतो ब्रूहेता सुज्जागारं ज्ञायी ज्ञानरतो एकत्तमनुयुत्तो सदत्थगरुकोति — ओक्खित्तचक्खु न च पादलोलो ।

ज्ञानानुयुत्तो बहुजागरस्साति । ज्ञानानुयुत्तोति द्वीहि कारणेहि ज्ञानानुयुत्तो — अनुप्पन्नस्स वा पठमस्स ज्ञानस्स उप्पादाय युत्तो पयुत्तो आयुत्तो समायुत्तो, अनुप्पन्नस्स वा दुतियस्स ज्ञानस्स... ततियस्स ज्ञानस्स... चतुत्थस्स ज्ञानस्स उप्पादाय युत्तो पयुत्तो आयुत्तो समायुत्तोति । एवम्पि ज्ञानानुयुत्तो । अथ वा उप्पन्नं वा पठमं ज्ञानं आसेवति भावेति बहुलीकरोति [बहुलिं करोति (क०)], उप्पन्नं वा दुतियं ज्ञानं ... ततियं ज्ञानं... चतुत्थं ज्ञानं आसेवति भावेति बहुलीकरोतीति । एवम्पि ज्ञानानुयुत्तो ।

बहुजागरस्साति इध भिक्खु दिवसं चङ्कमेन निसज्जाय आवरणीयेहि धम्मोहि चित्तं परिसोधेति, रत्तिया पठमं यामं चङ्कमेन निसज्जाय आवरणीयेहि धम्मोहि चित्तं परिसोधेति, रत्तिया मज्झिमं यामं दक्खिणेन पस्सेन सीहसेय्यं कप्पेति पादे पादं अच्छाधाय सतो सम्पजानो उट्ठानसज्जं मनसि कत्वा, रत्तिया पच्छिमं यामं पच्चुट्ठाय चङ्कमेन निसज्जाय आवरणीयेहि धम्मोहि चित्तं परिसोधेतीति — ज्ञानानुयुत्तो बहुजागरस्स ।

उपेक्खमारब्ध समाहितत्तोति । उपेक्खाति या चतुत्थे ज्ञाने उपेक्खा उपेक्खना अज्झुपेक्खना चित्तसमता चित्तप्पस्सद्धता मज्झत्तता चित्तस्स । **समाहितत्तोति** या चित्तस्स ठिति सण्ठिति अवट्ठिति अविसाहारो अविकखेपो अविसाहटमानसता समथो समाधिन्द्रियं समाधिबलं सम्मासमाधि । **उपेक्खमारब्ध समाहितत्तोति ।** चतुत्थे ज्ञाने उपेक्खं आरब्ध एकगगचित्तो अविकखित्तचित्तो अविसाहटमानसोति — उपेक्खमारब्ध समाहितत्तो ।

तक्कासयं कुक्कुच्च्यञ्चुपच्छिन्देति । तक्काति नव वितक्का — कामवितक्को, ब्यापादवितक्को, विहिंसावितक्को, जातिवितक्को, जनपदवितक्को, अमरवितक्को, परानुदयतापटिसञ्जुत्तो वितक्को, लाभसक्कारसिलोकपटिसञ्जुत्तो वितक्को, अनवज्जत्तिपटिसञ्जुत्तो वितक्को — इमे वुच्चन्ति नव वितक्का । कामवितक्कानं कामसज्जासयो, ब्यापादवितक्कानं ब्यापादसज्जासयो, विहिंसावितक्कानं विहिंसासज्जासयो । अथ वा तक्कानं वितक्कानं सङ्कप्पानं अविज्जासयो, अयोनिस्सो मनसिकारो आसयो, अस्मिमानो आसयो, अनोत्तप्पं आसयो, उद्धच्चं आसयो ।

कुक्कुच्चन्ति हत्थकुक्कुच्चम्पि कुक्कुच्चं पादकुक्कुच्चम्पि कुक्कुच्चं हत्थपादकुक्कुच्चम्पि कुक्कुच्चं, अकप्पिये कप्पियसज्जिता कप्पिये अकप्पियसज्जिता, अवज्जे वज्जसज्जिता, वज्जे अवज्जसज्जिता । यं एवरूपं कुक्कुच्चं कुक्कुच्चायना कुक्कुच्चायितत्तं चेतसो विप्पटिसारो मनोविलेखो — इदं वुच्चति कुक्कुच्चं ।

अपि च द्वीहि कारणेहि उप्पज्जति कुक्कुच्चं चेतसो विप्पटिसारो मनोविलेखो — कतत्ता च अकतत्ता च । कथं कतत्ता च अकतत्ता च उप्पज्जति कुक्कुच्चं चेतसो विप्पटिसारो मनोविलेखो? “कतं मे कायदुच्चरितं, अकतं मे कायसुचरितं”न्ति उप्पज्जति कुक्कुच्चं चेतसो विप्पटिसारो मनोविलेखो । “कतं मे वचीदुच्चरितं... कतं मे मनोदुच्चरितं... कतो मे पाणातिपातो, अकता मे पाणातिपाता वेरमणी”ति उप्पज्जति कुक्कुच्चं चेतसो विप्पटिसारो मनोविलेखो । “कतं मे

अदिन्नादानं... कतो मे कामेसुमिच्छाचारो... कतो मे मुसावादो... कता मे पिसुणवाचा... कता मे फरुसवाचा... कतो मे सम्फप्पलापो... कता मे अभिज्झा... कतो मे ब्यापादो... कता मे मिच्छादिट्ठि, अकता मे सम्मादिट्ठी”ति उप्पज्जति कुक्कुच्चं चेतसो विप्पटिसारो मनोविलेखो । एवं कतत्ता च अकतत्ता च उप्पज्जति कुक्कुच्चं चेतसो विप्पटिसारो मनोविलेखो ।

अथ वा “सीलेसुम्हि न परिपूरकारी”ति उप्पज्जति कुक्कुच्चं चेतसो विप्पटिसारो मनोविलेखो; “इन्द्रियेसुम्हि अगुत्तद्वारो”ति... “भोजने अमत्तञ्जूम्ही”ति... “जागरियं अननुयुत्तोम्ही”ति... “न सतिसम्पज्जेन समन्नागतोम्ही”ति... “अभाविता मे चत्तारो सतिपट्ठाना”ति... “अभाविता मे चत्तारो सम्पपधाना”ति... “अभाविता मे चत्तारो इन्द्रिपादा”ति... “अभावितानि मे पञ्चिन्द्रियानी”ति... “अभावितानि मे पञ्च बलानी”ति... “अभाविता मे सत्त बोज्झङ्गा”ति... “अभावितो मे अरियो अट्ठङ्गिको मग्गो”ति... “दुक्खं मे अपरिज्वात”न्ति... “दुक्खसमुदयो मे अप्पहीनो”ति... “मग्गो मे अभावितो”ति... “निरोधो मे असच्छिकतो”ति उप्पज्जति कुक्कुच्चं चेतसो विप्पटिसारो मनोविलेखो । **तक्कासयं कुक्कुच्चञ्चुपच्छिन्देति ।** तक्कञ्च तक्कासयञ्च कुक्कुच्चञ्च उपच्छिन्देय्य छिन्देय्य उच्छिन्देय्य समुच्छिन्देय्य पजहेय्य विनोदेय्य ब्यन्तिं करेय्य अनभावं गमेय्याति — तक्कासयं कुक्कुच्चञ्चुपच्छिन्दे ।

तेनाह भगवा —

“ओक्खित्तचक्खु न च पादलोलो, झानानुयुत्तो बहुजागरस्स ।
उपेक्खमारब्भ समाहितत्तो, तक्कासयं कुक्कुच्चञ्चुपच्छिन्दे”ति ॥

**२०८. चुदितो वचीभि सतिमाभिनन्दे, सब्रह्मचारीसु खिलं पभिन्दे ।
वाचं पमुञ्चे कुसलं नातिवेलं, जनवादधम्माय न चेतयेय्य ॥**

चुदितो वचीभि सतिमाभिनन्देति । चुदितोति उपज्झाया वा आचरिया वा समानुपज्झायका वा समानाचरियका वा मिता वा सन्दिट्ठा वा सम्भत्ता वा सहाया वा चोदेन्ति — “इदं ते, आवुसो, अयुत्तं, इदं ते अप्पत्तं, इदं ते असारुप्पं, इदं ते असीलट्ठ”न्ति । सतिं उपट्ठपेत्वा तं चोदनं नन्देय्य अभिनन्देय्य मोदेय्य अनुमोदेय्य इच्छेय्य सादियेय्य पत्थयेय्य पिहयेय्य अभिजप्पेय्य । यथा इत्थी वा पुरिसो वा दहरो युवा मण्डनजातिको सीसंन्हातो उप्पलमालं वा वस्सिकमालं वा अधिमुत्तकमालं वा लभित्वा उभोहि हत्थेहि पटिग्गहेत्वा उत्तमङ्गे सिरस्मिं पतिट्ठापेत्वा नन्देय्य अभिनन्देय्य मोदेय्य अनुमोदेय्य इच्छेय्य सादियेय्य पत्थयेय्य पिहयेय्य अभिजप्पेय्य; एवमेव सतिं उपट्ठपेत्वा तं चोदनं नन्देय्य अभिनन्देय्य मोदेय्य अनुमोदेय्य इच्छेय्य सादियेय्य पत्थयेय्य पिहयेय्य अभिजप्पेय्य ।

“निधीनंव [निधिनंव (क०) ध० प० ७६] पवत्तारं, यं पस्से वज्जदस्सिनं ।
निग्गह्वादिं मेधाविं, तादिसं पण्डितं भजे ॥

“तादिसं भजमानस्स, सेय्यो होति न पापियो ।
ओवदेय्यानुसासेय्य, असब्भा च निवारये ।
सतज्झि सो पियो होति, असतं होति अप्पियो”ति ॥

चुदितो वचीभि सतिमाभिनन्दे, सब्रह्मचारीसु खिलं पभिन्देति । सब्रह्मचारीति एककम्मं एकुद्देसो समसिक्खता ।

सब्रह्मचारीसु खिलं पभिन्देति । सब्रह्मचारीसु आहतचित्तं खिलजातं पभिन्देय्य, पञ्चपि चेतोखिले भिन्देय्य, तयोपि चेतोखिले भिन्देय्य, रागखिलं दोसखिलं मोहखिलं भिन्देय्य पभिन्देय्य सम्भिन्देय्याति — सब्रह्मचारीसु खिलं पभिन्दे ।

वाचं पमुञ्चे कुसलं नातिवेलन्ति । जाणसमुद्धितं वाचं मुञ्चेय्य, अत्थूपसंहितं धम्मूपसंहितं कालेन सापदेसं परियन्तवन्ति वाचं मुञ्चेय्य पमुञ्चेय्याति — वाचं पमुञ्चे कुसलं । नातिवेलन्ति । वेलाति द्वे वेला — कालवेला च सीलवेला च । कतमा कालवेला? कालातिक्कन्तं वाचं न भासेय्य, वेलातिक्कन्तं वाचं न भासेय्य, कालवेलातिक्कन्तं वाचं न भासेय्य, कालं असम्पत्तं वाचं न भासेय्य, वेलं असम्पत्तं वाचं न भासेय्य, कालवेलं असम्पत्तं वाचं न भासेय्य ।

“यो वे [च (स्या०)] काले असम्पत्ते, अतिवेलञ्च भासति ।

एवं सो निहतो सेति, कोकिलायेव [कोकिलियाव (स्या०)] अत्रजो”ति ॥

अयं कालवेला । कतमा सीलवेला? रत्तो वाचं न भासेय्य, दुट्ठो वाचं न भासेय्य, मूळ्हो वाचं न भासेय्य, मुसावादं न भासेय्य, पिसुणवाचं न भासेय्य, फरुसवाचं न भासेय्य, सम्फप्पलापं न भासेय्य न कथेय्य न भणेय्य न दीपयेय्य न वोहरेय्य । अयं सीलवेलाति — वाचं पमुञ्चे कुसलं नातिवेलं ।

जनवादधम्माय न चेतयेय्याति । जनाति खत्तिया च ब्राह्मणा च वेस्सा च सुद्धा च गहट्ठा च पब्बजिता च देवा च मनुस्सा च । जनस्स वादाय उपवादाय निन्दाय गरहाय अकित्तिया अवण्णहारिकाय सीलविपत्तिया वा आचारविपत्तिया वा दिट्ठिविपत्तिया वा आजीवविपत्तिया वा न चेतयेय्य चेतनं न उप्पादेय्य चित्तं न उप्पादेय्य सङ्कप्पं न उप्पादेय्य मनसिकारं न उप्पादेय्याति — जनवादधम्माय न चेतयेय्य ।

तेनाह भगवा —

“चुदितो वचीभि सतिमाभिनन्दे, सब्रह्मचारीसु खिलं पभिन्दे ।

वाचं पमुञ्चे कुसलं नातिवेलं, जनवादधम्माय न चेतयेय्या”ति ॥

२०९.अथापरं पञ्च रजानि लोके, येसं सतीमा विनयाय सिक्खे ।

रूपेसु सहेसु अथो रसेसु, गन्धेसु फस्सेसु सहेथ रागं ॥

अथापरं पञ्च रजानि लोकेति । अथाति पदसन्धि पदसंसग्गो पदपारिपूरी अक्खरसमवायो ब्यञ्जनसिलिडुता पदानुपुब्बतापेतं — अथाति । पञ्च रजानीति रूपरजो, सद्दरजो, गन्धरजो, रसरजो, फोडुब्बरजो ।

“रागो रजो न च पन रेणु वुच्चति, रागस्सेतं अधिवचनं रजोति ।

एतं रजं विप्पजहित्वा [पटिविनोदित्वा (क०)] पण्डिता, विहरन्ति ते विगतरजस्स सासने ॥

“दोसो रजो न च पन रेणु वुच्चति...पे०... ।

विहरन्ति ते विगतरजस्स सासने ॥

“मोहो रजो न च पन रेणु वुच्चति...पे०... ।
विहरन्ति ते विगतरजस्स सासने” ॥

लोकेति अपायलोके मनुस्सलोके देवलोके खन्धलोके धातुलोके आयतनलोकेति — अथापरं पञ्च रजानि लोके ।

येसं सतीमा विनयाय सिक्खेति । येसन्ति रूपरागस्स सद्वरागस्स गन्धरागस्स रसरागस्स फोडुब्बरागस्स ।
सतीमाति या सति अनुस्सति पटिस्सति सति सरणता धारणता अपिलापनता असम्मुस्सनता सतिन्द्रियं सतिबलं
सम्मासति सतिसम्बोज्झङ्गो एकायनमग्गो — अयं वुच्चति सति । इमाय सतिया उपेतो समुपेतो उपगतो समुपगतो उपपन्नो
समुपपन्नो समन्नागतो । सो वुच्चति सतिमा । सिक्खेति तिस्सो सिक्खा — अधिसीलसिक्खा, अधिचित्तसिक्खा,
अधिपज्जासिक्खा । कतमा अधिसीलसिक्खा...पे०... अयं अधिपज्जासिक्खा । येसं सतीमा विनयाय सिक्खेति । सतिमा
पुग्गलो येसं रूपरागस्स सद्वरागस्स गन्धरागस्स रसरागस्स फोडुब्बरागस्स विनयाय पटिविनायाय पहाणाय वूपसमाय
पटिनिस्सगाय पटिपस्सद्भिया अधिसीलम्पि सिक्खेय्य अधिचित्तम्पि सिक्खेय्य अधिपज्जम्पि सिक्खेय्य, इमा तिस्सो
सिक्खायो आवज्जन्तो सिक्खेय्य, जानन्तो सिक्खेय्य...पे०... सच्छिकातब्बं सच्छिकरोन्तो सिक्खेय्य आचरेय्य समाचरेय्य
समादाय वत्तेय्याति — येसं सतीमा विनयाय सिक्खे ।

रूपेसु सद्देसु अथो रसेसु, गन्धेसु फस्सेसु सहेथ रागन्ति । रूपेसु सद्देसु गन्धेसु रसेसु फोडुब्बेसु रागं सहेय्य
परिसहेय्य अभिभवेय्य अज्झोत्थरेय्य परियादियेय्य मद्देय्याति — रूपेसु सद्देसु अथो रसेसु गन्धेसु फस्सेसु सहेथ रागं ।

तेनाह भगवा —

“अथापरं पञ्च रजानि लोके, येसं सतीमा विनयाय सिक्खे ।
रूपेसु सद्देसु अथो रसेसु, गन्धेसु फस्सेसु सहेथ राग”न्ति ॥

२१०. एतेसु धम्मेसु विनेय्य छन्दं, भिक्खु सतिमा सुविमुत्तचित्तो ।
काले सो सम्मा धम्मं परिवीमंसमानो, एकोदिभूतो विहने तमं सो ॥ [इति भगवा]

एतेसु धम्मेसु विनेय्य छन्दन्ति । एतेसूति रूपेसु सद्देसु गन्धेसु रसेसु फोडुब्बेसु । छन्दोति यो कामेसु कामच्छन्दो
कामरागो कामनन्दी कामतण्हा कामस्नेहो कामपरिळाहो काममुच्छा कामज्झोसानं कामोघो कामयोगो कामुपादानं...पे०...
कामच्छन्दनीवरणं । एतेसु धम्मेसु विनेय्य छन्दन्ति । एतेसु धम्मेसु छन्दं विनेय्य पटिविनेय्य पजहेय्य विनोदेय्य ब्यन्तिं
करेय्य अनभावं गमेय्याति — एतेसु धम्मेसु विनेय्य छन्दं ।

भिक्खु सतिमा सुविमुत्तचित्तोति । भिक्खूति पृथुज्जनकल्याणको वा भिक्खु, सेखो वा भिक्खु । सतिमाति या सति
अनुस्सति...पे०... सम्मासति सतिसम्बोज्झङ्गो एकायनमग्गो — अयं वुच्चति सति । इमाय सतिया उपेतो समुपेतो...पे०... सो
वुच्चति सतिमा ।

भिक्खु सतिमा सुविमुत्तचित्तोति । पठमं ज्ञानं समापन्नस्स नीवरणेहि चित्तं मुत्तं विमुत्तं सुविमुत्तं, दुतियं ज्ञानं
समापन्नस्स वितक्कविचारेहि चित्तं मुत्तं विमुत्तं सुविमुत्तं, ततियं ज्ञानं समापन्नस्स पीतिया च चित्तं मुत्तं विमुत्तं सुविमुत्तं,
चतुत्थं ज्ञानं समापन्नस्स सुखदुक्खेहि चित्तं मुत्तं विमुत्तं सुविमुत्तं; आकासानज्वायतनं समापन्नस्स रूपसज्जाय

पटिघसज्जाय नानत्तसज्जाय चित्तं मुत्तं विमुत्तं सुविमुत्तं, विज्जाणज्जायतनं समापन्नस्स आकासानज्जायतनसज्जाय चित्तं... आकिञ्चज्जायतनं समापन्नस्स विज्जाणज्जायतनसज्जाय चित्तं... नेवसज्जानासज्जायतनं समापन्नस्स आकिञ्चज्जायतनसज्जाय चित्तं मुत्तं विमुत्तं सुविमुत्तं; सोतापन्नस्स सक्कायदिट्ठिया विचिकिच्छाय सीलब्धतपरामासा दिट्ठानुसया विचिकिच्छानुसया तदेकट्ठेहि च किलेसेहि चित्तं मुत्तं विमुत्तं सुविमुत्तं, सकदागामिस्स ओळारिका कामरागानुसया पटिघानुसया तदेकट्ठेहि च किलेसेहि चित्तं मुत्तं विमुत्तं सुविमुत्तं, अनागामिस्स अनुसहगता कामरागसज्जोजना पटिघसज्जोजना अनुसहगता कामरागानुसया पटिघानुसया तदेकट्ठेहि च किलेसेहि चित्तं मुत्तं विमुत्तं सुविमुत्तं, अरहतो रूपरागा अरूपरागा माना उद्धच्चा अविज्जाय मानानुसया भवरागानुसया अविज्जानुसया तदेकट्ठेहि च किलेसेहि बहिद्धा च सब्बनिमित्तेहि चित्तं मुत्तं विमुत्तं सुविमुत्तन्ति — भिक्खु सतिमा सुविमुत्तचित्तो ।

कालेन सो सम्मा धम्मं परिवीमंसमानोति । कालेनाति उद्धते चित्ते समथस्स [समाधिस्स (सी०)] कालो, समाहिते चित्ते विपस्सनाय कालो ।

“काले पग्गण्हति चित्तं, निग्गण्हति पुनापरे [अथापरे (स्या०)] ।

सम्पहंसति कालेन, काले चित्तं समादहे ॥

“अज्झुपेक्खति कालेन, सो योगी कालकोविदो ।

किम्हि कालम्हि पग्गाहो, किम्हि काले विनिग्गहो ॥

“किम्हि पहंसनाकालो, समथकालो च कीदिसो ।

उपेक्खाकालं चित्तस्स, कथं दस्सेति योगिनो ॥

“लीने चित्तम्हि पग्गाहो, उद्धतस्मिं विनिग्गहो ।

निरस्सादगतं चित्तं, सम्पहंसेय्य तावदे ॥

“सम्पहट्ठं यदा चित्तं, अलीनं भवतिनुद्धतं ।

समथस्स च सो [समथनिमित्तस्स सो (सी० क०)] कालो, अज्झत्तं रमये मनो ॥

“एतेन मेवुपायेन, यदा होति समाहितं ।

समाहितचित्तमज्जाय, अज्झुपेक्खेय्य तावदे ॥

“एवं कालविदू धीरो, कालञ्जू कालकोविदो ।

कालेन कालं चित्तस्स, निमित्तमुपलक्खये’ति ॥

कालेन सो सम्मा धम्मं परिवीमंसमानोति । “सब्बे सङ्खारा अनिच्चा”ति सम्मा धम्मं परिवीमंसमानो, “सब्बे सङ्खारा दुक्खा”ति सम्मा धम्मं परिवीमंसमानो, “सब्बे धम्मा अनत्ता”ति सम्मा धम्मं परिवीमंसमानो...पे०... “यं किञ्चि समुदयधम्मं सब्बं तं निरोधधम्मं”न्ति — सम्मा धम्मं परिवीमंसमानो ।

एकोदिभूतो विहने तमं सो, इति भगवाति । एकोदीति एकगचित्तो अविक्खित्तचित्तो अविसाहटमानसो समथो

समाधिन्द्रियं समाधिबलं सम्मासमाधीति — एकोदिभूतो । विहने तमं सोति रागतमं दोसतमं मोहतमं दिट्ठितमं मानतमं किलेसतमं दुच्चरिततमं अन्धकरणं अचक्खुकरणं अज्जाणकरणं पज्जानिरोधिकं विघातपक्खिकं अनिब्बानसंवत्तनिकं हनेय्य विहनेय्य पजहेय्य विनोदेय्य व्यन्तिं करेय्य अनभावं गमेय्य ।

भगवाति गारवाधिवचनं । अपि च भग्गरागोति भगवा, भग्गदोसोति भगवा, भग्गमोहोति भगवा, भग्गमानोति भगवा, भग्गदिट्ठीति भगवा, भग्गकण्डकोति भगवा, भग्गकिलेसोति भगवा, भजि विभजि पविभजि धम्मरतनन्ति भगवा, भवानं अन्तकरोति भगवा, भावितकायो भावितसीलो भावितचित्तो भावितपज्जोति भगवा, भजि वा भगवा अरज्जवनपत्थानि पन्तानि सेनासनानि अप्पसद्धानि अप्पनिग्घोसानि विजनवातानि मनुस्सराहस्सेय्यकानि पटिसल्लानसारुप्पानीति भगवा, भागी वा भगवा चीवरपिण्डपातसेनासनगिलानपच्चयभेसज्जपरिक्खारानन्ति भगवा, भागी वा भगवा अत्थरसस्स धम्मरसस्स विमुत्तिरसस्स अधिशीलस्स अधिचित्तस्स अधिपज्जायाति भगवा, भागी वा भगवा चतुन्नं ज्ञानानं चतुन्नं अप्पमज्जानं चतुन्नं अरूपसमापत्तीनन्ति भगवा, भागी वा भगवा अट्ठन्नं विमोक्खानं अट्ठन्नं अभिभायतनानं नवन्नं अनुपुब्बविहारसमापत्तीनन्ति भगवा, भागी वा भगवा दसन्नं सज्जाभावानानं दसन्नं कसिणसमापत्तीनं आनापानस्सतिसमाधिस्स असुभसमापत्तियाति भगवा, भागी वा भगवा चतुन्नं सतिपट्टानानं चतुन्नं सम्मप्पधानानं चतुन्नं इद्धिपादानं पज्चन्नं इन्द्रियानं पज्चन्नं बलानं सत्तन्नं बोज्झङ्गानं अरियस्स अट्ठङ्गिकस्स मग्गस्साति भगवा, भागी वा भगवा दसन्नं तथागतबलानं चतुन्नं वेसारज्जानं चतुन्नं पटिसम्भिदानं छन्नं अभिज्जानं छन्नं बुद्धधम्मानन्ति भगवा, भगवाति नेतं नामं मातरा कतं न पितरा कतं न भातरा कतं न भगिनिया कतं न मित्तामच्चेहि कतं न जातिसालोहितेहि कतं न समणब्राह्मणेहि कतं न देवताहि कतं; विमोक्खन्तिकमेतं बुद्धानं भगवन्तानं बोधिया मूले सह सब्बज्जुतजाणस्स पटिलाभा सच्छिका पज्जत्ति यदिदं भगवाति — एकोदिभूतो विहने तमं सो इति भगवा ।

तेनाह भगवा —

“एतेसु धम्मेसु विनेय्य छन्दं, भिक्खु सतिमा सुविमुत्तचित्तो ।

कालेन सो सम्मा धम्मं परिवीमंसमानो, एकोदिभूतो विहने तमं सो” ॥ [इति भगवाति]

सारिपुत्तसुत्तनिद्देसो सोळसमो ।

अट्ठकवग्गम्हि सोळस सुत्तनिद्देसा समत्ता ।

महानिद्देसपाळि निट्ठिता ।